

RATIONALE IURIS
PONTIFICIJ
AUCTORE IO.
BAPTISTA VIUIANO
VRBINATE...

Giovanni Battista Viviani



11. IX. 3.

M

13-18.A.22

13-17-A-12

RATIONALE IVRIS PONTIFICII

Auctore

IO. BAPTISTA VIVIANO VRBINATE
Presbytero, & I.C. Romano.

*Opus, in quo omnium, quæ à Summis Pontificibus constituta sunt in
Quinque Libris Decretalium, Sexti, Clementinarum,
& Extrauagantium, ratio redditur.*

AD ILLVSTRISS. ET REVERENDISS. D.
D. SCIPIONEM BVRGHESIVM
S. R. E. Card. Summum Pœnitentiarium, &c.

C V M I N D I C I B V S.



*Domus Romana
Hæretica*



*Veritas Regularis
Infirmis.*

ROMAE, Typis Iacobi Mascardi. MD CXVII.
SUPERIORVM PERMISSV.

ILLVSTR.^{MO} AC REVER.^{MO} D.
D. SCIPIONI BVRGHESIO
 S. R. E. CARD. AMPLISS.

IOANNES BAPTISTA VIVIANVS F.



RATIONABILE viget, apud Scriptores, institutum in editione librorum, eos alicui dicare, qui & primariæ sit auctoritatis, & rebus ibi tractatis delectetur. Sic enim fit, vt calumniatores minus detrahre audeant, & ei, cui exhibentur, gratiores existant. Quorum vestigia secutus, mei Rationalis Iuris Pontificij primum, librum typis mandatum, Tibi Illustrissimo Principi, iure, ac merito, offero. Qui non solum Sanctissimi D. N. Pauli V. Pont. Opt. Max. dignissimus nepos existis; verum etiam amplissima Cardinalatus dignitate, Vrbi, Orbiq. præfulges; & in Constitutionibus Apostolicis, de quibus totus huius libri sermo est, eius es eruditionis, vt cum præclara nominis tui gloria, & Summi Pœnitentiarij fungaris officio, & alijs grauioribus Ecclesiæ negotijs, maxima cum prudentia præsis. Rogo igitur, vt ea humanitate, qua, in sublimi honoris fastigio positus, omnibus ad Amplitudinem Tuam confluentibus Te benignissimum præbet; me, opusq. meum sub tuo patrocinio editum, in gratiam suscipias, ac tuearis. Quod, cum omni animi mei affectu, humiliter dono, do, dico. Romæ Quarto Nonas Decembr. 1611.



MARTII MILESII
IURISCONSULTI

AD VIVIANVM

TETPAΣTIXON.

Iuribus & causas, & causis iura reponis
Consciis, ac reddis legibus ipse animam.
Astra aeternis ornat te hinc laudibus, vni
Serta tibi replicans innumeris numeris.

AD LECTOREM.

ΔΙΣΤΙΧΟΝ.

Curat iter longum liber hic, planumq. reducit;
Pontificum ut causis, noscere iura queas.



INDEX

INDEX TITVLORVM HVIVS LIBRI PRIMI.

A

A Etate, & qualitate, & ordine præficiendorū. tit. 14. pag.	295
A Alienatione iudicij mutandi causa facta. tit. 42.	554
Arbitris. tit. 43.	555
Auctoritate, & vsu pallij. tit. 7.	247

B

Bigamis non ordinandis. tit. 21.	335
----------------------------------	-----

C

Clericis peregrinis. tit. 22.	340
Constitutionibus. tit. 2.	17
Consuetudine. tit. 4.	81
Corpore vitiatis ordinandis, vel non. tit. 20.	331

E

Electione, & electi potestate. tit. 6.	98
--	----

F

Filijs presbyterorum ordinandis, vel non. tit. 17.	317
--	-----

H

His, quæ vi, metusue causa fiunt. tit. 40.	537
--	-----

I

In integrum restitutione. tit. 41.	544
------------------------------------	-----

M

Maioritate, & obedientia. tit. 33.	472
------------------------------------	-----

O

Obligatis ad ratiocinia ordinandis, vel non. tit. 19.	330
Officio Archidiaconi. tit. 23.	342
Officio Archipresbyteri. tit. 24.	347
Officio custodis. tit. 27.	350
Officio, & potestate iudicis delegati. tit. 29.	357
Officio iudicis. tit. 32.	470
Officio iudicis ordinarij. tit. 31.	422
Officio Legati. tit. 30.	412

Officio

Index titulorum huius libri primi :

Officio Primicerij . tit. 25.	349
Officio Sacristæ . tit. 26.	349
Officio Vicarij . tit. 28.	352
Ordinaris ab episcopo, qui renuntiavit episcopatu . tit. 13.	293

P

Pactis . tit. 35.	492
Postulando . tit. 37.	505
Postulatione prælatorum . tit. 5.	92
Præcuratoribus . tit. 38.	508

R

Renuntiatione . tit. 9.	252
Rescriptis . tit. 3.	27

S

Sacramentis non iterandis . tit. 16.	315
Sacra vñctione . tit. 15.	309
Scrutinio in ordine faciēdo . tit. 12.	292
Seruis non ordinandis, & eorum manumissione . tit. 18.	325
Summa Trinitate , & fide Catholica . tit. 1.	4
Supplenda negligentia prælatorum . tit. 10.	267
Syndico , & actore . tit. 39.	536

T

Temporibus ordinationum, & qualitate ordinandorū . tit. 11.	275
Translatione episcopi . tit. 7.	244
Transactionibus . tit. 36.	499
Treuga , & pace . tit. 34.	487





INDEX RERVM, QVARVM REDDITVR RATIO IN HOC LIBRO.

A



Abbas quam potestatem habeat in monasterio. pag. 41
Abbas quis eligi debeat. 111. & 301
Abbatis Cisterciensis priuilegia. 267
Abbas quos ordines conferre possit. pag. 307
Abbas quando teneatur ire ad synodum. 476
Abbatissa excommunicare non potest. 478
Absoluendus ab excommunicatione, vel peccatis, quid exprimere debeat. 428
Absolvere in articulo mortis quis possit. 435
Absolutio per vim extorta, non tenet. 543
Absolutio ab excommunicatione à quo demandari possit. 447
Absentia quando equiparetur mortui. 401
Actus cui attribuitur in litteris facultatis. 60
Adulterij causa quando non possit agi per procuratorem. 511
Advocatus quis esse prohibeatur. pag. 471. & 506
Alienatio facta causa mutandi iudicij, non impedit rescriptum obtentum contra alienantem. 554
Altaria quando iterum benedicantur.

tur. 316
Anima rationalis est de fide tenenda forma hominis. 15
Animarum cura cui committenda. pag. 303
Annalia habentes in beneficijs intra quod tempus illa percipiant. 241
Appellatio cur non admittatur à vicario ad episcopum. 89
Appellans ad curiam in causa beneficii quid observare debeat. 230
Appellationis forma qua fit, & illius ommissio quid vitiet. 235
Appellationi per quem actum censetur renunciatum. 367
Appellationis remotio quid importet. 384
Appellatio à quo subdelegato fiat. 377. & ad quem. 378: 403. 407
Appellatio cur non interponatur à correctione nisi excedatur. 437
Arbitri sunt in dispari numero eligendi. 555. & quid sit faciendum, eis discordantibus. 556
Arbitri assignant terminum ad probandum, & ipsi quomodo per iudicem compellantur. 391
Ab arbitris iuris appellatur ad Papam. 405
Arbitrium continens peccatum, non valet. 558
Arbiter electus à clerico non potest praiudicare ecclesie, etiam ad vitam clericum. 556
Arbitrium non potest fieri ab ecclesia in praiudicium superioris. 558
 Arbi-

*Arbiter non potest iudicare ultra
compromissa; ideo coram eo non
fit reconuentio.* 538
*Arbiter quando teneatur requirere
consilium alicuius.* 539
*Arbitrium de spiritualibus in la-
icum solum fieri non potest, sed si
malum cum clerico sic.* 560
*Arbitrorum sententia quomodo in
pœnis interpretetur.* 565
*Arbitri duo quando procedant sine
tertio.* 566
*Arbiter post sententiam assumptus,
quid possit.* 562
*Archiepiscopus quid possit ante pal-
lium, & quid post.* 109 & 432
*Archiepiscopus à quibus consecratur.
pag.* 278
*Archiepiscopi iurisdiclio quando se
extendat in subditos suffraganeo-
rum.* 433 & 448
*Archiepiscopus quomodo puniat suf-
fraganeos.* 449
*Archiepiscopus quibus possit commit-
tere causam ad se delatam.* 434
Archidiaconi officium. 342. Et eius
iurisdiclio. 344 & 345
Archipresbyteri officium. 347
Auditor cause quādo recusetur. 378
*Auditor in Romana curia quid pos-
sit.* 80
*Auaritie etiam suspicio in impositio-
ne pœna cuitanda.* 440

B

B *Aptissima est unum, & quomodo
conferat gratiam.* 16
*Belli tempore qua persona debeant
securitate gaudere.* 489
*Beneficium primum in impetratione
secundi coram quo fit exprimen-
dum.* 57 & 466

Beneficij gratia attenditur ex data. 64
*Beneficium expectans, quando per-
dat gratiam alterius.* 80
*Beneficia incompatibilia quomodo di-
mittenda.* 469
*Beneficium renunciatum quando re-
peti possit.* 253
*Beneficium impetratum à pluribus,
cui debeat.* 363
*Beneficium non collatum intra debi-
tum tempus, per quem postea sit
conferendum.* 269. & quid in regu-
laribus. 274
*Beneficij obtenti expressio non coad-
iuuat eius titulum.* 62
*Beneficia vacantia in curia, sunt Pa-
pa reservata.* 244
*Beneficij impetratio per unum mo-
dum, non validatur per alium.* 62
*Beneficiatus quomodo ardeatur ad
ordines.* 295
*Beneficiatus si non ordinetur intra
debitum tempus, quid amittat.* 307
*Beneficiatus ignoranter non est in
culpa tacendo beneficium ignora-
tum.* 63
*Beneficiatus quando teneatur osten-
dere titulum.* 452 & 469
*Beneficiati absentes quid percipere
possint.* 77
*Beneficium alicuius quomodo in-
terpretetur.* 61
*Bigamus quis dicatur, & bigamia
pœna.* 337 & 339
*Bigamus de iure communi non or-
dinatur.* 335. & quis tum eo di-
spenset. 336
Bona intelliguntur, solutis debitis. 463.

C

C *Ampana plures quanto possint
per religiosos haberi.* 352

Can.

Canonici quando possint cessare à di-
uinis. 449. & quos vocare tunc
debeant. 459

Canonici regularis quando possint
fieri monachis. 302. quando ex-
communicetur per priorem. 476

Canonici quando non habeat vo-
cem in capitulo. 307

Capitulum in quibus succedat, sede
vacante. 481

Capituli pars maior quid statuere
possit. 19. & 85

Capituli pars minor quando prefe-
ratur. 119. & 125

Capituli pars maior debet esse sa-
nior. 150

Cardinales quid considerare debeant
in electione Summi Pontificis, &
à quibus sit eis abstinendum. 159

Cardinales quid possint sede vacan-
te. 223

Cardinales quam iurisdictionem ha-
beant in eorum titulis. 477

Cardinales presentes per quod tem-
pus teneantur, sede vacante, prò
electione Papæ expectare absen-
tes. 157

Cathedralis carens populo, cui pos-
sit conferri. 236

Cathedrali vacante, quid fiat de fru-
ctibus. 238

Causa à Sede Apostolica, quibus com-
mittantur. 66

Causa quibus possint subdelegari. 69

Cessatio à diuinis quid importet, &
quando, & per quos facienda. 439

Citationis commissio potest sub penà
subdelegari. 983

Citatio quando requiratur. 475

Clericus, causa mutandi iudicium,
non debet recipere cessionem à lai-
co. 555

Clericus quando cogatur ad ordi-

nes. 116

Clericus de quibus testari possit. 464

Clericus quando teneatur iurare obe-
dientiam episcopo. 473

Clericus peregrinus quando ordina-
ri possit. 341

Clericus quando postulare non pos-
sit. 505

Chrismatio, & eius effectus. 313

Christiani omnes unguntur. 312

Christiani omnes, de necessitate sa-
lutis subijnt Romano Pontifici. 483.

Coadiutor quando detur beneficia-
to. 271

Collatio beneficij quādo vitatur per
taceturritatem. 467

Commissio quando fit personaliter
exequenda. 395

Compromissum factum per procura-
torem, quando teneat. 561

Compromissum quando expiret per
mortem compromittentium. 562

Compromissum quando transeat ad
heredes compromittentium. 564

Compromissarij quando possint eli-
gere tertium. 463

Compositio super decimis quando te-
neat. 499

Constitutio respicit futura. 17

Confirmans electionem quid facere
debeat. 116

Constitutio ultima derogat priori,
& quādo derogat consuetudini. 25

Confirmatio facta cum oleo, quomodo
suppleatur cum chrismate. 315

Confirmans electum indignum quo-
modo puniatur. 139

Conclauē quomodo disponendum pro
electione Summi Pontificis. 157

Consilium quid sit, & quomodo re-
quirendum. 146. quando fit de
necessitate sequendum. 559

I N D E X.

Conservatoris officium quod sit, quis deputetur, quando subdeleget, quando expiret. 408. & 410

Consuetudo, qua dicatur rationabilis, & eius auctoritas. 81. Et quae irrationabilis, & extirpanda. 86

Corpore vitiatum quando ordinetur. 331

Correctio clericorum quomodo facienda. 466

Custodis officium. 350

Conventio inualida per consensum superioris validatur. 492

D

Decretales per quos fuerint compilata, & cur Doctoribus, & scholaribus Bononia commorantibus dirigantur. pag. 3

Deus qualiter possit per rationem naturalit cognosci, & de ipso, quid credere debeamus. 4

Deus quomodo dederit diversas leges secundum diversa tempora. 6

Divina natura quomodo dicatur tota incarnata. 7. 14

Defectus scientie deicit iam promotum ad curam animarum. 305

Delegatus per plures litteras sub eadem data, quid facere debeat. 358

Delegatus Papa quando subdeleget. 358. & eius potestas in causa. 361. 394

Delegati iurisdiclio quando expiret. 359. 362. 386

Delegatus quando imponat poenam arbitriariam. 360

Delegatus quid possit per simplicem causam commissum sibi facere. 360

Delegatus quando subdelegare possit, & suam sententiam quando

exequatur. 362

Delegato quomodo pareat ordinarius. ibid.

Delegati officium in reum absentem. 362

Delegatus quam formam servare debeat. 363

Delegatio quando transeat ad successorem. 364

Delegatio quid importet in questione de iure praesentandi. 365

Delegatio facta pluribus, quando per unius sententiam exequatur. 366

Delegatus quando recusetur. ibid. Et quando a subdelegato appellatur ad primum delegantem. ibid.

Delegantis morte, quando expiret iurisdiclio delegati. 367

Delegati iurisdiclio perpetuatur per citationem. ibid.

Delegati duo quando procedant sine tertio. 368. 372

Delegati duo, quando unus procedat sine alio. 369. 373

Delegatus ad tempus, per quod tempus expectet contumacem. 374

Delegatus ex qua causa remouetur. 375

Delegatus Papa per quod tempus exequatur sententiam. ibid. Et quid subdelegare possit. 376. Quando compellat suscipere subdelegationem. 382. Et quando ordinarium ad exequendam eius sententiam.

Delegatio probari debet. 387

Delegatus quando teneatur admittere subdelegatum sui collega. 388

Delegatus pronuntians se non iudicem, iurisdiclionem amittit. 391

Delegata iurisdiclio ad quos extendatur. 392

Delegati etas requisita. 393

Dele-

Delegatorum plurium potestas quā-
do expirat per mortem unius ibid.
Delegatus, etiam principis, quando
subdelegare non possit. 394
Delegatus quando non cognoscat de
appellatione à subdelegato. 397.
402
Delegatus quando cognoscat causam
recusationis. 398
Delegati, & vicarij episcopi recusatio
tractatur coram episcopo. ibid.
Delegatus suspectus quando possit
subdelegare. 399
Delegatus quāto possit causam sub-
delegatam reassumere. 400
Delegati plures quando separatim
cognoscant. 403
Delegato mortuo, quando procedat
successor in dignitate. 434
Diocesis, territorium, & districtus,
in quibus differant. 226
Diocesani, qua iura seruare de-
beant. 306
Diocesis diuisio quibus noceat, &
quibus prosit. 412
Dispensatus ad ecclesiam non potest
sine causa remoueri. 130
Dispensatio est odiosa. 325
Dispensatio ad qua se extendat in be-
neficiatio per eam. 454

Ecclēsia vniuersalis est vna, ex-
tra quam nemo saluatur. pag. 7
Ecclesia vacantis bona vsurpantes,
qua pena afficiantur. 146
Ecclesia vacantis bona, bodie ad quos
spectent. 120
Ecclesia cathedralis administrator,
quid possit. 206
Ecclesia cathedrali vacanti Papa
dat visitatorem. 272
Ecclesia cōcessa minori ex dispēatio-
ne, per quem interim regatur. 295

Ecclesia laesa per quod tempus resti-
tuatur. 551
Ecclesia cui sit committenda. 296
Ecclesia laesa quando petat restitutio-
nem in integrum. 544. 542. Etia
contra aliam ecclesiam. 545
Ecclesia erecta in cathedralē, a qui-
bus eximatur. 489
Ecclesia quis seruiat, absente recto-
re causa studij. 195
Electio, quando facienda. 98. qua cō-
firmata, & qua non. 99. 109. 114
Eligendorum ad beneficia curata,
qualitates, qua esse debeant. 105
Eligens indignum, qua pena afficia-
tur. 107. 121
Eligi iterum quis possit. 110
Eligentes qua libertate debeant gau-
dere. 112
Electores quando compromittere
possint. 118
Electiois deuolutio quomodo fiat.
120
Electiois quasi possessio attenditur.
ibid.
Eligendus ad ecclesiam regularem
qualis esse debeat. 122. & 132
Electiois cuius appellatio impe-
diat. 123
Eligendi compromissarius quando
reuocari possit. 126. & 127
Eligendi consuetudo quid possit. ibid.
Electio Imperatoris ad quos spectet.
128.
Electores absentes quando vocandi.
130.
Electoris contemptus quando noceat.
131.
Eligendus in abbatem quis sit. 133.
144.
Electiois cum postulatione concur-
sus qualiter admittendus. 133
Eligentium negligētia per quos sup-
†† 2 plen-

plenda.	135	tur.	169
Eligendi forma in cathedralibus, que esse debeat.	136. & 149	Eligentes quando non possint opponere contra electum.	166
Electio per procuratorem quando fieri possit.	137	Electus quando per minorem partem impugnatur.	167
Electioes clandestinae reprobantur.	ibid.	Electio quando per appellationem ad Papam suspendatur.	168. Et quando ab appellatione illa possint partes recedere.
Electio in debite facta a secularibus consentiens quomodo puniendus.	138	Electiois defectus quomodo examinandi.	169
Electus quando petat confirmationem a Papa.	140	Electioes ecclesiasticas directe, vel indirecte impediennes, puniuntur.	170
Electus quando administret ante confirmationem.	ibid. 162	Electi qui debent petere confirmationem a Papa, quod tempus ad hoc habeant.	176
Electiois expensa per quos facienda.	ibid. 179	Eligentes quando debeant pro confirmatione, adire Papam.	178
Electioem quomodo sequatur collatio.	141. & 145	Eligendi facultas in priuatione canonicorum, ad quos deuoluatur.	181
Electio abbatis ad quos pertineat.	142	Electum impugnans, quid iurare debeat.	183
Electio debet fieri verbo.	143	Electiois pronuntiatio per unum est facienda.	183
Eligendi ius in ecclesia non competit laico, & cur competat ius presentandi.	145. 150	Electiois forma seruanda per compromissarium.	184
Electio quando requirat aliorum consilium, & quomodo.	146	Electio, qua possit per religiosos approbari.	185. & 188
Eligi qui non possit.	148	Electioes duae per aliquem profectui non possunt.	186
Electores, quando variare non possint.	151	Electores quando possint variare ab electione facta.	187
Electioibus impeditis quando currat tempus.	153	Electiois consentiendi licentia, a quo sepe per religiosos impetranda.	188
Electio intra quod tempus possit impugnari.	154. & poena falso opponentis.	155. Et quid exprimat ab ea appellans.	160
Electio qua vota requirat.	156	Electio Romani Pontificis qualiter fiat.	157
Electio intra quod tempus sit praesentanda, intra quod per electum sit consentiendum, & intra quod confirmatio petenda.	164. & 178	Electum impugnans, quando possit in oppositionibus variare.	191
Eligentes indignum quando priuantur.		Eligendi vocem quando Canonici non	

I N D E X.

non habeat, & non agat de con-
temptu. ibid.

Electiōni professorum, qui interesse
possint. 192

Electio, quæ per ordinarium confir-
metur. ibid.

Eligi potest abbas in Episcopum.
198

Electiōnes quæ confirmantur per le-
gatum de latere. 199

Electio ad quos deuoluatur, compro-
missario non eligente. 200

Eligendo indignum, quam pœnam
compromissarius incurrat. 201

Eligendi procurator, quomodo con-
sistatur. 202

Electio quando cassetur, cassata
confirmatiōe. 203

Eligi quæ possit, & quæ possit elige-
re, de monialibus. 207

Electiōnes monialium perturbantes,
quomodo puniantur. 214

Electiōnem post appellatiōnem con-
firmandi, quomodo puniatur. 216

Electio quando possit fieri per plu-
res procuratores. 217

Eligere quando quis possit unum
nomine proprio, & alium nomine
alterius. 219

Eligere quis non potest in absentia
per epistolam. 220

Electi confirmationem, debet præce-
dere crida in ecclesia, an quis op-
ponere velit. 221

Eligi ad prælaturam quando reli-
giosus possit. 222

Electio Papæ ubi faciendâ. 227

Electio Papæ per quos Cardinales
fiat. 228

Electi, qui tenentur ire ad curiam,
adstringuntur etiam sede vacan-
te. 229

Electi euntes ad curiam, non tenen-
tur ibi morari, sede vacante. 240

Electus religiosus, ubi tenetur habe-
re licentiam consentiendi, intra
quod tempus illam petat. 242

Emptor quid recuperet ab ecclesia
restituta in integrum. 244

Episcopus præscribit contra capitu-
lum. 89

Episcopus quando dispenset in ele-
ctiōne simoniace factâ. 152

Episcopus quando dispenset super
ordine, & residentiâ causa studij
194.

Episcopi vicarius, quando des dimis-
soriales ad ordines. 288

Episcoporum translatiō spectat ad
Papam. 245

Episcopi cessio quando per senectu-
tem admittenda. 252

Episcopatus credendi legitima causæ,
quæ sint. 257

Episcopus, qui renuntiavit, quando
possit ad episcopatum reassumi.
262

Episcopus, qui renuntiavit, quando
possit ordines conferre. 294

Episcopo capto ab hostibus, quis ad-
ministrat ecclesiam. 272

Episcopus à quibus consecratur. 278

Episcopi originis, domicilij, & benefi-
cij possunt ordinare, & dimissoria-
les dare. 288

Episcopus quos religiosos ordinare
possit. 290

Episcopus cum quibus, & ad quæ be-
neficia dispenset. 306

Episcopus in consecratione quomodo
ungatur. 310

Episcopus quomodo crimina puniat.
422.

Episcopus potest inuocare, ubi opus
est, brachium seculare. 423

Episcopus quomodo arguat, quando
non

non sit ut iudex. 424
 Episcopus quomodo debeat provide-
 re populis diuersarum lingua-
 rum. 441
 Episcopus quos ministros habere de-
 beat. 442
 Episcopus quos debeat instituere in
 cathedralibus, & collegiatis. 443
 Episcopo, qua iura debeantur ab ec-
 clesijs. 444
 Episcopus quos debeat habere secum
 in uisitatione monasterij. ibid.
 Episcopus ubi possit pro tribunali se-
 dere. 458
 Episcopus praestit Principibus. 474
 Episcopo debetur obedientia ab om-
 nibus de diocesi. 473
 Episcopus potest constituere procura-
 torem, licet non sit dominus. 514
 Excommunicatus an possit absolui
 inuitus. 536
 Excommunicatus quid rescriptum
 possit impetrare. 539
 Excommunicationis obiectio intra
 quod tempus sit probanda. 369
 Excommunicationis absolutio per
 quem sit facienda. 370
 Excommunicatus, quando sit absol-
 uendus. 389
 Excommunicatio delegati quando
 obfit subdelegato. 404
 Excommunicatio lata ab uno ordi-
 nario, est ab alijs seruanda, nec si-
 ne illo relaxanda. 426. & 430
 Excommunicato coacte communi-
 cans quando excommunicationem
 incurrat. 540
 Executor quando habeat rei cogni-
 tionem. 384
 Executor Pape, quando exequatur,
 mortuo Papa. 402
 Executor Papa quando subdelet. 406

Executor quando possit exequi ex-
 tra locum sibi commissum. 407

F

Filia quando teneatur seruare
 pactum de non succedendo. 498
 Filius quando non possit praesse ec-
 clesiae, cui praefuit pater. 318. 320.
 Et quando possit per Episcopum inde
 amoueri. 319. Et hoc quando sine
 discussione iudicij. 321
 Filius familias potest esse procurator
 in iudicio. 328
 Francia Regni Ordinarij qua pos-
 sint ex concessione Sixti Quarti.
 490
 Fratres mendicantes, qua pacta pos-
 sint facere sine alio superiorum
 consensu. 497

G

Germania discordia inter reli-
 giosos mendicantes, & paro-
 chialium rectores, qualiter com-
 possit. 491
 Gratia facta à Principe, regulariter
 intelligitur sine alterius praiudi-
 cio. 64
 Gratia generalis non praiudicat spe-
 ciali, de qua non facit mentionem.
 65
 Gratia alicuius se remittens, non in-
 telligitur iuri suo remittiari. 163
 Gracia ecclesiae in ordinationibus, &
 consecrationibus debet seruare om-
 nitiones, quas seruat ecclesia Ro-
 mana. 309
 Graecus quando possit ordinari ab
 Episcopo latino. 280. Et cuius Epi-
 scopi debeat habere licentiam. 281

Ha-

H

Hereticus qui fit, & unde dicatur. 13

I

Illegitimus ad qua beneficia non promouetur sine Papa dispensatione. 323. & in quibus cum eo dispenset episcopus. 324

Illegitimus potest postulari, non eligi. 117. quando possit ordinari. 317. quando fit ab ecclesia remouendus. 318

Illegitimè quando de uxore nascitur. 322

Imagines sanctorum qualiter sint venerande. 452

Impotentia quando intelligatur per voluntatem. 308

Imperij translatio quando facta. 328

Imperatoris electio ad quos spectet. ibidem.

Imperator à Papa approbatur, inauguratur, & coronatur, si est dignus; & reijcitur, si est indignus. 129

Imperatoris in electione quid Papa suppleat. 130

Inducia, quae sint danda in iudicijs. 516.

Inobediens quando excommunicare possit. 472. Quando fiat infamis. 474

Iudex debet studiose agere, ut promissa adimpleantur. 493

Iudex quid possit recipere à partibus. 70. quando possit assumere assefforem. 71. quando debeat taxare salarium notarij. 72. quando debeat vocare testes. 73. quis delegari possit. 79

Iudicij delegati potestas. 317

Iudex quando debeat dare parti aduocatum. 470

Iudicij ordinarij officium. 422

Iudex superior quando praefigat inferiori terminum ad procedendum. 438

Iudicium idè esse debet de conexis. 18

Iur canonicum omnes ligat. 17

Iurisdictio in una diocesi, quando se extendat in aliam. 457

Iuramentum de renuntiando non extenditur ad non repetendum. 540

L

Layci non possunt statuerè super rebus, vel personis ecclesiasticis. 20. & 32

Laycus potest esse procurator in causis spiritualibus. 322

Legati officium. 412. & eius potestas. 413

Legatus per relationem cause facta ad Papam, in illa desinit effectus iudex. 414

Legatus de latere, quae beneficia conferat. 415. Eo presente, minor legatus dimittit officij executionem. 415

Legatus non de latere, quos excommunicatos absoluat. 416

Legati statuta durant, etiam legatione finita. 417. eius delegati iurisdictio quando expiret. 417. & quando reservationes. 419

Legati non Cardinales quando conferant beneficia. 418

Legatus Papa habet iurisditionem ordinariam. 418

Legati collectio per vacaturnis prioris beneficij quando vitietur. 418

Lxx

LIBER DE EPI

Lex cur prodatur, & eius effectus. 1.
quando obligare incipiat. 4
Lex diocesana in quibus differat à
lege iurisdictionis. 445
Litis contestatio quando facièda. 478

M

Mandatum generale ad nego-
 tia, etiam ad iudicia se exten-
 dit. 528
Manus impressio prætermissa in or-
dinando, quomodo supplenda. 316
Medico quando imputetur morbi in-
firmi. 299
Membri defectus quando impediatur
ordinari. 332
Metus amissionis bonorum, quando
rescindat actum. 538
Metus, qui potest cadere in constan-
tem virum qualis sit. 541
Metropolitano quodnam iuramen-
tum à suffraganeo præstetur. 479
Monachus quando possit in diuersa
religione ministrare. 281
Monachus in quibus causis possit po-
stulare. 506
Monialium electiones, & qua sint in-
eis obseruanda. 208
Mors non inducit positionem noua
voluntatis. 401
Mulier, quando possit esse arbitra-
trix. 557

O

Obligatus ratiocinans quādo or-
 dinari possit. 330
Oeconomus quando in ecclesia va-
cante ponendus. 417
Officium Camerarij, & summi Pæ-
nitentiarij, durat etiam mortuo
Papa. 225

Officialis per generalem commissio-
nem quid possit. 356
Officiales in terris ecclesie quomodo
ponendi. 488
Ordines sacri quibus diebus conse-
crantur à Papa. 275. Et quibus ab
alijs episcopis. 276. & 282. Et qui-
bis minores. 276
Ordinari qui non debeat. 277. 281.
& 331. Que licentia requiratur
in religioso ordinando. 278
Ordinans extra debita tempora pu-
niendus, & similiter ordinatus.
279. & 283.
Ordinari quando non debeat Græcus
à Latinis, nec è contra. 279
Ordinum in executione quis dispen-
set. 284
Ordinatus à Papa in quibus bono-
retur, & in quibus grauetur.
281. & 474
Ordinatus in sacris sine titulo, quo-
modo prouidendus. 303. & 319
Ordinandorum ætas. 303
Ordinatus prius, est præferendus. 472
& 480.
Ordinatus criminosus quam pœnam
incurrat. 285
Ordinari quando possit vltremonta-
nus. 286
Ordinans clericum alienum, quam
pœnam incurrat. 287
Ordinandi à quo sint subditi, episco-
po suspensio. 288
Ordinare, & dimissoriales dare, qui
Episcopi possint. ibid.
Ordinandus quando præsumatur di-
gnus, & quid de eo respondendum.
292
Ordinatus ab excommunicato per
quos dispensetur. 294
Ordinarius quando suppleat negli-
gentiam delegati. 429. & quan-
do ab-

I N D E X.

- batis. 430
*Ordinarius quando per rescriptum
 confectur factus delegatus.* 436
- P
- P**Acta, quantumcunque nuda, ser-
 uanda. 492
*Pactum de resignando beneficium
 pro re temporali, non valet.* 493
*Pactum de succedendo post mortem
 pralati in ecclesia, non valet.* 493
*Pactum in preiudicium alterius ec-
 clesie, non tenet.* 494
*Pactio in spiritualibus, qua inducit
 peccatum, vel de re turpi, aut im-
 possibili, non valet.* 495
*Pactum de augenda pensione pro suc-
 cessione in ecclesia, non valet.* 494
*Pallium quando archiepiscopo tra-
 dendum.* 100. *ubi illo uti possit.*
 247. 250. *quid per illud conferra-
 tur.* 248. *Papa semper, & ubi-
 que illo utitur.* 249
*Pallij traditio quando per criminum
 obiectum retardetur.* 251
*Papa mortuo extra curiam, ubi sit
 facienda electio, & qua seruanda.*
 158. 227. *& quid in illa non
 possit excipi contra Cardinales.*
 227.
Papa potest renuntiare papatu.
 264.
Papa subsunt omnes Christiani.
 341.
Papa habet utrumque gladium.
 484. *Omnes iudicat, & à nemi-
 ne iudicatur.* 485
*Papa morte audita, est à fidelibus
 pro eius anima, & pro bona ele-
 ctione futuri Pontificis orandum.*
 160.
- Parochialis cui conferenda.* 172. 298.
in ea quid à paroco prestandum.
 174. *super eius residentia quan-
 do, & per quem sit dispensan-
 dum.* 174. *cui possit commendari.*
 176
*Parochus quod tempus habeat ad or-
 dines suscipiendos.* 196. *& poena
 illos non suscipientis.* 197
*Patriarchali ecclesia vacanti, est per
 Papam providendum.* 243
*Patriarcha quam iurisdictionem ha-
 beat.* 432
Pœna sunt restringenda. 23. *quo-
 modo sint imponenda.* 382. 397.
 440.
*Pœna partis impediensis, causa pro-
 gressum.* 385
*Pœna violantis sigilla, & aperientis
 litteras alterius.* 388
*Pensionibus quando non sint benefi-
 cia grauanda.* 275
Postulatio, qua sit admittenda. 93.
quando possit in ea variari. 94.
quis sit postulandus. 95. *qua for-
 ma in ea seruanda.* 96
*Postulandi officium, quibus sit inter-
 dictum.* 306
*Pralatus celans subditorum delicta
 quomodo puniendus.* 455
*Pralatus quando succedat in bonis
 clericorum obuentium.* 464
*Pralati non debent discurrere,
 praesertim habitum transformato.*
 485.
*Pralati venientes ad curiam, non
 debent inde recedere sine licentia
 Papa.* 486. *& contrasacientes,
 quam poenam incurrant.* 487
Primicerij officium quod sit. 349
Prohibitum à lege est peccatum.
 18.

† † † Pro-

I N D E X.

Promoti in curia intra quod tempus debeant expedire litteras. 241
Procurator quando possit prorogare iudicis iurisdictionem. 387
Procurator debet docere de mandato. 508. *quando possit reuocari.* 514. 524. *quando à domino repetat expensas.* 512. *datus in solidum cum pluribus, quando praefertur alijs.* 518
Procuratorem constituens debet plena libertate gaudere. 515
Procurator quomodo sit cõstitutus à reo, & quomodo ab actore. 516. *reuocatus, quando licite interueniat in iudicio.* 517. *quando teneatur prosequi causam appellationis.* 520. *quando possit dare alium procuratorem.* 523. *datus ad negotia liberius agit, quàm datus ad iudicia.* 524. *non potest impetire dominum, ne interueniat in iudicio.* 525. *quando possit reuocare à se substitutum.* 526. *generalis, quando agat ex gentia speciale mandatum.* 527
Procurator excommunicati à quibus repellatur. 531
Procurator potest esse laicus in causis spiritualibus. 522
Procurator substituens, quando etiã ipse remaneat procurator. 526. *ad iudicia debet esse maior.* 25. *annis; ad negotia maior xvij.* 529. *constitutus cum alio, quando possit solus agere.* 530. *datus cum alio in solidum, si dimisit negotiũ, quando reassumat.* 530. *constitutus simpliciter cum alio in causis spiritualibus, quando solus agat.* 531. *qui renuit acceptare mandatum, quamdiu penitere possit.*

531. *quando censetur reuocatus per domini comparitionem.*
 532. *quando possit constitui religiosus.* 435
Procurator habens speciale mandatum ad aliqua, ad qua alia se extendat. 534. *datus à rectore ecclesie cessat per illius mortem.* 536. *ad qua obligetur per acceptationem procurationis.* 534
Procurator ad contrahendum matrimonium, debet habere speciale mandatum. 532. *& quando substituat.* 533. *& reuocatus, etiam ignoranter, non contrahit.* 533

R

Reges quomodo ungantur. 311
Recusari quando possit locus ad iudicium, & quando index. 389.
Regulares, quid possint in ecclesijs in respectu patronatus ipsorum. 268
Religiosis sufficit licentia superioris sine conuentu ad consentiendum in electionem de ipsis factam. 188.
Religiosus ordinandus quam licentiam habere debeat. 278
Religiosi debent habere syndicum, qui causas monasterij defendat. 536.
Religionis professio facta per timorem, quando teneat. 238
Renuntiatio pralatura, quando intelligatur facta, ut prauiat. 263.
Renuntiandi causa legitima, qua sint. 260. *& per quem aduocanda.* 264
Renuntiatio, quando dicatur fieri in frau-

fraudem. 265
Renuntiatio potest fieri per procuratorem speciale. 266
Renuntiatio beneficij facta per metum quando non teneat. 539
Res amissa quomodo probentur, & super eis qualiter iuret. 542.
Rescriptum, cui privilegio deroget. 27. in eo, quae clausula subintelligantur. 27. posterius quando deroget priori. 28. 42. quando per falsam latinam vitetur. 39. quomodo interpretetur. 38. quae sit poena malitiosae impetrantis, & simplicitas quando excuset. 40. in executione plurium rescriptorum ad delegatos, quomodo cognoscat ordinarius. 43. quae subreptio, vel obreptio vitiet. 45. ad quas dietas extendatur. 46. per quos possit impetrari. 47. quando debeat cognoscere iudex ad quem. 48. statuta data priori, non praesentationi. 48. 64.
Rescripto impetrato, per quem actum intelligatur renuntiari. 49
Rescriptum, quando non possit per procuratorem impetrari. 50
Rescriptum ad quod extendatur. 51.
 52. ordo in eo exprimendorum. 53. in rescriptis ad beneficia, quae sit intentio Papae. 54. in directis ad excommunicatorem, quid per eum sit faciendum. 55. poena abutentis rescripto. 58. qui sint in rescripto exprimendi. 59
Rescriptum Papae directum ordinario, quando ei det novam iurisdictionem. 436. 447
Rems quomodo sit per rescriptum conveniendus. 78
Restitutio in integrum, quando et-

clesia detur. 544. 551. 552. quando maiori. 546. quando minori. 549.
Restituitur ecclesia lesa, etiam contra sententiam Papae. 547
Restitutionis causa quomodo tractetur. 547. quando suspendat executionem sententiae. 548. a quibus sit postulanda. 550. intra quod tempus. 553
Romani Pontificis electio quomodo facienda. 101. 156
Romanus Pontifex cur non utatur baculo pastoralis. 314

S

Sacerdos qui ordinari debeat. 304.
Sacramentum Altaris non potest confici, nisi per sacerdotem rite ordinatum. 7
Sacramenta convenienter sunt septem. 8
Sacrista officium quod sit. 349
Senatoris Romani electio de quo sit facienda. 180.
Sententia lata contra absentem, quando sit nulla. 509
Sententia quando sit in procuratorem ferenda, & quando in dominum. 514.
Sepeliri quando quis non possit in loco solito per pactum ab eo factum. 496
Sepultus a schismaticis quando sit exhumandus. 316
Servus ordinari non debet. 326. & quid si ordinetur. 327. quas operas possit in eum dominus retinere. 328. in quibus sequatur ventrem. 329.

I N D E X

<i>Sexti Quarti concessiones ordinarijs Regni Francia.</i>	490
<i>Spiritus sanctus à Patre, filioque pro cedit.</i>	12
<i>Statutum quos liget.</i>	26
<i>Subdelegatus subdelegare nō potest.</i>	
379. ab eo, ad quē appelletur.	380.
quādo recusetur.	381. eius facultas.
385. quando possit à delegato remo ueri.	390
<i>Subditus quando possit impedire do minij mutationem.</i>	481
<i>Suffraganei excommunicati iurisdic tio non deuoluitur ad metropo litanum.</i>	270
<i>Subdiaconatus ordo est sacer.</i>	300
<i>Subdiacono fit manuum impositio , qua si fuerit pratermissa, supple tur.</i>	315
<i>Suspensus à beneficio, quando illo pri uetur.</i>	300
<i>Succedens delegato in officio, qua possit de commissis ad illum.</i>	434
<i>Successor in officio, quando incurrat in excommunicationem praece sso ris.</i>	355
<i>Symbola fidei qua sint.</i>	7
<i>Syndicus est à monasterijs habendus.</i>	
536	
<i>Synodus episcopi quando adstringat abbates, & alios sacerdotes ad in teressendum.</i>	475

T

T <i>Empore belli, qua persona dea beant securitate gaudere.</i>	489
<i>Testibus quis debeat administrare ex pensas.</i>	74
<i>Testium receptio quando subdele gateur.</i>	411
<i>Testari de quibus possit per clericum.</i>	

465.	
<i>Timore facta, quando rescindantur.</i>	537
<i>Tonsura cui sit conferenda.</i>	290.
291	
<i>Transactio tollit contraria iura par tium.</i>	499
<i>Transactio facta à praelato, quando possit impugnari per capitulum.</i>	300
<i>Transactio super beneficio ecclesia stico, vel eius annexis, fieri non potest.</i>	500. 503
<i>Transactio quando obliget praelatum, & non ecclesiam.</i>	501. 502
<i>Transactionis mediator non potest impetrare beneficium vacans per illam.</i>	502
<i>Transactio inter partes, quando sit à iudice procuranda.</i>	504
<i>Treuga quibus diebus seruanda.</i>	488
<i>Trinitatis sanctissima cognitio, & eius vestigium in creaturis, quo modo habeatur.</i>	5.
<i>Trinitatis persona quomodo distin guantur.</i>	10.

V

V <i>Acante episcopatum, quid possit capitulum.</i>	479
<i>Vestimenta sacerdotum alias quando sint iterum benedicenda.</i>	316
<i>Vicarius episcopi quando det dimissoriales ad ordines.</i>	289
<i>Vicarij officium quod sit.</i>	352
<i>Vicarias plures unus habere non po test.</i>	353
<i>Vicarius non potest substituere vica rium.</i>	353
<i>Vicarij Papa iurisdic tio.</i>	354
<i>Vica-</i>	

I N D E X.

<i>Vicarj quomodo seruire compellantur.</i>	354	<i>& de quibus fit providendus.</i>	458
<i>Vicaria perpetua quando dicatur ecclesia curata.</i>	356	<i>Visitatio monasterij quomodo per episcopum facienda.</i>	467
<i>Vicarj episcopi recusatio tractatur coram episcopo.</i>	398	<i>Vlramontani, quando possint ab alieno episcopo ordinari.</i>	340
<i>Virilium abscissio quando impediat ordinari.</i>	333	<i>Vniuersitas scholarium potest procuratorem constituere.</i>	§ 13.
<i>Visitans nomine episcopi, à quibus,</i>			



IN NOMINE DOMINI.

PRæta, quæsumus, omnipotens Deus; vt semper rationabilia meditantès: quæ tibi sunt placita, & dictis exequamur, & factis. Per dominum nostrum Iesum Christum Filium tuum. Qui tecum viuit, & regnat, in vnitæte Spiritus sancti Deus; per omnia sæcula sæculorum. Amen.

P R O O E M I V M.

PRæclara Philosophi sententia est: Omnes homines ad scientiam natura esse propensos: Scireque, esse rem per causam cognoscere. Genus enim humanum, rationis munere à Deo Opt. Max. præ cæteris animantibus, illustratū atque distinctum, maximè delectatur, quasi artifex in opere suo, dum ratiocinando, alicuius effectus causam, acumine percipit intellectus. Hinc videmus, ad philosophiam, in qua rerum causæ exquiruntur, promptiori, & alacriori animo homines ferri, quàm ad legum studium. in quo, cursu temporis, scribentium multitudo induxit, vt magis Doctorum auctoritas, quàm legum veritas; eorumq; communis opinio potius, quàm iurium causa, & ratio, à plebisque inuestigetur. Cum tamen omnes fateantur: Legibus esse iudicandum. Rationem censerì animam legis: per eamq. illius dispositionem, restringendam vel ampliandam esse. Nullamq. extare legem, quæ si non explicitè, saltem implicitè non habeat rationem insertam. Ac facilius esse, ex apprehensione rationis, innumeros propè casus ab illa pendentes, rectè iudicare, quàm illa non attenta, quid per alios in similibus fuerit decisum, velle, perscrutando, per exempla sectari. De singularibus namq. & indiuiduis non est scientia, neque numerus. Et quamuis consentaneum sit credere, nullam esse Iuriconsultorum sententiam absque rationis fundamento, pro communi receptam: Sæpe tamen euenit, vt vnus post alterum, & tertius post ipsum, alicuius dictum sequantur, qui de re aliqua fortasse bene scripserit, & idèò apud cæteros sit auctoritatem adeptus. Quòd si primus ille in reliquis errauerit, omnes, cum sine rationis inquisitione sectantes, simulq. communem

P R O O E M I V M.

munem opinionem constituentes, in eundem prolabantur errorem. Euenit etiam, vt tanta sit copia Doctorum, hinc inde de communi opinione certantium, vt quæ verè sit communis, non facile dijudicari possit. Et dum in causis versantes, non inquirenda lege & eius ratione, sed in reperienda communi opinione intendunt, conterunt longum tempus in libris pene innumeris euoluendis, plus laboris quàm voluptatis in studio sentientes: Quod ni legalis facultas esset necessaria ad populos gubernandos, & utilis ad opes comparandas, non multi ad illam applicarent animum. Quibus ego rationibus adductus, non inutile fore putari, si modus inueniretur, quo etiam in legali studio, quod moralis philosophiæ pars est, eius methodus, ac suauitas perciperetur, & ita quodammodo vtile dulci misceretur; illudq; quod modo librorum coactione videtur opus immensum, ad aliqua præfinita volumina redigeretur. Sic enim fieret, vt studium iucundum homines ad se alliceret & excitaret; & difficultas, ac longitudo operis, eos non abduceret, aut deterreret. Sic leges, non solum vt formidabilia præcepta apprehenderent, sed etiam vt rationabilis scientia cognoscerentur; ideoq; & magis diligerentur, & libentius seruarentur. Sic pauperes solerti ingenio præditi, propter expensas librorum ab hoc studio non excluderentur. Aliaque commoda, & vtilitates, quas Plato enumerat in illis Ciuitatibus quibus Philosophi præfunt, sperandum esset vt ex inde orirentur. Intentione sciendi opus, ex quo in iure Pontificio propositus iste finis aliquo pacto adiungetur, Romæ laboraui pluribus annis, in reperiunda assignandaq; ratione singulis propositionibus cuiusque Capituli Decretalium, Sexti, Clementinarum, & Extrauagantium. Ad rationes adiungendo auctoritates vnde assumuntur, vt constet illas non esse fictitias; & ne recederem à regulis huius studij, in quo erubescimus sine lege, & auctoritate loqui. Quæ sit rei difficultas, percipi potest ex illa Iurisconsultorum sententia: Non omnium, quæ à maioribus constituta sunt, rationem reddi posse. l. non omnium. ff. de legib. Et ex Aristotile 1. Ethicor. cap. 3. asserente: In scientia morali, propter difficultatem demonstrandi, satis esse, si pingui quadam minerua, atque adumbratafiguratione, verum ostendatur. Et quidem aliquarum legum reddere rationem, facile est; multarum, studiosum; omnium verò, & singularum propositionum earum, rationesq; semper auctoritatibus confirmare, hoc opus, hic labor. In propositionibus assumendis non recessi à verbis ordinarij, & ab omnibus recepti summarij, ne ipsarum sensum, quis suspicaretur immutatum. Capitibus tamen, quibus decrat, illud confeci, vt quod textus continet, breuius habeatur; & cui libet propositioni ratio distinctius assignetur. Auctoritates sic censui adducendas, vt nec copia confundat textum, nec inopia rationibus minuat fidem. Illasque non solum ex Iure Canonico, & eius magis approbatis expositioribus, sed etiam ex sacra Theologia, & ex Iure Cæsareo, aliquando

PARVO OE. M DV M

do etiam ex Philosophia, prout res explicandæ requirebant, retuli as-
sumptas; ut quāmunanimiter omnes disciplinæ ad idem statuendum
confluant, ubi ratio suadet, intelligatur. Post titulum Decretalium,
nulla alia re interposita, titulos aliorum voluminum, eodem nomine in-
scriptos, inserui, ne ad diversa loca, pro eiusdem rei cognitione, studio-
so lectori esset euagandum. Sed quoniam ad totum opus perficiendum,
& expoliendum, adhuc aliquo tempore indigeo; interim non ab re exi-
stimavi emitte primum librum, qui & sit de meo labore indicium, &
per illum mihi innotescat, quodnam fiat de huiusmodi meo studio iudi-
cium. Si enim hunc gratum esse cognouerō, libentius alios quatuor li-
bros quamprimum edere studebo. In his namq; operibus inuigilando,
me delectat imitari Reuerendiss. Gasparem Viuium bo. me. pa-
truum meum; Episcopum Anagninum, qui plurimum in Dei ecclesia
elaborauit, præclaraq; ingenij monumenta reliquit, ut Dominus, qui tra-
dit in hæc vita talenta, æternam vitam dignetur elargiri in Cœlis.
Amen.



RATIONALÈ
PRIMI LIBRI
IVRIS PONTIFICII.

Auctore

IO. BAPTISTA VIVIANO VRBINATE
Presbytero, & Iuris Conf. Romano.

EX PROOEMIO DECRETALIVM.

Gregorius &c.

LEX proditur, ut appetitus noxius sub iuris regula limitetur.



QUIA Rex pacificus pia miseratione disposuit, sibi subditos fore pudicos, pacificos, & modestos; sed effrenata cupiditas sui prodiga, pacis æmula, mater litium, materia iurgiorum; tot quotidie noua litigia generat, vt nisi iustitia conatus eius sua virtute reprimeret, & quaestiones ipsius implicitas explicaret, ius humani fœderis litigatorum abusus extingueret, & dato libello repudij, concordia extra mundi terminos exularet. vt in tex. & S. Thom.

1.2.q.96. art.2.& 3.

PER quam genus humanum, vt honestè viuat, alterum non lædat, ius suum unicuique tribuat, informatur.

QUIA omnia iuris præcepta pertinent ad aliquod istorum trium, Iustitia. ff. de iust. & iur. per quæ homines retrahuntur à malo, & incitantur ad bonum, nam honestè viuere, pertinet ad mores quantum ad se: Alterum non lædere, pertinet ad mores circa proximum, vt quis malum illi non inferat; ius suum unicuique tribuere, pertinet ad proximum circa bonum illi inferendum. glos. hic ver. honeste, & sequen.

Λ

& cap.

& cap. omnis autem lex. dist. 3. Non enim sufficit abstinere à malo, nisi fiat etiam bonum: S. Gregor. in homilia Euangelij: Sint lumini vestri præcincti, & lucernæ ardentes in manibus vestris. Luc. cap. 12.

GREGORIVS IX. *Pont. Max. ad communem, & maximè studentium utilitatem, prouidit redigendas per Fratrem Raymundum Capellanum suum, & penitentiarium (modo Sanctum canonizatum à Summo Pont. Clemente VIII. die 29. Aprilis 1601.) in vnum volumen diuersas constitutiones summorum Pontificum eius prædecessorum, aliquas adiiciens de suis.*

QUIA illæ constitutiones, & epistolæ decretales in diuersa dispersa volumina non bene obseruabantur, & earum aliquæ propter nimiam similitudinem, aliquæ propter contrarietatem, nonnullæ etiam propter sui prolixitatem, confusionem inducere videbantur; aliquæ vero vagabantur extra illa volumina, & tanquam incertæ frequenter in iudicijs vacillabant; Ideo Summus Pont. Greg. IX. prouidit fieri hanc decretalium compilationem, & refecatis superfluis, adiecit aliquas constitutiones suas; per quas nonnulla, quæ in prioribus erant dubia, declarantur, & nonnulla de nouo statuuntur. vt in tex. & infra in Proæmio Sexti. Compilatio autem ista fuit facta anno Domini 1237. Platina in vita ipsius Greg. & Genebr. in Cronolog.

ALIAE decretalium compilationes, absque Sedis Apostolicæ auctoritate fieri non possunt.

QUIA iste summus Pontifex volens, vt hac tantum compilatione vniuersi, & singuli vtantur in iudicijs, & scholis, districtius prohibet, ne quis præsumat aliam facere absque Sedis Apostolicæ auctoritate speciali, vt in tex. Et quoniam vbi superior aliquid prohibet, subditis contrauenire non licet. cap. 2. de maior. & obed. & Papa est superior omnium. cap. nouit. de iudic. Ideo contra id, quod hic statuitur, alicui compilare decretales non licet. vt in text. & cap. pastoralis. de fid. instrum.

EX PROOEMIO VI. DECRETAL.³

Bonifacius &c.

BONIFACIUS VIII. Pont. Max. fecit compilari Sextum Decretalium.

QUIA post compilationem factam à Gregorio IX. diuersæ constitutiones Summorum Pontificum, editæ à tempore dicti Gregorij vsque ad ipsum Bonifacium, extra volumina vagabantur. Ideo Bonifacius fecit illas redigere in vnum volumen, quas censuit in futurum in iudicijs, & scholis fore vtilis, aliquas adiiciens etiam de suis, reliquas verò, quas superfluas existimauit, omnino rescacuit; præci- piens, vt in iudicijs, & scholis, omnes his decretalibus vtantur. vt in tex. Compilatio ista fuit facta anno Domini 1300. Platina in vita ipsius Bonif. & frater Iacobus Philippus Heremitanus in sua Cronologia.

EX PROOEMIO CLEMENTINAR.

Ioannes &c.

CLEMENS V. Pont. Max. collegit in vnum volumen diuersas constitutiones editas ab ipso in Concilio Viennensi, & etiam ante, & post ipsum Concilium.

QUIA iste summus Pont. Clemens V. prudenter attendens, & pro- uide cupiens de reformatione reformationi prospicere, soluere, difficilia, ac sanctiones questionibus, & negotijs imminētibus consonas promulgare, has constitutiones edidit; in quibus multa vtilia statuit, atque salubria, & nonnulla dubia in iudicijs, & extra, frequentata deci- dit. Et licet eas collectas in vnum volumen, & sub congruis titulis col- locatas mittere decreuisset, & dare in commune subiectis, morte ta- men præuentus, suum in hac parte propositum non impleuit; Sed Ioan- nes vigesimus secundus eius successor illas collectas publicauit, & do- ctoribus, scholaribusque Bononiæ commorantibus transmisit, vt in tex. Hi autem Summi Pontifices transmiserunt hæc volumina constitutio- num doctoribus, & scholaribus Bononiæ, quia ibi, tunc maxime vige- bat studium commune, & generale. præcipue in vtroque iure, & ibi qua- si de omnibus mundi partibus tunc præsertim erant studentes; ideo po- tius Bononiam diriguntur, vt per ipsos possint facilius vbique edoceri

A 2 & ob-

& obseruari. glos. ver. Bononiz. supra in proœmio Decretalium. Frustra enim fierent iura, nisi essent, qui ea reddere possent. l. 2. §. parum. ff. de orig. iur. Obligant tamen etiam ceteros ad illarum obseruantiam: Nam constitutio Principis post duos menses à tempore publicationis omnes adstringit. c. nouerit. de sent. excom. & Authent. vt factz nouz constit. circa princ. coll. 5. Compilatio ista fuit edita anno Domini 1310. Platina in vita ipsius Clem. & Genebrardus in sua Cronologia.

DE SVMMA TRINITATE, ET FIDE CATHOLICA.

In Decretal. Cap. I. Firmiter.

FIRMITER credere debemus, & simpliciter confiteri, quod unus solus est verus Deus, eternus, immensus, & incommutabilis, omnipotens, & ineffabilis; scilicet, Pater, & Filius, & Spiritus sanctus; tres quidem persona, sed una essentia, substantia, seu natura simplex omnino. Pater à nullo, Filius à Patre solo, & Spiritus sanctus pariter ab utroque absque initio, semper, ac sine fine; Pater generans; Filius nascens; & Spiritus sanctus procedens; consubstantiales, & coæquales, & coomnipotentes, & coeterni; unū uniuersorum principium; creator omnium visibilium, & inuisibilium, spiritualium, & corporalium; qui sua omnipotenti virtute simul ab initio temporis, utramque de nihilo condidit creaturam, spiritualem, & corporalem; angelicam, videlicet, & mundanā; ac deinde humanam, quasi communem ex spiritu, & corpore constitutam; diabolus enim, & alij demones, à Deo quidem natura creati sunt boni; sed ipsi per se facti sunt mali; Homo vero Diaboli suggestionē peccauit.



D cognitionem Trinitatis diuinarum personarum, per rationem naturalem peruenire, impossibile est; Nam homo per rationem naturalem in cognitionem Dei peruenire non potest, nisi ex creaturis; Creaturæ autem ducunt in Dei cognitionem, sicut effectus in causam. Hoc igitur solum ratione naturali de Deo cognosci potest, quod competere ei necesse est, secundum quod est omnium entium principiū. Virtus

De summa Trinit. & Fide Cath. 5

Virtus autem creatiua Dei est communis toti Trinitati; vnde pertinet ad vnitatem essentiae, non ad distinctionem personarum. Per rationem igitur naturalem cognosci possunt de Deo ea, quae pertinent ad vnitatem essentiae, non autem ea, quae pertinent ad distinctionem personarum. Qui autem probare nititur Trinitatem personarum naturali ratione, fidei dupliciter derogat. Primo quidem quantum ad dignitatem ipsius fidei, quae est, vt sit de rebus inuisibilibus, quae rationem humanam excedunt; vnde Apost. dicit ad Hebr. 11. quod fides est de non apparentibus. & 1. ad Corinth. cap. 2. Sapientiam loquimur inter perfectos. Sapientiam verò non huius saeculi, neque principum huius saeculi; sed loquimur Dei sapientiam in mysterio, quae abscondita est. Secundo quantum ad vtilitatem trahendi alios ad fidem; cum enim aliquis ad probandam fidem inducit rationes, quae non sunt cogentes, cedit in irrisionem infidelium. Credunt enim, quod huiusmodi rationibus innitatur, & propter eas credamus. Quae igitur fidei sunt, non sunt tentanda probare, nisi per auctoritates, his qui auctoritates suscipiunt. Apud alios verò sufficit defendere non esse impossibile, quod praedicat fides; vnde Dionys. dicit 2. cap. de diuin. nomin. Si aliquis est, qui totaliter eloquijs resistit, longe erit à nostra philosophia; Si autem ad veritatem eloquiorum, scilicet, sacrorum respicit, hoc & nos canone vtimur S. Thom. in 1. part. quaest. 32. art. 1.

In vnaquaque tamen creatura inuenitur vestigium Trinitatis, vt inquit S. August. lib. 6. de Trinit. non procul à fine libri. Nam in creaturis rationalibus, in quibus est intellectus, & voluntas, inuenitur representatio Trinitatis per modum imaginis, in quantum inuenitur in eis verbum conceptum, & amor procedens; Sed in creaturis omnibus inuenitur representatio Trinitatis per modum vestigij, in quantum in qualibet creatura inueniuntur aliqua, quae necesse est reducere in diuinas personas, sicut in causam. Quaelibet enim creatura subsistit in suo esse, & habet formam, per quam determinatur ad speciem, & habet ordinem ad aliquid aliud. Secundum igitur, quod est quaedam substantia creata representat causam, & principium, & sic demonstrat personam Patris, qui est principium non de principio. Secundum autem, quod habet quandam formam, & speciem, representat verbum, secundum quod forma artificij est ex conceptione artificis. Secundum autem, quod habet ordinem, representat Spiritum sanctum, in quantum est amor; quia ordo effectus ad aliquid alterum est ex voluntate creantis. S. Tho. in 1. part. quaest. 45. art. 7. Ponitur etiam simile in anima hominis, quae cum sit simplex, tria tamen reperiuntur in ea, scilicet, intellectus, memoria, & voluntas. S. August. lib. 10. de Trinit. cap. 11. Et aliae similitudines colliguntur per Mag. sent. lib. 1. dist. 3. Sed non potest dari tanta similitudo inter creatorem, & creaturam, quin maior dissimilitudo sit notanda. S. August. de Trinit. lib. 15. cap. 20.

HAEC

H A E C Sancta Trinitas secundum communem essentiam indiuidua, & secundum personales proprietates discreta, primo per Moysen, & sanctos Prophetas, aliosque famulos suos, iuxta ordinatissimam dispositionem temporum, doctrinam humano generi tribuit salutarem.

QU I A tria fuerunt tempora, scilicet, tempus ante legem, tempus sub lege, & tempus gratiæ. In tempore ante legem habebant homines ius naturale, quo regebantur, quod consistebat in his duobus præceptis; vno scilicet; quo quisque iubetur alij facere, quod sibi vult fieri; altero, quo prohibetur alij inferre, quod sibi nolit fieri. dist. 1. in princ. Vnde Christus in Euangelio: Omnia quæcunque vultis vt faciant vobis homines, & vos eadem facite illis; hæc est enim lex, & prophetæ. Matth. cap. 7.

In tempore sub lege regebantur decalogo Moysei dato à Deo, & tunc contingebant omnia in figura, quæ completa fuerunt tempore gratiæ, quando Dei filius nos docuit præcepta euangelica, quibus hodie regimur, in quo scripturæ fuerunt completæ. S. Tho. 1. 2. quæst. 106. art. 4. Et hic est ordo, de quo hic dicitur. gloss. hic. ver. ordinatissimam. Decebat enim in legum institutione, vt gradatim ad perfectiorem deueniretur. S. Tho. d. quæst. 106. art. 3.

E T tandem vnigenitus Dei Filius Iesus Christus à tota Trinitate communitè incarnatus ex Maria semper Virgine Spiritus sancti cooperatione conceptus, verus homo factus, ex anima rationali, & humana carne compositus, vna in duabus naturis persona, viam vitæ manifestius demonstravit. Qui cum secundum diuinitatem sit immortalis, & impassibilis, idem ipse factus est mortalis, & passibilis. Qui etiam pro salute humani generis in ligno crucis passus, & mortuus, descendit ad inferos, resurrexit à mortuis, & ascendit in cælum; sed descendit in anima, & resurrexit in carne, ascenditque pariter in utroque; venturus in fine sæculi, iudicaturus viuos, & mortuos, & redditurus singulis secundum opera sua, tam reprobis, quam electis; qui omnes cum suis proprijs resurgent corporibus, quæ nunc gestant, vt recipiant secundum opera sua, siue bona fuerint, siue mala; illi cum diabolo pœnam perpetuam, & isti cum Christo gloriam sempiternam.

VNIGENITVS Dei filius à tota Trinitate communiter est incarnatus, vt in tex. quia opera Trinitatis sunt inseparabilia. S. August. in Enchir. cap. 38. & habetur in c. fin. de consecr. dist. 3. Et incarnatio est actus assumptis, qui procedit ex diuina virtute, quæ communis est tribus personis; sed terminus assumptionis est personæ; & ideo id, quod est actionis in assumptione, commune est tribus personis; sed id, quod pertinet ad rationem termini, conuenit ita vni personæ, quod non alij; Tres enim personæ fecerunt, vt humana natura vniretur vni personæ filij; Dicitur autem tota natura diuina incarnata, non quia sit incarnata in omnibus personis; sed quia nihil deest de perfectione diuinæ naturæ personæ incarnatæ. S. Tho. in 3. par. quæst. 3. art. 4. Et cum in hoc cap. tractetur de articulis fidei, hic est notandum, quod post symbolum Apostolorum, quod est, Credo in Deum, &c. quatuor Concilia prodita fuerunt olim à Sanctis Patribus, de Summa Trinitate, & fide Catholica, contra quosdam hæreticos, qui de summa Trinitate, & fide Catholica perperam sentiebant; & in istis Concilijs fuerunt condemnati; de quibus Concilijs legitur dist. 15. cap. 1. & de fide Catholica legitur. dist. 23. cap. 2. Est & aliud symbolum maius, quod cantatur in Missa, in Nicæna Synodo factum propter Græcos, qui non credebant, quod Spiritus sanctus procedat ab utroque. Post illud, aliud symbolum S. Athanasij secutum est; scilicet, Quicumque vult saluus esse &c. Innocentius Tertius postea in Concilio Lateranensi condidit hoc cap. quod posset appellari quartum symbolum, in quo id, quod de summa Trinitate, & fide Catholica in prædictis symbolis, & Concilijs continetur, confirmatur, & repetitur. Abbas hic in princ.

§. VNA.

VNA verò est fidelium vniuersalis Ecclesia, extra quam nullus omnino saluatur; in qua idem ipse sacerdos est sacrificium Iesus Christus, cuius corpus, & sanguis in sacramento altaris sub speciebus panis, & vini, veraciter continentur, transubstantiatis pane in corpus, & vino in sanguinem, potestate diuina; vt ad perficiendum mysterium unitatis, accipiamus ipsi de suo, quod accepit ipse de nostro. Et hoc utique sacramentum nemo potest conficere, nisi sacerdos, qui ritè fuerit ordinatus secundum clauēs Ecclesiæ, quas ipse concessit Apostolis, eorumq. successoribus Iesus Christus; Sacramentum verò Baptismi (quod ad Dei inuocationem, & indiuiduam Trinitatis, videlicet, Patris, & Filij, & Spiritus sancti, consecratur in aqua) tam paruulis, quam adultis in forma Ecclesiæ.

*cleſſa à quocunqꝛe ritè collatum proſcit ad ſalutem . Et ſi poſt ſuſceptionem Baptiſmi quiſquam prolapſus fuerit in peccatū , per ve-
ram poteſt ſemper pœnitentiam reparari . Non ſolum autem vir-
gines , & continentes , verum etiam coniugati , per reſtā fidem ,
& operationem bonam placentes Deo , ad æternam merentur bea-
titudinem peruenire .*

HÆC eſt ſecunda pars principalis huius cap. in qua tractatur de
Sacramentis . Et primo de ſacramento Eucharitiæ , & in ea in-
terferitur etiam de ſacramento Ordinis . Secundo tractat de ſacramen-
to Baptiſmi ; ibi , Sacramentum . Tertio de ſacramento Pœnitentiæ ;
ibi . Et ſi poſt . Quarto de ſacramento Coniugij ; ibi . Non ſolum ; gloſ.
hic . verſ. vna . De ſacramento autem Confirmationis , & de ſacramen-
to Extreme vnctionis , hic nihil dicitur ; vnde hic tex. non aſſumpſit enu-
merare , & explicare omnia Eccleſiæ ſacramenta , cum illa ſint ſeptem ;
vt per Conc. Trid. ſeſſ. 7. c. 1. de ſacramentis in Genere . Et omnia ſunt
inſtituta ab ipſo D. N. Ieſu Chriſto d. Conc. ibidem , & S. Tho. in 3. par.
quæſt. 64. art. 2. Et habent virtutem ex eius paſſione . S. Tho. d. par. 3.
quæſt. 62. art. 5. Et conuenienter ſunt ſeptem . Nam ſacramenta Ec-
cleſiæ ordinantur ad perficiendum hominem in his , quæ pertinent ad
cultum Dei ſecundum religionem Chriſtianæ vitæ , & etiam in remediū
contra defectum peccati . Vtroqꝛ. autem modo conuenienter ponuntur
ſeptem ſacramenta . Vita enim ſpiritualis conformitatem aliquam ha-
bet ad vitam corporalem , ſicut & cætera corporalia conformitatem
quandam ſpiritualium habent . In vita autem corporali , dupliciter ali-
quis perficitur ; vno modo quantum ad perſonam propriam , alio mo-
do per reſpectum ad totam communitatem ſocietatis , in qua viuunt ; quia
homo naturaliter eſt animal ſociale : Reſpectu autem ſuiipſius perfici-
tur homo in vita corporali dupliciter ; vno modo per ſe , acquirendo
ſcilicet aliquam vitæ perfectionem ; alio modo per accidens , ſcilicet re-
mouendo impedimenta vitæ , puta ægrotudines , vel aliquid huiusmodi .
Per ſe autem perficitur corporalis vita , tripliciter . Primo quidem , per
generationem , per quam homo incipit eſſe , & viuere , & loco huius in
ſpirituali vita eſt Baptiſmus , qui eſt ſpiritualis regeneratio , ſecundum
illud ad Tit. 3. per lauacrum regenerationis &c. Secundo per augmen-
tum , quo aliquis perducitur ad perfectam quantitatem , & virtutem , &
loco huius in ſpirituali vita eſt confirmatio , in qua datur Spiritus ſan-
ctus ad robur ; vnde dicitur diſcipulis iam Baptizatis . Luc. ult. Sedete
in ciuitate , quoaduſque induamini virtute ex alto . Tertio per nutri-
tionem , qua conſeruatur in homine vita , & virtus , & loco huius in vita
ſpirituali eſt Euchariftia ; vnde dicitur , Ioan. 6. Niſi manducaueritis
carnem filij hominis , & biberitis eius ſanguinem , non habebitis vitam
in vobis ; & hoc quidem ſufficeret homini , ſi haberet , & corporaliter ,
& ſpi-

& spiritualiter impassibilem vitam ; sed quia homo incurrit interdum, & corporalem infirmitatem, & spiritualem, scilicet, peccatum ; ideo necessaria est homini curatio ab infirmitate, quæ quidem est duplex ; vna quidem est sanatio , quæ sanitatem restituit , & loco huius in spirituali vita est pœnitentia, secundum illud Psal. 40. Sana animam meam, quia peccaui tibi . Alia autem est restitutio valetudinis pristinæ per conuenientem dietam, & exercitium; & loco huius in spirituali vita est extrema vnctio, quæ remouet peccatorum reliquias , & hominem paratum reddit ad finalem gloriam: vnde dicitur Iac. 5. Et si in peccatis sit, dimittentur ei . Perficitur autem homo in ordine ad totam communitatem , dupliciter ; vno modo per hoc , quod accipit potestatem regendi multitudinem , & exercendi actus publicos ; & loco huius in spirituali vita est sacramentum Ordinis, secundum illud Hebr. 7. Quod Sacerdotes hostias offerunt, non solum pro se, sed etiam pro populo . Secundò, quantum ad naturalem propagationem , quod fit per matrimonium , tam in corporali, quam in spirituali vita, eo quod non est solum Sacramentum , sed naturæ officium . Ex his etiam patet Sacramentorum numerus, secundum quod ordinantur contra defectum peccati . Nam, Baptismus ordinatur contra carentiam vitæ spiritualis : Confirmatio contra infirmitatem animi, quæ in nuper natis inuenitur : Eucharistia, contra labilitatem animi ad peccandum : Pœnitentia contra actuale peccatum post Baptismum commissum : Extrema vnctio contra reliquias peccatorum, quæ scilicet non sunt sufficienter per pœnitentiam sublata, aut ex negligentia, aut ex ignorantia : Ordo contra dissolutionem multitudinis : Matrimonium in remedium contra concupiscentiam personalem, & contra defectum multitudinis, qui per mortem accidit . Quidam verò accipiunt numerum Sacramentorum per quandam adaptationem ad virtutes, & ad defectus culparum, & pœnalitatum, dicentes : quod fidei respondet Baptismus , & ordinatur contra culpam originalem : Spei Extrema vnctio , & ordinatur contra culpam venialem : Charitatis Eucharistia , & ordinatur contra pœnalitatem malitiæ : Prudentiæ Ordo, & ordinatur contra ignorantiam : Iustitiæ Pœnitentia, & ordinatur contra peccatum mortale : Temperantiæ Matrimonium , & ordinatur contra concupiscentiam : Fortitudini Confirmatio, & ordinatur contra infirmitatem. S. Thom. in 3. par. q. 65. art. 1.

Cap. 2. Damnamus .

PATER, & Filius, & Spiritus sanctus, vera vnione, non collectiua, seu similitudinaria, sunt una essentia, substantia, seu natura .

QU^{IA} sanctissima Trinitas vna quedam summa res est, incomprehensibilis quidem, & ineffabilis, quæ veraciter est Pater, & Filius, & Spiritus sanctus; tres simul personæ, ac sigillatim quælibet earundem, & ideo in Deo solummodo trinitas est, non quaternitas; quia quælibet trium personarum est illa res, videlicet substantia, essentia, seu natura diuina, quæ sola est vniuersorum principium, præter quod aliud inueniri non potest; ut in tex. & not. sup. in c. prox. Et sic collige verâ, & Catholicam doctrinam circa essentiam Trinitatis; est enim vnica, & vera essentia, substantia, seu natura: vnde Pater non habet substantiam separatam à Filio, nec Filius à Patre, nec Spiritus sanctus à Patre, & Filio, nec per hoc concluditur quaternitas; quia quælibet illarum personarum est illa summa essentia, substantia, seu natura, vnde personæ non differunt à substantia, nec substantia differt à personis, ut in tex. Pone exemplum in igne, seu in lumine, in quo tria reperiuntur, videlicet, splendor, ignis, & calor; & licet vnicum sit lumen, diuersimode tamen operantur illa tria. Nam igni attribuitur vltio, splendori illuminatio, calori calefactio; sic Pater, Filius, & Spiritus sanctus, sunt vna substantia, sed differunt in personis; ideo legitur, quod Deus apparuit in igne. Abb. hic in princ. Deficit tamen quælibet similitudo creaturæ respectu creatoris, cum non possit inter creatorem, & creaturam tanta similitudo notari, quin inter eos maior sit dissimilitudo notanda, ut in tex. & not. supra in c. proximo.

QUAE substantia non est generans, nec genita, nec procedens.

QU^{IA} ista respectiua non attribuuntur substantiæ, sed personis; nec cadunt respectu essentia, qua essentialiter Deus est vnus, sed cadunt in personas, quæ sunt plures. S. Tho. 1. par. quæst. 40. art. 2. & Butrius hic nu. 4. Vnde Pater est, qui generat; & Filius, qui gignitur; & Spiritus sanctus, qui procedit, ut distinctiones sint in personis, & vnitates in natura, ut in tex. licet igitur alius sit Pater, alius Filius, alius Spiritus sanctus; non tamen aliud, sed id, quod est Pater, est Filius, & Spiritus sanctus, idem omnino, ut secundum orthodoxam, & Catholicam fidem, consubstantiales esse credantur. Pater enim ab æterno Filium generando, suam substantiam ei dedit, iuxta quod ipse testatur: Pater quod dedit mihi, maius omnibus est. Ac dici non potest, quod partem substantiæ suæ illi dederit, & partem ipse sibi retinuerit, cum substantia Patris indiuisibilis sit, ut pote simplex omnino. Sed nec dici potest, quod Pater in Filium transtulerit suam substantiam generando, quasi sic dederit eam Filio, quod non retinuerit ipsam sibi, alioqui desisset esse substantia. Patet ergo, quod sine vlla diminutione filius nascendo substantiam patris accepit; & ita pater, & filius habent eandem substantiam, & sic eadem res est Pater, & Filius, necnon & Spiritus sanctus ab utroque procedens, ut in tex.

NEC

NEC per hoc in Trinitate concluditur quaternitas .


QUIA essentia à personis essentialiter non differt, unde tres sunt personæ, & vna essentia, quæ non est aliud à personis, nec personæ aliud ab essentia, licet inter se sint differentes personaliter, inessentialiter. vt in tex. & Butr. hic nu. 4. vbi ponit exemplū in numero ternario, in quo sunt tria, & sunt duo: & tamen non concluditur, quod sint quinque; quia illa duo sunt in tribus. vt not. in. c. cum Ioannes. de fide Instru. Deficit tamen quælibet similitudo creaturæ respectu creatoris, vt in tex. & not. est superius.

CONTRARIUM sentientes, vt hæretici sunt censendi, nisi ab errore resipiscant, & correctioni Apostolicæ Sedis se supponant .

QUIA tales errant contra ea, quæ fidei sunt. vt in tex. & qui pertinaciter errat, & dissentit ab Ecclesia Catholica circa ea, quæ sunt fidei, est hæreticus. S. Tho. 2. 2. q. 11. art. 2. Qui verò sententiam suam, quamuis falsam, atque peruersam, nulla pertinaci animositate defendunt, præsertim quam non audacia suæ præsumptionis pepererint, sed à seductis, atque in errorem lapsis parentibus acceperunt: quærant autem cauta sollicitudine veritatem, corrigi parati, cum inuenerint, nequaquam sunt inter hæreticos deputandi. c. dixit 24. q. 3. licet ille eorum error esset contra fidem. glos. 2. in d. c. dixit. & glos. fin. hic. Et hoc, quia hæresis Græce ab electione dicitur, quod scilicet eam sibi vnusquisque eligat disciplinam, quam putat esse meliorem. c. hæresis. d. q. 24. art. 3. Qui autem resipiscit ab errore, & supponit se Apostolicæ Sedis correctioni, non habet electionem contradicentem doctrinæ Ecclesiæ. S. Thom. d. art. 2. Ideo licet erret, tamen si promptus sit ad emendationē, & ad se subiiciendum correctioni Sedis Apostolicæ, non est hæreticus. c. hæc est fides. & ibi glos. ver. emendari. 24. q. 1. Large tamen quilibet errans in articulis fidei, dicitur hæreticus. glos. in c. schisma. ver. magis. 24. q. 1.

In Sexto. Cap. vnic. Fideli .

SPIRITVS sanctus æternaliter à Patre, & Filio, tanquam ab vno principio, & unica spiratione procedit .

UIA Pater, & Filius in omnibus vnum sunt, in quibus non distinguit inter eos relationis oppositio: unde cum in hoc, quod est esse principium Spiritus sancti, non opponantur relatiue; sequitur, quod Pater, & Filius sunt vnum principium Spiritus sancti.

B 2

Qui-

Quidam tamen dicunt, hanc esse impropriad, Pater, & Filius sunt vnum principium Spiritus sancti; quia cum hoc nomen principium singulariter acceptum, non significet personam, sed proprietatem, non potest conuenienter dici, quod Pater, & Filius sint vnum principium Spiritus sancti, nisi vnum intelligatur quasi aduerbialiter positum, vt sit sensus, sunt vnum principium, id est, vno modo. Sed simili ratione posset dici pater duo principia, Filij, & Spiritus sancti, id est, duobus modis. Dicendum est ergo, quod licet hoc nomen principium significet proprietatem; tamen significat eam per modum substantiui; sicut hoc nomen pater, & filius etiam in rebus creatis: vnde numerum accipit à forma significata, sicut & alia substantiua. Sicut igitur Pater, & Filius sunt vnus Deus propter vnitatem formæ significatæ per hoc nomen Deus, ita sunt vnū principium Spiritus sancti propter vnitatem proprietatis significatæ in hoc nomine principium. S. Tho. in 1. par. q. 36. art. 4. Et ex his confunditur error Græcorum dicentium, Spiritum sanctum à solo Patre procedere. Necessè est enim dicere, Spiritum sanctum etiam à Filio esse. Nam si non esset ab eo, nullo modo posset ab eo personaliter distingui. Non enim est possibile dicere, quòd secundum aliquid absolutum diuinæ personæ ab inuicem distinguantur; quia sequeretur, quod non esset trium vna essentia. Quicquid enim in diuinis absolutè dicitur, ad vnitatem essentia pertinet. Relinquitur ergo, quòd solum relationibus diuinæ personæ ab inuicem distinguantur. Relationes autem personas distinguere non possunt, nisi secundum quod sunt oppositæ. Quod ex hoc patet, quia Pater habet duas relationes, quarum vna refertur ad Filium, & alia ad Spiritum sanctum, quæ tamen, quia non sunt oppositæ, non constituunt duas personas, sed ad vnā personā Patris tantum pertinent. Si ergo in Filio, & in Spiritu sancto nō esset inuenire, nisi duas relationes, quibus vterque refertur ad Patrem, illæ relationes non essent ad inuicem oppositæ, sicut neque duæ relationes, quibus pater refertur ad illos: vnde sicut persona Patris est vna, ita sequeretur, quod persona Filij, & Spiritus sancti esset vna, habens duas relationes oppositas duabus relationibus Patris. Hoc autem est hæreticum, cum tollat fidem Trinitatis: oportet ergo, quod Filius, & Spiritus sanctus ab inuicem referantur oppositis relationibus. Non autem possunt esse in diuinis aliæ relationes oppositæ, nisi relationes originis. Oppositæ autem relationes originis accipiuntur secundum principium, & secundum quod est à principio. Relinquitur ergo, quod necesse est dicere, vel Filium esse à Spiritu sancto (quod nullus dicit) vel Spiritum sanctum esse à Filio, quod nos confitemur, & huic quidem consonat ratio processionsis vtriusque. Nam Filius procedit per modum intellectus, vt verbum; Spiritus sanctus autem per modum voluntatis, vt amor. Necessè est autem, quod amor à Verbo procedat: non enim aliquid amamus, nisi secundum quod conceptione mentis apprehendimus; vnde & secundum hoc manifestum est,

est, quod Spiritus sanctus procedit à Filio. Ipse etiam ordo rerum hoc docet; nusquam enim hoc inuenimus, quod ab vno procedant plura absque ordine, nisi in illis solum, quæ materialiter differunt; sicut vnus faber producit multos cultellos materialiter abinuicem distinctos, nulum ordinem habentes adinuicem: Sed in rebus, in quibus non est sola materialis distinctio, semper inuenitur in multitudine productorum aliquis ordo: vnde etiam in ordine creaturarum productarum, decor diuinæ sapientiæ manifestatur. Si ergo ab vna persona Patris procedunt duæ personæ, scilicet, Filius, & Spiritus sanctus, oportet esse aliquem ordinem eorum adinuicem; nec potest aliquis ordo alius assignari, nisi ordo naturæ, quo alius est ex alio: Non est igitur possibile dicere, quod Filius, & Spiritus sanctus sic procedant à Patre, quod neuter eorum procedat ab alio, nisi quis poneret in eis materialem distinctionem; quod est impossibile: vnde etiam ipsi Græci processionem Spiritus sancti aliquem ordinem habere ad Filium intelligunt. Concedunt enim Spiritum sanctum esse spiritum filij, & esse à Patre per Filium: & quidam eorum dicuntur concedere, quod sit à Filio, vel profluat ab eo, non tamen quod procedat; quod videtur, vel ex ignorantia, vel ex proteruita esse; quia si quis recte consideret, inueniet processionis verbum inter omnia, quæ ad originem qualemcunque pertinent, communissimum esse. Vtemur enim eo ad designandum qualemcunque originem; sicut quod linea procedit à puncto, radius à sole, riuus à fonte, & similiter in quibuscunque alijs: vnde ex quocunque alio ad originem pertinentem potest concludi, quod Spiritus sanctus procedit à Filio. S. Thom. 1. par. q. 36. art. 2. Græci autem contrarium sentientes, mouebantur auctoritate Euangelica. Ioan. 16. ibi: Spiritus sanctus, qui à Patre procedit. Item in Symbolo apud eos edito, simpliciter continetur: qui ex Patre procedit. Nos addimus, Filioque. Ad idem C. de sum. Trinit. l. 2. vbi dicitur, Spiritum sanctum, quem ex summo rerum parente speramus &c. Sed ad hoc, & similia respondetur, quod expressio Patris non excludit Filium, imo potius includit, cū ipsorum opera inseparabilia sint. de consecr. dist. 3. c. fin. vnde cum Pater, & Filius sint vna essentia, substantia, seu natura, vt supra eod. c. firmiter. non potest ab vno solo procedere. gloss. hic. ver. & filio. Nec sumus excommunicati, vt dicebant Græci, addendo in Symbolo, Filioque; quia illud est declarare, non addere. d. gloss. hic. Fidei igitur, ac deuota professione fatemur, quod Spiritus sanctus æternaliter ex Patre, & Filio, non tanquam ex duobus principijs, sed tanquam ex vno principio, non duabus spirationibus, sed vnicā spiratione procedat. Hoc professi est hæcenus, prædicauit, & docuit; hoc firmiter tenet, & prædicat, profitetur, & docet sacrosancta Romana Ecclesia mater omnium fidelium, & magistra; hoc habet orthodoxorum Patrum, atque Doctorum, Latinorum pariter, & Græcorum incommutabilis, & vera sententia. Sed quia nonnulli propter irrefragabilis præmissæ verita-

veritatis ignorantiam, in errores varios sunt prolapsi. Ideo Gregorius X. Pont. Max. huiusmodi erroribus viam præcludere cupiens, sacro Lugdunensi approbante Concilio, damnat, & reprobatur omnes, qui negare præsumpserint, æternaliter Spiritum sanctum à Patre, & Filio procedere, siue etiam temerario ausu asserere, quòd Spiritus sanctus ex Patre, & Filio, tanquam ex duobus principijs, & non tanquam ex vno procedat. vt in tex.

In Clementinis. Cap. vnic. Fidei.

F A T E T V R concilium, vnicum Dei Filiū in essentia Dei æternaliter subsistentem, verum corpus humanum assumpsisse de Virgine, & in eo passum, & iam mortuum, lancea perforatum.



V I A Fidei Catholicæ fundamento, præter quod (teste, Apostolo) nemo potest aliud ponere, hæc confessio vere, & firmiter inhæret. vt in tex. Filius enim Dei vnigenitus in diuinis est Patri coæternus. vnde inquit S. August. in libro de Fide ad Petrum. cap. 2. Genitus est à Patre Filius, & ideo alius; nec tamen ante fuit Pater, quam Filius; coæternæ enim sunt sibi tres personæ. Cum enim Dei Filius virtus, & sapientia Dei sit. vt ad Corinth. 1. cap. 1. Nec vnquam fuit Deus sine virtute, & sapientia. Dei ergo Filius est coæternus Deo Patri. & alias auctoritates colligit ad id Mag. sent. lib. 1. dist. 9. Ipse autem Filius verum corpus humanum assumpsit de Virgine: nam ipse fuit persona, incarnata, & terminus assumptionis. vt not. supra eod. in cap. 1. Decretal. & S. Th. in 3. par. q. 3. art. 4. Et in eo passus, & mortuus est; non quia mortem senserit in quantum Deus est; sed quia caro ei vnita mortua est. S. August. in sermone de fide, qui est 3. in fer. 5. Cœnæ Domini. & S. Tho. in 3. par. q. 46. art. 1. In assumpta ergo natura humana, ipsum Dei Verbum pro omnium operanda salute, non solum affigi cruci, & in eamori voluit; sed etiam emissio iam spiritu, perforari lancea sustinuit latus suum; vt exinde profluentibus vndis aquæ, & sanguinis, formaretur vnica, & immaculata, ac virgo sancta mater Ecclesia, coniunx Christi; sicut de latere primi hominis soporati, Eva sibi in coniugium est formata, vt sic certæ figuræ primi, & veteris Adæ (qui secundum Apostolum, est forma futuri) in nostro nouissimo Adam, id est, Christo, veritas responderet. vt in tex. & vide Magist. sent. lib. 3. dist. 2. & S. Thom. part. 3. q. 6. art. 3. & 4.

APPROBANS in hoc ordinem, quem tradidit Euangelista.

Ioannes.

Q V I A ipse Ioannes est prægrandis illa Aquila, quã propheta vidit Ezechiel animalibus cæteris Euangelicis tranſuolantem, ipse est Apostolus, & Euangelista, qui Sacramenti huius rem gestam narrans, & ordinem, in Euangelio suo dixit: Ad Iesum autem cum venissent, ut viderunt eum iam mortuũ, non fregerunt eius crura, sed vnus militũ lancea latus eius aperuit, & continuo exiuit sanguis, & aqua; & qui vidit, testimonium perhibuit, & verum est testimonium eius, & ille scit, quia vera dicit, ut & vos credatis. ut in tex. Io. c. 19. Igitur Sum. Pont. Clem. V. ad tam præclarum testimonium, ac sanctorum Patrum, & Doctorum communem sententiam, Apostolicę considerationis (ad quam dumtaxat hæc declarare pertinet) aciem conuertens, sacro Viennensi approbante Concilio, declarat prædictum Apostolum, & Euangelistam Ioannem, rectum in præmissis factę rei ordinem tenuisse; narrando, quod Christo iam mortuo, vnus militum lancea latus eius aperuit. ut in tex.

J. Porro.

REPROBAT & hereticam iudicat doctrinam, quę habet, quod substantia animę rationalis, seu intellectiua verè, & per se humani corporis non sit forma.

Q V I A illa doctrina est erronea, & inimica veritati Catholicę fidei. ut in tex. Est enim contra fidem incarnationis Christi, & contra fidem resurrectionis, ut probat glos. hic. ver. demonstrat, circa med. Sed si per rationes naturales potest demonstrari, quod anima rationalis est forma hominis, ut per Arist. in 3. lib. de anima. & per Platonem in libro de animi immortalitate. Cur hic statuitur, quod ista determinatio sit de fide? Cum fides sit substantia rerum sperandarum, argumentum non apparentium. ut per Apost. in Epist. ad Hebr. cap. 11.

Respondetur, quod demonstrationes naturales, quę fiunt de anima rationali, quod sit forma corporis, non sunt adeo clarę, quin sint tenentes oppositum, vel saltem erant ante hanc decisionem, ut patet per adducta hic in d. glos. ver. demonstrat. Ideo, ut cunctis nota sit fidei synce-
rę veritas, ac præcludatur vniuersis erroribus aditus, ne subintrent, hic Summus Pont. Clem. V. in Concilio Viennensi per hanc suam decretal. definiuit; quod, Quisquis deinceps asserere, defendere, seu tenere, pertinaciter præsumpserit, quod anima rationalis, seu intellectiua non sit forma corporis humani, per se, & essentialiter, tanquam hereticus sit censendus. ut in tex. Ex quo not. quod etiam de his, quę possunt demonstrari, potest esse fides, & hoc quando non apparent manifestè, & quando sunt

do sunt rationes in oppositum, sicut in articulo; Vnum esse Deum. quod probatur rationibus naturalibus, vt per Arist. in 12. Methaphisicę, & tamen est articulus primus fidei. Zabar. hic. §. porro. Et vide Concil. Lateran. sub Leone X. sess. 8. in decreto incip. Apostolici regiminis. & S. Thom. part. 1. q. 76. art. 1. & ibi Caiet.

§. Ad hoc.

ASSERENS confitendum vnum baptisma, sicut vnum Deum & vnā fidem.

QUIA hi tres sunt de articulis fidei, qui ad salutem sunt ab omnibus confitendi. vt in text. Et de hac triplici vnitāte habetur per Apost. in epist. ad Ephes. cap. 4.

APPROBAT opinionem, quæ habet per baptismum conferri etiam paruulis (quo ad habitum) informantem gratiam, & virtutes.

QUIA omnes quidem Christiani catholici credunt, quod baptisma celebratum in aqua, in nomine Patris, & Filij, & Spiritus sancti, sit tam adultis, quā paruulis communiter perfectum remedium ad salutem. Verum, quia quantum ad effectum baptismi in paruulis reperiuntur Doctores Theologi opiniones contrarias habentes. Quibusdam ex ipsis dicentibus, per virtutem baptismi paruulis quidem culpam remitti, sed gratiam non conferri. Alijs econtra asserentibus, quod & culpa eisdem in baptismo remittitur, & virtutes, ac informans gratia infunduntur quo ad habitum, & si non pro illo tempore quo ad vsum. Iste autem Summus Pont. attendens, generalem efficaciam mortis Christi, quæ per baptisma applicatur pariter omnibus baptizatis; opinionem secundam, quæ dicit, tam paruulis; quā adultis conferri in baptismo informantem gratiam, & virtutes, tanquam probabiliorem, & dictis Sanctorum, ac Doctorum modernorum Theologiæ magis consonam, & concordem, sacro Viennensi approbante Concilio, duxit eligendam. vt in text. Opiniones autem Theologorum, qui in hoc contrariē sentiebant, & eorum rationes late referuntur hic per gloss. penult. Sed quoniam hic Summus Pont. approbavit opinionem secundam, illam hodie sequi tenemur. gloss. fin. hic. Et pro hac vide Theolog. in lib. 4. sent. dist. 4. & S. Thom. part. 3. q. 69. art. 6.

DE CONSTITVTIONIBVS

Cap. 1. Canonum.

IVRIS canonici statuta omnes ligant.



QU^A Papæ conditori canonum, Vicario Christi, subdita est omnis creatura, de necessitate salutis. cap. vnam sanctam de maior. & obediē. in Extrauag. commun. & Innocentius hic. Petro enim, & in Petro etiam eius successoribus dictum est à Domino: Quodcumque ligaueris, & c. Matth. cap. 16. Et: Pasce oues meas. Ioan. cap. 21. Ideo ubi Papa intendit per suas constitutiones

aliquos obligare, illi, tanquam subditi, debent leges superioris obseruare. glos. hic. ver. ab omnibus. Quicumque enim potestati subiecti sunt, subduntur legi, quam fert illa potestas. S. Tho. in 1. 2. q. 96. art. 5. & Speculator de constitut. nu. 5.

Et eorum ritu tam in pronuntiando, quam in decidendo, iudicia sunt regulanda.

QU^A omnis Iudex debet custodire leges sui superioris, & secundum eas proferre sententias. Authent. de iudicib. §. fin. coll. 6. & glos. fin. hic. Potest tamen ex causa pœnam temperare, & etiam exacerbare. Compotell. hic. Et hoc est verum in criminalibus, sed in civilibus non habet arbitrium, etiam pro modica iniustitiâ, aliquid præter legem iudicandi. Bald hic nu. 5.

Cap. 2. Cognoscentes.

CONSTITVTIO respicit futura, & non præterita.

QU^A res, quæ culpa caret, damnû afferre nō debet, vt in tex. Ideo cum ante constitutionē quis non sit in culpa per contrauentionē alicuius legis, non debet pati detrimentû in actibus præteritis, per constitutionē in postea subsecutam. vt in tex. Vnde intellige, nisi sit constitutio respiciens ius naturale, quæ etiam extenditur ad præterita. c. cum tu. de vsur. & glos. fin. infra eod. c. fin. Et nisi propter bonum publicum caueatur in lege, vt etiam ad præterita extendatur. c. fin. infra eod. Illud enim transgredi, semper est peccatum. c. erit autem lex. dist. 4. Et in hoc potest princeps statuere, vt commune bonum anteferatur priuato. c. mutationes. 7. q. 1. Constitutio autem publicata omnes ligat post duos

C menses

mensēs à die publicationis. *glos. fin. hic.* Sed illam scientes obligat etiam ante duos menses. *Butr. hic nu. 16.* Vt autem lex virtutem suam obtineat obligandi, necessaria est promulgatio, per quam ad notitiam illorum reducatur, qui legi subiunguntur. *S. Tho. in 1. 2. q. 90. art. 4.*

Cap. 3. Translato.

POTESTAS legem condendi, & mutandi, est penes Vicarium Christi.

QUIA ex quo in Vicarium Christi, scilicet, Petrū, & eius successores, est translatum sacerdotium, per cōsequens fuit translata etiā potestas legis condendæ, vt in *tex. & Cōpostell. hic.* Vbi enim duo se inuicē sunt cōnexa, ad positionem vnus sequitur alterū. *Butr. hic nu. 2.* Et quoniā lex, & sacerdotiū sunt connexa propter idem principium causæ efficiētis, quia sunt ab eodē; propter similitudinē originis, quia simul ambo orta sunt; propter similitudinē formalis dispositionis, quia sub eadem sponfione data sunt. vt in *tex. & Butr. d. nu. 2.* Ideo ex quo ad Christiānos est translatum sacerdotium, etiam legis fuit translatio facta. vt in *tex. & glos. hic. ver. simul.* Per alias etiam rationes potest probari, quod potestas condendi legem sit penes Papam, vt per *Abb. hic nu. 1.*

ET quod de vno connexorū statuitur, ad aliud cōnexum extenditur.

QUIA vbi est eadem ratio, ibi debet esse idem ius. *l. illud. ff. ad leg. Aquil.* Et quoniam de connexis est eadem ratio. *glos. fin. hic.* Ideo quod de vno dicitur, necesse est, vt de altero intelligatur. vt in *tex. & c. inter. ver. sicut ergo. de transf. Episc.*

Cap. 4. Nam concupiscentiam.

OMNE prohibitum à lege, peccatum est.

QUIA lex proditur, vt appetitus noxius sub iuris regula limitetur. vt supra in *proæmio Decretal. & Plato in dialogo 1. de legibus.* Vnde omnis lex debet esse rationalis, & honesta. *c. erit autem lex. dist. 4.* Et quoniam peccatum est contra rationem. vt not. *Caiet. in 1. 2. S. Th. q. 71. art. 6.* Ideo quod sit contra legem, sit contra rationabile præceptum superioris, & sic est peccatum. *Caiet. d. art. 6. vnde Apost. inquit. Lex peccatum est & absit; sed peccatum non cognoui, nisi per legem: nam concupiscentiam nesciebam, nisi lex diceret: Non concupisces. Ad Rom cap. 7.* Quod intellige, quando lex est præceptiua, & in re graui. *Butr. hic in fin. & not. in c. 2. de maior. & obed. In exhortato-*
rijs

rijs enim, & in re leui, non præsumitur superiorem voluisse obligare ad peccatum. Butr. ibidem. & Abb. nu. 1.

ET omne illud, quod sequitur ex eo.

QUIA accessorium sequitur naturam sui principalis. c. accessorii. de reg. iur. in 6. Ideo si principale est malum, etiam accessorii, quod adhæret illi, & oritur ex illo, erit tale. glos. hic. ver. vnde. & ver. oriuntur.

Cap. 5. Ne innitaris .

CONSTITUTIONES decretorum, singularibus sunt opinionibus præferenda.

QUIA constitutiones decretorum sunt dicta Sanctorum, & Romanorum Pontificum, & decreta quædam Conciliorum, docto ordine compilata in libro Decreti; & licet non fuerit à Summis Pontificibus statutum, vt contenta in libro illo habeant vim legis; liber tamen ille est ab Ecclesia approbatus, & propter sanctitatem, & auctoritatem illorum scriptorum, censentur dicta rationabilia, & de consilio sequenda. Francus in c. 1. nu. 9. de reb. eccl. non alien. in 6. & Abb. in c. 2. in fin. de rescript. Ideo non debet quis præsumere plus de sua opinione, quam de illa tam grauium auctorum, cum scriptum sit per Salomonem in Parabolis: Ne innitaris prudentiæ tuæ, ne sis sapiens apud temetipsum. vt in tex. Prudentiæ autem suæ innititur, qui ea, quæ sibi agenda, vel dicenda videntur, Patrum decretis præponit. vt in tex. & S. Hieronym. in d. parabola Salom. cap. 3.

Cap. 6. Cum omnes .

ABSQVE rationabili causa, non potest maior pars capituli tollere consuetudinem, utilitatem priuatam nutriendo.

QUIA transgressor consuetudinis, vt transgressor legis est coercendus, & simili pœna afficiendus. c. in his. dist. 11. & ibi glos. Cum consuetudo sit ius quoddam moribus institutum, quod pro lege suscipitur, cum deficit lex. Et quoniam non potest Capitulum sine consensu Episcopi aliquid immutare de concernentibus statum Ecclesiæ. c. fin. de his, quæ fiunt à mai. par. cap. Ideo si maior pars capituli veller ad proprium commodum, tollere consuetudinem Ecclesiæ, diceretur illius esse transgressor. Compstell. hic. Si verò consuetudo esset irrationabilis, tunc maior pars Capituli illam tollere posset: nam non diceretur ve-

hire contra consuetudinem, sed ex rationabili causa extirpare corruptelam c. cum venerabilis. de consuetud. Et tunc contra illam etiam statuere posset, cum quodlibet licitum Collegium possit statuta facere super his, quæ ad se spectant. l. 1. §. 1. ff. quod cuiusque vniuer. & Compositell. hic. Sed quod maior pars statuit pro se, debet intelligi statutum, etiam pro alia parte minori; cum Capitulum sit vnum corpus, quod non debet duplici iure censi. c. p. cognouimus. 12. q. 2. Sed in ipsos debet habere locum Sapientis illa auctoritas: Patere legem, quam tu ipse tuleris. vt in tex. Et lex illa: Quod quisque iuris in alium statuerit, eodem iure ipse vtatur. ff. quod quisque iur. l. 1. Lex enim debet esse iusta, honesta, & communis omnibus. cap. erit autem lex. dist. 4. Tunc autem maior pars Capituli potest statuere, quando agitur principaliter de rebus concernentibus ipsum Capitulum; nam in tali casu maior pars representat totum Capitulum c. 1. de his, quæ fiunt à mai. par. cap. Sed quando agitur principaliter de interesse partium laicorum, tunc requiritur consensus omnium. Compositell. hic in fin. In tali enim casu, quod omnes tægit, ab omnibus est approbandum. c. quod omnes. de reg. iur. in 6.

Cap. 7. Quæ in Ecclesiarum.

CONSTITVTIO laicorum ecclesiam, seu eius bona non adstringit.

QUIA laici nullam habent iurisdictionem disponendi super rebus, & personis ecclesiasticis; cum in talibus maneat eos obsequendi necessitas, non auctoritas imperandi. c. bene. dist. 96. & not. in c. fin. de reb. eccl. non alien. Ideo si aliquid circa talia statuerint, non tenet. Abb. hic nu. 1. Cum statutum excedens fines potestatis statuentium, sit ipso iure nullum. c. vt animarum. infr. cod. in 6. & l. fin. ff. de iurisdic. omn. iudic. Et latius de hoc habetur in c. Ecclesia sanctæ Mariæ. infra cod.

Cap. 8. Cum accessissent.

DIGNITAS sublata de Ecclesia per statutum Capituli confirmatum per Papam, ulterius non censetur vacare.

QUIA licet Capitulum non possit aliquid statuere circa concernentia statum Ecclesiæ sine Episcopo, cum quo faciunt vnum corpus, cuius Episcopus est caput, & ipsi Canonici sunt membra. vt not. supra in c. cum omnes. & glos. in c. 2. ver. statutum. de verb. sign. in 6. & sic tale statutum Capituli erat nullum. glos. hic. ver. confirmatum. Tamen ex quo illud statutum erat confirmatum per Papam ex certa scientia, reddi-

redditur validum; non ex actu statuentium, sed ex auctoritate confirmantis, qui inutile reddit utile, & ex infirmo facit firmum. d. glos. hic. & argum. c. fin. & ibi glos. ver. consensum. 16. q. 1. Si verò confirmatio non fuisset ex certa scientia, sed conditionalis sub verbis generalibus, scilicet, confirmamus, sicut iuste possides; tunc non redderetur illud statutum validum. d. glos. hic. cum talis confirmatio modicum, vel nihil operetur. c. 1. de confir. util. vel inutil.

NISI per contrarium actum, statutum fueris renocatum.

QUIA si ille, qui impetrauit privilegium, directe contravenit privilegio perdit illud, etiam per unicum actum tantum. c. pro illo. infra de præb. & glos. hic. ver. contravenierint. Ideo Canonici contraveniendo, videntur confirmationi renunciassse; quod facere potuerunt; ex quo istud statutum tendebat in eorum commodum particulare; nam si tenderet in favorem Ecclesie, non posset Canonici per unicum actum illi præiudicare; sed requireretur ad præiudicandum Ecclesie legitima præscriptio. Abb. hic nu. 7. & Compofstell. col. fin.

Cap. 9. Cum M. Ferrariensis

NON obstante certo Canonicoꝝ numero, etiam per Papam confirmato, providendum est receptis ultra numerum, de superexcrefcensibus fructibus.

QUIA non est congruum ut præbenda careat, qui in Canonicum noscitur esse receptus. c. relatum. de præbend. cum secundum Apostolum, qui altari servit, de altari vivere debeat. c. cum secundum. d. tit. de præb. Ideo ex quo isti fuerunt recepti in Canonicos, si non possunt habere de præbendis antiquis, debent habere de modernis, quæ ex fructibus de novo auctis possunt assignari. glos. hic. ver. cum integritate. Confirmatio autem facta per Papam de certo numero, intelligitur habere in se clausulam, nisi reditus Ecclesie in tantum crescant, quod pluribus sufficiant. Abb. hic num. 4. Vnde tunc augmentatis facultatibus Ecclesie, debet numerus Canonicoꝝ augmentari; & sic antiqua constitutio tolli. glos. hic. ver. industriam. Tot enim sunt ponendi in Ecclesijs, quot ex earum fructibus possunt competenter sustentari. c. 1. de institut. & not. infra cod. in c. ex parte.



MA-

MAXIME si voluntarie per Canonicos fuerint recepti.

QUIA Canonici sibi præiudicarunt, illos recipiendo. glos. hic. ver. industriam. Qui enim vult antecedens, censetur velle etiam consequens. argum. c. præterea. de offic. deleg. & Decius in c. pastoralis. §. verum. de appellat. Nam de connexis est idem iudicium. vt not. supr. eod. in c. translatio. Ideo isti Canonici recipiendo illos ad canonicas, & seruicia Ecclesiæ, censentur etiam voluisse eis prouidere, vnde viuere possint. Abb. hic nu. 14. & 15.

Cap. 10. Ecclesia sanctæ Mariæ.

STATVTVM generale laicorum, ad Ecclesias, vel ecclesiasticas personas, vel earum bona, in earum præiudicium non extenditur.

QUIA statutum assumit vires à potestate statuientium. c. à nobis. il. 1. de sent. excom. & not. in c. quæ in Ecclesiis. supra eod. Et quoniam nullus Princeps sæcularis, nec etiam Imperator, habet potestatem super Ecclesijs, vel earum bonis, vel personis ecclesiasticis. vt in tex. & c. si Imperator. dist. 96. Ideo nullus laicus potest super rebus ecclesiasticis statuere. vt in tex. & Abb. hic nu. 10. vnde not. Innocentius in c. 1. de reb. eccl. non alien. in 6. quod solemnitas introducta per Imperatorem in alienatione rei Ecclesiæ, de qua habetur in Authent. hoc ius porrectum. C. de sacr. san. eccl. non est seruanda necessario, quia non potuit Imperator statuere hanc solemnitatem. argum. c. similiter. 16. q. 1. Et pro hoc facit ratio generalis huius tex. vbi dicitur, quod super talibus nulla est laicis tributa facultas, cum in istis maneat eos necessitas obsequendi, non auctoritas imperandi. Præterea ex obseruantia illarum legum denotaretur quadam superioritas imperij ad Ecclesiam, ex qua confunderetur ordo totius monarchiæ. argument. c. singula. & c. ad hoc. dist. 89. Ideo non potest Imperator in talibus imponere legem, nec mittere manum in messem alienam. cap. venerabilem. de elec. Tamen, quando lex laicorum est mere priuilegiatiua, potest teneri, quia tunc cessat ratio superioritatis, cum quis possit esse priuilegiatus, quamuis non sit subditus. c. super specula. de priuil. & sic potest intelligi. c. nomic. de iudic. vbi allegatur lex Theodosij Imperatoris. Et dic, quod vbi lex laicorum esset fundata super ratione naturali, potest iudex ecclesiasticus illam seruare, non ratione legis, sed ratione naturali. ad hoc l. scire. §. consequens. ff. de excusat. tut. Deficiente enim lege, recurrendum est ad rationem naturalem. vt in d. l. scire. & glos. in c. consuetudo. ver. ratione. distin. 1. Et sic sunt intelligendæ auctoritates illæ, quæ dicunt leges

ges civiles esse seruandas, quando canonibus non contradicunt. Abb. hic. num. 10.

NEC speciale.

QUIA si lex Principis non valet super Ecclesijs, & personis ecclesiasticis, ac eorum bonis, vt superius dictum est; fortius non valet statutum inferiorum, quod specificè super talibus disponat, ex maiori defectu potestatis. Abb. hic. nu. 20. Si enim quod videtur magis inesse, nõ inest; nec id qđ minus videtur inesse, inerit. c. de iudicijs 3. q. 3.

ETIAM seuarum commodum, & fauorem concernat.

QUIA etiam ex tali statuto denotaretur quædam superioritas disponendi aliquo pacto super Ecclesijs, personis ecclesiasticis, & earum bonis, vt de lege generali Principis, superius not. Et quoniam laicis nulla est tributa facultas super his disponendi, vt in tex. Ideo etiam tale fauorabile laicorum statutum nullius firmitatis existit, nisi ab Ecclesia fuerit approbatum. vt in tex. Et per Ecclesiam ad quam spectat illud approbare, intelligitur. Papa, caput Ecclesiæ vniuersalis, non autem Episcopus loci. Butrius hic num. 5.

Cap. 11. Ex litteris.

POENA simpliciter apposta propter contumaciã, in dubio intelligitur temporalis, & non perpetua.

QUIA in pœnis benignior interpretatio est faciendã, vt illę potius restringantur, quam dilatentur, cum sint odiosę. c. in pœnis de reg. iur. in 6. Et quoniam ista pœna simpliciter apposta, potest intelligi ratione locutionis tam de temporali, quã de perpetua. glos. hic. ver. in perpetuum. Ideo de temporali, quę est benignior, non autem de perpetua, quę est grauior, venit intelligenda. vt in tex. & d. glos. hic. Præterea circa pœnæ interpretationem consideranda est culpa, propter quam pœna illa imponitur. d. glos. hic. Cum pœna debeat esse commensurabilis delicto. c. disciplina. dist. 45. Vt si culpa exigit pœnã perpetuã, pœna inflicta intelligatur esse perpetua; si verò exigit temporalem, pœna apposta intelligatur esse temporalis. Burr. hic nu. 17. Et quoniam contumaciã sæpè purgatur. d. glos. hic. Idẽd commensuris est, vt cum satisfactionem congruam contumaciẽ exhibuerit, restitutionem obtineat. & ita quòd pœna sit temporalis. vt in tex. Et hanc interpretationem tam ius canonicum, quã consuetudo sequuntur. vt in tex. Ideo etiam senten-

sententia; & statuta secundum hanc interpretandi formam sunt intelligenda. Bald. hic num. 14.

Cap. 12. Ex parte.

*NON possunt Canonici sine causa restringere numerum Canonico-
rum, seu prebendarum.*

QU^{IA} remouendo ministros ab Ecclesia, cultus diuinus diminuitur. c. ad huc. de preb. Et quoniam potius est curandum, vt cultus diuinus augmentetur, quàm diminuat. vt in tex. Ideo ubi potest solitus ministrorum numerus in Ecclesia sustentari, aliqui eorum non sunt remouendi. glos. hic. ver. diminui. Si verò fructus essent diminuti ita, vt non possent ibi tot personæ sustineri, possent Canonici ex hac causa rationabili, ministrorum, & prebendarum numerum restringere; dummodo hoc faciant cum auctoritate Episcopi. Abb. hic nō. 1. Nam sine Episcopo non possunt Canonici Ecclesiæ statum immutare, vt dictum est superius in c. cum accessissent. Et causa ista esset rationabilis restringendi numerum; cum in Ecclesijs tot sint instituendi, quocumque possunt de illarum bonis competenter sustentari. c. 1. de institut. & cap. quoniam. de vita, & honest. cler. & supra eod. in c. cum M. Ferrariensis.

Cap. 13. Quoniam.

CONSTITUTIO futura respicit, non præterita.

QU^{IA} res, quæ culpa caret, dānnum afferre non debet. vt in c. cognoscentes. supra eod. Et quoniam ante constitutionem, quis non est in culpa propter illius transgressionem. vt in d. c. cognoscentes. Ideo leges, & constitutiones futuris dant formam negotijs, non autem ad præterita facta trahuntur. vt in tex. Constitutio tamen iuris naturalis, vel diuini declaratiua extenditur ad præterita. glos. fin. hic. & not. supra in d. c. cognoscentes. quia ille, qui declarat, nihil de nouo inducit. l. hæredes. §. 2. ff. de testam. & glos. in c. vnic. ver. & filio. de summa. Trinit. & fid. cath. in 6. Vnde tunc potius ligat ius antiquum naturale, vel diuinum, quam noua constitutio declaratiua illorum. Abb. hic nu. 7.

NISI in ea de præteritis caueatur.

QU^{IA} lex assumit vires à potestate statuentis. c. d. nobis il. 1. de sent. excom. & not. supra in c. Ecclesia sanctæ Mariæ. Vnde sicut Princeps, qui condit legem, potest ex causa tollere ius alteri quæsitum. vt not. Abb. in c. quæ in Ecclesiâ. nu. 11. supra eod. Ita potest hoc fa-

hoc facere per legem, quæ est omnibus communis, & pro publica utilitate edita. c. erit autem lex. dist. 4. Ideo si in constitutione nominatim, de præteritis caueatur, ad illa extenditur. vt in tex. licet per eam ius alteri auferatur, cum ex causa rationali Princeps hoc possit. vt dictum est superius. & not. Abb. hic num. 9.

In Sexto. Cap. 1. Licet Romanus.

NOVA constitutio Principis tollit primam contrariam.

QUIA duo contraria simul esse non possunt. Arist. 5. Metaphisic. cap. de opposit. Ideo cum non possint simul esse lex prior, & lex posterior contraria illi, locum habet illa regula; vt vltima deroget prioribus. l. pacta nouissima. C. de pact. Frustratoria enim esset ista noua lex, nisi priorem contrariam reuocaret. glos. 1. & glos. ver. singularium. hic.

QUA MVIS id non exprimat.

QUIA Princeps omnia iura in serinio sui pectoris censetur habere. vt in tex. & l. omnium. C. de testam. Et hanc iurium cognitionem censetur habere propter sapientes, & consiliarios sibi assilentes, qui dicuntur pars corporis ipsius Principis. glos. 1. hic. Ideo cum præsumatur habere noticiam prioris constitutionis contrariæ, condendo suâ, tollit illam, quæ simul stare non potest, quamuis id non exprimat; cum ea, quæ tacite insunt, pro expressis habeantur. l. cum quid. ff. si cert. per. & l. hæredes. ff. quando dies leg. ced.

SPECIALES consuetudines, & statuta rationabilia non tollit, nisi id exprimat.

QUIA consuetudines, & statuta locorum, sunt quid facti, & in facto consistunt. vt in text. Ideo potest Princeps ea probabiliter ignorare. vt in tex. Et quoniam ea, quæ ignorat, non censetur Princeps tollere velle. glos. hic. ver. facti. Nec ista specialia reddunt frustratoriâ suam constitutionem, cum possit illa obseruari in cæteris locis, licet non obseruetur in locis istis particularibus. glos. hic. ver. singularium. Ideo nisi expresse in constitutione caueatur, per eam non intelligitur rationabili consuetudini alicuius loci, vel statuto derogare. vt in tex. Quando autem consuetudo, vel statutum dicantur esse rationabilia, necne, pertinet ad iudicem arbitrari, cum de hoc certa regula non possit tradi. glos. hic. ver. rationabilia. & Hostien. in summa. de consuetud. §. quid sit consuetudo.

26 Liber 1. Tit. 2. De constitutionibus.

Cap. 2. Vt animarum .

STATVTA ordinariorum non ligant probabiliter ignorantes.

QUIA res, quæ culpa caret, damnum afferre non debet. vt dictum est superius in c. cognoscentes. Et quoniam probabiliter ignorantes ita tuta, non sunt in culpa. glos. hic. ver. ignorantes. & Gemin. num. 4. Ideo si non sit ignorantia crassa, aut supina, ignorantes excusantur, vt non incurrant pœnam statuti. vt in tex. Non autem quis excusatur sic ab ignorantia constitutionis generalis. glos. hic. ver. statuta. quia constitutiones canonum, vel legum, ab omnibus sciri, & custodiri debent. c. 1. extr. cod. Et cum sunt publicata per deputatum à Principe, intelliguntur intimata omnibus. vt not. in d. c. 1. Saltem post duos menses à die publicationis. c. 2. extr. cod. Non autem sic intelliguntur omnibus intimata statuta; cum non sint generalia vbique ex defectu auctoritatis in statuyente. c. à nobis. il. 1. extr. de sent. excomm. Vnde extra territorium statuentis non ligant. vt in tex. Et ideo si aliquis ibi accedit ex alio territorio, iustam habet causam ignorantie, quam non potest quis habere in lege generali principis, quæ extenditur vbique. glos. in d. c. à nobis. ver. non nisi.

STATVTVM Episcopi extra suam diocesim, subditum non ligat.

QUIA lex assumit vigorem à potestate statuentis. vt not. supr. in c. Ecclesia sanctæ Mariæ. Et quoniam extra suum territorium, Episcopus non habet iurisdictionem. c. si quisquam. 11. q. 1. & glos. fin. in c. nouit. extr. de offic. legat. vbi d. glos. declarat, quod hoc habet locum in his, quæ sunt contentiose iurisdictionis, qualis est illa, quæ exercetur per statuta, non autem in ijs, quæ sunt voluntarie iurisdictionis, qualis est collatio beneficiorum. Ideo ista potest exerceri extra diocesim, non autem illa. d. glos. & ibi per eam adducta. Et sic extra territorium ius dicenti, non paretur impune. vt in tex. Vnde vt statutum aliquem liget, duo requiruntur, scilicet, quod statuens habeat iurisdictionem in loco vbi dirigitur virtus statuti; & quod persona sit sibi subiecta, saltem ratione causæ, propter quam vult illam ligare. Geminian. hic num. 8.

Liber Primus . Titulus Tertius .

DE RESCRIPTIS.

In Decretal. Cap. 1. Sicut.

PRIVILEGIO generali secundum ius commune obtento , obstat rescriptum speciale .



QUIA per illud priuilegium generale, nihil conceditur, præter ius commune, sed indulgetur ad cautelam, quia, solet timeri plus, quàm ius commune. gloss. 1. hic. in fin. Et improprie dicitur priuilegium. Abb. hic nu. 7. Nam, priuilegium proprie dicitur lex priuata. c. priuilegia. dist. 3. Unde, cum illud sit ius generale, & rescriptum sit ius speciale, habet locum illa regula, vt generi per speciem derogetur. vt in tex. & c. generi de reg. iur. in 6. Priuilegio autem speciali non obstat posterius rescriptum speciale, nisi faciat de illo mentionem. c. cæterum. infra eod. quia Princeps censetur ignorare ea, quæ specialia sunt, cum in facto consistant. c. 1. de constitut. in 6. Et quoniam contra ea, quæ ignorat Princeps, non censetur facere gratiam. d. c. 1. Sed in tali casu secundum priuilegium, siue rescriptum censetur subreptitiè, & per importunitatem obtentum. Abb. hic nu. 15. Ideo secundus iste præcator, tanquàm mendax, debet carere impetratis. c. super. infr. eod.

ETIAM de eo mentionem non faciens .

QUIA cum illud priuilegium generale contineat idem, quod ius commune. vt superius not. Princeps censetur de illo habere notitiam; cum omnia iura generalia præsumatur in scrinio sui peccatoris habere. vt in d. c. 1. de constit. in 6. Ideo istud secundum rescriptum videtur concessum in præiudicium illius priuilegij generalis, ex certa scientia Principis, qui sicut de iure communi mentionem facere, non tenetur; ita nec de priuilegio, quod solum ius commune continet. Innocentius hic. num. 3.

Cap. 2. Ex parte. il 1.

IN rescripto Apostolico subintelligitur clausula, si preces veritate nitantur .

QUIA rescriptum sumit vires à concessione Principis rescribentis. vt not. in c. si quando. infra eod. Princeps autem non censetur

D 2 tur

tur concedere ea, quæ ignorat. vt supra in c. prox. præsertim, quando concessio tenderet in præiudicium tertij, cui Princeps non præsumitur velle ius auferre. c. rescripta. 25. q. 2. Et quoniam ea, quæ consistunt in facto, & specialia sunt, præsumuntur à Principe ignorata, vt supra in c. prox. Ideo non præsumitur, Principem habere notitiam de facto in tali rescripto contento, nisi secundum narrationem ibi factam, & vltra eius notitiam, & consensum, non est gratia extendenda. d. c. 1. de const. in 6. Vnde si preces veritate non nitantur, sed malitiose sit aliquid tacitum, vel expressum, vt Princeps facilius concederet tale rescriptum; mendax ille precator debet carere impetratis. c. super. infra eod. & cap. dicentis. 25. quæst. 2.

ET si rescriptum prohibet causæ cognitionem, est de falsitate suspexitum.

QUIA quod totius negotij cognitionem tollit, & vires principalis negotij exhaurit, sine graui partis alterius dispendio conuelli non potest. l. quoties. C. de precib. imper. offer. Et quoniam Princeps non intendit per suum rescriptum alteri graue præiudicium afferre. c. rescripta. 25. q. 2. licet modicam læsionem per suum rescriptum, non sit graue, si alteri faciat. glos. 2. in d. c. rescripta. Ideo si rescriptum prohibet causæ cognitionem, per quam prohibitionem alteri parti graue præiudicium nasceretur, rescriptum illud non censetur à Principe emanasse. vt in tex. Et precator ille esset remittendus ad Sedem Apostolicam puniendus. c. ad falsariorum. infra de crimin. fals.

Cap. 3. Cæterum.

SI in secundo rescripto per aduersarium impetrato, non fiat mentio de primo, valet primum, & non secundum.

QUIA Huiusmodi secundum rescriptum fuit impetratum, tacita ea veritate, quam si Princeps sciuisset, non ita de facili istud secundum rescriptum concessisset. vt in tex. Et per istam suppressionem veritatis, sit rescriptum subreptitium. cap. super. infra eodem. Et quoniam rescriptum subreptitium nullius roboris obtinet firmitatem. vt in tex. Ideo cum secundum rescriptum sit nullum, primum, quod erat validum, remanet in suo robore. vt in tex. Quod enim non mutatur, quare stare prohibetur? l. sancimus. C. de testamen.

ALIAS valet secundum.

QUIA cum istud secundum non sit, tacita veritate, impetratum. vt in tex. apparet in eo de voluntaria Principis concessione, à qua rescri-

rescriptum accipit vires. vt supra in cap. prox. Et quoniam primum rescriptum non potest simul stare cum secundo ei contrario. vt not. supra in c. 1. de constit. in 6. Ideo in eis habet locum illa regula, vt vltima derogent prioribus. l. pacta nouissima. C. de pact.

ET si primum fuit impetratum communi consensu partium, non valet secundum impetratum per alteram partem, hos tacito.

QUIA omne tacitum, quo expresso Princeps non tam facile dedisset litteras, reddit rescriptum subreptitium. c. super. & c. postulasti. infra cod. Et quoniam si Princeps sciuisset primum rescriptum impetratum de communi consensu partium, non dedisset secundum, saltem ita de facili; quia non debet dari iudex ad petitionem alterius partis tantum. l. obseruandum. ff. de iudic. Ideo secundum rescriptum, tanquam subreptitium, in tali casu nullius est roboris. vt in tex. An autem sit nullum ipso iure, vel annullandum ope exceptionis, ita, quod valeat processus secundi iudicis, nisi excipiat, sunt diuersæ opinioniones. Compstell. tenet hic, quod sit ipso iure nullum, & præcipue per istum tex. qui dicit, quod secundæ litteræ non obtinent alicuius roboris firmitatem; nam cum tex. loquatur per verba præsentis temporis, videtur, quod nullitas surgat ipso iure; & ad hoc facit, quod not. gloss. in reg. in pœnis. de reg. iur. in 6. & not. in l. in criminali. C. de iurisd. omn. iud. Sed communis opinio Innoc. Host. Gossr. & aliorum est, quod non sit nullum ipso iure, sed annullandum ope exceptionis; ita quod per tale rescriptum detur iurisdictio, & valeat processus secundi iudicis, si contra per alteram partem non excipiat. & pro hac opinione præcipue faciunt. c. si autem. & c. plerumque. infra cod. In quibus patet, quod si primus impetrans, dolo, vel negligentia, vti postposuit suo rescripto intra annum, poterit conueniri auctoritate secundi rescripti; & sic secundum à principio non fuit nullum; quia si fuisset nullum, non potuisset conualescere ex negligentia primi impetrantis; nam quod à principio est nullum, tractu temporis non conalescit. cap. non firmatur. de reg. iur. in 6. Et ad istum textum, & similia iura, quæ videntur ob stare huic opinioni, dicunt, quod secundum dicitur nullum in effectu; nam id, quod potest annullari, potest dici largo modo nullum. vt est bonus tex. in l. si dari stipuler. ff. de verb. oblig. & not. Abb. hic. Vtrum autem iudex delegatus debeat deputari ad instantiam vtriusque partis; ista decretalis videtur facere pro, & contra. Nam in Principio iudex fuit deputatus ad instantiam vnius partis tantum; in fine verò loquitur, quando fuit deputatus communi consensu; sed distinguendo concludit sic, quod aut vtraque pars est præsens coram superiore, & tunc non debet superior dare iudicem ad petitionem vnius tantum. d. l. obseruandum. ff. de iudic. Aut vna pars est absens, & alia est præsens, & tunc de stylo curiæ est, vt

est, vt detur iudex ad petitionem vnius partis, salua alteri parti facultate recusandi iudicem ex causa rationabili. vt in c. causam quæ. il. 2. & c. insinuante. de offic. deleg. Et si præsens petit apponi aliquam clausulam in præiudicium absentis, de stylo curiæ est, si aduersarius dicitur esse in curia, vt fiat citatio saltem per edictum generale. vt not. Doct. in c. cum olim de re iudic. Aut vtraque pars est præsens, sed non concordant in iudicem, & communis stylus est, vt quælibet pars eligat vnum, & curia tertium; & hæc not. glos. in d. l. obseruandum. & Abb. hic.

Cap. 4. Inter cæteras.

SI Papa mandat in rescripto, de duobus inquiri alternativè, ad certum effectum consequendum, sufficit alterum probare.

QUIA in alternativis electio est debitoris, vt quod velit de duobus, vel pluribus alternativè mandatis, pro adimplentiōe mandati vnum illorum adimplere possit. c. in alternativis. de reg. iur. in 6. Alternativa enim disiungit vnam rem ab alia, cum eius verba sint, vel, aut, siue, & similia. Abb. hic. Ideo vbi aliqua mandantur sub huiusmodi verbis disiunctiuis, censetur positum à mandante in potestate illius, cui dirigitur mandatum, vtrum vnum, vel alterum illorum, quæ mandantur, velit adimpleri, aut probet esse adimplerum. Abb. hic. Et qui facit, quod debet, vterius non tenetur. c. quod debetur. & c. quisquis. 14. q. 1.

Cap. 5. Si quando.

IS, ad quem Papa rescriptum dirigitur, debet illi parere.

QUIA Papæ rescriptum continet eius mandatum. vt in tex. Et iusto superioris mandato quilibet parere debet. c. si quis. & c. omnes. de maior. & obed.

VEL causam rationabilem assignare, quare parere non potest.

QUIA quandoque propter nimiam importunitatem petentium, Princeps non concedenda concedit. c. si aliquando. de senten. excom. & glos. hic. ver. qualitatem. Vnde si Principis concessio sit iniusta, præsumitur obtemperata propter nimiam petentium importunitatem, & non valet. glos. in d. c. si aliquando. ver. occupationem. Et sicut subditi iusto superioris mandato parere debet. vt superius not. Ita si est notorie iniustum, & continet aliquid contra præcepta Dei, non est illi obediendum. c. si dominus. & cap. si Iulianus. 1. 1. q. 3. Non enim contem-

temnit subditus in tali casu superioris potestatem ; sed eligit Deo seruire, cui potius est obediendum , quam homini. cap. qui resistit. d. 11. q. 3. Vbi autem dubitatur, an præceptum superioris sit iustum, eo quod prima fronte deuiat ab honestate , vel ex eius executione præsumitur scandalum venire in ciuitate, etiam in tali casu non tenetur subditus ei immediate parere. Abb. hic nu. 2. sed potest allegare causam, quare parere non debeat, illam scribendo Principi, & ab eo expectare secundam iussione. vt in tex. & in Authent. de mand. princip. §. deinde competens. Nec dicitur in hoc casu inobediens principi, quia hoc facit auctoritate legis. glos. in d. auth. ver. nuncios. & Abb. hic. Princeps autem, patienter sustinebit, quod non fuerit executum illud, quod ei fuit praua insinuatione suggestum . vt in tex. & notat glos. hic. ver. rationabilem , quantæ efficaciz sit, reddere rationem, postquam Princeps contra suum mandatum iam factum quiescit ad dictū sui subditi rationē adducentis.

Cap. 6. Cum ordinem .

CISTERCIENSES sunt priuilegiati, quòd non possunt conueniri per rescriptum Papa, nisi in eo fiat mentio de eorum ordine.

QUIA Papa volens fauere his religiosis, concessit eis tale priuilegium, per quod dedit formam rescriptis futuris contra eos. Butr. hic nu. 7. Et quoniam priuilegia non sunt violanda, etiam indirectè. c. quanto . de priuileg. Ideo si fuerit contra tales priuilegiatos impetratum rescriptum, de illo priuilegio non faciens mentionem , rescriptum est subreptitium, & nullius roboris, cum sit obtentum, tacita ea veritate, quæ erat necessario exprimenda. c. super litteris. infr. eod.

Cap. 7. Eam te.

SI Sede vacante scribitur Capitulo, vt gerenti vices Episcopi, vt præbendam alicui conferat ; si creatur Episcopus, nondum executo mandato, & ad eum spectet collatio præbendarum, illud adimplere tenetur.

QUIA hoc mandatum fuit scriptum Capitulo, non tanquam executori, vel ordinario collatori, vel vt succedenti in ius Episcopi ; sed tanquam gerenti vices ipsius Episcopi in iurisdictionalibus, & cui commodius, quàm alijs, poterat hoc dari mandatum ; Capitulum enim licet non succedat Episcopo in potestate conferendi, succedit tamen ei in iurisdictionalibus, & in illis gerit vices Episcopi. Innocentius hic nu.

4. & Butr. nu. 5. & sequen. Vnde cum mandatum in effectu fuerit factum potestati Episcopi, & iurisdictioni Episcopali, ita quod Capitulum consulisset, non auctoritate propria, sed tanquam gerens in hoc auctoritate Papæ, vices Episcopi; ideo creato Episcopo, debet ipse mandatum illud adimplere, cum in Capitulo cessauerit iurisdicção illa, & in Episcopo reperiatur, ratione cuius fuerat mandatum illud Capitulo scriptum. Abb. hic nu. 14.

Cap. 8. Ad aures.

NON valet rescriptum impetratum ad beneficia, si in eo tacetur dignitas impetrantis.

QUANTUM ad validitatem rescripti requiritur, ut in precibus porrectis sit facta mentio de omnibus, quæ possent inducere Principem, ad non concedendum, vel ad non ita facile concedendum. c. postulasti. & c. super litteris. infra eod. Et quoniam dignitas impetrantis possit retinere Papam à concessione beneficii, non solum maioris, sed etiam minoris; cum Papa non intendat, ut personæ pluribus redditibus abundantes, super minoribus beneficiis pauperes clericos inquietent. ut in tex. Ideo rescriptum huiusmodi fuit subreptitiæ obtentum, & nullius est firmitatis. ut in tex. & d. c. postulasti. Quæ autem sint in impetratione beneficii necessario exprimenda, late not. hic Abb. De alijs beneficii obtentis, quamvis minimis, est mentio faciendâ, aliâs gratia est nulla. c. si motu. de præb. in 6. De nobilitate, & diuitijs impetrantis, non est necessario faciendâ mentio, cum hoc non caueatur in iure. Io. Andr. hic. De qualitate autem beneficii impetrandi est faciendâ mentio, ubi illa qualitas est notabilis. Et primo est faciendâ mentio de cura animarum, quam illud beneficium habet. c. cum in illis. de præb. in 6. Item de qualitate residentie, si beneficium residentiam requirit. arg. cap. fin. de cleric. non resid. Item est faciendâ mentio, si illud beneficium sit dignitas. arg. huius tex. De ordine annexo beneficio non est necessario faciendâ mentio. tex. videtur in c. ei cui. de præb. in 6. & tenet Io. Cal. in c. in nostra. infr. eod. De quantitate valoris est dubium: nam nullibi expresse probatur, quod impetrans teneatur facere mentionem de valore beneficii, de quo vide gloss. in Clem. 1. ver. vel alteri. de præb. & Dominos de Rota decis. 172. aliâs est 81. ubi dicunt Papam Urbanum Tertium explicasse, non valere gratiam, nisi fiat mentio de valore beneficii impetrandi, & obtenti. Et hodie ita communiter servatur; tamen facilius est illa clausula, quod non excedit valorem tantæ quantitatis; nam periculosum est, quod quis se adstringat ad certum valorem, & onus probandi incumbit impetranti. ut not. Abb. in c. fin. de præsumpt. In argumentum tamen pro, & contra, potest induci tex. in clem. adeo. infra eod. & cap. cum

cum teneamur. de præb. Tenet tamen hic Abb. quod circūscripto stylo curiæ, non sit de iure veteri necessarium facere mentionem de quantitate valoris; quia beneficium debet principaliter conferri propter spiritualia: temporalia autem veniunt accessorie ad spiritualia; sed quia hodie sæpe accipiuntur beneficia propter temporalia, ideo fuit ordinatum, & de stylo curiæ introductum, ut fiat mentio de valore; quæ prouisio est utilis: nam dispensatio temporalium non est cuique committenda, sed secundum qualitatem personæ debet committi; unde talis est aptus ad habendum tenue, qui est omnino ineptus ad habendum beneficium pingue; & sic quantitas reddituum posset Principem subtrahere à concessione gratiæ; & ob id ad euitandum vitiū subreptionis, videtur necessarium, ut fiat ista expressio valoris. arg. e. postulasti. infr. cod. & hoc procedit, ubi ad instantiam fit gratia; si verò fiat motu proprio, tunc est magis dubium: nam motus proprius excludit subreptionē. c. si motu. de præb. in 6. & Clem. si Romanus cod. tit. Contrariū tamen videtur magis verum; quia motus proprius non operatur circa intrinsecas qualitates beneficii; unde si Papa concedit beneficium motu proprio, & non facit mentionē, quod est curatum, gratia non valet; non ex defectu subreptionis, sed quia non apparet de Principis voluntate. arg. c. cum in illis. & c. is cui. de præb. in 6. Nec valet gratia, si beneficiū est de iure patronatus alicuius, & de illo nō fiat mentio, ex eadem ratione, quod Papa non expressit hanc intrinsecam beneficii qualitatem, & non exprimendo, non censetur velle alicui præiudicare. Abb. hic nu. 4. & seq.

Cap. 9. Si autem .

V A L E T secundum rescriptum impetratum ab aduersario, licet non faciat mentionem de primo, si primus impetrans, dolo, vel negligentia non fuit usus illo.

QUIA licet regulariter, si in secundo rescripto per aduersarium, impetrato non fiat mentio de primo, valeat primum, & non secundum. c. ceterum. sup. cod. Tamen quoniam secundum non est nullum ipso iure, sed ope exceptionis venit annullandū. ut not. in d. c. ceterum. Ideo iura voluerunt in odium illius, qui per annum, dolo, vel negligentia, non est usus primo, ut ipse non possit excipere contra secundum, in hoc, quod non fecerit mentionem de primo; & sic quo ad hoc fuit statutum, ut valeat, ac si de primo illam mentionem fecisset. gloss. 1. & 2. hic. & cap. plerunque. infr. cod. Iura autem, quæ dicunt, quod rescriptum perpetuo durat. ut in l. falso. C. de diuers. rescript. intelliguntur, nisi duo concurrant in contrarium, scilicet, nouella impetratio, & anni cursus. Bald. hic nu. 2. Sufficit tamen sola citatio facta per primum intra annum ad perpetuandum eius rescriptum, & excludendum secundum. Butt. hic nu. 7. Sed si intra annum non fuerit facta saltem citatio, præsumitur negligentia. d. c. plerunque. Dolus autem probatur ex cōiecturis,

ris, cum consistat in animo. l. dolum. C. de dolo. Et idem dic in rescriptis impetratis ad beneficia, vt sint perpetua. Abb. hic nu. 4. Sed si detur negligentia impetratoris, & impetratio alterius sit contraria; tunc extinguitur gratia primi. vt habetur in c. tibi, qui. de rescript. in 6. & c. si clericus. de prab. eod. lib.

Cap. 10. Ad hæc.

NON valent rescripta, per quæ incerti iudices dantur.

QUIA si impetrans posset suo arbitrio eligere iudices, ad illos decurreret, qui sibi propitij, & parti aduersæ contrarij essent. vt in tex. Et quoniam per hoc quis cogeret partem aduersam coram suspecto iudice litigare, quod tanquā iustitiæ contrarium, non est faciendum. c. cum speciali. de appell. Susceptorum enim iudicum insidias declinare, & inimicorum iudicium refugere, naturale est. vt not. Specul. in rubr. de offic. iud. deleg. Ideo ad evitandum istud grauamen, quod posset alteri parti inferri, statuitur, vt non valeat impetratio de iudice incerto, sed quod illius nomen sit per impetrantem exprimendum: vt in tex. & gloss. ver. elegerint.

VEL futura negotia committuntur.

QUIA per commissionem tam generalem, nimium absorberetur iurisdictio ordinarij. gloss. hic. ver. elegerint. Et quoniam ordinarij potestati enormiter præiudicare Papa non intendit. c. peruenit. 11. q. 1. Super omnibus verò negotijs præsentibus tantum ad vnum iudicem impetrare rescriptum, vt parcatur litium sumptibus, est commendabile. c. dispendia. eod. in 6. Nec in tali casu ita præiudicatur potestati ordinarij, sicut præiudicaretur per commissionem negotiorum, quæ essent futura. d. gloss. hic. Ideo prohibetur illa nimis generalis commissio futurorum, non autem prohibetur præsentium. Butr. hic num. 7. posset tamen Papa concedere rescriptum etiam super omnibus futuris; si vellet; sed non est de stylo curiæ, & non præsumitur velle; vnde tale rescriptum esset de falsitate suspectum. d. gloss. hic. Respectu verò diuersarum personarum, & generaliter, bene delegantur omnia negotia præsentia, & futura, sicut fit officiali foraneo Episcopi; sed talis iudex est tunc quasi ordinarius, & fit pro vtilitate reipublicæ, vt illi loco non desit iudex. Abb. hic nu. 6.

Cap. 11. Ad audientiam.

FALSA latinitas vitiat rescriptum Papæ.

QUIA rescriptum Papæ transit per multas manus, & magna maturitate decoquitur. c. apostolicæ. & ibi gloss. 1. 35. q. 9. Et quoniā non est verisimile, quod aliquis illorum non viderit falsam latinitatem, & quod illam non emendauerit. gloss. hic. Ideo si rescriptum habet falsam

sam latinatatem, præsumitur non emanasse à Papa, sed esse falsificatum ab alijs. d. glos. hic. Testamenta verò, & contractus, cum transeant per manus vnius Notarij tantum, per aliquam falsam latinatatem non reduntur inualida. Butr. hic. Sed ad hoc vt falsa latinitas vitiet rescriptum Papæ, illa debet esse manifesta, nec sufficit quod sit dubitabilis, & si posset saluari per figuram, non vitaretur rescriptum. Abb. hic nu. 2.

Cap. 12. Ex parte. il 2.

CONTRA secundum rescriptum non potest opponi de taciturnitate primi impetrati per appellantem, de sua appellatione non habita mentione.

QUIA primæ litteræ non valuerunt, ex eo, quod appellans non fecit mentionem de appellatione sua, cui non potuit renunciare, cum res non esset integra propter prosecutionem illius. Abb. hic nu. 10. & Butr. nu. 14. Vnde primæ litteræ fuerunt subreptitiæ, cum id tacuerint, quod erat necessario exprimendum. c. postulasti. infra eod. Et quoniam de litteris subreptitijs, & ideo nullius roboris, non est necesse facere mentionem in secundis. c. ex tenore. & ibi glos. 1. infr. eod. & glos. in c. cum litteris. ver. de facto. de concess. præb. Generaliter enim, vbicunque possunt primæ elidi per exceptionem, valent secundæ, licet non faciant mentionem de primis. d. glos. in d. c. ex tenore. & Abb. antiquus hic. Ideo secundum rescriptum fuit bene impetratum. vt in tex. & Abb. hic in fin.

Cap. 13. Sciscitatus :

RESCRIPTVM, quo scribitur pluribus cum clausula (quod si non omnes, &c.) intelligitur tam de impotentia facti, quàm iuris.

QUIA nomen, & effectus impotentiae generaliter comprehendit tam impotentiam facti, quàm iuris. vt in tex. & not. in c. prudentiam. de offic. deleg. Et quoniam nomen generaliter prolatum, generaliter est accipiendum. c. solitæ. & ibi glos. fin. de maior. & obed. Ideo rescriptum, in quo scribitur, si non omnes possint simul interesse, vnus, aut plures, quibus scribitur, nihilominus exequantur, verificatur tam de impotentia facti, quàm iuris. vt in tex. & d. c. prudentiam.

Cap. 14. Pastoralis.

IN questione reuocationis rescriptorum recurritur ad arbitros, si iudices in cognitione sibi non deferant, nec inuicem concordent.

QUIA per huiusmodi rescripta, tam primi, quam secundi iudices habent à Principe super causa eis delegata, & illius accessoribus,

E 2 cognos-

cognoscendi iurisdictionem. vt not. supra in c. si autem. licet iurisdic-
tio illius iudicis, qui fuit per subreptionem obtentus, sit elidibilis per ex-
ceptionem. Compostell. hic. ver. deferendum. Vnde ad ipsos iudices spe-
ctabat cognoscere, cuiusnam eorum esset valida commissio facta. c. su-
per litteris. infra eod. & Abb. hic nu. 1. Sed ex quo ipsi iudices non con-
cordant in cognitione iurisdictionis, & per superiorem est prouiden-
dum, vt lites amputentur, & ne partes coram diuersis iudicibus vexen-
tur, ac vt processum cōtrarietates euitentur. c. finem. de dolo, & con-
tum. & l. 3. C. de fruct. & lit. expens. Ideo ad hæc incommoda euitanda,
in casu huius discordiæ plurimum iudicum, conceditur partibus, vt pos-
sint arbitros eligere, per quos terminetur, an primi, vel secundi iudices
habeant validam iurisdictionem procedendi. vt in tex. & glos. 1. & ver.
sopiatur. Et si per arbitros adhuc non possit questio decidi, ad Pa-
pam rescribentem, erit recurrendum. per not. in c. fin. de offic. deleg. &
not. Abb. hic num. 4.

s. Quoniam.

P E R *generalem clausulam positam in rescripto, delegatus ante ex-*
pressionem personarum, vel rerum, iurisdictionem habet in habitu,
& non in actu.

Q *V I A* in causis delegatis iurisdic-
tio datur à delegante, sed speci-
ficatio, & expressio super quibus delegatur, & contra quos; fit ab
ipso litigante: exercitium autem procedendi in causa nascitur
ab utroque coniunctim. Bald. hic ver. potestatem. Ideo si causa fuerit
commissa sub huiusmodi forma, videlicet, causam, quam talis aduersus
talem, & quosdam alios, super hoc, & quibusdam alijs, se habere propo-
nit, tibi duximus committendam; delegatus per huiusmodi rescriptum
generale recipit iurisdictionem in causa super exprimendis, ab ipso
Principe rescribente; sed quoniam Princeps non expressit, sed se retu-
lit ad expressionem faciendam ab ipsa parte litigante. Ideo antequam
sit expressio facta, habetur iurisdic-
tio in habitu, & non in actu, vt in tex.
& glos. fin. hic.

E T *speciales litteræ derogant litteris generalibus super non specifi-*
catis in eis, quanquam de illis nullam faciant mentionem.

Q *V I A* rescriptum recipit vires ab intentione Principis rescri-
bentis. c. ad aures. supra eod. Et quoniam intentio rescribentis
per speciales litteras satis apparet ea esse, vt velit derogare litteris ge-
neralibus super specialiter expressis in ipsis litteris specialibus, licet
de litteris generalibus nullam faciant mentionem. vt in tex. Ideo in hu-
iusmodi litteris habet locum illa regula; quod generali per speciale
dero-

derogatur. vt in tex. & quod vltima derogant prioribus. l. pacta. C. de pact. & not. in c. ceterum. supra cod.

Cap. 15. Sedes.

PER generalem clausulam (quidam alij , & res alia) multitudo effrenata non includitur, nec persona, nec res maiores expressis, sed pares, vel minores.

QU^IA saepe eueniebat, quod aliqui in eorum supplicationibus ad sedem Apostolicam, malitiose exprimebant quasdam personas, & res viles, adijciendo postea istam clausulam, quosdam alios, & res alias, sub quibus verbis postea in iudicijs declarabant, se voluisse comprehendere personas, & res maiores expressis, contra quas non ita facile obtinuissent rescriptum. vt in tex. & glos. ver. maiores. Et quoniã dolus, & fraus alicui patrocinari non debent. vt in tex. Ideo ad obuiandum istorum fraudibus, statuitur, vt sub illis verbis generalibus, nec personarum, nec res maiores expressis includantur. vt in tex. nec multitudo effrenata, quæ hodie est restricta, vt non excedat per illa verba, quatuor personas, c. cum in multis. cod. in 6. Et si quis fraudulentè expresse- rit personas maiores, non vt velit contendere cum illis, sed vt possit deuenire ad pares, vel minores, rescriptum, tanquam subreptitium, est inualidum, & mendax iste precatore debet carere impetratis. vt in text. Cum etiam in tali casu deprehendatur fraus, quæ alicui patrocinari non debet, vt in tex. & not. supr. in c. ad aures.

Cap. 16. Ex tenore.

QVI contra vnum super eodem ad diuersos iudices diuersa rescripta impetrat, & eis vtitur, perdit commodum vtriusque.

QU^IA ista diuersa rescripta censentur fraudulentè impetrata ad fatigandam partem coram pluribus iudicibus. vt in tex. & c. fin. infra cod. Et quoniam fraus, & dolus alicui patrocinari non debent. vt in tex. & supra c. prox. Ideo ad obuiandum istis fraudibus, & in pœnam talium, qui huiusmodi fraudem committunt, istæ litteræ rescriptorum irritantur, licet aliâs essent validæ. Abb. hic num. 4. Si verò talis impetrans non utatur vtrisque rescriptis; nec illa malitiosè impetrauit, sed ad cautelam; puta, quia timebat perdere vnum rescriptum, vel timebat aliquos mori, valent litteræ: sed postquam cœpit agere per alteras, reliquæ non valent; & si agere attentaret, perderet verasque. glos. hic. Causam tamen principalem super qua sunt huiusmodi rescripta impetrata, per hoc non perderet, sed solum perderet litteras, & condemnaretur in expensis. glos. fin. hic.

Cap. 17. Cum adeo.

NON valet rescriptum ad beneficium impetratum, de beneficio impetrantis non faciens mentionem.

QUIA talis impetrans censetur fraudulenter tacuisse aliud beneficium, quod habebat, quantuncunque exiguum, vt citius, & facilius impetraret rescriptum ad aliud beneficium. c. si proponente. & ibi glos. i. infr. eod. & c. si motu. de præb. in 6. Et quoniā ea, quæ in fraudem fiunt, vitiant rescriptum, & imputantur. c. sedes. supra eod. Ideo talis fraudulenter, & subreptitiē impetrans, debet carere impetratis. c. super litteris. infra eod. & d. glos. in d. c. si proponente.

Cap. 18. Causam, quæ.

ORDO rescripti interpretationem recipit à iure communi.

QUIA rescriptum conceditur ad iuris communis obseruantiam, nec debet aliquid continere contra ius, nam tunc esset priuilegium. vt in c. i. ver. noscatur. de constitut. in 6. Ideo vt rescriptum non operetur contra suam naturam, debet ita, & taliter intelligi, vt non obuiet à iure communi. Abb. hic nu. 1. & hoc intellige, quando verba id patiuntur. Abb. hic. Nam vbi nulla esset ambiguitas, cessat illa communis interpretatio. l. ille. §. cum in verbis. de leg. 3.

Cap. 19. Constitutus.

NON valet impetratio in Ecclesia numerata, non facta de numero mentione, si per eam frangitur numerus Canonicorum.

QUIA rationabile est, vt in Ecclesia numerus Canonicorum sit certus, & institutus iuxta Ecclesie facultates. c. quoniam. de vit. & honest. cler. & auth. vt determ. sit num. cler. col. 1. Vnde litteræ, quæ non faciunt mentionē de tali numero, qui per illas veniret frangendus, sunt impetratæ, tacita ea veritate, quam si orator expressisset, non præsumitur, quod litteras illas obtinuisset. Innoc. hic nu. 1. Ideo gratia illa subreptitiē impetrata, nullius est validitatis. c. proxim. infr. & c. cum adeo. supra eod.

LICET non frangatur numerus præbendarum.

QUIA præbenda est annexa canonicatui. c. si quis obiecerit. 1. q. 3. nam non est congruum, vt præbenda careat, qui in Canonicum noscitur esse receptus. c. relatum. de præbend. Et quoniam de connexis idem est iudicium. c. translato. de constitut. Ideo subreptio commissā in
cano-

canonicatu, vitiat gratiam, etiam quo ad præbendam. Abb. hic num. 6. Licet enim quis possit esse Canonicus sub expectatione præbendæ. c. dilectus. de præb. & ideo quo ad præbendam non videatur imperatio ista subrepticia, ex quo non mandabatur, ut præbenda simpliciter conferretur de præsentī; sed si vacaret, vel esset de proximo vacatura, & sic per hoc nullum præiudicium fiebat numero præbendarum; cum talis impetrans deberet subrogari in locum defuncti. Abb. hic num. 5. Tamen quia subreptio erat respectu canonicatus, ad quem mandabatur recipi de præsentī, & non poterat sine fractione numeri, quod non fuit expressum; ideo gratia vitatur etiam quo ad præbendam, quam propter canonicatum ille esset consecuturus. ut dictum est superius. & not. Abb. d. num. 5.

Et processus inde factus est nullus.

QUIA iurisdicatio formandi processum, & facultas providendi de canonicatu, simul continebantur in eisdem litteris. ut in tex. unde facultas, & iurisdicatio ista, erant accessoria ad gratiam de canonicatu. Abb. hic nu. 5. Et quoniam accessorium sequitur naturam sui principalis. c. accessorium. de reg. iur. in 6. Ideo subreptio, quæ vitiat gratiam principalem, vitiat etiam iurisdictionem, & facultatem, quæ pro illa gratia dantur. Abb. d. nu. 5. Et cum non sit valida iurisdicatio, non erit validus etiam processus ab illa dependens. gloss. fin. in c. ad audientiam. infr. eod.

Cap. 20. Super litteris.

EXPRIMENS falsum, vel tacens verum in rescripto, si malitiose, caret prorsus impetratis.

QUIA rescriptum sumit vires à voluntate principis rescribentis. c. ad aures. supra eod. Et quoniam ea, quæ particularia sunt, & in facto consistunt, potest princeps probabiliter ignorare. c. 1. de constit. in 6. Ideo non potest de eius voluntate in rescriptis præsumi, nisi secundum narrata. c. ex parte. il. 1. supra eod. Errans enim in facto, non consentit in illud. S. Th. 1. 2. q. 76. art. 3. & l. nihil consensui. ff. de reg. iur. Et sic si non fuerit verum narratum, princeps non consensit in gratiam; sed quia aliquando malitiose, aliquando per simplicitatem taceatur verum, vel exprimitur falsum. ut in tex. Et quia peccans per malitiam, gravius peccat. S. Thom. 1. 2. q. 78. art. 4. & pœna debet esse commensurabilis delicto. c. disciplina. dist. 45. & in eo debet quis præcipue puniri, in quo peccavit. c. litteras. de temp. ordin. Ideo contra malitiosum istum impetrantem, non solum decernitur, ut gratia non valeat in illis, in quibus est mentitus, sed in eius pœnam statuitur, ut etiã in alijs, in quibus verum expressit, si in eisdem litteris contineantur, nullum commodum consequatur. ut in tex.

S E D

SE D si per simplicitatem, vel ignorantiam, aut obtinisset, vero suppresso, & expresso falso, saltem litteras in forma communi, delegatus procedit, seruato iuris ordine.

QU^{IA} ea, quæ non mouent Principem ad facilius concedendum, siue sint tacita, siue expressa, non vitiant rescriptum, quo ad vitium obreptionis, vel subreptionis. vt in tex. & not. in c. ad aures. supra eod. Et quoniam si istud verum non fuisset suppressum, vel falsum istud expressum, nihilominus Papa dedisset huiusmodi litteras in forma communi. vt in tex. & facit c. dicenti. §. prescriptione. 25. q. 2. Ideo ex quo constat de intentione superioris, & impetrans non fuit in malitia, & expressa, vel tacita, quamuis falsa, non releuant; eius simplicitati est parcendum. glos. hic. ver. simplicitatem.

ET non speciali forma rescripti.

QU^{IA} ex quo subreptio fuit causa obtinendi specialem formam, vitiat prorsus illam formam; sed remanet potentia quo ad modum procedendi secundum ius commune, id est ipsa iurisdictionio, quam nihilominus Princeps dedisset; & vt actus potius valeat, quam pereat, intelligitur data, cum subreptio non fuerit causa concessionis. Abb. hic nu. 3. Ideo iudex ille delegatus habet iurisdictionem procedendi, non sequendo formam in ipsis litteris appositam, sed iuris ordinem seruando, vt in tex.

SECVS, si nullo modo litteras habuisset.

QU^{IA} quando obreptio, vel subreptio sunt causa concessionis rescripti, vitiant gratiam, & reddunt inualidam iurisdictionem concessam, vt not. supra in c. prox. Et quoniam si nullo modo habuisset rescriptum, nisi secundum narrata, sequitur, quod narratio ista fuerit causa concessionis. vt in tex. Ideo rescriptum est inualidum ex parte concedentis, qui non præstitit consensum in illud, & ex parte impetrantis, qui verum non expressit. Abb. hic nu. 3. Noua autem forma impetrandi rescripta, fuit Pientini illius, qui de anno 1605. porrexit supplicationem Serenissimo Ferdinando Magno Hetruriæ Duci, in qua, pagina extensa tenuè gratiam pro sua famula petebat; pagina verò parum ex lateribus implicata, sub remanentibus verbis maiora pro se exposcebat; ex vi enim rescripti non debuisset obtinere gratiam, nisi pro famula, de qua Princeps intendebat; sed propter inuentionis subtilitatem, meritò à principis magnanimitate, qui subscripserat supplicationem, reportauit vtramque.

Cap. 21. Edoceri .

IN causa monasterij conuenitur Abbas per rescriptum, in quo nulla fit mentio de conuentu .

QU^{IA} tota potestas monasterij est penes Abbatem. c. nullam. 18. q. 1. & ita pertinet ad eum, quod non ad monachos. glos. in d. cap. nullam. vnde Abbas ex officio suo tenetur congregationum suarum negotia procurare. vt in tex. Et quoniam quicumque habet administrationem, potest agere, & conueniri sine consensu alterius. c. cum deputati. de iudic. & l. fin. ff. quod cuiusque vni. Ideo in causa monasterij non est necesse exprimere alium, quam Abbatem. vt in tex. Nomine enim prælatus intelligitur Ecclesia, & nomine Ecclesiæ prælatus. glos. hic. ver. teneantur. Cum vnus eorum intelligatur esse in altero. c. scire. 7. q. 1. & l. ciuibus. ff. de reb. dub. Excipe tamen à prædictis, quando negotia sunt ardua; nam tunc de consensu Abbatis, & monachorum, talia debent promoueri. c. si quis. de reb. eccl. non alien. Similiter excipe, quando Abbatis, & conuentus negotia essent omnino discreta. vt in tex. nam tunc non tenetur vnus eorū respondere, nisi de parte sua; cum rescripta non extendantur ad res, vel ad personas in eis non comprehensas. glos. fin. hic. Rescripta enim sunt strictè intelligenda. c. sedes. supra eod. & c. cum olim. §. quia. de offic. deleg. Sed licet valeat rescriptum impetratum contra solum prælatum super causa communi ipsi, & conuentui. vt in tex. Curia tamen non dat de facili rescriptum super rebus communibus contra prælatum, quin faciat mentionem de conuentu. Gul. de Monte Lauduno in Clem. 1. eod. tit.

NEC propter hoc appellari potest .

QU^{IA} talis appellatio esset irrationabilis. vt in tex. Per eam enim impedirentur sæpe negotia monasterij, & fieret ab illis, quibus à iure non est permissa. d. c. nullam. 18. q. 1. Appellatio autem, quæ fit sine rationabili causa, & ab illis, quibus non est permissa, tanquam inualida, non est admittenda. c. vt debitus. de appell.

NISI abbatis, & conuentus bona essent distincta omnino.

QU^{IA} licet de iure communi, inter Abbatem, & monachos, omnia debeant esse communia. c. cum ad monasterium. de statu regul. Et rerum dispensatio debeat esse penes Abbatem. vt not. superius. De iure tamen speciali, puta ex consuetudine, vel statuto ex rationabili causa facto, bona monasterij possunt inter Abbatem, & conuentum esse diuisa, vt aliqua pertineant ad mensam Abbatis, aliqua ad mensam monachorum. Abb. hic num. 2. Et quoniam rescripta non extenduntur ad res, & personas in eis non comprehensas, vt dictum est superius; Ideo

F in tali

in tali casu sub rescripto impetrato contra Abbatem, non tenentur monachi de eorum rebus respondere. *vt in tex. Ex diuersis enim non fit illatio.* l. Papinianus. ff. de minor.

Cap. 22. Cum dilecta .

PROCESSVS factus per litteras subreptitias, irritatur .

QUIA per litteras subreptitias impetratas datur iurisdictio, quæ non est ipso iure nulla, sed ope exceptionis potest annullari. *vt not. in c. cæterum. supra eod. & Burr. hic nu. 10.* Et quoniam illud, quod non est ipso iure nullum, sed per exceptionem, ad instantiam partis annullatur, dicitur irritari. *vt not. in c. cum inter. de re iudic.* Ideo iurisdictio, quæ fuit per rescriptum subreptitiū concessa, irritatur. *vt in rex. & c. constitutus. supr. eod.* Et quoniā processus, qui dependet ab illa iurisdictione, tanquam accessorium debet sequi naturā illius. *c. accessorium. de reg. iur. in 6.* Ideo irritata iurisdictione, irritatur etiā processus. *vt in text. De connexis enim idem est iudicium. c. translato. de constitut.* Si autem pars non opponat, & non excipiat de subreptione, processus ille tenet. *arg. huius tex. quia pars illa videtur renunciare suo iuri, & quiescere illis litteris. Abb. hic num. 6.* Fuerunt enim concessæ ab illo, qui poterat illas dare; & ideo non tractatur de præiudicio iurisdictionis superioris; sed quia fuerunt impetratæ subreptitiæ contra interesse partis; ideo dependet ab ipsa parte, an velit illas reijcere, vel acceptare. *vt not. in d. c. cæterum.*

SED factus contra formam rescripti, irritus nunciatur .

QUIA forma est illa, quæ dat esse rei. l. Iulianus. §. sed & si quis. ff. ad exhiben. & Arist. 1. de anima. text. 53. Et quoniam iurisdictio datur tali iudici per illam formam rescripti. *c. super litteris. supr. eod.* Ideo si ipse non seruat illam formam, venit contra substantiam suæ iurisdictionis, & sic tam illa, quàm processus ab illa dependens, est ipso iure nullus, & per sententiam non annullatur, sed nullum esse nunciatur. *glos. hic. ver. irritum. & Abb. num. 4.*

Cap. 23. Plerunque .

VALET secundum rescriptum, licet de primo non faciat mentionem, quo uti noluit impetrans intra annum .

QUIA huiusmodi secundum rescriptum subreptitias impetratum, non est ipso iure nullum, sed potest ad instantiam partis annullari. *vt not. supra in c. prox.* Sed quoniam illa pars, vel ex malitia, vel ex negligentia, non est vsa primo suo rescripto intra annum; & ideo ei est imputandum; cum non sit malitijs hominum indulgendum

dum. vt in tex. Ideo in eius pœnam statuitur, vt postea non possit excipere contra secundũ. vt in tex. & c. si autem. supra eod. Et hoc procedit, quando secundus per simplicitatem, vel ignorantia non fecit mentionẽ de primo rescripto: nam si dolosẽ tacuisset, nõ debet audiri etiam post anni lapsum; sed debet carere omni commodo litterarum, quas dolose per mendacium impetrauit. argum. c. super litteris. supra eod. Immo quando secundus fuit in dolo, debet valere potius rescriptum primum, quàm secundum; quia primus impetrans reperitur in culpa in non vtendo; secundus verò est in dolo, principi obripiendo; dolus autem, præponderat culpæ. 1. item si obstetrix. ff. ad leg. Aquil. Quid autem si primus fuisset in dolo in non vtendo, & secundus etiam in dolo in impetrando? Dicunt Doctores, quod valet primum; quia dolus primi fuit in non vtendo, & sic non concernit rescriptum; sed dolus secundi fuit in impetrando, & sic rescriptum est vitiosum; vnde potius debet valere primum, in quo non est defectus in fieri, licet sit defectus postea in facto esse. Abb. hic in fin. Generaliter enim peccatum ex commissiõne, est grauius, quam peccatum ex omisiõne. S. Th. 1. 2. q. 76. art. 2.

Cap. 24. Cum contingat.

S I à delegato aliquid mandatur ordinario, debet humiliter exequi.

QUIA delegatus in causa sibi commissã repræsentat vices Papæ delegantis. c. significasti. de offi. deleg. vnde in causa illa iurisdictionem habet super omnes. c. sanè. il. 2. d. tit. Et omnia intelliguntur sibi commissã, sine quibus causa illa expediri non potest. c. præterea. d. tit. Ideo sicut ordinarius quilibet debet obtemperare Papæ. cap. cuncta. 9. q. 3. ita debet in causa illa obtemperare delegato, qui repræsentat vices Papæ. d. c. sanè. & c. præcipimus. dist. 93.

S E D si alius delegatus per alias litteras post executionem, mandat contrarium, vel si ante executionem innouerit ordinario, inter delegatum, qui mandat, & alium contentionem esse de iurisdictione, facies sibi utrarumque litterarum copiam exhiberi; non vt iurisdictionaliter cognoscat; sed vt se informet, an per secundas reuocentur primæ.

QUIA cum rescriptum secundum non possit stare simul cum primo ei contrario. vt not. in c. si autem. supr. eod. necesse est, vt iurisdictionio, vel primi, vel secundi delegati contraria mandantis, sit inualida. Contrariorum enim ea est natura, vt si vnum est verum, alterum sit falsum. Arist. 2. phisic. tex. 15. Et vt vnum sit corruptium, alterius. Arist. 1. phisic. tex. 42. & Instit. de his, qui sunt sui, vel alieni. §. 1.

F 2 Vnde

Vnde vnus de istis delegatis oportet, quod non sit iudex competens, & quod ei non sit obediendum. Et quoniam melius est ante tempus occurrere, quàm post causam vulneratam remedium querere. l. fin. C. in quib. caus. in integr. rest. Ideo ne iste ordinarius obediat illi prætensio delegato, qui non habet iurisdictionem, vel ne inobediens sit illi, cui est parendum; ad hunc effectum per hanc decretalem datur ei facultas, vt faciat sibi vtrarumque litterarum copiam exhiberi, vt possit se informare, cui eorum debeat parere. vt in tex. & Butr. hic nu. 19.

ET si primæ reuocentur, exequatur secundum mandatum.

QUIA illi delegato debet ordinarius obedire, qui iurisdictionem habet validam. c. sanè. de offic. deleg. Et quoniam vbi primæ litteræ fuerunt reuocatæ per secundas, delegatus secundus, & non primus habet iurisdictionem. vt not. in c. cæterum. supra eod. Ideo secundum rescriptum, non autem primum, erit per ordinarium exequendum. vt in tex.

SI autem non reuocentur, vel de hoc dubitet, non exequatur secundum mandatum, donec contentio de iurisdictione terminetur.

QUIA cum nulla potestas tribuatur ordinario executori, vt inter istos delegatos de eorum iurisdictione iudicet; sed tantum ei conceditur, vt se informet, an per secundas litteras primæ reuocentur, vt in tex. Ideo vbi ex inspectione litterarum extraiudicialiter facta, sibi clarè non apparet, quænam litteræ sint valide, & per consequens cuius delegati mandatum exequendum; melius est in cuiuslibet mandati executione supersedere, quàm illud forsan exequi, quod erat respuendum; & illud respondere, quod forsan erat exequendum. arg. c. pastoralis. supra eod. & c. cum in iure. de offic. deleg. Melius est enim ante tempus occurrere, quàm post causam vulneratam remedium querere. vt dictum est superius. & habetur in l. fin. C. in quib. caus. in integr. rest.

Cap. 25. Cum olim.

QUANDO in rescripto plura narrantur, diuersos effectus operantia, non sufficit impetranti alterum solum probare, ad vtrumque effectum consequendum.

QUIA limitata causa limitatum producit effectum. l. an agris. ff. de acquir. rer. dom. Et quoniam probatio determinata ad vnum particulare, ita est causa determinata ad illud, quod non potest ex illa inferri ad aliud diuersum; cum ex diuersis non fiat illatio. l. Papinianus. ff. de minor. Ideo impetrans tenetur probare omnia, ad quæ se adstrinxit, si omnia in rescripto contenta vult obtinere; alias vel obtinet

tinet ea, quæ probat, vel nihil obtinet, iuxta ea, quæ not. in c. super litteris. supra eod. glos. fin. hic.

Cap. 26. Dilectus.

NON valet rescriptum super restitutione beneficij impetratum, quod de causa excommunicationis, & amotionis impetrantis, non facit mentionem.

QU^IA rescriptum impetratum, eo tacito, quod si fuisset expressum, illud non fuisset concessum, viribus subsistere non debet. c. super litteris. supr. eod. Et quoniã tale est illud impetratum ab eo, qui non facit mentionem de causa suæ excommunicationis, & a beneficio amotionis. vt in tex. & glos. fin. hic. nam talis impetrans dicitur agere. Innoc. hic. ver. excommunicationis. Et excommunicatus non potest agere, nisi prius absolatur. c. exceptionem. de except. Et absolui non debet, nisi causam suæ excommunicationis exprimat. c. cum pro causa. & ibi. glos. ver. tanquam. de sent. excom. Et exprimenti aliam causam, quã illam, pro quã fuit excommunicatus, litteræ super absolutione impetratæ non valent. glos. fin. hic. Similiter præsumitur talis impetrã, seriẽ negotij dolose tacere, si non exprimit causam suæ amotionis. t. super eo. de cohabit. cler. & mul. Ideo tales litteræ tanquam per veri suppressio- nem obtentæ, viribus subsistere non debent. vt in tex. & glos. ver. virib.

Cap. 27. Postulasti.

P E R litteras iustitia non tenetur Episcopus providere habenti perpetuam vicariam.

QU^IA per huiusmodi litteras necessitatibus pauperum clerico- rum, qui nullum sunt ecclesiasticum beneficium assecuti, sedes Apostolica ducit succurrendum. vt in tex. Et quoniã carere beneficio non debet dici, cui competenter de perpetuæ vicariæ prouentibus est prouisum. vt in text. Ideo si in litteris non fuerit facta mentio de tali vicaria, & tunc mandatum, quod provideatur, tales litteræ sunt subreptitiẽ impetratæ, & non sunt exequendæ. vt in tex. Nomine enim beneficij intelligitur vicaria, siue præbenda, siue aliud beneficium. glos. 2. hic. Sed de quolibet beneficio, quamuis modico, est faciendã mentio in imperatione alterius. c. si motu. de præb. in 6. Ideo ex quo fuit tacita, talis vicaria, litteræ fuerunt subreptitiæ: Et sic præter id, quodd, cum sint iustitiæ, non intelliguntur concessæ habenti aliud beneficium. vt in tex. non sunt exequendæ, etiam propter vitium subreptionis. cap. super litteris. supra eod.

V E L sufficiens patrimonium .

Q V I A per huiusmodi litteras iustitiæ, solum intendit Sedes Apostolica providere necessitatibus pauperum clericorum. vt in tex. & glos. fin. hic. Et quoniam non dicitur pauper, qui habet sufficiens patrimonium. c. quoniam quicquid. in fin. 16. q. 1. Et exhortatio est, vt qui sumptibus proprijs sustentari potest, ab Ecclesia stipendia non accipiat, ne id, quod pauperum est, assumat. c. clericos. 1. q. 2. Ideo habenti de bonis paternis, vnde valeat competenter sustentari, non tenetur Episcopus per litteras iustitiæ de beneficio providere. vt in text. & cap. tuis. de præbend.

N E C valent litteræ gratia ad beneficium obtinendum, in quibus impetrans tacuit perpetuam vicariam .

Q V I A perpetua vicaria est beneficium. vt in tex. Et quoniam de quolibet beneficio est facienda mentio, etiam in litteris gratiosis; aliàs gratia est subreptitiè impetrata. c. si proponente. infr. eod. nisi nouū beneficium conferatur à Papa motu proprio, qui motus tunc solum intelligitur adesse, quando in litteris exprimitur. c. si motu. de præb. in 6. Ideo, licet litteræ gratiosæ concedantur etiam habenti aliud beneficium. vt in cap. gratia. eod. in 6. si de beneficijs prioribus non fiat mentio in impetratione alterius beneficij, litteræ illæ sunt subreptitiæ; & non valent. vt in tex. & Clem. gratiæ. eod. tit.

Cap. 28. Nonnulli.

P E R litteras Apostolicas de hac constitutione mentionem non facientes, non potest quis trahi ultra duas dietas extra suam diocesim .

Q V I A nonnulli gratia Sedis Apostolicæ abutentes, litteras ad remotos iudices impetrare nitebantur, vt reus fatigatus laboribus, & expensis, liti cedere, vel importunitatem actoris redimere, compelleretur. vt in tex. Et quoniam per iudicium iniurijs aditus patere non debet. vt in tex. & l. meminerint. C. vnde vi. Ideo ad obuiandum istorum fraudibus, statuitur, ne quis ultra duas dietas extra suam diocesim, per litteras Apostolicas ad iudicium trahi possit. vt in tex. nisi de hac constitutione expressam fecerint mentionem, vt in tex. nam tunc rescriptum tenet ex speciali gratia, quæ derogat iuri communi ex certa scientia, & voluntaria concessione Papæ. Abb. hic num. 10. Hodie verò terminus, qui hic dicitur de duabus dietis, est restrictus ad vnam dietam. per c. statutum. §. cum verò. eod. in 6.

NISI

NISI de consensu partium littera fuerint impetrata.

QUIA ista restrictio dietarum est facta in fauorem rei, ne ab actore malitiose fatigaretur laboribus, & expensis. vt in tex. Et quoniam fauori suo quilibet renunciare potest. c. ad apostolicam. de regular. Et volenti non fit iniuria, neque dolus. l. penult. C. de pact. Ideo si reus conueniat cum actore ad renuntiandum huic dietarum restrictioni, litteræ impetratæ tenent. vt in tex.

§. Sunt & alij.

NON valent littera ad lites impetrata sine speciali mandato domini.

QUIA aliqui erant, qui nouum genus mercimonij circa litteras Apostolicas exercebant, vt vel sopitas possent suscitare quærelas, vel nouas immittere quæstiones: fingebant enim causas, super quibus à Sede Apostolica impetrabant litteras sine mandato dominorum; quas vel reo (ne propter eas laborum, vel expensarum dispendio molestaretur) aut actori, (vt per ipsas aduersarium indebita molestatione fatigaret) venales exponebant. vt in tex. Et quoniam lites restringendæ sunt potius, quam laxandæ. vt in tex. & l. quidam. ff. si cert. pet. Ideo per hanc decretalem statuitur, vt si aliquis de cætero super aliqua quæstione sine speciali mandato domini, litteras apostolicas impetrare præsumperit, & litteræ illæ non valeant, & ipse tanquam falsarius puniatur. vt in tex. Nec possunt litteræ illæ ratificari; quia hoc non fuit inductum in fauorem partis conuenientis, sed in fauorem conueniendæ, & in fauorem reipublicæ; vt colligitur ex tex. Ideo non potest pars aliqua supplere ex post facto id, quod non dependet à voluntate sua. cap. contingit. de sent. excom. & c. si diligenti. de for. comp.

NISI impetrentur per coniunctam personam.

QUIA propter affectionem, quæ naturaliter solet esse inter sanguine coniunctos, non præsumitur, quod coniunctus pro coniuncto aliud impetret, quam ipse principalis impetraret. l. si seruus. & ibi glos. ff. de donat. inter vir. & vxor. Et quoniam prohibitio ista de impetrando huiusmodi litteras, fuit facta ad remouendum illud genus mercimonij, quod per istas litteras, quæ vtrique parti ad libitum impetrantis fiebant venales, committebatur. vt in tex. Et suspicio ista cessat in coniuncta persona, vt dictum est superius. & Abb. hic num. 10. Ideo ius admittit, vt coniunctus possit impetrare tales litteras pro coniuncto, etiam sine mandato. vt in tex. & l. sed & hæ. ff. de procur. Et hoc, dummodo præstet cautionem de rato. Specul. in tit. de coniuncta persona. in princ. Generaliter tamen coniuncta persona non potest agere, quæ

ca, quæ requirunt speciale mandatum. l. illud. & l. patri. ff. de minor. nisi & ipsa habeat in illa causa proprium interesse. d. l. patri.

Cap. 29. Dilectus. il 2.

SI occasione duorum rescriptorum, unius scilicet in causa principali, alterius in causa appellationis, contenditur, non Iudex super principali, sed deputatus super appellatione cognoscere debet de validitate appellationis.

QU^{IA} postquam causa appellationis est commissa ex certa Principis scientia, iurisdictio priorum iudicum est suspensa. c. pastoralis. §. præterea. de off. deleg. Et data est potestas iudici appellationis, ut inhibere possit iudici, à quo est appellatum, ne in eadem causa amplius procedat. c. Romana. §. si autem. de appell. in 6. Et quoniam accessoriū sequitur naturam sui Principalis. c. accessorium. de reg. iur. in 6. Ideo ex quo cognitio causæ appellationis spectat ad ipsum iudicem ad quem, etiam quæstiones incidentes super illa causa, debent spectare ad eundem. Bald. hic nu. 1. Et quoniam iudex potest cognoscere, an sua sit iurisdictio. c. pastoralis. & ibi Abb. nu. 1. supr. eod. Ideo spectat ad iudicem appellationis cognoscere, an sit legitimè appellatum; & si appellatio est legitima, ipse cognoscat causam; aliàs remittat partes ad priorem iudicem, condemnando appellantem in expensis. c. ut debitus. de appell. & gloss. fin. hic.

Cap. 30. Capitulum S. Crucis.

SI plures impetrant in eadem Ecclesia, statur data, ut primus impetrans præferatur.

QU^{IA} in gratijs obtinendis, qui prior est tempore, potior est iure. c. qui prior. de reg. iur. in 6. Et quoniam in beneficijs gratia est ex parte concedentis, non autem ex parte exequentis, vel in possessionem mittentis. c. eum. cui. de præb. in 6. Ideo qui anteriorem habet datam, à qua gratia dependet, anteponendus est secundo; licet iste secundus litteras prius præsentauerit. ut in tex. Si verò ambæ litteræ essent impetratæ ad idem corpus beneficij, secundus impetrans nunquā potest aliquid obtinere vigore illarum litterarum; quia fuerunt subreptitiæ, non faciendo mentionem de prioribus. c. cæterum. & c. ad aures. supra eod. & ideo sunt nullæ, cum subreptio in beneficialibus vitiet gratiam, ipso facto. c. 1. & 2. de fil. presb. in 6. Nam in istis spiritualibus debet abesse prauitas, & omnis puritas adesse. c. quam pio. 1. q. 2. & c. fin. de pact. Quando verò duo impetrant litteras in eadem Ecclesia pro diuersis beneficijs, ambæ litteræ valent, cum rescripta sint ad diuersa, quorum

rum vnum non contrariatur alteri. Abb. hic num. 4. sed qui datam habet priorem; prius est prouidendus, vt dictum est superius.

ET solus admittatur.

QUAM si admitteretur vterque, nimium videretur grauari collator, cui huiusmodi litteræ diriguntur. c. mandatum. infra eod. Et quoniam Papa non intendit per suas litteras alicui graue præiudicium inferre. c. super eo. de offic. deleg. Et rescripta recipiunt vires ab intentione rescribentis. c. ad aures. supra eod. Ideo, nisi Papa exprimat, non tenetur ordinarius collator prouidere vtrique. vt in te x. licet, si vellet, hoc posset; cum litteræ secundi impetrantis, si se non referant ad idem corpus beneficii, non sint subreptitiæ, vt dictum est superius. Et ex quo secundæ litteræ non sunt nullæ, si primus impetrans non prosequitur ius suum, dolo, vel negligentia, debet secundus prouideri. gloss. i. hic. cum sit intentio Papæ, vt vnus de istis duobus, beneficium assequatur. Abb. hic num. 6.

Cap. 31. Ad audientiam.

SI habens litteras Papa ad beneficium, eis per annuam pensionem renuntiat; non valent litteræ beneficiales per eum, hoc tacito, impetrata.

QUAM omne tacitum, quo expresso, habuisset retardare Principem à concessione, inducit subreptionem, & reddit gratiam inualidam, c. postulasti. supra eod. Et quoniam si Papa sciuisset, istum habuisse alias litteras, & eis pro annua pensione renuntiasse, non ita de facili concessisset secundas. Abb. hic nu. 4. ex quo enim per illas litteras poterat consequi beneficium, & per eum deficit; perinde est, ac si beneficium illud fuisset consecutus: nam qui actionem habet, ipsam rem habere videtur. l. qui actionem. ff. de reg. iur. Et sibi imputet, qui voluit potius pensionem, quam beneficium. Io. And. hic in princ. Sed ista imputatio hodie multis placeret, qui potius assumerent pensiones, in quibus habetur vtile cum paruo onere, quam beneficia cum pane doloris. iuxta not. per Abb. in c. ad aures. nu. 4. supra eod. Ideo istæ secundæ litteræ non facientes mentionem de primis, sunt subreptitiæ; & cum sint in prouisione beneficii, sunt nullæ ipso facto. vt not. supra in c. prox. licet litteræ subreptitiæ ad lites, sint per exceptionem annullandæ. gl. fin. hic.

Cap. 32. In nostra.

RECEPTVS per litteras Apostolicas, licet præbendam expectet, per alias litteras hoc supprimentes, in alia Ecclesia recipi non debet.

G

Quia

Q V I A Papa non intendit per secundas litteras alicui providere in aliquibus beneficijs , nisi in secundis fiat mentio de primis litteris, & de obtentis beneficijs. c. si proponente. infra eod. Et quoniam canonici sub expectatione præbendæ dicitur beneficium , maximè si est intra numerum in Ecclesia deputatum , & præbenda est quid accessorium ad illam. vt not. Ludouic. Rom. consil. 447. & etiam si non est intra numerum, est aliquo modo beneficium , & per receptionem factam ad illam, est gratia incepta ad præbendam, quæ appellatur beneficium. glos. 2. in c. postulasti. supra eod. Ideo licet iste receptus ad canoniam , non dum sit præbendam assecutus , tamen in secundis litteris tenebatur de hoc facere mentionem, glos. fin. hic. alias impetratio censetur fraudulenter, & subreptitiè impetrata. vt in tex. & Bal. nu. 2. Et quamuis potius præbenda, quam ius canonici, videatur hic in tex. appellari beneficium ; hoc fit, quia spiritalibus sine temporalibus diu subsistere non possunt. cap. si quis obiecerit. i. q. 3. Abb. hic nu. 1.

Cap. 33. Ex parte .

N O N valet rescriptum, quod procurator reuocatus, & de hoc certificatus, extra iudicium impetrauit .

Q V I A Apostolicæ litteræ, quas sine speciali dñi mandato quis impetrat, valere non debent, nisi impetrās sit de illis personis, à quibus nõ est exigendum de iure mandatũ. vt in tex. & c. nonnulli. §. fin. supr. eo. Ideo multo minus debet valere litteræ impetratæ ab illo, à quo mādātum dominus reuocauit. vt in tex. nam ille , qui est reuocatus , agit contra expressam domini voluntatem , qui verò nunquam habuit mandatũ, agit solum sine voluntate. glos. fin. hic . Debet tamen procurator, de eius reuocatione certiorari . vt in tex. quia ipse non tenetur reuocationem diuinare. l. si fideiussor. ff. mand. aliàs sibi imputet dominus, qui illum constituit. glos. 2. in c. mandato. de procur. Et si non agitur de actibus iudicialibus, vel de extraiudicialibus, in quibus habeat interesse altera pars, sufficit, vt ipse certioretur : si verò agitur de his, in quibus pars altera habeat interesse, etiam ipsa est certioranda . vt in text. & d. l. si fideiussor. Quando autem procurator fuit constitutus ad negotia, & non ad certam personam ; tunc non est necesse alios facere certiores ; cum ipse tantum interueniat in fauorem domini , & de alterius interesse non tractatur. vt not. in Clem. vnic. de renuntiat.

S E C V S tamen in iudicio; dummodo reuocatio ad notitiam aduersarij, vel iudicis non peruenerit .

Q V I A in iudicio quasi contrahitur. l. 3. §. idem scribit. ff. de pecul. vnde ex quo procurator fuit destinatus ad quasi contrahendum cum certa persona, debet illa persona de reuocatione certiorari, ne ipsa
ad li-

ad libitum aduersarij deludatur. d. glos. in d. c. mandato . Ideo non sufficit in iudicio ad annullandū actum, vt solum procurator sit de eius reuocatione certioratus; sed etiam ad notitiam aduersarij, vel iudicis debet reuocatio peruenire, ne ipsi illudantur. d. glos. in c. mandato . Et idem est dicendum in extraiudicialibus, quando procurator mittitur ad certam personam; propter eandem rationem, ne illa decipiatur, & quæ, cum sit certa, scitur cui sit talis notitia facienda, quod non potest exequi in incertis, cum non sciatur tunc, cum quibus tractetur . Abb. hic num. 10.

Cap. 34. Significante .

RES C R I P T V M impetratum contra hominem alicuius diœcesis, non extenditur ad hominē eiusdem nominis alterius diœcesis.

QU I A rescriptum assumit vires ab intentione principis rescribentis. supra cap. ad aures . Et quoniam intentio iudicatur ex verbis aptis ad illam exprimendam. c. humana. 22. q. 5. Ideo cum ex verbis rescripti appareat de intentione principis contra vnum, non debent verba illa extendi contra alium, de quo Princeps non intendit, & ad quem verba non sunt apta in totum, licet sint in partem. vt in tex. Et ex qua extensione sequeretur, quod rescriptum esset in incertum. . glos. hic. quod esse non debet, cum generalitas in huiusmodi litteris reproberetur. c. ad hæc. supra eod. Si tamen per alia signa constaret, quod princeps vouerit in suo rescripto intelligere de tali alterius diœcesis; tunc rescriptum ad eum extenditur, licet fuerit commissus error in nomine. Innocentius hic, & Abb. nu. 4. cum verba debeant seruire intentioni, non autem intentio verbis. c. intelligentia. de verb. sign. Sed nunc quid in litteris impetratis ad beneficium, falsitas commissæ circa expressionem illius, debet vitare, si constat de corpore beneficij? Dicendum, quod aut falsa expressio non fuit causa induciua principis, quia, ea pariter suppressa, litteras dedisset, nec fuit appositæ causa restringendi gratiam; exemplum habetur in c. susceptum. eod. in 6. & tunc non habet vitare, per rationem. c. super litteris. supra eod. Exemplum, quidam impetrauit Sacristiam Senensem, & dixit eam esse dignitatem; reperitur autem, quod est officium, & non dignitas, non habet vitare; quia fortius dedisset Papa, si dixisset, quod erat officium: Item illa falsa expressio non restringit gratiam ad certum casum, secus vbi restringeret; nam tunc vitaret in alio casu ex defectu intentionis rescribentis, licet constaret de corpore beneficij. vt in d. c. susceptum. vbi dicitur, quod si impetraui certum beneficium, quod dixi vacare per mortem, non venit illud beneficium, si vacat per renuntiationem, licet constet de corpore, & renuntians habeatur pro mortuo quo ad illud beneficium; nam illa expressio vacationis habet restringere gratiam, & princi-

pis voluntatem ad illum casum , ita quod non extendatur ad alium .
Abb. hic in fin.

Cap. 35. Rodulfus.

P E R rescriptum impetratum contra homines diœcesis , non possunt conueniri homines ciuitatis .

Q V I A verba rescriptorū ad lites sunt strictè interpretanda. c. Petro, & G. de offic. deleg. Et in stricta interpretatione nomine diœcesis non comprehenditur ciuitas . glos. 1. in c. cum clerici, de verb. sign. secus autem in materia larga, & fauorabili, vel saltem in materia indifferenti ad hoc. c. vnic. & ibi glos. de rer. permut. in 6. & c. cum Episcopus. de offic. ordin. in 6. & late hic per Abb.

Cap. 36. Significauit .

S I conueniendus per illam clausulam generalem: Quidam alij &c. moriatur re integra, successor conueniri non potest .

Q V I A quando defunctus erat conueniendus per illam clausulam , nec fuit conuentus tempore vitæ suæ, eo mortuo , rescriptum corrui, cum non fixerit radices in persona cōuenienda. l. 2. ff. quæ sent. sine appell. rescind. Et quoniam ille iudex videtur datus contra conueniendum sub tali clausula , tempore quo exprimitur ; nam antea iudex non habet iurisdictionem in non expresso. cap. pastoralis. §. 1. supra eod. Ideo non valet talis iudicis datio quo ad effectum contra defunctum , nec quo ad extensionem faciendam contra eius successorem , cum non viueret is, contra quem iudex datur. d. l. 2. & sic corrui rescriptum quo ad vtrunque. vt in tex. Et si diceres, eo ipso, quod exprimitur, fingitur expressus tempore dati rescripti . arg. l. potior. ff. qui pot. in pign. hab. vbi conditio trahitur retro à tempore initi contractus. Solutio est duplex. Prima, quòd hic non potest contrahi ; cum deficiat subiectum per mortem; simile habetur in c. si pro te. infr. eod. in 6. Secunda solutio, & melior est, quod in eodem casu non debent concurrere duæ fictiones. vt not. in l. 1. C. de dot. promiss. Sed si rescriptum hoc casu extenderetur ad successorem , concurrerent duæ fictiones : prima , quia fingeretur iste expressus tempore datæ : secunda, quia successor fingeretur eadem persona cum defuncto ; nam verè successor non est eadem persona cum defuncto, & ita limitatur. l. hæres absens. ff. de iudic. vbi dicitur hæredem posse conueniri , vbi defunctus poterat ; intelligitur enim in ordinario, & non in delegato, saltem dato sub illa clausula generali : & ratio est, quia rescripta sunt personalia, & odiosa, merito restringenda. c. ad hæc. supra eod. Et generaliter, cum quæritur, an rescriptum extendatur ad successorem , distingue secundum Cald. supra eod. in c. in nostra.

stra. & Io. Andr. in c. is, qui in ius. de reg. iur. in 6. Quod, aut materia, super qua impetratur rescriptum, non est extendibilis ad successorem, & expirat rescriptum per mortem. Exemplum in auctore: Impetratum est rescriptum super beneficio debito: nam si moritur, non potest habere eius uti illo rescripto; quia non succedit in beneficio, cum in beneficio non habeat locum successio. c. ex transmissa. de fil. presb. Exemplum in reo: Fuit impetratum rescriptum, ut reus deponeretur ab ordine, vel à beneficio; certum est, quod mortuo reo, non potest conveniri successor: nam crimina morte extinguuntur. c. quorundam. dist. 23. & l. 1. & 2. C. si reus, vel accus. mor. fuer. Aut materia concernit successorem, & tunc, aut res non est integra, puta, quia defunctus fuit citatus, & tunc rescriptum extenditur ad successorem. arg. hic à contrario sensu, ibi, nec fuerat ad iudicium euocatus, aut res est integra; & tunc, aut prædecessor erat conveniendus sub clausula, & tunc non extenditur ad successorem, ut hic, ex quo non fuit expressus dum viveret. Et hoc verum, nisi rescriptum fuisset impetratum contra dignitatem: nam dignitas non moritur, licet moriatur præsidens. c. liberti. 1. 2. q. 1. Aut conveniendus erat expressus in rescripto; & tunc si fuit rescriptum impetratum in materia concernente dignitatem, licet nomen Prælati fuerit expressum, extenditur ad successorem; & in hoc casu loquitur. c. dilecti. de for. compet. Aut non concernebat dignitatem, sed personam; & tunc non extenditur ad successorem singularem, nisi in tribus casibus. Primus, si successor succedit in vitium, & in hoc casu loquitur. c. quia V. de iudic. Secundus casus habetur in c. 1. de alien. iud. mut. caus. fact. Tertius, si emanat secunda iussio. ut in dicto cap. quia V. Aut queritur, numquid debeat extendi ad successorem uniuersalem, & fuerunt multe opinioniones; sed opinio magis communis habet, quod sic; quia censentur eadem persona. ut in Auth. de iure iur. à mort. præstit. col. 5. Item, quia, agitur de modico præiudicio; & intellige hæc, quod defunctus erat in rerum natura tempore dati rescripti; aliud rescriptum non valet. d. l. 2. C. si reus, vel accus. Et simili modo, nec privilegium transit in successorem, si mortuus erat tempore datæ is, cui concedebatur. l. Neratius. ff. de reg. iur. & per Abb. hic.

Cap. 37. Ex insinuatione.

NON valent litteræ executoria, in quibus impetrans falso dixit monitorias præcessisse.

QUIA talis impetrans istud falsum expressit, ut facilius litteras executorias obtineret. Burr. hic nu. 6. Ordo enim, & consuetudo curiæ tunc erat, quod primo monitoriæ, secundo præceptoræ, tertio, & ultimo executoriæ concederentur. c. constitutus. supra eod. licet si fuissent concessæ executoriæ sine illis præcedentibus, essent exequendæ; dummodo non fuissent obtentæ per falsi expressionem. Abb.

Abb. hic in princ. Hodie verò communiter solum dantur executoria, nec sunt in vsu monitoria, & præceptoria, nisi quando Papa rescribit pro receptione alicuius monialis. Abb. hic. Ideo litteræ illæ executoria fuerunt obtentæ obreptitiè per falsi expressionem, vt facilius obtinerentur, & sic nullius sunt roboris. c. super litteris. sup. cod. & glof. hic.

Cap. 38. Mandatum.

CESSANTIBVS clausulis, in dubio Papa non intendit grauare eundem collatorem super prouisione duorum.

QU^{VI}A Papa per suas litteras non vult alicui graue præiudicium inferre. c. licet. de offic. ordin. & c. super eo. de offic. deleg. Et quoniam collatio beneficiorum computatur inter fructus ad collatorem spectantes. glof. 2. in c. cum olim. de maior. & obed. Beneficiorum enim collatio censetur quædam donatio, cum ordinarius vtatur liberalitate alicui conferendo. c. relatum. de præb. Ideo non potest dici, collatorem non grauari, cum priuatur hac liberalitate, & facultate donandi. Abb. hic nu. 3. & sic talis priuatio est potius restringenda, quam dilatanda. vt not. in c. capitulum sanctæ Crucis. supra cod. Papa enim licet possit conferre omnia beneficia, cum sit ordinarius omnium. c. cuncta. 9. q. 3. Tamen non intendit vt hac potestate, quando est concessa ordinarijs, nisi hoc exprimat. vt in tex. nam ecclesiasticus ordo confunditur, si vnicuique Episcopo sua iurisdictio non seruetur. cap. peruenit. 11. quæst. 1.

I D E O secundus impetrans repellitur, siue primus expectet, siue sit iam gratiam consecutus.

QU^{VI}A cum istud mandatum Papæ non se extendat, nisi ad prouisionem vnus. vt in tex. & dictum est superius. De duobus, ille debet esse prouisus, qui prius gratiam impetrauit. vt not. in d. c. capitulum sanctæ Crucis. supra cod. Prior enim tempore, potior est iure. c. qui prior. de reg. iur. in 6. Vnde si primus expectat, cum sit proximè accingendus, pro accinto habetur. vt not. Bald. in c. in nostra. nu. 2. supra cod. Si verò obtinuit, iam mandatum est adimpletum, & intentio principis executæ. vt in text. Ideo collator ad vltiora non tenetur. glof. fin. hic.

Cap. 39. Litteris.

ECCLESIA, in qua primus Papa dedit monitorias, & secundus executorias, per primum, non per secundum intelligitur grauata.

QU^{VI}A iste secundus Pontifex per suas executorias magis profequitur factum prædecessoris, qui dedit monitorias, quam aliquid con-

constituar de suo. vt in tex. Et quoniam operatum attribuitur principio mouenti, non autem factum prosequenti. Butr. hic nu. 4. Et ex vrbannitate quadam conuenit, vt Papa perficiat rem inchoatam à prædecessore. c. quia Ioannes. 12. q. 5. Ideo istud grauamen prouidendi, est attribuendum litteris monitorialibus, à quibus creatur principium iuris agendi, non autem litteris illud principium exequentibus. vt in tex. Sicut dicimus in exequente sententiam iudicis, quod grauamen dicitur illatum à primo iudicante, non autem ab exequente, dum tamen ipse non excedat modum in exequendo. c. super quæstionum. de offic. deleg. & c. quod ad consultationem. de re iudic.

Cap. 40. Abbatem.

DIOECESANVS, cui scribitur, vt in diœcesi sua, ubi pro alio scriptum non est, prouideat, vel faciat prouideri, non potest id exequi circa beneficium spectans ad collationem alterius iam pro alio grauati.

QUIA Papa non intendit grauare eundem collatorem super prouisione duorum. c. mandatum. supr. eod. Et quoniam collator subiectus tali diœcesano, cui scribitur, fuit per speciale rescriptum iam grauatus super prouisione alterius. vt in tex. Ideo iste diœcesanus debet exequi secundum rescriptum ad eum directum, super alijs beneficijs suæ diœcesis non spectantibus ad collationem sui inferioris iam grauati. Innocentius hic.

Cap. 41. Excommunicato.

PER rescriptum directum excommunicatori, vt absoluat excommunicatum, si contra concilium eum excommunicauit; datis executoribus, qui, eo non parente, exequantur, non excommunicatori, sed executoribus cognitio demandatur.

QUIA ipse excommunicator iam censetur esse certus, an excommunicauerit contra Concilium, vel non. vt in *res. scilicet*, an extiterit iusta causa excommunicandi, & an præcesserit competens monitorio, iuxta statuta per Innocentium Tertium in Concilio generali. vt in c. sacro. de sent. excom. cum nemo præsumatur proprium factum ignorare. l. quisquis. C. de rescind. vend. Ideo tale rescriptum dirigitur excommunicatori, non vt ipse cognoscat id, quod iam cognoscere censetur; sed solum vt absoluat, quatenus contra Concilium processerit. Abb. hic nu. 14. Et fit ei talis remissio, ad ipsius honorem seruandum; nam minor pudor est, quod quis corrigat factum suum, quam quod corrigat-

rigatur ab alio. ut in tex. ibi, licet in hoc deferatur eidem. & c. qualiter. de accusat. Cognitio verò demandatur executoribus, quia excommunicatores nolente absolueri, & iustitiam sententiæ prætendente, isti executores delegati habent omnia absolvere excommunicatum, nec aliter ipsum audire, nisi absolutionem petat, præstita cautione de parendo mandatis Ecclesiæ, si constiterit eum esse iuste ligatum. c. ad hæc. de sent. excom. Et iste est primus actus, quem tales delegati facere debent. Nec obstat, si dicatur, quod tex. hic mandat, ipsum absolui sine difficultate; quia illud refertur ad excommunicatorem in casu, quo illum excommunicauerit contra formam Concilij; sed quo ad istos executores delegatos illud non procedit: nam ex quo eis non dum constat de iniustitia excommunicationis, non debent absolvere sine cautione, nec eum audire, nisi prius petat absolutionem cum obligatione cautionis. iuxta d. c. ad hæc. nam ex quo fatetur se ligatum, licet iniuste, non debet perseverare in excommunicatione, ne videatur illam contere. c. per tuas. de sent. excom. & c. cum contingat. de offic. deleg. Deinde, facta absolutione, debent isti delegati cognoscere de iustitia, vel iniustitia excommunicationis; & si constiterit, excommunicationem iustam, puniant quærelantem. Si verò constiterit, eam iniustam, puniant excommunicatorem, iuxta formam traditam. in d. c. sacro. gloss. fin. hic. Et in quantum ista glossa dicit, illum absolvendum, si hoc petierit; insurgit quæstio: An quis possit ab excommunicatione absolui iniustus, vel non petens? Et dicendum, quod sic; nam excommunicatio contra voluntatem potest alicui inferri; sed quæ contra voluntatem eveniunt, etiam contra voluntatem amoveri possunt, sicut patet. de bonis fortunæ; ideo excommunicatio potest tolli ab aliquo invito. S. Th. 4. sent. dist. 18. quæst. 2. art. 7. Præterea in excommunicatione est considerandum, duplex malum, scilicet malum culpæ, & malum pænæ: Malum culpæ est ipsum peccatum, propter quod excommunicatio fertur; quod cum sit à nobis, non potest à nobis tolli sine voluntate nostra. c. peccati. de regul. iur. in 6. Malum verò pænæ plerumque est extra nos, nam sine facto nostro ingeritur; ideo etiam sine facto nostro potest removeri. ut dictum est superius. & S. Thom. in d. art. 5. Par enim ius est in ligando, & in solvendo. c. verbum. de pœnit. dist. 1. An autem expediat illam tollere? dicendum, quod si per excommunicationem quis efficitur deterior, iudex benefacit illam tollendo: nam ex quo videt illam non proficere, debet uti alio remedio. Io. Andr. in c. 1. de sent. excom. in 6. Est tamen advertendum, quando quis fuit iuste excommunicatus, & perseverat in contumacia sua, ne ille magis indurescat, & deteriora committat, ut per mala, quæ committit, inducat superiorem in necessitatem ad illum absolvendum: nam in tali casu daretur ei occasio malignandi, & videretur reportare commodum ex malicia sua, quod esse non debet. Io. Cald. hic. Poterit autem superior considerare, quando expediat illam tollere, vel non,

vel non, Abb. hic in fin. nam siue plectendo, siue indulgendo, hoc solum bene agitur, vt vita hominum corrigatur. c. prodest. 2. §. q. 5. Sed quando non est spes de correctione alio remedio, & talis non vult obedire Ecclesie, debet haberi tanquam ethnicus, & publicanus, id est, vt gentilis & infidelis. c. nouit. de iudic. Et si fuerit excommunicatus propter suspicionem hæresis, si per annum steterit in excommunicatione, postea, tanquam hæreticus habetur. c. cum contumacia. de hæret. in 6. si verò fuerit excôicatus pro contumacia non in causa hæresis, siue per vnum, siue per plures in excôicatione steterit, nō habetur vt hæreticus. glos. in c. excommunicamus. §. qui autem. ver. condemnentur. de hæret. sed aliās contra eum proceditur. c. fin. & ibi glos. 2. de pœnis. Hodie verò excommunicatus quicumque, si post legittimas monitiones non respuerit, non solum ad sacramenta, & communionem fidelium, ac familiaritatem, non est recipiendus; sed si obdurato animo censuris annexus, in illis per annum inforduerit, etiam contra eum, tanquam de hæresi suspectum, procedi potest. Concil. Trid. sess. 25. c. 3. de reform.

Cap. 42. Si proponente.

SI impetrans rescriptum ad beneficium, dixit se non beneficiatum, cum tamen haberet beneficium, non valet rescriptum.

QUIA talis non solum subreptitie impetrat, ex eo, quod non facit mentionem de beneficio, quod habet, & sic tacet veritatem, quam ad validitatem rescripti exprimere debet. c. si motu. de præben. in 6. sed etiam obreptitie peccat, exprimendo falsum, vt facilius impetraret. c. super litteris. supra eod. Et sic vtroque modo fraudulenter obtinet. vt in tex. In rescriptis autem fraus, tam in tacendo verum, quam in exprimendo falsum, vitiatur gratiam. d. c. super litteris. & glos. 1. hic.

LICET illud beneficium sit exiguum.

QUIA de quolibet beneficio obtento, quantuncunque minimo, est facienda mentio in impetratione alterius beneficii. c. si motu. de præb. in 6. Et quoniam nemo præsumitur factum proprium ignorare. c. prox. supr. eod. Ideo impetrans, qui in tali casu mentitur, in fraudem falsum expressisse censetur. glos. 1. hic. Et quoniam paruum vitium non est, ad gratiam impetrandam fraudulenter principi mentiri etiam in minimis. l. fin. C. de his, qui à non dom. manu. Ideo talis impetrans debet gratia carere, non tam ratione prioris beneficii, quam ratione expressi mendacii. Innoc. hic. Præterea, an beneficium sit modicum, vel non, requirit causæ cognitionem, & arbitrium superioris, sicut an mulier sit competenter dotata, vel non, ff. de leg. 3. l. si filio. vnde cum ad superiorem pertineat indagatio, non debet propria auctoritate impetrans id suppressere. Bald. hic nu. 1. mendax enim est, etiam qui parua-

H

suppri-

supprimi: l. tutor, qui repertorium, in princ. ff. de administr. tut. Et he licet lex non cūct regulariter de minimis. l. scio. ff. de restit. in integr. ratione tamen fraudis id, quod videbatur minimum, euadit vitium non paruum. Bald. & Innoc. hic. Et qui conqueritur de tenuitate beneficii, sibi imputet, qui illud acceptauit. gloss. i. hic.

Cap. 43. Quia nonnulli.

ABVTENTES rescripto Apostolico in casibus hic enumeratis, priuantur commodo rescripti.

QUIA fraus, & dolus nemini patrocinari debent. c. sedes. supr. eod. Et quoniam isti casus in textu enumerati, sunt sex modi, quibus impetrantes fraudulenter abutebantur rescripto. vt in text. Ideo commodo rescripti in huiusmodi casibus carere debent, & in expensis sunt condemnandi. gloss. i. hic.

ET condemnantur in sumptibus, & damnis aduersario.

QUIA quotiescunque aliquis non habuit probabilem causam litigandi, debet victori condemnari in expensis, ad indemnitatem illi seruandam, qui iniuste fuit per litem vexatus, & ad pœnam ipsi insligendam, qui litem temerè mouere præsumpsit. gloss. in c. finem. ver. expensis. de dol. & cont. & authent. de iudicib. §. oportet. col. 6. Ideo iste, qui in prædictis casibus iniuste, & fraudulenter litem mouebat, debet alteri parti reficere sumptus, & damna. gloss. i. hic.

In Sexto.

Cap. i. Ipso iure.

RESCRIPTVM impetratum ab excommunicato, est ipso iure nullum, & processus inde secutus.



QUIA iurisdictio delegata sumit initium ex persona agentis, & impetrantis. gloss. hic. ver. processus. Et quoniam excommunicatus non potest agere in iudicio. c. pia. infr. de except. Ideo tam rescriptum, quam processus ab eo dependens (qui sequitur naturam sui principalis) tanquam habentia viciosum principium, viribus non subsistunt. arg. c. principatus. i. q. i. & not. in c. nam concupiscentiam. extr. de constit. Vbi verò excommunicatus agit coram ordinario, tunc processus tenet, donec de excommunicatione contra illum excipiat. d. c. pia. nam ordinaria iurisdictio non incipit ab aliquo particulari actore. d. gloss. hic. Et est magis fauorabilis, quam delegata. cap. ad hæc. extr. cod.

Ideo

ideo si tunc non opponatur contra actorem excommunicatum, iudicium agitatum tenet. *glos. in d. c. pia. ver. duraturis.*

NISI in causa excommunicationis, vel appellationis.

QUIA ista duz causæ pertinent ad defensionem. Archid. hic. nu. r. Et quoniam excommunicatus potest ad sui defensionem interuenire in iudicio, licet in illo non possit stare ut actor. c. cum inter. extr. de except. & c. intelleximus. de iudic. Ideo in istis duobus casibus potest interuenire etiam coram iudice per rescriptum delegato. ut in tex. & glos. ver. alio.

Cap. 2. Cum in multis.

PER clausulam, *Quidam alij, possunt soli quatuor conueniri.*

QUIA in multis iuris articulis infinitas reprobat. ut in tex. Et præcipue in rescriptis, per quæ ordinariæ iurisdictioni derogatur. *glos. 2. hic.* Vnde ad obuiandum huiusmodi infinitati, & ad consulendum ordinariæ iurisdictioni, quæ debet esse fauorabilis; fuit aliàs statutum, ut per istam clausulam, *Quidam alij, multitudo effrenata non comprehenderetur.* ut in c. sedes. extr. eod. Sed quoniam adhuc impetrantes maliciosè quærebāt clausulam illam ad multos extendere, & in iudicijs circa hoc difficultas oriebatur. ut in tex. Ideo per hanc decretalem fuit statutum, ut per illam clausulam, ultra tres, vel quatuor in iudicium non trahatur, quorum nomina, &c. ut in tex.

QUORVM nomina in primo citatorio exprimantur, ne variationi sit locus.

QUIA si circa nomina istorum quatuor exprimenda, posset impetrator libere variare, eius fraudi locus relinqueretur, ut in tex. Et quoniam fraudibus est obuiandum. cap. ex litteris. extr. de dolo, & conuenum. Ideo statuitur, ut in primo citatorio impetrator exprimat, quos velit per illam clausulam conuenire, ut post huiusmodi expressionem non possit circa alios ad eos conueniendos clausulam illam extendere. *Compostell. hic. col. 2. & not. in c. pastoralis. in fin. extr. eod.*

Cap. 3. Dispendia.

SI actor contra reum super pluribus personalibus litteras impetrat ad diuersos, non valent litteræ, nec processus earum.

QUIA licet fuerit aliàs statutum per Gregorium Papam Nonum, ut abuentes rescripto Apostolico in sex casibus enumeratis in c. fin. extr. eod. priuentur commodo illius. ut in d. c. fin. Tamen quoniam adhuc committebatur fraus, dum impetrans ad defatigandum reum, ei mouebat lites coram diuersis iudicibus, ad quos impetrabat

H 2 rescri-

rescripta. *vt in tex.* Ideo Summus Pontifex Innocentius Quartus volens dispendia litium æquitatis compendio coarctare, illud Gregorij statutum ampliando, per hanc decretalem statuit, vt si quis contra alium, plures personales mouere voluerit quæstiones, non ad diuersos iudices, sed ad eosdem, super omnibus huiusmodi quæstionibus litteras studeat impetrare; decernens irritum rescriptum, & processum, si contrarium per impetrantem factum fuerit. *vt in tex.*

Et reo condemnabitur in expensis.

QUIA ad indemnitatem illius, qui temere fuit lite vexatus, & in pœnam iniuste litigantis, regulare est, vt victus victori condemnatur in expensis. *vt not. in c. fin. ext. eod. & l. cum, quem. ff. de iudic.*

Et idem in reo conueniente, vel reconueniente auctorem, eodem durante iudicio.

QUIA in iudicijs debet seruari æqualitas. c. cum inter. de exceptis. Ideo sicut non licet auctori vexare reum coram diuersis iudicibus super pluribus personalibus quæstionibus, vt dictum est superius; ita non debet reo perimitti, vt conueniat, vel reconueniat auctorem apud alium iudicem, quàm apud illum, vbi causa vertitur, nisi eum possit vel suspectum reculare. *vt in tex.*

Cap. 4. Cum aliquibus.

RECEPTVS per litteras facultatis, si ad recipientes spectabat receptio, ipsorum, & non Papæ auctoritate intelligitur esse receptus.

QUIA per huiusmodi litteras Papa nihil facit, nisi quod remouet impedimentum, si quod erat, per quod illi non possent recipere istum, & concedit, vt possint illum recipere in canonicum, & fratrem, ac si nullum haberent priuilegium, statutum, vel consuetudinem, per quæ talis receptio prohiberetur. Archid. hic. ver. facultatem. Vnde per istas litteras Papa excitat iurisdictionem illorum, non autem mandat, vt auctoritate Apostolica receptio fiat. glos. i. hic. Et quoniam auctus attribuitur ei, qui ponit illum in esse, non autem ei, qui remouet impedimentum, per quod non deueniebatur ad illum. c. licet. extr. de offic. ordin. & l. Iulianus. §. sed & si quis. ff. ad exhiben. Ideo talis, non Apostolica, sed recipientium censetur auctoritate receptus. *vt in tex.*

NISI in litteris aliud esset expressum.

QUIA rescriptum accipit vires ab intentione referentis. c. dilecto. & ibi glos. ver. intentionis. extr. de verb. sign. & cap. ad aures. extr. eod. Et quoniam intentio cognoscitur ex verbis. c. is autem. 2. q. 2. nisi ex verbis prauus generetur intellectus, & per alia signa de intentione.

intentione clarius appareat; nam in tali casu potius signa essent considerande, quam verba. c. sedulo. & ibi glos. 1. dist. 38. Ideo si in litteris aliud esset expressum, per quod rescribentis intentio appareret, non esset à tali intentionis interpretatione recedendum. c. susceptum. & ibi glos. ver. expressè. infr. cod. & c. si motu. infr. de prob.

Si autem receptio non spectat ad eos, tunc Apostolica auctoritate dicitur receptus.

QUIA nemo dat, quod non habet. c. quod autem. extr. de iurepatr. unde cum isti non habeant in tali casu potestatem recipiendi iure proprio, non potest quis dici eorum auctoritate receptus. vt in tex. Sed quoniam isti recipiunt potestatem ex viribus rescripti. vt in tex. Ideo talis actus debet denominari ab illo, qui dat ei esse; & sic à Sede Apostolica, quia illius recipi mandat. glos. hic. ver. concedimus. & ver. ad eisdem.

Cap. 5. Si gratiòse.

RES CRIPTVM Papale, quod concedit promotò retentionem primorum beneficiorum vsque ad beneplacitum Papæ, extinguitur, mortuo Papæ.

QUIA per huiusmodi rescriptum denotatur beneplacitum potius personæ Papæ rescribentis, quam Sedis Apostolicæ, & dignitatis, quam ille habet. glos. hic. ver. suæ, & arg. c. litteris. extr. cod. Et quoniam beneplacitum personæ extinguitur per mortem ipsius. vt in tex. nam tale beneplacitum importat, perinde ac si dixisset; donec moriar, nisi prius renouaui. glo. ver. expirat. Ideo expirante Papæ, expirat hæc gratia. d. glos. hic. Sicut etiam expirant reservationes, quas Papa facit, quando illas reservat collationi suæ, & non dicit illas reservare collationi Sedis Apostolicæ. Gemin. hic nu. 16. & Archid. col. fin.

SECVS, si ibi dicatur vsque ad beneplacitum Apostolicæ sedis.

QUIA in tali casu respicitur beneplacitum non personæ, sed dignitatis, vt in tex. & Archid. col. fin. Et quoniam dignitas, & Sedes Apostolica nunquam moriuntur, vt in tex. & c. liberti. 12. q. 1. Ideo talis gratia durabit perpetuò, nisi à successore fuerit renouata. vt in tex. Perpetuò, antea hic intelligitur, id est, donec vixerit ille, cui gratia fuit concessa. glos. ver. perpetuò. & ad idem. l. 1. si pro socio. Vnde nota, quod sicut priuilegium personale ex parte eius, cui conceditur, extinguitur cum persona. c. petisti. 7. q. 1. sic priuilegium personale ex parte concedentis extinguitur cum ipso concedente. vt hic. & sic de utroque potest intelligi c. priuilegium. infr. de reg. iur. scilicet, quod priuilegium personale personam sequitur, & extinguitur cum persona. vt in d. c. priuilegium

gium. Priuilegium autem reale ex parte concedentis, cum concedente non extinguitur. vt hñt. not. glos. in d. ver. perpetuo.

NEC intelligitur tale rescriptum de beneficijs prius non canonicis detentis.

QUIA retentio plurium beneficiorum est ambitiosa. vt in tex. & c. non potest. & ibi glos. in fr. de preb. Et quoniam in ambiosis, & a iure communi exorbitantibus, verba sunt potius restringenda, quam dilatanda. glos. in cl. dilectus. ver. permissa. extr. de tempor. ordin. Ideo per rescriptum, in quo conceditur retentio priorum beneficiorum nil noui iuris in illis conceditur. glos. fin. hic. Sed retentio illa est intelligenda de beneficijs, quæ talis obtinet de iure, non autem de obtentis solum de facto. arg. de c. non potest. in fin. & Francus hic num. 4. Rescriptum enim recipit interpretationem a iure communi creatam. extr. eod. Et de iure communi non conceditur, vt quis beneficium iniuste detineat. i. in fr. de reg. iur.

Cap. 6. Susceptum.

VACATIO per mortem, & vacatio per renuntiationem sunt diuersa.

QUIA vacatio per mortem est coacta; vacatio verò per renuntiationem est voluntaria. glos. ver. humanis. Et aliud est cedere, aliud est decedere. glos. ver. non morte. Ideo impetrans beneficium per ynum de istis duobus modis vacationis, si per alterum modum vacet, illud obtinere non potest. Cemin. num. 4. nisi de intentione mandantis aliud appareret expresse, vt in tex. scilicet, quia expressit, se velle beneficium illud tali conferri, resignatione, vel quocunque modo vacauerit. glos. ver. vacauerit. nam vbi apparet de intentione concedentis, a qua rescriptum accipit vires, illa est sequenda. ad aures. extr. eod. Nec obstat, quod renuntians quo ad ipsam Ecclesiam fingatur mortuus. vt in c. in apibus. §. ecce. 7. q. 1. & ideo videatur, quod vacatio per mortem comprehendat etiam vacationem per renuntiationem. Nam respondetur, quod renuntians dicitur haberi pro mortuo, in quantum post cessionem non amplius administrat illud beneficium, nisi habeat nouam provisionem, vt in d. §. ecce. nec in omnibus æquiparatur mortuo; nam talis posset de nouo ad Ecclesiam reassumi. c. ex transmissa. extr. de renunt. quod in mortuo esse non potest. & nunquam mors civilis comparatur naturali, nisi in casibus in iure expressis. lex ea parte. §. in infamia. ff. de verb. oblig.

ET ideo in litteris ad beneficia impetratis, uno expresso, non venit reliquum.

Quia

QUIA ex diuersis non fit illatio. l. Papinianus. ff. de minor. Et quāuis plenissima sit alias in beneficijs interpretatio facienda; litteræ tamen super obtinendis beneficijs impetratae, debent (cum sint ambitioſe) reſtringi. c. quāuis. il. i. infr. de præb. Ideo ubi beneficium impetratur per mortem alicuius, debet ſtrictè intelligi de morte naturali, prout verbum ſonat, nō autem de morte civili, & ſic. gloſa penult. hic.

Cap. 7. Gratia.

LICET ignorans beneficium ſibi collatum, in impetratione alterius, illius mentionem non fecerit, valent litteræ.

QUIA talis non fuit in culpa, tacendo illud, quod nesciebat, cum nemo teneatur diuinare ea, quæ ſunt facti. gloſa hic ver. nescites. & not. in c. i. de coſtit. in 6. Et quoniam ubi nō eſt culpa, quis non debet damnum ſentire. c. cognoscetes. extr. de coſtitut. Ideo iuſta ignorantia non debet obſeſſe tali, qui de beneficio ſibi collato non fecit mentionem in impetratione alterius beneficij. vt in rex. Et hoc habet locum, in reſcripto ad beneficium, in quo non tractatur de præiudicio tertij; nam in reſcripto ad lites, ubi tractatur de præiudicio tertij, taciturnitas veri etiam in facto alieno, & per probabiliter illud ignorantem, vitiat reſcriptum. Gemin. hic nu. 4. Tunc enim deficit intentio reſcribentis, qui non intendit alicui præiudicium inferre. c. licet. extr. de offic. ordinar. Et yltra intentionem reſcribentis non ſe extendit reſcriptum. c. ad aures. extr. eod. Præterea primum illud beneficium non fuit tali impetranti ſecundum, ante acceptionem, & ratihabitionem acquiſitum. c. ſi tibi abſenti. infr. de præb. Et de beneficio, quod quis nondum habet, nec ſcit ſe illud habiturum, non tenetur quis facere mentionem in reſcripto ad aliud. Archid. hic nu. 1.

ALTERVM tamen eliget, ſi de iure ſimul teneri non poſſunt.

QUIA licet talis probabilis ignorantia excuſet à vicio ſubreptionis, vt dictum eſt ſuperius, & not. in c. ſuper litteris. extr. eod. non tamen inducit diſpenſationem contra Concilium, de quo habetur in c. de multa. extra de præbend. ſicut nec etiam expreſſio beneficij, quod iam aliquis habet, diſpenſationem inducit, nec plus iuris tribuit, quam prius ille haberet. vt not. ſupra in cap. ſi gratioſe. ſed tantum operatur, quod litteræ ſubreptiæ non dicuntur. cap. non poteſt. infra de præbend. & gloſa. 1. hic. Et quoniam plura beneficia, quæ de iure communi ſimul teneri non poſſunt, indigent ad illa retinenda, particulari diſpenſatione. vt in d. c. de multa. Ideo ſi talis impetrat ſecundum, quod non poteſt retineri ſine diſpenſatione cum primo, vnum, vel alterum dimittere debet. vt in rex.

Cap. 8. Quamuis.

§ I restituatur quis ad gratiam reuocatam, sine alterius præiudicio intelligitur restitutus.

Q V I A Papa non intendit alicui facere gratiam cum præiudicio tertij, nisi expresse hoc dicat. vt in tex. & c. super eo. extr. de offic. deleg. Et quoniam rescriptum accipit vires ab intentione rescribentis. c. ad aures. extr. eo. Ideo talis restitutio sic est intelligenda, vt alteri non faciat præiudicium. vt in tex. Non enim debet nasci inde iniuriarum occasio, vnde iura nascuntur. c. qualiter. il. 1. extr. de accus.

V N D E alteri ante restitutionem impetranti, præferri non debet.

Q V I A vbi vtriusque par est causa, qui prior est tempore, potior est iure. c. qui prior. & ibi glos. infr. de reg. iur. Vnde cum iste restitutus sit posterior, nam gratia prior ei non suffragatur, cum fuerit reuocata, & restitutio ad illam gratiam non intelligitur cū præiudicio tertij, qui interim impetrauit, vt dictum est superius. Ideo eius gratia incipit valere à data vltimi rescripti; & sic tanquam posterior non debet præferri priori. glos. 1. hic. Et in quantum dicitur, quod restitutio est prioris status reparatio, & restitutus in pristinum ius recedit. C. de sent. pass. & l. quod si minor. §. restitutio. ff. de minor. Illud intelligitur in præiudicium restitutionem concedentis, non autem in præiudicium tertij, nisi hoc exprimatur. Gemin. hic nu. 5. Præterea ista gratia, de qua loquitur hic tex. est potius noua concessio, quam vera restitutio. glos. penult. hic. Ideo non obstant iura, quæ de vera restitutione loquuntur. Archid. hic in fin. Hodie verò huiusmodi mandata de prouidendo sunt sublata per Concil. Trid. sess. 24. de reform. cap. 19.

Cap. 9. Si eo tempore.

I N litteris ad beneficia impetratis, inspicitur tempus datæ.

Q V I A rescriptum accipit vires ab intentione rescribentis. vt supra in c. prox. Et quoniam non præsumitur, Papam rescribentem habuisse intentionem prouidendi alicui de beneficio, qui illo non sit dignus tempore, quo ei conceditur rescriptum. Archid. hic nu. 1. nisi dicat de certa scientia, & non obstantibus ætate, & quibuscunque. Gemin. hic nu. 6. Ideo si tempore datæ, quando per scripturam rescribens exprimit suam intentionem, impetrans erat inhabilis, rescriptum censetur subreptitium. Gemin. hic nu. 3. Vbi verò rescriptum continet aliquid, de quo non poterat fieri mentio tempore datæ; sed habet respectum ad casum, & qualitatem futuram, tunc respicitur tempus receptionis,

peionis, & presentationis litterarum, cum talis præsumentur tunc intentio rescribentis, ex eo, quod non poterat fieri mentio de eo, quod non erat. glos. 1. in c. dilectus. il. 1. extr. de præb. Et ideo non potest in tali casu argui rescriptum de subreptione. Zabari. in Clem. fin. num. fin. eod. ubi distinguit, quod attenditur data, quando consideratur rescriptum quo ad eius substantiam, & quo ad effectum intrinsicum; secus quando consideratur quo ad effectum extrinsecum, & ad conditionem futuram.

V N D E per illas beneficium curatum obtinere non poterit, qui licet nunc sit maior, illo tempore minor erat.

Q V I A non firmatur tractu temporis, quod de iure ab initio non subsistit. c. non firmatur. infr. de reg. iur. exceptis casibus, in quibus in iure contrarium exprimitur. Archid. hic nu. 2. Et quoniam talis impetratio ab initio fuit inualida, ut dictum est superius. Ideo non valet, etiam si deueniat postea ad eum casum, a quo recte posset habere principium. Archid. d. nu. 2.

Cap. 10. Si propter tua.

G R A T I A generalis, non præiudicat speciali.

Q V I A Princeps non intendit per suum rescriptum tollere ius tertij, nisi hoc exprimat. ut not. in c. quamuis. supra eod. Et quoniam per generalem gratiam non intelligitur aliquid expressum in præiudicium tertij; cum in generali concessione non veniant ea, quæ non esset quis in specie verisimiliter concessurus. c. in generali. infr. de reg. iur. Ideo per concessionem generalem non intelligitur præiudicium gratiæ speciali, & iuri alicui acquisito. ut in tex.

E T debet facere mentionem de precedenti privilegio, consuetudine, vel statuto.

Q V I A cum ista sint quid facti, & in facto consistent, potest ea Princeps probabiliter ignorare. c. 1. supr. de constit. Et quoniam non intelligitur concessum id, quod Princeps ignorat, cum ad illud sua intentio non feratur. c. ad aures. extr. eod. Ideo si de istis in litteris non fiat mentio, per rescriptum generale non intelligitur eis aliquod præiudicium generatum. ut in tex. & d. c. 1. de constit.

Cap. 11. Statutum.

C A V S A E ab Apostolica Sede, vel eius Legato, committi debent dignitatibus obtinentibus, vel canonicatum Ecclesiæ Cathedralis.

Q V I A in deputandis iudicibus est habenda ratio publicæ, & privæ utilitatis, ut illi scilicet deputentur, qui legum sint eruditi, & cau-

& causarum habeant experimentum, per quos præsumatur, iustitiam partibus esse administrandam. Authen. de iudicib. coll. 6. circa princ. Et qui non sint personæ viles, per quas redundaret ignominia in principem, cuius gerunt vices, gloss. hic. ver. sedes. Et quoniam tales idonei magis præsumuntur reperi inter dignitatem obtinentes, & inter Canonicos Ecclesiæ Cathedralis. gloss. hic. ver. canonicis. Nam quanto quis maioribus, & melioribus præstet, tanto maior, & sanctior esse censetur. c. miramur. dist. 61. & Authen. de defens. ciuit. §. nos igitur. coll. 3. Ideo ut iudicium rectè administraretur, & ne illud committatur personis vilibus, statuitur, ut causæ solum committantur dignitatem, vel canonicatum Cathedralis Ecclesiæ obtinentibus. ut in tex. & d. gloss. ver. sedes. Si tamen ex certa scientia Papa committeret simplici clerico, tunc commissio valeret; cum certa scientia excludat vitium subreptionis. ut not. in c. si mori. infra de præb. Et Papa cum sit supra ius positium, intelligitur in tali casu constitutioni huic derogare. gloss. hic. ver. litterarum. Certa autem scientia tunc dicitur adesse, quando ex litteris, vel per testes, illa clarè apparet, propter expressam notitiam facti, vel alio modo, licet non dicat explicitè, committimus ex certa scientia. Gemin. hic. nu. 11. Sed si non constet de hac eius scientia, tunc præsumitur talis commissio facta contra ius commune, subreptitiè impetrata, & est de tali rescripto certiorandus Princeps, & eius secunda iussio expectanda. gloss. in c. 1. ver. noscatur. de constitut. hoc lib. Episcopus tamen, & inferiores ordinarij possunt causas suas committere simplici clerico, dummodo audiat causam in ciuitate, aut alio honesto, & insigni loco. Prima pars huius dicti patet ex hoc tex. nam ista constitutio non tangit Episcopos, & alios ordinarios, qui propria auctoritate committunt; vnde cum hoc non sit in iure cautum, remanet iuris communis dispositio, ut quilibet possit in causarum cognitione committere vices suas. arg. c. c. in iussu. 2. q. 5. & Archid. hic. nu. 1. Non prohibetur autem hoc ordinarijs, quia censentur particulariter cognoscere in eorum diocesi- bus, quoniam sint apti ad causas cognoscendas; & quia cum eorum delegati non gerant vices Apostolicæ Sedis, non ita requiritur persona grauis, cui committatur, sicut quando committitur à Papa, vel ab eius delegato, ut in persona delegati retineatur, plusquam potest, dignitas delegantis. Archid. d. nu. 2. Secunda pars huius dicti probatur in clem. quamuis. de for. compet. Nam si Episcopus in diocesi aliena tenetur eligere locum insignem in casu, quo ibi procedere, & iudicare potest. ut in d. clem. quamuis. fortius debet hoc facere in propria, ubi habet liberam iurisdictionem vbique. Io. Vanquel hic in fin. quod tamen intellige, quando est talis causa, quæ pro sua discussione indiget iurisperitis; nam in parua causa, in qua esset summarie, & sine figura iudicij procedendum, tunc Episcopus posset illam committere in quolibet loco suæ diocesis, quamuis minimo. Abb. in d. clem. quamuis. & vide quod nouissi-
mè

mè sanciuir Concil. Trid. sess. 25. de reformat. cap. 10.

NEC tractari debent, nisi in ciuitatibus, vel locis insignibus.

QUIA in huiusmodi locis potest commodè copia peritorum haberi, ut in tex. Et in causis est curandum iuxta earum exigentiam pro iustitia rectè administranda, ut aduocati, assessores, consiliarij, & alij ad illas pertinentes possint per iudicem, & partes haberi. l. 1. §. ait prætor. ff. de postul.

§. Cum vero.

ACTORE, & reo eiusdem diœcesis existentibus, causa committi non debet extra illam.

QUIA per superiorem est curandum, ne subditi in locis nimium grauentur laboribus, & expensis. c. finem. extra de dol. & contum. Et quoniam eo magis labores, & expensas regulariter patiuntur litigantes, quo plus à proprijs domicilijs distat. Archid. hic nu. 5. Ideo in litigantium fauorem fuit prouisum, ut causa regulariter non committatur extra eorum diœcesim, ut in tex. & c. si. extr. eod.

NISI in sex casibus hic expressis.

QUIA in his casibus litigantes, aut possunt habere suspectos iudices intra diœcesim, aut non est eis ibi locus tutus. Archid. hic nu. 8. Et quoniam iudicium sine suspitione procedere debet. c. quod suspecti. 3. q. 5. l. apertissimi. C. de iudic. Et nemo est cogendus in loco, ubi de eius discrimine vitæ agitur, litigare. c. ex parte. il. 1. extr. de appell. Ideo melius est obtinere iusticiam extra diœcesim cum aliquibus maioribus incommodis, & expensis, quam intra diœcesim iniustam reportare sententiam, vel propriam amittere vitam, vel saltem de his probabiliter suspicari, & continè timere, cum inter duo mala sit minus malum eligendum, c. duo mala. dist. 13.

IN quibus tamen non trabetur ultra vnā dietā.

QUIA licet olim quis posset trahi per duas dietas in casibus, in quibus causa extra diœcesim committerebatur ut in cap. nonnulli. extr. eod. Tamen ad diminuendum litium labores, & expensas, Innocentius Quartus, per hanc suam constitutionem restrinxit terminum ad vnā dietam tantum. ut in tex. Et huic nouo, & posteriori iuri hodie standum est, gloss. hic. ver. vnā. Computatur autem hæc dieta, non à loco habitationis rei conuenti, sed à fine diœcesis sui domiciliij, ut in tex. nam per totam diœcesim, cum sit sub suo ordinario, reus non dicitur grauari. c. cū Episcopus. infr. de off. ord. Ideo debet incipi dieta, ubi incipit noua iurisdictio. Franc. in l. in §. prox. nu. 1.

I 2 ET

ET nisi in duobus ultimis casibus impetrans per iuramentum fidem feceris de illis, repelletur à iudice.

QUASI. sex casus hic enumerati sunt isti. Primus, quando aliquis impetrat rescriptum contra Episcopum. Secundus si contra Capitulum ipsius Episcopi. Tertius, si Episcopus impetrat contra aliquem de sua diœcesi. Quartus si aliquis impetrat rescriptum contra vniuersitatem alicuius ciuitatis, castri, aut villæ. Quintus si impetrans non audet intrare diœcesim suam, in qua etiam reus moratur. Sextus, si impetrans merito perhorrescit potentiam aduersarij, vt in tex. Vnde, cū quatuor primi casus appareant realiter, non potest circa illos impetrans aliquam committere fraudē; sed circa duos ultimos, cum cōsistant in eius animo, posset sepe ibi asserere timorē, vbi non est timor. Gessin. hic nu. 8. Ideo ad euitandam fraudē, & mendacium, statuitur, vt impetrans saltem per proprium iuramentum fidem faciat iudici, se verē, & merito timere. vt in rex. Statut autem suo iuramento, si aliter non potest fieri fides de eius timore, quia non est verisimile, quod in hoc sit suæ salutis immemor. Archid. hic nu. 11. Nec tenetur iste causam timoris experire; nam etiam si sua culpa incidisset in timorem, excusatur; cum hic potius attendatur iustitia, & æquitas iudicis, quam factum ipsius delinquentis. Archid. ibi. 8. Debet tamen esse talis timor, qui caderet in constantem virum; nam vanus timor in iure non excusat. Archid. d. num. 8.

ET in expensis condemnabitur.

QUASI. regulare est, vt vbi aliquis temere trahit alterum ad iudicium, ei reſciat expensas, vt not. in c. dispendia. supr. eod. Cum autem.

ACTOR contra reum diuersæ diœcesis, debet impetrare delegatum, vel in diœcesi rei, vel in alia non propria.

QUASI. si actor posset impetrare iudicem in sua diœcesi, de qua non est reus, sepe illum impetraret, vt reus fatigatus laboribus, & expensis, liti cedere, vel importunitatem actoris redimere, compelleretur c. nonnulli. extr. cod. Et quoniam vnde iura nascuntur, inde iniuriæ oriri non debent. l. meminere. C. vnde vi. Ideo datur electio actori, vt impetret in diœcesi rei, vel in alia vicina, dummodo non sua; & succurritur reo, vt non patiatu incommodum litigandi extra diœcesim suam in diœcesi actoris. Francus hic in princ. Vt sic iusta sit compensatio, vt qui grauatur in vno, subleuetur in alio. c. 1. de parochiæ iudice t. iudicium, c. cum inter de except.

N E C ultra vnā dietā distāte .

Q V I A iam est statutum ad diminuendum litium labores, & expensas, vt si actor, & reus sint eiusdem diœcesis, reus non possit trahi ad iudiciū vltra vnā dietā . vt supra in §. prox. Et quoniam est eadem ratio etiam in casu, quo sunt diuersæ diœcesis, ne reus, scilicet, nimium incommodis fatigetur. Archid. hic nu. 9. Ideo etiam in tali casu debet statui idem ius. l. illud. ff. ad leg. Aquil. An autem ista dieta computanda sit legaliter, scilicet, vt viginti milliaria computentur pro vna dieta. vt l. vicena. ff. si quis cau. An vulgariter, scilicet, secundum regionis consuetudinem. Dic, vt not. in d. c. nonnulli. extr. eod. & in c. cupientes, infr. de elect. & quod de vulgaribus intelligi debeat, probatur in c. præsentī. §. loca. infr. de præb. gloss. hic. ver. vnā .

§. In nullo .

D E L E G A T V S extra locum commissionis, nec partes citare, nec causam cognoscere potest sine expresso partium consensu .

Q V I A forma delegationis non est alteranda; cum delegantis mandatum sit diligenter obseruandum. gloss. i. in c. statuimus. infra de offic. deleg. Et quoniam vbi forma rescripti se restringit ad certum locum, si vltra illum locum, delegatus procederet, non obseruaret formam mandati. gloss. hic. ver. deputatus . Ideo iudex deputatus intra ciuitatem, seu diœcesim, extra illas iurisdictionem exercere non debet. vt in tex. Conceditur tamen, vt partes per expressum earum consensum possint illius iurisdictionem etiam extra locum deputatum dilatare. vt in tex. quia cum talis locus sit restrictus ad ipsarum fauorem. vt not. supra in §. cum verò, Quilibet permittitur, vt fauori suo renunciare possit. c. ad Apostolicam. extr. de regul.

N E C subdelegare locis, vel personis alijs, quam hic expressis .

Q V I A subrogatus sapit naturam illius, in cuius locum subrogatur. §. fuerat. Instit. de action. Ideo qualitas requisita in delegato respectu personæ, vel loci, de quibus hic habetur in tex. requiritur etiam in eius subdelegato, qui eius vices, & naturam gerit, & in quibus est eadem ratio. Francus hic nu. 2.

§. Insuper .

D E L E G A T V S nihil debet à partibus recipere .

Q V I A iudicium siue iustum, siue iniustum vendere non licet. c. non licet. 1. i. q. 3. Et quoniam ab omni specie mali, præcipit Apostolus, esse abstinendum. c. cum ab omni. extr. de vita, & honest. cler. Ideo, vt iu-

vt iudicium cum omni puritate coram delegato procedat, & venditionis absit iniquitas, illud gratis iudex præstare debet. vt in tex. & vide S. Tho. 2. 2. q. 100. artic. 5.

NISI esculentum, & poculentum libere oblatum, quod paucis possit consumi diebus.

QUIA talia xenia non sunt lucra: l. solet. ff. de offic. procons. & tolerantur, quia non est verisimile, quod propter illa moueatur animus iudicantis. c. & si quaestiones. extr. de simon. Sicut etiam pro modica re non datur actio de dolo; cum non sit verisimile, quod in re modica adhibeatur dolus. l. si oleum. & sequen. ff. de dolo mal. Et de modico non est curandum. c. re vera in princ. & ibi glos. ver. mortui. de consecr. dist. 2. Et hoc intellige, quando libere offeruntur. vt in tex. Nam non debet iudex ista exigere, sed oblata non prohibetur accipere; cum liberalitas offerentis tollat suspicionem, quam etiam in re modica, instantia induceret petentis. Francus hic nu. 2. & Gemin. nu. 4.

VEL moderatas expensas, si non sunt pauperes, quando pro necessitate, vel utilitate, non malitiosè extra domicilium pergeret.

QUIA nemo tenetur proprijs stipendijs militare. 13. q. 1. c. vnic. §. his itaque. Ideo ne delegato sit damnosa ista professio, quam facit occasione causæ, debent ei partes administrare moderatas expensas, quas ei conuenit extra suum domicilium facere. vt in tex. nec deducuntur expensæ, quas domi esset factururus. Gemin. hic nu. 8. secus est in iudice ordinario, quia ipse habet salarium à publico. §. illud. Authen. de mand. princ. col. 3. Si verò vna pars esset pauper, vel essent pauperes ambe; tunc pars abundans non soluet totum, sed suam partem tantum; pauper verò nihil soluet; sed aliam partem administrabit de suo ipse. iudex, si potest, sicut etiam quando ambe partes sunt pauperes. glos. 3. in c. cum ab omni. extr. de vita, & honest. cler. ex quo enim causam acceptauit, sibi imputet, si non præiudit ea, quæ præiudenda erant: arg. l. 1. §. quaesitum. ff. de separat. Si verò ipse non habet, unde istas possit facere, expensas, remittet negotium ad superiorem, se excusando. arg. c. si quando. extr. eod. Gemin. hic in fin. Si verò abest, non principaliter propter causam sibi delegatam, sed propter alia negotia; tunc non debet habere expensas. glos. hic. ver. propter. Nam non potest tunc dici, quod sit absens propter causam, licet talis absentia coadiuuat causæ; Cum illud sit inspicendum, quod principaliter intenditur, non autem quod per accidens venit. l. non verè. & ibi glos. & l. reipublicæ. ff. ex quib. caus. maior.

§. Assessorem .

DELEGATVS, nisi indigeat, non assumat assessorem .

QUIA aliqui iudices quandoque fraudulentè sibi assumebant assessores, vt in tex. Et hoc faciebant, vel vt partes grauarent, vel alteram earum; vel vt amicis seruirent, vel vt lucrum participarent, vel vt seipfos exonerarent, quæ facere non debent. c. pastoralis. in princ. extra de offic. deleg. & gloss. hic. ver. fraudulentè. Et quoniam fraudibus non est indulgendum. c. sedes. extr. eod. Ideo statuitur, vt si delegatus non indigeat assessore, non assumat illum. vt in tex. Si verò eo indigeat, potest eum assumere, vt sibi in causæ cognitione assisat, & ipsum ad rectè iudicandum instruat, ne sibi imprudentia imputetur, & ex ea puniatur, quod fieri posset; nam iudex tenetur ex quasi maleficio, in quantum bonum, & æquum superiori visum fuerit. Instit. de obligat. quæ ex quas del. nasc. in princ. & Specul. in tit. de assessore. §. 1. & §. salarium.

ALIAS, de suo illi provideat .

QUIA cum talis assessor tunc non interueniat in causa ad vtilitatem partium. vt in tex. illæ non sunt in expensis indebitis aggrauandæ. arg. c. cum te. extr. de offic. deleg. Et quoniam assessor, non tenetur sine præmio assistere, & consiliari. l. 1. C. de assess. Ideo iudex, qui ad suum placitum, non ad commodum partium, illum adhibuit, sibi imputet, si de suo tenetur satisfacere illi. arg. d. l. penult. de separat. An autem iudex indigeat assessore, vel non, relinquitur conscientiæ suæ, vt in text. Vnde si ipse dicat, se illo indigere, potest illum assumere, etiam inuitis partibus, licet conueniens sit, vt de assensu partium eligat illum. Specul. d. tit. de assess. §. & igitur. Et cum hoc relinquatur conscientiæ iudicis, non possunt partes reclamare, & ei referre quæstionem, dicendo; quod assessore non egeat; nam quando aliquid est remissum conscientiæ aliquius, nullus alius, sed solus Deus est iudex. gloss. hic. ver. relinquitur. & gloss. in c. significasti. il. 1. ver. si est ita. extr. de homicid. Si tamen conscientia appareret euidenter erronea in re magni præiudicii, posset haberi recursus ad superiorem, non per viam appellationis, & iustitiæ; sed per viam supplicationis, & gratiæ, vt emendet, quod male factum est; cum conscientia debeat esse regulata, & non erronea; nec debet magnū præiudicium alteri inferre. Francus hic nu. 6. Est autem notandum, quod conscientiæ attribuuntur tria officia. Primum est testificari, iuxta illud Apost. ad Rom. cap. 2. Testimonium reddente illis conscientia. Secundum est instigare, & ligare, quando dicat aliquid faciendum, vel omittendum sub pœna peccati mortalis, tunc ligat sic, quod stante tali dictamine, peccat mortaliter, se difformando illi, & venialiter, si dixerit sub

sub pœna peccati venialis ; vt dicit glos. ad Rom. 14. super illud: Omne , quod non est ex fide, peccatum est . vbi glos. Qui facit contra conscientiam, ædificat ad gehennam. Quia secundum Damascenum : Conscientia est lex priuata hominis ; sed facere contra legem, peccatum est, ergo & facere contra conscientiam. Viguerius cap. 3. nu. 46.

S I eget, non suspectum partibus assumes .

Q V I A in iudicijs æqualitas est seruanda . c. qualiter. il. 1. extr. de accusat. Et quoniam assessor est consiliarius iudicis, & posset prauo consilio peruertere illum. l. 1. c. de assessor. Ideo ne iniuriæ inde nascantur , vnde iura oriri debent. d. c. qualiter. Curandum est, vt consilium, & instructio præstetur ab eo, qui non habeat passionem in causa, ex qua iudicis quærat corrumpere animum . Specul. in tit. de assessor. §. debet. & Decius consil. 8. nu. 2.

C V M moderato salario à partibus soluendo.

Q V I A vnicuique iuxta laborem est merces constituenda . c. charitatem. 12. q. 2. cum nemo teneatur proprijs stipendijs militare. c. cum ex officij. extr. de præscript. Et quoniam rectum consilium vendere licet. c. non licet iudici. 11. q. 3. Et ille tenetur soluere mercedem, qui de tali labore commodum sentit. c. qui sentit. infr. de reg. iur. Ideo cum iste assessor assumatur ad negotium vtrique parti commune . supr. §. prox. ab eisdem partibus est ei de salario communiter prouidendum. vt in tex. & glos. hic. ver. competenti .

§. Notarium .

D E L E G A T V S taxare debet salarium Notariorum.

Q V I A sicut ad iudicem etiam delegatum spectat sibi in causa eligere Notarium, vt fideliter cuncta iudicij acta conscribat. c. quoniam. extr. de probat. qui tamen non debet esse suspectus alicui parti . supr. §. prox. Ita debet ad eundem iudicem spectare, illi constituere, & taxare salarium ; nam cum causa sit ei commissa , super omnibus , quæ ad causam ipsam spectare noscuntur , plenariam recipit potestatem . c. præterea. extr. de offic. deleg. Et cum ad eum spectet principale , debet spectare etiam accessorium. c. accessorium. infr. de reg. iur. Et cum Notarij, vt plurimum , in exigendo salario metas rationis excedant ; ideo debet iudex eos prudenter refrænare. vt in tex.

N E C participare debet cum ipsis, vel assessoribus in salario.

Q V I A licet Notarius, & assessor possint pro eorum mercede moderatum recipere salarium. vt superius not. Iudex tamen aliquid, præter esculetum, & poculentum liberè oblatum, à partibus recipere-

cipere prohibetur. vt supra in §. insuper. Cum nec iustum iudicium vendere liceat. c. cum ab omni. extr. de vita, & honest. cler. Et quoniam, cum quid vna via prohibetur alicui, ad id alia admitti non debet. c. cum quid. infr. de reg. iur. Ideo sicut iudex non potest recipere tale lucrum, nomine proprio, ita non debet illud recipere sub nomine alterius, vel participando cum alio. vt in tex. & d. c. cum ab omni.

§. Si quid.

DELEGATVS recipiens aliquid contra prohibitionem huius capituli, tenetur restituere.

QU^{IA} nemo debet contra iura mercari. c. qui contra. infr. de reg. iur. Vnde qui recipit contra ius, iniuste detinet. l. non videntur. ff. de reg. iur. Et quoniam, qui iniuste detinet, ad restitutionem tenetur; nam non dimittitur peccatum, nisi restituatur ablatum. c. cum tu. extr. de vsur. Ideo si iudex recipit aliquid, vbi à iure prohibetur, illud restituere debet. vt in tex. & c. quia saepe. infr. de elect. Turpiter enim accipit, cum ad id gratis teneatur. glos. in l. 4. §. penult. ver. repeti. ff. de cond. ob turp. caus.

NON obstante dantis remissione.

QU^{IA} licet regulariter nihil tam conueniens sit naturali æquitati, quam voluntatem domini volentis rem suam in alium transferre, ratam haberi. §. per traditionem. Institut. de rer. diuis. Hoc tamen fallit, quando ius exprimit, & prohibet remissionem; nam tunc ad publicum bonum, & ad obuiandum delictis, est potius attendenda prohibitio legis, quam voluntas dantis. glos. hic. ver. remissione. & Gem. num. 1.

§. Pro ferendo.

DELEGATVS non debet vocare testes, nisi statu causa requirente.

QU^{IA} iudex non solum debet parcere laboribus, & expensis partium. c. finem. extr. de dolo, & contum. sed etiam testium. glos. hic. ver. expensis. Et quoniam aliqui prætextu ferendi testimonij, fraudulenter alios à iudicibus interdum vocari procurarent, vt eos laboribus, & expensis fatigarent, aut aliquid extorquerent ab eis. vt in tex. Ideo ad obuiandum talium malitijs, & ad testium indemnitatem seruandam, statuitur, vt iudex nullum vllatenus conuocet ad testificandum, nisi quando conditio, & status causæ requirunt. vt in tex. & l. quoniam liberi. C. de testib.

ET producens, illis administrare debet expensas in veniendo, stando, & redeundo .

QUIA licet testis non sit pretio conducendus. c. 1. extr. de testib. est tamen providendum, ne proprijs militet stipendijs. vt not. supra in §. assessorum, & ibi glos. ver. competenti. Ideo sunt ei competentes expensæ ministrandæ, vt in tex. Et licet testis debeat pro vtraque parte dicere veritatem. c. 1. extr. de testib. cogen. Et vbi aliquid cõcernit commune negotium iudiciale, vtraque pars debeat conferre expensas. supr. in c. insuper. nihilominus in isto casu solum producens tenetur ei providere. vt in tex. quia, licet testis debeat pro vtraque parte dicere veritatem; non tamen principaliter ille, qui eum producit, tendit ad hoc; sed tendit, vt prober intentum suum; & ideo debet illi providere; secus est in iudice, & assessore, qui principaliter intendunt negotio communi. Et nos debemus potius inspicere id, quod principaliter fit, quam id, quod fit in consequentiam. vt not. glos. fin. in c. quamuis. infr. de pact. Et sicut pars producens procurat suos testes, ita altera pars volens producere testes reprobatorios, habebit eis providere in necessarijs. Gemin. hic nu. 3. Si autem idem testis, vel testes producantur ab vtraque parte, tunc vtraque pars tenetur conferre in expensis. Bald. in l. eos. §. si quidem. in fin. C. de appellat. Et de expensis testium, vide per Io. Andr. in addit. ad Specul. in tit. de testib. §. qualiter. super ver. testes autem. Et deberent habere vecturas equorum, si personarum qualitas hoc requirit. vt not. in l. idemque. §. idem Labeo. ff. mand. & Bald. in l. quoniam liberi. in princ. C. de testib. Sed an testis possit petere salarium, vel emendationem damni, quod patitur ratione temporis positi in eundo, stando, & redeundo? tex. hic facit, quod non, quia solum dicitur, quod habeat expensas, ergo alia videtur prohibuisse. arg. c. nõne. extr. de præsumpt. & sic alia damna non veniunt. & ita not. Bald. in l. fin. in fin. C. de fruct. & lit. expens. Quod dictum est menti tenendum, nam multoties erratur in hoc; & diceretur testis corruptus, ex quo reciperet contra prohibitionem iuris; & eius dictum non probaret. l. 1. ff. de fals. Francus hic. num. 4.

§. Quicquid .

GEST A contra hanc decretalem, sunt ipso iure nulla .

QUIA licet factum contra legem, etiam specialiter prohibentem, non sit ipso iure nullum, sed sit per exceptionem annullandum, nisi aliud in ipsa lege exprimitur; & ex eo, quod ille facit contra legem, sit puniendus. glos. in Clem. 1. ver. inhiibentes. de iurepatr. & Gemin. hic. Vbi tamen lex non solum prohibet, sed etiam perpetuam prohibitionis causam apponit, & declarat illud esse ipso iure nullum, etiam si exce-

si exceptio non opponatur, factum illud nullo modo tenet. d. glos. in d. Clem. & glos. in l. non dubium. ver. ob id. C. de legib. & glos. in c. quæ contra. infr. de reg. iur. Ideo cum hic exprimatir irritum, & inane ipso iure, quicquid fuerit factum contra hanc decretalem, etiam si exceptio non opponatur, illud non tenet. vt in tex. & glos. fin. hic.

Cap. 12. Tibi, qui.

SOLA præuenta præsentatio, & receptio in canonicum secundi impetrantis in eadem Ecclesia, non excludit primum impetrantem, à præbenda vacante tempore sua receptionis; vel postea vacante ante suam receptionem, vel præsentationem; & hoc, si per processum executoris, vel interpositionem decreti pro primo impetrante affecta extiterat.

QUIA in beneficijs gratia est ex parte concedentis, non autem ex parte exequentis, vel in possessionem mittentis. vt not. in c. capitulum sanctæ Crucis. extr. eod. Et in exequenda gratia est attendenda intentio rescribentis. c. cum aliquibus. extr. eod. & est inspiciendum tempus datæ. c. si eo tempore. extr. eod. Ideo cum ipsi primo impetranti sit primo ius acquisitum ad præbendam propter intentionem mandantis; quando non inuenitur factum completum in persona secundo impetrantis, licet secundo impetrans fuerit receptus in Canonicum, non tamen est præferendus ad præbendam vacantem illi, qui primo litteras impetrauit. Archid. hic nu. 1. Vt sic, qui prior est tempore, potior sit iure. c. qui prior. infr. de reg. iur. Hodie verò mandata de prouidendo, & gratias expectatiuas omnino sustulit Concil. Trid. sess. 14. de reformat. cap. 19.

NISI dolo, vel negligentia, excluderetur ab eadem.

QUIA sibi imputet, qui malitiosè, vel negligenter abutitur gratia principis; & paruifacit illam, quam reuereri, & æstimare deberet. glos. in c. imputari. infr. de reg. iur. Quando autem aliquis dicatur negligens, arbitrio iudicis est relinquendum. glos. in c. si clericus. ver. negligenter. infr. de præb.

Cap. 13. Si pro te.

SI primo sub conditione prouideri mandatur, & secundus purè impetrans, priusquam veniat conditio, à Papa, vel executore suo, canonicatum obtineat, in affectuione præbendæ primo præfertur.

QUIA omne ius impetrantis sub conditione, trahitur ad diem conditionis existentis. glos. fin. hic, & glos. in Clemen. vnic. ver. executorem.

K 2

autorem. de concess. præb. Sed secundus impetrans habebat ius ad rem per suam impetrationem, antequam existeret conditio. supr. c. proximi. Ideo censetur prior impetrans, & sic præferendus. Gemin. hic nu. 6. Et quando dicitur, quod primo impetrans est præferendus, & quod in gratia attenditur tempus datæ, intelligitur, quando vtriusque gratia est pura; secus quando vna est conditionalis, & altera pura. Francus hic in fin. Nam conditionalis nõ trahitur ad tempus datæ, sed ad tempus existentis conditionis, vt superius dictum est. Talia autem mandata de prouidendo sunt hodie sublata per Concil. Trid. vt not. supr. in c. prox.

Cap. 14. Duobus.

DVO, vel plures in eadem Ecclesia impetrantes, si de prioritate, vel posteritate non apparet, ius præponderat alteri.

QUIA duo vincula magis ligant, quam vnum. c. r. extr. de treug. & pac. Et quoniam ille, qui habet ius potentius, non solum habet quid æquale alteri, sed etiam habet illud plus, per quod præponderat ei. Gemin. hic nu. 5. Ideo, si in reliquis gratia sit obscura, verisimilius est, eam esse concedentis voluntatem, vt ad gratiam obtinendam, melior sit conditio potentius ius habentis. c. inspicimus. & c. in pari. & ibi glos. infra de reg. iur.

ET si de hoc non apparet; quia vtrunque ius est æquale, ille præferatur, qui primo præsentat.

QUIA vigilantibus, & diligentibus, non autem pigris, & dormientibus iura subuenire solent. l. pupillus. ff. quæ in fraud. cred. Ideo, stante paritate datæ, illi, qui magis sollicitus fuit in præsentando, iura in dubio voluerunt fauere. Gemin. hic nu. 2.

ET si in præsentatione concurrunt, locus est gratificationi scienda per ordinarium.

QUIA ex quo Papa grauat ordinarium, conferendo, vel mandando conferri beneficium in eius Ecclesia. c. mandatum. extr. eod. voluit ei gratificare, & eius grauumen in hoc subleuare, vt, cæteris paribus, per eum electus alteri præferatur. Gemin. hic nu. 8.

ET electione de vno facta in via gratificationis, ius alterius censetur extinctum.

QUIA in dubio non præsumitur, quod Papa velit eandem Ecclesiam grauari super receptione duorum beneficiariorum. d. cap. mandatum. Ideo cum iam sit vnus prouisus, alter debet carere impetratis. vt in tex.

NISI

NISI de mente Papa scribentis aliud appareat.

QUIA in claris non egemus conjecturis. l. continuus. §. cum ita. ff. de verbor. oblig. Vnde si ex tenore litterarum expresse apparet, quod utrique ipsorum Papa voluit providere, tunc eius mandato est obtemperandum. ut in tex. Nam Papa, cum sit ordinarius omnium. c. cuncta. 9. q. 3. potest omnia beneficia conferre, licet regulariter hoc non faciat, ne nimium præiudicetur cæteris Episcopis, & particularibus diocesium ordinariis, ut not. in d. c. mandatum. Hæc autem mandata de providendo sunt sublata hodie per Concil. Trid. sess. 24. de reform. c. 19. ut dictum est supra in c. prox.

Cap. 15. Quia.

OMNES indulgentiæ concessæ à Bonifacio, vel suis prædecessoribus; clericis, de percipiendis perpetuò fructus suorum beneficiorum in absentia, sunt reuocatæ.

QUIA per ambitiosam importunitatē petentium, isti Summi Pontifices indulgentias perpetuas multis concesserunt de percipiendis fructibus beneficiorum suorum (distributionibus quotidianis duntaxat exceptis) siue in scholis essent, siue in Ecclesiis suarum altera residerent, aut in Romana Curia moram traherent, seu alio certo loco, vel etiam ubicunque. ut in tex. Et quoniam per huiusmodi confessiones vagandi insolentiæ oriebantur, & dissolutionis præparabatur materia, cultusq. diuinus minuebatur, qui desiderandus est, ut augeatur, & officium plerunque (propter quod beneficium ecclesiasticum datur) omittebatur. ut in tex. Ideo iste Summus Pontifex Innocentius Quartus, volens emendare præterita, & quantum potest aduersus futura cauere; omnes huiusmodi, & similes indulgentias (personis, non ecclesijs, vel dignitatibus datas) per hanc constitutionem penitus reuocat. ut in tex. & vide Concil. Trid. sess. 5. de reform. c. 1.

ET profitetur Papa, se illas in posterum non daturum.

QUIA digna vox est maiestate regnantis, legibus alligatum se principem profiteri. l. digna vox. C. de legib. Vnde cum ipse ediderit hanc constitutionem, benefacit offerendo se illam seruaturum. ut in tex. Tamen si tales indulgentias de nouo concederet, valeret, quia non potuit sibi legem imponere, à qua ei recedere non liceret. ad hoc. ff. de legat. 3. l. si quis. in princ. & ff. pro soc. l. si fratres. §. idem respondit. Et primam constitutionem tollit per secundam, licet de prima non faciat mentionem. c. 1. de constitut. hoc lib. & gloss. penult. hic. Quodq. sibi licere non patitur, iste Summus Pontifex suis successoribus indicat. ut in tex. nam propter easdem causas, quæ ipsum induxerunt ad hanc

hanc constitutionem edendam, dignum est, vt eius successores inducantur ad illam conferendam. arg. c. cum dilecta. extr. de confirm. vtil. vel inutil. Dicit autem, se indicare, non autem præcipere; quia par in parem non habet imperium ad præcipiendum. glos. fin. hic. Et Papa, qui succedit, non reuocando ius antecessoris, censetur illud approbare. Gemin. hic in fin.

In Clement. Cap. 1. Abbates.

MAIOR prælatus pro membris suis (etiam si sunt de mensa) reum conuenire non potest per rescriptum Apostolicum, nisi ubi possent administratores membrorum.



VIA cum alias sit in iure statutum, quod si actor, & reus sunt eiusdem diæcesis, actor impetret in diæcesi, de qua sunt. Si verò sunt diuersarum, quod actor impetret, vel in diæcesi rei, vel in propinqua per dietam, & quod in sua propria actor tunc impetrare non possit. vt in c. statutum. §. cum autem. supra eod. in 6. Et hoc est introductum in fauorem rei, ne nimium fatigetur laboribus, & expensis. vt not. in d. §. cum autem. Et quoniam aliqui fraudulenter, & præcipue religiosi impetrabant sub nomine eorum religionis ad excludendam diæcesim rei; puta, si prior alicuius domus Bononiensis impetrare volebat, habebat necesse impetrare Bononiæ; sed si plus expediebat, vel placebat ei me conuenire Ferrariæ, impetrabatur ibi rescriptum sub nomine maioris, puta Camaldulensis, Cisterciensis, Carthusiensis, & similis, cui suberat illa domus; & sic quasi actor, & reus essent diuersarum diæcesum, fiebat commissio in loco vicino diæcesis Bononiensis intra dietam ad excludendam diæcesim rei. Eodem modo, si domus erat Ferrariæ, me Bononiensem conueniebat Ferrariæ ipse maior, quod prior loci non potuisset. glos. 1. hic. Ideo ad excludendam istam fraudem, per quam reus indebitè defatigabatur, fuit per hanc Clementinam declaratum, vt maior prælatus non possit reum conuenire, nisi ubi possent speciales administratores membrorum. vt in tex. Et licet de religiosis loquatur, idem tamen est intelligendum etiam de secularibus, qui simili modo præessent. Est enim in vtrisque eadem ratio. Zab. hic num. 1. Ideo debet esse idem ius. l. illud. ff. ad leg. Aquil. Sed quia in secularibus id erat rarum, & in religiosis frequens; ideo loquitur de istis, & non de illis. glos. hic. ver. præidentes.

CONTRAFACIENS in expensis, & interesse punitur.

Quia

QU^{IA} regulare est, vt victus, qui non habuit probabilem causam litigandi, condemnetur victori in expensis, & interesse litis, in eius temeritatis pœnam, & in relevamen victoris, qui fuit indubite fatigatus. glos. in c. finem. ver. expensas. extr. de dol. & contum.

ET processus est irritus.

QU^{IA} in pœnam istorum, qui temerè contra hanc constitutionem venire præsumunt, non solum statuitur, quod eorum processus sit annullandus ope exceptionis, sicut regulariter fit de gestis contra legem simpliciter illa prohibentem. vt not. supra eod. in c. statutum. in fin. in 6. Sed etiam declaratur, quod sit ipso iure nullus. vt in text. quæ verba important canonem late sententiæ, & non ferendæ, & reddunt actum gestum irritum, & nullum sine ope exceptionis. glos. fin. hic. & glos. 1. in c. 1. supra eod. in 6.

Cap. 2. Et si principalis.

PRINCIPALIS officialis Episcopi, & prior conuentualis, licet obedientiarius, delegari possunt à Papa.

QU^{IA} isti dicuntur esse in dignitate constituti. glos. hic. ver. delegatus. Et personis in dignitate constitutis solent à Sede Apostolica causæ delegari. c. statutum. in princ. eod. in 6. Nec obstat, quod istorum dignitas sit ab alio dependens, & non sit perpetua; quia sufficit, quod aliquis sit in dignitate tempore, quo ei causa committitur; glos. hic. ver. per electionem. Nec est curandum, an illa sit dependens, vel principalis, perpetua, vel temporalis. Anchar. hic nu. 1. Talis enim dignitas in delegato consideratur ratione temporis præsentis potius, quàm futuri. Barbat. hic in princ.

OFFICIALIS verò foraneus, vel prior claustralis, non.

QU^{IA} officialis foraneus, qui constituitur ab Episcopo in certa parte diœcesis, vt ibi eius vices gerat, non constituit vnum consistorium cum Episcopo, sicut constituit vicarius generalis; nec habet iurisdictionem ordinariam, sicut habet generalis; sed habet delegatam; vnde ab eo appellatur ad Episcopum. glos. hic. ver. foraneo. Ideo non est in dignitate, vt sint ei committendæ causæ à Sede Apostolica, sicut committuntur vicario generali. Abb. hic nu. 1. Et prior claustralis, qui constituitur tantum, vt præsit claustro, habet in eodem monasterio Abbatem supra se, ad quem pertinet immediatè cura totius monasterij. Abb. hic nu. 6. Ideo non est in dignitate, vt ei committantur causæ, sicut committuntur priori conuentuali, qui dum est in loco prioratus, est principale caput monasterij, & in quibusdam à regula absolutus. Anchar. hic nu. 9. & vide Concil. Trid. sess. 25. de reform. c. 10.

Cap.

Cap. 3. Auditor.

AUDITOR in Romana Curia deputatus a Papa, de beneficio, quod pronuntiabit alicui de iure fore debitum, poterit illi, absque commissione alia providere.

QU^{IA}, ut evitetur circuitus, qui esset, si oporteret ad Papam redire pro nova commissione, vel pro collatione ad ipsum, vel ad alium executores; ex æquitate per hanc constitutionem statuitur, ut auditor in Curia habeat hanc potestatem providendi, ut in textum gloss. ver. circuitus. Auditori verò extra curiam non datur hæc potestas providendi, absque alia commissione; quia cum alibi non procedant Auditores, causam conferendo cum alijs Auditoribus, sicut fit in Romana curia, (loquitur enim hæc decretalis de Auditoribus palatii, qui solent simul dubia conferre). Circuitus in eis non est inutilis, ut ad Papam reuertatur pro nova commissione; nam posset eorum factum reuocari, & rursus causa committi, ut plenius cognosceretur, quod non fit de re cognita ab Auditore in curia; cum verisimile non sit, Papam reuocaturum factum per collegium Auditorum. Ideo in curia circuitus in talibus esset inutilis, quod non est extra curiam; & circuitus inutilis est evitandus, non autem utilis, & qui potest bonum parere effectum. Zab. hic nu. 1. & 11.

Cap. 4. Gratia.

EXPECTANS beneficium, perdit gratiã, si consequitur aliud, quod cum illo, quod expectat, de iure tenere non potest.

QU^{IA} in iuribus incompatilibus acceptatio unius inducit tacitam renuntiationem alterius. cap. ut quis duas. de elect. in 6. & Anchar. hic nu. 4. Sicut de illo, qui potest rumpere testamentum per querelam; nam recipiendo legatum, ex eo tacite querelæ renuntiat. ut in l. si pars. §. fin. & l. fin. ff. de inoff. testam. Unde sicut per acquisitionem secundæ dignitatis, vel beneficii curati, vacat primum tale, ipso iure. ut in c. de multa. de præb. Ita vacat gratia, quam quis habet ad tale beneficium obtinendum; nam si perditur ius in re, quod est potentius, multo magis ius ad rem, quod est debilius. c. quodam. de præb. in 6. Ideo cum tale secundum beneficium pacifice affectum, de iure simul retineri non possit cum dignitate, vel beneficio, quod iste expectabat, per acceptance secundum, gratia primi renuntiata videtur. ut in text. & Anchar. hic num. 6. Sed hodie gratias, quæ expectativæ dicuntur, omnino sustulit Concil. Trid. sess. 24. de reform. c. 19.

Cap. 5. Litteras.

GRATIA super vacaturo, non comprehendit beneficium post datam in substantia creatum.

QU^{IA} in rescriptis debet attendi intentio mandantis. c. quia saepe de præb. in 6. Sed de beneficio non extantē tempore datæ, non videtur cogitasse mandans. arg. c. cum inter. extr. de renunt. Non entis enim nullæ sunt qualitates. l. eius qui. ff. si cert. pet. Ideo ad tale beneficium non extenditur rescriptum. vt in tex. Quod etiam non venit extendendum, cum sit odiosum. c. quamuis. cod. in 6. Et simile est in rescriptis contentiosis, quæ non extenduntur ad lites post datam rescripti exortas. c. fin. extr. cod. Ex alia etiam ratione, talis gratia non comprehendit beneficium post datam rescripti creatum, scilicet, ne fundatores retrahantur à beneficijs creandis, sicut fieret, si viderent illa quasi debita ab alijs impetrata. glos. fin. hic. Sicut enim voluit æquitas, beneficiū permutatione vacans expectanti non deberi; quia forsā aliās vacaturum non fuisset. c. vnic. de rer. permut. in 6. ita voluit non deberi beneficium nouiter creatum, licet vacet, quia aliās forsā creatum non fuisset. d. glos. fin. hic. Gratia autem expectatiua, & mandata de prouidendo sunt hodie sublata per Concil. Trid. vt dictum est supra in c. prox.

Liber primus. Titulus Quartus.

DE CONSVETVDINE.

In Decretal. Cap. 1. Consuetudines.

CONSVETVDO inferens grauamen ecclesijs, debet iudicis officio tolli.



QU^{IA} consuetudo, vt sit seruanda, debet esse rationabilis; nam cum illa sit ius quoddam moribus institutum, quod pro lege suscipitur, cum deficit lex. c. consuetudo. dist. 1. sicut lex debet esse rationabilis, & religioni conuenire. d. c. consuetudo; ita talis debet esse consuetudo, vt habeat vim legis, aliās est potius dicenda corruptela, & extirpari, non seruari debet. infr. c. fin. Et quoniam consuetudo grauosa Ecclesijs, est contra religionem debitam Deo, & Sanctis, & sic repugnat rationi, & fini æterno. Abb. hic nu. 1. Ideo iudex ex officio debet illam extirpare. vt in tex. nam iudex tenetur prouidere diuino

L hono-

honori, & indemnitati ecclesiarum, c. nouit. de iudic. Summa enim est ratio, quæ pro religione facit. l. sunt personæ. ff. de relig. & sumpt. fun. Vnde omnes debent religioni fauere, sed præcipue ex officio tenentur illi, qui ad iusticiam administrandam, sunt assumpti. c. iudicet. & c. infames. 3. q. 7. & c. Rex debet. 23. q. 5.

Cap. 2. Ex litteris.

EX consuetudine potest introduci actus, siue solemnitas, per quam sine apprehensione, reali transferatur possessio rei absentis.

QUIA licet dicatur possessio, quasi pedum positio; nam tunc naturaliter habetur, cum res pedibus calcatur. l. i. ff. de acquir. possess. Ius tamen positium introduxit diuersos actus in signum traditæ possessionis, quos facit æquialere possessioni naturali, vt multos de illis enumerat glos. fin. hic. Et quoniam consuetudo est altera lex. vt supr. in c. prox. Ideo sicut officio iuris scripti transferatur possessio in multis casibus sine apprehensione naturali; ita potest hoc facere consuetudo, inducendo aliquem actum, & solemnitatem in signum traditæ possessionis. vt in tex.

Cap. 3. Ad audientiam.

NON valet consuetudo, vt in causis ecclesiasticis dictum populi pro sententia teneatur.

QUIA consuetudo, quæ canonicis obuiat institutis, nullius debet esse momenti, vt in tex. Et quoniam obuiat canonicis institutis, vt populus se intromittat tanquam superior in causis ecclesiasticis; cum laicis super ecclesijs, & personis ecclesiasticis, nulla sit attributa facultas. c. ecclesia. supra de constitut. Ideo talis sententia, cum sit à non suo iudice lata, nullam obtinet firmitatem. vt in tex.

Cap. 4. Quanto.

CONSVETVDO non potest operari, vt clericus non Episcopus possit exercere ea, quæ sunt reseruatæ ordini episcopali.

QUIA consuetudo non facit aliquem capacem actus, cuius ille per se est incapax. Abb. hic num. 2. Hinc dicit Io. Andr. in c. 2. de præb. in 6. quod quantuncunque longo tempore laicus exercuerit actum spiritualem, nunquam tamen illum præscribere potest; nam possessio temporis, cuius initij non sit memoria, habet vim tituli, quando datur capacitas in exercente, aliàs non; & sic limita, & restringe c. 1. de præscript. in 6. & l. hoc iure. §. ductus. ff. de aqua quot. & æstiu. Secus, dicit, in competentibus Episcopo ratione iurisdictionis, vel dignitatis epi-

nis episcopalis; nam illa possunt præscribi per inferiorem clericum, cum talium per se non sit incapax, sicut est illorum, quæ competunt ratione ordinis episcopalis. vt in c. auditis. & cap. cum olim. de præscript. Ideo cum aliqua fiat reseruata ordini episcopali in signum præminentie, illorum clericus non Episcopus non est capax, & ratione consuetudinis illa sibi attribueret non potest. S. Tho. par. 3. quæst. 72. art. 11. & Abb. hic nu. 6. Ex delegatione tamen Papæ, illa exerceat posset. c. peruenit. & ibi glos. dist. 95. & glos. 1. hic. Nam Papa in Ecclesia habet plenitudinem potestatis, ex qua potest quædam, quæ sunt superiorum ordinum, committere quibusdam inferioribus, sicut quibusdam presbyteris concedit conferre minores ordines, quod pertinet ad potestatem episcopalem; & ex hac plenitudine potestatis, concessit beatus Gregorius Papa, quod simplices sacerdotes sacramentum Chrismatis conferrent, quandiu scandalum tolleretur. vt in d. c. peruenit. S. Tho. d. art. 11. Cum tamen ordinarius minister sacramenti Confirmationis sit solus Episcopus. Concil. Trident. sess. 7. de confirmat. can. 3.

Cap. 5. Cum inter.

NON valet consuetudo, per quam interdicti sententia violatur.

QUIA ex tali consuetudine disrumperetur nervus ecclesiasticæ disciplinæ. vt in tex. induceretur grauamen ecclesijs; & esset contra bonos mores. Innocent. hic nu. 3. Ideo tanquam irrationalis non est seruanda, sed extirpanda. c. mala. dist. 8. & c. cum decorem. de vita, & honest. cleric.

Cap. 6. Cum olim.

IN attribuendis officijs nouæ dignitati, seruetur consuetudo vicinarum ciuitatum, quæ si diuersa fuerit, seruabitur magis rationalis, & alij non præiudicans.

QUIA cum ista noua dignitas non fuerit adhuc in esse, non potest dici, quod in præteritum fuerit circa eam aliqua particularis consuetudo, quæ ante omnia esset seruanda. c. catholica. dist. 11. Non entis enim nullæ sunt qualitates. l. eius, qui. ff. si cert. pet. Et vbi non inuenitur aliquid dispositum per consuetudinem specialem, est postea videndum, an sit aliquid dispositum per ius commune. Butr. hic in fin. vbi verò ius commune nihil disponit, (sicut præsupponitur in casu huius tex.) tunc est attendenda consuetudo vicinorum locorum; nam quælibet provincia abundat in suo sensu. glos. fin. in d. c. catholica. Et similis æquitatis ratio similia iura suadere videtur. l. fin. C. ad leg. Falc. Si verò consuetudo vicinorum est diuersa, tunc attenditur illa, quæ est magis rationalis; quia quoties nihil sine captione inuestigari potest, eligendum est,

L 2 quod

quod minimum habet iniquitatis. l. quoties. ff. de reg. iur. Et quæ alteri non præiudicet; vt in tex. quia non debet aliquis locupletari cum alterius iniuriâ, vel iactura. c. locupletari. de reg. iur. in 6. Omnibus autem istis deficientibus, recurrendum est ad cap. fin. dist. 10. scilicet, vt congruentur sapientes, & seniores, quorum consilio stetur. Abb. hic nu. 7.

Cap. 7. Cum venerabilis.

NON potest induci ex consuetudine, vt quis possit dimittere dignitatem sine superioris licentia.

QUIA nihil tam naturale est, quàm vnumquodque dissoluere eo genere, quo colligatum est. c. 1. infr. de reg. iur. & l. nihil tam naturale. ff. eod. Et quoniam quis alligatur dignitati, per eius voluntatem confirmatam à superiore. vt in tex. & not. in c. litteris. de rescript. Ideo etiam quando vult dissolui ab illa, debet superioris interuenire consensus. vt in tex. Nec potest consuetudo inducere contrarium, quia esset irrationabilis, & contra ecclesiasticam disciplinam, & publicam vtilitatem. Burr. hic num. 21. Et consuetudo contra iura tenentia obedientiam, vnionem, & ecclesiasticam disciplinam, ac publicam vtilitatem, est potius dicenda corruptela, infra. c. fin. Et ideo extirpanda. cap. mala. dist. 8.

VEL vt possit electus administrare, non habita confirmatione à superiore.

QUIA electus ante confirmationem non habet ius in Ecclesia. cap. inter corporalia. de translat. episc. licet habeat ius ad illâ; quod tamen est tenue; cum possit per exceptionem repelli. glos. in d. c. inter. ver. confirmatus. Actus enim denominatur à confirmante, qui perficit illum. l. tanta. C. de veter. iur. enucl. Vnde qui administrat ante confirmationem, dicitur intrusus, & ex seipso honorem sibi assumere videtur. c. qualiter. de elect. Ideo consuetudo, quæ talia admitteret, tanquam sacris canonibus inimica non est seruanda. vt in tex. Hodie tamen (licet non sit mutatum in Italia id, quod hic dicitur de administratione) ex generali dispensatione Papæ, vltra Italiam constituti, statim postquam sunt in concordia electi, possunt in temporalibus, & spiritualibus ministrare. c. nihil. de elect. Et hoc conceditur eis, ne Ecclesia interim in illis patiatur detrimentum. glos. 2. hic, & Innoc. in fin. Secus, si ibi esset Legatus in prouincia, à quo posset peti confirmatio; nam etiam illi tunc deberent ante administrationem petere confirmationem à Legato. Compstel. hic in fin.

Cap. 8. Cum dilectus .

DE consuetudine potest induci , quod una ecclesia de gremio alterius teneatur sibi praelatum eligere .

QU^{IA} licet de iure communi una Ecclesia non habeat ad aliam istam seruitutem; sed ille est eligendus, qui Ecclesie prodesse possit, non qui de alia Ecclesia existat. c. Abbatem. 18. q. 2. & not. in. c. abbate. de verb. sign. Ex quo tamen istud ius est positium, consuetudo rationabilis, & legitime prescripta potest ei praeiudicium generare. infr. cap. fin.

ET consuetudo est optima legum interpretres.

QU^{IA} consuetudo legem imitatur. §. sine scripto. Institut. de iure natur. Ideo sicut lex posterior interpretatur priorem. l. de quibus. & l. ii. de interpretatione. ff. de legib. ita potest hoc facere consuetudo. vt in tex. & Institut. de iure natur. §. sed naturalia .

Cap. 9. Cum consuetudinis.

CAPITVLVM sine Episcopo statuta, seu consuetudines nouas facere, vel antiquas immutare non potest .

QU^{IA} cum consuetudinis, vsusq; longæui, non sit levis auctoritas; & plerunq; discordiam pariant nouitates. vt in tex. per huiusmodi statuta, & consuetudines, facile alteraretur status Ecclesie. glos. fin. hic. Et quoniam gubernatio Ecclesie spectat ad Episcopum, qui est eius sponsus, & caput: Canonici verò sunt membra illius. c. nouit. de his, quæ fiunt à praelat. sine cons. cap. Ideo non debent membra recedere à capite, & sibi assumere officium illius, ne totum corpus perturbetur. c. cum non liceat. de prescript. Sed cum ipsi Canonici sint inferiores, debent Episcopo superiori parere. c. cum inferior. de maior. & obed. Vbi verò non alteratur communis status Ecclesie, nec agitur de iuribus, in quibus habeat interesse Episcopus; sed tractatur de rebus exiguis pertinentibus ad solum capitulum; puta, qualiter capitulum debeat congregari, qualiter distribuantur quotidianæ distributiones, vel mensa grossa diuidi debeat, vel quid simile, potest capitulum statuere sine Episcopo. glos. in cap. constitutionem. ver. statutum. de verb. sign. in 6. & Abb hic num. 4.

Cap. 10. Ex parte.

NON valet consuetudo, per quam quis inducitur ad peccandum.

Quia

QUIA talis consuetudo est abusiva, & irrationalis. vt in tex. Est enim contra ius diuinum, & naturale, vt quis inducatur ad peccandum; cum sit contra honorem Dei, & contra propriam salutem. infr. c. prox. & supr. in proœmio Decretalium. Ideo talis consuetudo esset corruptela, & venit extirpanda. infr. c. prox.

V E L bona propria dissipandum.

QUIA dissipare bona est vitiū prodigalitatis, quæ opponitur virtuti liberalitatis per excessum; nam sicut liberalis est ille, qui dat & quibus, & quæcunque, & quando oportet; ita prodigus est ille, qui dat sine mediocritate, & quibus, & quando non oportet; & sic fortunas suas dissipat, & consumat contra proprium commodum, & per se ipsum perditur; nam esse sui ipsius perditio videtur bonorum dissipatio; vt potè, cum ea sint, ex quibus vitam traducamus. Auarus tamen, qui opponitur liberali per defectum, est peior, quàm sit prodigus: nam cum avarus in accipiendo excedat, & in dando deficiat, nemini prodest; imo ne sibi ipsi quidem utilis est; & illiberalitas incurabilis est; nam & senectus, & omnis imbecillitas reddere illiberales videtur, magisque quam prodigalitas; hominibus natura insita est: nam plerique sunt pecuniarum cupidi magis, quam ad dandum prompti; & magis opponitur liberali avarus, quam prodigus; nam prodigus habet ea, quæ liberalis sunt, in quantum dat, & non accipit (licet differat in eo, quòd hæc non facit, vt debet) & ideo prodigus facilius euadit liberalis, quàm faciat avarus; & aliquibus ille iuuat, quod non facit avarus; & non est tam mali, & ignobilis animi prodigus, sicut est avarus, qui nihil commune habet cum liberali. Arist. 4. ethicor. cap. 1. Vnde si non valet consuetudo prodigalitatis, per quam quis inducitur ad bona propria dissipandum. vt in tex. multo minus est ferenda illa, per quam avarus quis redderetur. Arist. d. c. 1. & Cicero 2. officiorum circa medium. Longius autem ista notavi, ne aliqui de eorum avaricia gloriarentur, dum vident prodigalitem hic esse damnatam.

Cap. 11. Cum tanto.

CONSVETVDO non derogat iuri naturali, seu diuino.

QUIA iura naturalia, quæ apud omnes gentes peræque obseruantur, diuina quadam prouidentia constituta, semper firma, atque immutabilia permanent. Institut. de iure natur. §. sed naturalia. Cum enim ius naturale dicatur illud, quod semper bonum, ac æquum est. l. penult. ff. de iust. & iur. Illud, quod contrariatur iuri naturali, oportet esse malum, & iniquum. Arist. in prædic. cap. de oppositis. Et quoniam consuetudo iniqua non est seruanda, sed extirpanda. cap. mala. dist. 8. Ideo nulla consuetudo potest iuri naturali derogare. vt in tex. Potest tamen con-

consuetudo illud interpretari, & distinguere, sicut illud idem potest ius positium. Innocentius hic. Vbi enim ratio naturalis suadet ius diuinum, & naturale distinguere, & limitari, tunc non est transgressio, & non inducitur peccatum. Hoc enim praesumitur fieri ex Dei voluntate per facultatem concessam eius vicario, illud interpretandi. Abb. hic nu. 3. & ad intelligentiam vide S. Tho. 1. 2. q. 97. art. 2.

CVIVS transgressio peccatum inducit.

QUIA peccatum consistit in hoc, quod aliquis agit contra rectam rationem. S. Tho. 1. 2. q. 71. art. 6. & ibi Caietan. Peccatum enim est iniquitas, ut in Epist. 1. B. Ioan. Apost. cap. 3. Et quoniam ius naturale est semper iustum, & secundum rationem, ut dictum est superius. Ideo illud transgredi non licet. ut in tex. Vnde definitur peccatum, quod est dictum, vel factum, vel concupitur contra legem aeternam. S. August. relatus per S. Tho. in d. art. 6. Et tanto sunt grauiora peccata, quanto diutius infelicem animam detinent alligatam. ut in tex. quia ille, qui peccat ex habitu, magis peccat, quam ille, qui peccat ex passione. S. Tho. 1. 2. quaest. 78. art. 4.

NEC positium, nisi sit rationabilis, & praescriptum.

QUIA cum ius positium sit fundatum super ratione. c. erit autem lex. dist. 4. & c. consuetudo. dist. 1. Dum viget illa causa, propter quas illud ius est promulgatum, non potest ab eo recedi; nam, agens contra illud, ageret contra rationem, & contra obedientiam debitam superiori, & sic peccaret; sed quando illa causa cessant secundum, quod variantur rerum euentus, & temporum condiciones, & sunt diuersi respectus, & fines; tunc illud ius inciperet non habere in se rationem, quam prius habebat; & sic potest consuetudo contraria rationabiliter introduci, ut deroget illi; sed ut ista consuetudo praesumatur rationabiliter introducta, de iure canonico debet esse praescripta, id est, obtemperata per cursum temporis requisiti ad praescriptionem; licet de iure civili sufficiat, quod sit rationabilis. Butr. hic nu. 28. & Abb. nu. 9. & 10. Quando autem consuetudo dicatur rationabilis, relinquatur arbitrio iudicis. Et generaliter censetur rationabilis secundum ius canonicum, quando tendit ad salutem animarum, qui est finis istius iuris; secundum vero ius civile consuetudo est irrationabilis, si non tendit ad bonum publicum, quod est finis iuris civilis. Abb. hic nu. 5.

In Sexto. Cap. 1. Consuetudinem.

P R A E T E R T V consuetudinis, etiam iurata, vel quantocunque tempore obseruata, non potest quis nisi unicum personatum, dignitatem, vel aliud perpetuum officium, simul cum canonica, & prae-benda in aliqua Ecclesia, absque dispensatione Sedis Apostolica obtinere.



V I A cum vnum officium vix digne valeat aliquis adimplere, talis consuetudo est sacris canonibus inimica, & de ambitionis radice procedit. vt in tex. & c. de multa. extr. de prae-b. Vnde est corruptela existimanda. vt in tex. Ideo quantuncunque sit diuturna, venit extirpanda. c. fin. extr. cod. Nec obstat, si eius obseruantia sit iuramento firmata. vt in tex. quia iuramentum non debet esse vinculum iniquitatis. cap. cum contingat. extr. de iureiur. Vnde tale iuramentum, aut fuit speciale, aut generale; si speciale, vt quis specialiter, & expresse iurauerit illam consuetudinem seruare; tale iuramentum fuit temerarium, & sic non seruandum; imo de eo. quod iurauit, posset, & deberet penitentiam imponi. c. sicut. extr. de iureiur. Si verò generaliter quis iurauit, se seruaturum consuetudines ipsius Ecclesiae; istud iuramentum ad possibilia, & licita tantum debet extendi. c. 1. de iureiur. hoc lib. Ideo huiusmodi consuetudo, siue sit iurata, siue sit diuturnè obseruata, declaratur esse corruptela, & ob id non seruanda. vt in tex. Cum maioribus tamen, de quibus ratio particularis est habenda, aliquando Sedes Apostolica in talibus dispensat; sed cum huiusmodi dispensatio non sit faciliter concedenda, Papa noluit, vt Episcopi possint in istis dispensare. vt in tex. & d. cap. de multa.

V E L iam obtenta tenere.

Q V I A, licet regulariter constitutio respiciat futura, & non praeterita. c. 2. extr. de constitut. Quando tamen constitutio non solum statuit de nouo, sed est etiam antiqui iuris declaratoria, tunc extenditur ad praeterita; etiam si contra se habeat consuetudinem, dummodo declaret illam non valere, sicut facit constitutio ista. Francus hic nu. 3. & 4. Et quoniam per alia iura fuit prohibita prius huiusmodi pluralitas dignitatum. vt in d. c. de multa. & extr. de concess. prae-ben. c. litteras. Ideo haec constitutio comprehendit etiam illa, quae tempore editionis ipsius erant praeterita. vt in tex.

E T contra praesumptum irritum est omnino.

Quia

QU^{IA} hæc constitutio non solum prohibet actus contrauentio-
nis; sed etiam perpetuam prohibitionis causam apponit. vt in
fine tex. Et quoniam quando constitutio apponit taliter causam
prohibitionis, actus contrarius est ipso iure nullus absque eo, quod per
exceptionem annulletur. vt not. in c. statutum. in fin. de rescript. hoc lib.
Ideo facta contra hanc constitutionem sunt irrita omnino. vt in tex. &
glos. fin. hic.

Cap. 2. Non putamus.

*NON valet consuetudo, quod ab officiali Episcopi, ad Episcopum
appellatur.*

QU^{IA} auditorium, & tribunal Episcopi, & eius officialis genera-
lis est idem, & in eadem persona censetur. vt in tex. Vnde si à vi-
cario appellaretur ad Episcopum, appellatio videretur interposi-
ta ab eodem ad seipsum. vt in tex. Et quoniã hoc esset contra substantiã
appellationis, quæ est prouocatio à minori iudice ad maiorem. l. 1. §. si
quis. ff. de appellat. Et etiam esset contra dignitatem maiorum magi-
stratum, quibus partes præiudicare non possunt. Gemin. hic nu. 2. Ideo
talis consuetudo non est consona rationi. vt in tex. & sic non valet. extr.
c. fin. A vicario autem foraneo appellatur ad Episcopum; quia ille non
habet idem tribunal generale, & ordinarium cum Episcopo, sicut habet
vicarius generalis; sed habet iurisdictionem delegatam ad aliquas cau-
sas diocesis; vnde ab eo appellatur ad Episcopum, tanquam ad dele-
gantem. glos. hic. ver. officiali. Sed si Episcopus vellet delegare causas
in fraudem Archiepiscopi, non esset tunc ad ipsum Episcopum appellan-
dum. Et fraus posset cognosci ex coniecturis, veluti, si solet multas cau-
sas delegare, vel ex aliquibus verbis prolatis ab ipso Episcopo hanc
fraudem denotantibus. Gemin. hic nu. 3. & Francus nu. 6.

Cap. 3. Non est.

*VALET consuetudo præscripta, quod Episcopus in inquirendo, pu-
niendo, & corrigendo subditorum excessus, sui capituli consilium
requirere non teneatur.*

QU^{IA} ad Episcopum propriè, & principaliter pertinet cognitio,
& punitio peccantium in sua diocesi. c. si quis Episcopus. 2. q. 7.
& c. fin. extr. de offi. archipresb. Voluit tamen ius commune, ad
faciliorem, & tutiorem iustitiæ administrationem, vt cum Episcopo ali-
quando consilium capituli requiratur. c. nouit. extr. de his, quæ sunt à
præl. aliquando non solum consilium, sed consensus. c. ea noscitur. eod.
tit. & 12. quæst. 2. c. alienationes. Sed quoniam consuetudo rationabi-
lis, & præscripta præiudicat iuri positiuo. extr. c. fin. Ideo non est mi-
M rum,

rum, si consuetudo inducit, ut Episcopus, qui est caput, præscribat iurisdictionem contra canonicos, qui sunt eius membra. Archid. hic in fin. Iurisdicção enim potest præscribi etiam per alios prælatos inferiores. c. irrefragabili. §. excessus. extr. de offic. ordin. Vnde multo magis per Episcopum. ut in tex. Et licet in correctione non currat præscriptio, ut subditus a nemine corrigatur. c. cum ex officij. extr. de præscript. Bene tamen currit, ut magis puniatur ab vno prælato, quam ab alio. d. c. irrefragabili. Et Gemin. hic nu. 4. Et quoniam ea, quæ possunt induci per præscriptionem, possunt induci etiam per consuetudinem. Abb. in c. fin. nu. 15. extr. cod. Ideo sicut præscriptio dat iurisdictionem, ita etiam illam dat consuetudo præscripta. ut in tex. & Abb. d. nu. 15. Quæ autem differentia sit inter consuetudinem, & præscriptionem, late tractat glos. fin. & ibi Butr. & alij in d. c. fin. extr. cod.

Cap. 4. Cum in tua.

PER rescriptum Apostolicum, quo de præbenda primo vacatura mandabatur alicui prouideri, laudabilis illius Ecclesie consuetudo non tollitur.

QUIA specialium locorum, & personarum singularium consuetudines, & statuta (cum sint quid facti, & in facto consistent) possunt per Papam probabiliter ignorari. c. 1. de constitut. hoc lib. Et quoniam rescriptum recipit vires ab intentione principis rescribentis. c. ad aures. extr. de rescript. Et Princeps non intendit concedere ea, quæ ignorat. d. c. 1. de constitut. Ideo per suum rescriptum Papa non intendit tollere consuetudinem, quam ignorat, circa præbendam Ecclesie vacaturam. ut in tex.

HINC est, quod si ibi est consuetudo, quod antiquiores canonici, vacantes præbendas possint optare gradatim, illo non obstante mandato, poterit antiquior vacantem optare præbendam.

QUIA cum Papa non intendat tollere speciales locorum consuetudines, nisi hoc exprimat, ut dictum est superius. Et quoniam consuetudo est ius quoddam. c. consuetudo. dist. 1. Ideo si de consuetudine præbenda vacans debetur antiquiori, qui mutare voluerit, sequitur, quod de iure ei debetur, cui Papa rescribens præiudicare non intendit; unde non debetur impetranti, qui tamen de alia non optata erit postea prouidendus. glos. hic. ver. de iure.

ET expeñtatis per viginti dies optare volentibus, executor de non optata providebit eidem.

QUIA ne prætextu huius consuetudinis, prouisiones auctoritate Apostolica faciendæ vltra debitum differantur, hic Summus Pontifex

tifex statuit, vt executores super ipsis prouisionibus deputati, optare volentes per viginti dies duntaxat expectent; quibus elapsis, libere in non optatis ad exequenda sibi mandata procedant, præfata consuetudine non obstante. vt in tex.

SI autem præbendam vacantem in curia Papa conferret, tunc illam antiquior optare non poterit.

Q V I A beneficia vacantia in curia, alius, quam Papa, conferre non potest, c. licet. il. i. i. g. de præb. Ideo cum de ipsis per Romanum Pontificem ordinatur, non habet locum optatio. vt in tex. In huiusmodi enim beneficijs Sedi Apostolicæ affectis, & reseruatis, Papa abrogat omnes leges, & statuta contraria, & tollit omnem conferendi potestatem, & sic tollit legem, quæ datur potestas optandi. Gemin. hic. §. in præbendis. num. 3.

In Extrauag. Communib. Cap. vnic. Super gentes.

CONSVETUDO impediens, ne Legati Sedis Apostolicæ recipiantur, non valet.



V I A talis consuetudo est irrationalis, cum sit animarum salutis contraria, & detrahat Apostolicæ potestati. vt in tex. Ideo reprobat, cum sit extirpanda. c. mala. & c. frustra. dist. 8.

ET illa non obstante, Legati ipsi sunt ab omnibus recipiendi.

Q V I A cum isti Legati gerant vices Summi Pontificis (qui super Gentes, & Regna est à Domino constitutus) & ab eo destinentur ad diuersas mundi partes (prout necessitates emerferint) vbi ipse Summus Pontifex personaliter circuire non potest, vt vices eius supplendo, errata corrigant, aspera in plana conuertant, & commissis sibi populis salutis incrementa ministrent; non debent à quoquam Christiano impediri, quo minus regna, prouincias, & terras quaslibet, ad quæ ipsos destinari contigerit, ingrediatur libere, ac commissæ sibi legationis officium exerceant in eisdem. vt in tex.

ET eos impediētes, ipso facto excommunicationem incurrunt, & eorum terra ecclesiastico subiiciuntur interdicto.

Q V I A cum istud delictum sit grauissimum, vt in tex. in eius poenā, isti impediētes his ecclesiasticis censuris subiiciuntur, non obstantibus quibuscunque priuilegijs, quibusuis principibus à Sede Apostolica

M 2 con-

concessis, vt in tex. Ista autem pœnæ, quæ sunt maiores, quas habeat Ecclesia. c. cum aliquis. 24. q. 3. imponuntur, vt sint commensurabiles grauitati delicti. arg. c. disciplina. distin. 45.

Liber Primus. Titulus Quintus.

DE POSTVLATIONE PRÆLATORVM.

In Decretal. Cap. 1. Ad hæc.

IMPOSTVLABILIS est, qui violat interdictum.



VIA secundum Apostolum 2. ad Coriath. cap. 10. Papa debet esse promptus, inobedientiam omnem vlcisci. Nil enim obedientia prodesse videretur humilibus, si contemptus contumaciis non obesseret; vnde iuxta canonicas sanctiones, quædam sunt culpæ, in quibus culpa est relaxare vindictam. vt in tex. Et quoniam ille, qui violat interdictum, contemnit Petri clauis, & ecclesiasticam lædit potestatem. c. fin. de excess. præl. Ideo in eius pœnam statuitur, vt sit suspensus ab officio, & beneficio, & omni iurisdictione. d. c. fin. Et quod tanquam indignus non possit postulari. vt in tex.

Cap. 2. Gratum:

QUI postulationem cassatam vitio persone innouat, est eligendi, & postulandi potestate priuatus.

QUIA priuilegium meretur amittere, qui sibi permessa abutitur potestate. c. cum illorum. de sent. excom. Ideo cum isti, qui innouant electionem, vel postulationem de persona indigna, & iam cassata, scienter abutantur potestate eis permilla, merentur illa priuari. vt in tex. & supr. c. prox. Sunt autem priuati ipso facto, vel sunt per sententiã priuandi, secundum quod in iure, vbi de tali electione, & postulatione tractatur, hoc exprimitur. glos. vers. priuare, & ibi Abb. nn. 3 i. supr. in c. proxim. In casu autem huius tex. intelliguntur priuati ipso facto. Abb. hic nn. 2. Ita enim exprimitur, vt qui scienter indignum elegerint ea vice eligendi potestate nouerint se priuatos. vt in tex. & c. cum in curiis. de elect. quod cap. ad postulationem extenditur, quia per postulationem peruenitur ad electionem. glos. in d. ver. priuare. Secus tamen est,

est, cum postulatur illegitimus, ut dispensetur cum eo, vel ut legitime-
tur, & similia. d. glos. nam tunc recurritur ad superiorem pro gratia
obtinenda de eo, qui nō potest eligi propter defectum, non autē propter
vitium. Host. in Sum. huius tit. §. quid sit. Tunc enim non est abusus po-
testatis, sed proprium postulationis. Postulatio enim describitur, quod
est petitio gratiæ per capitulum à superiore facta de eo, qui eligi non
potest, non propter vitium, sed propter defectum, qui tamen postula-
tum non omnino inhabilem reddit ad præsidendum Ecclesiæ. Host. in d.
§. quid sit. sicut electio innititur iuri; cum sit alicuius personæ ad præ-
lationem, vel societatem fraternam canonicè facta vocatio. ut not. in
princ. c. vnic. & ibi glos. ver. vera. eod. tit. in 6. & Abb. in rub. huius tit.

Cap. 3. Bonæ. il 1.

*POSTULATIO, per quam priuata, vel minor utilitas, com-
muni, vel maiori præferatur, admitti non debet.*

QUIA bonum publicum, & quod magis prodest, est melius, quam
priuatum, & quam illud, quod minus prodest. Arist. 3. Politic. cap.
4. Et ad illud superiores præcipuè respicere debent. c. scias. 7. q. 1. & A-
rist. 1. politic. cap. 3. & 4. Et quoniam postulatio quo ad effectum recipit
vires à gratia superioris, ut not. supr. in c. prox. Ideo in illa admittenda
superior speciali utilitati communem, & minori maiorem præferre de-
bet. ut in tex. Persona tamen priuata non tenetur præferre bonum pu-
blicum suo priuato, si bonum priuatum non includitur sub publico. glos.
hic. ver. communem. Nam priuatus non tenetur ad hoc ex officio, sicut
tenetur superior, & prælatus. Abb. hic nu. 11. Et prima charitas incipit à
se ipso. c. duæ sunt. 19. q. 2.

NEC illa est admittenda, quæ fit à minori parte collegij.

QUIA in actibus Collegij, & Vniuersitatis regulariter præualeat,
quod fit à maiori, & saniori parte illius. c. 1. de his, quæ fi. à mai.
par. cap. nam censetur factum ab omnibus, nisi minor pars rationabili-
ter contradicat. d. c. 1. Et quoniam præsumitur pro maiori parte, quod
fit sanior. c. fin. d. tit. Ideo postulatio facta à minori parte, non cense-
tur facta à toto Collegio, & ob id à Sede Apostolica non consuevit ad-
mitti. ut in tex. Ad hoc tamen, quod actus gestus ab vniuersitate va-
leat, oportet, quod duæ partes vocandorum sint in capitulo; nam potest
capitulantis consistit in duabus partibus. l. nulli. & l. planè. ff. quod
cuiusque vniuer. nom. Valet autem postea quicquid facit maior pars
illarum duarum partium. Et intelligitur hoc modo. d. c. 1. de his, quæ fi.
Sed si aliquis de Collegio fuit contemptus, & non vocatus, potest face-
re actum retractari, quantuncunque sit factus à maiori parte. Abb. infr.
in c. prox. nu. 25.

Cap.

Cap. 4. Bonæ. il 2.

ARCHIEPISCOPVS in Archiepiscopum postulat.

QU^{IA} ille postulat ad aliquam Ecclesiam, qui propter aliquod impedimentum non potest ad illam libère eligi, & assumi. vt not. supr. in c. gratam. Et quoniam Archiepiscopus non potest ad aliam eligi, vel assumi, cum sit alligatus illi, ad quam spiritali matrimonio iam est coniunctus. c. inter corporalia. de transl. episc. Ideo, vt possit ad aliam assumi, est postulandus, vt Papa absoluat eum à vinculo, quo priori Ecclesie est alligatus, & ei licetiam tribuat ad aliam transeundi. vt in tex.

ET ex quo postulatio presentata est Papa, non possunt postulantes ab ea recedere; sed debet superioris iudicium expectari.

QU^{IA} per presentationem factam superiori, postulantes declarant, quod quantum ad se iam postulatum approbaverunt. gloss. hic. ver. illuderent. Et quoniam si possent ab ea recedere, Papæ frequenter illuderent, & iudicium suum ex eorum arbitrio pendere videretur. vt in tex. Ideo ne postulantium actio sit superiori in ludibrium, statuitur, vt non possint à presentata postulatione recedere. vt in tex. & c. licet. de offic. leg.

Cap. 5. Postulationem.

POSTULATIO, contra quam agitur de contemptu, potest sine præiudicio alicuius rejci.

QU^{IA} per postulationem huiusmodi non est alicui aliquod ius acquisitum. vt in tex. Ideo nullum præiudicium irrogat superior, illam non admittendo. Abb. hic nu. 2. Et hoc præcipue, quia talis postulatio non est valide facta. Abb. d. nu. 2. nam quando est valida, licet superior non cogatur illam admittere; iniuriam tamen videtur facere, postulato, si sine causa rejcit eum. gloss. i. hic, & Abb. supra in c. bonæ. il 1. num. 13.

POTEST tamen de speciali gratia admitti.

QU^{IA} cum postulationis admissio, tota dependeat à gratia superioris. vt not. supr. in c. gratum. Sicut quando postulatio fuit facta in concordia, dicitur recipere vires à gratia generali superioris illam admittentis; ita, quando non est facta in concordia, si superior vult illam admittere (quod potest, cum à sua voluntate dependeat) dicitur admitti ex gratia speciali. Abb. hic nu. 2.

Cap.

Cap.6. Et si.

EPISCOPVS non est eligendus ad aliam dignitatem, sed postulandus.

QUIA per electionem initiatur matrimoniale vinculum spirituale inter Ecclesiam, & electum. c. fin. de transl. episc. & c. cum inter. de elect. Et quoniam Episcopus iam habet coniugem, scilicet, priorem Ecclesiam. c. inter. de transl. episc. Ideo non potest consentire in aliam coniugem; nam committeret spiritualiter adulterium. c. sicut. 7. q. 1. Oportet ergo, vt prius absoluator ab illo vinculo matrimoniali, antequam aliud matrimonium initiet cum alia ecclesia. vt in tex. Et sic debet postulari, quia postulantes non consentiunt in postulatam, vt in sponsum; Et similiter postulatus. Sed solum petunt, vt ab illo rollatur vinculum, & defectus. Abb. hic nu. 5. Et si iste postulatus nollet consentire ad relinquendam priorem ecclesiam, & aliam acceptandam, posset inuitus per Papam ob bonum publicum transferri; quia ecclesia vniuersalis est vnum corpus mysticum; vnde ex quo semel consensit episcopi in hac ecclesia vniuersali, non potest resistere Papæ, si pro bono publico vult illum transferre ad aliam ecclesiam particularem; quia, solum hic alteratur locus, non autem dignitas respectu ecclesiæ vniuersalis. c. scias. 7. q. 1. In alijs verò, si nunquam quis fuit promotus in Episcopum, non videtur, quod possit præcisè compelli ad acceptandum episcopatum; nisi pro bono publico, quando non reperitur alius æquè idoneus; quo casu peccaret electus, si non acceptaret dignitatem. Abb. hic in fin. & Io. Andr. in c. quam sit. de elect. in 6.

In Sexto. Cap. vnic. Perpetuò

PERPETVO edicto prohibentur electiones, aut postulationes, sub aliqua ex his quatuor formis fieri, scilicet, eligo postulando, postulo eligendo; eligo postulandum, postulo eligendum.



QUIA ex his formis, nec vera electio, nec vera postulatio resultat, sed potius sibi inuicem aduersantur. vt in tex. nam qui eligit, dicit eum, quem eligit, nullum habere defectum; qui autem postulat, fatetur postulandum habere defectum; & sic est contrarietas in ista commixtione formarum, gloss. hic. ver. eligo, & Gemin. nu. 10. Et quoniam duo contraria non possunt esse simul. l. hæc verba. ff. de verb. sign. Et quæcunque tanquam affirmatio, & negatio opponuntur,

tur, necesse est, alterum eorum esse verum, alterum esse falsum. Arist. in prædicam. cap. de opposit. Ideo istæ formæ electionis, & postulationis commixtæ, quas perniciofa curiositas adinuenerat, tanquam absurdæ, & nihil concludentes, hæc constitutio repelluntur, & perpetuo prohibentur. vt in tex. & glos. ver. aduersentur.

PROHIBETVR etiam fieri sub alijs duabus formis, scilicet, eligo in postulandum, postulo in eligendum.

QUIA istæ duæ formæ rem imperfectam significare noscuntur, vt in tex. nam cum gerundia habeant idem significatum cum infinitiuo cum adiectione præpositionis, quando dicitur, postulo in eligendum, & eligo in postulandum, idem est ac dicere, postulo in ad eligere, id est, postulo in hac via, vt ad electionem venire possim. Io. Monach. hic. Vnde nec electionem per se, nec postulationem important. Gemin. hic nu. 6. Et quoniam postulantes, & eligentes debent exprimere eorum intentionem, aliàs non censentur nec postulasse, nec elegerisse. vt in tex. Ideo etiam istæ duæ formæ tanquam absurdæ, & nihil concludentes in postulationibus, & electionibus prohibentur. Gemin. d. n. 6.

ET si contrarium fuerit factum, eo ipso est irritum.

QUIA hæc constitutio non solum prohibet huiusmodi formas, vt qui contrafecerit, censeatur venisse contra legem; sed etiam vltterius procedit, decernendo illas esse ipso iure nullas. vt in tex. per quæ verba non solum infertur, quod actus gestus contra legem sit per exceptionem annullandus, sed significatur, quod sit ipso facto nullus. vt not. in Clemen. 1. in fin. de rescript.

PROHIBETVR etiam hæc forma, scilicet, eligo, & postulo, prout potest melius de iure valere.

QUIA hæc forma incertitudinem continet. vt in tex. Et in postulationibus, & electionibus vota incerta sunt reprobata. vt dictum est superius, & habetur in c. 2. infr. tit. prox.

QUIS I SI probabiliter dubitetur, an quis sit eligendus, aut postulandus.

QUIA probabilis dubitatio excusat, sicut probabilis ignorantia. Archid. hic. ver. dubitatur. Ideo ratione probabilis dubij, aliquid admittitur, quod aliàs ex sui natura non admitteretur. glos. hic. ver. probabiliter.

QVO casu sic electus, & postulatus, tempore consensus alteram viâ eligere necessario tenetur, electionis, scilicet, vel postulationis.

Qui

Q V I A cum iste non possit, nisi ex vna talium viarum ius habere. c. vt qui duas. infr. tit. prox. ne cum ipsius Ecclesiæ, vel sui aduersarij, si quem habet, discrimine in incerto vagetur; iurâ voluerunt, vt suum declararet consensum, per quem cognoscatur, qua istarum viarum vti velit. vt in tex. & d. c. vt qui. Et iste consensus est intra mensem ab ipso præstandus à tempore præsentationis huiusmodi electionis, & postulationis sibi factæ; ne ecclesia diù propter vacantiam prælati, patiatur detrimentum. c. quam sit. infr. tit. prox.

Q V A electa, ad alteram redire non poterit.

Q V I A per electionem vnus, alteri renunciare, sibi que ius ex ea, non competere, profiteri videtur. d. c. vt qui. Ideo electio vnus præiudicat alteri. glos. fin. hic.

In Extrauag. Commun. Cap. vnic. Dispendijs.

MINORES viginti septem annis, seculares, & mendicantes religiosi, ad certas ecclesias prohibentur postulari.



V I A per postulationem illorum, qui minus tempus habent, varia dispendia, & pericula solent ecclesijs euenire. vt in tex. Ideo ad obuiandum huiusmodi periculis, statuitur, vt ille, qui vigesimum septimum annum non attigerit, ad cathedralem, nec non professores cuiusuis mendicantium ordinis, ad inferiores cathedralibus ecclesijs, ac monasteria extra suos ordines, postulari perpetuo prohibeantur. vt in tex.

E T puniuntur tam postulantes, quàm postulati.

Q V I A cum ambo huic constitutioni contraueniant. vt in tex. ambo pro eorum culpa, pœnam merentur. cap. qui ea. distin. 38. Et sunt præsertim puniendi in eo, in quo peccarunt. cap. inter. de excessib. prælat.

DE ELECTIONE, ET
ELECTI POTESTATE.

In Decretal. Cap. 1. Nullus.

ECCLESIAE collegiata non debet prouideri de pralato per collationem, seu prouisionem; sed per electionem canonicam fiendam per ipsum collegium.



QUIA prælatus, & canonici faciunt vnum corpus, cuius prælatus est caput, & canonici sunt membra; & ad istud corpus spectat gubernatio negotiorum ecclesiæ. c. nouit. de his, quæ fiunt à prælato. sine conf. Et quoniam ille est præficiendus in prælatum, qui magis ecclesiæ possit prodesse. infr. cap. cum in cunctis. Et de necessitatibus ecclesiæ melius censentur informati ipsi de ecclesiâ, quam alij. argum. c. quoties. de testib. Ideo ubi agitur de prouidendo de capite, quod præcipuè habeat curam ecclesiæ, non ad alios non informatos, sed ad ipsa membra, quibus sunt notæ necessitates propriæ, & ecclesiæ, decet electionem spectare. vt in tex. & c. ea, noscitur. d. tit. de his, quæ fi. à præl. Vnde si aliter quis ecclesiâ collegiatam adeprus fuerit, præsumitur, quod per ambitionem, & cupiditatem illam habuerit. vt in tex. Et hoc procedebat olim, antequam Summi Pontifices sibi reseruauerint potestatem prouidendi etiam de ecclesijs collegiatis. Hodie enim virtute reservationis, electores non conferunt ius, & sic cessat ista præsumptio. Et ubi Summi Pontifices sibi reseruant collationes, per alios de illis ecclesijs prouideri non potest. Prodest tamen multum testificatio canonicorum; quia Papa facilius mouetur ad prouidendum ei, in quem concurrunt vota eorum. Abb. hic nu. 4. Quomodo autem ex temporum, & constitutionum varietate, fuerit beneficiorum dispositio variata, tractat glos. in c. quamquam. ver. deuoluetur. hoc tit. in 6. & Abb. hic nu. 1.

Cap. 2. Osus.

ELECTVS ad clamorem populi, non debet per superiorem confirmari.

QUIA in populo reperiuntur multi viles, non habentes synceram fidem, qui præmio, & mercede possent corrumpi, vt in ecclesia clamarent, & talem petere viderentur. vt in tex. Et quoniâ huiusmodi fraudibus est obuiandum. vt in tex. Ideo prouidetur, vt sic electus non

non confirmetur. vt in tex. & c. si ergo. 8. q. 1. Præterea ius eligendi prælatum, est quid spirituale, cuius laici sunt incapaces. infr. c. massana. Ideo etiam ex hac ratione non valet electio prælati facta à populo laico. Innocen. hic. Sed licet populus non possit sibi eligere prælatum, potest tamen electioni factæ consentire. cap. plebs. cum tribus seqq. dist. 63. adeo quod electio, in quam populus non consentit, potest irritari, si ex illa sequi scandalum videretur. c. 1. & ibi glos. 1. dist. 63. Et ex vrbinitate potest introduci, quod canonici non procedant ad electionem prius, quam denuncient principi loci mortem prælati, & petant ipsius assensum in electione futuri prælati. arg. c. lectis. dist. 63. Posset enim princeps obijcere contra electum, quod est sibi suspectus in regimine, nec tenetur admittere prælatum, de quo non possit confidere, ne forte reuelaret aduersario secreta regni. Innoc. in c. super his. de accusat. & Abb. supr. in cap. prox. nu. 9. Est tamen attendendum, ne malitiose principes aliqua opponant propter aliquod iniustum eorum interesse, quo casu ipsorum contradictio non esset admittenda. Innoc. in d. c. super his.

Cap. 3. Postquam.

ELECTIO canonica confirmanda est.

QUIA per electionem acquiritur electo ius prælaturæ, & ius administrandi; per confirmationem verò acquiritur exercitium prælaturæ, & administrationis. glos. 1. in c. quanto. dist. 63. Vnde postquam electus consensit, non potest ei ius suum auferri; nec potest ab illa electione recedi. d. glos. 1. Et quoniam ecclesia pateretur detrimentum, si electus non exerceret ius suæ prælaturæ. infr. c. cum in cunctis. Ideo postquam est canonice electus, debet confirmari, vt possit actu ecclesiæ deservire. c. cum inter. & c. ne pro defectu. infr. eod. Vnde confirmatio est necessitatis, licet electio à principio fuerit voluntatis: Canonici enim nō tenentur eligere certum, sed possunt eligere, quem volunt, dummodo idoneum. infr. c. quia propter. Sed superior, ad quem spectat electionis confirmatio, tenetur ex debito electionem confirmare, si nihil impedit electum. Hinc est, quod potestas confirmandi, seu instituendi pertinet ad Episcopum, transit ad capitulum, sede vacante. vt in cap. cum olim. de maior. & obed. & c. 2. de institut. in 6. Secus est in potestate conferendi, seu eligendi. vt in cap. vnic. ne sede vacan. in 6. & c. fin. de regular. eod. lib. Nam diuersitatis ratio est, quia confirmatio, seu institutio est necessaria, & nullam liberalitatem superior in ea exercet, sed vitur iurisdictione necessaria; collatio autem, seu electio est libera, & computatur inter fructus, qui non transeunt ad capitulum, sede vacante, & ideo nec ipsa transit. glos. fin. in cap. relatum. de præbend. & Abb. hic num. 1.

DE BET tamen superior, ante confirmationem inquirere de conuersatione, & vita electi.

QU^{IA} nihil est, quod ecclesiæ Dei magis officiat, quam quod indigni assumantur prælati ad regimen animarum c. nihil. infr. eod. Et quoniam sicut digne electus, est confirmandus. vt dictum est superioribus; ita indigne electus, est reiiciendus. d. c. nihil. Ideo nemini est per superiorem cito manus imponenda, nec electio statim confirmanda, sed an electus tali honore sit dignus, est diligenter examinandum. d. c. nihil. & ibi glos. ver. suspendatur. & c. fin. eod. in 6.

VBI fuit conuersatus.

QU^{IA} vicinus præsumitur scire facta vicini. c. quosdam. de præsumpt. Ideo vt verisimiliter possit haberi certa notitia de vita, & moribus electi, inquisitio eius famæ est faciêda in loco, vbi ipse est conuersatus. vt in tex. & glos. 1. hic.

Cap. 4. Significasti.

ELECTO in Archiepiscopum Sedes Apostolica pallium non tradet, nisi prius præstet fidelitatis, & obedientiæ iuramentum.

QU^{IA} per pallium confertur plenitudo pontificalis officij, & nomen archiepiscopale. c. nisi. de auct. & vsu pal. Et quoniam omnis Christi actio debet esse nostra instructio. c. Deus. 2. q. 1. Et Dominus noster Iesus Christus, qui, cum ouiarum suarum curam Petro committeret, conditionem apposuit dicens: Si diligis me, pascue oues meas. Si conscientiarum factor, & cognitor secretorum, conditione hac vsus est; nec semel tantum, sed & secundo, & vsque ad contristationem; quæ Papam sollicitudine oportet, tantam ecclesiæ prælationem imponere fratribus, quorum conscientias non videt? vt in tex. Ideo cum à Sede Apostolica Archiepiscopus suæ insignia dignitatis exigit, quæ à beati Petri tantum corpore assumuntur, iustum est, vt ipse quoque Sedi Apostolicæ subiectionis debita signa soluat, quæ ipsum cum beato Petro, tanquam membrum de membro habere, & catholici capitis vnitatem seruare declarent. vt in tex.

Cap. 5. Quia.

SI schismaticus ad unionem Ecclesiæ reuersus; eligitur in Episcopum, electio non tenet.

QU^{IA} vt electio sit valida, debet fieri de illo, qui non habeat defectum, & impedimentum ad exercendam dignitatem, ad quam eligitur. vt not. in c. vnic. supr. tit. prox. in 6. aliàs, si habet defectum, non est eli-

est eligendus, sed postulandus. c. gratum. d. tir. prox. Et quoniam ille, qui fuit schismaticus, est impeditus, & inhabilitatus propter illud gravissimum, & notorium schismaticis crimen, ut non possit amplius administrare sacramenta sine dispensatione. c. fin. de tempor. ordin. & c. nos. & ibi glos. fin. dist. 12. Ideo electio facta de tali, cum sit facta de inhabili, non tenet. ut in tex. & infr. c. innouit. Et quando dicitur, quod post penitentiam quis efficitur nouus homo, & non debet in eo inspicere, quod fuit. c. ferrum. dist. 50. & sic videatur, quod cum iste sit reuersus ad unitatem ecclesie, non debeat impediri, quin possit de iure eligi. Respondetur, quod illud habet locum quo ad Deum, & etiam quo ad ecclesiam militantem in parvis criminibus; sed in magnis criminibus, quo ad ecclesiam militantem non habet locum; nam etiam post peccatam penitentiam de talibus, ille remanet irregularis ob delictum, quod scandalizauit. Butr. hic nu. 13, & Abb. nu. 6. & vide S. Tho. 2. 2. q. 39. art. 4.

S E D. ex dispensatione potest confirmari.

QUIA talis inhabilitas est introducta à iure positiuo. d. c. nos consuetudinem. & ibi glos. fin. Et quoniam in ijs, quæ sunt de iure positiuo Papa potest dispensare, cum sit supra illud. c. proposuit. & ibi glos. ver. supra ius. de concess. præb. Ideo per consequens potest talem electionem confirmare; licet regulariter electionem nullam Papa non confirmet, sed illam irritam denunciet. c. innouit. infr. eod.

Cap. 6. Licet.

E L E C T V S in Romanum Pontificem à duabus partibus Cardinalium, nulla exceptione obstante, est Papa.

QUIA electio Romani Pontificis spectat ad Collegium Cardinalium. c. in nomine Domini. dist. 32. & c. ubi. infr. eod. in 6. Et quoniam in actibus collegii illud, quod fit à maiori parte, censetur factum à toto Collegio. c. 1. de his, quæ sunt à mai. par. cap. Ideo multo magis debet censeri factum ab omnibus illud, quod fit à duabus partibus, apud quas intelligitur esse potestas vniuersitatis, etiam in illam congregando. Butr. hic nu. 18. & Abb. nu. 14. Speciale autem est in electione Romani Pontificis, ut non sufficiat maior pars, sed requirantur duæ partes; quia post eius electionem non potest ad superiorem haberi recursus. ut in tex. Et ideo dum eligitur, confirmatur, & statim habet plenam, & liberam administrationem. glos. fin. hic. Quod non est in electionibus aliorum prælatorum, in quibus, si est aliqua difficultas, debet per superiorem ante confirmationem examinari. ut not. supr. in c. postquam. Ideo in illis non mutatur communis forma, & necessario non requiruntur duæ partes, sicut requiruntur in electione Romani Pontificis, ut in tex. In cuius assumptione propter grauitatem oneris, cum maius

maius periculum vertatur, plenius est consulendum. d.c. vbi. eod. in 6. Possunt tamen Cardinales conuenire, vt electus à maiori parte sit Papa; quia ille, qui sic electus est per istam conuentionem specialem, non tantum à maiori parte eligitur, sed à toto Collegio, qui dedit hanc facultatem illi parti; sicut à toto Collegio dicitur electus ille, qui à compromissarijs eligitur. infr. cap. in causis. Compofstell. hic in fin. qui tamen putat, quod, vno contradicente, non possit compromitti, nec ordinatio ista fieri; quia in re communi potior est conditio prohibentis. l. Sabinus. ff. cummun. diuid. Nunquid autem vox electi debeat computari in numero vocum eligentium; distingue, quod, aut sit electio per scrutinium secretum, & vox sua non computabitur in numero; quia, cum ipse ignoret, an fuerit electus ab alijs, non potest dicere: eligo me ipsum; nam tunc tanquam ambitiosus esset repellendus. Sed si electio fuit facta per scrutinium publicum, ita quod quilibet exprimebat votum suum, tunc vox electi computatur in numero; quod intellige, quando prius fuit electus ab alijs, & ipse consensit illi electioni; nam tunc non potest dici ambitiosus, cum non oriatur à se, sed sit vocatus à fratribus. Et est speciale in Papa, vt quandocunque in scrutinio publico, vel secreto, consensisset in alium, & postea videns se electum ab alijs, possit recedere ab electione, quam fecit, & accedere ad electionem de se factam; nam in electione Papæ admittitur variatio per accessum. Abb. hic nu. 13. Et in quantum ad duas partes Collegij, quod debeant esse præsentibus; conclude, tam de iure ciuili, quam canonico; quod ad hoc, vt valeat, quod agitur in aliqua vniuersitate, oportet, quod duæ partes vocandorum sint præsentibus, vt in iuribus adductis hic per glos. ver. speciale. Et quicquid à maiori parte illarum duarum determinatur, tenet. l. quod maior. ff. ad municip. & c. 1. de his, quæ fiunt à mai. par. cap. quæ iura debent sic intelligi; & hoc communiter tenetur à legistis. vt not. glos. in l. planè. ff. quod cuiusque vniuer. nom. & Bart. in l. omnes. ff. de iustit. & iur. Sed de iure canonico dubitatur, vtrum requirantur necessario duæ partes, si multi vocati noluerunt venire, de quo vide in c. cum nobis. & cap. in causis. infr. eod. Et de iure canonico certum est, quod si contemnatur vnus, qui debebat vocari, potest facere cassari quicquid fuerit actum per totam vniuersitatem. c. bonæ. il. 2. & c. quod sicut. infr. eod. Et quo ad Cardinales, tenent hic Doctores, quod sufficiunt duæ partes præsentium; dummodo alij fuerint expectati, iuxta c. vbi periculū. eod. in 6. Vnde non est necesse, quod cōsentiant duæ partes omnium Cardinalium; sed præsentium in conclau. arg. c. ea enim. §. hoc ius. 10. q. 2. & Abb. hic nu. 14. Et est sciendum, quod super electione Papæ emanauerunt quinque iura. Primum ius antiquum, de quo in c. si quis Papa. dist. 79. & c. in nomine Domini. distin. 23. Secundum ius nouum huius capituli. Tertium fuit magis nouum in quadam extrauaganti Innocentij Quarti, quæ incipiebat: Frequenter. & hodie illa est subla-

sublata propter compilationem Sexti. Quartum fuit aliud ius magis nouum, vt in c. vbi periculum. infr. eod. in 6. Quintum fuit ius nouissimum, quod habetur in Clemen. Ne Romani. infr. eod. Et nulla exceptio admittitur contra electum à duabus partibus Cardinalium. vt in tex. quia ex tali electione electus consequitur ius, & plenam, ac liberam administrationem. glos. fin. hic. Vnde exceptio non est in hoc casu proportionabilis; nam exceptio opponitur contra petentem, cum sit actionis exclusio. c. 2. de ordin. cogn. Cum enim electus sic in Papam iam sit adeptus plenum ius, nihil petit. vt superius dictum est. Potest tamen contra eum excipi, & accusari de hæresi. glos. hic. ver. absque; quia ius Papatus non cadit in hæreticum; nam cum hæreticus sit extra ecclesiam, non potest esse caput ecclesiæ. Abb. hic nu. 11. Et sic cum in tali casu sit incapax, non potest dici, quod sit ius adeptus, nec quod possit illud retinere. Abb. hic.

ELECTVS autem à minori numero gerens se pro Papa, incidit vnà cum sibi adherentibus in pœnas hic contentas.

QUIA cum talis electio sit irrationalis; fuit per hanc constitutionem sub pœna excommunicationis, & alijs pœnis damnata. vt in tex. Quæ constitutio huiusmodi contrauenientes ligat; nam Papa potest constituere etiam super electione sui successoris, & super explicandis post mortem suam. Et hoc procedit ex potestate sibi à Christo tradita, dum in persona Petri sibi dictum est: Quodcunque ligaueris &c. Matth. cap. 16. Et exponuntur illa verba, Quodcunque ligaueris, scilicet, per statuta, vel præcepta. vt not. Innoc. in c. quanto. de consuet. Et ponderandum est illud verbum, Quodcunque, quod est vniuersale affirmatiuum; nihil enim excludit, dum dicit: quodcunque. vt in c. si Romanorum. dist. 19. & c. solitæ. de maior. & obed. Et intellige, clauē discretionis non errante. vt in c. manet. 24. q. 1. & not. Hostien. in c. quanto. de transl. episc. & Innoc. in c. quanto. de iureiur. Hinc dicimus, duas esse clauēs Petri; per vnā significatur potestas, per aliam discretio, siue scientia. vt not. in c. 1. cum sequen. dist. 20. & c. fin. de excess. prælat. Non tamen Papa potest eligere successorem. vt not. glos. in c. apostolica. §. his omnibus. 8. q. 1. & Io. Andr. hic, & Archid. in c. si transitus. dist. 79. Et tenetur hoc cōmuniter per Doctores: & est ratio, quia effectus huiusmodi electionis refertur ad tempus, quo non est futurus Papa. I. cum, qui. ff. de iurisdic. omn. iudic. Sed constitutio, quam facit super electione, admittitur, quia prouidet futuris scandalis, & in casu, quo alius præter eum prouidere non potest. Posset tamen Papa dare potestatem alicui prælato eligendi sibi successorem. vt in c. petisti. 7. q. 6. Et tunc fit electio auctoritate Papæ, & non propria. Abb. hic nu. 2.

Cap.

ELECTIO ad episcopatum fieri debet de digno scientia, moribus, & aetate, & quod habeat trigefimum annum completum.

QU^{IA} cum in cunctis sacris ordinibus, & ecclesiasticis ministerijs, sint aetatis maturitas, gravitas morum, & literarum scientia inquirenda. vt in tex. Multo fortius in Episcopo hæc oportet inquiri, qui ad curā aliorū positus, in seipso debet ostendere, qualiter alios in domo Dei oporteat conuersari. vt in tex. Et quoniam ætas triginta annorum est perfecta, in qua Dominus Iesus fuit baptizatus, & cœpit prædicare. S. Gregorius sup̄r. Ezechielem in princ. & c. presbyter. dist. 78. Ideo in Episcopo, cuius præcipuum munus est prædicare, requiritur hæc ætas, per quam præsumatur cum alijs requisitis idoneus ad tantum munus. glos. 2. in d.c. presbyter.

ET sit de legitimo matrimonio natus

QU^{IA} filius dehonestatur propter incontinentiam paternam, quam illegitimitas proles ostendit. cap. literas. de fil. presbyt. Et quoniam propter hunc defectum non potest illegitimus sine dispensatione Papæ, ad dignitatem, personatum, & beneficium curatum promoueri. c. fin. d. tit. de fil. presb. Ideo multo minus debet promoueri ad Episcopatum, qui est dignitas maior illis. vt in tex. It qui requirit perionas sine vitijs, & multis virtutibus ornatas. vt in Epist. ad Tit. cap. 1. & 1. ad Timoth. c. 3. & habetur à dist. 25. vsque ad 50. & à 81. vsque ad 101.

§. Cum verò.

BENEFICIA electi in Episcopum vacant per confirmationem, adeptionem possessionis, & consecrationem secutam.

QU^{IA} episcopatus de iure communi est incompatibilis in eadem persona cum alijs beneficijs. c. inter. de transl. episc. & c. si quis, 21. q. 2. Et quoniam quando duo beneficia sunt incompatibilia, per assecutionem secundi vacat primum. c. de multa. de præb. Dicitur autem secundum assecutum, quando quis est illud plenè consecutus. d. c. si quis. & ibi glos. Ideo episcopatus dicitur assecutus post confirmationem, illius adeptam possessionem, & secutam consecrationem; nam ante ista posset adhuc excipi contra electum, & ab episcopatu remoueri. Compstell. hic circa med. Vnde non potest dici ante ista secuta, quod habeat episcopatum; nam habere, est cum effectu habere. glos. hic ver. ad quem.

VEL postquam præfixum tempus ad petendum consecrationem, lapsum fuerit.

Quia

QUIA cum iste sit in mora petendi consecrationem, in sui pœnam quo ad retenta beneficia, talis mora debet ei esse nociua, & sibi imputari. glos. hic. ver. tempore. Et ob eandem culpam etiam ab illa dignitate, ad quam fuerat electus, debet repelli. Et ne propter diuturnam prælati carentiam ecclesia illa patiatur detrimentum, de alio debet ei prouideri. c. quoniam. dist. centesima. & c. 2. dist. 75. Ideo talis morosus, & beneficijs, & episcopatu carebit. d. c. quoniam. Ex hoc autē tex. norantur quatuor requisita ad hoc, vt vacent beneficia electi in Episcopum. Primo enim requiritur, quod fuerit electus. Secundo, quod confirmationem electionis fuerit consecutus. Tertiò, quod sit adeptus possessionem. Quarto, quod sit consecratus, vel quod sit in mora petendi consecrationem; & dicitur esse in mora, si non petit intra tempus præfixum à canonibus, scilicet intra tres menses à tempore confirmationis habitæ. d. c. 2. dist. 75. & Concil. Trid. sess. 23. cap. 2. Ex quibus notatur ordo procedendi: nam primo quis eligitur: secundo electio confirmatur: tertio administrationem consequitur: quarto consecratur. Et vnū nascitur ex altero; nam vigore electionis fit confirmatio; & virtute confirmationis competit ius administrandi. vt infr. in c. transmissam. Et vt possit plene administrare, debet consecrari; quia electus, & confirmatus potest exercere ea, quæ sunt iurisdictionis; ea verò, quæ sunt ordinis episcopalis, non exercet ante habitam consecrationem. d. c. transmissam. Vnde communiter dicunt canonistæ, quod consecratio episcopalis est ordo: ideo in multis iuribus dicitur, Episcopum ordinari, & in aliquibus consecrari; quia in consecratione recipit ordinem episcopalem. Theologi verò dicunt, quod non est ordo, sicut nec prima tonsura; vnde ipsi tenent septem esse ordines. Canonistæ autem asserunt nouem; nam computant primam tonsuram, & ordinem episcopalem. de quo vide bo. glos. in proœmio Sexti. & S. Thom. par. 3. quæst. 40. art. 3. in addit. Notatur etiam ex hoc tex. quod beneficia promoti, & translati ad episcopatum, vacant ipso iure; vnde non requiritur alia sententia, vt colligitur ex tex. ibi, habeat liberam facultatem. Non enim haberet collator liberam potestatem, seu facultatem conferendi, si haberet necesse expectare sententiam priuationis, vel alicuius consensum, iuxta c. de multa. de præb. & c. licet Episcopus. eod. tit. in 6. Sed queritur, nunquid de necessitate requirantur omnia hic expressa ad hoc, vt vacent beneficia istius promoti? Respondetur, quod saltem. in effectu requiruntur, & si non formaliter. Nam hodie propter reservationes Summorum Pontificum electiones non confirmantur; sed Papa prouidet ex officio suo; vnde illa prouisio, cum pronunciat aliquem Episcopum, habet vim electionis, & confirmationis; sicut dicimus in collatione beneficiorum. vt not. in c. cum olim. de caus. possess. & propriet. Vnde dicendum est, quod post prouisionem factam per Papam, non vacant immediate beneficia prouisi, seu pronuntiati; sed debet expectari, vt

iste prouisus consequatur prius administrationem, & quod consecratur. Et quanquam curia hodie de facto non seruet; sed immediate confert beneficia pronuntiati; tamen illa collatio non habet effectum, seu habere deberet, nisi postquam prædicta interuenerint; quia non debet quis perdere primum beneficium, nisi plenè sit secundum consecutus, ut dictum est superius, & habetur in c. si quis. 21. q. 2. & c. si qui. dist. 92. & Abb. hic.

§. Inferiora:

IN dignitatibus, & officijs citra Episcopatum, ac Curatis beneficijs, debet assumendus vigesimum quintum annum attigisse, & alias esse idoneus scientia, & moribus.

QU^{IA} licet in istis beneficijs non requiratur tanta maturitas, sicut in episcopatibus, ut in tex. Requiritur tamen maior, quam in inferioribus beneficijs, ut tales beneficiati possint ea, quæ ad ipsa beneficia spectant, conuenienter adimplere. ut in tex. Ideo requiritur ætas ista, per quam possint intra annum ad presbyteratus ordinem, qui est annexus curæ animarum, promoueri. c. licet. cod. in 6. Et per quam possint sufficientem scientiam ad eorum munus exercendum; habere, gloss. hic. ver. archidiaconatū. Et per quam ex eorum probata vita possint alijs bona exempla præberi. d. c. licet, & Concil. Trid. sess. 23. cap. 12. In ætate autem, quando sufficiat annus inchoatus, vel requiratur annus completus, sunt consideranda verba dispositionis. Nam si diceretur, quod in anno decimo octauo quis posset promoueri, sufficit, quod attigerit vnum diem decimi octauæ anni, quia verum est dicere, istum esse in decimo octauo anno; secus si diceretur, quod habeat decimum octauum annum, de quo vide plenius per gloss. in Clem. generalē. de ætat. & qual. & Abb. in princ. huius cap. num. 6. Vnde cum in iure dicatur, quod in Episcopo requiritur annus trigessimus exactus, & in istis inferioribus vigesimus quintus inchoatus, non relinquitur dubitationi locus, qualiter in eis annus intelligatur. gloss. hic. ver. exegerit; & Abb. d. nu. 6.

ET si non est in ordine requisito, debet se facere promoueri in proximis temporibus.

QU^{IA} ex quo suscepit vnum connexorum, videtur ad reliquum se obligare. gloss. hic. ver. remoueantur. Ideo quamcitus potest, debet competentibus temporibus talis suscipere ordinem à suo beneficio requisitum, ex quo suscepit beneficium, quod habet talem ordinem annexum. c. si pro clericis. de præb. in 6.

ALIAS monitus non parens priuabitur beneficio.

Quia

Q V I A cum iste sit in mora id faciendi, ad quod tenetur. vt in tex. mora sua debet sibi esse nociua. c. mora. de reg. iur. in 6. ne ex sua culpa, per quam pœnam meretur, commodum reportet cum Ecclesiæ suæ detrimento. vt not. supr. in §. cum vero. & c. 2. dist. 75. Hodie autem in ecclesia parochiali non collegiata, qui non facit intra annum se promoueri in sacerdotem, est priuatus ipso iure, nec requiritur alia monitio, vel sententia. d. c. licet. eod. in 6. Sed in alijs beneficijs, de quibus aliter non disponitur per ius magis nouum, remanet firmum, quod statuitur in hoc tex. vt scilicet ante priuationem requiratur monitio. Butr. hic num. 6.

N O N obstante appellatione, nisi ex causa legitima excusetur.

Q V I A appellationis remedium, non ad defensionem iniquitatis, sed ad præsidium innocentiz fuit institutum. c. ad nostram. de appell. Ideo sicut appellatio non debet iniuste aliquem tueri contra hanc constitutionem; ita si per ipsum ordinandum non stetit; quo minus huic iuri pareret, appellatio legitime interposita debet eum releuare, ne sine culpa puniatur. vt in tex. & c. 2. de constitut.

§. Clerici.

E L I G E N T E S indignum contra formam huius cap. priuati sunt pro prima vice potestate eligendi.

Q V I A dignum est, vt quos Dei timor à malo non reuocat, ecclesiasticæ saltem coerceat seueritas disciplinæ. vt in tex. Et quoniam conueniens est pœna, vt quis puniatur in eo, in quo deliquit. c. inter. de excess. præl. Ideo contra istos, qui in electione deliquerunt, imponitur pœna, vt pro prima vice non possint eligere; & quia etiam deliquerunt circa beneficia, ab ecclesiasticis beneficijs per triennium suspenduntur. vt in tex. Quæ pœna suspensionis restringitur ad beneficia, quæ tales obtinent in illa ecclesia, ad quam fuit facta electio; nam ipsa per electionem indigni fuit læsa; non autem extenditur ad alia beneficia extra illam ecclesiam, in quibus non fuit peccatum. vt per c. si compromissarius. eod. in 6. Et talis pœna intelligitur imposita eligentibus scienter indignum; secus si quis elegerit ignoranter. vt infr. c. innotuit. & Abb. hic num. 2. & 4.

E T idem in collatore.

Q V I A cum etiam ipse simili culpa deliquerit. vt in tex. conueniens est, vt simili pœna multetur. l. illud. ff. ad leg. Aquil.

E T defectum capituli supplet episcopus, & e conuerso si capitulum negligit, fit deuolutio ad metropolitanum.

O 2

Quia

QU^{IA} regulariter maior supplet negligentiam inferioris . iuxta not.in c.cum simus.9.q.3.& c.ex parte. de concess. prab. Minor autem non supplet negligentiam superioris , nisi in casibus in iure expressis.vt not.Innoc.in c.quia.de concess. prab. Ideo cum hic exprimitur , qualiter defectus vnus sit supplendus per alium, iste ordo ad supplendum in his casibus erit attendendus.glof.fin.hic,& Abb.nu.5.

Cap.8. Causam .

COMPROMITTENTES super electione, tenentur recipere electum à compromissario.

QU^{IA} electus à compromissario censetur electus ab ipsis compromittentibus,quorum nomine ipse eligit ; nam subrogatum sapit naturam illius, in cuius locum subrogatur.§.fuerat.Instit.de action. Et Et qui per alium facit,per seipsum facere videtur.c.vt fama.de sent.ex.com. Et quoniam huiusmodi forma eligendi per compromissarium, est vna de formis in electionibus approbata.infr.c.quia propter. Ideo sicut ipsi principales non possent post electionem factam , ab electo resilire ; nam eligendo functi sunt eorum officio, & per electionem est electo ius acquisitum.glof.fin.hic.& infr.c.cum inter. ita non licet eis recedere ab electione facta à compromissario eorum.vt in tex.

SI est idoneus.

QU^{IA} ipse compromissarius habet facultatem eligendi per mandatum sibi factum à compromittentibus, . infr. c. in causis . Et quoniam in mandato generali nō censentur mandantes cogitasse, quod eligeret indignum.c.si compromissarius.eod.in 6. nam verba sunt civili modo intelligenda.l. si cui. ff. de seruit. Ideo eius facultas non debet ultra intentionem mandantium , & vires mandati, se extendi.d.c. si compromissarius.& Butr. hic in fin. Et sic talis electus non est recipiendus , cum compromissarius non censeatur habere mandatum ad talem, vt in tex. Et etiam, quia talis electio non est valida ex parte electi , qui tanquam inhabilis, non erat capax electionis. supr.c.proxim.& Abb.in rugic.de postul.prelat.

Cap.9. Nosti .

ELECTVS ante confirmationem , beneficia conferre, vel aliter administrare non potest.

QU^{IA} per electionem quis consequitur ius praelaturæ , & ius administrandi in habitu ; sed per confirmationem superioris consequitur ius administrandi in actu.glof.1.in cap.quanto.dist. 63. & not.supr.in c.cum in cunctis.§. cum verò . Ideo ante confirmationem non

non debet electus sibi attribuere plus iuris, quam ipse habeat, ne rerum ordo confundatur, & superioris auctoritas contemnatur. glos. in c. avaritia. ver. confirmetur. eod. in 6. Per confirmationem autem administrat ea, quæ sunt iurisdictionis, sicut est, iudicare, excommunicare, corrigere, beneficia conferre, & similia, quæ consistunt in iurisdictione. Ea verò, quæ sunt ordinis, sicut clericos ordinare, chrisma conficere, depositio clericorum, benedicere virgines, ecclesias, & altaria consecrare, & similia, conferuntur in consecratione episcopali. glos. fin. infr. in c. transmissam. Vnde prælati, qui hodie prouidentur per Papam, statim atque sunt per Papam pronuntiati, possunt administrare ea, quæ sunt iurisdictionis. Abb. hic nu. 4. nam talis prouisio habet vim electionis, & confirmationis. vt not. in c. cum olim. de caus. possess.

Cap. 10. Considerauimus.

ELECTIO facta post appellationem, & prima non cassata, cassanda est.

QUIA per primam electionem fuit contractum matrimonium inter ecclesiam, & electum. infr. c. cum inter canonicos, & Abb. hic nu. 2. Et sicut vna mulier non potest habere duos sponsores, ita nec ecclesia. Butr. hic nu. 1. Ideo cum prima electio sit aliqua (quantumcunque reuocabilis) ecclesia non est libera, vt possit dari secunda electio, nisi prius cassetur prima. Butr. nu. 4.

SIMILITER facta contra priuilegia Ecclesie.

QUIA gesta contra priuilegia ecclesie, non sunt ipso iure nulla, licet veniant retractanda. Abb. hic nu. 2. Ideo cum prima electio in tali casu fuerit aliqua, non poterat dari secunda, antequam cassaretur prima, vt dictum est superius, & Abb. d. nu. 2. vbi notat differentiam inter priuilegia, & iura communia; nam attentatum contra ius commune, regulariter est ipso iure nullum. vt in c. vides. dist. 10. & c. que contra. de reg. iur. in 6. & l. non dubium. C. de legib. secus in attentato contra priuilegium, vt ex hoc tex. nam priuilegia non sunt leges communes, licet sint priuata leges. c. priuilegia. dist. 3. Et cum consistant in facto, possunt probabiliter ignorari. c. 1. de constit. in 6. iura verò communia concernunt publicum commodum, nec possunt probabiliter ignorari, immo est latæ culpæ ignorare illa. Bart. in l. quod Nerua. ff. deposit. & Abb. hic d. nu. 2.

Cap. 11. Suffraganeis.

METROPOLITANVS confirmatus, licet non dum receperit pallium, potest suum suffraganeum consecrari facere.

Quia

Q V I A sicut Metropolitanus, si fuisset consecratus, & pallium recepiisset, posset exercere ea, quæ sunt ordinis; & sic posset per se ipsum cum alijs duobus Episcopis, suum suffraganeum consecrare. c. nre Episcopi. de tempor. ordin. & c. quod sicut. infr. eod. Ita electus, & non dum confirmatus. potest exercere ea, quæ sunt iurisdictionis, vt supr. in c. nosti. Et quoniam dare licentiam Suffraganeis; vt possint consecrare electum, subiectum iurisdictioni metropolitanæ, pertinet ad exercitium iurisdictionis. arg. l. 3. ff. de iurisd. omn. iudic. & Compostell. hic. Ideo potest talis Metropolitanus alijs hoc demandare, licet per seipsum, cum non dum receperit pallium, non possit adhuc consecrare. glos. penult. in c. 1. de transl. episc. Nec obstat, quod ipse non possit per se consecrare; & sic videatur, quod nec per alium possit hoc facere, ex eo, quod qui per alium facit, per seipsum facere videtur. c. mulieres. de sent. excom. Et quod non debeat alieno nomine licere, quod non licet suo. c. quod alicui. de reg. iur. in 6. Et quod nemo possit plus iuris in alium transferre, quam ipse habeat. l. traditio. ff. de acquir. rer. dom. Nam responderetur, quod ista contraria procedunt, quando quis mandaret aliquid alijs non habentibus potestatem ad illud ex seipsis, & sic egerent creatione potestatis ex dante; sed per alium habentem potestatem, licet ligatam, bene quis potest, quod non potest per seipsum, quia potest dissolvere vinculum impediens, licet non possit potestatem creare. Innocent. hic, & Butr. nu. 11. Hic autem Episcopi, tãquam ordinem habentes, habebant potestatem habitu consecrandi, sed illam habebant ligatam; quia non poterant eam exercere in electum eis non suppositum; & hoc ligamen dissoluitur per mandatum Archiepiscopi. Butr. hic, & glos. penult. in d. c. 1. de transl. episc. Et similiter capitulum potest, sede vacante, committere alteri Episcopo, vt ordinet clericos, licet capitulum per se non possit ordinare. cap. cum nullus. de tempor. ordin. in 6. nam per illam commissionem remouet ligamen iurisdictionis, per quod ille non poterat in aliena diœcesi suum ordinem exercere. Abb. hic nu. 2. Et sic habes limitationem ad iura dicentia, quod is videtur facere, cuius nomine fit, & ad alia similia iura superius adducta; nam illa procedunt, quando ille, cui fit commissio, non poterat facere nomine suo, sed ex toto facit tanquam alius; secus vbi faceret nomine suo, licet habuerit auctoritatem ab alio. Abb. d. nu. 2. Vnde ille, qui mandat, licet nō semper habeat formaliter id, quod alteri mandat; habet tamen illud quandoque causaliter, id est, causat, vt ille possit, qui per aliquod impedimentum non poterat. Bald. hic.

Cap. 12. Super eo.

IS, cuius electio fuit cassata, non vitio persona, sed electionis modo, iterum eligi potest.

Quia

Q V I A nemo debet alterius odio pręgrauari. l. iniquissimum. ff. de iur. & fact. ignor. Et res, quę culpa caret, damnum asserre non debet. c. 2. de constitut. Ideo cum talis electus non fuerit in vitio, per quod electio veniat retractanda, si illa cassatur ex defectu eligentium, non debet tali imputari, quin possit aliās promoueri. vt in tex. sed illius fama est integre conseruanda, sicut ante huiusmodi electionem erat. supr. c. considerauimus.

S E C V S, si vitio persona.

Q V I A ille, cuius opinio de aliquo crimine est grauata, interim promoueri non debet. c. omnipotens. de accusat. Et infamibus non debent portę patere dignitatum. c. infamibus. de reg. iur. in 6. & ibi glos. quę dicit, quod non solum infamia iuris, sed etiam infamia facti impedit, ne quis promoueatur ad dignitates, & beneficia. Ideo cum talis fuerit impeditus, & repulsus ab ista electione propter suum vitium, propter idem erit ab alia electione repellendus: nam vitium, concernens personam, sigillat, & notat vbique ipsam personam, illamq. sequitur, sicut lepra leprosum. c. cito. l. q. 1. Sed nunquid iste rex. habet locum indistinctę, qualitercunque electio fuerit cassata vitio personę? Dic, quod non: vnde est distinguendum, quod quandoque cassatur electio propter crimen electi verę probatum, quandoque propter crimen pręsumptum, quandoque propter infirmitatem ipsius electi talem, quę habet impedire promotionem, de qua est exemplum in c. cum inter. infr. cod. Primo casu habet locum indistinctę iste rex. Secundo casu non impeditur secunda promotio, si potest se purgare de illo crimine pręsumpto; quia contra crimen pręsumptum admittitur purgatio. infr. c. officij. Tercio casu si potest probare, quod ab illa infirmitate conualuerit, non impeditur noua promotio; quinimo multi tenuerunt, quod de nouo debeat probari ipsum laborare illa infirmitate; nam semel infirmus non semper pręsumitur infirmus; secus in vicioso, qui semper pręsumitur malus, nisi probetur mutatus. Abb. hic nu. 3.

Cap. 13. Cum monasterium.

N O N professus potest postulari in abbatem, si ex aliqua bona causa fiat talis postulatio.

Q V I A vbicunque necessitas, vel vtilitas requirit, rigor legis relaxatur, & quę erant à iure communi disposita, ex æquitate per dispensationem temperantur. c. necessaria. & c. tali. l. q. 7. Ideo licet non professus regulariter non debeat pręfici in Abbatem, quia non pręsumitur in regula competenter instructus; & non debet quis fieri magister, antequam fuerit discipulus. infr. c. officij; & c. nullus. eod. in 6. Tamen si adsit causa rationabilis, quę pręponderet isti communi respectui, pote-

poterit à Papa impetrari, vt ille, qui non potest de iure communi præfici, & per consequens non potest eligi, quod possit postulari, & sic ex gratia præfici, remouendo ex eius auctoritate illum defectum, qui de iure communi obstabat. glos. in c. fin. de postul. præl.

Cap. 14. Cum terra.

ELECTIO debet esse in libertate eligentium.

QU^{VI}A eligere est vnū ex pluribus voluntarie capere. Abb. hic nu. 1. Vnde non est electio, vbi non est voluntas libera eligendi. c. vbi periculum. §. cæterum. eod. in 6. Ideo cum libertas sit de substantia electionis, vt maneat electio, debet in electoribus esse libertas. Abb. d. nu. 1. Et sicut in matrimonio carnali debet inter contrahentes liber esse assensus. c. cum locum. de sponsal. ita debet esse in electione, per quam contrahitur inter electum, & ecclesiam, (cuius nomine interueniunt eligentes) matrimonium spirituale. infr. c. cum inter.

NEC valet contraria consuetudo.

QU^{VI}A talis consuetudo redundaret in grauamen, & perniciem ecclesiasticæ libertatis. vt in tex. Et quoniam consuetudo, quæ infert grauamen ecclesijs, est irrationalis. c. 3. de consuet. Ideo est potius dicenda corruptela, & radicitus extirpanda. c. 1. & fin. d. tit. de consuet. Præterea est generale in quolibet actu, vt non valeat consuetudo, per quam detrahitur substantiæ actus, ipso actu remanente, vt probatur. c. 1. de consuetud. in 6. iuncta glos. vbi patet, quod non valet consuetudo, vt appelletur à Vicario Episcopi ad ipsum Episcopum, quia est contra substantialia appellationis, cum appellatio sit de minori iudice, ad maiorem prouocatio. Sed Vicarius Episcopi facit idem consultorium cum Episcopo; quia iurisdictio sua non est alia à iurisdictione Episcopi: sic etiam non valet pactum, vel modus appositus contra substantialia actus. vt in c. fin. de præcar. & in l. cum præcar. ff. eod. & in l. per feruum. §. 1. ff. de usu, & habit. vbi dicitur, quod non valet, si quis legat vsumfructum rei sine usu. Ideo cum libertas sit de substantia electionis, vt superius notatur, non potest consuetudo contraria valere. vt in tex. Potest tamen consuetudo restringere ipsam libertatem, vt probatur in in c. Abbate. de verb. sign. & in c. cum dilectus. de consuet. & in c. 2. de in integr. restitut. In quibus iuribus probatur, quod valet consuetudo, vt collegium teneatur sibi eligere prælatum de alieno collegio. Item potest inducere consuetudo, vt collegium teneatur admittere forenses ad coeligendum secum. vt infr. c. scriptum. & de caus. possess. & propriet. c. cum ecclesia. quia per huiusmodi restrictionem, & conditionem non impeditur, quin possint eligentes libere vnum ex pluribus eligere, licet libertas non sit vaga vbiunque ad omnes. Abb. hic nu. 2. Potest etiam per

De Elect. & electi potestate :

113

per consuetudinem in totum tolli potestas eligendi , vt in c.2. de in-
tegr. restitut. vbi Episcopus prætendebat potestatem eligendi Abbate ;
quia tollendo potestatem in totum, remanet, seu deuoluitur libertas eli-
gendi ad electores, ad quos postea per consuetudinem deducitur. Abb.
hic num. 3. Sed quod remaneat electio apud aliquos, qui non ha-
beant libertatem ad plures, hoc fieri non potest, vt superius not. &
Ioan. Andr. hic.

Cap. 15. Transmissam .

*P E R confirmationem electionis transfertur potestas exercendi ea,
quæ sunt iurisdictionis episcopalis.*

QUIA post electionem, & confirmationem canonicam, inter ec-
clesiam, pro qua interueniunt eligentes, & electum, est coniugium
spirituale contractum, c. inter. de transl. Episc. Ideo tanquam
sponso, datur electo confirmato potestas exercendi ea, quæ non requi-
runt ordinem Episcopalem, per quem dicitur postea inter Episcopum
& Ecclesiam, spirituale fædus coniugij consumari. c. licet. d. tit. de tran-
sl. Episc. Et sic electus consequitur per confirmationem ius exercendi
actu iurisdictionalia, ad quæ per electionem habebat ius in habitu.
glos. 1. in c. quanto. dist. 63.

N O N autem ea, quæ sunt ordinis.

QUIA ea, quæ sunt ordinis Episcopalis, non possunt exerceri, nisi
ab habente illum ordinem. infr. c. quod sicut. §. super eo. Ideo cum
iste electus, & non confirmatus, non dum receperit in consecratione
ordinem Episcopalem, vt not. supr. in c. cum in cunctis. §. cum verò. Non
potest ea, quæ sunt ordinis exercere, vt in tex. & d. §. cum vero.

I L L A enim transferuntur per consecrationem .

QUIA per consecrationem dicitur consumari spirituale coni-
ugium, inter Episcopum, & Ecclesiam. vt in c. licet, de transl. Episc.
Et quoniam in consecratione recipit Episcopus ordinem Episcopalem.
d. c. licet. Ideo postquam est consecratus potest exercere ea, quæ ad ip-
sum ordinem pertinent, quæ non poterat antea. vt in d. c. quod sicut. &
c. cum in cunctis. Quæ autem pertineant ad iurisdictionem, & quæ ad
ordinem episcopalem, plura not. hic per glos. fin. & habentur. in cap. no-
sti. supra eod.

Cap. 16. Cum inter .

*Q V I electioni de se factæ renuntiat, appellare nequit ad impedi-
dam electionem alterius .*

P

Quia

QU^{IA} non valet appellatio illius, qui non habet ius, & interesse in causa. vt in tex.& l. i. ff. de appell. recipien. Et quoniam ille, qui pure renunciauit electioni de se factæ, non habet amplius ius, & regressum ad ius antiquum in illa causa. glos. hic. ver. ex consensu. Ideo per eius appellationem, non est impedienda electio alterius. vt in tex. & c. in præsentia. de renunt.

*E*lectio, quæ est à suspensis celebrata, non tenet.

QU^{IA} cum per suspensionem sit interdictum officij exercitium. glos. in c. ad reprimendam. de offi. ordin. & glos. in c. cum dilectus. de consuet. Debet intelligi interdicta etiam electio, quæ est species exercitij iurisdictionis, & officij. Abb. hic nu. 6. Nam vbi aliquid alicui generaliter prohibetur, species, quæ expresse non conceditur, intelligitur denegata. Clem. exiui. §. nam vbi. de verb. sign. Ideo cum tales suspensi non possent eligere, eorum electio est inualida. glos. penult. hic. Nam pro non dato habetur, quod datur ab eo, qui non habet illud dandi facultatem. c. 2. & c. pastoralis. de donat. De multiplici autem, pœna suspensionum, vide glos. infr. in c. nihil. & glos. in Clem. cupientes. de pœnis, quæ enumerat vigintiquinque species suspensionum.

Cap. 17. Qualiter.

*S*i electus non habet sufficientem scientiam, eius electio non tenet.

QU^{IA} sufficiens scientia est de necessario requisitis in eo, qui venit eligendus. infr. c. cum nobis. & supr. c. cum in cunctis. Et quoniam vbi deficit aliquid de necessario requisitis ad validitatem actus, deficit ipse actus. c. fin. de condit. apposit. & not. Abb. in c. illud. nu. 6. de præscript. Ideo si aliquis eligatur, qui non habeat scientiam sufficientem ad munus, ad quod eligitur, talis electio est nulla ipso facto. d. c. cum in cunctis. §. fin. & Abb. hic nu. 4.

*S*IMILITER si ante confirmationem administrat, eius electio cassari debet.

QU^{IA} electus non habet ante confirmationem ius administrandi in actu, licet illud habeat in habitu. vt not. supr. in c. nostri. Ideo si electus non confirmatus administrat actu. usurpat sibi illud ius, quod non habet, & ingerit se illi dignitati, à qua adhuc potest per superiorem, qui eum non approbavit, repelli. vt not. in cap. inter. de transl. episc. Et facit contra dictum Apostoli, quod: Nemo debet sibi honorem assunere, sed qui vocatur à Deo, tanquam Aaron. vt in tex. Ideo incidit in pœnam ob hanc culpam, impositam, vt eius electio debeat irritari. vt in tex. Sed, licet per hunc tex. talis electio esset per sententiam irritanda. Hodie tamen per c. auaritiæ. cod. in 6. est irrita ipso facto;

cto ; & eo ipso , quod talis electus ante confirmationem administrat , priuatus est iure , quod sibi per illam electionem competeat . vt in d. cap. auaritz .

Cap. 18. Cum inter .

SI vocantur ad electionem non vocandi , valet electio facta , eis non expectatis .

QUIA talis electio non est facta contra aliquam constitutionem , cum nullibi præcipiatur , in electione esse expectandos aliquos , qui non sint de iure , vel consuetudine vocandi . Butr. hic nu. 19. Et quoniam non debent necessario expectari propter vocationem factam ab eligentibus ; cum mora longior in electionibus sic valde suspecta , immo sæpe damnosa . vt in tex. Et eligentes non possunt in detrimentum ecclesiæ , electionem ultra debitum protrahere . infr. c. ne pro defectu . Ideo si fiat electio ab ordinarijs electoribus , valet , istis extraordinarijs non expectatis . vt in tex. Si tamen isti vocati , & non expectati fecerunt ratione huius vocationis expensas , sunt eis per eligentes , qui eos vocauerunt , reficiendæ . Butr. d. nu. 19.

Cap. 19. Cum nobis

NON debet inspicere , an post appellationem , sed an contra , fuerit electio celebrata .

QUIA appellatio extraiudicialis non debet suspendere potestatem competentem parti , sed satis est , quod defendat appellante , ne opprimatur circa id , super quo appellatur . Butr. hic nu. 27. Et quoniam si aliquid attentatur post appellationem extraiudicalem ; sed non contra , propter id pars appellans non opprimitur iure suo ; sed pars appellata opprimeretur , si in ijs , quæ contra appellationem non sunt , ipsa iure suo vti non posset . Abb. hic num. 7. Ideo cum appellatio , quæ fit à quibusdam coram cæteris , quibus de iure competit electio , sit extraiudicialis . Abb. hic nu. 8. debet solum impedire ea , quæ sunt contra appellationem , non autem ea , quæ solum sunt postea . Butr. d. nu. 27. Secus est in appellatione iudiciali legitimè interposita , quia cum illa suspendat iurisdictionem iudicis quo ad totam causam , si fuerit interposita , super vno articulo causæ , extenditur etiam ad alios articulos eiusdem causæ ; & sic sufficit ad irritanda omnia gesta per iudicem , quod sint facta post appellationem , licet de directo non sint contra appellationem . Abb. d. nu. 7. & Innocent. infr. in c. quia propter . nu. 13. Quare autem diuersæ constituatur in vna appellatione , quam in alia ; ratio est , quia qui fuit in appellatione iudiciali grauatus à iudice super vno articulo , posset ab eo grauari super alio articulo eiusdem causæ ; maxime , quia appellatio propter hoc fuit interposita , vt causa illa deuoluatur ad supe-

riorem propter iniquitatem primi iudicis ; sed in appellatione extrajudiciali ista non contingunt ; quia si appello in vno articulo, non habeo necesse litigare coram aduersario super alio articulo eiusdem causæ . Nec possum prætere de grauiorem in futurum respectu alterius articuli, si pars vult illum expedire vtens iure suo. Abb. d. nu. 7.

E T penes vacantes, quibus competit vocandi potestas, remanet ius eligendi, si vocati venire contemnunt.

Q V I A isti vocati nolendo venire, faciunt se alienos quo ad illam causam. vt in tex. Ideo non sunt computandi in numero absentium de capitulo, seu in numero eorum, qui sunt de capitulo ; sed quo ad actum tunc explanandum habentur, ac si non essent de capitulo . Abb. hic nu. 3. Vnde ex quo illi tunc non censentur de capitulo, potestas remanet libere apud alios eiusdem capituli. vt in tex. & Innoc. infr. in c. ecclesia il 2.

E T ad officium confirmatoris spectat examinare electum, etiam nemine opponente.

Q V I A est verbum Apostoli dicentis : Nemini cito manum imponas. vt in tex. Et quoniam tunc dicitur cito manus imponi, quando sine examine conferuntur honores viris non probatis . c. quid est. dist. 78. Ideo ne confirmator faciat contra verbum Apostoli, cui contrarietatis peccaret, & veniret puniendus ; etiam si aliquis non opponat, ipse ex suo officio, & pro iure suo, debet electum examinare . gloss. hic. ver. ex officio . Præterea, in confirmando electo versatur publica utilitas. infr. c. nihil. Et quoniam in ijs, quæ publicè intersunt, iudex tenetur ex officio supplere, etiam nemine instant. Butr. hic nu. 9. & num. 37. Ideo etiam ratione publicæ utilitatis debet iudex, siue superior confirmans ex officio examinare electum . Innoc. in c. 1. nu. 5. de postul. præf. Quo modo autem in tali examine, sine inquisitione sit procedendum, videas Innocent. in d. c. 1. Nam non debet nominatim de aliquo crimine contra talem inquiri, nisi ipse esset diffamatus, sed inquiritur in genere tantum, scilicet, si sit malæ vitæ. arg. l. 1. §. qui. ff. de quaest. De ætate tamen, scientia, & irregularitate personæ, etiam sine infamiae nota præcedente, specialiter inquireret, vt per hunc tex. & per c. qui episcopus. dist. 23. Idem est in accusationibus clericorum. c. si qui. & sequen. 2. q. 7. Sed in his, si contraria fama non laboret, vel contradictorem non habeant, sufficit habere litteras bonas testimoniales. c. criminationes. 2. q. 7. & c. qualiter. 7. q. 2. Nec sunt querendi testes in huiusmodi inquisitionibus, quæ fiunt contra non diffamatum. Innoc. in d. c. 1.

E T nisi electus doceatur legitime ætatis, & litteraturæ, habetur pro non legitime electo.

Quia

QU^{IA} legitima aetas, & conueniens litteratura sunt de necessario requisitis in electo. supra c. cum in cunctis. §. inferiora. Et quoniam sunt qualitates extrinsecæ, quæ nõ præsumuntur adesse, nisi probentur. Abb. hic nu. 4. Ideo, qui se fundat in illis, & dicit eas adesse, debet illas probare. c. vnic. vt eccl. benef. sine dim. conf. Vnde si non probentur adesse, electio deficit ex eo, quod deficiunt aliqua de necessario requisitis ad eius confectionem. c. fin. de condit. apposit. & Abb. in c. i. lud. nu. 6. de præscript.

Cap. 20. Innotuit.

ILLEGITIMVS potest postulari.

QU^{IA} postulatio fit de eo, qui propter aliquem defectum non potest eligi; qui tamen defectus non est talis, vt reddat postulatum omnino inhabilem ad præsidendum ecclesiæ. vt not. supra in c. 2. de postul. prælat. Et quoniam huiusmodi defectus est illegitimitas, quia de iure communi impedit illegitimum eligendum. supr. c. cum in cunctis. Sed non impedit, quin possit cum eo dispensari; cum illegitimus sit prohibitus eligi solum de iure positivo, introducto per d. c. cum in cunctis. vt in tex. Et cum vnus Pontifex non possit generare præiudiciũ suis successoribus, quin possint dispensare; nam par in parem non habet imperium. vt in tex. Ideo si adsint merita personæ circa alia requisita, quo ad illegitimitatem poterit obtineri dispensatio. vt in tex.

NON autem eligi.

QU^{IA} electio innitur iuri, non autem gratiæ sicut postulatio. vt vt not. in d. c. 2. de postul. prælat. Et quoniam illegitimus prohibetur à iure communi eligi. d. c. cum in cunctis. Ideo non posset dici vocatio canonicè facta, & sic talis electio non teneret. vt in tex.

ET electores, nisi probauerint illum ignoranter elegisse, incidunt in pœnas Lateranensis Concilij.

QU^{IA} electores tenentur ex officio indagare, an ille, qui proponitur eligendus, sit idoneus, sub pœnis per dictum Concilium ipso iure incurrendis. d. c. cum in cunctis: Et quoniam ubi aliquis tenetur ex officio aliquid indagare, in eo præsumitur de hoc fuisse scientiam, etiam quod sit in facto alieno. c. quamuis. de reg. iur. quam præsumptionem si ipse velit remouere, debet ignorantiam probare. Abb. hic nu. 9. & 21. Quæ ignorantia probatur, faciendo constare de diligentia adhibita in inquirendò. glōs. hic. ver. ignorantiam. Et dicitur constare in hoc casu, etiam per proprium iuramentum. Abb. hic nu. 22. Ideo electores ad remouendam huiusmodi præsumptionem, quæ est contra eos, debent probare, se illum ignoranter elegisse. vt in tex.

Cap.

Cap. 21. Cum inter .

NON possunt electores in praiudicium electi compromittere .

QU^{VIA} sicut electores non possunt directe ab electione recedere . infr.c. publicato. ita nec etiam indirecte . arg.c. cum quid. de reg. iur. in 6. Et quoniam si possent in praiudicium electi compromittere, indirecte recederent ab electione facta. Abb. hic num. 11. Ideo ex quo eligendo functi sunt officio suo, amplius directe, vel indirecte à tali electione recedere per compromissum, vel alio modo non possunt . vt in tex. & arg.c. in litteris. de offic. deleg.

S E D si consenserit electioni suæ, vel consentire velit, non obstante laudo in contrarium lato, est confirmandus, si aliud canonicum sibi non obstat .

QU^{VIA} per mutuum consensum eligentium, & electi, quasi coniugale vinculum spiritualiter est contractum. vt in tex. Quod vinculum per confirmationem efficitur ratum, ita vt electus non possit postea sine superioris auctoritate electioni renunciare . c. 2. de transl. episc. per consecrationem verò dicitur postea tale coniugium consumari. c. fin. d. tit. Ideo quemadmodum inter virum, & uxorem ex solo consensu contrahitur matrimonium carnale. c. sufficiat. 27. q. 2. & c. 1. de sponsal. ita dicendum in isto coniugio spirituali, in quo electores representant ecclesiam sponsam, cui electus est sponsus. c. requisisti. de testam. & Abb. hic nu. 4.

L I C E T non sit de gremio illius Ecclesie .

QU^{VIA} electio est libera in eligentibus, vt possit de proprio, aut de alieno gremio fieri, dummodo fiat de idoneo. c. cum dilectus. de consuet. & infr. c. quia propter. licet secundum quandam æquitatem, & ex honestate, magis debeat fieri ex proprio gremio, quam ex alieno, si ibi reperitur idoneus. gloss. hic. ver. aliam. sicut honestum est, quod electio fiat de meliori, qui possit haberi; & tamen salua conscientia, & etiam saluo iure, rectè sit electio de bono, licet in ecclesia sit optimus; nam sufficit, quod non sit malus. cap. monasterium. 16. quæst. 7. & Butr. hic num. 25.

Q U A N T V M C V M Q V E ob hanc causam à minori parte fueris appellatum .

QU^{VIA} talis causa est friuola ad appellandum . vt in tex. Ideo de iure non est ob eam appellatio admittenda. c. vt debitus. de appel. & Bald. hic num. 2.

Cap.

Cap. 22. Dudum il 1.

ELECTVS à maiori, & saniori parte capituli, si est, & erat idoneus tempore electionis, confirmatur.

QU^{IA} in actibus vniuersitatum regulariter præualet, quod sit à maiori parte, quæ censetur sanior, nisi minor pars rationabiliter contradicat. c. 1. de his, quæ fiunt à mai. par. cap. Ideo si electus erat idoneus tempore electionis, cum sit electus à maiori parte, quæ nō præsumitur errasse, censetur electus à toto capitulo. vt in tex. & d. c. 1. Debet autem electus esse idoneus tempore electionis; aliàs electio est nulla, nec sufficit, quod superueniat idoneitas post electionem. Abb. hic nu. 8. quia quod à principio est nullum, tractu temporis non conualefcit. c. non firmatur. de reg. iur. in 6.

SI autem erat indignus in ordinibus, scientia, vel ætate, & fuit scienter electus; electus à minori parte, si est dignus, confirmabitur.

QU^{IA} eligentes scienter indignum, sunt pro illa vice priuati, ipso iure, potestate eligendi. supra c. cum in cunctis. §. fin. & c. innotuit. Et quoniam quando vna pars canonicorum priuatur potestate eligendi, tota potestas capituli tunc deuoluitur ad aliam partem, licet sit numero minor, quæ cum in illo casu sit sanior, representat totum capitulum. infr. c. prox. & de postul. præl. c. gratum. Ideo in tali casu præualet electus à minori parte saniori, non autem electus à maiori parte irrationabiliter agente. vt in tex. & not. in d. c. 1. de his, quæ fi.

Cap. 23. Bonæ.

RECIPIENTES postulatam ad ecclesiam, tanquam institutam, vel administratorem, ante admissionem postulationis à superiore factam, priuati sunt potestate eligendi.

QU^{IA} per postulationem nullum ius est acquisitum postulato. c. postulationem. supra tit. prox. nam postulationis admissio tota, dependet à gratia superioris. vt not. in c. gratum. d. tit. prox. Vnde qui recipit postulatam in administratione ecclesiæ, antequam fuerit per superiorem admissus, tribuit illi ius, quod non habet, & sibi usurpât auctoritatem superioris, ad quem pertinet admittere postulatam. vt in d. c. gratum. Et quoniam frustra legis auxilium inuocat, qui committit in legem. vt in tex. præsertim in legem animatam, qualis est princeps. vt not. in c. 1. de constitut. in 6. Ideo taliter admittentes postulatam, ad quos aliàs de iure pertinebat postulatio, vel electio, reddiderunt se indignos, vt ea vice nec eligere, nec postulare possint. vt in tex. & Abb. nu. 1.

ET

ET ad alios, licet pauciores, deuoluitur potestas eligendi.

QUANDO una pars canonicorum in electione delinquit, & ius eligendi, quod sibi competeat, pro illa vice amittit, reliqua pars, quæ non delinquit, totum capitulum in illo casu repræsentat. ut not. supra in c. prox. & glos. hic. ver. causis. Nam quemadmodum in casu mortis naturalis illorum de vniuersitate, aliquo tamen de illis superstite remanente, potestas dicitur residere penes superstites, etiam si sit vnus duntaxat. l. sicut. ff. quod cuiusque vniu. nom. & not. in d. c. gra. sum. ita est dicendum in casu priuationis propter delictum; nam tunc illi priuari habentur pro mortuis. arg. c. in canonibus. §. generaliter. 16. q. 1. & not. Abb. infr. in c. cum Vintonensis. qu. 2.

ET si omnes priuari sunt, deuoluitur ad Papam in Ecclesijs cathedralibus.

QUANDO in Ecclesijs cathedralibus fit deuolutio ratione delicti, semper fit ad Papam; quando verò fit ratione negligentiz, fit deuolutio ad proximum superiorem. infr. c. quanquam. in. 6. Voluit enim Papa sibi reseruare tales deuolutiones ratione delicti; quia si electio tunc deuolueretur ad proximum superiorem, prompti essent Metropolitani ad fingenda delicta pro casanda electionibus, vt prouisionem potestas deuolueretur ad eos. glos. in d. c. quanquam. ver. deuolueretur. & Cōpostell. infr. in c. ne pro defectu. In ecclesijs verò inferioribus, in quibus non vertitur tantum periculum, Papa non reseruauit sibi immediate deuolutionem electionum, sed voluit, vt regulariter proximus superior succederet inferiori, & aliquando capitulum Episcopo. ut in c. cum in cunctis. §. fin. supr. eod. & infra de concess. præb. c. 2. Ideo si omnes eligunt scienſer indignum, vel admittunt postulatam ad administrandum ex eorum auctoritate ante admissionem factam a superiore, si hæc committunt quo ad ecclesias cathedrales, potestas provideendi deuoluitur ad Papam. ut in tex. & glos. ver. ad nos.

Cap. 24. Querelam.

SUFFICIET electio, ad obtinendum, docere eligentem fuisse in quasi possessione tempore electionis.

QUANDO electio, præsentatio, & collatio sunt quasi fructus iuris eligendi, præsentandi, & conferendi. ut not. in c. consultationibus. de iure patr. & c. 2. de in integr. restitut. Ideo quemadmodum fructus rei temporalis pertinent ad possessorem bonæ fidei, & non ad dominum rei, l. bonæ fidei. ff. de acquir. rer. dom. & not. in c. grauis. de restitut. spo. liat. ita electio, & alij isti quasi fructus debent pertinere ad eos, qui sunt in quasi possessione eorum. ut in tex. & Abb. nu. 5.

LICET non probet, quod proprietas iuris eligendi ad illum pertinere.

QU^{IA} proprietas nihil habet commune cum possessione. l. natura. l. iter. ff. de acquir. poss. Et quoniam electionis manutentio non spectat ad proprietatem, sed ad quasi possessionem, ut dictum est superius. Ideo sufficit electo ad obtinendum, probare quasi possessionem eligentium; licet non probet proprietatem eorum, ut in tex. & glos. ver. super iure.

Cap. 25. Cum Vintonensis.

ELIGENTES scienter indignum, priuati sunt potestate eligendi in electione, qua primo occurrit facienda.

QU^{IA} ut tales eligentes puniantur in eo, in quo peccarunt, & ut per timorem huiusmodi pœnæ priuationis, ipsi, & alij à malis electionibus coerceantur, fuit contra eos per Concilium Lateranense, imposita hæc pœna priuationis, ipso iure incurrenda. ut supr. in c. cum in cunctis. §. clerici. Satis autem fuit illos priuare potestate eligendi in prima electione, & non extendere pœnam ulterius ad alias electiones; nam ex quo in electione semel peccarunt, purgatum videtur eorum vitium; si semel ab electione excludantur. Abb. hic nu. 6. & 13. Et si solum vna pars eligentium in hoc deliquit, ipsa sola priuatur; quæ priuatio, cum cedat in fauorem non delinquentium, penes quos tunc remanet potestas eligendi, potest ab eis remitti; & sic pars eligentium, quæ non deliquit, potest etiam in prima electione sibi incorporare partem, quæ deliquit: unde tales eligentes, qui puniuntur, non prorsus inhabilitantur per huiusmodi pœnam, sed solum priuantur; nam si essent inhabilitati, seu ab officio suspensi, non possent per aliam partem habilitari. ut in c. cum dilectus. de consuet. & Abb. hic nu. 3.

Cap. 26. Per inquisitionem.

ELIGENS scienter indignum in Episcopum, est ob hoc suspensus à beneficijs ecclesia per triennium.

QU^{IA} dignum est, ut quos Dei timor à malo non reuocat, ecclesiasticæ saltem coerceat seueritas disciplinæ. supr. c. cum in cunctis. §. fin. Ideo per Concilium Lateranense fuit imposita pœna, contra eligentes scienter indignum, ut prima vice sint priuati potestate eligendi; quæ pœna extenditur ad omnes electiones quorumcunque beneficiorum; & ut per triennium sint ab ecclesiasticis beneficijs suspensi. d. c. & §. fin. sed hæc pœna suspensionis à beneficijs, non habet locum, nisi in electionibus Episcoporum, & Superiorum, in quibus propter maius pe-

Q

ricu-

riculum,cautius est agendum. Abb. hic nu. 8. Et tunc non extenditur, nisi ad illa beneficia; quæ isti eligentes indignum, habent in ea ecclesia, ad quam fuit facta electio, non autem extenditur ad beneficia aliarum ecclesiarum; vt sic solum puniantur in beneficijs habitis in illa ecclesia, contra quam deliquerunt, vt est tex. in c. si compromissarius. cod. in 6.

N E C potest interim ad dignitatem illius eligi, vel assumi.

Q V I A . per huiusmodi delictum talis eligens ecclesiasticis beneficijs se reddidit indignum. vt in tex. præsertim illorum, quæ sunt in ecclesia offensa. glos. hic. *ver. & indignum.* Ideo, durante suspensione, ad illam ecclesiam, quæ est indignus, non debet assumi. vt in tex. & glos. in Clem. cupientes. de pœn.

Cap. 27. Cum causam.

S I non professus eligatur ad regimen ecclesie regularis, cassatur electio.

Q V I A . secundum legem diuinam, non est in boue arandū, & asinos; nec quisquam debet vestē induere de lana, linoque contextam. vt in tex. id est, homines diuersæ professionis in vno officio non sunt sociandi. glos. penult. hic. Ideo si ad ecclesiam regularem eligatur non professus, tanquam diuersæ professionis, talis electio venit irritada. vt in tex. Sed hodie per ius magis nouum, est ipso iure nulla. vt per c. nullus. cod. in 6. Et hodie requiritur, vt eligendus in prælatum regularem, non solum sit tacite professus, sed debet esse professus expresse. d. c. nullus. Nisi fieret electio ad ecclesiam regularem cathedralē; nam tunc potest ad illam eligi in Episcopum etiam non professus, puta nouitius, vel clericus secularis. d. c. nullus. & Clem. 1. de elect. & not. glos. in c. quod Dei. de statu regul. Et hoc contingit propter excellentiam dignitatis episcopalis; ratione cuius Episcopus potest dici religiosus. vt in c. ex multis. de voti & glos. fin. in d. c. nullus. vnde tanquam religiosus potest religiosus immediate præesse. Abb. hic nu. 6. Et etiam tunc admittitur non professus, quia cum Episcopus debeat incumbere toti diocesi, oportet eum magis scire iura communia, quàm regularia. Innoc. & Butr. infr. in c. officij. Sed licet clerici, & monachi non debeant associari, vt sint in eodem monasterio collegialiter. infr. Clem. 1. Ad alia tamen officia, in quibus non faciant vnum collegium reale, causa suggerente, bene possunt per superiorem associari; vnde in scholis religiosi, clerici, & laici possunt facere eandem vniuersitatem, ex quo omnes exercent studium eis competentens, nec est collegium reale, sed potius personale. Abb. hic in fin. & Bart. in l. fin. C. de colleg. illicit, & facit tex. in proœmij Sexti, & Clementinarum.

CONSVETVDINE in contrarium non obstante.

Q VIA non debemus attendere solummodo quid factum sit, sed potius quid sit faciendum. vt in tex. & l. 2. C. quæ sit long. cons. Et quoniam talis consuetudo est irrationalis. vt in tex. Ideo est radicalitus extirpanda. c. fin. de consuet. & c. consuetudo. dist. 8.

Cap. 28. Quod sicut.

NOMINATIO, vel appellatio eius, cuius non interest, electionem non impedit.

Q VIA nemo sine actione experitur. l. 2. & ibi not. ff. de except. Et quoniam illi, qui non habent interesse in electione, nullam habent actionem in ea. c. ex ore, de his, quæ fiunt à mai. part. cap. Ideo eorum nominatio, vel appellatio non habet electionem impedire. vt in tex. Immo tales sunt in culpa, se immiscendo rei ad eos non spectanti. l. culpa est. ff. de reg. iur.

S E D si vocandus contemnitur, eo prosequente contemptum, cassatur electio.

Q VIA licet talis electio non sit ipso iure nulla, ex quo est facta præsentibus duabus partibus collegij, & à maiori parte illorum præsentium. gloss. hic. ver. consentire. quia tamen in actibus collegij plus nocet contemptus vnius, quam contradictio multorum. vt not. supra in c. bonæ. Ideo iura concesserunt, vt ille, qui contemnitur, si velit, possit facere retractare electionem. Butr. hic nu. 23. & Abb. nu. 9.

ETIAM confirmata.

Q VIA confirmatio, quæ fit sine causæ cognitione, non vocatis vocandis, si electio sit per suos defectus annullanda, non tribuit illi validitatem. vt not. infr. c. fin. in 6. Ideo nisi confirmatio sit facta ex certa scientia per habentem potestatem supplendi omnem defectum electionis, electio annullanda non recipit vires per confirmationem factam in forma communi. c. examinata. de confir. vtil. vel inutil.

ET potest prosequi.

Q VIA nemo debet iure suo sine culpa priuari. c. discretionem. de eo, qui cogn. consang. Ideo cum iste, qui fuit contemptus habeat actionem contra huiusmodi electionem, non debet impediri, quin iure suo utatur. vt in tex.

NISI consenseris electioni.

Quia

QUIA fauori suo quilibet renunciare potest, c. ad apostolicam, de regular. Ideo si iste vult renunciare actioni de contemptu, quæ sibi competebar, & electioni factæ ab alijs consentire, non debet prohiberi, vt in tex. & Abb. num. 10.

Q U O D potest etiam ex post facto.

QUIA licet, quod non est meo nomine gestum, ratum habere non possim ad mei commodum, vt mihi accipio detur. vt not. glos. in c. ratum, de reg. iur. in 6. tamen quo ad incommodum meum, vt nō possim impugnare factum per alios, possum habere ratum, quod meo nomine non est gestum, & in hoc casu intelligitur iste tex. Butr. hic nu. 31. Et ex his not. quod vocatio absentium non est de forma substantiali ipsius electionis, vt dictum est superius; nam vt ex hoc tex. apparet, valet electio facta, aliquibus non vocatis, licet veniat retractanda, contemptis prosequentibus contemptum, vt notatur superius. Ideo electio facta, aliquibus de capitulo contemptis, non est indifferenter cassanda; nam possunt contempti renunciare contemptui, & consentire illi electioni, dummodo à principio tenuerit. vt in tex. & Butr. nu. 23.

J. Super eo :

EPISCOPVS, dum celebratur missa consecrationis suæ, ordines conferre non debet.

QUIA Episcopus, qui consecratur, concelebrat, id est, simul celebrat suo consecratori, qui principaliter celebrat. vt in tex. Ideo tunc non debet dimittere officium illud, quod ipse incepit cum consecratore suo, & alios ordinare; quia sic diuideretur mysteriū illius Missæ, in qua consecratur; quod fieri non debet, & toti Missæ debet interesse, vt in tex. & glos. ver. diuidatur. Solus enim Romanus Pontifex (qui ante Hymnum Angelicum consecratur; & postmodum ipse Missarum, solemnia incipit, & perficit consecratus) in die consecrationis eius valet ordines celebrare. vt in tex. Et ita videtur esse de substantia consecrationis ipsa Missa, hac ratione; quia consecrationes Episcoporum, & ecclesiarum, & consecratio chrismatis debent fieri cum Missa. c. te referente, de celebr. missar. & c. omnes basilicæ, de consecr. dist. 1. Contrarium, tamen consuevit dici, & est verum, quod missa non est de substantia consecrationis, quia diuersa sūnt consecratio, & missa. Sed propter virtutem, & reuerentiam Sacramentorum, & ordinum, statuit ecclesia, quod quando talia celebrantur, semper cum missa celebrentur. Tamen si huiusmodi solemnitates non seruentur, nihilominus valerent consecrationes, & collationes ordinum clericorum; sed qui contra facerent, punirentur ordinantes, & ordinati; quia contra ordinationem ecclesiæ, & contra illud, quod ecclesia seruat, facerent. d. glos. hic, & Butr. nu. 28.

SIMI-

SIMILITER Archiepiscopus ante receptum pallium , non debet ordines conferre .

QUIA ordinationem clericorum Archiepiscopus videtur facere , non tanquam simplex episcopus , sed tanquam Archiepiscopus . vt in tex. Et quoniam tanquam Archiepiscopus ante receptum pallii , talia facere non potest , quia in pallio plenitudo Pontificalis officij ei confertur . c. nisi . de vsu pall. Ideo Archiepiscopus , qui non dum recepit pallium , ordines conferre non debet . vt in tex. Potest tamen mandare de ordinando , alijs habentibus potestatem . supr. c. suffraganeis . quia talis demandatio non est exercere ordinem Archiepiscopalem ; sed est dissoluere vinculum , propter quod alij Episcopi non poterant ordinare subditum non suum ; quæ demandatio , & dissolutio est quid iurisdictionis non reseruatum ad Archiepiscopum post pallium . vt not. in d. c. suffraganeis . & glos. hic . ver. sine pallio .

PRÆLATVS male alienans aliquam paruum rem ecclesiæ , si postea reddat ecclesiæ indemnem , ei de suo restituendo tantumdem , potest in administratione tollerari .

QUIA licet prælatus male alienans rem ecclesiæ , sit ipso facto suspensus ab administratione spiritualium , & temporalium . cap. si quorundam . de solut. Et nisi rem restituat , sit excommunicandus . cap. si quis . de reb. eccl. non alien. Tamen propter modicitatem rei , & propter voluntariam pœnitentiam in restituendo , potest rationabiliter cum eo dispensari , vt ab administratione nō remoueat . gl. fin. hic . & Bald. n. 7 .

Cap. 29. Auditis .

ELECTIO per minorem partem capituli facta , non tenet .

QUIA potentia capitularis non consistit penes minorem partem . infr. c. quia propter . nisi maior pars esset privata , & ad minorem tota potestas deuoluta . supra c. dudum . Ideo electio facta à minori parte , regulariter nō potest dici facta à capitulo . c. 1. de his , quæ sunt à mai. par. cap. Et sic est ipso iure nulla ; tanquam non facta ab habentibus potestatem ; nam defectus potestatis impedit actus exercitij essentiam , & dat illi non subsistere , & ipso facto . Butr. hic nu. 9 . Et ex his sequitur , quod licet contemptus minoris partis reddat electionem annullandam . vt supr. in c. prox. Contemptus tamen maioris reddit nullam ; & licet electio , contemptis aliquibus , possit ratificari , non tamen contempta maiori parte . Butr. hic nu. 1 .

NEC per subsequentem consensum ratificari potest .

Quia

QUOD à principio est nullum, tractu temporis non contrahit. ut in tex. Et licet ex post facto tot ex canonicis alterius partis accedant ad istam electionem, ita quod omnes simul essent in maiori numero; tamen non potest ista electio validari: & ratio est, quia electio debet fieri in communi, & sic collegialiter, non autem singulariter; unde consensus particularis superveniens non potest validare electionem nullam. Quinimo si omnes de capitulo præsarent singulariter consensum, non per hoc resultaret communis electio. ut infr. c. in genesi, & glos. in c. 1. de reb. eccl. non alien. in 6. Secus autem, quando actus pertineret ad aliquos, ut singulares; quia tunc ex consensu supervenienti prima dispositio validatur, cum non habeant collegialiter consentire. ut est tex. in l. per fundum. ff. de servitut. prad. & Butr. hic nu. 18.

Cap. 30. In causis.

POTESTAS data compromissarijs ad eligendum prælatus, non integra, reuocari non potest.

QUOD quando res non est integra, compromissariorum interest, ne reuocetur; nam singuli sciunt, quibus ipsi fauebant, quod, re integra, nesciebant; unde, quia tunc incurrerent odium plurimorum, interest eorum, ut non reuocetur mandatum. Host. hic, & Butr. nu. 36. Et quoniam ubi agitur de interesse alicuius, non debet ei ius suum sine culpa auferri. c. discretionem. de eo, qui cogn. consang. Et in alterius detrimentum, quis non potest mutare consilium. c. mutare. de reg. iur. in 6. Ideo, quando res non est integra, non possunt compromittentes reuocare potestatem datam compromissarijs ad eligendum. ut in tex. & infr. c. cum dilectus.

ET definit res esse integra, postquam compromissarij ceperunt habere tractatum.

QUOD tractatus est actus substantialis, qui primo necessario se offert in electione. Butr. hic nu. 2. & 24. Et quoniam ubi attinguntur aliqua de substantialibus alicuius negotij, negotium illud definit esse integrum. Abb. hic nu. 7. secus, si solummodo essent facta aliqua solum pertinentia ad solemnitatem negotij; nam per illa negotium, non definiret esse integrum. Innocent. hic in fin. Ideo post tractatum, habitum per compromissarios, non potest reuocari potestas eis data ad eligendum. ut in tex.

Cap. 31. Cum ecclesia.

DE consuetudine potest canonice electio ad solum capitulum pertinere.

Quia

QU^{IA} licet, de iure communi collatio beneficiorum spectet ad Episcopum, qui conferat de consilio, seu consensu capituli. c. nouit. & c. quanto. de his, quæ fiunt à præl. sine cons. cap. & c. postulat. de concess. præb. Consuetudo tamen inducere potest, vt beneficia conferantur ab Episcopo sine consensu, vel consilio capituli; & quod aliqua conferantur, & ad ea eligatur à capitulo sine interuentu Episcopi. c. ea noscitur. de his, quæ fiunt à præl. & c. nulla. de concess. præb. Et quoniam consuetudo præcipue inducit, vt collegium quodlibet eligat in propria ecclesia; cum ei bene sint notæ necessitates illius ecclesie; cui inservit. Butr. hic nu. 21. & Abb. nu. 8. vbi latè tractant de diuersitate beneficiorum, & de diuersis modis per diuersas personas, secundum diuersa tempora illis prouidendi. Ideo per consuetudinem potest introduci, vt canonicorum electio ad solum capitulum pertineat. vt in tex. & Cōpostell. hic. cum ipsa possit dare, & tollere ius eligendi, & habilitare, vel inhabilitare ad eligendum. Butr. nn. 19. Hæc enim sunt de iure potestiuo. gloss. 2. hic. Cui consuetudo præiudicare potest. c. fin. de consuet.

Cap. 32. Cum dilectus.

COMPROMITTENTES tenentur recipere electum à *compromissarijs*.

QU^{IA} compromissarij gerunt vices compromittentium. infr. cap. quia propter. Ea quoniam subrogatum sapit naturam illius, in cuius locum subrogatur. c. ecclesia. vt lire pend. Ideo sicut compromittentes tenerentur recipere illum, quem ipsimet elegerint. d. c. quia. ita debent recipere electum à compromissarijs eis subrogatis. vt in tex. & supra. c. in causis.

SI sit dignus.

QU^{IA} tale compromissum habet intellectum iuris. Butr. hic nu. 14. Ideo talis potestas data compromissarijs ad eligendum, intelligitur data ad eligendum dignum, & idoneum iuxta iuris dispositionem. Butr. supr. in c. in causis. nu. 10. Vnde si compromissarij elegerint indignum, compromittentes eum recipere non tenentur. vt in tex. tum quia compromissarij sunt transgressi formam mandati. c. cum dilecta. de rescriptum quia talis electio est contra ins. infr. d. c. quia propter.

NISI contra formam compromissi, cum appareat electum.

QU^{IA} forma compromissi diligenter est seruanda. I. si cum dies. §. plenum. ff. de arbit. Et gestum contra eius formam, est ipso iure nullum. d. c. cum dilecta. Ideo electio facta à compromissarijs ultra terminos potestatis, & contra formam mandati, non valet; & compromittentes taliter electum recipere non tenentur. vt in tex. & not. supra in c. causam.

Cap.

Cap. 33. Cum in iure.

SI ex septem compromissarijs tres eligunt quartum, & ille consentit, & est idoneus, confirmabitur electio.

QU^{IA} compromissarij possunt, & solent eligere palam, vt vnusquisque audiat vota aliorum; vnde cum quis non possit eligere, quin sciat se ab alijs electum, consentiendo electioni de se factæ à parte æquali, non videtur ambitiosus, nec otiri à se, cum sit prius vocatus à Deo, & à socijs. Ideo merito consentiendo auget numerum, cum sit vnus de habentibus potestatem, nec disposuit principaliter in seipsum; sed potius dispositioni ab alijs de se factæ consentit; nec est hoc ambitiosum, sed meritorium, & officium charitatis, si bono corde fiat. arg. c. qui episcopatum. 8. q. 1. Sed quando proceditur in forma scrutinijs, cum in secreto quisque consentiat, & sic ignoret, an fuerit ab alijs electus, non potest consentire in se ipsum, quia sic videretur ambitiosus, & à seipso oriri. vt not. supr. in c. licet. & Butr. hic nu. 35. Qualiter autem debeat isse electus consentire electioni suæ. Dic, quod non debet dicere: Eligo, vel coeligo meipsum, ne principaliter disponeret in seipsum, contra c. fin. de institut. sed debet dicere: Consentio electioni de me factæ. Et si diceretur, quomodo consentit electioni, ex quo adhuc non est perfecta, cum nō dum sit facta à maiori parte, sed ab æquali. Dic, quod licet non dum sit facta à maiori parte, est tamen in fieri. Non est enim omnino fienda, sed consentiendo, illico augetur numerus; sicut in simili not. per Innoc. in cap. præterea. de appell. An autem iste electus possit semper consentire electioni de se factæ? Dic, quod non. Nam debet consentire intra tempus à iure statutum ad electionē fiendam, vel in compromisso appositum; quia cum electio perficiatur, suo consensu demum intercedente, oportet, quod consensus suus intercedat intra tempus electioni fiendæ præfixum. arg. l. bonorum. ff. rem rat. hab. & not. glos. in c. quam sit. de elect. in 6. Et ex prædictis inferitur, quod si compromissarij procedant secreto per scrutinium priuatum, tunc nō potest electus consentire in seipsum, quia oriretur à se, nisi ex post facto post publicationem velit recedere à consensu alij præstito, & consentire electioni de se factæ. glos. fin. hic. & Abb. nu. 5.

Cap. 34. Venerabilem.

ELECTIO Imperatoris spectat ad Principes Germanos, tres prælatos, & quatuor laicos.

QU^{IA} talis auctoritas fuit eis concessa à Papa. vt in tex. qui potestatem habet transferendi regna ob religionis vtilitatem. cap. alius. 15. q. 6. & c. duo sunt. dist. 96. & c. ad Apostolicæ. de re iudic. in 6.

Cum

Cum enim Ecclesia Romana opprimeretur ab Astulpho Rege Longobardorum, petijt auxilium à Constantino, & à Leone eius filio Imperatoribus Constantinopolitanis; & cum nollent patrocinari Ecclesiæ Romanæ, Stephanus Papa I I. natione Romanus transtulit Imperium ad Carolum Magnam, qui fuit Pipini filius, quem Zacharias prædecessor eius substituerat Ludouico Regi Francorum; quem deposuerat, de quo habetur in d. cap. alius. Et translatio illa facta est anno Domini 776. qui Carolus coronatus est à Leone Papa I I. elapsis post hoc quindecim annis. gloss. hic ver. transtulit. Isti autem electores sunt, Archiepiscopi Maguntinus, Colonienfis, & Treuerentis, prælati; Palatinus comes Rheni, Dux Saxonie, Marchio Brandeburgensis, & Rex Boemie, olim Dux, laici; & dicunt quidam, quod Rex Boemie non est de necessitate vocandus, nisi cum alij discordant; nec istud ius habuit ab antiquo; sed hodie de facto tenet. gloss. in d. cap. ad Apostolicæ. ver. illi. de re iud. in 6.

ET electio facta per eorum maiorem partem, ceteris non contemptis, tenet.

QUIA cum isti electores fuerint à Papa deputati in locum populi Romani, qui vt vniuersitas eligebat sibi Imperatorem, debent censei eodem iure cum illo, vt subrogatum sapiat naturam eius, in cuius locum subrogatur. vt in cap. Ecclesia. vt lite pend. Abb. hic nu. 8. Ideo cum isti electores non exercent hanc potestatem, vt singuli, sed vt collegium, electio facta ab eorum maiori parte, debet censei facta à toto collegio. cap. i. de his, quæ fi. à ma. par. cap. & l. quod maior. ff. ad municip. Si autem aliquis de dictis electoribus fuerit contemptus, & non vocatus, electio non tenet, licet sit facta à reliquis omnibus, quia electioni plus contemptus vnius, quam contradictio multorum obsistit. vt in tex. & infra cap. bonæ.

ET ad Papam pertinet, electum examinare, approbare, & inungere, consecrare, & coronare, si est dignus.

QUIA regulariter, & generaliter est obseruatum, vt ad eum examinatio personæ pertineat, ad quem impositio manus spectat, ne fortasse manus imponeretur indigno. vt in tex. Et quoniam ad Papam spectat, manus imponere Imperatori. vt in tex. Ideo ad eum debet pertinere, etiam eius personæ examinatio. vt in tex. & arg. cap. translat. de constitut. Sed ex antiqua consuetudine, Cardinalis Imperatorem inungit de mandato Papæ; & Papa suis manibus eum corona aurea coronat. Host. hic.

VEL reijcere, si est indignus; vt quia sacrilegus, excommunicatus, tyrannus, fatuus, hæreticus, paganus, periurus, vel Ecclesiæ persecutor.

R

QVI A

Q V I A sicut ex superuenienti causa, ob religionis utilitatem, & ob maximas causas, Papa potest Imperatorem iam coronatum, deponere, ut dictum est superius, & habetur in d. cap. ad Apostolicam; multo magis potest reijcere illum electum, non adhuc per ipsum approbatum, neque inunctum, & coronatum; Cum per solam electionem non acquiratur ius actus, sed tantum habitus. gloss. in cap. quanto. dist. 63. Quod ius non est ita firmum, sicut est, quando habetur actus, ut not. sup. in cap. qualiter. & c. cum nobis. Et cum turpius eiiciatur, quam non admittatur hospes. cap. quemadmodum. de iureiur. Et cum indigni quantumcunque electi non sint ad dignitates admittendi. cap. cum in cunctis. sup. cod. Ideo ex supradictis maximis causis potest Papa reijcere electum Imperatorem indignum, ut in tex.

Et electoribus nolentibus eligere, Papa supplet.

Q V I A sedes Apostolica non debet propter istorum eligentium culpam, Imperatore eius aduocato, & defensore carere, ut in tex. Ideo ex quo isti electores habuerint hanc potestatem a Papa, si illa abutuntur, debet ad ipsum Papam superiorem, & auctorem huius auctoritatis, talis potestas redire. arg. cap. gratum. de postul. prael. & Abb. hic nu. 20.

Et data paritate vocum eligentium, nec accedente maiori concordia, Papa potest gratificari, cui vult.

Q V I A ubi partes non conueniunt, in dubio est superioris arbitrio totum negotium relinquendum. gloss. hic. ver. fauore. & not. in cap. quoniam. de iurepatr. Et Papa est superior istorum eligentium, ut dictum est superius. & habetur in cap. ad Apostolicam. de re iud. in 6.

Cap. 35. coram.

ABSENTES ad electionem de prouincia sunt vocandi.

Q V I A omnes illi electores sunt vocandi ad electionem, qui commode vocari possunt. infra cap. quia propter. Et quoniam regulariter illi dicuntur posse commode vocari, qui degunt in eadem prouincia. gloss. hic. Ideo omnes tales sunt vocandi. ut in tex. Si tamen prouincia esset ita lata, ut non posset quis commode vocari, tunc non esset vocandus, licet degat in prouincia. d. gloss. hic, quia talis non posset venire sine multa mora; & in electionibus mora longior est valde suspecta, immo saepe damnosa. sup. c. cum inter. Et è conuerso, si esset extra prouinciam, & propinquus, tunc esset vocandus. gloss. hic; quia potius debet attendi mens legis, quam eius verba. cap. intelligentia. & cap. prout ea. de verb. signif. Et cum mens legis sit, ut omnes illi vocentur,

tur, qui commode vocari possunt. d. cap. quia propter. Ideo qui possunt commode vocari, sunt vocandi, etiam si sint extra prouinciam. d. gloss. hic. Quando autem dicantur commode posse vocari, non potest dari certa regula, sed bonus iudex arbitrabitur secundum pericula imminuentia, & discrimina viarum. Et is, ad quem spectat confirmatio electionis, erit idoneus iudex super hoc dubio. arg. c. fin. eod. in 6. Sed si esset consuetudo in loco solita declarare, qui absentes sint vocandi, tunc illi consuetudini esset standum. gloss. hic in fin.

ET confirmatur electio maioris, & sanioris partis.

QUIA quod fit à maiori, & saniori parte capitali, censetur factum à toto capitulo. c. 1. de his, quæ fiunt à mai. par. cap. & not. supra in c. prox.

Cap. 36. Bonæ. il 2.

CASSATVR electio partis maioris facta, contempta minori parte, etiam si sit unus solus.

QUIA in electionibus plus obest contemptus vnius, quam multorum contradictio in presenti. vt in tex. Contemptus enim ille est contra iusticiam, cum sine causa auferat ius contempti, qui si fuisset præsens, forsitan traxisset alios inquam sententiam. vt not. in c. 1. de his, quæ fiunt à mai. par. cap. Ideo contemptus vnius duntaxat præbet facultatem retractandi electionem, quam non præbet contradictio aliorum præsentium; cum eorum contradictio non obstat contra electionem maioris, & sanioris partis. infr. c. quia propter.

NON tamen ius eligendi deuoluitur ad minorem.

QUIA ratione contemptus, solum debet in pœnam retractari ipsa electio; non autem debent electores priuari potestate eligendi; quia cum ista pœna priuationis non sit hoc casu in iure statuta, non est imponenda per alium, quàm per eum, qui habet plenitudinem potestatis, scilicet per Principem. gloss. 1. hic in fin. Nec obstat, si dicatur, quod si eligentes contra formam debent priuari potestate eligendi. vt in d. c. quia propter. ergo videatur, quod fortius eligentes, aliquo contempto, cum tunc delinquant contra proximum. Nec si dicatur, quod d. c. quia propter, dans formam electionis, disponit, vt absentes vocentur; ergo videatur, quod electio facta, absentibus non vocatis, sit attentata contra formam; & per consequens, quod debeant electores priuari pro prima vice potestate eligendi. vt in d. c. quia propter. Nam responderetur, quod licet eligentes contra formam, sint priuandi; non, per hoc sequitur, quod etiam eligentes, aliquo contempto, sint priuandi, quia cum illa pœna priuationis non sit statuta in isto casu, non debet ad

R 2 cum

eum extendi c.pœnz.de pœnit.dist.1. Vnde satis est, quod ratione contemptus, in pœnam retractetur electio; cum ista pœna, & non alia sit in tali casu in iure statuta. Ad secundum contrariū respondetur, quod vocatio absentium non est de forma substantiali, sed est de iustitia; nam esset de forma substantiali, si electio facta, aliquo contempto, esset nulla. vt in d.c. quia propter. sed in casu nostro non est nulla, licet possit annullari. vt in tex. & supr. c. quod sicut. Conclude ergo, vt habeas hanc materiam distinctam, quod, electio quandoque fit per maiorem partem de indigno scienter; & tunc electio est nulla, & potestas eligendi, ipso facto, deuoluitur ad minorem partem, quæ non deliquit. supr. c. bonz. & infr. c. congregato. Quandoque secundo electio facta per capitulum, est contra formam substantialem, de qua in d.c. quia. & tunc electio est ipso iure nulla; verum electores non sunt priuati potestate eligendi, sed debent per sententiam priuari; & potestas applicatur alijs, qui non deliquerunt contra formam; debet tamen expectari sententia priuationis, de quo vide quod not. Innocent. in d.c. quia. Tertius casus est, quando electio fit per capitulum de idoneo, & secundum formam, sed aliquis de capitulo fuit contemptus, seu non legitime vocatus; & hoc casu electio tenet; vnde potest ratificari per contemptum; nam potest renuntiare facultati prosequendi iniuriam sibi illatam. vt supr. in d.c. quod sicut. Sed si vult prosequi contemptum, retractabitur electio per sententiam. vt in tex. & infr. c. ecclesia. il. 2. Qua cassata; debent omnes simul conuenire ad electionem nouiter fiendam; quia in hoc casu non habet locum pœna, priuationis; nisi Papa ex plenitudine potestatis veller eam infligere. vt dictum est superius. & Butr. hic nu. 13.

Cap. 37. Cum ad nostram.

NON monachus in prelaturum regularem eligi non potest.

QUIA in magistrum assumi non debet, qui formam discipuli non assumpsit; nec est præficiendus alijs, qui alteri subesse non nouit. c. cum in magistrum. infr. eod. Et homines diuersæ professionis simul iniungi non debent. vt not. supr. in c. cum causam. Ideo turpe esset, vt ille præficeretur in prelaturum monachorū, qui nec ipse sit monachus; nec eorum regulam sit expertus. vt in tex. & infr. c. prox. nisi præficeretur tanquam Episcopus. vt not. in d.c. cum causam.

Cap. 38. Officij.

IN Abbatem eligi non potest, nisi instructus in regula monachali.

QUIA nemo debet esse magister, antequam fuerit discipulus. vt in tex. Vnde graue est, in expertos diuinis obsequijs applicare. c. mo haletijs. 19. q. 3. Et non instructus, si cito promoueretur in Abbatem, ante-

antequam sit religionē professus, & regulam edoctus, esset præsumptio, quod fuerit religionem ingressus propter ambitionem dignitatis habendæ. vt in tex. nā ea, quæ incontinenti fiunt, inesse videntur. glos. 1. hic. Et quoniam religio debet ingredi, vt seruiatur Deo, nō autē causa quæstus, vel ambitionis. c. per laicos. 16. q. 7. Et non ambitione, sed meritis ad augmentum honoris, vnumquemque conuenit peruenire. l. contra publicam. C. de re milit. lib. 12. Ideo ambitio debet repellere quemlibet à dignitatibus. c. in scripturis. 8. q. 1.

Cap. 39. Illa .

ELECTIO aliàs canonica confirmatur, licet quidam eligentium essent minori excommunicatione ligati.

QUIA excommunicatio minor nō priuat potestate eligendi actiue, sed tantum passiuē. c. si celebrat. de cler. excom. nam non repellit à communione hominum, nec à prosecutione iuris proprij; sed solum à participatione sacramentorum. d. c. si celebrat. Et quoniam is, qui eligit, non vitur sacramentis sibi prohibitis; cum non veretur sacramentum in electione. glos. 1. hic. Ideo si quidam eligentium sint minori excommunicatione ligati, non per hoc debet electio infirmari. vt in tex. Sed tales eligi non possunt; quia quis eligitur, vt administret sacramenta diuina, à quibus ipsi remoti sunt propter huiusmodi excommunicationem; meritò de eis non potest fieri electio. d. c. si celebrat. & ibi glos. ver. nec eligere. in fin. Et prædicta procedunt, quando admittuntur ad eligendum minori excommunicatione ligati. Sed si admittantur ligati maiori, an per eorum admisionem inficiatur tota electio, vel an debeat sustineri electio propter eos, qui fuerunt habiles, late tractant hic Innoc. Butr. & Abb.

Cap. 40. Scriptum .

SI postulatio cum electione concurrit, & numerus postulantium est duplo maior, & postulatus est idoneus, postulatio admittitur, reiecta electione.

QUIA potentia capitularis, seu vniuersitatis consistit in duabus partibus; vnde in tertiā parte non est aliqua virtus capitularis. l. nulli. & l. plane. ff. quod cuiusque vniu. nom. adeo, quod vniuersitas potest à principio ex duabus partibus constitui, vt in dictis iuribus. & Abb. supr. in c. cum nobis. Ideo licet postulatio sit via extraordinaria, & electio ordinaria; tamen ex quo virtus capitularis insequitur illam viam extraordinariam, illa est in tali casu præferenda. glos. hic. ver. maiorem. Sed licet regulariter, quod fit à maiori parte capituli, censetur factum à toto capitulo, ita vt duæ partes capituli debeant esse congrega-

gregatæ ad representandum capitulum (quæ tamen duæ partes debent intelligi, saltem in electionis negotio, de illis, qui volunt, & debent, & possunt commodè interesse. vt not. Abb. infr. in c. quia propter. nu. 5.) & quod sit à maiori parte illius capituli cōgregati, censeatur factum à toto capitulo. c. 1. de his, quæ sunt à mai. par. cap. Tamen iura voluerunt, quando postulatio cum electione concurrat, ad hoc, vt præferatur postulatatio electioni, postulantibus esse non solum maiorem partem, sed duas partes; quia cū postulatio sit via extraordinaria, quæ innititur gratiæ, & nō ita fauorabilis, sicut electio, quæ innititur iuri; no videbatur æquū, vt de pari procederetur per regulā cōmunē in vtrisque, quod maior pars sufficeret ad actum validandū, Abb. hic nu. 14. Ideo vt fiat compensatio, fuit statutum, vt duæ partes capituli ad minus essent postulantibus, vt sic eorū numerus præponderet fauorabili naturæ electionis. Butr. hic nu. 39.

SI verò est indignus, & hoc maior pars postulantium ignorauerit, postulatio, & electio reprobantur.

QUIA cum indigni non debeant assumi ad honores. infr. c. nihil. postulatio facta de indigno, non valet. supra c. cum in cunctis. §. fin. & supr. tit. prox. in c. 1. glos. ver. priuare. Postulatio enim fit de inhabili propter aliquem defectum; sed non de indigno propter aliquod vitium; ad hoc, vt per superiorem admittatur. vt not. supr. in tit. prox. c. 2. Nec talis electio valet, cum sit facta à minori parte capituli; nam, cum duæ partes postulantibus non sint priuatæ, ex eo, quod ignoranter, & non scienter postularunt indignū. vt in d. c. cum in cunctis. tota potestas capitularis non fuit deuoluta, nec remansit in ista minori parte capituli, quæ elegit. vt in d. l. nulli. & Butr. hic nu. 41.

SI verò sciebant, & electus est idoneus, confirmatur electio.

QUIA postulantibus scienter indignum, sunt priuati, & potestas capitularis remanet apud alios, licet sint numeri minoris. d. c. cum in cunctis. & d. glos. in c. 1. supr. tit. prox. Ideo cum talis electio sit facta ab illis, apud quos remansit totum ius capitulare, tenet. vt in tex. Et cum sit de idoneo, venit confirmanda. glos. fin. hic.

ET idem, si numerus postulantium non est duplo maior.

QUIA non datis duabus partibus postulantium, non est ibi reperire potentiam capitularem, sed aliquid de virtute capitulari reperitur nunc in parte eligentium, cum habeat aliquos de duabus partibus. vt in d. l. nulli. & l. plane. & dictū est superius. Ideo habito respectu, quod ipsi prouident ecclesiæ per viam ordinariam, & meliori modo, quo fieri potest, scilicet, consentiendo in electum tanquā in sponsum, alijs persistentibus in via extraordinaria, meritò præferenda est ipsa electio, vt citius prouideatur ecclesiæ viduatæ; quasi imputandum sit maiori

maiori parti capituli, quę eligi viam extraordinariam, & persistit in ea. Abb. hic num. 14.

Cap. 41. Ne pro defectu.

SI illi, ad quos spectat electio, negligunt eligere prælatum cathedralis, vel regularis ecclesię intra tres menses, proximus superior ecclesię ordinabit.

QUIA in beneficijs conferendis, regulare est; vt proximus superior suppleat negligentiam inferioris. c. licet. de suppl. negl. prel. & not. in c. 2. de concess. pręb. Et quoniam propter defectum pastoris ecclesię viduata, tam in temporalibus, quàm in spiritualibus frequenter sustinet læsionem, vt in tex. Ideo statuitur, vt ecclesię cathedralis, vel regularis ultra tres menses non vacet. vt in tex. Et hoc tempus trimestre ad eligendum, habet locum solum quo ad prælatum ecclesię cathedralis, vel regularis; in alijs verò prælatis quarumcunque ecclesiarum, vel dignitatum, datur semestris, & in eis habet locum. cap. 2. de concess. prębend. nam cum sit maius periculum in ecclesijs cathedralibus, & regularibus, quam in alijs, ex eo, quod ipsarum prælati sunt veri pastores, & habent maiorem curam, fuit necesse citius occurrere illarum vacationi, & deputare breuius tempus ad provisionem faciendam. Abb. hic nu. 2. Sed quo ad deuolutionem est sciendum, quod olim in ecclesię cathedrali fiebat deuolutio immediatè ad Papam. vt in c. cum dilectus. de cõcof. pręb. Hodie fit ad proximum superiorem. vt in tex. quod tamen restringitur ad casum negligentię, in alijs autem casibus fit deuolutio immediatè ad Papam. vt in c. quanquam. eod. in 6. & ibi glos. ver. deuoluetur.

QVOD si intra tres alios menses non fecerit, canonice punietur.

QUIA cum sit prouidendum, ne tales ecclesię diu vacent: vt dictum est superius. Dignum est, vt si talis superior, qui debet prouidere, hoc non vult facere timore Dei, saltem faciat timore ecclesiasticę disciplinę. supr. c. cum in cunctis. in fin. Et sic non solum, vt deuoluatur potestas ad alium eius proximum superiorem; sed etiam; vt alia pœna arbitrio superioris afficiatur. Host. hic. & Abb. nu. 6.

Cap. 42. Quia propter.

PER aliquam de tribus formis hic contentis, scilicet, scrutinijs, compromissi, & inspirationis, procedi debet ad electionem in ecclesijs cathedralibus.

QUIA quidam malitiose, & fraudulenter nitebantur diuersas formas electionum inuenire, propter quas multa pericula, & impedimenta proueniebant in ecclesijs viduatis, vt in tex. Ideo ad hæc pericu-

pericula euitanda, statuuntur hæ tres formæ tanquam meliores, vt per alteram earum ad electionem in ecclesijs cathedralibus sit procedendū. Prima scrutinij est hæ, vt vocatis omnibus, qui debēt, & volunt, & possunt commodè interesse, eligantur tres de capitulo fide digni, qui sigillatim, & secretè, vota omnium diligenter inquirant, & in scriptis redigant; quo factō, in continenti, antequam ad alia diuertant, vota illa publicent in præsentia capituli. Et si plures sunt electi, fiat hinc inde, collatio numeri ad numerum, meriti ad meritum, & zeli ad zelum; & sic collatione habita, non obstante appellatione alicuius, is eligatur, in quem omnes, vel maior, & sanior pars capituli consentit. Secunda forma est compromissi, scilicet, vt eligendi potestas aliquibus viris idoneis committatur, qui vice omnium prouideant ecclesiæ viduatæ de pastore. Tertia inspirationis est, si quasi per inspirationem diuinam communiter ab omnibus absque vitio electio fuerit celebrata. vt in tex.

ALITER electio celebrata non valet.

QUIA forma est, quæ dat esse rei. l. Julianus. §. sed & si quis. ff. ad exhib. Et quoniam hic statuuntur hæ tres formæ eligendi, & omnes aliz in his casibus declarantur nullæ. vt in tex. Ideo si quis faceret contra eas, veniret contra formam, & substantiam actus, & sic electio esset ipso iure nulla. glos. fin. in c. in genesi. infr. eod. & Butr. hic nu. 12. Nec possunt eligentes renuntiare prædictis formis; quia non sunt principaliter inductæ in eorum commodum; sed in commodum ecclesiarum viduarum. vt in tex. arg. c. si diligenti. de for. comp. Nec etiam possunt alij prælati inferiores Papa, statuere aliquid contra dispositionem huius tex. quia constitutio inferioris non potest in aliquo immutare constitutionem superioris. infr. Clem. ne Romani. Sed cum solum in electionibus illorum prælatorum, per quorum mortem ecclesia remanet viduata, & sine pastore, habeat locum dispositio huius tex. vt patet ex principio litterar. glos. i. hic. Et ante istud cap. non erat à iure producta aliqua forma substantialis eligendi, sed quisque conabatur inuenire nouam formam, vt colligitur ex princ. tex. Restat, vt in electionibus, in quibus non sit necessaria seruanda forma huius cap. possit procedi absque aliqua forma præscripta. Abb. hic nu. 2. & 8.

E T contrafacientes priuandi sunt ea vice potestate eligendi.

QUIA conueniens est, vt quis puniatur in eo, in quo peccauit. cap. litteras. de temp. ord. Ideo cum isti peccent in electione, in ea per subtractionem eligendi pro ea vice, sunt puniendi. vt in tex. Nō sunt autem priuati hac potestate, ipso facto; sed sunt per sententiam priuandi; quia hic tex. non decernit eos priuatos, sed dicit, priuentur; quod est denuntiari poenam infligendam. glos. hic. ver. priuentur. Vnde si interim elegerint, antequam per sententiam denuntientur priuati, eorum votum

votum teneret. Abb. sup. in c. prox. nu. 3. Quotiescunque enim pœna imponitur per verba denuntiantia futurum tempus, semper sententia requiritur. glos. 1. in cap. in pœnis. de reg. iur. in 6. Et sic cum quis venit priuandus potestate, aut beneficio per sententiam, iuste possidet, antequam priuetur. Abb. hic. §. nisi. nu. 6. præsertim cum possit ante sententiam cum eo dispensari. Innoc. in c. cum nostris. de concess. præb. Sed illud, quod dicitur de verbis in futurum, vt inducant canonem ferendæ sententiæ, procedit, nisi per alia verba præcedentia, vel sequentia declaretur lata. Butr. infr. c. prox. nu. 12.

§. Illud.

IN electionis negotio non potest quis regulariter procuratorem constituere.

QUIA in negotio electionis regulariter videtur electa industria personæ. Abb. hic nu. 1. Et quando ad aliquid faciendum eligitur industria alicuius, actus ille non potest per alium explicari. vt not. in c. is, cui. de offic. deleg. in 6.

NISI concurrant hic in tex. contenta.

QUIA licet etiam in his casibus principalis eligens esset vocandus; tamen, quia iusto impedimento detentus venire non potest. vt in tex. Ideo ex quo non est in culpa, & sic non debet iure suo priuari. c. quoniam. vt lit. contest. Conceditur, vt quod per se non potest, per alium exequatur. arg. l. 1. ff. de procur. & glos. penult. hic. Debet tamen constituere procuratorem vnum de ipso collegio. vt in tex. quia non decet, vt capitulum cogatur secreta sua pandere extraneo. Abb. hic nu. 2. Sed cum hoc sit constitutum in fauore capituli, si capitulum vellet admittere extraneum, & fauori suo renunciare, posset admittere illum. glos. in c. pen. ver. nolente. eod. in 6.

§. Electiones.

ELECTIONES clandestinæ reprobantur.

QUIA præsumitur fraus contra occulte in talibus agentes. c. vnic. & ibi glos. ver. occulta. vt eccl. benef. Et illa electio dicitur occulta, & clandestina, quæ fit singulariter per occulta cōuenticula. glos. fin. hic.

ET statuitur, vt quam citò electio fuerit celebrata, solemniter publicetur.

QUIA per huiusmodi publicationem datur notitia omnibus, ad quos spectat scire electionem esse factam. c. licet. 8. q. 1. Et remouetur suspicio fraudis, quæ insurgeret, si electio facta diu teneretur occulta.

culpa. Innoc. hic in fin. vbi dicit se nō credere electionē esse cassandam, si talis solemnīs publicatio omittatur; nā cū ex electione facta in capitulo sit ius acquisitum electo, sine sua culpa non debet amittere illud. arg. c. satis peruersum. dist. 56. Et sic cum hęc publicatio non sit de substantia, sufficit eam per quemcunque fieri. Innoc. hic in fin.

Cap. 43. Quisquis.

CONSENTIENS electioni de se facta per abusum potestatis secularis, efficitur ineligibilis ad dignitatem.

QU^A talis electio est contra canonicam libertatem, vt in tex. nam si admitterentur laici, sine eorum potestates, prætenderent sibi ius acquisitum in posterum, & sic libertas ecclesiæ periret. glos. 2. hic. Et quoniam tam agentes, quā consentientes delinquant. glos. 1. infr. in c. massana. Ideo debent vtrique puniri. c. quantā. de sent. excom. & sic in pœnam electi consentientis statuitur, vt ineligibilis fiat, & quod absque dispensatione ad aliquam dignitatem eligi non possit. vt in tex. Et ita talis fuit effectus irregularis quo ad dignitates obtinendas, ex quo non potest amplius sine dispensatione promoueri ad illas. Abb. hic num. 1.

ET electio est nulla.

QU^A cum eligentes non seruauerint debitum modum eligendi, eorum electio, quæ poterat per se esse utilis, per laicorum admixtionem vitiatur, & redditur inutilis. glos. 1. in d. c. massana. Quod enim eligentes per se potuerunt, noluerunt; & quod voluerunt, adimplere nequiverunt. c. cum super. de offic. deleg. Ideo talis electio declaratur ipso iure irrita. vt in tex.

ELIGENTES autem à beneficio per triennium suspenduntur, & tunc sunt priuati potestate eligendi.

QU^A propter illud eorum graue delictum, quod commiserunt contra ecclesiasticam libertatem, dignum est, vt tali duplici pœna afficiantur, cum altera earum non sufficiat. glos. hic. ver. suspendantur. Sed quo ad potestatem tunc eligendi, sunt priuati ipso iure; cum tex. hic loquatur quo ad eam per verba latæ sententiæ, dum dicit, eligendi tunc potestate priuati; quo ad suspensionem verò à beneficio, requiritur sententia, cum tex. dicat, suspendantur, per quod verbum respicitur tempus futurum, & sententia ferenda. glos. fin. hic, & Innocent. in fin.

Cap.

Cap. 44. Nihil.

SI prælatus per negligentiam confirmauit indignum electum ad regimen animarum, perdit potestatem confirmandi primum successorem, & à perceptione proprii beneficij suspenditur.

QUIA nihil est, quod Ecclesiæ Dei magis officiat, quam quod indigni assumantur prælati ad regimen animarum. vt in tex. Et quoniam prælatus, ad quem pertinet confirmatio, tenetur ex officio examinare personam electi, & formam electionis, etiam si aliquid ab alio non obijciatur. supr. c. cum nobis. Ideo statuitur, vt non solum sit deiciendus indigne promotus; verum etiam, vt indigne promouens sit puniendus. vt in tex. Cum talis promouens delinquat in suo officio. glos. 1. hic. & vide Concil. Trid. sess. 6. de reform. cap. 1. & sess. 7. de reform. c. 3. & sess. 23. de reform. c. 1.

ET promotus deijcitur.

QUIA confirmatio non præcludit viam deijciendi indigne promotum. supra c. quod sicut. & c. fin. eod. in 6. Ideo etiam post confirmationem potest electus indignus deponi. vt in tex. & Abb. nu. 2.

SI verò per malitiam hoc fecerit, grauius punitur.

QUIA peccatum per malitiam, cæteris paribus, est grauius, quam peccatum per negligentiam; est enim in eo maior contemptus, & voluntas magis directe fertur in malū. S. Tho. 1. 2. q. 76. art. 4. & q. 78. art. 4. Et quoniam pœna debet esse commensurabilis delicto. c. disciplina. dist. 45. Ideo est grauius puniendus confirmans indignum per malitiam, quàm confirmans per negligentiam. vt in tex. & c. ad falsarium. de crim. falsi. Sed licet peccatum per negligentiam sit regulariter minus, quam peccatum per malitiam, est tamen in prælato, mortale. glos. in c. ea, quæ. de offic. archid. Quod tamen intellige de negligentia crassa. glos. ibid. Cum autem in tex. hic non exprimitur, quæ pœna sit infligenda contra talem confirmantem per malitiam, illa ad arbitrium iudicis erit imponenda. glos. hic. ver. grauiori.

ELECTI verò immediate subiecti Papæ, per se, aut per personas instructas, debent adire Papam, & petere confirmationem.

QUIA electus non potest regulariter ante confirmationem habitā à superiore actu administrare. glos. 1. in c. quāto. dist. 63. Et superior non debet ante examinatam electionem confirmare. vt in tex. Et quoniam immediate subiecti Papæ non habent alium superiorem, quam ipsum Papam. c. si Abbatem. eod. in 6. Ideo tales electi ad percipiendam sui confirmationem officij, debent Papæ conspectui se præferre (si cō-

S 2 mode

mode fieri potest.) aliter personas transmittere idoneas, per quas diligens inquisitio super electionibus, & electis, possit haberi; vt sic demum per ipsius circumspectionem consilij, sui plenitudinem officij assequantur, cum eis nihil obstitit de canonicis institutis. vt in tex. Dic tamen, quod etiam Legatus de latere potest istorum exemptorum electiones confirmare. c. si Abbatem. eod. in 6. Vnde procedit hic tex. si Legatus de latere non esset in partibus. Abb. hic nu. 3.

ET si sunt electi in concordia, & valde remoti, videlicet ultra Italiam constituti, interim administrant.

QU^{IA} ne ecclesie paterentur damnum in expectanda confirmatione electi, propter nimiam distantiam locorum; Et cum magis presumatur de idoneitate, & sufficientia electi in concordia. vt in tex. Ideo fuit dispensatiue concessum, vt tales electi etiam ante confirmationem administrant. Abb. hic nu. 7.

ITA tamen, quod nil alienent.

QU^{IA} alienatio in dubio censetur procedere ex mala administratione, nisi aliud appareat. Butr. hic nu. 19. Et quoniam ista dispensatio administrandi ante confirmationem conceditur in fauorem ecclesiarum. vt in tex. Ideo non est concedenda in casu alienationis, in quo magis timetur de praiudicio, & lesione, quam de commodo, & fauore ecclesie. glos. fin. hic.

BENEDICVNTVR autem, & consecrantur, prout consueuerunt.

QU^{IA} tam in benedictione Abbatum, quam in consecratione Episcoporum, consuetudo est attendenda. c. pudenda. 24. q. 1. Ideo licet exempti recipiant confirmationem a solo Papa, benedictionem, seu consecrationem recipient vel a Papa, vel ab alijs, secundum quod consueuerunt. d. c. pudenda. De iure autem, cessante consuetudine, debent recipere hanc benedictionem, seu consecrationem a solo Papa, seu ab alio eius auctoritate, quia ipse est praelatus, & diocesanus exemptorum. vt not. in c. auctoritate. de priuileg. in 6. Et ita hodie obseruatur in omnibus, qui recipiunt dignitatem ab ipso Papa. Abb. hic nu. 4.

Cap. 45. Vt præteritæ.

EXPENSÆ necessariae, quas facit capitulum pro electione praelati, de bonis praelaturæ debent fieri, vel reddi.

QU^{IA} officium suum nemini debet esse damnosum. c. cum non debeat. eod. in 6. Nemo enim cogitur de suo facere beneficium. c. praeuaric. 10. q. 2. Sed ille, cuius negotium vtiliter gestum est, debet re-

ficere

ficere expensas. l. Pomponius. ff. de negot. gest. Et quoniam in eligendo prælatus, capitulum principaliter gerit negotium prælaturæ. Abb. hic nu. 5. Ideo ab ipsa prælatura decet ipsum repetere expensas. c. cum pro causa. de procur. Nec obstat, quod capitulum in eligendo exerceat officium suum, & utilitatem suam, & quod puniatur, si non eligit. supra c. ne pro defectu. quia sæpe quis facit expensis alterius id, ad quod tenetur; vt patet in visitatione prælati, qui visitat expensis subditorum. vt in c. cum ex officij. de præscript. Et idem in consecratione ecclesiæ; nam licet prælatus teneatur consecrare ecclesias sibi subiectas, nihilominus potest exigere procuracionem. vt in c. cum sit. de simon. An autem istæ expensæ spectent tantum ad cameram prælaturæ, an etiam ad omnes de prælatura? Dic, quod si est consuetudo, illam serua, quæ legem interpretatur. c. cum dilectus. de consuet. si non est consuetudo, satisfaciatur de expensis mensæ, cuius principaliter interest, scilicet, prælaturæ; nisi graues sint expensæ, quia tunc contribuent omnes de prælatura: nam quod omnes tangit, & cap. regula, quod omnes. de regul. iur. in 6. dum tamen pauperes non compellantur, & diuites inæqualiter non grauentur. c. licet. & c. procuratoris. de censib. Et hoc potissimè tangit canonicos. c. cum non liceat. de præscript. & c. requisisti. de testam. Butr. hic nu. 6. Sed debent istæ expensæ esse necessariæ, & moderatæ, nec debent excedere probabilem modum. glos. 1. hic. quia nec delicatus debitor, nec onerosus creditor est audiendus. l. si seruus. ff. de pignor. act. Et dicuntur expensæ necessariæ illæ, sine quibus negotium expediri non potest, vel sine quibus res efficcretur deterior. ff. de impens. in reb. dot. fact. l. 1. & sequen. Et sufficit, si credit expedire, licet non expediant. l. prætor. §. 2. ff. de bon. auct. iud. possess. Illas autem tantum soluent, quas propter hoc fecerunt. d. c. cum pro causa. & ibi glos. nam si pro suis negotijs inissent, vel misissent, licet tractassent etiam hoc negotium, non debent habere expensas, nisi quatenus plus expèdissent propter longiorem moram. l. si communes. ff. de negot. gest. & glos. 2. hic. Expensæ autem, quæ fiunt in funeralibus prælatorum, an fiant de bonis prælaturæ, vel de patrimonio defuncti? Distingue, quod expensæ concernentes solatium, seu remedium animæ defuncti, debent fieri ex bonis prælaturæ, quantumcunque prælatus habuerit proprium. arg. c. apostolicæ. de donat. & c. bonæ. 12. q. 2. Expensæ vero, quæ fiunt ad consolationem viuorum, & ad pompam, vt magnus apparatus funerum in vestibus, & alijs similibus, non deducuntur ex bonis prælaturæ. Abb. hic nu. 6. Charitativum autem subsidium, an, & quando possit à prælato exigi pro expeditione bullarum suæ promotionis? vide Petrum Duenam in reg. 89.

Cap. 46. Cum post petitam.

ELECTIO post collationem ex intervallo celebrata, non valet.
Quia

QUIA iste modus eligendi, in quo fit collatio, vel numeri ad numerum, vel meriti ad meritum, est ille, qui vocatur per scrutiniū. ut sup. in c. quia propter. & Compostell. hic. Et quoniam in electione, quæ fit per scrutinium, est de substantia, quod statim post collationem fiat electio, & non ex intervallo. ut in d. c. quia. & Butr. hic nu. 1. Ideo ista electio facta ex intervallo post collationem, cum sit facta inordinato processu. ut in tex. & contra formam substantialem traditam in d. c. quia. est ipso iure nulla; & sic per hunc rex. cassā, & irrita nunciatur. Abb. hic nu. 1. An autem omnis dilatio inter collationem, & electionē, vitiet processum? Distingue, quod dilatio extranea non naturalis vitiat, mora verò naturalis, & ex necessitate corporis, non. arg. l. cum antiquitas. C. de testam. Item modica dilatio non impedit. arg. l. ratum. ff. de solution. & Butr. hic nu. 6.

Cap. 47. Constitutis.

MONACHVS vnius monasterij, alterius factus Abbas, in electione Abbatis prioris monasterij, vocem non habet.

QUIA non potest monachus tenere locum in duobus monasterijs, (nisi forte vnum dependeret ab alio) ut dissolutionis, euagationis, ac ambitionis materia, quæ ex tali pluralitate officiorum sequeretur, præcipuè in religiosis amputetur. c. fin. & ibi not. de relig. dom. & c. 1. de priuil. in 6. Ideo sicut vnus non potest esse monachus nisi in vno monasterio; ita non potest obtinere ratione suæ personæ, ut habeat vocem in diuersis monasterijs. Butr. hic nu. 11. Sed nomine dignitatis potest acquiri, ut vnus de vno monasterio habeat vocem ad eligendum in alio monasterio. glos. 1. hic. quia tunc non potest notari ambitio personæ; sed solum conceditur pro vtilitate ecclesiæ, ut in electionis actu plurius iudicia habeantur. Abb. hic nu. 3.

ET IAM si tale ius ab Abbate, & monachis prioris monasterij, sibi fuerit reſeruatū.

QUIA cum ista prohibitio de non interessendo pluribus monasterijs, sit ius publicum introductum principaliter ad fauorem ecclesiarum, & religionis. d. c. fin. de relig. dom. pacto priuatorum tolli non potest. c. si diligenti. de for. comp. Et cum bona immobilia, vel mobilia prætiosa non possint alienari per monasterium sine consensu superioris. c. abbatibus. 12. q. 2. & c. in venditionibus. 17. q. 4. Ideo nec istud ius interessendi electioni poterit per eos concedi; Cum imponere ſeruitutem ecclesiæ, sit quodammodo alienare iura ipsius ecclesiæ. Abb. hic nu. 2. Vnde si monasterium veller concedere Abbati alterius, ut ratione suæ dignitatis posset interesse electioni Abbatis illius monasterij, deberet intercedere consensus superioris; & sic Papæ, si monasterium est

est exemptum; vel Episcopi, si non est exemptum. vt in c. auctoritate, de priuil. in 6. & c. nulla. dist. 93.

Cap. 48. Ecclesia.

ELECTIO debet fieri verbo.

QUIA ista præcipua, & principalia sunt de necessitate, sine quibus electio non valet, scilicet, collatio, publicatio, inquisitio, & incontinenti electio, & scriptura. vt supra in c. quia propter. & glos. hic. ver. processus. Et quoniam ista sine verbis explicari non possunt. Abb. hic nu. 3. Ideo in electione requiritur pro forma substantiali verbalis electio, nec sufficit factum eligentium electionem tacite importans. Abb. d. nu. 3. Simile est in baptismo, in quo requiruntur verba ad substantiam ipsius. vt in c. 1. de baptis. Et similiter in petitione apostolorum. vt in c. ab eo. de appell. in 6. Et sic factum non æquipollet verbis, vbi verba sunt de substantia, vt hic, & in dictis iuribus; aliàs non minus valet factum, quam verba. vt in c. dilecti. de appell. & c. existimant. 11. q. 3. Ex quibus potest inferri, quod in electionibus, in quibus non est necessario seruanda forma tradita per d. c. quia propter. non sint necessaria verba, dummodo constet de consensibus eligentium per ipsum factum. Abb. hic; sicut est in matrimonio carnali. iuxta not. in c. tuz. & c. cum apud. de sponsal.

ET de illo, in quem consenserit maior pars capituli.

QUIA fictione iuris id, quod fit à maiori parte alicuius collegij, & vniuersitatis, censetur factum à tota vniuersitate. c. 1. de his, quæ sunt à mai. par. cap. & l. quod maior. ff. ad municip. Et maior pars intelligitur de existentibus tunc in collegio; nam vt constituatur vniuersitas, sufficit, & requiritur præsentia duarum partium vocandorum; & valet, quod fit à maiori parte istorum. vt in l. nulli. & l. plane. ff. quod cuiusque vniuers. nom. & not. supr. in c. scriptum.

ET non respectu aliarum partium.

QUIA non potest dici maior pars capituli, vbi non est maior omnium, qui interfunt capitulo; nam maior pars respectu partium minorum, non est maior pars capituli, cum capitulum constituitur ex omnibus ibi præsentibus. vt not. glos. in d. l. nulli. & glos. in c. si cui. eod. in 6. Vnde in casibus, in quibus non est seruanda forma tradita per c. quia propter, & in quibus propter discordiam non potest haberi maior pars totius capituli, ad hoc, vt valeat actus, & censeatur factus à toto capitulo, traditur notabilis theoria, scilicet, vt primo illi de capitulo, seu vniuersitate faciant prouisionem, seu statutum, vt valeat id, quod fuerit factum à maiori parte, comparatione minorum partium. glos. in d. c.

d.c. si cui. ver. præter. Et valet prouisio talis, quia omnes videntur postea consentire. Abb. hic nu. 4. Et sic est statutum, & proceditur in electione Rectoris Studij Patuini, & Senensis. Nec obstat contra prædicta id, quod habetur in d. quoniam. de iusepat. vbi valet presentatio facta à maiori parte patronorum, licet non concurrat maior pars omnium. Nam respondetur, quod illud procedit in patronis, qui presentant vt singuli, & non vt collegium. Secus autem est in spectantibus ad aliquos iure collegij; nam si ad collegium spectaret presentatio, illa non valeret, nisi fieret à maiori parte totius collegij. Butr. hic nu. 4. Ex quibus inferitur, quod vbi actus pertinet ad plures, vt ad collegium, requiritur ad validitatem ipsius, dispositio maioris partis totius collegij. Quod intellige de maiori parte existentium tunc in collegio, & collegium repræsentantium, qui debent esse duæ partes vocandorum ad constitutum collegium; & maior pars illorum validat actum, vt dictum est superius, & not. glos. in l. aliud. §. refertur. ff. de reg. iur. Vbi verò actus spectat ad plures, vt ad singulos, in casibus, in quibus valet dispositio maioris partis, sufficit maior pars cõparatione minorum partium. vt in d. c. quoniam. & Abb. hic nu. 6. Speciale tamen est in electione Provincialis de ordine Minorum, vt valeat electio facta à maiori parte, cõparatione partium minorum, licet illa electio spectet ad eligentes, non vt ad singulos, sed vt ad collegium. vt in Clem. exini. §. demum. & ibi glos. de verbor. signific.

Cap. 49. Cum in magistrum.

NON professus in Abbatem eligi non potest.

QUIA in magistrum assumi non debet, qui formam discipuli non assumpsit; nec est alijs præficiendus, qui alteri subesse non no- uir. vt in tex. & supr. in c. cum causam. Et hodie non sufficit tacita professio, sed requiritur expressa; alias electio est ipso iure nulla. vt in c. nullus. cod. in 6.

Cap. 50. Cumana.

ELECTIO facta à non maiori parte capituli, non valet.

QUIA potentia capitularis ex sui natura consistit apud totum capitulum; sed ex fictione iuris propter difficultatem, quæ est, vt omnes conueniant in vnam sententiam, ad facilitandam negotiorum expeditionem, fuit introductum, vt consistat etiam apud maiorem partem capituli; non autem vt consistat apud partem æqualem, vel minorem; cum non ita præsumatur bona expeditio negotiorum per consensum ipsorum, sicut fit per deliberationem plurium; nisi altera pars æqualis el æqualis esset priuata, & sic tota potestas ad aliam partem quantumcun- que

que minorem, deuoluta. vt in c. 1. de his, quæ si. d. mai. par. cap. & not. supra in c. ecclesia. Vnde si vna pars non est priuata, & electio fuerit facta ab alia parte non maiori, est ipso iure nulla, tanquam facta a non habentibus potestatem. vt not. supr. in c. auditis, & glos. in l. quod maior. ff. ad municip.

SIMILITER non valet, ommissa collatione.

QUIA collatio zeli, numeri, & meriti, est de forma substantiali electionis. iuxta not. in c. quia propter. supr. cod. vbi traditur hæc forma, & glos. hic ver. contra. Et quoniam defectus formæ inducit nullitatem actus, ipso facto. vt not. in d. c. quia. Ideo si fuerit ommissa collatio in casu, in quo est seruanda forma tradita per d. c. quia. electio non debet habere effectum, & eligentes debent puniri ex transgressione formæ. vt in tex. & glos. fin. hic.

Cap. 51. Sacrosancta.

P. E. R. compositionem factam cum prælato, & capitulo, non potest ius eligendi competere laico, etiam patrono, in ecclesia collegiata.

QUIA nullus prælatus, citra Papam, potest laicum habitare ad ius spirituale tenendum. vt not. in c. 1. de iudic. & c. bene. dist. 96. & c. prater. §. verum. dist. 31. Et quemadmodum hoc non potest inducere prælatus, ita non potest consuetudo. infr. c. massana. Sed ex quo hic dicitur in tex. quod laicus non potest habere ius eligendi a prælato, & capitulo in ecclesia collegiata; queritur, nunquid possit illud ab ipsis habere in non collegiata? Respondetur, quod non; sed ratione patronatus competit sibi sola præsentatio Rectoris. vt in c. nobis. & c. fin. de iurepatr. Quæ autem sit diuersitatis ratio. Dic, quia per præsentationem non initiatur aliquod matrimonium spirituale inter præsentatum, & ecclesiam, ad quam præsentatur; sed totum ius spirituale transfertur in præsentatum ex institutione Episcopi, quæ debet sequi; ideo dicimus, quod ius patronatus non est spirituale, sed annexum spirituali; quia per præsentationem patroni peruenitur ad institutionem, quæ est quid spirituale. vt not. in c. quanto. de iudic. sed per electionem initiatur matrimonium spirituale. vt in c. fin. de trans. epif. & supr. c. cum inter. Et per eam acquiritur ius spirituale electio. glos. in c. quanto. dist. 63. vbi dicit, quod per electionem acquiritur ius administrandi in habitu, sed per confirmationem competit in actu. & not. supr. in c. transmissam. Et quoniam laicus non est capax iuris spiritualis. c. causam. de præscript. Ideo non potest in alium transferre ius, quod ipse possidere non potest. cap. quod autem. de iurepatr. Ius autem fecit in hoc tex. mentionem de ecclesia collegiata; quia in collegiatis proceditur regulariter per viam electionis. vt not. glos. in c. quanquam. cod. in 6. Vnde ex prædictis potest

T

colli-

colligi ratio diuersitatis, quare ecclesia concessit laico potestatem presentandi, & non potestatem eligendi. Noluit enim in hoc mero iure spirituali cum ipsis dispensare, sicut dispensauit in annexis spirituali. vt not. Innoc. supra in c. quod sicut. Decet tamen pro honestate, vt electio iam facta in ecclesia collegiata presentetur parrono, vt suum, si voluerit, honestum impertiatur assensum. vt in tex. Et vt possit contradicere, si habeat aliquam iustam causam contradicendi; si autem sine rationabili causa contradiceret, talis contradictio non deberet obesse. vt not. supr. in c. cum terra. & c. quod sicut. & Abb. hic nu. 5.

Cap. 52. Cum in veteri.

SI per Papam mandatur habentibus eligere, quod eligant cum consilio aliquorum; alioquin consiliarij provideant; eligentes debent consilium requirere in tractatu electionis.

QUIA consilium est aliquid faciendi, vel non faciendi ratio exco- gitata. Arist. 6. ethicor. ca. 9. & Cicero de Inuent. lib. 1. Et quonia tractatus electionis precedit ipsam electionem. gloss. hic. ver. in tractatu. Ideo in illo tractatu debet interuenire istorum consilium, vt si fuerit rectum, possit trahere eligentes in ipsorum consiliarium, sententiam ad electionem maturius faciendam; (licet illud consilium non sit de necessitate sequendum) nam si postquam eligentes concordassent, & de certa persona eligenda statuissent, consilium requireretur, illud delusorium esse videretur. Innoc. hic in fin. Aliquando autem consilium ponitur pro consensu, & tunc est de necessitate sequendum. vt late per Abb. hic nu. 13.

ET congruo tempore expectare responsum.

QUIA consilia non sunt precipitanda. c. ponderet. dist. 50. vnde tempore indigemus, vt aliquid maturius agamus. d. c. ponderet. Et quoniam consilium videretur delusorie petitum, si consiliarium responsum non expectaretur. gloss. hic ver. in tractatu. Ideo debet per congruum tempus ipsorum expectari responsum. vt in tex. Quod si fuerit expectatum, & consiliarij differunt plus debito responde- re, vel nolunt impendere consilium, poterunt eligentes procedere ad actum electionis, etiam ipsorum consilio non expectato. Abb. hic nu. 8. & Bar. in l. 1. §. si plures. ff. de exercit. act. Quod autem tempus dicatur competens, est relinquendum arbitrio iudicis, qui debebit considerare arduitate, vel facilitate negotij. arg. l. continuus. §. cum ita. ff. de verb. oblig. Neque enim precipitanter, neque morose debent respondere. arg. l. quod dicimus. & l. ratum. ff. de solut.

ALIAS electio non tenet.

Quia

QUIA actus gestus contra formam mandati, est ipso iure nullus c. cum dilecta. & ibi glos. ver. irritum. de rescripte. Ideo cum in casu huius tex. fuerit mandatum, vt requireretur in electione faciendi consilium aliquorum, si illud non fuerit requisitum, & congrue expectatum, forma mandati fuit transgressa, & sic redditur electio nulla: glos. hic. ver. in tractatu. in fin. & lo. Andr. col. 2. ver. irritarent. Nec obstat glos. in Clem. 1. ver. inhiibentes. de iurepatr. dum dicit, quod si mandatur alijs habenti potestatem, vt aliquid faciat sub certa forma, tenet actus, licet forma non seruetur, ad quod adducit. c. dilectus. il. 2. de prab. vbi valuit collatio facta per canonicos contra mandatum Papæ, nec fuit irrita collatio, quanquam canonici fuerint aliter puniti ex transgressione mandati. Nam respondetur, quod illud procedit, quando per mandatum factum alijs habenti potestatem, superior ad vltiora non processit in commissione, sicut est in d. c. dilectus. Secus, quando superior mandat, quod si illi non exequantur mandatum, alter exequatur, sicut est in casu huius tex. in quo mandatur, quod si habentes eligere, nõ eligant cum consilio aliquorum, prouideant ipsi consiliarij; & sic in defectum illoꝝ datur consiliarijs potestas prouidendi, & simile huic tex. est c. si capitulo. de concess. prab. in 6. vbi dicitur, quod si mandatur canonicis alijs potestatem habentibus, vt conferant certum beneficium, dato exequutore, vt illis negligentibus, exequatur, per solam litterarum, presentationem afficiuntur manus canonicorum, vt prouisio alteri facta non valeat; nam ex quo superior transfundit potestatem in exequutorem in defectum illorum, quibus mandat, adimit illis potestatem in casu contumaciæ, & inobedienciæ; & ita contingit punctualiter in hoc tex. vt colligitur ex illo verbo, Alioquin. & c. Abb. hic nu. 10.

Cap. 53. Congregato.

SI maior pars capituli scienter eligit indignum, valet electio facta de digno à minori parte,

QUIA per electionem scienter factam de indigno, amittitur ipso iure ab illis eligentibus pro illa vice potestas eligendi, & totum ius capituli deuoluitur in illo casu ad alios de capitulo, qui non elegerunt indignum. sup. c. cum in cunctis. §. fin. & c. bonæ. il. 2. Ideo si maior pars fuit illa, quæ in tali casu deliquit, pars minor tunc repræsentat totum capitulum, cum in eam sit tota potestas deuoluta. sup. c. scriptum. Vnde electio facta ab ipsa de digno, censetur facta à toto capitulo; & ideo valet. glos. fin. hic.

ET IAM ex eodem scrutinio facta.

QUIA licet minor pars capituli non repræsentet totum capitulum, nisi post deuolutionem potestatis ad eam factam per priuationem

T 2

tionem

tionem maioris partis. vt in d.c. scriptum. & d.c. bonz. Et sic vt valida sit electio minoris partis, oportet, vt præcefferit electio scienter facta à maiori parte de indigno. Io. Andr. hic col. 2. Tamen si electio minoris partis fiat incontinenti post primam electionem, non est opus nouo scrutinio; nam satis est, quod ex eodem scrutinio sequatur vnica valida electio. vt supr. in c. quia propter. Et quoniam scrutinium habet partes successiuas; cum electores consentiant successiue, & non simul. Abb. hic nu. 5. Ideo in fauorem minoris partis eligentis dignum, & in pœnam maioris eligentis indignum, ius fingit, & interpretatur, electionem maioris partis præcessisse, & minoris esse subsecutam. Bald. hic nu. 1. Et sic electio facta à minori parte censetur esse post deuolutionem sibi factam per priuationem maioris partis; vt hoc pacto actus potius valeat, quàm pereat. arg. c. cum expediat. eod. in 6. Si verò electio minoris partis sequitur ex interuallo, debet fieri scrutinium de nouo. supr. c. cum post petitam. & Compofstell. hic.

Cap. 54. Dudum. il 2.

H A B E N S plures dignitates, vel plura beneficia curata, sine dispensatione Papæ, ineligibilis est.

QUIA in concilio generali sub Innocentio III. fuit statutum, vt quicumque receperit aliquod beneficium, curam animarum habens annexam, si prius aliud tale beneficium obtinebat, eo sit, ipso iure, priuatus: & si forte illud retinere contenderit, & alio spoliatur; & idem iudicium de dignitatibus, & personatibus est habendum. vt in tex. Et quoniam ille, qui venit contra huiusmodi statuta, transgressio- nis notam, necnon cupiditatis vitium ex tali pluralitate beneficiorum incurrit. Et retinendo beneficia, quæ non spectant ad ipsum (cum post receptionem alterius, prius simile beneficium vacet ipso iure, & ipse sic amittat titulum) per consequens rem contrahat alienam, & quodammodo furtum committit, vel rapinam. vt in tex. Ideo cum tempore electionis iste sit in graui crimine constitutus, eligi non potest; nam, criminofus non est ad beneficia, & dignitates promouendus. c. fin. & ibi glos. 1. dist. 25. & c. 1. dist. 81. Et hodie magis specificè prouisum est in terminis huius litteræ, per extrauag. Ioan. XXII. quæ incipit: Execrabilis. in §. qui verò. de præb. vbi est dispositum, vt qui receperint dignitatem, vel personatum, seu officium, aut aliud beneficium animarum curam habens annexam, si antea simile beneficium obtinebant, illud (quo ipso iure postquam secundi possessionem habuerint, vel per eos, omni dolo, & fraude cessantibus, quominus habeant, steterit, priuati noscuntur) absque moræ dispendio in ordinariorum manibus dimittere debeant; alioquin ex tunc sint ipso iure secundo priuati; & ne dum ad sacros suscipiendos ordines, quin etiam ad habendum quodcunque bene-
ficium

ficiū ecclesiasticū inhabiles reputentur. d. extrauag. execrabilis. Solus autem Papa cum talibus dispensat, quia Episcopi dispensare non possunt, nisi in calibus sibi concessis à iure. glos. in d. c. dilectus. ver. permissa. de tempor. ordin. nam cum dispensatio sit iuris communis relaxatio. vt not. Abb. in d. c. dilectus. eius concessio est odiosa, & sic venit stricte intelligenda. c. quæ à iure. & c. odia. de reg. iur. in 6. Vnde cum isti, qui retinent plura curata, vel dignitates ecclesiasticas, per ius commune reddantur inhabiles ad alia beneficia, nec fiat mentio de facultate concessa Episcopis dispensandi. vt in d. extrauag. execrabilis. inmo exprimitur, quod Sedis Apostolicæ dispensatio requiratur ad talia retinenda. vt in tex. & c. de multa. de præb. Ideo sequitur, quod alius præter Papam, non possit cum ipsis dispensare. Abb. hic nu. 23. Secus est in absolutione ab excommunicatione; nam cum illa tendat in fauorem animarum, est fauorabilis, & sic eius concessio venit latè intelligenda; vnde quando Papa sibi illam non reseruat, censetur concedere Episcopis facultatem absoluedi. vt not. in c. nuper. de sent. excom.

Cap. 55. In Genesi,

IRRITA est electio, quam collatio non præcessit, vel quæ facta non est à maiori parte capituli, vel quæ non fuit communis.

QUIA ista tria sunt de substantiali forma electionis. vt in tex. & sup. c. quia propter. Et quoniam defectus formæ reddit actum nullum, ipso facto. glos. fin. hic. & not. sup. in c. cum ana. Ideo si electio sit talis, vt in ea veniat seruanda forma tradita per d. c. quia. si in ea ista tria superius enumerata non interueniunt, electio est ipso iure nulla. vt in tex. Secus si esset electio, in qua dicta forma necessario non requiritur; nam in ea sufficerent singulares consensus canonicorum, licet non subsequeretur electio communis nomine capituli. Innoc. hic. ver. numero. Sicut etiam tunc teneret electio, licet non præcesserit collatio, vt not. in d. c. quia. Maior verò pars capituli, semper requiritur, (nisi per priuationem illorum istius partis, tota potestas sit deuoluta ad partem minorem) ad hoc, vt electio sit valida, & censeatur facta à toto capitulo. vt not. sup. in c. cum ana. Forma verò, quæ est seruanda, quando fit electio communis, hodie habetur infr. in 6. c. sicut. & de re iudic. c. cum ab vno. eod. lib. vt puta, quod vnus nomine capituli eligat per verba singularis numeri, vt in dictis iuribus. Et si quaratur per quem; dic per eum, qui habet primam vocem, vel per eum, cui capitulum commiserit, vel si capitulum expresse non commisit; saltem si vnus eligat nomine omnium, ipsis præsentibus, qui & ratum habuerint; præsertim in re fauorabili, qualis est electio, per quam prouidetur ecclesiæ. glos. in d. c. si cut. ver. per vnum. Quomodo autem sit facienda collatio numeri ad numerum, zeli ad zelum, & meriti ad meritum; latè hic tractant Innoc. & Abb.

Abb. Nisi enim fieret ista collatio, non posset sciri, quis à maiori parte, numero; quis à saniori parte, zelo; & quis ab eligentibus maioris auctoritatis electus, sit maioris meriti, glos. fin. infra in c. ecclesia.

Cap. 56. Massana.

NON valet electio Pontificis per laicos, & canonicos facta.

QU^{VI}A ius eligendi in Ecclesia, est quid spirituale. supra. c. sacrosancta. Et quoniam laici non sunt huiusmodi iuris capaces. c. causam. de prescript. Nec alius citra Papam, potest eos habitare ad huiusmodi ius spirituale tenendum. d. c. sacrosancta. Ideo nec canonici, nec Episcopus, possunt eos admittere ad ecclesiasticam electionem faciendam. ut in tex. Vnde si canonici fecerint electionem simul cum laicis, ex admixtione laicorum, qui sunt incapaces, & in odium illos admittentium, talis electio redditur nulla. Abb. hic num. 5. Et sic imputatur ipsis canonicis, quia illud, quod potuerunt, noluerunt, & illud, quod voluerunt, adimplere nequiverunt. c. cum super. de offic. deleg. Propter enim huiusmodi admixtionem, canonicorum electio, quæ esset utilis, redditur inutilis. Butr. hic num. 2. Cum enim electio sit vnus actus inseparabilis. c. prudentiam. de offic. deleg. non potest pro parte valere, & pro parte non valere; sed contra communem regulam, in tali casu inutile viciat utile. glos. in c. utile. de reg. iur. in 6. Et hæc intellige, quando laici admittuntur ad coeligendum, secus si admittentur propter aliquam utilitatem Ecclesiæ; ut puta, admittitur tabellio ad scribendum electionis processum, vel vocantur laici, ut defendant clericos electores contra schismaticos, & alios ipsos impediētes, & similia. ut in c. vota. §. principibus. dist. 63.

ETIAM si hoc habeat consuetudo.

QU^{VI}A talis consuetudo est contra Ecclesiasticam libertatem. supra. c. sacrosancta. Et non potest reddere laicos capaces ad possidendum ius spirituale. c. causam. de prescript. Ideo nulla temporis longinquitate defenditur. c. cū inter. de consuet. Et nunquam praescribitur. c. fin. d. tit. de consuet. cum enim sit sacris canonibus inimica, est potius dicenda corruptela; & ideo extirpanda. c. cum venerabilis. d. tit.

Cap. 57. Ecclesia.

NON sufficit ad confirmationem electionis, quod sit facta à maiori parte capituli, nisi etiam illa pars sit sanior.

QU^{VI}A ista duo requiruntur copulatiue ad hoc, ut gesta per collegium sint valida; & censeantur facta a toto collegio; scilicet, maior pars respectu numeri, & sanior respectu auctoritatis, zeli, & me-

De Elect. & electi potestate .

151

& meriti, tam eligentium, quam electi. *glos. fin. hic & Abb. num. 12.* ubi late prosequitur, quomodo ista prebentur. Et quoniam tota copulatiua redditur falsa, ex falsitate vnius partis. *c. 2. & ibi glos. 1. & c. inter. de re scripte.* Ideo ut electio sit valida, debet esse facta à maiori, & saniori parte capituli. *c. 1. de his, quæ si. à ma. par. cap. & supra. c. quia propter.* Vnde si ex eodem scrutinio fierent duæ electiones, una à maiori parte respectu numeri; alia a saniori respectu zeli, & auctoritatis, neutra valeret. *glos. fin. & Hostign. hic.* Electio vero facta a minori parte, solum valet in casu electionis concurrentis cum postulatione, ut supra. *c. scriptum.* Et quando ius maioris partis est deuolutum ad minorem ratione delicti perpetrati a parte maiori. supra. *c. congregato.* Sed pars maior præsumitur sanior, nisi contrarium probetur, ut in *tex. & glos. 1. in d. c. 1. de his, quæ si.*

Cap. 58: Publicato .

PUBLICATO scrutinio, non possunt electores variare.

QUIA per actus præcedentes vsque ad publicationem scrutinij inclusiue, electores fecerunt quicquid ad eos spectabat, & functi sunt officio suo; nam electio communis, quæ debet subsequi, non est singulorum, sed capituli; & requiritur solum pro forma, ut electio appareat communis. ut supra. *c. in genesi. & Abb. hic nu. 3.* Et quoniam quando aliquis in talibus functus est officio suo, non potest variare, etiam si adhuc non sit ius alteri quæsitum, arg. *c. si tibi. de præb. in 6.* Ideo, licet nulla obligatio orta sit nominato, vel electo, etiam post publicationem scrutinij, antequam electus consentiat electioni; nam absenti nihil acquiritur. *l. absenti. & ibi Bart. ff. de donat. & d. c. si tibi, electores, publicato scrutinio, variare non possunt, ex quo per consensum præstitum in scrutinio, & alios actus præcedentes, functi sunt officio suo. arg. c. in litteris. de offic. deleg. & Abb. hic d. num. 3.* Verum si publicato scrutinio, vota eligentium reperirentur æqualia, tunc possunt electores variare; nam non potest ex illo scrutinio, quantumcunque publicato, sequi electio; cum non consenserit in aliquem maior pars. arg. supra. *c. quia propter, & c. Ecclesia & ibi gl. fin.* Vnde cessat ratio huius *tex.* quod functi sint officio suo. Et ex variatione tunc nulla infamia irrogatur nominato; cum nemo habuerit maiorem partem capituli. *Abb. hic num. 7.* Et ex hoc inferitur, quod publicato scrutinio, potest minor pars accedere ad maiorem partem; quia ex votis minoris partis non potest sequi electio, & nullum ius est acquisitum nominato, ad quod *fac. not. per glos. fin. in c. cum in iure. supra. eod.*

S E D compelli debent ad collationem, & electionem.

QVIA

QU^{IA} ex quo negotium est quasi captum per consensum praestitum a scrutinio, necesse est illud consummare. arg. l. si quis. §. qui. ff. mand. ubi quis tenetur consummare mandatum, quod suscepit. & l. in commodato. §. sicut. ff. commod. Adiuuari enim beneficijs nos oportet, non decipi. d. l. in commodato. & infr. de commod. c. vnic. Et quod semel placuit, amplius displicere non potest. c. horrendus. 32. q. 5. Et quae simpliciter promittuntur, sine conditione soluntur, c. non solum. 32. q. 8. Et quae non cepit, deliberet; quae est ingressa, perseueret. c. nuptiarum. 27. q. 1. Ideo tales electores merito sunt compellendi perficere, quod ceperunt. glos. fin. hic. Et in hoc casu valet electio, licet non fiat in continenti; quia fraus, & dolus eorum non debent obesse. nominato. d. glos. hic. & ita non contradicunt supra c. quia propter. & c. cum post petitam ubi habetur, quod post publicatum scrutinium, debet sequi incontinenti collatio, & postmodum electio; alias electio protrahita non valet, ut in dictis iuribus. Nam illud procedit, ubicunque protrahitur electio ex negligentia, & ignavia eligentium; secus si eligentes differant in fraudem electi. d. glos. hic. Tunc enim non debet mora electionem vitare; nam non potest adiri superior, ut compellat istos, publicato scrutinio, ad eligendum, quin mora interponatur. Abb. hic nu. 8. Quis autem sit iste superior, qui habebit compellere electores? Dies, quod ille, ad quem spectat confirmatio, licet alias non sit ordinarius istorum eligentium; quia ex quo conceditur confirmatio, videntur concessa omnia praambula, per quae peruenitur ad ipsam confirmationem. arg. cap. praeterea. de offic. deleg. & Io. Andr. hic col. fin.

Cap. 59. Si alicuius.

CASSATA electione per simoniam, etiam sine culpa electi, non dispensat Episcopus ea vice cum cassato.

QU^{IA} si talis posset in ea vacatione ad illam praelaturam eligi, vel promoueri, ex proximitate vitij videretur promotio vitiosa. glos. 2. hic. nam ea, quae incontinenti fiunt, videntur inesse. supr. c. officij & ff. si cert. pet. l. electa. Et quoniam aliquando quis in peditur sine sua culpa, ne aliquid consequatur, dum tamen adsit causa vrgens, propter quam ad id assequendum remoueatur. c. transmissa. de fil. presb. Ideo propter grauitatem vitij simoniae, ut etiam eius malus odor, & suspicio euitetur, prohibetur, ne talis electus possit tunc promoueri, donec per intermediam personam electam fuerit purgatum vitium sin. o. nia. d. glos. hic. Et quoniam non reperitur concessum Episcopis, ut possint in tali casu dispensare. Abb. hic nu. 4. Ideo dispensatio tunc intelligitur eis prohibita. ut not. supr. in c. dudum. il. 2.

SECVS, si electus libere resignauit.

Quia

QU^{IA} per liberam resignationem sponte factam ante motam, quæstionem, statim atque ipse audiuit, se taliter fuisse promotum, & electum, eius innocentia aperitur, & ille malus odor simonie remouetur. glos. 2. hic. & c. præsentium. 1. q. 5. Ideo cum eo facilius dispensatur, concedendo Episcopis tunc dispensandi facultatem, dummodo illud beneficium sit simplex. vt in tex. nam circa maiora beneficia, in quibus cautius est agendum, Episcopi tunc dispensare non possunt, nisi ecclesiæ utilitas suaderet. Host. hic, & Io. Andr. col. 2. In omnibus autem casibus, in quibus dicitur Episcopum posse dispensare, intellige, dummodo non sit cum ipso commissæ simonia. d. c. præsentium. Resignatio autem tunc dicitur esse libera; si excludatur omne pactum, & spes expressa; nam de occulta solus iudicat Deus. Butr. hic in fin.

Cap. 60. His, quibus.

ELECTORIBVS *impeditis currit tempus, si possunt impedimentum tollere.*

QU^{IA} qui potest facere, vt possit conditioni parere, iam possit videtur. l. qui potest. ff. de reg. iur. Et qui potest facere, & non facit, imputet sibi. l. Labeo. ff. de contrahen. empr. Negligentibus enim iura non subueniunt. l. non enim. ff. ex quib. caus. maior. Ideo sicut electoribus curreret tempus, si non essent impediti, ita debet currere, si possunt impedimentum remouere, & non remouent. glos. hic. & glos. 1. in d. l. qui potest. Si verò sunt legitime impediti, eis tempus non currit. glos. hic; ne sine culpa iure suo priuentur. c. quia. de concess. præb.

In Sexto. Cap. 1. Statuimus.

SI aliquid opponatur contra prouisionem, electionem, vel postulationem factam ad personatum, dignitatem, vel canoniam, in personam, vel formam; & ob hoc fuerit appellatum ad Papam, appellans, & defendens, & quorum interest, à die obiectionis intra mensem arripiant iter eundi ad Papam.



VI^A cum diuturnæ vacationes ecclesijs sint periculose; & cum multi sæpe interponant malitiose appellationem ad vexandum aduersarium, & ad subterfugium propriæ culpæ prolongandum. infr. c. cupientes. Ideo pro opportuno remedio contra huiusmodi mala, fuit assignatus iste terminus competens, vt intra mensem à die appellationis ad Sedem Apostolicam interpositæ, iter ad illam arripiatur, vt sic
V & di-

& dictis malitijs obuietur, & appellans non nimis incommode ad iter statim post appellationem interpositam arripiendum, adstringatur. vt in d.c. cupientes.

§. Sed si pars.

SI pars altera expectata per viginti dies post aduentum alterius non venerit, in negotio procedatur.

QU^{IA} terminus superius assignatus ad iter post appellationem, interpositam arripiendum, non arcebat ad se iudici presentandum. Gemin. hic nu. 1. Et quoniam erat conueniens, vt alius terminus ad hoc assignaretur, ne pars, quæ comparuit, aliam partem nimium expectare deberet. glos. hic. ver. absentia. Ideo statuitur, vt si alia pars non venerit intra viginti dies post aduentum alterius partis, in electionis negotio, non obstante cuiusquam absentia, per iudicem possit procedi ad quemcunque actum iudicalem, ac si ille contumax esset presentens. Archid. hic nu. 5. Debet tamen pars, quæ comparuit, docere se obseruasse tempora huius cap. & petere, vt procedatur contra absentem, vt latè hic per Compostell.

§. Adjicientes.

NON probans, quod in formam opponit, condemnatur parti alteri in expensis.

QU^{IA} cum ille, qui obijcit in formam, tangat ius, quod clarum, & indubitatum est. extr. c. quia propter. non potest habere iustam, ignorantie causam; nam non licet clericis ignorare canonicas sanctiones. extr. c. 1. de constitut. Et quoniam regulare est, vt victus, qui non habuit probabilem causam litigandi, condemnatur victori in expensis, tam ad indemnitate illi seruandam, qui fuit iniuste vexatus, quam in pœnam temeritatis victi, qui causam non legitimam præsumpsit deducere in iudicium. c. calumniam. extr. de pœnis. & Bart. in l. si quis. ff. de posit. Ideo cum iste non probans non possit legitime excusari, iuste in expensis debet alteri parti condemnari. vt in tex. & glos. in c. finem. ver. expensas. extr. de dolo, & cont.

NON probans, quod obijcit in personam, est à beneficijs triennio suspensus.

QU^{IA} quilibet præsumitur bonus, nisi probetur malus. c. dudum. extr. de præsumpt. Vnde qui non probat crimina, quæ obijcit, videtur fecisse animo calumniandi. c. super his. de accusat. & glos. 2. in c. 2. de calumn. Et quoniam calumniatores sunt puniendi. c. 1. d. tit. de calumn. cum contraueniant diuino præcepto, quo dictum est: Diliges pro-

proximum tuum, sicut te ipsum, quem ipsi odio prosequi ostendunt, dum iniuste illi mala inferre perquirunt. c. si non licet. 23. q. 5. Ideo talis calumniator in pœnam per triennium à beneficio suspenditur. vt in tex. Quæ tamen suspensio non extenditur, nisi ad illa beneficia, quæ iste obijciens obtinet in ea ecclesia, de cuius electione tractatur. glos. hic. ver. beneficijs. & infr. c. si compromissarius. & ibi glos. fin.

ET perpetuo priuatus, si se interim ad illa misceuerit.

QUIA supradicta pœna suspensionis incurritur ipso iure, cum tex. hic loquatur per verba præteriti temporis, dum dicit: No-uerit se suspensum. Archid. ver. suspensum. Et quoniam suspensus à beneficijs, si se ingerit illis, à quibus est à iure suspensus, efficitur irregularis. vt not. infr. c. 1. de re iudic. & c. fin. extr. de cler. excomm. Et propter eius temeritatem, & contemptum, meretur beneficijs perpetuo priuari, vt sic puniatur in eo, in quo deliquit. Archid. in c. si quis Episcopus. 11. q. 3. Ideo etiam in hoc casu post incursum suspensionem, imponitur pœna priuationis. vt in tex.

HAEC pœna locum non habent, si legitime pateat, eum calumniosum non fuisse.

QUIA cessante causa, cessat effectus. c. post translationem. de re-nunt. Et quoniam causa, vt imponerentur hæc pœnæ, erat culpa calumniandi, quæ præsumebatur contra obijcientem, qui non probauit, vt dictum est superius. Ideo si manifestissimis constiterit documentis, quod obijcientem à calumniæ vitio causa probabilis, & sufficiens excuset, remouetur illa præsumptio, quæ erat contra ipsum de calumnia; & sic pœna, quæ propter illam imponebatur, debet cessare. vt in tex. Qui enim non est in culpa, pœnam non meretur. c. disciplina. dist. 45. Et qñ non stat per eum, ad quæ pertinet, quominus condicio impleatur, perinde debet haberi, ac si impleta fuisset. c. cum nō stat. infr. de reg. iur.

Cap. 2. In electionibus.

VOTA conditionalia, & alternatiua, & incerta in electionibus reprobantur.

QUIA eligere, est actus legitimus. infr. de sent. excom. c. solet. & glos. infr. eod. c. vt circa. ver. eligentium. Et quoniam actus legiti-mi conditionem non recipiunt, neque diem. c. actus. infr. de reg. iur. nam in ipsis requiritur certus, clarus, & liber consensus, qui per conditionem, alternatiuam, & incertitudinem redditur incertus, ob-scurus, & non liber. glos. in d. c. actus. Ideo talia vota in electionibus reprobantur. vt in tex. & Archid. hic nu. 2. Si verò esset talis conditio, quæ inest de sui natura, puta; confero tibi talem ecclesiam, vel præben-

V 2 dam

dam, si vacat, vel si capax es; tunc non vitiatur legitimus actus; quia talis expressio non facit actum conditionalem, cum subintelligatur, etiam si non exprimitur. *glos. hic ver. incerta.* unde de tali conditione idem existimatur, ac si non fuisset appposita. *l. conditiones. ff. de condit. & demonstrat.*

ET habentur pro non adiectis.

Q V I A talis appositio in voto electionis est contra substantiam liberi voti, quod debet esse in electione, ut dictum est superius, & Gemin. hic nu. 2. Et quoniam, quæ contra ius fiunt, debent pro infectis haberi. c. quæ contra. *infr. de reg. iur.* Et defectus formæ substantialis vitiat actum. *l. non dubium. C. de legib.* Ideo vota talium non computantur, sed perinde habentur, ac si nullum nominassent. *Archid. hic. ver. pro non adiectis.*

ET recidunt in pure consentientes.

Q V I A regulare est, ut ubi una pars collegij in aliquo actu delinquit, tota facultas collegij deoluatur pro illa vice ad aliam partem, quæ non deliquit; ut sic illi puniantur in eo, in quo peccarunt, & isti possint complere actum, ne ex aliorum culpa remaneat imperfectus. c. eum Vintoniensis. *extr. cod. & infr. de suppl. negl. prel. c. 2.* Ideo ex quo pars illa deliquit, non legitime dando voca, alia pars, quæ legitime vocat, totum capitulum repræsentat. *glos. fin. hic, & Arch. in fin.*

Cap. 3. Vbi periculum.

P E R hanc constitutionem supplentur ea, quæ experientia probauit deesse in prioribus constitutionibus editis ab alijs Summis Pontificibus, & præsertim ab Alexandro Tertio, pro euitanda discordia in electione Romani Pontificis.

Q V I A ubi periculum maius vertitur, ibi plenius est consulendum. ut in tex. Et quoniam proluxa Romanæ Ecclesiæ vacatio est periculosior, quam aliarum ecclesiarum vacationes. ut in tex. Ideo Summus Pontifex, qui etiam in reformandis vacationibus inferiorum ecclesiarum intendit, multo magis debet intendere, & providere circa ea, quæ expediunt pro euitanda discordia, quæ posset Romani Pontificis electionem prolongare; & ob id præter statuta circa hoc ab alijs Summis Pontificibus, Gregorius Decimus per hanc suam constitutionem approbatam in Concilio Lugdunensi, multa in hoc supplet, & disposuit. ut in tex.

§. Hoc sacro .

CARDINALES, qui sunt presentes in Ciuitate, in qua Summus Pontifex tunc defunctus cum sua curia residebat, tenentur expectare Cardinales absentes decem diebus pro electione futuri Pontificis ibi facienda .

QU^{IA} cum mors Summi Pontificis sit per se notoria, fufficit Cardinales expectare, non autem est necesse eos vocare, vt sit in alijs electionibus inferiorum prælatorum, in quibus electores absentes sunt vocandi. gloss. hic ver. decem . Et quoniam prolixa vacatio Romanæ Ecclesiæ est multis plena periculis. vt in tex. Ideo non assignatur longius tempus ad eos expectandum, quam decem dierum à die mortis Pontificis; quod tempus datur non solum ad Cardinales absentes expectandum, sed etiam ad faciendam preparationem in conclaui pro illis, qui sunt presentes. Archid. hic ver. decem .

DISPONITVR de clausura, de seruitoribus, de cibo, ac potu, & alijs obseruandis in conclaui .

QU^{IA} per ea, quæ hic statuuntur, prouidetur necessitati Cardinalium inclusorum; & disponitur modus, per quæ cito perueniant ad bonam electionem. gloss. hic ver. camera .

§. Si quando .

PAPA mortuo extra suam curiam, seu locum audientie causarum, celebrari debet futuri Pontificis electio in Ciuitate, in cuius districtu, seu territorio est defunctus .

QU^{IA} cum electio Romani Pontificis sit negotium principalissimum, eius dignitas non patitur, vt in vilibus locis celebretur; præsertim cum in illis non possint commodè exerceri ea, quæ per hanc constitutionem circa conclaue, & alia hoc negotium concernentia, disponuntur. arg. c. statutum. in princ. de rescript. hoc lib. Et quoniam prolixa Romanæ Ecclesiæ vacatio est plena periculis. vt supr. in tex. Ideo eius necessitati non conuenit, vt ad remotiores ciuitates pro electione celebranda profiscatur; sed cum illa non possit fieri in loco regulariter deputato, scilicet vbi Papa cum sua curia residebat, debet fieri in loco magis apto, & propinquo, & sic in ciuitate capite illius districtus, vbi Papa est defunctus. arg. c. statuimus. infr. de offic. deleg.

NISI sit interdicta, aut Romana Ecclesia rebellis .

Quia

QUIA licet electiones aliorum prælatorum non reperiantur prohibita fieri in huiusmodi locis; Speciale tamen debet esse in electione Romani Pontificis, propter eius prærogatiuam, ut in talibus locis tanto negotio indignis, non celebretur. *glos. hic. ver. interdicta. & Gemin. num. 2.*

S. Præterea.

DOMINI, alique Rectores, & Officiales ciuitatis illius, in qua Romani Pontificis electio fuerit celebranda, auctoritate Apostolica ex hoc canone, & approbatione generalis Concilij Lugdunensis, faciant præmissa omnia obseruari.

QUIA parum est iura condere, nisi sit, qui eadem tueantur. ut in *tex.* Et quoniam in hoc casu non est alius præter istos, qui possit prædicta tueri. *glos. hic. ver. præsumant.* Ideo propter bonum publicum, in aliorum defectum, qui non adsunt superiores, sicut est in electionibus inferiorum, qui possint electionem tueri, per hunc canonem, datur auctoritas istis laicis, præmissa tuendi etiam contra clericos. *d. glos. hic. & Francus nu. 1. Et vide alios casus in similibus. permisos laicis propter bonum publicum. in c. principes. 23. q. 5. & c. si quis. dist. 79.*

S. Cæterum.

OBTESTATUR Cardinales, ut in electione Romani Pontificis deponant omnem priuatum affectum.

QUIA cum arbitrium, vel inordinatus captiuat affectus, vel ad certum aliquem obligationis cuiusque necessitas adigit, cessat electio, dum libertas adimitur eligendi. ut in *tex.* Et quoniam Cardinales debent attentius pensare, quid eis imminet, cum agitur de creatione Vicarij Iesu Christi, successoris Petri, Rectoris vniuersalis Ecclesiæ, gregis Domini directoris. ut in *tex.* Ideo omni priuatæ affectionis inordinatione deposita, & cuiuslibet passionis, conuentionis, obligationis necessitate, necnon conditi, & intendimenti contemplatione cessantibus, non in se reciprocent considerationis intuitum, vel in suos, non quæ sua sunt querant, non commodis priuatis intendunt; sed nullo arctante ipsorum in eligendo iudicium, nisi Deo puris, & liberis mentibus nuda electionis conscientia vtilitatem publicam libere prosequantur omni conatu, & sollicitudine (prout possibilitas patitur) id acturi tantummodo, ut eorum ministerio acceleretur vtilis, & pernecessaria totius mundi prouisio, idoneo celeriter eidem Ecclesiæ sponso dato. ut in *tex.* & vide Turrecrematam in Summa de Ecclesia. lib. 2. c. 36.

ET cassat omnia pacta, obligationes, & iuramenta, quæ data, vel facta essent de aliquo eligendo.

QU^{IA} cum talia pacta, obligationes, & iuramenta sint illicita. vt in tex. nullatenus sunt obseruanda. c. quanto. extra de iurciur. nam Deo magis est accepta transgressio iuramenti illiciti, quam eius obseruatio. vt in tex. Et hoc clarum est de iuramentis illicitis, de quibus loquitur hic tex. de quibus etiam si Papa hic non dixisset, non tenerentur illa obseruare; dicit autem, vt ipsi minus excusentur. Archid. hic col. fin. licita autem iuramenta an Papa possit tollere, vide tex. not. in d.c. quanto. & c. venientes. eod. tit. vbi dicitur, quod in omni iuramento intelligitur excepta auctoritas superioris, & ideo Papa potest tollere, & cassare promissiones iuratas factas inter subditos. d.c. venientes, & glos. in c. constitutus. extra de rescript.

§. Quia vero.

MONET omnes fideles, vt statim, audita Summi Pontificis morte, eius celebrent exequias;

QU^{IA} cum summus Pontifex rector vniuersalis Ecclesie nō cesset pro communi vtilitate laborare. supra. §. prox. & in proemio huius libri; Ratio beneficentie postulat, vt in vita, & in morte ab omnibus fidelibus pro eius salute Deus deprecetur. c. visu. de consecrat. dist. 1. & simile de Imperatore dicitur. in l. præcipimus. C. de appell.

ET quotidie orent pro vigili, concordi, & utili prouisione Romana Ecclesia.

QU^{IA} fidelibus non est tam de sollicita quantumeunque inuentione fidendum, quam de instantia orationis humilis, & deuote sperandum. vt in tex. Respublica enim potius religione, & officio, quam labore corporis continetur. c. in qualibet. 23. q. 8. Et quoniam in electione Romani Pontificis tractatur de vtilitate totius orbis. vt in tex. Ideo statuitur, vt in omnibus ciuitatibus, cæterisque locis insignibus, vbi primum de Pontificis morte certitudo claruerit, a clero, & populo, solemnibus pro eo exequiis celebratis, singulis diebus, (donec de ipsius Ecclesie prouisione indubitanter rumor pertulerit veritatem) humiles preces fundantur ad dominum, apud eum deuotis orationibus insistatur, vt ipse qui concordiam facit in sublimibus suis, sic efficiat eorundem Cardinalium corda in eligendo concordia, quod prouisio celer, concors, & vtilis (pro vt animarum salus exigit, & totius orbis requirit vtilitas) ex ipsorum vnanimitate sequatur. vt in tex.

PRÆLATI autem in suis predicationibus ipsos subditos ad hoc hortentur.

hortentur, & frequentiam orationum, & obseruantiam ieiuniorum indicant.

QU^{IA} licet constitutionis in corpore iuris clausæ non sit tolerabilis ignorantia; & quilibet præsumatur illam scire post duos menses a die publicationis absque alia notificatione. vt not. in c. 1. extr. de constitut. Tamen si dicta constitutio non est semper in vsu, sed raro practicatur per temporis interualla; tunc debet intimari, cum casus euenerit; alias esset probabilis ignorantia. Anchar. hic. & Francus num. 10. Ideo ne tam salubre præsentis sanctionis edictum, prætextu ignorantie negligi contingat, præcipitur omnibus Ecclesiarum Prælati; cæterisque, quibus concessum est proponere verbum Dei, vt clementum, & populum propter hoc specialiter frequentius congregandos in suis sermonibus ad supplicum precum suffragia pro celeri, & felici exitu tanti negotij frequentanda, solerter hortentur; ac etiam leiuiorum obseruantia (prout circumstantiæ pensandæ suaserint) indicant. vt in tex.

Cap. 4. Vt circa.

APPELLANTES contra electiones, postulationes, vel prouisiones, omnia, quæ obicere intendunt contra personam, vel formam, tenentur exprimere, & iurare, quod illa credunt vera esse, & ea se posse probare.

QU^{IA} vt circa electiones, postulationes, & prouisiones ecclesiasticas via malitijs (pro vt est possibile) præcludatur, ne diutius periculose vacent Ecclesiæ, vel personatum, dignitatum, & aliorum ecclesiasticorum beneficiorum prouisio differatur; præter alias constitutiones super hoc factas ab alijs summis Pontificibus, fuit per hanc constitutionem Gregorij Decimi sancitum, vt supradicta requisita in huiusmodi prouisionibus adhibeantur. vt in tex.

SVPER non expressis, ipsi, vel adhaerentes eis, non audientur.

QU^{IA} cum supradicta præcipiantur exprimi, vt malitijs, quæ possent interuenire ad impediendam electionem, obuietur. vt in tex. Si non fuerint expressa, fit contra præceptum legis, & ideo præsumitur malicia. Archid. hic ver. alioquin. Et quoniam malitijs non est indulgendum. c. sedes. extr. de rescript. Sed quisque de sua culpa est puniendus. c. disciplina. dist. 45. Ideo tam vt obuietur malitijs in posterum, quam vt puniantur in præteritum, talibus interdicitur potestas, ne amplius proponant circa ista. vt in tex. & Gemin hic in fin. Et idem censetur de adhaerentibus, quod de principalibus. vt in tex. nam qui adhæret alicui, vnus spiritus est cum eo. c. damnamus. extr. de sum. Tri
njt.

nec & c. nec mirum. 26. q. 5. Et coherencia consentur sicut ea, quibus coherent. c. volentes. infr. de offic. leg. Sicut agentes, & contentientes pari pena puniuntur. c. vorum. 2. q. 1. Vnde adherentes debent seruare ea, quæ in hac constitutione continentur, sicut ipsi principales; & si hoc non esset, non præcluderetur via malitijs, sicut intendit ista constitutio; nam adherentes possent malitiose multa facere, & vna via concederetur, quod alia prohibetur; quod esse non debet. glos. hic. ver. adherentes. Illi autem dicuntur posse adhærere, quorum interest in causa, & non alij. c. cum inter. il. 1. extr. eod. Et Archid. hic. ver. adherentes.

NISI de nouo emergant, vel perueniant, vel superueniat probandi facultas.

QUIA quæ de nouo emergunt, nouo indigent auxilio. c. insinuant. extr. de offic. deleg. & l. de ætate. ff. de interrog. act. Et quoniam tempore appellationis interpositæ, appellans ista exprimere non poterat, cum de ipsis non posset cognitio, vel probatio haberi. glos. hic. ver. peruenerint. Ideo tunc non est, quod ipsis imputetur, vt in posterû probandi facultas circa talia debeat impediri. Archid. hic. ver. nisi.

SVPER quo iurare debebunt.

QUIA per huiusmodi iuramentum remouetur illa præsumptio, quæ poterat esse, quod ipsi velint adhuc malitiose proponere ista, ex quo à principio diligenter inquirere debebant. glos. penult. hic. Et quoniam dependet à propria conscientia, an iste malitiose opponat, vel non. Gemin. hic. §. super. Et quæ occultè à conscientia dependent, aliter probari non possunt. c. pastoralis. extr. de except. Ideo in tali casu statur proprio iuramento. cap. si vero. il. 2. extr. de sent. excommun. & Archid. hic. in fin.

STATVTVM Innocentij editum contra non probantes, quæ obijciuntur in personam, vel formam, in suo robore conseruatur.

QUIA in tali statuto ponitur pœna deficientis in probatione. vt sup. c. 1. hic. verò ponitur pœna non seruantis hanc formam in appellando. glos. fin. hic. Et quinque concordantias cum totidem differentijs inter d. c. 1. (in quo habetur istud statutum Innocentij) & hanc constitutionem Gregorij Decimi, enumerat Gemin. hic. §. fin. Ideo cum hæc constitutio non sit contraria illi, sed diuersa; vna non tollit aliam. l. vnic. C. de inoff. dotib. & l. Papinianus. ff. de minor.

Cap. 5. Auaritiæ.

ELECTVS ante confirmationem administrare non debet, per se, vel per alium.

X

Quia

Q V I A . si electi ante confirmationem administrarent , postea de confirmatione non curarent , ne se submitterent periculo cassationis ; maxime ij . qui non habent cōsecrari . Et confirmatio nil videretur operari , si administrationem per electionem haberent ; & non possent sic de facili remoueri , si contingeret electionem cassari . glos . hic . ver . confirmetur . Ideo , licet per electionem acquiratur electo ius pralaturæ , & ius administrandi ; non tamen acquiritur exercitium pralaturæ , vel administrationis , sed illud acquiritur per cōfirmationem . vt not . in c . noli . & c . qualiter . extr . cod . Et sicut non debet ante confirmationem electus administrare per se , ita non debet per alium . vt in tex . nam talis faceret fraudem legi , dum obseruaret verba legis , fingendo se non administrare tanquam electum , sed tanquam æconomum , vel procuratorem ; & contraueniret menti legis , quæ intendit , illum nullo modo posse ante confirmationem administrare . vt in tex . Et ista vocatur fraus de vno contractu ad alium contractum : nam quadrupliciter fit fraus legi . Primò de re ad rem , id est , quando in fraudem datur aliqua res . Secundo de persona ad personam , vt cum quis sub persona alterius exercet vsuram . Tertiò de vno contractu ad alium contractum , vt cum mulier non possit donare aliquid viro , fingit illud vendere ei . Quartò modo fit fraus de vno contractu ad alium , sed alio modo , vt cum mulier non possit fideiubere , constituit se principalem debitricem . glos . i . in c . plerique . 14 . q . 3 .

I N totum , vel in partem .

Q V I A . idem iuris est de toto , quod de parte . l . quæ de toto . ff . de rei vendicat . & c . vulgaris . de pœnit . dist . 1 . Ideo sicut non potest talis electus administrare in totum , ita nec in partem ; cum non sit maior ratio de vna parte , quam de alia ; & in quacunque se immisceret , gereret se pro administratore . glos . hic . ver . pro parte , & Archid . ver . per se .

S V B quocunque colore .

Q V I A . quocunque modo talis se ingereret , faceret fraudem legi , quæ intendit , vt nullo modo electus administret ante confirmationem , vt dictum est superius . Et quoniam malitijs hominum non est indulgendum . vt in tex . Ideo vt remoueaturs ista fraus , quam auaritia , cœcitas , & dampnandæ ambitionis improbitas inuenerant , hic clarius statuitur contra tales , quam fuerit factum per alia iura ; cum hic prouideatur non solum ex eadem mente legis ; sed etiam ex verbis expressis , vt sic isti non possint venire , nec contra mentem , nec contra verba legis . vt in tex . & glos . ver . latius . Per hanc tamen constitutionem non mutatur , quod de Papa , de Imperatore , & de vlttramontano concorditer electo immediatè Papæ subiecto , alibi inuenitur statutum ,
vt ipsi

ut ipsi possint administrare, quamvis non confirmati. *glos. hic. ver. ecclesiarum.*

*QVI contraxerint, ipso iure privati sunt iure ex electione
quasi.*

QUIA secundum Apostolum, nemo debet sibi honorem assumere; sed qui vocatur à Deo, tanquam Aaron. ad Hebræos c. 5. Et quoniam si talis electus administrat ante confirmationem, assumit sibi honorem, quem debet à superiore expectare. c. qualiter. extr. eod. Ideo talis tanquam ambitiosus est repellendus. c. in scripturis. 8. q. 1. Præterea, talis peccat faciendo contra canonem, qui prohibet hanc administrationem. ut in tex. Ideo poenam meretur, & præcipue, ut puniatur, in quo peccauit. c. inter. de excess. præl. Præterea simulata æquitas, duplex est iniquitas; nam facit malum, & abutitur bono. Clementi. ad nostrum. de hæretic. Et quoniam talis simulat administrare tanquam alius, & se ingerit ratione electionis, quod ei est prohibitum. *glos. fin. hic.* Ideo ex his omnibus causis, talis meretur privati iure sibi ex illa electione quasi. Archid. hic in fin. Et licet per iura priora esset per sententiam priuatus, ut in dict. qualiter. Hodie per hanc constitutionem, est ipso iure priuatus. ut in tex.

Cap. 6. Quam sit.

ELIGENTES quam cito possunt, electionem electo præsentant.

QUIA per mutuum consensum electorum, & electi, initiatum matrimonium spirituale. c. cum inter. extr. eod. & c. licet. de translat. prælat. Et quoniam non solum iura testantur, sed etiam magistra rerum efficax experientia manifestat, quam sit ecclesijs ipsarum dispendiosa vacatio, & quam periculosa etiam soleat esse animabus. ut in tex. Ideo ne diu ecclesiæ vacent, sed ut initietur istud spirituale matrimonium, inter electores, representantes ecclesiam, & ipsum electum sponsum, postea per confirmationem perficiendum. c. nosti. extr. eod. Debent electores quamcitus commodè possunt, electionem electo præsentare, ut ipse possit consentire, & ad negotium perficiendum incumbere. ut in tex. Et cum hic non exprimitur, intra quod tempus debeat electio præsentari, videbatur relictum ad arbitrium boni viri. *glos. hic. ver. quæmetius.* Sed hodie habetur expressum, ut illam debeant præsentare intra octo dies. infr. c. cupientes. §. cæterum. Et si electores fuerint negligentes in præsentando, non per hoc nocent electo. d. §. cæterum. nam non debet alteri, per alterum iniqua conditio inferri. *glos. hic. ver. commode. & l. non debet. ff. de reg. iur.*

ELECTVS intra mensem consentiat.

X 2 Quia

QU^{IA} cum ex electione acquiratur ius electo, etiam antequam ille electioni consentiat. ut in tex. & infr. c. si religiosus: licet ipse non possit compelli absolute, & precise electioni de se factæ inuitus consentire. c. gesta. dist. 64. potest tamen compelli causatiue, & conditionaliter, scilicet, si vult consentire, quod consentiat intra tempus hic in iure assignatum, si causa ipsius ecclesia diu maneat suspensa; aliis priuatur iure sibi per illam electionem acquisito. ut in tex. & Cemin. nu. 1. Et mensis hic assignatus electo ad consentiendum, computatur a die presentationis sibi factæ de electione, ut in tex. cum antea ipse non sit in mora. glos. hic. ver. distulerit. Et habebit tot dies, quod habet ille mensis in quo fuit presentata electio; & si dies aliqui erant elapsi, suppleantur de mense sequenti. glos. hic. ver. mensem. Per quæ autem verba habeat electus consentire, ita ut non notetur nec ambitiosus consensus, nec superba recusatio; dic, quod, si se non cognoscit indignum, potest tepide consentire. glos. 1. c. in scripturis. 8. q. 1.

ALI^{AS} priuatus est iure quasi.

QU^{IA} cum talis electus sit negligens in consentiendo, non debet eius culpa, ecclesia diutius vacare. glos. hic. ver. distulerit, quæ notat, quod si talis legitime impeditus fuerit, non currit ei tempus; nam impeditus non differt. c. quia. extr. de concess. præb. Ideo propter ecclesiæ indemnitatē, & propter propriæ negligentie culpam, si ille intra mensem non consentit, ex quo consentire potest, priuatur ipso facto iure ex electione acquisito. ut in tex. Nec requiritur alia priuationis sententia, licet ubi dubium esset, posset per sententiam declarari, illum esse priuatum. glos. hic. ver. eo ipso.

NISI conditio personæ ipsum excuset.

QU^{IA} cum tunc non possit ei negligentia imputari, non debet iure ex electione sibi acquisito, sine sua culpa priuari. glos. ver. condicio. Sed est quædam conditio in tali casu requirenda licentia, per ipsos electores, vel per ipsum electum, ab illo superiore, qui potest remouere illam conditionem, propter quam ipse consentire electioni de se factæ non potest, ne ecclesia longius vacet. ut in tex. Et ex quo licentia est ei impartita, a die, quo potest consentire, currit ei iste mensis. d. glos. hic.

POST confirmationem, confirmationem petat intra tres menses.

QU^{IA} cum electus non possit ante confirmationem administrare. supr. c. prox. Et cum per confirmationem dicatur perfici spirituale coniugium inter electum, & ecclesiam. c. inter. extr. de transl. epis. Et quoniam est providendum ecclesiarum indemnitati, ne diutius vacent, ut dictum est superius, & extr. p. ne pro defectu. Ideo statuitur istud

competens tempus ad electionis confirmationē petendam per electum, post eius præsinitum electioni consensum. vt in tex.

ALIAS electio viribus vacuetur.

QU^{IA} sicut ipso iure priuatur iure sibi quæsito ille, qui intra mensem electioni de se factæ non consentit, vt dictum est superius; ita debet illius electio cassari, qui intra debitum tempus confirmationem non petit, ne etiam per istius negligentiam diutius ecclesia careat administratore. Archid. hic in fin. Requiritur tamen in isto casu sententia priuationis, quæ non requiritur in casu superiori, cum, tex. hic dicat euacuetur, quod verbum denotat futurum tempus; & in casu superiori dixit, ex tunc se nouerit eo ipso priuatum, quod denotat sententiam per ipsum ius infligendam. vt not. supr. in c. statuimus. quia, maius vinculum contractum est post consensum, quam ante; & ideo difficilius rumpitur. glos. ver. vacuetur. Et adde sancita in Concil. Trid. sess. 7. de reform. cap. 13.

Cap. 7. Perpetuo.

SI non sequatur electio, non est quis ex consensu in scrutinio scienter habito in indignum, eligendi potestate priuatus.

QU^{IA} iura, quæ priuant eligentes scienter indignum potestate eligendi, non dicunt, si in indignum consenserint, sed si indignum elegerint. vt extr. c. cum in cunctis. §. fin. Et quoniam per consensum præsinitum non potest dici facta electio, si illa non sequatur. extr. c. in genesi. Cum consensus ille dicatur esse singulorum, & electio dicatur esse communis, & collegij. vt in tex. & d. c. in genesi. Ideo pœna imposita pro electione, quæ dicit actum perfectum, qui sequitur post præsinitum consensum singulorum eligentium, non incurritur per solum consensum eorum, ex quo non est sequuta electio; qui consensus dicit solum actum imperfectum, & principium electionis. glos. fin. hic. Et vbi pœna imponitur ex gestione actus, quis non incurrit pœnam, dato, quod faciat principium actus, si postea non sequitur perfectio illius. glos. in c. vnic. ver. extorsit. infr. quod met. caus. nam in pœnis est benignior interpretatio faciendâ. c. in pœnis. infr. de reg. iur. Et hoc procedit quo ad pœnam legis positâ: nam quo ad Deum bene talis punitur, cum faciat contra conscientiam. vt in tex. & Gemin. nu. 2. Et etiam quo ad pœnam temporalem potest tunc talis puniri per superiorem iuxta qualitatem delicti, sed non illa pœna imposita à lege pro illo delicto perpetrato. vt in tex. & l. ita vulneratus. ff. ad leg. Aquil. Et vide Concil. Trid. sess. 7. de refor. c. 3. & sess. 24. de refor. c. 18.

Cap. 8. Nulli.

ELIGENS, vel electioni consentiens, contra electum se nequit opponere, vel renunciare.

QU^{IA} quis non potest mutare consilium in detrimentum alterius. c. mutare. infr. de reg. iur. Et quoniam si tales mutarent propositum, & possent retractare electionem, esset in praiudicium electi, cui est ius quæsitum: supr. c. quamvis. & venirent contra factum proprium, quod fieri non potest. glos. in cap. pœnitentes. dist. 55. Ideo licet consentire in electum à principio fuerit voluntatis, post consensum præstitum, in eo permanere, est necessitatis. c. quod semel. & ibi glos. infra de reg. iur.

NISI ex noua causa, vel nouiter ei pandita.

QU^{IA} quæ de nouo emergunt, nouo indigent auxilio. c. insinuant. extr. de offic. deleg. & l. de ætate. §. ex causa. ff. de interrog. act. Vnde regula; Quod semel & c. & alia superius similiter adductæ fallunt ex causa superuenienti, vel nouiter ad notitiam perueniente, sicut etiam fallunt in ijs, quæ improbantur a iure; Et in ijs, quæ non scienter placent, sed per facti errorem, in quibus quis non censetur consentire. l. nihil consensui. ff. de reg. iur. Similiter, ut dictæ regulæ habeant locum, requiritur, quod placeant non sola mente, sed etiam verbo, vel facto; Et quod alterius interfit, illa non mutari. glos. in d. c. quod semel. Ideo si noua causa emerferit, vel morum improbitas, seu alterius latentis vitij, vel defectus (quæ verisimiliter eligens ignorare potuerit) veritas reueletur, ipse eligens poterit huiusmodi electum impugnare. ut in tex. Et de huiusmodi ignorantia sufficit, ut fidem faciat proprio iuramento. ut in tex. nam cum in animo consistat, regulariter non potest aliter probari. glos. in c. homo. dist. 40. Et hæc procedunt, etiam si interuenisset iuramentum. Innoc. in c. cum inter. de renunc. Cum de istis emergentibus non videatur in iuramento, vel consensu præstito, cogitatum. Francus hic num. 1. & 3. Hinc deducitur, quod ex noua causa offendens, non dicatur frangere pacem. Anchar. hic. & Bart. in l. si seruum. ff. de verb. oblig.

Cap. 9. Si quando.

CONTRA electum a duplo maiori parte, vel electores ipsius, nil a reliqua parte potest opponi, quod votum extenuet.

QU^{IA} extenuare votum, est illud obijcere, quod non annullat penitus votum, sed ipsum reddit minoris auctoritatis, sicut esset, ego litteratus, tu minus litteratus; tu simplex canonicus, ego in dignitate

tate constitutus; & similia. glos. 1. hic, & Archid. ver. ad extenuationem. Et quoniam numerus duplo maior, cum multum excedat aliam partem, præsumitur valde sanior, & motus a multo meliori zelo; & sic elegisse meliorem, vel saltem idoneum, quod sufficit ad validitatem electionis. extr. c. Ecclesia. il 2. & ibi glos. fin. & c. licet. 8. q. 1. Et probare quis non debet admitti, quod non releuat, etiam si probetur. l. ad probationem. C. de probat. Ideo non admittitur oppositio tam minoris partis in tali casu, in quo nec pro ipsa præsumitur, nec si aliquid pro se probaret, sufficeret ad inuolandum electionem alterius partis. glos. penult. hic, & Francus num. 1.

S E D bene id opponitur, quod votum annullat.

QU^{IA} quando votum eligentium annullatur, electus ab eis venit remouendus extr. c. cum in cunctis. & c. nihil. Et quoniam pars, quæ talem non elegit, potest facere de alio electionem validam, licet sit numero admodum minor. c. cum ana. extr. eod. Ideo cum oppositio istius minoris partis tunc possit valere, & remouere electum ab alia parte, non est vt frustratoria reiicienda; sed vt facta ab illis, qui legitime iure suo vtuntur, est attendenda. vt in tex. & glos. fin. hic.

Cap. 10. Quamuis.

A P P E L L A T I O iudicialis, vel extra deuoluit causas electionum episcoporum, & superiorum ad Papam.

QU^{IA} causæ electionum episcopaliū, seu super electionibus episcoporum exortæ, inter maiores causas annumerantur. vt in tex. Et quoniam maiores causæ dicuntur illæ, quas Sedes Apostolica in signum specialis prærogatiuæ, propter illarum grauitatem sibi reseruauit. c. 1. extr. de transl. episc. & c. maiores. de baptis. Ideo nullus, citra Papam, vel ille, cui speciali mandato ipse commiserit, super appellatione huiusmodi causarum cognoscere potest. c. huic. dist. 17.

S I in scriptis, & ex causa probabili fuerit interiecta, alias non.

QU^{IA} licet constitutio Alexandri Papæ Quarti assereret, istarum causarum cognitiones per quaslibet appellationes ad Sedis Apostolicæ examen deuolui. vt in tex. Et sic etiam appellationes frustratorias admittebat. glos. ver. quaslibet. Ille tamen Põtifex Gregorius Decimus eius successor, volens, & temerariam appellancium audaciam, & effrenatam appellationum frequentiam refrænare, hac generali constitutione duxit prouidendum; vt si extra iudicium in prædictis electionibus, vel in alijs dignitatibus episcopatu maioribus, celebratis, expressa causa manifestè friuola, contigerit appellari, per appellationem huiusmodi nequaquam ad Sedem eandem negotium deuoluatur; sed cum

cum in electionum earundem negotijs in iudicio, vel extra iudicium appellatur in scriptis, ex causa probabili (quæ probata deberet legitima reputari) ad Sedem ipsam huiusmodi negotia deferantur, vt in tex. Et sic quo ad istam partem appellandi, illa constitutio Alexandri fuit correctæ. glos. ver. quaslibet. Constitutio autem illa hodie non habetur in corpore iuris clausa. glos. ver. constitutio. sed quo ad quasdam alias partes, quæ erant in illa constitutione, est attendenda hæc decretalis, quæ illam in hac parte innouat, & de nouo super his statuit. Archid. ver. deuoluatur.

ET ab ea possunt partes sine prauitate recedere, priusquam Papæ præsentata fuerit.

QUIA cum res adhuc sit integra, nec Papa in ea apposuerit manus, non debent partes cogi inuitæ agere, nec iustæ penitendinis humanitas est eis amputanda; sed est permittendum, vt iuribus pro se introductis possint renuntiare. glos. ver. partibus. & Archid. cod. ver. Si verò causa est Papæ præsentata, non est amplius locus penitentiae, etiã priusquam illam committat; quia non debet Papa ab eorum pendere arbitrio, sed ad ipsius officium tunc spectat examinare negotium; præsertim si crimina, vel defectus in appellatione exprimuntur. Guliel. Durand. hic nu. 27. Et hoc, quod hic dicitur, intellige in appellationibus interpositis in talibus causis, nam in alijs, secus; in quibus appellans mutat libellos, & potest reducere causam ad primum iudicem, antequã sit alij cognitio delegata. extr. de appellat. c. interposita. §. 2. & Archid. hic ver. præsentare.

ET an in recessu interuenerit prauitas, inferiores iudices ante omnia debent inquirere.

QUIA sicut tales iudices non possent cognoscere has causas, stante appellatione; vt dictum est superius; ita non impediende appellatione, a qua fuit per partes recessum, debet apud eosdem cognitio remanere, apud quos esset, si nullo modo fuisset appellatum. vt in tex. nam non appellare, & appellare, & appellationem non prosequi, regulariter paria sunt. c. gratum. extr. de offic. deleg. licet non per omnia, vt infr. de sent. excom. c. licet. & glos. fin. hic. An autem talis appellatio impediat, vel non; & sic an interuenerit in recessu ab appellatione prauitas, vel non; debent iidem iudices inquirere. vt in tex. quia in dubio iudex cognoscit, an sua sit iurisdictio. extr. de offic. deleg. c. significantibus & ff. de iudic. l. si quis. & ibi glos. fin. Et hæc cognitio est facienda ante omnia. vt in tex. quia vbi iudex recuperat iurisditionem ex aliqua causa, debet primò inquirere, an causa subsit, propter quam illam recuperat. Gemin. hic. §. inferiores. num. 1.

QVAM

QVA M si reppererint, de causa non cognoscent.

Q V I A cum in tali casu non fuerit licitum partibus ab appellatione recedere, vt in tex. Et cum appellatio harum causarum spectet ad Sedem Apostolicam, vt dictum est superius. Ideo tunc non debent inferiores iudices cognoscere de causa ad ipsos non spectante. vt in tex.

S E D statuent partibus terminum, in quo cum actis, & munimentis se Apostolico conspectui representent.

Q V I A cum partes de facto iam recesserint ab appellatione interposita ad Sedem Apostolicam, per concordiam factam inter ipsas; & cum iudices, ad quos ipsæ sunt reuersæ, non possint de illa causa cognoscere, ex quo in concordia interuenit prauitas; & ideo appellatio adhuc de iure intelligebatur pendere apud ipsam Sedem. vt in tex. Ideo ne istæ partes illudant vtrunque iudicem; iudex inferior, qui cognouit de partium prauitate, debet curare, vt ipsæ reuertantur ad superiorem iudicem competentem, qui possit debitam iustitiam administrare; & sic, vt accedant cum actis, & probationibus, vt ex illis informetur iudex, quid facere debeat. glos. penult. hic, & Archid. in fin. Et licet iste iudex inferior non habeat tunc in istas partes iurisdictionem, ex quo causa pendet apud Sedem Apostolicam; tamen potest eas adstringere ad comparandum intra terminum competentem, cum ei à superiore hoc concedatur, ne iustitia à partibus illudatur. vt in tex. Nec per istam termini assignationem, dicitur ipse iudex inferior causæ se intromittere, sed potius superioris mandatum exequi. Gemin. hic in d. §. nu. 2. vbi infert, quod si exemptus delinquat in diocesi, Episcopus possit illi terminum assignare, intra quem debeat suo superiori se presentare. Gemin. ibidem.

Cap. II. Si forte.

S I inter reliqua, qua obijciuntur promouendo ad dignitatem, obijciatur euidentis defectus scientiæ, vel personæ, illud ante omnia examinari debbit.

Q V I A vbi plura alicui obijciuntur, quorum quodlibet per se sufficit, illud, quod facilius probari potest, primò est probandum. c. auditis. extr. de præscript. & glos. hic. ver. ante. Et quoniam tam defectus scientiæ, quam personæ sufficit ad impediendum aliquem, ne ad dignitatem promoueat, cum vterque defectus sit contra ea, quæ necessario requiruntur in promouendo. extr. c. cum in cunctis. Et ambo de facili possunt regulariter probari; vnus per examinationem, alter per oculorum inspectionem. glos. 1. hic. Ideo potius ab istis, quam ab alijs de-

Y feci-

fectibus, qui non ita faciliter possunt probari, in discussione eorum, quæ tali promouendo obijciuntur, est inchoandum, ut in tex.

ET si reperietur falsum, opponens à prosecutione negotij repellitur.

QUIA si id, quod magis videtur inesse, non inest, nec id, quod minus videtur, est credendum inesse. c. de inducijs. 3. q. 3. Unde si non inest isti defectus, vel alter eorum, qui facilius poterant apparere; nec etiam est credendum inesse aliquem de alijs obiectis, de quibus difficilior est probatio. glos. 1. hic. Sed quoniam talis præsumitur calumniose obieciisse ad impediendam promotionem, ex quo defecit in probatione, istorum defectuum. Archid. hic. ver. obseruandum. Ideo semel malus semper præsumitur malus. c. semel. infr. de reg. iur. Et offendens in vxo, factus est omnium reus, ut amplius in tali negotio non audiat. ut in tex. & c. defleat. extr. de reg. iur.

ET punitur perinde, ac si defecisset in probatione omnium obiectorum.

QUIA ex quo apparuit calumniator in istis defectibus obiectis, qui poterant facilius apparere, ut dictum est superius. Ideo præsumitur calumniator etiam in cæteris. d. c. semel. & in pœnam obieciæ calumniæ statuitur, ut puniatur, ac si in probatione omnium defecisset. supr. c. 1. §. adijcientes. & glos. hic. ver. euidentem. Sed si habuisset probabilem causam ignorantiz, non subijceretur istis pœnis. Archid. hic in fin. Quæ autem sit pœna deficientis in probatione eorum, quæ opponit, vide supr. in d. c. 1. Et de examine eligendorum ad beneficia, vide sancta in Concil. Trid. sess. 24. de refor. cap. 18.

Cap. 12. Sciant.

QUI grauauerit aliquam personam ecclesiasticam, vel eius con- sanguineos, vel ecclesias, seu bona, pro eo quod eum, pro quo rogabatur, eligere noluit, ipso facto excommunicatus est.

QUIA illi, qui violentia, vel fraude non permittunt ecclesias ordinari secundum regulas à sanctis Patribus constitutas, ut sacri- legi iudicantur. c. sunt. 1. q. 1. Et quoniam dicuntur impedire, non solum qui directè grauare ipsas ecclesias, & personas ecclesiasticas, sed etiam qui eas grauare indirectè, inferendo iniuriam earum consanguineis in odium, & vituperium illarum. Durandus hic nu. 9. Cum in illatione iniuriarum inspicitur intentio iniuriantis, & persona, respectu cuius iniuria; & contumelia fertur. Institut. de iniur. §. sed liberò. Ideo sicut per verbera clericis illata, quis incidit ipso facto in excommunicationem: cap. si quis suadente. 17. q. 4. ita statuitur, ut incur- ratur per grauamen illatum eligentibus, directè, vel indirectè, ex eo quod

quod ad alterius libitum eligere noluerunt. vt in tex. & Durand. nu. 14.

Cap. 13. Generali .

*VSVRPANTES de nouo custodiam vacantium ecclesiarum ,
eo ipso excommunicantur .*

QU^IA licet fundans , & dotans ecclesiam , possit sibi de consensu diocesani, expresse retinere, quod, vacante ecclesia, faciat fructus suos, & illius custodiam habeat. c. præterea quoniam. extr. de iurepatr. & c. Eleutherius. 18. q. 2. postea tamen, illius custodiam acquirere non potest; cum patronus ab ecclesia aliquid temporale exigere non possit, nisi tempore fundationis, vel dotationis, sibi à diocesano fuerit illud reseruatum, vt in d. c. præterea. Vnde si aliquis, siue patronus, siue alius præsumpserit res ecclesiasticas occupare, committit furtum, & sacrilegium; & non qualecunque furtum, sed peculatus, quod est furtum de re publica. c. quid ergo. 23. q. 4. Ideo propter huiusmodi graua crimina, tales occupatores excommunicantur. vt in tex.

CLERICI etiam, & monachi hoc fieri procurantes, eandem excommunicationem incurrunt .

QU^IA cum clerici, & qualibet personæ ecclesiasticæ debeant se opponere pro iuribus ecclesiæ sibi commissæ defendendis. cap. hoc consultißimo. infr. de reb. eccl. non alien. Graue nimis, & execrabile est scelus, si non solum non defendant, sed etiam offensionem procurent. c. irreligiosum dist. 87. Dicuntur autem procurare, ope, consilio, persuasione, & operatione. glos. hic. ver. pronunciant . Ideo etiam ipsi pro tali graui crimine, quod committunt, excommunicationi, ipso facto, subiiciuntur. vt in tex.

CLERICI verò, qui se (vt debent) talia facientibus non opponunt, priuantur fructibus ecclesiarum pro tempore , quo præmissa sine debita contradictione permiserint .

QU^IA licet tales non ita grauiter peccent, sicut illi, qui talia mala procurant, vt dictum est superius; & ideo non excommunicationi subiiciuntur, sed fructibus temporalibus, quod leuius est, priuantur. vt in tex. Grauius tamen etiam ipsi peccant, non defendendo ecclesiam, vt debent. d. c. hoc consultißimo . nam qui non facit, quod debet; intelligitur facere, quod non debet. c. ideo. 25. q. 1. & l. qui non facit. ff. de reg. iur. Vnde talis negligentia cõparatur voluntati, secundum id, quod not. in c. fin. 9. q. 3. Ideo etiam tales meritò grauiter in amissione fructuum beneficii puniuntur. vt in tex. Debent autem se opponere cum effectu, vt inuocando ad hoc auxilium brachij secularis. c. administratores. 23. q. 5. vel denunciando hoc iudici superiori. arg. c. prælatis. infr. de

homicid. non tamen dicitur, quod debeant se corporaliter opponere talibus, secundum quod not. in cap. si tributum. 11. quæst. 1. Sed pone, quod tales clerici inuocant milites ad defensionem sui iuris, & pugnando ibi aliqui moriuntur, nunquid eis mors imputabitur? Dic, quod non. ad hoc c. de occidendis. 23. q. 5. & l. quoniam, cum sequent. C. ad leg. Iul. de vi publ.

HABENTES talem custodiam ab antiquo, se abstineant, & ministros faciant abstinere ab omni dilapidatione, & alio abusu.

QU^{IA} qui custodiam habet, debet custodire, non consumere. l. is, cui. §. qui. ff. vt in possess. leg. Et quoniam qui res alterius saluare tenentur, de facto ministrorum obligantur. l. fin. ff. naut. caup. & stabul. Ideo isti custodes non solum per seipsos, sed etiam per eorum ministros, debent ab huiusmodi damnis abstinere. gloss. ver. ministros. Et inter cetera, quæ debent curare, est, vt bona conseruentur, quæ vacationis tempore prouenerunt. vt in tex. ita tamen, vt sub specie custodiæ non sint vsurpatores. gloss. ver. redditus. & c. auaritiæ. sup. eod.

Cap. 14. Licet canon.

PAROCHIALIS ecclesia nemini conferatur, qui non sit idoneus scientia, moribus, & ætate.

QU^{IA} parochi officium est præesse, & prodesse populo sibi commisso, tam verbis, quam exemplo. extr. c. cum in cunctis. §. inferiora. & Concil. Trid. sess. 5. cap. 2. Et quoniam ista non bene possent operari sine sufficienti scientia, ac exemplaribus moribus, & perfecta ætate. vt in tex. Ideo debet cauere collator, vt in promouendo ad parochiam adsint ista requisita. Concil. Trid. d. cap. 2. & sess. 7. cap. 3. de reformat. Et qualis ætas requiratur in promouendis ad quaslibet dignitates, & beneficia, vide extr. eod. c. cum in cunctis. & Concil. Trid. sess. 24. de refor. cap. 12.

ET si conferatur non attingenti vigesimum quintum annum, non valet collatio.

QU^{IA} parochus tenetur missas celebrare, & sacramenta administrare, quæ solû per presbyteros possunt adimpleri. c. regenda. 10. q. 1. & Concil. Trid. d. c. 2. Et quoniâ quis non potest in presbyterû ordinarî, nisi vigesimum quintum suæ ætatis annum attigerit. Clem. generalem. de ætat. & qual. ord. & Concil. Trid. sess. 23. c. 12. Ideo vt parochus possit ista adimplere, ille debet ad huiusmodi curam assumi, qui vel sit presbyter, vel intra breue tempus possit in presbyterum ordinari. vt in tex. & extr. c. cum in cunctis. Si autem parochialis conferatur non

non attingenti vigesimumquintū annū, collatio est nulla ipso iure. vt in tex. & glos. ver. carere. quia per hunc tex. in tribus maxime suppletur ad ea, quæ habentur in d. c. cum in cunctis. nam ibi collatio ecclesiæ parochialis tantum prohibetur fieri minoribus vigesimoquinto anno, hic non solum prohibetur, sed etiam irrita decernitur; nisi dicere velis, quod id satis erat irritum per ipsam constitutionem, cum in cunctis. ex eo, quod sufficit legislatores aliquid prohibuisse, etiam si non adijciat contra factum non valere. l. non dubium. C. de legib. nec per hoc fuit hic tex. superfluous in tali casu; quia clarius exprimit hæc decretalis, quam illa; ad idem supr. de Sum. Trinit. c. vnic. & sic innouat, & futeitat in hoc illud ius, quod erat quasi per abusum abolitum. Item per canonem illū moneri debent ad suscipiendos ordines; per istum non est hoc necesse. Item per illum talis promotus, qui in dicta ætate non sit constitutus, est per sententiam priuandus, per istum priuatus est ipso iure. glos. 1. hic, & Durand. nu. 14. & 26.

ILL E autem, cui talis ecclesia collata fuerit, tenetur personaliter residere.

QUIA per residentiam ipsius rectoris, diligentius cura gregis sibi crediti ab eo geri potest. vt in tex. Et quoniam si ipse extra residentiam existeret, illud eueniret, quod de populo egente pastore in Hierem. legitur. Thren. cap. 4. Paruuli petierunt panem, & non erat, qui frangeret eis. Concil. Trid. sess. 5. cap. 2. Ideo ne populi sibi commissi cura negligatur, debet parochus personaliter residere. vt in rex. & d. Concil. d. c. 2. Is autem dicitur residere, qui continue ibi moratur. arg. C. de metat. l. deuotum. lib. 12. nisi in casibus à iure exceptis, in quibus is, qui abest, fingitur esse præsens, & residere. glos. hic. ver. residere. & infr. de cler. non resid. c. de cætero.

ET intra annum sacerdos fieri

QUIA cum parochus teneatur sacramenta administrare, & non possit illa administrare, nisi sit presbyter, vt dictum est superius. Ideo ne populus sibi commissus diutius patiatur in spiritualibus detrimentum, si promotus non est presbyter tempore parochialis adeptæ, debet intra annum in presbyterum ordinari. vt in tex. & d. c. cum in cunctis. Currit autem iste annus à die, qua habuit possessionem pacificam, vel per eum stetit, quominus illam haberet; nec currit iuste impedito. glos. ver. annum. & c. commissi. infr. eod. Sed quid si solum minoris partis bonorum ecclesiæ possessionem nactus est? Dic, quod si habet liberū exercitium curæ animarum, hac constitutione tenetur; quia cura animarum principalis est, & dignior; & ratione exercitij curæ animarum, tenetur quis ad sacerdotium promoueri. Si autem non habeat liberum exercitium curæ animarum, non tenetur promoueri, licet habeat possessionem.

sessionem maioris partis bonorum. Et si habuit pacificam possessionem, & postea lis ei mota fuit, tenetur hac constitutione, nisi incontinenti post possessionem adeptam lis fuerit mota, & possessio turbata. Durand. hic d. nu. 40. usque ad 48. & Archid. ver. commissi.

SI autem promotus non fuerit, elapso anno, priuatus est ipso iure.

QU^{IA} in hac negligentie poenam, & ad populi sibi commissi salutem attendendam, per hanc constitutionem talis poena imponitur, licet olim per d. c. cum in cunctis, esset per sententiam priuandus. glof. hic ver. priuatus. Sed quia fortasse habuit aliquod iustum impedimentum, vt non promoueretur, benefaciet ordinarius, si propter hoc dubium aliquam causae cognitionem praemittat, antequam decernat ecclesiam vacare, & illam alteri conferre. Durand. nu. 50. Praesens enim constitutio, licet indefinitè loquatur, iustum tamen, seu necessarium impedimentum excludere non intelligitur. extr. c. ne pro defectu. & de concess. prae. c. quia. nam ius neminem obligat ad impossibile, vel iniustum. c. erit. dist. 4. Et licet ex hoc canone priuatio incurratur ipso iure; possessor tamen non remouebitur à sua quasi possessione, licet vitiosa sine causae cognitione, ex quo titulo possidet, licet iniusto. c. cum nostris. extra de concess. prae. & Durand. hic nu. 55. & vide Concil. Trid. sess. 22. de reform. cap. 4.

SVPER residentia autem, praelatus eius ad tempus poterit dispensare.

QU^{IA} verbum residentiae non est amarè intelligendum, scilicet, vt nunquam inde discedat. Archid. ver. super. Nam, verba sunt ciuili modo intelligenda. I. sicuti. ff. de seruit. & glof. fin. in cap. quibusdam. distinct. 37. Ideo, licet nec ipse Papa concedat, vt quis nunquam teneatur residere in cura animarum. supra cap. fin. de rescript. Tamen, si causa rationabilis exposcat, conceditur, vt etiam ipse Episcopus ad tempus gratiam dispensationis super non residendo concedat. vt in tex. Et cum non exprimatur per quot tempus possit illam concedere, videtur relictam discreto iudicio ipsius Episcopi. Archid. hic in fin. Potest autem esse causa rationabilis, studium, praefertim Theologiae, si ille docilis sit. cap. super specula. extr. de magistr. Vel intemperies aeris. cap. quorundam. distinct. 74. Vel infirmitas. cap. ad audientiam. extr. de cleric. non residen. Vel inimicitiae graues. extr. cod. cap. bonae. il. 1. Vel peregrinatio. cap. magnae. extr. de voto. Vel seruitium Episcopi. cap. de cetero. de cleric. non residen. Vel Papae. vt in d. cap. Vel negotia ecclesiae. cap. ex parte. de cleric. non residen. Durand. hic in fin.

Cap. 15. Nemo.

PAROCHIALIS Ecclesia non commendetur, nisi constituta in aetate legitima, & sacerdotio.

QU^{IA} licet commendatarius non sit prælatus, sed potius procurator, cui custodia Ecclesiæ est commissa; habet tamen illius legitimam administrationem, & ex illius fructibus ipso, & eius ministri sunt providendi; & illi Ecclesiæ debet deferuire, sicut faceret proprius prælatus. gloss. ver. sacerdotio. & ver. commendare, & 21. q. 1. c. qui plures. Subrogatus enim sapit naturam illius, in cuius locum subrogatur. c. Ecclesia. extr. ut lite pend. Ideo sicut parochus deberet esse in ætate legitima, & in sacerdotio, ut posset populo administrare sacramenta. sup. c. proxima debet esse commendatarius, qui parochi officium gerit. Durand. nu. 35. In verisque enim est eadem ratio, scilicet, officium administrandi populo sacramenta; ut dictum est superius. Ideo debet esse idem ius, ut uterq. sit aptus ad illa administranda. arg. l. illud. ff. ad leg. aquil.

ET tali, non nisi una.

QU^{IA} ecclesiasticus ordo pervertitur, quando vnus plurium officia occupat. c. referente. & c. ad hæc. extr. de præb. Et quoniam Prælati in hoc sæpe committebant fraudem, nam non valentes vni committere plures parochias in titulum. c. de multa. extr. de præb. querebant illis dare in commendas. Durand. in princ. Ideo ut obuietur fraudibus, statuitur; ut sicut non potest haberi, nisi vna parochialis in titulum, ita non possit haberi, nisi vna in commendam. gloss. ver. vnam & nouissime Concil. Trid. sess. 4. cap. 17.

ET illa tunc demum, cum necessitas, vel utilitas exigat.

QU^{IA} cum ius commune velit, ut quilibet Ecclesia habeat proprium, & non commendatum prælatum. c. cum non ignores. extr. de præb. & c. sicut. 7. q. 1. quando Ecclesia conceditur in commendam, fit dispensatiue, & ius commune relaxatur. Durand. num. 19. Ideo debet semper fieri ex causa, sicut & dispensatio. c. tali. 1. q. 7. & c. exposuisti. extr. de præb. & ita aliqua causa cognitione præmissa. c. dispensationes. 1. q. 7. Et quoniam in dispositione ecclesiasticarum rerum, ista duo, vel eorum alterum, sunt attendenda, scilicet, evidens necessitas, vel suadens utilitas ipsius Ecclesiæ. c. sine. 12. q. 2. & c. exposuisti. extr. de præb. Ideo etiam in casu huius tex. attenduntur. gloss. ver. necessitate, & ver. utilitate. Et cum tex. hic dicat esse attendendam necessitatem, vel utilitatem Ecclesiæ, videtur, quod in fauorem personæ commenda non sit concedenda. Durand. num. 19.

TALIS

TALIS autem commenda ultra sex menses non duret.

QU^{IA} sicut episcopus habet sex menses ad conferendum. c. nulla. extr. de concess. præb. ita cum necessitas, vel utilitas exigit, ad similitudinem collationis conceduntur ei alij sex menses ad commendandum, quam tamen commendationem debet facere, priusquam tempus semestris a die vacationis labatur; nam illo finito, ulterius se intromittere non debet, nisi ad illam commendandam alicui, donec superior provideat. glos. ver. commendare, & Durand. nu. 47. Non autem conceditur, ut ultra sex menses commenda duret; quia cum ex commenda non acquiratur ius commendatario, sed interim dicatur vacare, Durand. nu. 25. non sunt diu Ecclesie vacantes relinquenda: d. c. nulla. Si tamen Ecclesia ab alio interim impetraretur, esset facienda mentio de commenda; nam ex quo talis commenda facta est ex causa, & commendatarius est legitimus administrator, & liberiores habet administrationem, quam procurator. c. pastoralis. 7. q. 1. & c. obitum. dist. 61. Et ex quo auctore prætoris possidet, iuste possidet. l. iuste. ff. de acquir. possess. licet Ecclesia illa dicatur vacare de iure, non tamen vacat de facto. Durand. nu. 40. & 46. Et literæ impetratæ ad beneficium non valent, quæ de alterius colorata facti possessione non faciunt mentionem. c. cum nostris. extr. de concess. præb. & super huiusmodi provisionibus, vide quid hodie sit seruandum per Conc. Trid. sess. 7. cap. 2. & 4. & sess. 24. cap. 17. de refor.

QVOD contra predicta factum fuerit, est irritum ipso iure.

QU^{IA} hunc rigorem nullitatis induxit hæc constitutio in ordines prælatorum, qui huiusmodi commendis sæpe abutebantur. Archid. in fin. Et, vacantibus Ecclesiis parochialibus, quid agendum sit, diligenter præscribit Conc. Trid. sess. 24. de refor. cap. 18.

Cap. 16. Cupientes.

ELECTI cathedralium, vel regularium Ecclesiarum, (quorum confirmationem, vel informationem, ad sedis Apostolicæ examen deducit immediata subiectio, vel appellatio interiecta deuoluit) intra unum mensem post consensum, vel post obtentam de ipsorum electione notitiam, (si eam debito tempore non contigerit præsentari) ad sedem ipsam iter arripiant.

QU^{IA} summus Pontifex Nicolaus Tertius cupiens periculosis Ecclesiarum vacationibus occurrere, ac malignantium subterfugijs obuiare, iam prouisis remedijs alia (quæ patenter ipsa rerum experientia ad earum expeditionem iudicauit utilia) remedia experta subiun-

subiungit . Et quod fel. rec. Gregorius Papa Decimus eius predecessor de electionibus presentandis electis, & ipsorum electorum petendo, ac adhibendo consensum salubriter instituit, vt in c. quā sit. sup. eod. in. suo robore vult permanere; sed cum hoc temporis moderamine in presentandis electionibus, & alijs, quæ hic mutantur, vt quod de trimestri tempore post consensum ad petendas confirmationes ille instituit, (quo ad illas, quæ petuntur, vel peti debent à Sede Apostolica) ipse Nicolaus Tertius per hanc suam constitutionem temperat, vt intra vnum mensem post consensum adhibitum, vel notitiam habitam, debeat electus ad Sedem Apostolicam iter arripere; cum interdum aliquorum locorum vicinitas minus exigit, aliquorum verò distantia prolixius tempus exposcat, quam fuerit per illam constitutionem Gregorij statutum: vt in tex. Et post tempus istud assignatum ad iter arripiendum, aliud hic assignatur ad iura producendum, competentius, quam fuerit per ipsum Gregorium assignatum. vt in tex.

§. Quod si per viginti .

Q V O D si electus per viginti dies (post lapsum ex qualitate locorum moderandi temporis) expectatus, personaliter comparere, nulla iusta causa interueniente, contempserit, omni iure, quod sibi ex illa electione competere posset, est priuatus .

Q V I A tam in pœnam proprii contemptus, vt puniatur in eo, in quo deliquit, quam in ecclesiarum commodum, ne diutius remaneant vacantes, ista est conueniens pœna, vt, tali priuato, possit ad alterius electionem procedi. vt in tex. & glos. ver. priuatos. Sed si iustum impedimentum habuisset, non incideret in istam pœnam; cum non possit tunc notari de contemptu. vt in tex. Et cum non sit in culpa, non est iure suo priuandus. cap. discretionem. extr. de eo, qui cogn. conlang. Et cum non possit agere, nec stet per ipsum, non currit ei tempus. cap. ex ratione. & cap. si iustus. extr. de appellat. & l. i. C. de annal. except. Debet tamen, si potest, de hoc suo impedimento protestari. Gemin. num. 7. Et si accedit ad iudicem, non debet recedere à iudicio sine ipsius licentia, alias incurrit pœnam. glos. ver. comparere. & infr. c. si postquam.

§. Ad hæc.

Q V E M A D M O D V M electus tenetur venire ad curiam, ita & aliqui de eligentibus, ad minus videlicet duo, cum actis, & munitis causæ debent comparere instructi .

Q V I A cum Papa debeat plene informari super electione sibi proposita, vt possit scire, an illa sit confirmanda, vel infirmanda. extra c. nihil . Et cum ista informatio non possit plena haberi per procuratores, qui, vt plurimum, constituuntur absentes, & processus ignari. vt in tex. Et cum ipsi electo in causa propria non sit credendum. c. quoniam. extr. de probat. Ideo debent ad minus accedere duo de ipsis eligentibus, qui plenarie instructi valeant Sedem Apostolicam informare, vt ipsa (ecclesiarum utilitate pensata, & alijs inspectis circumstantijs) confirmet, vel infirmet electum. vt in tex. Expense autem, quæ fiunt promissione istorum, deducuntur ex bonis prælaturæ, si bona illius sint discretæ, alioquin ex communibus, vel per ipsum capitulum aliunde. vt in tex. & extr. c. vt prateritæ .

J. Cæterum .

S I eligentes electiones ipsas intra octo dies (postquam commode poterunt) electis præsentare distulerint, illi, qui in hoc fuerunt culpabiles, à processus prosecutione sunt exclusi, & ab omnibus beneficijs suis illius ecclesiæ, de cuius electione agitur, per triennium suspensi, ad quæ si interim se ingesserint, illis sunt priuati .

Q V I A cum per mutuum consensum eligentium, & electi iniicietur matrimonium spirituale inter ipsum electum, & ecclesiam, ad quam eligitur. vt supr. in cap. quam sit. ne ecclesia diu maneat viduata, debent eligentes, quamcitiùs commode possunt, curare, vt ad istud matrimonium veniatur. d. c. quam sit . Sed quoniam per illam Gregorij constitutionem dicebatur tantum, vt, quamcitiùs commode poterunt, electores præsentent electionem electo . vt in d. cap. quam sit. & ita illud tempus videbatur indeterminate relictum, & sæpe electiones tarde electo præsentabantur. vt in princ. huius tex. Ideo per hanc decretalem declaratur, tempus illud esse octo dierum. vt in tex. Et quoniam dignum est, vt quos Dei timor à malo non reuocat, saltem coercet feruoritas disciplinæ. extr. c. cum in cunctis. in fin. Ideo contra tales eligentes harum constitutionum transgressores, imponitur pœna profectionis, suspensionis, & priuationis, secundum quod grauius in hac contrauentione delinquant. vt in tex. Quam pœnam solum culpabiles incurrunt. vt in tex. quia peccata suos debent tenere auctores. c. 1. & ibi glos. fin. extr. de his, quæ s. d. ma. par. cap. Et qui non est in culpa, non debet iure suo priuari. d. c. discretionem . Vnde quando vniuersitas delinquit, non omnes de ea debent puniri, sed solum culpabiles; quod est verum, non solum in pœna suspensionis, vt hic; sed etiam in pœna excommunicationis. vt in c. Romana. in fin. infr. de sent. excomm. Aliud est in pœna interdicti. vt in c. si sententia. d. tir. quod specialiter ibi statuitur, ne sen-

ne sententia carcat effectu, vt ibi in tex. & glos. ver. carcat. Et aduerte, quod quando vniversitas tenetur aliquid facere intra certum tempus, si illud non fiat, omnes censentur culpabiles, nisi aliqui ostendant se inculpabiles. glos. hic. ver. qui culpabiles.

POSTULANTES, si negligentes fuerint in presentando, puniuntur vt electores.

QUIA cum in vtrisque sit eadem ratio disponendi, scilicet celeris ecclesiarum expeditio. vt in tex. & glos. ver. instructas. Similis etiā pœna debet postulantis hęc statuta negligentibus imponi, quæ fuit imposita similibus eligentibus. vt in tex. Roma autem dicitur similis contra vtrosque, in quantum esse potest; nam electus priuatus est iure iam sibi quæsito; postulat vero solum spe gratiæ, quam habebat; & idem dic in eligentibus, & postulantis quo ad eorum iura, quæ habebant. glos. ver. similis.

§. Porro.

EXPENSÆ factæ in negotio electionis proseguendo, recuperantur, vel redduntur, secundum quod iustum fuerit, seu æquitas canonum iudicabit.

QUIA nemo tenetur proprijs stipendijs militare. c. 1. extr. de sepulture. Ideo ne electionis negotium ipsis eligentibus sit damnosum, non de eorum bonis debent expensæ deduci, sed de bonis illorum, quorum negotium principaliter est tractatum. vt not. extr. in c. vt præterit. Vnde cum fuerit principaliter tractatum negotium ipsius prælaturæ, de illius bonis in primis debent expensæ deduci, & postea debet deueniri ad alios, qui habent vtilitatem ex illa electione, si omnes expensæ non possunt competenter ex ipsa prælatura deduci. vt in d. c. vt præterit. Et quoniam victus victori regulariter condemnatur in expensis. c. calumniam. extr. de pœnis. Ideo si quis fuerit iniuste electionem prosecutus, in expensis per alios eius culpa factis, debet per superiorem condemnari. glos. fin. quæ latè tractat, an, & quando, & quæ iure possint peti, vel repeti expensæ. Et quoniam in hoc canone nihil statuitur circa quantitatem expensarum; sed quod alibi statutum est, præcipitur obseruari. vt in tex. in fin. Ideo ex hoc tex. nulla conditio datur. glos. ver. reddendis. Vnde potius dabitur conditio ex dicto. c. vt præterit. & ex alijs iuribus, not. hic in glos. fin. Circa tamen expensas faciendas per illos, qui mittuntur ad informandum Papam super electione faciendâ, est obseruandum, quod habetur in hoc tex. in §. ad hęc.

Cap. 17. Fundamenta.

N V L L V S Princeps notabilis praeminentia, debet eligi in Senatorem, vel ad aliud officium Urbis Romae assumi.

Q V I A experientia docuit, quod per peregrina regimina illorum Principum, qui ad haec officia in praeteritum fuerunt assumpti, perturbabatur Sedis Apostolicae libertas, templa deformabantur, moenia Urbis destruebantur, incolis dispendia, aliaeque mala, & calamitates inferebantur. ut in tex. Et quoniam ista est Civitas sacerdotalis, & regia, per Sacram beati Petri Sedem caput totius Orbis effecta, & a Constantino Imperatore beato Silvestro, & Summis Pontificibus eius successoribus concessa, ut in ea veriusque potestatis monarchia libertate, plena in suis agendis per omnia ipsi potirentur. ut in tex. Ideo Summus Pontifex Nicolaus Tertius, volens in futurum providere, ut Romana Ecclesia in hac civitate plena gaudeat libertate, & Populus Romanus iam experta pericula euitet, per hanc suam constitutionem prohibet, ne Principes potentes possint in Senatores, vel in alios Officiales ipsius Urbis assumi. ut in tex.

N E Q V E quisvis alius ultra annale spatium, absque Sedis Apostolicae licentia speciali.

Q V I A multi, quamvis a principio debiles, per diuturnam officiorum administrationem, sibi maiorem auctoritatem, quam haberent, usurparunt, & plures adhaerentes sibi compararunt, a quibus diversa mala in Civitate oriebantur. ut in tex. Ideo etiam ad providendum contra tales, statuitur, ut ultra annum ad huiusmodi officia nemo sine licentia Sedis Apostolicae assumatur. ut in tex. Nam superbire homines, etiam annua designatione, quid si honorem per quinquennium agitent? inquit Cornel. Tacit. lib. 2. annal.

E T contrascentes, iam electores, & nominatores, quam electi, & nominati, eo ipso sententiam excommunicationis incurrunt, & alijs poenis subiiciuntur.

Q V I A dignum est, ut quos Dei timor a malo non reuocat, saltem coerceat severitas disciplinae. extra. c. cum in cunctis. Ideo ut magis caveatur ab istis malis, haec diversa poena imponitur. ut in tex.

Cap. 18. Quanquam.

C A N O N I C I S cathedralis ecclesiae, ipso iure, vel per sententiam eligendi potestate privatis, ad Papam ius devolvitur eligendi.

quod

c. n.

Quia

QUIA canonici tunc priuantur ipso iure potestate eligendi, quando scienter eligunt indignum; tunc priuantur per sententiam, quando formam traditam in generali Concilio non obseruant. vt in tex. Et quoniam si in his casibus ius eligendi non deuolueretur ad Papam, sed ad proximum superiorem, sicut regulariter deuoluitur in alijs casibus, prompti essent Archiepiscopi proximi superiores in cassandis electionibus, vt prohibitionem potestas deuolueretur ad eos. glos. ver. deuolueretur. Ideo, vt aueratur eis ista occasio calumniansi, Papa sibi reseruat huiusmodi deuolutiones. d. glos. hic. Ad quod accedit, quod regulariter in episcopatibus proximus superior est Papa, cum non semper adsint Archiepiscopi mediate inter Episcopos, & Papam. Archid. nu. 1. Et de antiquo iure, & dispositione Ecclesie, potestas conferendi episcopatus pertinet ad Papam. dist. 21. c. 1. Conferendi autem inferiores ecclesias, ad Episcopos. d. glos. hic. Sed hæc regula fallit in casibus, qui postmodum iure fuerunt expressi. Voluerunt enim iura, quod in cathedralibus sibi eligerent canonici. extr. c. cum ecclesia. in inferioribus etiã collegiatis canonici. supr. c. 1. & 21. q. vlt. c. congregatio. & statuta fuerunt eis tempora. extr. c. ne pro defectu. & de concess. præb. c. 2. Ideo etiã attendendo, quod Papa in episcopatibus est regulariter proximus superior, & quod de iure antiquo prouidere de episcopatibus pertinet ad ipsum, sibi reseruauit deuolutionem illorum, quando canonici per delictum eligendi potestate priuantur. d. gl. hic. & not. in d. c. ne pro defectu.

PRAETER QVAM in casu negligentie.

QUIA tunc dicitur in electione negligentia interuenire, quando intra tempus debitum per eos, ad quos spectat, non fuit electio celebrata. vt in tex. Et quoniam, an ista negligentia interuenit, vel non, clare apparet ex inspectione facti à die mortis prælati, vel illius notitia, vsque ad diem electionis futuri. Archid. in princ. Ideo cum in tali casu non possint Archiepiscopi immediate superiores auxiliari, sicut possent in casu deuolutionis per delictum, non erant Papa istam deuolutionem sibi reseruare, sicut reseruauit illam. d. glos. hic. & d. c. ne pro defectu.

IN inferioribus ecclesijs semper ad proximum superiorem deuoluitur.

QUIA licet possit esse eadẽ suspicio in inferioribus, scilicet, ne proximus superior calumniatur electionem, vt facultas eligendi deuoluatur ad ipsum, non tamen urget tantum periculum prohibendi in istis, sicut in cathedralibus. Cemin. nu. 4. Ideo non tam caute consulitur in istis, sicut in illis. arg. c. ubi periculum. supr. cod. Et cum ad Episcopum ex dispositione antiqua pertineat ecclesiarum sine diocesis dispositio, vt dictum est superius, ideo facilius res redit ad naturam suam,

suam, ut potius ad Episcopum in isto casu delicti deuoluatur electio ecclesiarum inferiorum, quam ad Archiepiscopum electio cathedralium. *glos. penult. hic. & arg. c. ab exordio, & ibi glos. penult. dist. 35.*

Cap. 19. Is, qui.

CONSTITUTIONI, ut circa *supr. eod. non satisfecit appellans, qui disiunctiue iurauit se credere opposita esse uera, vel qua sufficere deberent ex eis.*

QUIA appellans, qui obijcit in formam electionis, aut in personam ecclesiam, debet corporaliter iurare duo copulatiue, videlicet, quod credit obiecta esse uera, & se posse ea probare, ut in *tex. & supr. dist. 35. circa*. Et quoniam ubi quis adstringitur ad duo copulatiue, non est satis alterutrum adimplere: si quis ita stipulatus. ff. de verb. oblig. & l. si heredi. ff. de condic. instic. Ideo cum talis appellans disiunctiue & alternatiue iuret, non seruat formam decretalis: ut circa: cum ibi requirantur duo, & iste præter vnum. *glos. pen. hic.* Disiunctiue enim est vna, sed copulatiue continet plures. l. si ex toto. §. si ita. ff. de legat. 1. & ff. de verb. oblig. l. si pluribus. Et cum non seruetur forma prædictæ decretalis, ut circa, appellans in tali casu, non audetur neque super expressis, neque super exprimentis; ut ibi ponitur in penam contra talem; nam ubi iudicat certam formam excipiendi, ille, qui non seruat formam, repellitur: & potestate probandi exceptionem. ad hoc. c. pia. infr. de except. Vnde excipiens ineptè succumbit, sicut agens ineptè. c. examinata. extr. de iudic.

Cap. 20. Qui contra.

QUI contra certam personam, ne eligatur, appellat, constitutionem. ut circa, seruare tenetur.

QUIA sicut quando tractatur de facienda prouisione alicuius ad ecclesiam, in appellatione, quæ interponitur contra illum, est seruanda forma, quæ traditur in d. c. ut circa. per verba ibi posita, scilicet, siue prouisio sic facienda, siue sit facta & c. ut in d. *tex.* sic eadem forma est seruanda, quando interponitur appellatio contra certam personam super electione facienda; cum illud cap. parificet prouisionem, & electionem, ut ius, quod statuitur in vna, censeatur statutum in alia. *glos. hic. ver. fiat. & glos. in d. c. ut circa. ver. facienda.* Secus est, si quis appelleret in electione facienda; contra personam incertam; quia cum adhuc electio non sit producta in esse, non potest dici, quod eius forma non sit bona; & cum persona tunc non sit certa, non est, cui possit aliquid imputari. *glos. i. hic.* Non entis enim nullæ sunt qualitates. c. ad dissoluen- dum. extr. de despons. impub. Cum accidens non possit esse sine proprio subiecto. *Arist. 1. in prædicam.*

Cap.

Cap. 21. Sicut.

SI compromissum est in plures, ut eligant; per unum facienda est electionis pronuntiatio, sicut quando proceditur per formam scrutiniij.

QU^{IA} sicut omnes de capitulo, necesse habent eligere per unum, ut electio sit communis totius vniuersitatis, & capituli; non autem debent omnes pronuntiare electionem factam, ne tot viderentur esse electiones, quot essent numero eligentes; & ne actus ille, qui est vniuersitatis, videretur esse singulorum, ut not. extr. c. in genesi. ita propter eandem rationem plures compromissarii debent electionem factam pronuntiare per unum, cum ipsi sint subrogati in loco canonico-rum, qui in eos compromisserunt. ut not. extr. c. quia propter. Et quoniam subrogatum sapit naturam eius, in cuius locum subrogatur. c. ecclesia. extr. ut lite pend. Ideo licet ipse actus eligendi fiat per plures, electionis tamen pronuntiatio debet fieri per unum; siue procedatur per viam compromissi, siue scrutiniij. Gemin. num. 1. Et ille, qui vice sua, & sociorum eligit, debet formare sua verba in singulari, dicendo, ego nomine totius capituli te eligo; non autem debet dicere in plurali, vice mea, & capituli te eligimus. Archid. ver. instituta. Quis autem sit iste, qui habeat eligere nomine capituli, & vniuersitatis. not. in d. c. in genesi. & gloss. hic. ver. per unum. Quando verò sit electio per viam inspirationis, non requiritur, quod vnus vice omnium eligat; sed tunc electio tenet, & censetur vna, & communis, etiam si omnes dicant, te eligimus. Archid. d. ver. instituta; quia ea, quæ divina inspiratione fiunt, legi humanæ non subiiciuntur. c. duar. 19. q. 2.

Cap. 22. Statutum.

DECRETALIS. sup. eod. licet canon. in collegiatis parochialibus ecclesijs, & assumptis ad ipsarum regimen, locum non habet.

QU^{IA} ecclesiæ parochiales collegiatae vocantur dignitates. gloss. 1. hic. & c. extirpanda. §. qui vero. extr. de præb. Et quoniam beneficia cum dignitate ponuntur ut diuersa ab ecclesijs parochialibus. extr. c. cum in cunctis. §. inferiora. Et ex quo d. c. licet canon; loquitur solum de parochialibus, & cum sit penale, conuenit illud potius restringi, quam ampliari, ut in tex. Ideo licet ecclesia collegiata sit etiam parochialis, & sic quodammodo mixta cum dignitate, & parochiali; ius penale, quale est d. c. licet canon. loquens de parochiali simplici, non est extendendum ad parochialem mixtam. Gemin. nu. 2. & Francus in gloss. 1. Ecclesia autem tunc dicitur esse collegiata quando ibi est rector, ut caput; & canonici, ut membra. gloss. ver. collegiata.

Cap.

Cap. 23. Si cui.

S. I. compromissarius secundum traditam sibi metam (scrutatis, & in scriptis redactis voluntatibus singulorum) illum eligat, in quem non maior pars capituli; sed plures, aliorum comparatione, consenserint; non tenet electio.

QU^{VIA} ad hoc, ut valeat electio facta per capitulum, inter cetera requiritur, quod sit facta a maiori parte totius capituli. extr. c. quia propter. Et quoniam maior pars, non respectu totius capituli; sed solum per comparationem ad alias partes, non potest dici maior pars totius capituli, ut not. extr. in c. cumana; & c. ecclesia. Ideo electio facta per illos huiusmodi partis, & eorum nomine per compromissarium, non valet, tanquam facta a non habentibus sufficientem potestatem eligendi. d. c. cumana, & tanquam facta ab illis, qui non observant formam eis traditam per d. c. quia propter. ut in tex. Cum defectus formae reddat actum nullum. non dubium. C. de legibus. & not. supr. in cap. 21.

CV M. prater formas concilij fuerit celebrata.

QU^{VIA} ubi est data certa forma exercendi actum, & omnes aliae sunt prohibita, tunc paria sunt facere contra formam, & facere prater formam. Gemin. num. 2. Et quoniam in electione traditur pro forma, ut fiat a maiori parte capituli, alias sit nulla. d. c. quia propter. Ideo si non fuerit facta a maiori parte capituli, non tenet propter defectum formae. ut in tex. & glos. ver. formas.

Cap. 24. Quorundam.

EX vocatione quocunq. modo facta in discordia de religioso mendicante ad praelaturam extra administrationem sui ordinis, non acquiritur illi ius, nec consentire poterit, etiam de praelati licentia.

QU^{VIA} quorundam oculos sic vitium ambitionis excecavit, quod quasi suae professionis immemores, quae, contemptis honoribus, abiectis divitijs, spretoq. delitijs, arbitrium proprium subiungunt alterius ditioni, retro respicientes ad aratrum manumissum, dum praecipitanter ruunt in litigiorum anfractus, causarum strepitibus se inuoluunt, & extra administrationes proprii ordinis, solum praelaturae conscendere moliantur; electionibus, postulationibus, seu provisionibus de se in discordia celebratis improvide praestando consensum, praebendi assensum a suo superiore, non nunquam extorta licentia potius, quam obtenta, ex quo animarum, & ecclesiarum dispendia nascuntur proue-

provenisse, & prouentura maiora in futurum, verisimiliter formidabatur. vt in tex. Ideo ad obuian- dum huiusmodi malis, statuitur, vt nulli religioso Prædicatorum, Minorum, Eremitarum sancti Augustini, aut quorumlibet mendicantium ordinum, ex electione, postulatione, prouisione, seu vocatione, ad aliquam extra administrationem sui Ordinis prælaturam, in discordia de se facta, ius de cætero acquiratur, & quod eorum aliquis non valeat huiusmodi prouisionibus, & vocationibus cõsentire, etiam si ordinis cuiusque, Ministri, vel Generalis accesserint licentia, vel consensus, vt in tex.

I D E M de vocatione facta à minori parte numero, ad quamlibet prælationem de religioso non mendicante.

Q V I A potestas collegij, & vniuersitatis non consistit apud minorem partem illius, sed apud maiorem, nisi per delictum maioris esset deuoluta ad minorem. c. i. de his, quæ si. à mai. par. cap. & glos. hic. ver. numero. Ideo eo ipso, quod talis vocatio à minori parte processit, nullum ius tribuit vocato. vt in tex.

E T secus factum irritum decernit.

Q V I A quæ contra ius fiunt, debent pro infectis haberi. c. quæ cõtra. infr. de reg. iur. Sed quoniam posset esse dubium, an talia sint nulla ipso iure, vel per sententiam sint annullanda. vt not. glos. in l. non dubium. C. de legib. Ideo ad maiorem declarationem, ubi prohibita sunt valde enormia, apponitur clausula irritans ipso facto absque alia sententia. vt not. supr. in cap. licet canon. & glos. in d. cap. quæ contra.

Cap. 25. Vt quis.

N O N potest electus duas electiones prosequi, petendo confirmationem ex illis.

Q V I A electus non potest, nisi ex vna electione ius habere. vt in tex. nam si prima valuit, secunda non valuit; si secunda valuit, prima non valuit. glos. ver. ex vna. Et quoniam nemo debet prosequi actum, in quo ius non habet ex illa causa, ex qua prosequitur. c. inter dilectos. extr. de fide instrum. Ideo rationi consonum non est, vt quis prosequatur duas electiones, petendo confirmationem ex illis. vt in tex.

E T I A M si protestetur, se contentum altera, per quam consequi possit suæ intentionis effectum.

Q V I A consensus, qui præstatur electioni, debet esse certus. supr. c. 2. Et quoniam electus non potest petere confirmationem, antequam

quam consentiat. *supr. c. quam sit.* Et per huiusmodi protestationem, non exprimit, quia de duabus sit contentus; nam si diceret protestor, me consentire istis electionibus, vel alteri earum, quæ magis valet, consensus non esset certus. *d. c. 2.* Et sic videtur adhuc vellet retinere ius dabile in casu, in quo arctatur ad clarificandum intentum. *Gemin. nu. 2.* Ideo talis protestatio nihil operatur, cum per factum contrarium obviet illi. *glos. ver. protestetur.*

NECESSSE ergo habet, alter am eligere.

QU^{IA} non est iustum, ut talis in incerto vagetur cum ipsius ecclesie, vel sui aduersarii, si quem habet, discrimine. ut in *tex.* Ideo oportet cum eligere, quæ prosequi velit ex illis, & confirmatione petere tantummodo ex eadē. ut in *tex.* Et hoc, quod dicitur non posse electū prosequi electionem suā ex multiplici iure, est verum; quia in electione tractatur de iure acquirendo, super quo non potest causari titulus, nisi ex vna causa. ut in *d. c. inter dilectos.* secus est in iure iā quæsito, quod potest quis pluribus medijs defendere, ut patet per *c. post electionem. extr. de concess. præb.* vbi Archidiaconus ille se defendendo innititur duplici collationi. *glos. hic. ver. ex vna.* Hinc communis inoleuit practica, quod quando aliquis prouisus titubet de tituli validitate, tunc impetrat nouū titulum à Sede Apostolica, quo potest uti defendendo, se contra omnes, non autē quod possit inniti duplici iuri agendo ad acquirendū ius in beneficio, seu ad rem. *Ioan. Vanq. hic.* Et est ratio diuersitatis, quia iura sunt fauorabiliora, ut ius quæsitum retineatur, & habeatur, cum ibi nulla possit notari ambitio, quam sint ad ius quærendum, in quo in beneficialibus præsertim notatur ambitio petētis. *Archid. ver. eligere.* Et in iure acquirendo requiritur decretum confirmationis, quod debet esse super certo; ideo non potest dari, vbi dubitatur de titulo; in iure autem acquisito non est necessarium decretum confirmationis, sed sufficit executio sententiæ. *Gemin. nu. 5.* De concursu autem actionum plurium, an possint simul intentari, aut actor teneatur eligere aliquam, late, & distincte tractat hic *glos. ver. eligere.*

QVA electa, ad alteram redire non poterit.

QU^{IA} cum istæ duæ electiones non possint ambæ esse validæ, ut dictum est superius, & *glos. fin. hic.* Per electionem vnus, alteri renuntiare, sibi que ius ex ea non competere profiteri videtur. ut in *tex.* Et quoniam qui iuri suo renuntiat, illud repetere non potest. *c. quam periculosum. & ibi glos. 7. q. 1.* Ideo ex quo talis declarauit se prosequi velle vnā de illis duabus electionibus, ad aliā regressum habere non debet. ut in *tex. & glos. 2. in c. si quis sacerdotum. dist. 81.*

Cap. 26. Si electio .

SI electus non consentit, vel post consensum renuntiat, vel moritur, vel propter occultum sui vitium electio cassatur; eligentes ad eligendum ex tunc integrum tempus habebunt.

QU^{VIA} electio non dicitur perfecta, quousque non sit confirmata supra c. quam sit. vnde ante confirmationem per solam electionem non dicitur adhuc beneficium effectum esse suum, sed vacare. extr. c. nosti. Et quoniam in supradictis casibus huius tex. electores non fuerunt in culpa, glos. ver. occultum; nam fecerunt, quod ad ipsos spectabat intra iuris terminum eligendo. vt in tex. Et diligentia in termino facta, & ad nihilum redacta, terminus iteratur. Bart. in l. & ideo. ff. de verb. oblig. Ideo ne sine culpa iure suo priuentur, habebunt isti eligentes a dissensu, renuntiatione, morte, vel irritatione predictis, ac si vacatio noua esset, tempus integrum ad electionem aliam celebrandam. vt in tex. Et propter identitatem rationis, idem ius est censendum in supradictis casibus, quo ad tempus semestre, vel quadrimestre in presentantibus patronorum. Gemin. nu. 2. & Francus. num. 4. Tempus autem integrum ad eligendum, est trium mensium in cathedralibus, vel regularibus ecclesijs. extr. c. ne pro defectu. Et in minoribus est sex mensium. c. 2. extr. de concess. preb. Et intellige hanc decretalem in ijs, qui iure proprio habent eligere; secus si iure deuoluto. Hostiens. in d. c. ne pro defectu. vnde si Archiepiscopus ex iure deuoluto eligat, & electus dissentit, siue renuntiat, vel moritur, non eligit ipse de nouo, sed electio redibit ad canonicos. glos. ver. integrum.

NISI circa id egerint fraudulenter.

QU^{VIA} fraus, & dolus nemini debent patrocinium impartiri; sed potius potant mereri. c. ex tunc. extr. de cleric. non resid. Ideo tunc non solum non debent, aliud integrum tempus habere, sed pro illa vice debent eligendi facultate priuari. extr. c. cum in cunctis. in fin. Sed quoniam vnusquisque presumitur bonus, nisi probetur malus. c. vnic. extr. de scrut. in ord. fac. Ideo, qui dolum, & fraudem allegat, tenetur illam probare. l. quoties. §. qui. ff. de probat. Sed ex quo malitia consistit in animo, probatur ex coniecturis. c. pastoralis. infr. de caus. poss. & l. dolum. C. de dolo. Perspicua autem coniectura in casibus huius tex. esset, si canonici in fine trium mensium eligerent talem, qui verisimiliter esset dissensurus, & vere dissentiret, vt sic postea haberent aliud duplicatum tempus, per quod cathedrales vacarent sex menses, quod esse non debet. glos. fin. Ad eligendum enim in cathedralibus, & regularibus, dantur tres menses, & in ecclesijs inferioribus dantur sex menses, vt dictum est superius. Ad presentandam electionem datur tempus, quancumque

fieri potest, & adhuc octo dies. *supr. c. quam sit.* Ad consentiendum datur electio vnus mensis, si habet consentiendi libertatem, alias quantum iudex arbitrabitur. *d. c. quam sit.* Ad petendam confirmationem dantur tres menses. *d. cap.* Ad consecrationem alij tres. *cap. quoniam. dist. 100.* Et si debet petere pallium, hoc faciat tempore consecrationis intra illos tres menses. *d. dist. c. 1.* In causis autem regularium, vel cathedralium, quæ ex immediata subiectione, vel appellatione deuoluuntur ad Papam, seruatur decretalis, cupientes. *supr. eod.*

Cap. 27. Si religiosus.

SI religiosus, non obtenta licentia, consensit electioni de se factæ extra suum monasterium, non valet consensus.

QUIA arbitrium religiosi non ex sua, (cum velle, vel nolle non) habeat, sed ex illius, quem vice Dei supra caput suum posuit, & cuius imperio se subiecit, voluntate dependet. *vt in tex. & c. non dicatis. 12. q. 1.* Et quoniam electio non tenet, nisi electus consentiat. *supr. c. quam sit.* Ideo non est validus consensus religiosi sine sui superioris licentia; & sine tali licentia non potest perfici electio ipsius extra suum monasterium. *vt in tex.* Intra monasterium vero, de functo illius congregationis Abbate, si fuerit electus à cæteris monachis, potest consentire. *c. quam sit. 18. q. 1.* quia tunc sibi permittitur à iure hæc consentiendi facultas propter necessariam monasterij quietem, & gubernationem. *d. c. quam sit, & extr. de regular. c. licet.* Et non potest tunc ita de ambitione, & vagandi occasione notari, sicut esset in electione extra monasterium. *supr. c. quorundam.* Ideo etiam nõ ita prohibetur. *glos. hic. ver. suam. & Genf. in extrauag. Ioan. XXII. quæ incipit: quorundam.*

ET irrita est electio.

QUIA in panam presumptionis illius, qui sic temere ausus est consentire, per hunc tex. talis electio, ipso facto, viribus omnino vacuatur. *vt in tex.* Ideo non est necessaria sententia ad illam annullandam. *vt not. supr. in c. licet canon.*

S. Quia.

SOLVS superior sine conuentu dare potest suo religioso consentiendi, & transcundi licentiam.

QUIA licet super hoc iura essent varia, per quæ dubitabatur, an solus superior sine fratrum consilio posset huiusmodi licentiam dare. *vt in tex. & glos. vers. sint, quæ recenset iura, per quæ dubitabatur.* Tamen quoniam ad huiusmodi dubitationem tollendam, & vt ordinationes ecclesiarum, ac monasteriorum, in quibus tales electi ex-

istis.

& l. a.

tite-

titerint, & celerius. & facilius valeant expediri, per hanc constitutionē statuitur, vt iisdem superiores (iuis irrequisitis conuentibus) electis huiusmodi consentiendi, & transendi, liberam dare valeant facultatem. vt in tex. Ideo hoc ius posterius, per quod illis derogatur; quatenus essent contraria, hodie est libere attendendum. d. glos. hic. Vltima enim constitutio derogat priori. supr. c. 1. de constitut.

Cap. 28. Nullus.

MONACHVS in Abbatem eligi non potest, nisi sit expresse professus.

QUIA expressa professio est hominis, sed tacita est iuris. Ioan. Monach. infr. in c. vnic. de voto. Et quoniam nobilius est, quod homo sibi facit, quam illud, quod ei ab alio fit. arg. l. antepenult. C. de capt. & postlim. reuers. vbi magis est meum, quod ex opere acquiro, quam quod ab alio mihi euenit. Ideo ad excellentiorem præficiendum ceteris monachis, statuitur, vt plus valeat professio hominis, quam iuris. Ioan. Andr. hic in fin. & arg. l. assiduis. C. qui pot. in pig. habe.

AD dignitatem autem episcopalem, & in seculari, & in regulari ecclesia, talis eligi poterit.

QUIA excellentia dignitatis, & ordinis episcopalis, est talis, vt eius ratione Episcopus possit dici perfecte religiosus. c. ex multa. extr. de voto. Ideo in hoc ei deferitur, ac sibi, qui eligitur, esset expresse professus. glos. fin. hic. Et etiam, quoniam non solum præst regularibus, sed etiam secularibus. c. si quis Episcopus. 2. q. 7. & ob id oportet eum magis scire iura communia, quam regularia; cum sint plures seculares, quam regulares. Butr. in c. officij. extr. eod. Ideo non tantum est curandum de expressa professione in eligendo ad episcopatum, sicut in eligendo in Abbatem. glos. fin. hic. & not. extr. in c. cum causam.

Cap. 29. Cum expediat.

FORMA electionis tradita per decretal. supr. eod. cum dilecti. non est sublata per sequens Concilium. quia propter.

QUIA ista iura non sunt aduersa, sed diuersa. nam in d. c. cum dilecti. continetur, quod potest fieri compromissum cum determinatione, & restrictione, & quod compromissarij secreto, & sigillatim voluntatibus omnium inquisitis, illum, in quem maior, & sanior pars capituli consenserit, eligere teneantur. vt in tex. & d. c. cum dilecti. Forma verò tradita per d. c. quia propter. est, vt in ecclesijs cathedralibus electio fiat, vel per viam scrutinij, vel compromissi, vel inspirationis, aliter electio non valeat. d. c. quia propter. Et quoniam in d. c. quia non pro-

prohibetur, quin compromissum possit esse determinatum. *glos. hic in princ.* Ideo forma. c. cum dilecti. non est sublata per d. c. quia propter. vt in tex. Et hæc forma compromissi determinati hodie magis laudatur propter faciliorem negotij expeditionem, quam forma compromissi absoluti, vel scrutiniij; cum in compromisso absoluto detur tam ampla eligendi facultas, vt sæpe displiceat electoribus, ita libere ius suū transulisse in alios, quod non faciunt in compromisso determinato; Et per formam scrutiniij procedere, est ita difficile, vt etiam boni Iuristæ prædicam ignorantes, sæpe nesciant illam bene seruare. *gloss. hic. ver. inquisitis.*

Cap. 30. Cum non deceat.

ACCEDENS ad Sedem Apostolicam pro instruendo negotio electionis, per decretal. Cupientes, eundo hac de causa, stando, & redeundo, integre percipit fructus beneficiorum, quos percipere possit, in ipsa ecclesia residendo.

QUIA non decet officium suum alicui esse damnosum. vt in text. Ideo cum tales prosequantur ecclesiarum suarum utilitates, debent censeri residentes, & fructus beneficiorum percipere, ac si in ipsis ecclesijs residerent. vt in tex. Si verò facta instructione, & finito negotio, sola voluntate sua, & pro alijs negotijs quis in curia maneret, non debet amplius gaudere hoc priuilegio. *glos. penult. hic.* quia non verè reipublicæ causa abesse dicitur, qui proprii commodi causa in legatione est. non verè. ff. ex quib. caus. maior. Sed postea ex quo redire inciperet, competeret ei hoc priuilegium. d. glo. hic. nam redit de itinere, quod ob hanc causam fecit. l. si cui. §. tam diu. ff. ex quib. caus. ma.

PRAETER distributiones quotidianas.

QUIA distributiones quotidianæ non dantur presentibus, qui honoris canonicis non interfunt. c. vnic. infr. de cleric. non resid. Et quoniam ista constitutio fingit istam absentem esse presentem, non tamen fingit ipsum diuinis officijs interessentem. *glos. ver. exceptis.* Ideo debet habere ea, quæ præsens haberet, si diuinis officijs non interesset, & sic non distributiones quotidianas. vt in d. c. vnic. quod tamen cap. in aliquibus huic tex. videtur esse contrarium; cum ibi dicatur, distributiones quotidianas concedi ijs, qui ecclesiarum utilitatem prosequuntur; Sed respond. quod canonici non tenentur eas concedere, vt hic; tamen si concesserint, illi non tenentur ad restitutionem, vt ibi. *glos. in d. cap. vnic. ver. utilitas.* & vide Concil. Trident. sess. 5. de reformat. cap. 1. in fin.

Cap. 31. Ab eo.

IS, qui opponit evidentem defectum scientiæ, vel persona contra promouendum ad aliquam dignitatem, penitere non potest.

QU^IA cum huiusmodi defectus sint per se facile patentes extr. c. si forte. ille, qui eos opponit, & in probatione deficit, destitui veritate videtur. vt in tex. Et quoniam illi promouendo per hoc est ius quasitum contra talem opponentem, in quantum omnia, quæ per ipsum vellent opponi, præsumuntur falsa. d. c. si forte. Ideo non debet concedi in præiudicium promouendi, vt talis possit ab istis oppositis variare, & penitere. vt in tex. ne mutet consilium in detrimentum alterius. gloss. fin. hic, & ne ipse recedat impunitus. d. c. si forte.

Cap. 32. Ex eo.

CANONICVS impubes ad electionem non vocatus, non agit de contemptu.

QU^IA ille non potest agere in electione de contemptu, qui non habet potestatem dandi vocem in illa. extr. c. cum inter. c. quod sicut, & c. in genesi. Et quoniam impubes non habet potestatem dandi vocem in electione; cum tam iuris, quam rationis existat, vt tales (cum discretionem careant) ad præstandum in electione suffragium nullatenus admittantur. vt in tex. & infr. c. indemnitatibus. Ideo si canonicus impubes non fuerit ad electionem vocatus, non potest dici contemptus, & per consequens, si fuerit absens, non potest per hoc electionem ab alijs factam impugnare. vt in tex. & gloss. ver. suffragium, Qui enim potest, inuitis, alienare, multo magis, & ignorantibus, & absentibus, potest. l. qui potest. ff. de reg. iur. Et hodie, quantumcunq. canonicus sit pubes, non habet vocem, nisi sit in sacris constitutus. Clement. 2. de ætat. & qualiter ordin. Et nouissime vide Concil. Trid. sess. 24. de refor. cap. 12.

§. In Ecclesijs

NON professi cum professis, electioni interesse non debent.

QU^IA abbas debet eligi a monachis. c. abbas. 16. q. 7. & c. abbatem il. 2. 18. q. 2. Et quoniam, qui non est tacite, vel expresse professus, non censetur monachus. c. religioso. §. 2. infr. de sent. excom. cum possit intra annum redire ad sæculum. c. statuimus. extr. de regular. Ideo non professi, & nouitij, ad electionem non admittuntur, vt in tex. licet tales gaudeant priuilegio canonis. d. c. religioso. Si tamen de gratia admitterentur, eorum voces valerent, cum & in penitus ex-

tra-

traneum possint religiosi totam electionem transferre. extr. c. causam, quz, & Archid. hic nu. 3. Sed tunc eorum voces hodie valerent, si essent saltem in subdiaconatus ordine constituti, alias secus, per d. Clem. 2. Lap. abb. hic.

NEC conuersi laici cum clericis.

QU^A Iuris spiritualis laici non sunt capaces. extr. c. massana. Et quoniam ius eligendi in ecclesia, est spirituale. extr. c. sacrosancta. Ideo in ecclesijs regularibus, vel monasterijs, conuersi laici electioni interesse non debent. vt in tex. & c. non placuit. 16. q. 7. Et hoc, quia isti conuersi, licet sint suis ecclesijs aliqualiiter obligati; non tamen seculum mutauerunt. Archid. in fin. cum non sint tacite, vel expressè professi. vt in tex.

Cap. 33. Si postquam.

SI ab electione cathedralis, vel regularis ecclesia, in scriptis ex causa probabili appelletur ad Papam, ea pendente, confirmatio facta per ordinarium non valet.

QU^A talis appellatio transfert totaliter cognitionem ad Papam. supr. c. quamuis, & c. statuimus. Ideo alius in hoc se intromittere non potest. c. licet. extr. de offic. leg. licet talis appellatio sit extraiudicialis. c. constitutus. extr. de appell. nisi in casu, qui permittitur. vt in d. c. quamuis. Et si in iudicio fuerit appellatum, idem est dicendum; quia quolibet legitima appellatio eximit a primo iudice, & deuoluit ad superiorem id, super quo est appellatum. c. directæ. extr. de appell. Et sic primus iudex ex vi exemptionis debet se abstinere. c. frater. 16. q. 1. Ideo confirmatio facta ab ordinario, pendente appellatione ad Papam, nullam obtinet firmitatem, cum ipse non haberet tunc confirmandi potestatem. vt in tex. & ipse ordinarius ob hoc venit puniendus, cum se ingesserit, vbi debebat deferre superiori, & se abstinere. infr. c. prouida.

REQUIRIT decretal. Cupientes. supr. eod. non solum, quod electus veniat, sed quod vsque ad finem negotium prosequatur.

QU^A non venire, vel venire, & illicentiatu abire, æquipollent. c. certum. 11. q. 3. & l. si quis. C. de decurion. lib. 10. Et quoniam d. c. cupientes, obligat ad veniendum, vt ibi habetur. Ideo ex eius mente intelligitur, quod etiam vsque ad finem ille, qui venit, negotium prosequatur. vt in tex. aliter incidit in eius penam; quia ita punitur, qui mentem legis offendit, sicut qui mentem, & verba. l. si quis. ver. quod si dum. ff. de iurisd. omn. iud. & l. sed Iulianus. §. mutui. ff. ad Macedon. Intentio enim præfertur verbis. c. intelligentia. extr. de verb. sign. Nec obstat,

obstat, quod d. c. cupientes, sit penale, ut in eo habetur. Et quod constitutio penalis non sit extendenda. l. interpretatione. ff. de penis; quia in hoc, quod erat de mente, non extenditur. glos. ver. mente. Est enim duplex mens legis, scilicet, comprehensiva, & extensiva. Comprehensiva extenditur etiam in penalis; licet hoc non dicant ipsa verba legis; cum tunc non dicatur propriè extendi. Extensiva verò non extenditur in penalis, sed solum in favorabilibus. Gemin. hic num. 4: Colligitur autem mens comprehensiva ex pluribus; primo, ex communi usu loquendi; secundo, si aliter intelligendo, sequeretur absurdum; tertio, si per eandem constitutionem, vel aliam, apparet aliquid exempli gratia esse positum; quarto, si in lege esset apposta ratio; nam tunc mens, quæ ex illa colligitur, sicut & in alijs casibus supradictis, præfertur verbis. Mens verò extensiva dicitur illa, quæ colligitur ex identitate rationis non scriptæ; & ista in penalis non habet locum, nisi quo ad expressionem. Gemin. & Anchar. hic. qui adducunt multa iura, & exempla, ad probationem huiusmodi distinctionis. Sed sicut si iste, qui venit, censetur non venisse, si illicitiatus discessit, non expedit negotio; ita non censetur discessisse, si per aliquod paruum spatium temporis, vel loci, cum animo revertendi eo tempore discessit, quo eius præsentia ad negotium nihil faciebat; nam tunc non venit contra mentem legis, quæ attendit, ut ibi permaneat ratione negotij expediendi; unde quando per eius absentiam non impeditur negotium, eius præsentia non consideratur. glos. ver. mente. Si verò ei superveniret rationalis causa discedendi, debet petere licentiam à iudice; & si copiam iudicis habere non posset, & magnum periculum esset in mora, præmissis protestationibus, & sufficienti procuratore dimisso, impunè recedere potest. d. c. cupientes, in princ. Sed & ubi ex legitima causa discessit, illa cessante, redire tenetur, aliàs incidit in pœnam. c. cum cessante. extr. de appell. Nam, & ubi quis ab initio ex causa rationabili excusatur à veniendo, ea postea cessante, venire tenetur, & usque ad finem causæ debet permanere. d. c. cupientes. §. insuper.

ET habet locum, etiam cum appellatur à confirmatione.

QUIA etiam in tali casu agitur de meritis electionis, & est necessaria instructio personarum. glos. ver. confirmatione. Ideo cum sit eadem ratio, quæ est in alijs casibus dicti cap. cupientes. ut scilicet superior informetur per ipsos principales, debet esse idem ius, ut etiam in casu appellationis ad Sedem Apostolicam à confirmatione facta per prælatum, ipsi principales veniant, & ante finitum negotium non recedant. Archid. hic in fin.

VEL promissione.

QU^{IA} prouisio, & electio in his casibus per iura æquiparantur. supra c. statumus. & c. vt circa. Et in vtrisque est eadem ratio. gl. penult. hic. Et quoniam quando duo reperiuntur à iure æquiparata, & in vtrisque est eadem ratio, etiam in pœnalibus statutum in vno, extenditur ad aliud. gl. in l. si quis. C. de furt. Ideo id, quod est dispositum, per d. c. cupientes. in electione; circa hunc casum debet intelligi dispositum etiam in prouisione. vt in tex. & gl. penult. hic.

Cap. 34. Cum ex eo.

DISPENSARE possunt Episcopi, & Superiores, cum habentibus parochiales ecclesias sibi subiectas, quod vsque ad septennium studendo, non teneantur ad sacerdotium promoueri.

QU^{IA} cum ex eo, quod habetur in c. licet canon. supr. eod. scilicet, vt promotus ad ecclesiam parochialem teneatur intra annum, ad sacerdotium promoueri, & personaliter residere; nonnulli recusarent acceptare ecclesias parochiales, ex quo opportunitas proficiendi in studijs eis apparebat sublata, in grande vniuersalis ecclesiæ (quæ ad sui regimen viris litteratis permaxime noscitur indigere) dispensium, & iacturam. vt in tex. & not. Durand. in d. c. licet canon. ver. priuatus. Ideo Summus Pontifex Bonifacius Octauus, super hoc multorum instantia frequenter excitatus, volens cupientibus in scientia, proficere, vt fructum suo tempore in Dei ecclesia asferre valeant opportunum, vtiliter providere, præsentī constitutione concessit, vt Episcopi, eorumq. superiores, cum ijs, qui huiusmodi subiectas sibi ecclesias obtinuerint, libere valeant dispensare, quod vsque ad septennium litterarum studio insistentes, ad sacerdotium promoueri minime teneantur, prædicta decretali. licet canon. non obstante. vt in tex. Et istud tempus cōceditur, siue quis velit studere Theologiæ, siue iuri canonico; cum hic tex. non distinguat gl. ver. litterarum. quæ monet Episcopos, ne dispēsent cum ijs, qui dociles non sunt; cum in illis cesset causa huius constitutionis. Tempus autem septem annorum ita statuitur, vt non possit vltra prorogari, non autem quod per Episcopum non possit breuius assignari, si ei ita fuerit visum expedire. Archid. hic. ver. septennium. & c. fin. extr. de magistr. vbi ad studendum assignatur tempus quinque annorum. Et est commendabile, non dare à principio totum septenniū; vt experiatur, an talis studens proficiat; nam si proficit, detur ei vltcrius tempus, alias denegeretur. gl. ver. septennium. Et habentes huiusmodi dispensationem, debent studere in studio generali; alias non excusantur. extr. de cleric. non resid. c. tuæ. Cum eo autem, qui habet parochialem in ciuitate, in qua viget studium, potest dispensari, ne ordinetur iuxta formā huius tex. non tamen dispensat Episcopus, ne resideat, cum æqualiter possit residere, & studere. Gemin. nu. 2.

AD

AD subdiaconatum tamen debent promoueri intra annum; aliàs sunt priuati.

QUIA multi recipiebant ecclesias parochiales, vt per illud tempus, quo studebant; perciperent fructus, & postea illas dimittēbant, & ad secularem statum retrocedebant. vt in tex. Ideo ad obuiandum huic fraudi, statuitur, vt talis promotus debeat intra annū recipere ordinem sacrum, vt si velit postea percipere parochialis ecclesie fructus, non possit à clericali vita discedere; alias si non fuerit ita promotus, subiaceat ipso iure pœnæ priuationis quo ad hoc impositæ per d.c. licet canon. vt in tex.

ET illo durante septennio, debet in illis ecclesijs idoneus poni vicarius.

QUIA sicut prouidetur personis, ne per septennium impediatur à studijs, ita est prouidendum ecclesijs, ne per id tempus per Rectorum absentiam patiantur in cultu diuino, & cura animarum, detrimentum. vt in tex. Idcirco Episcopi, qui sunt præordinatores in cunctis suæ diocesis. c. perlectis. dist. 25. debent prouidere, vt ibi per idoneos vicarios interim diligenter seruiatur. vt in tex.

DE fructibus ecclesie sustinendus.

QUIA cum nemo teneatur proprijs stipendijs militare. c. charitatem. 12. q. 3. non conuenit, vt talis vicarius suis expensis ibi deseruiat; sed cum ille, qui habet commodum, debeat etiam habere incommodum. c. 1. extr. de paroch. Ideo de prouentibus ecclesie spectantibus ad ipsum Rectorem, qui percipit reliquos fructus, sunt huiusmodi vicario necessaria congrue ministranda. vt in tex.

ELAPSO septennio, debet Rector intra annum in presbyterum promoueri.

QUIA vbi quis arctatur intra certum tempus ad aliquid faciendum, si priuilegiatur per aliquod tempus, ne interim ad illud teneatur, cessante priuilegio, reincidit in pristinam obligationem. c. eos. infr. de sent. excom. Ideo cum Rector parochialis (qui tenebatur intra annum ad sacerdotium promoueri per d.c. licet canon.) fuerit per hanc decretalem priuilegiatus, vt gratia studij, per septennium ad illud non teneatur promoueri, debet, finito septennio, intra annum ad diaconatum, & presbyteratus ordines se facere promoueri; alioquin ex tunc pœnam impositam per d.c. licet. (nisi iusta de causa id omiserit) ipso iure incurrit. vt in tex.

Cap. 35. Commissa.

AD penam priuationis Rectoris parochialis ecclesia non promoti, requiritur, quod annus integer sit completus.

QUIA vbi imponitur pena ex non facto intra certum tempus, non incurritur pena, nisi illud tempus ex toto sit elapsum. ff. de verb. oblig. l. in illa, & l. si insulam. vbi expresse dicitur, stipulationem penalem non committi ante diem, etiam si sit certum parere, non posse. Tota enim obligatio in ultimum diem collata esse videtur. l. si eum. §. 2. ff. si quis caut. in iud. Ideo pena imposita per. c. licet canon. supr. eod. contra illum, qui adeptus ecclesiam parochialem, non fecerit intra annum se in presbyterum ordinari, non incurritur, nisi in totum annus ille sit elapsus, quanquam tantum de anno transierit, quod intra ipsum non possit ad illum ordinem promoueri, vt in tex. Nec obstat, quod frustra expectatur euentus, cuius nullus est effectus. l. aliquando. §. fin. ad Velleian. quia illud procedit, quando quod expectatur, ab initio est inefficax; secus quando ab initio est validum, vt est collatio in casu huius tex. Gemin. nu. 1. Ad quod adde, quod vltima dies hic potest operari, cum in ea possit iste Rector obtinere prorogationem ad presbyteratus ordinem suscipiendum, causa studij, vt supr. in c. prox. gloss. hic. ver. elapsus.

ET annus ille non currit iuste impedito.

QUIA non valenti agere, non currit tempus. supr. c. quam sit in fin. & l. fin. §. fin. C. de annal. except. Nam qui non potest agere, iuste impeditus, non est in culpa. gloss. hic. ver. iusto. Et qui non est in culpa, non debet iure suo priuari. c. discretionem. extr. de eo, qui cogn. conf. Ideo si iuste impeditus non fecerit se intra annum ad sacerdotium promoueri, poenam cap. licet canon. non incurrit. vt in tex. Annus autem incipit currere, post obtentam ecclesiam, a die adeptæ pacificæ possessionis, vel quâ per eum stetit; quominus illâ adipisceretur. vt in tex. Pacifica autem possessio, quando dicatur adeptæ, late tractat hic gloss. ver. pacificam. Et licet vacet ecclesia parochialis, ipso iure, quando quis est eam adeptus, & non iuste impeditus, nec priuilegio studij defensus, se non fecit intra annum promoueri. d. c. licet. & supr. c. prox. Tuius tamen est; & honestius, vt antequam ecclesia alteri conferatur, ille cite- tur ad docendum, cur se non fecerit promoueri; & si de legitimo impedimento non doceat, vel de dispensatione, pronuntietur priuatus; ne si interim ecclesia alteri conferretur, & ipse postea veniens de legitimo impedimento doceret, faceret collationem alteri factam cassari. Sed quia iudices, vel illi, ad quos collatio spectat, nolunt litigare, vel aduersarios constituere, sicut nec illi, quibus facienda est collatio, nisi primo habeant

habeant ius in re ; ideo communius eligitur altera via, vt sine alia pronuntiatione fiat collatio. glos. ver. iusto.

ET post priuationem, ecclesia eidem conferri non potest.

Q V I A si postquam ille est iuste priuatus, eo quod ex sua culpa se non fecerit intra annum in presbyterium ordinari, posset iterum in illa vacatione ad eandem ecclesiam promoueri, constitutio, quæ ipsum priuat, fieret ludibrio, & debito frustrare tur effectû ; & non rebus, sed verbis, cum sit potius contrarium faciendum, lex imposita videretur. vt in tex. ea namque ratione, qua posset, primo anno finito, iteratò ei ecclesia conferri, similiter posset, finito secundo, & sic tertio, & de singulis, vnde frustra esset prima priuatio glos. ver. iterato. Ideo statuitur, vt ea vice nullo modo possit sic delinquenti illa ecclesia conferri. vt in tex. & simile habetur in c. licet. il. 3. extr. de testib.

ET non promotus, si eo animo receperat ecclesiam, vt fructus anni perciperet, tenetur ad restitutionem ipsorum.

Q V I A talis recipit istos fructus fraudulenter. vt in tex. nam qui recipit beneficium, debet habere intentionem accipiendi ordines requisitos, vt in illis iuxta debitum suum valeat ecclesiæ deseruire. d. c. licet canon. Et quoniam fraus nemini patrocinari debet. c. tuq. extr. de cleric. non resid. Ideo si promoueri ad sacerdotium non intendens, parochialem receperit ecclesiam, vt fructus ex ea per annum percipiat, ipsam postmodum dimissurus, nisi (voluntate mutata) promotus fuerit, ad eorundem fructuum restitutionem tenetur, vt in tex.

ET qui ea mente contulit, ecclesiam seruare debet indemnem.

Q V I A collator beneficij tenetur ex officio conferre personæ, quæ sit apta ad illi seruiendum iuxta onus, quod habet. ext. c. nihil. & c. cum in cunctis. aliàs si per malitiam, vel negligentiam in hoc peccat, est puniendus. extr. c. cum nobis. Ideo conferens ecclesiam personæ, quam non credit illi fore idoneam, ex eo, quod non vult recipere ordines requisitos, (præter diuinam offensam, quam ex inde incurrit) ad seruandam illam ecclesiam indemnem obligatur. vt in tex. Quæ obligatio, & condemnatio est pœna respectu soluentis, sed restitutio damni, & rei iniuste ablata, respectu recipientis. Gemin. §. fin. Sed tunc conuenitur collator pro illis fructibus, quando beneficiatus non soluit, nec est soluendo. glos. fin. nam non tenetur ad illos principaliter, sed in subsidium. Gemin. hic. Et loquitur hoc c. de obligatione restitutionis, non solum in foro animæ, sed etiam in foro iudiciali ; dummodo de tali eius credulitate, & fraude fiat fides. glos. fin. Fraudem autem debet probare ille, qui eam allegat. l. quoties. §. qui. ff. de prob. Et probatur per coniecturas. c. 2. infr. tit. prox.

Cap. 36. Si abbatem.

ABBAS exemptus eligitur in Episcopum.

QU^{IA} Abbas non dicitur propriè suæ ecclesiæ spirituali matrimonio copulatus. c. fin. & ibi glos. circa med. extr. de postul. præl. Vnde non est tantum vinculum inter Abbatem exemptum, & eius ecclesiæ; & similiter inter ceteros prælatos inferiores, & eorum ecclesiæ; sicut est inter Episcopum, & suam ecclesiæ. cui est matrimonialiter alligatus. d. glos. Ideo, licet Episcopus non possit eligi ad aliam ecclesiæ, dum est vni copulatus; & ideo est postulandus. d. c. fin. non per hoc inferitur idem ad ceteros prælatos, qualis est Abbas, & alij inferiores. glos. hic. ver. elegistis. Et sic cum isti non reperiantur prohibiti, sunt censendi admissi. d. glos. de postul. præl.

S E D. transire non potest sine licentia Papa.

QU^{IA} quilibet subiectus alicui ecclesiæ adstrictus, debet obtinere licentiam a suo immediato superiore ad hoc, vt possit ad aliam ecclesiæ transire. supr. c. si religiosus, & c. nullus, & glos. hic. ver. subiectum; licet non teneatur petere licentiam præstandi consensum electioni. d. c. nullus, & glos. hic. ver. elegistis. Et quoniam abbas exemptus est immediatè Romanæ Ecclesiæ subiectus. vt in tex. Ideo debet obtinere a Papa licentiam ad hoc, vt possit ad aliam ecclesiæ transire, vt in tex. & extr. de renunt. c. fin.

V E L. Legati de latere.

QU^{IA} Legatus de latere in prouincia suæ legationis Papam representat. c. volentes. extr. de offic. legat. Et ibi omnia potest, præter ea, quæ in signum singularis præminentie, sunt Romano Pontifici reservata. Archid. hic in princ. & in fin. Et quoniam facultas præstandi istam licentiam abbatibus exemptis, non est Papæ specialiter in signum præminentie reservata. glos. fin. hic. Ideo Legatus de latere potest illam impartiri. vt in tex. & extr. de offic. legat. c. 3. Tenetur ergo abbas exemptus petere licentiam transeundi ad aliam ecclesiæ, sed non licentiam consensum electioni præstandi; cum ad illam teneatur ratione subiectionis, ad istam verò non teneatur ratione ecclesiæ, cui nō est matrimonialiter copulatus. glos. ver. elegistis, & ver. deferendi.

§. Huiusmodi.

LEGATUS de latere potest confirmare electiones episcoporum exemptorum.

Quia

Q V I A Legatus de latere maius omnibus , post Romanum Pontificem , in prouincia sibi decreta imperium censetur habere . vt in tex. Et in illa omnia potest , quæ non sunt Romano Pontifici in signum præminentiz specialiter reseruata , vt dictum est superius. Et quoniam confirmatio electionis huiusmodi episcoporum non est de specialiter ei reseruatis. glos. fin. hic. licet episcoporum translatio sit de reseruatis. c. quod translationem. extr. de offic. leg. Ideo talis legatus potest illam præstare , vt in tex.

RELIQVI non.

Q V I A reliqui Legati non de latere habent strictiorem potestatem. infr. c. 1. de potest. legat. Ideo illa ad ipsos pro huiusmodi confirmatione præstanda non se extendit , sicut fit ad illos de latere. glos. 2. in d. c. 1. infr. de offic. leg.

SINE speciali mandato.

Q V I A in huiusmodi commissione est attendenda voluntas Papæ committentis. d. c. quod translationem. Et quoniam ex speciali mandato illa potest apparere , non autem ex commissione generali. vt in tex. Ideo tales Legati non de latere possunt huiusmodi confirmationem ex speciali mandato præstare , non autem ex generali. glos. in c. quamquam vers. plus. dist. 23. magis enim operatur species , quam genus. glos. hic. ver. specialiter.

Cap. 37. Si compromissarius.

SI compromissarius non eligit intra tempus iuris , ad proximum superiorem deuoluitur potestas prouidendi .

Q V I A compromissarius fungitur vice capituli compromittentis . extr. c. in causis. Et quoniam subrogatum sapit naturam subrogantis. c. ecclesia. extr. vt lite pend. Et si ipsum capitulum non eligeret intra tempus iuris , prouidendi potestas deuolueretur ad proximum superiorem. c. 2. extr. de concess. præb. Ideo debet esse idem ius , quando intra illud tempus non eligit compromissarius eius , vt in tex. Et sibi imputent compromittentes , qui in talem negligentem huiusmodi potestatem transiuerunt , vt in tex.

SI eligit , sed indignum , indistinctè redit ad compromittentes.

Q V I A tale compromissum habet intellectum iuris , scilicet , vt compromissarius debeat iuxta iuris dispositionem eligere idoneum , vt not. extr. in c. cum dilectus. Vnde talis eligendo indignum , transgreditur formam mandati. d. c. cum dilectus. Ideo cum in tali casu compromittentes non sint in culpa , ex quo non dederunt facultatem .

cultatem eligendi indignum, dolus compromissarii non debet eis imputari, vt in tex. & sic ne sine culpa eorum, priuentur illa vice potestate eligendi, ius voluit, vt potestas tunc libere reuertatur ad eodem, vt in tex. Non autem hoc voluit in superiori casu negligentia, quando, scilicet, compromissarius non eligit intra debitum tempus; quia tunc compromittentes fuerunt in culpa; nam poterant contra negligentiam sibi providere, non dando compromissario totum tempus iuris, quod habebant, aut sollicitum eligendo. glos. ver. transtulerunt; quod in dolo non contingit, cum consistat in animo, & non poterant illum prouidere. Archid. d. ver. transtulerunt. Ideo eis imputatur negligentia compromissarii, non autem dolus, vt in tex. Sicut procurator nocet domino in omittendo, non autem in committendo. l. fin. C. de acquir. possess. Et non permittitur, vt compromissarius possit rursus eligere, quando per ignorantiam elegisset indignum; quia functus est officio suo. vt in tex. sicut est in iudice, siue bene, siue male, semel iudicante. c. literis. extr. de offic. deleg. & l. iudex. ff. de re iudic.

N I S I id scienter ratum habuerint.

Q V I A ratihabitio trahitur retro, & comparatur mandato. c. ratihabitio. infr. de reg. iur. & l. hoc iure. ff. eod. Et bene poterant ratum habere, quia eorum nomine id erat factum; alias esset scus. c. ratum. d. tit. de reg. iur. & c. cum quis. infr. de sent. excom. Ideo sicut, si ipsi compromittentes scienter elegerint, vel commississent alteri, vt eligeret indignum, pro illa vice priuarentur facultate eligendi. extr. c. cum in cunctis §. fin. ita debent priuari, si electionem indigni eorum nomine a compromissario factam, scienter ratam habuerint. vt in tex. Qui enim per alium facit, per se ipsum facere videtur. c. vt famz. extr. de sent. excom. & qui malegestum scienter ratificat, alienam culpam facit suam. c. iam itaque. i. q. 4. Sed si ratificauerint electionem factam de indigno, quem ipsi credebant esse dignum, adhuc eligendi potestas deuoluitur ad ipsos compromittentes; quia sicut a principio si talem ignoranter elegerint, non haberet locum pena concilij. d. c. cum in cunctis, ita debet esse, vt non priuentur, si ignoranter ratificent. glos. ver. scienter.

I D E M, si electus idoneus non consentit.

Q V I A cum electio tunc non fuerit vitiosa, non debent eligentes iure suo sine culpa priuari. extr. c. si electio. & c. cum Vintonensis. Et quoniam non potest compromissarius rursus eligere, nam semel eligendo, functus est officio suo. vt in tex. nisi in mandato diceretur, quod posset eligere semel, & pluries. glos. ver. consentire. Ideo res redit ad naturam suam, & ad pristinum statum, vt ipsi compromittentes

tes

res habeant eligere, d. c. si electio. & habebunt liberum tempus, ac si noua esset vacatio. glos. ver. liberè.

SI compromissarius scienter eligit indignum, ipse solus ab ecclesiasticis beneficijs triennio est suspensus.

Q V I A pœna suum debet tenere auctorem. vt in tex. Et quoniam in tali casu compromittentes non fuerunt in culpa, ex quo non intelliguntur dedisse hanc facultatem eligendi indignum, & illam ratam non habent, vt dictum est superius. Ideo non conuenit, eos compromissarij odio prægrauari. vt in tex. Ipse autem compromissarius est suspensus ipso iure à beneficijs, quæ obtinet in ecclesia, quam per huiusmodi electionem offendit. vt in tex. quia ista est pœna imposita contra eligentes scienter indignum. extr. c. cum in cunctis. §. fin. Sed si non habet, nisi beneficium in illa ecclesia, & ab illo suspenditur, vnde habebit necessaria? Dic, quod de illo habebit modicam sustentationem, ne ex toto egeat. glos. in d. c. cum Vintonensis. ver. admiserant, & Archid. hic ver. beneficijs.

NI SI id, compromittentes scienter ratum habuerint.

Q V I A per huiusmodi ratihabitionem alienum delictum facerent proprium, vt dictum est superius. Ideo conueniens esset, vt pari pœna cum compromissario punirentur. c. quantz. extr. de sent. excom.

ET pœna prædicta suspensionis, non habet locum in Episcopo compromissario.

Q V I A de iure nullam sententiam suspensionis incurrit Episcopus, nisi de ipso expressa mentio habeatur. vt in tex. & c. quia. infr. de sent. excom. Et quoniam in d. c. cum in cunctis, vbi imponitur ista pœna suspensionis contra eligentes scienter indignum, non fit mentio, quod Episcopi huiusmodi pœna subiiciantur. d. c. §. fin. Ideo in Episcopo compromissario male eligente talis pœna non vindicat sibi locum. vt in tex. Sed ex quo tunc non est contra eum certa pœna statuta, ne delictum suum remaneat impunitum, ad arbitrium iudicis puniatur. c. de causis. extr. de offic. deleg. & Archid. hic. ver. peccante.

NE C in electione inferiorum Episcopis.

Q V I A prædicta decretal. cum in cunctis. in impositione pœnz suspensionis, non loquitur, nisi quando peccatur in electione Episcoporum, & Superiorum, vt ibi §. fin. Et quoniam pœnz, cum sint odiosæ, sunt potius restringendæ, quam dilatandæ. c. in pœnis. infra, de reg. iur. Ideo cum peccatur in electione inferiorum beneficiorum non intelligitur imposita dicta pœna suspensionis. vt in tex. & glos. penul. supra in c. quamquam.

*E T restringitur illa pœna ad beneficia, quæ obtinet in ecclesia
offensa.*

QU^{IA} prædicta decretal. cum in cunctis. in impositione huiusmodi pœnæ suspensionis à beneficijs, indefinitè loquitur, dum dicit: Ab ecclesiasticis beneficijs nouerint se suspensos. vt ibi. §. fin. non enim dicit vniuersaliter ab omnibus beneficijs. Et quoniam pœnæ sunt odiosæ. d.c. in pœnis. Et in odiosis indefinita non æquipollet vniuersali. Bart. in l. nominatim. ff. de liber. & posthum. Ideo talis pœna non est extendenda ad omnia beneficia vbicunque per huiusmodi delinquentem obtenta; sed solum ad beneficia, quæ obtinet in ecclesia, quam taliter eligendo, specialiter noscitur offendisse. vt in tex. Et dicitur ecclesia offensa per huiusmodi electionem, licet electio non habuerit effectum; quia quantum in eo fuit, male eligendo offendit. glos. ver. offendisse. Et sic pœna est commensurabilis delicto, vt secundum quantitatem iniuriæ, & per respectum ad illum, cui fit iniuria, imponatur. Cemin. & Archid. hic in fin. Vnde aliquis est suspensus à beneficio in vna ecclesia, & non in alia; sic etiam habetur supr. c. cupientes. §. cæterum. & infra de offic. ordin. c. si canonici.

E T idem in beneficijs illius, qui deficit in probatione eius, quod obijcit in personam.

QU^{IA} etiam in tali casu pœna suspensionis imponitur indefinitè à beneficijs. vt supr. in c. statuimus. §. fin. Ideo non est intelligenda suspensio lata ab omnibus beneficijs vbicunque obtentis, sed à beneficijs illius ecclesiæ, cuius personam talis, obijciendo falsa, offendit. vt in tex. & glos. in d.c. statuimus. ver. beneficijs. Sed quid si in his casibus eligens, vel opponens non habet in illa ecclesia beneficiū? Dic, quod pœna extraordinaria poterit affici. glos. penult. hic. Vbi enim quis deliquit, & non est capax pœnæ à iure impositæ, est locus pœnæ arbitrarie. c. finem. extr. de dol. & cont. & l. hos accusare. §. in hominibus. ff. de accus.

Cap. 38. Procurator.

PROCURATOR ad appellandum secundum formam. c. vs circa. non est idoneus, nisi omnia obiecta ex forma iuramenti, in procuratorio exprimentur.

QU^{IA} illud cap. vt circa. requirit, quod appellans contra electionem factam, volens dicere illam inualidam ex defectu formæ, vel personæ, exprimat crimina, & omnes circumstantias, quas intendit obijcere in formam, vel personam, & quod iuret, se credere illa esse vera, & se posse illa probare. vt in d.c. vt circa. supr. eod. Quæ expressiones, & iuramentum, à iure requiruntur, vt via malitijs præcludatur,

tur, ne quis calumniose opponat, & ne indebite diu vacent ecclesiæ. d. c. vt circa . Et quoniam procurator posset credere ea esse vera, quæ non credit dominus, & sic nõ posset verè iurare de credulitate domini, & dominus posset malitiose se excusare. gl. penult. hic. Ideo ad obuiandũ malitijs, quæ in huiusmodi appellatione fieri possent, per hanc cõstitutionẽ declaratur, quod per c. vt circa, procurator ad appellandum contra electionem, postulationem, aut prouisionem alicuius, non aliter idoneus reputetur, quam si omnia, quæ in formam obijcere, vel personas, & propter quæ appellare intendit, singulariter, & clarè in eius procuratorio sine expressa; & quod habeat speciale mandatum iurandi corporaliter in eorum animas, quorum procurator existit, quod ipsi credunt expressa huiusmodi vera esse, & se posse probare. vt in tex. Si tamen ipse dominus appellasset, & seruasset formam. d. c. vt circa. licet postea procuratorem constituat, tunc admitteretur procurator sine alia criminum expressione. Francus nu. r. Cum ad prosequendam appellationem iam factam hoc non requiratur. vt not. Specul. in tit. de procur. §. r. ver. sed nunquid . Et quoniam noua constitutio aliam declarans habet locum solum in casibus, in quibus habet constitutio declarata. gl. r. supr. in c. is, qui, & Gemin. hic nu. 4. Et decretal. vt circa. quam ista declarat, habet locum tantum in appellationibus extraiudicialibus, non autem in appellationibus interpositis in iudicijs. infr. c. constitutio. Ideo etiam hoc cap. habet locum solum in extraiudicialibus. gl. r. hic. Dic ergo, procurator ad appellandum contra electionem, & c. scilicet, extra iudicium. Archid. hic in princ.

Cap. 39. Si confirmationem.

CASSATA confirmatione, vel cassa nuntiata, propter defectum iurisdictionis, vel solemnitatem omisam, non propter hoc electio cassata dicitur.

QUIA confirmatio se habet vt accessorium, & electio vt principale. gl. fin. hic. nam per electionem datur titulus prælaturæ, & habitus administrandi, per confirmationem vero solum datur exercitium ad illam. gl. in c. quanto. dist. 63. & not. supr. in c. auaritiæ . Et quoniam principale non sequitur naturam accessorij, licet accessorium sequatur principale. cap. accessorium. infr. de reg. iur. Ideo licet cassetur confirmatio, non per hoc cassatur electio. vt in tex. Præterea, in separabilibus inutile non vitiat vtile. c. vtile. infr. de reg. iur. Et quoniam electio, & confirmatio sunt actus diuersi, & abinuicem separati. Innoc. in c. 2. extr. de restitut. in integr. Ideo si electio præcedens fuerit canonica, propter inuvalidam confirmationem sequentem, non debet infirmari. vt in tex. Et illud, quod hic dicitur in confirmatione electionis, est dicendum etiam in confirmatione sententiæ, priuilegij, statuti, seu alterius

contractus, cum sit eadem ratio etiam in istis. Io. And. & Francus hic.

Cap. 40. Quia sæpe.

SI vacante cathedrali, regulari, vel collegiata ecclesia, singulares persone capituli, vel conuentus occupant bona à prælato dimissa, vel vacationis tempore obuientia, donec plene restituant, ab officio, & quibuscunque beneficijs sunt suspensi.

QUIA sæpe contingebat, quod cathedralibus, & regularibus, ac collegiatis ecclesijs vacantibus, capitula, conuentus, collegia, & singulares earundem personæ, bona à prælatis ipsarum dimissa, vel vacationis tempore obuientia, quæ in utilitatem dictarum ecclesiarum expendi, vel futuris deberent successoribus fideliter referuari, occupabant, inter se diuidebant, surripiebant, & cõsumebant, in ecclesiarum, & successorum graue dispendium, & iacturam. vt in tex. Ideo ad temerarios ausus talium reprimendos, & ad ecclesiarum indemnitatibus præcauendum, statuitur, vt ij, qui præmissa de cætero præsumpserint, eo ipso sint, & tandiu mancant ab officio, & beneficijs quibuscunque suspensi, donec plene restituerint quicquid de bonis perceperint supradictis, vt in tex. Hodie verò super bonis remanentibus prælatorum obeuntium, occasione ecclesiarum acquisitis, & super fructibus ecclesiarum vacantiũ, sunt diuersæ constitutiones Summorum Pontificum, qui statuerunt illa esse spolia spectantia ad Sedem Apostolicam; vt est constitutio Pauli III. quæ incipit: Romani Pontificis. sub datam Romæ 3. nonas Ianuar. 1549. quæ postea fuit abrogata per Iulium III. quo ad loca, vbi non sunt subcollectores spoliatorum, sub datam 26. Iunii, pontif. sui anno primo, & quo ad curiales Romæ sub 6. idus Martij, eodem anno. Et limitata fuit per Pium V. quo ad omnes in quibusdam mobilibus relinquentis proprijs ecclesijs, sub datam 3. Kal. Septembris 1567. Et tandem cum quadam moderatione fuit confirmata illa Iulij Tertij quo ad curiales Romæ per optimum principem Paulum V. modo ecclesiam Dei summa pietate gubernantem; ob quod beneficium Canonici Ecclesie Lateranensis æneam statuiam ei meritò posuere, grati animi ergo. Ex eo enim tempore Vrbs frequentius, & decentius colitur, non amplius timentibus ecclesiasticis, vt in bonis eorum vexentur hæredes. vnde oriebatur, quod multi, vel ab Vrbe discedebant, vel ibi pauperem vitam ducentes, pecuniam alibi trans mittebant. Constitutio autem incipit. Ih eminenti. data die 8. Aprilis 1606.

NON obstantibus priuilegijs, statutis, & consuetudinibus, quacunque firmitate vallatis.

Quia

QUIA cum sint irrationabilia, & ecclesijs damnoſa. vt in tex. per hanc constitutionem, non obſtante quacunque confirmatione, caſſantur, & irritantur. vt in tex. Et per iſtam clauſulam, non obſtante &c. non ſolum intelliguntur ablata conſuetudines ante hanc conſtitutionem inductæ, ſed etiam prohibetur, ne in futurum inducantur. vt not. in Clem. in plerisque. infr. eod.

Cap. 41. Conſtitutio.

DECRETALIS, vt circa ſolum in extra iudicialibus appellationibus locum habet.

QUIA in prædicta decretal. vt circa. habentur hæc verba, ſcilicet, quando electionibus, poſtulationibus, & prouiſionibus ſe opponunt, & propter hoc contigerit appellari; & non dicit, quando in iudicio ſe opponunt. Item ibi dicitur, quod debeat coram perſonis authenticis præſtare iuramentum; ſed ſi appelletur in iudicio, non poſſet dici, quod non eſſet præſtitum iuramentum corā perſona authentica; cū iudex ſit perſona authentica. Gemin. hic nu. 3. Ideo cū per iſta verba conſtet, quod d. decret. voluit intelligere de appellationibus extra iudicialibus, non autē de iudicialibus, non eſt à ſignificatu verborū, & conſtitutionis intēctione, per aliquos recedendū. gl. antepen. in c. ſolitz. de mai. & obed. & c. conſuluiſti, & ibi gl. 1. q. 5. Non enim eſt eadem ratio illius decretalis in appellationibus iudicialibus, quæ eſt in extra iudicialibus; nam illa fuit ſtatuta ad obuiandum malitijs, quæ committebantur circa appellationem ab electionibus, quibus non erat per iura prouiſum. vt in d. c. vt circa. ſupr. eod. Sed quoad appellationem iudicalem, bene eſt per diuerſa iura prouiſum. vt in c. vt debitus. extr. de appell. & c. 1. infr. eod. Et magis habemus parata remedia in iudicio, quam extra iudicium. gl. in c. ſolet. infr. de ſent. excom. Ideo magis opus erat adhibere cautelam ad appellationem extra iudicium, quam eſſet ad illā in iudicio. gl. 1. hic.

IN iudicialibus autem antiqua iura ſeruanda ſunt.

QUIA quod noua lege non reperitur immutatum, id veterum legum diſpoſitioni intelligitur relictum. l. præcipimus. in fin. C. de appell. Iurium enim correctio eſt euitanda. ſupr. c. cum expediat. Et quod non mutatur, quare ſtare prohibetur? l. ſancimus. C. de teſt. am. ſit quoniam iura antiqua non reperiuntur immutata quo ad appellationem iudicalem in huiusmodi electionibus, & poſtulationibus, aut prouiſionibus. vt in tex. Ideo illa iura circa talem appellationem ſunt ſeruanda. vt in tex. & gloſ. 1.

Cap. 42. Is, cui .

HABENS plenam administrationem cathedralis ecclesie in spiritualibus, & temporalibus, iurisdictionalia exercere potest .

QU^IA talis administrator, seu procurator, vel visitator, qui solum a Sede Apostolica in cathedralibus vacantibus ad tempus deputatur, electo confirmato in gubernatione ecclesie (præterquam in alienatione bonorum immobilium) comparatur, vt in tex. & cap. fin. infr. de suppl. negl. prel. Et quoniam electus confirmatus potest exercere iurisdictionalia, extr. c. transmissam . Ideo debet posse eadem etiam iste administrator, vt in tex. Cum de similibus idem sit iudicium, l. fin. C. ad leg. Fal. Sed non datur ei potestas alienandi bona immobilia, licet adhiberet debitam solemnitatem . Francus nu. 1. Nec potest donare de fructibus ecclesie pro sua voluntate, sed de illis debet habere quotidianas expensas, & reliquos seruare prelato successori, reddendo rationem de administratione facta. Gemin. nu. 9. quia ipse non est sponsus, & prelatus ecclesie, c. presbyteri. dist. 24. Ideo non tantum deferretur ei, sicut fit prelato sponso. Gemin. hic.

SACRAMENTALIA non .

QU^IA illa, quæ ministerium consecrationis exposcunt, non possunt exerceri etiam per electum confirmatum, sed solum per Episcopum consecratum, d. c. transmissam. & ibi glos. fin. quæ enumerat ea, quæ sunt ordinis, & ea, quæ sunt iurisdictionis. Et quoniam iste administrator, qui non sit Episcopus, non habet maiorem auctoritatem, quam habeat electus confirmatus, vt dictum est superius . Ideo non potest exercere sacramentalia, sicut non potest ipse electus non consecratus . vt in tex. Poterit autem ea per alios Episcopos facere expediri . vt in tex. quia ista demandatio est iurisdictionis, quam potest facere etiam electus confirmatus, glos. fin. hic. & d. glos. in d. c. transmissam.

NISI Episcopus fuerit.

QU^IA in eo tunc concurrunt vtraque potestas requisita ad talium administrationem, scilicet potestas ordinis, & potestas iurisdictionis . Gemin. nu. 7. Nam Episcopus extraneus non potest exercere ea, quæ sunt ordinis in aliena diocesi, ex defectu iurisdictionis. cap. abbates. infr. de priuileg. Et quoniam concessio huiusmodi administrationis tribuitur Episcopo iurisdictionem. vt in tex. Ideo poterit exercere sacramentalia, quæ sunt ordinis, ex sua propria virtute . Gemin. num. 9.

Cap.

Cap. 43. Indemnitatibus.

MONIALIS non eligis, nisi peregeris undecimum annum.

QU^{IA} mulier ante duodecimum annum dicitur impubes, & discretionem caret, supr. c. ex eo, & extr. de regular. c. cum virum; & ob id etiam non censetur apta ad præstandum consensum per verba de presenti in matrimonium carnale. c. puberes. extr. de despons. impuber. nisi malitia suppleat ætatem. d. titulo c. fin. Et quoniam in electione facienda requiritur, quod eligentes habeant iudicium cognoscendi dignum ab indigno. d. c. ex eo, & extr. c. cum in cunctis. Ideo ante annos pubertatis, & discretionis, neque mulier, neque vir, eligere potest, vt in tex. & d. c. ex eo, sicut propter eandem rationem, neque etiam furiosus. glos. in d. c. ex eo.

ET sit tacite, vel expresse professa.

QU^{IA} abbas debet eligi a monachis, & abbatissa a monialibus. c. abbatem. 18. q. 2. & not. in d. c. ex eo. lex enim in multis æquiparat moniales monachis, præsertim in creatione abbatis, & abbatissæ. Archid. num. 3. Et quoniam illa, quæ non est tacite, vel expresse professa, non potest dici monialis, cum adhuc possit ad sæculum redire. c. 1. infr. de regular. Ideo tanquam laica, si non sit professa, non est capax neque ibi, neque alibi iuris eligendi abbatissam, cum tale ius sit spirituale, quod in personam laicam cadere non potest. d. c. ex eo.

NEC eligitur, nisi peregeris trigessimum annum.

QU^{IA} cum per abbatissam debeat gubernari monasterium. vt in tex. Curandum est, vt illi præficiatur persona idonea. d. c. cum in cunctis, & d. c. abbatem. Et quoniam sicut vir propter iuuenilem ætatem non censetur idoneus ad episcopatum ante trigessimum annum completum, cum antea non bene præsumantur haberi morum gravitas, & experientie iudicium. d. c. cum in cunctis. Ideo idem est censendum etiam in muliere in spiritualibus præficienda alijs, quæ licet non habeat tantum onus, sicut episcopus. c. dilecta. extr. de maior. & obed. est tamen sexus fragillioris, & minoris iudicii. c. foris. extr. de verb. sign. Ideo vnum cum alio compensatur, vt eadem ætas requiratur in abbatissa, quæ requiritur in episcopo; ne monasterium gubernetur a iuueniculis. Ioan. Monach. hic, & c. iuueniculas. 20. q. 1. vbi habetur, quod abbatissa debet esse sexagenaria; sed illo iure hodie non utebatur, cum ætas hominis sit brevis; ideo fuit præscripta ætas triginta annorum, vt ætatis breuitati, & morum gravitati consulereetur. glos. hic. ver. trigessimum, & glos. in d. c. iuueniculas. Nouissimè verò est attendendum Concilium Trident. per quod statuitur, vt non eligatur in abbatiss-

batissam minor quadraginta annis, & quæ octo annis post expressam professionem laudabiliter vixerit. Si verò talis non inueniatur in monasterio, nec possit ex alio monasterio haberi, eligatur illa, quæ trigessimum annum excesserit, & per quinquennium sit professa. sess. 25. cap. 7. de regular.

ET fuerit expresse professa

QUIA professio expressa est nobilior, quam tacita; cum illa sit hominis, ista sit iuris, vt not. supr. in c. nullus. & infr. de regular. c. constitutionem. Et quoniam ille, qui præficitur alijs, debet meritis, & bono exemplo excellere alios. d. c. cum in cunctis. Ideo statuitur, vt tam monachus præficiendus in abbatem, quam monialis præficienda in abbatissam, sint expresse professi. vt in tex. & d. c. nullus, & nouissime Concil. Trid. d. sess. 25. cap. 7.

J. Sanè.

NON obstante contradictione, vel appellatione quacunque, electa a duabus partibus numero, cum per scrutinium proceditur, examinatione præmissa per officium presidentis, confirmatur, & benedicitur.

QUIA numerus duplo maior præsumitur valde sanior, & motus a maiori zelo ad illam eligendam, quam moueatur alia tertia pars ad eam reprobendam, vt not. supr. in c. si quando; quam præsumptionem auget examinatio facta per officium presidentis, qui talem electionem esse per scrutinium canonicè factam inuenit. vt in tex. Ideo licet alias regulariter, appellatione interposita ad Papam, non possit inferior confirmare electionem. supr. c. si postquam. Tamen in electione monialium, vbi, propter sexum fragiliorem, ad quærimonas garrulum, & ad variandum propensum. c. foris, extr. de verb. sign. est maius periculum, ne monasteria diu vacent, & ne imputationes monialium cum paruo decore per iudicia circumferantur; ad occurrendum illorum periculis, & indemnitatibus, specialiter statuitur, vt in tali casu tertiæ partis contradictio, vel appellatio, confirmationem, & benedictionem electæ non impediat. vt in tex. & Gemin. nu. 5.

ITEM, publicato scrutinio, antequam ad actus extraneos se diuertant, eligentes possunt accedere ad illam, qua maiorem partem conuentus numero habet.

QUIA licet, publicato scrutinio, non possit illa, quæ fuit maior pars eligentium, variare in præiudiciũ illius, quem ipsi elegerunt. vt not. extr. in c. publicato. Minori tamen parti conceditur,

ditur, vt possit accedere ad electum a maiori parte, cum per ipsam minorem partem non potuerit ex se sola fieri aliqua electio valida; & sic per eius accessum ad electum a maiori parte, non fit alicui iniuria, licet ab ipso recedat. gloss. fin. in c. cum in iure. extr. eod. Et ex quo res adhuc est integra, nec ipsi eligentes diuerterunt se ad actus extraneos, non est minori parti iusta penitudo humanitas amputanda. arg. c. ei qui. §. si quis. 2. q. 6. & not. supr. eod. in c. quamuis. & ibi Archid. ver. partibus.

ET si per accessum ad duas partes peruenierunt (sicut in primo casu) confirmabitur, & benedisetur.

QU^{IA} cum vota minoris partis per accessum ad maiorem ita connumerentur, ac si omnes ab initio in eandem consensissent. vt in tex. Eundem effectum confirmationis, & benedictionis debent operari, sicut operatur consensus ipsarum duarum partium a principio. vt in tex. Cum idem ius debeat statui, vbi est eadem ratio. l. illud. ff. ad leg. aquil. & ad materiam vide Concil. Trident. sess. 25. de regular. cap. 6.

NON tamen adimetur contradicentibus potestas denuntiandi, vel accusandi, cum abbatisa fuerit benedicta, & possessionem adeptas.

QU^{IA} sicut ad euitandam monasteriorum diuturnam vacationem, & monialium faciles imputationes subterfugiendas, fuit statutum, vt, non obstante quacunque contradictione, vel appellatione, electa a quibus partibus numero, confirmetur, & benedicatur, vt dictum est superius; ita ad consulendum monasterijs, & monialibus, ne fortè talis sit electa, quæ a dignitate adepta deijci mereatur; fuit monialibus concedenda facultas, vt si quæ fuerint moniales, quæ (postquam in præmissis casibus talis confirmata, & benedicta fuerit, ac suæ administrationis possessionem sit assecuta) voluerint in modum denuntiationis, vel accusationis, vt a dignitate deijceatur adepta, proponere aliquid contra ipsam, eis per prædicta proponendi minime sit sublata facultas. vt in tex. Sed dices, quid poterunt opponere istæ moniales per viam denuntiationis, vel accusationis, post confirmationem? Respondetur, quod illa tantum, quæ respiciunt personam electam; non autem ea, quæ respiciunt defectum formæ, nam omnis defectus formæ est purgatus per confirmationem solemniter factam a iudice idoneo. vt not. Innoc. & Compstell. extr. in c. quod sicut. Ex quo enim Papa mandat electionem confirmari, non obstante aliqua exceptione, intelligitur per eum remotus omnis defectus formæ; & sic non poterit modo obijci de vitio formæ, sed de vitio personæ electæ; & ratio diuersiter statuendi fuit, quia vitium formæ non lædit ecclesiam, sed vitium personæ lædit moniales, & ecclesiam. Cemin. hic in §. verum.

D d

ITEM

ITEM de obiectis contra electam à maiori parte conuentus, quæ tamen duas partes, nec à principio, nec per accessum habet, ante confirmationem, sine strepitu, & figura iudicij inquiretur.

QU^IA licet electa à maiori parte capituli censeatur electa à toto capitulo. c. i. extr. de his, quæ si à mai. par. cap. & habeat præsumptionem pro se, quod electio sit facta de persona idonea. extr. c. quia propter. Tamen non habet pro se præsumptionem ita vehementem, sicut habet illa, quæ est electa à duabus partibus. extr. c. licet. Ideo si contra eam aliquid obijciatur, præter ea, quæ in tali negotio sunt ex officio per superiorem inquirenda, antequam illam confirmet, debet inquirere super istis obiectis. vt in tex. Quod non erat faciendum in obiectis contra electam à duabus partibus, propter maiorem præsumptionem bonitatis ipsius electæ, vt dictum est superius. Inquisitio autem ista debet fieri sine strepitu, & figura iudicij. vt in tex. quia non decet monialium imputationes per tribunalia propalari. c. si qua monacharum. & cap. si quis rapuerit. 27. q. 1. sed illarum discordiæ debent quamceltius terminari. vt in tex. §. vt autem. & §. postremo. Et hodie est commune etiam in electionibus virorum, vt in talibus causis sine strepitu, & figura iudicij procedatur, vt sic lites citius terminentur. Clem. dispēdiosam. de iud.

IPSA tamen, alienatione bonorum, & monialium receptione sibi interdictis, interim ministrabit.

QU^IA licet regulariter non possit electus ante confirmationem habitam à superiore, actu administrare. glos. in c. quanto. dist. 63. In quibusdam tamen casibus, in quibus interim timetur de damno ecclesiæ, conceditur electo, vt etiam ante confirmationem administret. vt not. extr. c. nihil. Et casus isti particulariter excepti notantur hic per glos. ver. auctoritate. Ideo propter eandem rationem euitandi ecclesiæ damnum, conceditur tali electo, vt possit ante confirmationem in spiritualibus, & temporalibus libere administrare. vt in tex. Non autem conceditur ei, vt interim possit bona alienare, etiam si debitas solemnitates adhiberet. vt in tex. & not. supr. in c. is, cui. quia alienatio bonorum in dubio sonat in malam partem. vt not. in d. c. nihil. Nec vt possit recipere moniales. vt in tex. quia per illarum receptionem posset monasterium grauari, & sic videretur esse quædam alienatio iurium monasterij. vt not. in c. fin. infr. de regular. & cap. i. extr. de institut. Et etiam quia in bonorum alienatione, & monialium receptione, non est periculum in mora, sicut est in administratione ecclesiæ, & bonorum eius. Archid. hic ver. alienet. Ideo cessat ratio tunc concedendi dispensationem, & sic remanet in istis non concessis ius commune, vt in eis non possit electa ante confirmationem administrare. vt in d. c. nihil.

ITEM

ITEM à minori parte electa nullum ius acquiritur.

QU^{VI}A electio Abbatisſæ ſpectat ad capitulum, ſive cōuentum monialium. c. abbatem. 18. q. 2. vt dictum eſt ſuperius. Et quoniam minor pars non repræſentat capitulum, quando per priuationem maioris partis ad eam non eſt tota poteſtas deuoluta. ſupr. c. quorundam. & ibi gloſ. ver. numero. Ideo cum talis fuerit electa à minori parte non habente poteſtatem, nullum ius per huiusmodi electionem acquiſuit. vt in tex. & not. extr. de conſtitut. c. cum omnes.

N E C alie poſſunt accedere ad eam.

QU^{VI}A quod à principio eſt nullum, tractu temporis non conualeſcit. c. non firmatur. infr. de reg. iur. Et quoniam talis electio fuit à principio nulla, cum minor pars non haberet in ſe poteſtatem capituli, vt dictum eſt ſuperius. Ideo poſtea per acceſſum aliarum monialium validari non poteſt. vt in tex. & gloſ. ver. à minori. quæ probat idem eſſe dicendum, ſi talis eſſet electa à media parte monialium; cū nec in tali caſu poſſit dici electa à maiori parte capituli, in quo caſu ſolum reperitur, validū eſſe acceſſum. vt ſupr. in tex. Nec media pars poteſt dici maior pars. d. gl. hic. Ideo non habet in ſe iuriſdictionem capituli. c. 1. extr. de hiſ, quæ ſi. à mai. par. cap.

N E C ibi fit collatio, niſi numeri ad numerum.

QU^{VI}A difficile eſt concordare mulieres, vt dictum eſt ſuperius. Mulierem enim fortem quis inueniet? procul, & de vltimis finibus pretium eius. Salomon in Prouerb. c. 31. Et quoniam difficiliter per moniales deueniretur ad concordiam electionis, ſed potius ſæpe proſilirent ad opprobria, & calumnias, ſi eſſet faciendâ collatio zeli ad zelum, & meriti ad meritum. Gemin. hic. §. vt autem. Ideo vt facilius ad concordiam electionis Abbatisſæ per moniales veniatur, ſtatuitur, quod quando per formam ſcrutinij procedunt, non ſit faciendâ collatio zeli ad zelum, nec meriti ad meritū, ſed ſolum numeri ad numerū. vt in tex.

§. Cæterum.

ELECTÆ per compromiſſum, benediſtio impendetur, non obſtante minoris partis contraditione.

QU^{VI}A compromiſſarius fungitur vice compromittentium. vt not. ſupr. c. ſi compromiſſarius, & extr. c. in cauſis. Et quoniam compromiſſum intelligitur vnanimiter ab omnibus de capitulo eſſe factum. extr. c. quia propter. & d. c. in cauſis. Ideo ex quo minor pars cenſetur vices ſuas in compromiſſarium tranſuliſſe, nec ipſa habet in ſe capituli iuriſdictionem, vt poſſit aliquid nomine capituli opponere,

D d 2 vt di-

vt dictum est superius; eius contradictio non debet impedire, quin electa à compromissario, per superiorem confirmetur, & benedicatur; vt in tex. Non tamen per hoc denuntiandi, vel accusandi causa, postmodum isti minori parti est via præclusa. vt in tex. quia sicut talis via non impeditur contra electam per viam scrutinij à duabus partibus capituli, vt dictum est superius; ita non debet impediri contra electam per compromissum, cum tales electiones in hoc de pari procedant. glos. ver. expectare. Sed in hoc differunt, quod minor pars potest impedire benedictionem electæ per scrutinium à maiori parte, si illa pars non sit duplo maior, vt dictum est superius; sed non potest impedire benedictionem electæ à maiori parte per viam compromissi, quamuis illa pars non sit duplo maior, vt in tex. Et ratio, vt in hoc sit magis fauorabilis electa per compromissum, est, quia compromittentes censentur omnes à principio consensisse in illam, quæ à compromissario eligeretur, quod non censetur in forma scrutinij. d. glos. expectare.

S E D si maior pars se opponat, libere administrabit.

Q V I A ex quo ipsa maior pars commisit vices suas in compromissarium. d. c. in causis. non debet ei concedi, vt possit postea in damnum ecclesiæ impedire administrationem illi, quæ censetur legitimè electa. d. glos. expectare. & simile dictum est superius de electa per viam scrutinij à duabus partibus capituli.

N E C confirmabitur.

Q V I A sicut fuit pronisum monasterio, vt ista electa administret, ne illud patiatur detrimentum. vt not. supr. in electa per viam scrutinij; ita fuit pronidendum monialibus, ne talis confirmetur, quæ postea per vitium personæ esset deiicienda. vt not. superius. Et quoniam maior pars capituli est maioris auctoritatis, quam sit pars minor. c. l. extr. de his, quæ s. à mai. par. cap. Ideo conceditur, vt oppositio maioris partis impediat confirmationem, non autem oppositio minoris. vt in tex.

S I autem ei se opponat pars in duplo maior, non administrabit, nec confirmabitur.

Q V I A compromittentes non censentur dedisse compromissario potestatem, vt eligeret indignum, d. c. si compromissarius. Vnde si ipse elegeret indignum, non censeretur elegerisse potestate sibi tradita. Gem. in. hu. 2. & ius eligendi tunc reuerteretur ad ipsos compromittentes. d. c. si compromissarius. Et quoniam pars capituli duplo maior est maioris auctoritatis, & fidei, quam pars simpliciter maior, vel pars minor, vt dictum est superius. Ideo magis deferretur parti duplo maiori, vt per eius oppositionem ipsa valeat impedire administrationem, & confirmationem, dum vult dicere vitia contra personam electæ, quam concedatur

tur

tur reliquis paribus ea minoribus. vt in tex.

SED expectabilis litis euentum.

QUIA sicut præsumptio, quæ est pro ista parte duplo maiori, quod iusta opponat, facit, quod illa electa interim non administrat, neque confirmatur, vt dictum est superius; ita præsumptio, quæ est ex alia parte pro electa, quod ei sit ius acquisitum per electionem factam à compromissario, in quem ipsi compromittentes ius eligendi transtulerunt, facit, vt lite pendente, nihil sit innouandum. arg. c. ecclesia. infra, vt lite pend. Et quoniam litis euentus solet esse incertus. l. quod debetur. ff. de pecul. Ideo est expectanda iudicis sententia, quæ ius facit inter partes. c. cum inter. extr. de sent. & re iudic.

§. Porro.

SI ab opponentibus in casibus præmissis appellatur, constitutio. Vt circa. seruabitur.

QUIA constitutio illa fuit edita, vt præcludatur via malitijs, quæ possent in detrimentum ecclesiæ, diutius electionem prolongare. vt sup. in d. c. vt circa. Et quoniam ista ratio militat etiam in præmissis casibus electionis Abbatissæ. vt not. sup. in §. prox. Ideo etiam in illa idem ius debet habere locum. c. cum dilecta. & ibi glos. 3. extr. de confirm. vtil. vel inutil.

SED moniales ad Sedem Apostolicam personaliter non veniunt.

QUIA propter sexus verecundiam, suæq. conditionis statum, non decet moniales, nec ipsis expedit, publico cœtui demonstrari, aut extra sua monasteria euagari. vt in tex. Ideo, licet ceteri electi, vel eligentes, cathedralium, vel regularium ecclesiarum (quorum confirmatio per immediatam subiectionem, vel interpositam appellationem spectat ad Sedem Apostolicam) intra vnum mensem post consensum, vel post obtentam de ipsorum electione notitiam, ad Sedem ipsam iter te. neantur arripere, nisi fuerint legitime impediti. sup. c. cupientes. Moniales tamen electæ, aut eligentes, vel appellantes, seu illæ, contra quas appellatum fuerit, ad eandem Sedem personaliter venire prohibentur. vt in tex.

SED procuratores secundum constitutionem. Cupientes mittent.

QUIA cum Pápæ debeat plene informari super electione sibi propo-
sita, vt possit scire, an illa sit confirmanda, vel infirmanda. d. c. cupientes. §. ad hæc. Et quoniam ista informatio non potest haberi per ipsas moniales, quæ personaliter ad Sedem Apostolicam compareant. vt in tex. sicut tenentur comparere electi, & aliqui de eligentibus.

tribus. d. c. cupientes. Ideo statuitur, vt hanc informationem faciant per procuratores sufficienter instructos, ab eis ad Sedem ipsam, cum omnibus actis, iuribus, & munimentis ad causam spectantibus, transmittendos. vt in tex. & glos. ver. sufficienter. alioquin etiam ipse pœnam illius constitutionis. Cupientes. ipso iure incurrunt. vt in tex.

§. Postremo.

PONENTES, vel nutriendes discordiam in electione monialium, ipso iure sunt excommunicati.

QUIA seminantes, & nutriendes discordiam, grauiter peccant contra proximum. c. neque. dist. 90. Et quoniam tale malum faciliter posset disseminari, & augeri in electionibus monialium. vt dictum est superius. Ideo, vt caueatur ab isto malo, timore pœnæ, si non amore Dei. extr. c. cum in cunctis. in fin. contra taliter peccantes imponitur excommunicationis pœna, ipso iure incurrenda. vt in tex. A tali tamen excommunicatione possunt Episcopi absolvere. glos. ver. subiaccere. Cum Papa sibi non referauerit absolutionem. extr. de sent. excomm. c. nuper.

§. Supradicta.

HÆC constitutio locum habet in monialibus regulariter uiuentibus.

QUIA cum tales moniales uiuant sub aliqua de religionibus approbatis. vt in tex. ad occurrendum indemnitatibus earum, & monasteriorum, in quibus degunt, fuit principaliter edita hæc constitutio. vt supr. in princ. huius tex. Ideo suo non debet fraudari intentu. c. 1. extr. de constitut.

ET in canonicis secularibus.

QUIA licet tales canonice nullam faciant professionem regularem, nec renuncient proprijs, & earum regula non sit sub aliqua de religionibus approbatis, sed viuunt, vt in secularibus ecclesijs canonici seculares. vt in tex. Ex quo tamen communiter viuunt, vt faciunt moniales, & vulgus eas moniales appellat, nesciēs distinguere eas à monialibus. Ioan. Vanquel. hic in fin. etiam ipse sunt subiectæ iurisdictioni iudicis ecclesiastici. Sicut & eremitæ, qui simul viuunt in regula non approbata, & tamen subsunt Episcopo loci, vt alij ecclesiastici. Gemin. hic nu. 1. Ideo dum ab ecclesia talium canonicarum status toleratur, propter similitudinem, quam habent cum monialibus, statuitur, vt etiam ad eas hæc constitutio extendatur, vt in tex. De similibus enim idem est iudicium. l. fin. C. ad leg. Falc.

HOC

H. O. C. excepto, quod non debeant, nisi professi eligere, vel eligi; quod non potest vendicare sibi locum in canonicis secularibus.

Q V I A cum istæ canonicæ nullam faciant professionem. vt in tex. si eis præciperetur, quod eligentes, & electæ earum essent professæ, eis præciperetur id, quod implicaret contradictionem, & sic simul esse non posset, glos. ver. nequeat. Et quoniam lex debet esse possibilis. c. erit autem. dist. 4. Ideo dum tales canonicæ in huiusmodi statu tolerantur, eligentes earum, & electæ esse professæ non tenentur. vt in tex.

P E R hoc tamen Papa non approbat statum dictarum canonicarum secularium.

Q V I A Papa, scribendo de aliquo collegio, etiam per viam constitutionis, non per hoc censetur illud approbare; quando illud exprimit in constitutione, & nominat non approbatum. Francus hic num. 2. nam propter difficultatem omnes abusus extirpandi, multa tollerantur; quæ non per hoc, vt bona approbantur. c. 1. 27. q. 7. & c. pudentia. 24. q. 1. Et quoniam extirpare istas canonicas in quibusdam prouincijs, præcipue in Germania, propter illarum inueteratam consuetudinem, videbatur difficilimum. Ioan. Vanq. hic. Et illas approbare non conueniebat; cum monasteria non debeant esse duplicia, scilicet, virorum simul, & mulierum. c. diffinimus. 18. q. 2. Et istæ canonicæ sæpe recipiebant viros hospites, & officiabant cum canonicis. Ioan. Andr. hic ver. postremo. Ideo per hanc constitutionem prouideretur circa istarum electionem ad melius, quod fieri potest; non tamen per huiusmodi provisionem earum statum approbando. vt in tex. Sed hodie earum status censetur reprobatus per c. perniciosam. 18. q. 2. Gemin. hic num. 5.

§. Ad hæc.

I V R A de virorum electionibus tractantia, per hoc capitulum non sunt immutata.

Q V I A ea, quæ in hoc cap. statuuntur, in multis a iure communi discrepare noscuntur. vt in tex. Et sunt decem specialia in hoc tex. quæ exorbitant a cæteris iuribus loquentibus de electionibus virorum, vt enumerat hic glos. ver. in multis. Et quoniam sicut masculinum non comprehendit femininum, quando est in materia exorbitantia a iure communi, & in articulis, qui feminis non congruunt. glos. supr. in c. generali. ver. vniuersos, & ibi Gemin. nu. 8. Ideo multo magis in tali materia, qualis est ista, disposita de monialibus non sunt extendenda ad monachos. vt in tex. & Gemin. hic num. 1. Ad maiorem tamen declarationem hic exprimitur, quod per hanc constitutionem iura loquen-

quentia de electionibus virorum non sunt immutata, sed remanent in pristina firmitate. vt in tex. Et de hac materia vide, quæ nouissime sunt statuta per Concil. Trid. sess. 23. cap. 7. & 7. de regular.

Cap. 44. Prouida.

SI Ordinarius post recessum appellationis interiectæ ad curiam in causis electionum episcopatum, non inquisito, an prauitas interuenerit, procedit, confirmat, vel consecrat, prædicta non tenent.

QUIA ubi iudici datur iurisdictio sub certa forma exercenda, si ipse procedit, illa forma omissa, processus est nullus. glossa in Clement. 1. ver. inhibentes. de iurepatr. & l. cum ij. §. si prætor. ff. de transact. Et quoniam Ordinarius in hoc casu mandatur iurisdictio sub ea forma, vt ante omnia diligenter inquirent, an in isto recessu appellationis prauitas interuenerit. vt in tex. & supr. c. quamuis. Ideo si fiat per Ordinarium processus, hac forma non seruata, & confirmat, vel consecrat, taliter facta nullius sunt firmitatis. vt in tex. quod tamen intellige in consecratione quo ad executionem, non autem, vt debeat iterari quo ad ordinem, glossa hic. ver. firmitatis; nam cum per huiusmodi consecrationem character fuerit impressus animæ, ad instar episcopi ordinantis illum, quem ordinare non poterat, puta, non suum subdium; verus episcopalis ordo collatus fuit, sed non potuit dari eius executio. t. ab excommunicatis. 9. q. 1. & d. glossa hic. Et licet esset inutilis huiusmodi processus, ex quo erat prohibitus per d. c. quamuis; nam satis est legislatores aliquid prohibuisse, & si non adiciat contrafactum non valere. l. non dubium. C. de legib. expressius tamen prouideret per constitutionem, quæ decernit, & declarat contrafactum nullum, & penam in contrafacientes apponit, vt facit ista. glossa ver. expressius. Electio tamen non propter hoc vitiatur, si erat valide facta; sed eius confirmatio petetur de nouo coram Papa. glossa ver. firmitatis.

ET ipse ab episcoporum confirmatione, & consecratione, suspensus est per annum.

QUIA pœna debet commensurari delicto. c. disciplina. dist. 45. Et quoniam tunc iuste commensuratur, quando quis punitur in eo, in quo peccauit. vt in tex. & c. literas. extr. de tempor. ordin. Ideo si talis peccauit in confirmatione episcoporum, per annum a tali confirmandi potestate, ipso iure suspenditur; si peccauit in confirmatione, & consecratione, per idem tempus est ab vtraque suspensus. vt in tex. & glossa ver. in quo. Et annus iste, qui intelligitur esse continuus, incipit a die perpetrationis illius delicti, ob quod suspensionis pœna imponitur. glossa penult. hic.

Cap. 45. Si eo tempore.

SI Papa sibi prouisionem ecclesie cathedralis reseruauit, inhibuit, & decreuit, non est uitiata electio, quæ præcesserat.

QU^{IA} res, quæ culpa caret, damnum asferre non debet. c. cognoscetes. extr. de constitut. Et quoniam ante reseruacionem, & inhibitionem, per quas sibi Papa afficeret ecclesie prouisionem, illius electionem auferendo ab eis, quibus ante competeabat, ipsi in electione utendo iure suo, non erant in culpa. Gemin. num. 4. Ideo præceptum, & inhibitio, ac reseruatio, quæ respiciunt futura, non extenduntur ad præterita, c. fin. infr. de concess. præb. Et electio facta per eos, qui tunc non erant prohibiti, si alias sit canonica, tenet. ut in tex. & glos. ver. vel alia.

OMNIA tamen, quæ reseruacionem sequuntur, carent effectu.

QU^{IA} postquam superior ad se negotium reuocat, inferior non debet se immiscere in illo. c. ut nostrum, & ibi glos. fin. extr. de appell. Et quoniam per huiusmodi reseruacionem constat de Papæ intentione, quod sibi illud negotium assumit, & non vult alium ulterius procedere in illo. Archid. num. 1. Ideo si fuerit per aliquem post talem reseruacionem in huiusmodi negotio processum, ea, quæ taliter sunt facta ab illo, qui iam facere non poterat, debent carere effectu. ut in tex. & glos. ver. effectu.

Cap. 46. Si quis.

ABSENS plures procuratores ad actum electionis, dare potest in solidum.

QU^{IA} commissio, quæ sit pluribus in solidum, censetur facta uni solum quo ad effectum. Cal. consil. 3. de elect. & Io. Andr. hic in glos. 3. nam solum unus ipsorum potest actum explicare, scilicet ille, qui præuenit. Gemin. num. 2. Vbi enim plures possunt integraliter, & de per se facere actum, est locus præuentioni. c. penult. extr. de for. compet. Et quoniam ille, qui est absens in eo loco, de quo debeat aduocari, iustoque impedimento derentus, ad electionem venire non potest, habet facultatem constituendi vnum de capitulo suum procuratorem ad eligendum. extr. c. quia propter. §. illud. Ideo similiter potest constituere plures, dummodo vox, & effectus eligendi restringatur ad vnum. ut in tex. & infr. de procur. c. si duo.

ET non aliter.

Ec QU^{IA}

QUIA si plures procuratores darentur non in solidum, possent concurrere simul, & vota sua dirigere in diuersos; sicq. res non haberet exitum. vt in tex. Si enim darentur duo, qui dimidiarent votū in discordantes partes æquales, adhuc illæ remanerent æquales, & non posset per aliquam partem fieri electio valida; quod non est, quando votum est vnum, quod connumeratum cum altera parte, si illa erat æqualis, fit maior pars, & per ipsam producit electio efficax. 10. Andr. hic in princ. Et quoniam in electionibus ecclesiarum, est curandum, vt quam citius commode fieri potest, illæ expendantur, ne per diuturnā vacationē ecclesiæ patiatur detrimentū. d. c. quia propter. & supr. c. indemnificatus. Ideo ad prouidendū, ne ecclesiarum electiones nimium differantur, & impediuntur, statuitur, vt ab vno electore nō possint dari plures procuratores ad eligendū, qui non sint dati in solidum. vt in tex. Et si fuerint dati plures non in solidum, ipsorū aliquis nō debet admitti, & sibi impuret, qui eos sic constituit indiscretē. vt in tex. & glos. ver. admitti. Vbi verō sunt dati plures in solidum, quoniam solum vnus ipsorum debet in effectu dare vocem in electione, vt dictum est superius; ille vnus, qui ad hoc fit admittendus, erit is, quem capitulum, vel pars maior elegerit, vel si concordare nequeant, is, qui primō in instrumento, vel litteris procurationis, extiterit nominatus. vt in tex. Et illo admissō, alter omne ius amittit, nisi in instrumento diceretur, meliorem non esse conditionem occupantis, & quod vnus incēpisset, alterum finire posse. glos. ver. duntaxat.

J. Porro.

PROCVRATOR ad eligendum constitutus, vnum nomine suo, & vnum nomine domini sui, eligere non potest.

QUIA tota eligendi facultas, quæ erat in illo electore, est translata in istum procuratorem, per eum sic simpliciter constitutum. arg. c. super questionum. §. porro. & §. si verō. & ibi glos. ver. superius. extr. de offic. deleg. Vnde ille procurator habet tam liberum votum sui constituentis, quam proprium suum. d. §. si verō. & d. glos. ibidem. Et quoniam, quando quis habet ad eligendum plures voces liberas, non potest illas diuidere in diuersas partes. Gemin. hic nu. 2. nam illa vota diuersa essent alternatiua, & incerta. glos. hic. ver. nihil. Et in electionibus talia vota reprobantur. supr. c. 2. Ideo talis procurator nō potest diuidere vota vt in tex. Sed qua conscientia tenetur eligere meliorem nomine suo, eadem ratione tenetur ad idem nomine sui constituentis. arg. c. sicut. dist. 46. & c. quod alicui. infr. de reg. iur. Et si contrafecerit, neutrum votum valet. vt in tex. & d. glos. ver. nihil.

NISI

NISI à domino, de certa persona eligenda, speciale mandatum habeat.

QU^{VI}A per tale mandatum procurator non habet liberum votum ad eligendum, sed solum est ei demandatum nudum ministerium adstringi ad illam personam; quæ forma mandati est ab eo ita seruanda, vt non videatur ei aliud commissum, quàm exprimere votum sui principalis. *glos. ver. de certa. & infr. in §. proxi. glos. fin.* Vnde cum teneatur in tali casu sequi voluntatem sui principalis, & in illo voto non procedat secundum suam conscientiam, non potest dici, quod ipse præstet vota alternatiua, & incerta. *Gemin. nu. 3.* Et quoniam ista necessitas eligendi vnum, quem vult suus principalis, non debet ei imponere necessitatem eligendi eundem nomine proprio; cum non deceat alicui suum officium esse damnosum. *supr. c. cum non deceat.* Ideo in tali casu permittitur, vt vnum possit eligere nomine suo, alterum nomine sui constitutis. vt in *tex.* Ex quibus nota, quod licet eligentes non possint adstringi ad eligendam certam personam, vel de certo genere. *supr. c. venerabilem*; bene tamen potest quis constituere procuratorem ad certam personam eligendam. vt in *tex.* Et sic patet, quod potest dari mandatum de certa persona eligenda, & de incerta. Et in hoc differt matrimonium spirituale à carnali, quia in carnali non valeret mandatum, nisi persona esset certa, nec sufficeret generale mandatum ad contrahendum matrimonium. *glos. 1. in c. post translationem. extr. de renunt.* Expressius enim ibi agitur, quia illud contrahitur ex voluntate; sed matrimonium spirituale, quod fit per electionem, contrahitur de necessitate. Item matrimonium carnale est sacramentum, sed spirituale, non. Item ibi queritur, quid expediat personæ, hic verò quid expediat ecclesiæ. Nec est hic tantum periculum, sicut ibi; cum hic debeat postea interuenire officium confirmatoris; & alias differentias inter matrimonium carnale, & spirituale, vide in *c. tuz. extr. de spons. Gemin. hic nu. 3.*

§. Absens.

CANONICVS *absens (licet nullus de capitulo eius procurator esse velit, & ipse procuratorem, qui non sit de capitulo, nolente capitulo, deputare non possit) votum per litteras exprimere non potest.*

QU^{VI}A in electione votum non est ante scrutinium, sed in ipso scrutinio secrete, & sigillatim, tantummodo exprimendum. vt in *tex. & extr. c.* quia propter. Et quoniam si votum exprimeretur per litteras, non exprimeretur in scrutinio, licet eius publicatio fieret tantum, cum fieret etiam publicatio aliorum. *glos. ver. votum.* Ideo talis

Ee 2 exprel-

expressio voti per litteras in electione fieri non potest. vt in tex. nam esset contra formam traditam in electione facienda per scrutinium. d. c. quia propter. & glos. fin. hic. Nec obstat supr. in §. proxim. vbi videtur exprimi votum ante scrutinium, dando, scilicet, mandatum procuratori de certa persona eligenda; nam responderetur, quod tunc non exprimit votum, sed dat mandatum de voto exprimendo; sicut aliud est inuestigare, aliud mandare de inuestigando. c. ex ore. extr. de his, quæ si. a mai. par. cap. Et sic aliud est dicere; consentio in talem; & hoc debet fieri in scrutinio, secreto, & sigillatim. vt in tex. nam tali modo præstatur consensus in matrimonium spirituale. d. c. quia. & aliud est dicere, do mandatum Titio, de tali eligendo; quia istud non est votum, nec per hoc contrahitur matrimonium; & ideo ante scrutinium fieri potest. vt supr. in §. prox. Sic in matrimonio carnali, aliud est contrahere, aliud est, dare mandatum de contrahendo; hinc est, quod qui contrahit, amplius penitere non potest; sed qui mandatum dedit, potest penitere ante contractum. c. fin. infr. de procur. & glos. fin. hic. In casu autem huius tex. si aliquis de capitulo non vult procurator absens existere, talis absens carebit voto; cum nemo sit compellendus ad mandatum procuratoris suscipiendum, licet, postquam susceperit, compellatur ad illud implendum, nisi congruo tempore illi renuntietur. l. inuitus. C. de procur. Et aliquis extraneus, inuito capitulo, ad actum electionis deputari non potest; cum capituli intersit, ne per extraneos eius secreta pandantur. vt not. in d. c. quia propter.

Cap. 47. Quoniam.

SI apparet coelectus, vel se opponens ei, qui confirmationem petit, ille vocabitur nominatim; alijs fiet in ecclesia crida generalis, quod se confirmationi volentes opponere, veniant, peremptorio assignato.

QUO VBIQUE iudicium debet fieri contra vnā personam, vel plures; tunc si illæ sunt certæ, vel de eis potest de facili haberi certitudo, requiritur certa, & specialis citatio illarum personarum; sed si sunt incertæ, vel quia non apparent, vel quia ignorantur, & verisimiliter non possunt sciri, debet tunc fieri edictum generale, quod seruit pro citatione, vt omnes, qui putant sua interesse, compareant intra terminum assignatum; alijs iudicium agitarum, non seruata dicta forma citandi, est nullum ipso iure; nec sufficit citatio specialis in casu, quo requiritur generalis; & e contra non sufficit generalis. vbi requiritur specialis, etiam si dictum sit, vt compareat omnis, qui sua putauerit interesse. vt not. Bald. in authent. si omnes. C. si vt se ab hered. absti. & Francus hic. nu. 2. Et quoniam aliqui superiores, ad quos spectat confirma-

firmare electū, interdū ex cupiditate, & inordinato affectu, nō auditis illis, qui prætendebant opponere, contra doctrinam Apostoli, per repentinam confirmationem electo cito manus imponebant. vt in tex. Ideo ad obuiandum huiusmodi morbo, & fraudibus, statuitur, vt superior, qui habet electionem confirmare, debeat coelectum, aut contradictores, si qui sint, nominatim vocare; quod si non adsint tales, contra quos esset specialis citatio facienda, debeat generaliter ad ecclesiam, de cuius electione agitur, citare omnes, vt si qui sint, qui sua putent interesse, & se velint opponere, compareant intra competentem terminum, qui fuerit per ipsum superiorem peremptoriè assignatus. vt in tex.

ALITER, confirmatio facta non tenet.

QU^{IA} non solum hic statuitur, vt hæc forma sit in huiusmodi actibus seruanda, sed etiam apponitur clausula, vt si aliter fuerit confirmatio impensa, illa sit irrita, & inanis, vt in tex. per quæ verba clarius exprimitur nullitas actus. vt not. in l. non dubium. C. de legib. & c. quæ contra. infr. de reg. iur. Ideo sine aliqua exceptione talis confirmatio est inualida, vt not. supr. in c. licet canon. Et solemnitas citationis, & discussionis negotij, imposita obseruanda in admissione postulationis, & in instructione facienda post presentationem. gloss. 1. hic. Cum etiam in istis sit eadem ratio prouidendi, scilicet, vt non supplantentur illi, qui volunt se opponere, & obijcere pro eorum interesse contra postulatum, vel præsentatum. Gemin. hic nu. 15. & 17. In collatione tamen beneficiorum, quæ simpliciter fit per superiorem, non est necessario talis solemnitas obseruanda. gloss. fin. hic. quia in tali collatione non est dare medium, vt est inter electionem, & confirmationem; seu inter postulationem, & eius admissionem; aut inter presentationem, & institutionem; nam collatio obtinet vim electionis, & confirmationis; & eodem tempore confert ius ad rem, & in re; quod non est in istis alijs actibus enumeratis; vnde non posset tunc citatio bene cadere in practica; quia, aut fieret ante collationem, & esset ante omne ius, aut fieret post, & esset post omne ius; & sic videretur facta indiscrete. Gemin. nu. 18.

In Clement. Cap. 1. Cum rationi.

RELIGIOSVS eligi non potest ad prælaturam non episcopalem, alterius religionis, vel habitus.



QU^{IA} rationi non congruit, vt homines disparis professionis, & habitus, simul in eisdem monasterijs socientur. vt in tex. cum secundum legem diuinam, non sit in boue arandum, & asino; nec sit induenda vestis de lana, linoq. contexta. Deuteronom. cap. 22.

& ha-

& habetur extr. in c. cum causam. Et quoniam religiones non omnes conveniunt in eodem modo officiandi, viuendi, & vestiendi, & in alijs immediatis finibus procedendi. c. sane. extr. de regular. licet omnes conveniant in professione quo ad tria vota substantialia, scilicet, paupertatem, continentiam, & obedientiam. c. cum ad monasterium. extr. de statu monachor. Ideo vnus non est praeferendus ad praelaturam alterius religionis, cum in illis medijs, & studijs particularibus simul non possent bene coherere. vt in tex. & c. in nona. 16. q. 7. Et vltra istam rationem disparitatis, subest etiam ratio minoris instructionis, quam vnus habet de regula alterius religionis. Zabbar. hic nu. 12. Et quoniam non debet assumi in magistrum, qui formam discipuli non assumpsit; nec est praeferendus, qui subesse non nouit. extr. c. cum in magistrum. Ideo non debet eligi abbas, vel praelatus ad monasterium alterius regulae, vel habitus, ne ibi assumatur in magistrum inexpertus. d. c. cum in magistrum. Talis tamen non prohibetur, quin ex causa possit ad sapia postulari. glos. ver. eligatur. quia talis prohibetur eligi, non propter eius aliquod crimen, sed propter defectum inexperience praeferentiae, & propter diuersitatem particularis religionis, vel habitus, quo casu licet prohibeatur electio, non prohibetur postulatio. Abb. hic nu. 6. Ad praelaturam vero episcopalem bene eligi potest. vt in tex. quia Episcopus propter dignitatis excellentiam communicat cum omnibus religiosis; & propter vniuersalem curam diocesis, tenetur non solum scire regulas suae religionis, sed etiam iura communia ceterorum. vt not. in d. c. cum causam. Sed licet quis non possit eligi in abbatem alterius religionis, in monachum tamen bene eligi potest. glos. hic. ver. praelatum. Quod intellige cum distinctione, an sit minoris religionis, paris, vel maioris. vt not. in c. cum singula. §. penult. de prae. in 6. quia quando monachus intrat aliam religionem, conformatur se illi; & sic non remanet in dispari religione, sicut remaneret praelatus, qui esset assumptus, non ad mutandam suam religionem particularem, sed ad praeficiendum monasterio. Zabbar. hic num. 11.

SI contrasit, est irritum.

QUAE haec constitutio apponit prohibitionem per verba de praesenti irritantia actum contrarium, ipso facto. vt in tex. Et quoniam vbi lex prohibet sub huiusmodi verbis, actus contrarius non est per sententiam irritandus, sed est ipso iure nullus; & per sententiam sequentem solum declaratur, illum esse nullum. vt not. extr. in cap. quia propter. & l. non dubium. C. de legib. Ideo absque alia exceptione talis electio non tenet. vt in tex. & glos. in cap. quae contra. de regul. iur. in 6.

Cap. 2. Ne Romani.

COETVS Cardinalium, Sede vacante, iurisdictionem Papalem
non exerceat.

QUIA vicariatus Christi in ecclesia, solum Petro, & eius successoribus fuit datus, dicente Domino: Tu es Petrus, & super hanc petram ædificabo ecclesiam meam. Matth. cap. 16. Et, Pascue meas. Ioan. cap. 21. Et quoniam Cardinales successerunt in locum ceterorum Apostolorum, quantum ad statum, quo Apostoli assidebant Petro ante eorum diuisionem; sicut statui Apostolorum, in quantum, fuerunt Episcopi post eorum diuisionem, successit ordo Episcoporum. vt not. in c. nullus. il. 2. dist. 79. & glos. in Extrauag. execrabilis. ver. vniuersali. de præben. Ideo, cum Cardinales non successerint in personam Petri, non debent exercere auctoritatem datam Petro. vt in tex. & c. nouo. dist. 11. Nec potest dici per hoc, quod mortuo Papa, ecclesia sit sine spōso; quia sponsus, rector, & pastor est Christus; qui est caput, cuius ecclesia est corpus. glos. hic. ver. non consonam. & glos. in d. cap. nullus. licet ergo ecclesie tunc deficiat vicarius, non deficit principalis, qui vicarium solum Petro, & eius successoribus dedit. Quod si Cardinales succederent, Sede vacante, in iurisdictionem Papæ, sequeretur absurdum, quod non esset necessarium Papam eligi, ex quo cæterus Cardinalium vicariam Christi haberet. d. glos. hic. Nec obstat, quod collegium, siue capitulum canonicorum habeat iurisdictionem episcopalem, Sede vacante. c. cum olim. extr. de maior. & obed. Et sic videatur idem dicendum, in collegio Cardinalium: nam respond. quod illis fuit per Summos Pontifices concessum, sed collegio Cardinalium fuit expresse prohibitum; & si per antiqua iura prius erat concessum, per hanc constitutionem sunt correctæ. d. glos. hic. Per obitum tamen Papæ, potestas cæterus Cardinalium in nullis diminuitur, quin possit ea, quæ prius poterat; nam solum hic prohibetur, ne exerceat pertinentia ad Papam, dum uiuit. Zabar. ver. irritum. Nec valet argumentum Hugon. quod recitat Hostiens. extr. in c. licet. qui dixerat, Cardinales posse tunc creare Cardinalem, cum possint tunc creare Papam, quod plus est; quia regula, qui potest plus, potest & minus, est vera in eodem genere potentie, quando minus continetur sub pluri, alijs non. vt not. in c. plus. de reg. iur. in 6. Sed in casu nostro potestas creandi Papam, & potestas creandi Cardinalem, non sunt eiusdem generis, nec vnum sub alio continetur. Zabar. hic. Sic videmus, quod capitulum creat Episcopum, nec tamen confert beneficia ad illius solum collationem spectantia. glos. hic. ver. potestatis. & vide Turrecr. in Summa de ecclesia. lib. 1. cap. 44.

NISI in quantum permittit Concilium Lugdunense.

Quia

QU^{VI A} potestas cœtus cardinalium est talis, qualis reperitur in iure permissa. Zabar. num. 8. Et quoniam propter diuersa pericula, quæ instant, sede vacante, fuit per Gregorium Decimum in generali Concilio Lugdunensi, cœtui Cardinalium tunc permissa, & concessa particularis potestas. c. vbi periculum. eod. in 6. Ideo, cum illa non reperitur immutata, potest per cœlogium Cardinalium exerceri. d. c. vbi periculum. in princ. & arg. l. præcipimus. C. de appellat. Quæ autem possint singuli Cardinales in eorum titulis, not. in c. his; quæ. extr. de maior. & obed.

NEC illud, vel eius partem, alterare potest.

QU^{VI A} lex superioris per inferiorem tolli non potest. vt in tex. & hoc maxime, cum ille inferior a tali superiore recipit potestatem. glos. ver. inferiorem. Et quoniam cœtus Cardinalium est inferior summo Pontifice, & accipit potestatem ab illo. d. glos. hic. Ideo id, quod fuit per summos Pontifices statutum, per cœtum Cardinalium mutari non potest. vt in tex. Et similiter dicendum est de Concilio, quod constitutiones Papæ non possit corrigere, vel alterare. d. glos. hic. Et ratio est; quia Concilium generale recipit potestatem, & auctoritatem a Papa. extr. c. significasti, & 9. q. 3. c. cuncta. Sed in quantum dicitur, quod inferior non potest tollere legem superioris; nota, hoc esse verum, nisi a iure reperitur inferiori hoc esse concessum; nam populo permissum est condere leges contrarias legibus communibus, & imperialibus. l. omnes populi. ff. de iust. & iure; quod tamen de iure canonico non procedit, vt inferior contra legem Papæ, aliquid statuere possit. vt not. in c. quæ in ecclesiarum, extr. de constitut. Potest tamen inferior etiam de iure canonico, adiuuare legem superioris per pœnæ adiectionem. glos. hic. ver. tolli. Et intellige prædicta procedere generaliter; nam per consuetudinem particularem loci, bene potest lex tolli in certo loco. c. 1. de constitut. in 6. nisi lex contineret decretum irritans; quia tunc ei nulla consuetudo derogat. supr. Clement. prox. & Zabar. hic. num. 2. & sequen. Et enumerantur hic septem modi, quibus dicitur lex tolli, scilicet, modificando, corrigendo, mutando, detrahendo, dispensando, renuntiando, & addendo. vt in tex. Et singulos hic exemplificat. Ioan. Vanquel. Et cum dispensatio sit vnus modus tollendi legem, vt hic; inferitur, quod inferior non possit dispensare contra legem superioris, ne tollat eius legem in parte, qua dispensat; quod tamen dic verum, nisi hoc reperiat inferiori specialiter a iure permissum. c. vnic. de stat. & qual. ord. in 6. & c. at si clerici. §. de adulterijs. extr. de iudic.

§. Eo tamen.

OFFICIUM Camerarij Papa durat, eo mortuo.

QU^{IA} ad officium Camerarij spectat, temporalia pauperibus erogare. glos. ver. camerarium. Et libros de redditibus pertinentibus ad cameram conseruare, & alia contra debitores cameræ exercere. Zabar. hic num. 14. & Vestrius in sua practica lib. 2. cap. 2. Et quoniam consultius est prouidendum, sede vacante, quando maius periculum vertitur propter carentiam pastoris, ne pauperes fame pereant, iuxta c. pascere. dist. 86. & ne tunc redditus temporales Romanæ Ecclesiæ negligantur, eius principe extincto, cum spiritualia sine temporalibus diu subsistere non possint. c. cum secundum. extr. de præben. Ideo statuitur, ne, sede vacante, Camerarij officium expiret, cum tunc sit illud magis necessarium. vt in tex.

SICUT etiam officium Pœnitentiariorum.

QU^{IA} tam maior Pœnitentiarius, quam alij Pœnitentarij minores sunt deputari a Papa ad absoluendum in foro conscientie in causis arduis, & Papæ reservatis, iuxta particularem facultatem eis concessam. Zabar. hic num. 17. & Vestrius in sua practica. lib. 1. cap. 2. Et quoniam vbi vertitur animarum periculum, est maxime inuigilandum. c. ne pro defectu. extr. cod. & præcipue est curandum, ne, sede vacante, patiantur detrimentum. c. vnic. in fin. ne sede vacan. in 6. Cum anima sit cunctis rebus prætiosior. l. sancimus. C. de sacrosanct. eccl. Et quando maius periculum vertitur, cautius est prouidendum. c. vbi. de elect. in 6. Ideo, ne, quando deficit Papa propter mortem, deficient pœnitentarij propter auctoritatem cessatam, statuitur, vt eo tempore officium pœnitentiariorum, tam maioris, quam minorum, non expiret. vt in tex. Et ob id, si maior pœnitentiarius, cum sit Cardinalis, non vult ingredi conclaue, potest foris remanere ad istud officium personaliter exercendum. glos. vers. maiorem.

QVI si deficient, poterit cætus Cardinalium pro tempore vacationis alios subrogare.

QU^{IA} cum ipsi pœnitentarij minores sint ex diuersis linguis electi, ad audiendum eos, qui ex varijs mundi partibus ad se confitentur, ad eos accedunt, & solent esse numero quindecim, Zabar. num. 17. qui per maiores Urbis Ecclesias deputantur, nempe in Ecclesijs Sancti Petri, Sancti Ioannis, & Sanctæ Mariæ Maioris. Vestr. d. c. 3. Et quoniam sicut prouidetur ad salutem animarum ad eos accedendum, vt eorum officium duret, sede vacante; ita erat prouidendum, vt aliquo eorum, eo tempore, deficiente, posset ei alius subrogari. arg. c. ec-

F f clesia

clesia. extr. vt lite pend. Ideo conceditur collegio Cardinalium, vt, se de vacante, possit pœnitentiariorum subrogare, (& etiam numerum eorum ampliare, si hoc cœtui Cardinalium concorditer videbitur expedire.) vt in tex. Et similiter statuitur in fauorem fidei, vt officium Inquisitoris hæreticæ prauitatis non expiret, mortuo Papa. c. ne aliqui. de hæret. in 6. Vnde in istis Officialibus speciale est, vt eorum delegatio duret, etiam post mortem delegantis. gloss. hic ver. expirare, quæ refert opinionem aliquorum tenentium, quod Camerarius, Marefchallus, & Auditor Cameræ habeant, iurisdictionem ordinariam. Quod si verum esset, illorum officium duraret de iure communi, etiam mortuo Papa. arg. c. 2. de offic. leg. in 6. Sed quoniam communiter tenetur, quod in Curia Romana, nullus habet ordinariam, nisi Papa. gloss. 1. in Clemen. auditor. sup. tit. prox. & Archid. in c. experientia. 11. q. 1. dicit, ita interlocutum fuisse Bonifatium Octauum. Ideo verior opinio censetur, quod isti habeant delegatam, sed quod ex speciali concessione, per mortem delegantis non expiret. Zabar. hic num. 13.

DETERMINAT de diœcesi intelligi id, quod in Concilio dicitur de territorio, & districtu.

QUIA licet propriè loquendo, sit differentia inter ea, quæ per ista nomina significatur; nam diœcesis dicitur reliquum territorium, præter ciuitatem, quod spectat ad gubernationem episcopi, qui præest ciuitati. c. Rodolphus. extr. de rescript. & c. quamuis. de præb. in 6. Et dicitur diœcesis, quasi disunctio, seu diuisio, quia est diuisa ab alterius episcopatu. c. episcopum. 7. q. 1. Et territorium est vniuersitas agrorum intra fines cuiusque ciuitatis, dictum ab eo, quod magistratus eius loci intra eos fines terrendi, id est summovendi, ius habent. l. pupillus. §. territorium. ff. de verb. signific. Districtus verò comprehendit omnem locum, qui per aliquam ciuitatem distringitur, siue sit comitatus, siue castrum. vt not. Felin. in c. licet. in 1. notab. extr. de probat. Sed quoniam ista nomina territorij, & districtus, potius ostendunt distinctionem temporalem, quàm ecclesiasticam, & sæpe per dominorum temporalium mutationes, eorum fines variantur. gloss. hic ver. diœcesim. Et ad tales mutabilitates ecclesiarum status non debet immutari. c. 1. dist. 10. & extr. de relig. dom. cap. 1. Ideo declaratur, quod ea, quæ statuuntur obseruanda, per c. vbi periculum. cod. in 6. quando Papa extra ciuitatem, in qua cum sua curia erat, moritur, circa successoris electionem celebrandam in ciuitate, cuius illa sunt territoria, vel districtus, intelligantur dicta de diœcesi, quæ sub nomine territorij, vel districtus, in tali casu fuit expressa. vt in tex.

STATVIT, moriente Papa extra curiam, ipsius electionem fieri debere in loco, vbi erat causarum, & litterarum audientia.

QVIA

QU^{IA} principalius membrum curiæ Romanæ est audientia causarum, & litterarum apostolicarum expeditio. Bonifat. de Vital. hic. Et quoniam ubi est curia Papæ, ibi fingitur esse Papa (licet tunc sit extra curiam) propter animum proximè redeundi ad illum locum. c. legimus. prope fin. dist. 93. & c. præsentis. §. loca. de præb. in 6. nam non videtur discessisse, qui est proximè reuerſurus. c. diuortium. de pœnit. dist. 1. & l. ex factis, la grande. ff. de hæred. instituit. Et cum electio futuri Pontificis regulariter fieri debeat, ubi immediatus prædecessor obiit. vt in tex. & d. c. ubi periculum. §. hoc sacro. Ideo, si Papa moritur extra curiam, censetur mori, ubi, dimittendo familiam, videtur domicilium retinere, & in eo loco, in quo ipse censetur mori, eius successoris est electio faciendâ, vt in tex.

LICET suspensa.

QU^{IA} licet prædicta audientia causarum, & litterarum, tempore mortis Pontificis vacare noscatur, vt in tex. non tamen assumpsit aliam qualitatē, per quam videatur à primo statu recessisse. glos. ver. vacare. Ideo propter retentionem prioris status habitu, licet non actu, idem operatur quo ad eius considerationem in electione faciendâ, sicut si actu illum priorem statum retineret. d. glos. hic. sicut mulier vidua vacans denominatur à dignitate prioris mariti, donec alteri nupserit. l. filij. §. vidua. ff. ad municipal. & l. cum te. C. de nupt.

NISI prius ordinatum esset, de curia transferenda.

QU^{IA} in tali casu cessat ratio de animo redeundi, propter quem Papa mortuus censebatur esse in curia, vt dictum est superius. Ideo tunc non habetur in consideratione locus ille; sed Papæ destinatio, siue deliberatio de curia transferenda, habetur pro opere consummato, ac si esset translata. Anchar. hic nu. 5. Paria enim censentur aliquid in esse consistere, vel in eo statu esse, qui de proximo rem producit in esse. l. fin. C. quib. ad lib. procl. non lic. & quod not. de laico clericando, in c. 2. de institut. in 6. Et regulariter, quando sit verum, quod deliberatio, siue destinatio, idem operetur, quod operis consummatio, tractat Bart. in l. cætera. §. sed si parauerit. ff. de legat. 1. Vnde, ex quo Papa non censetur tunc mortuus ubi erat curia, cessat fictio, & habet locum realitas facti, vt electio sit faciendâ in ciuitate, in cuius loco Papa corporaliter mortuus est. vt in tex. iuxta ea, quæ statuuntur per d. c. ubi periculum. §. porrò.

§. Porrò.

SI Cardinales, electione Romani Pontificis non dum facta, omnes simul, vel successiue, contingat exire conclaue deputatum eisdem, hi

ff 2

(ad

(*ad quos pertinet executio constitutionis . ubi periculum .*) illos
quomodo poterunt, reintrare compellant .

Q V I A sicut Cardinales, postquam sunt in Conclavi, expedire electionem compelluntur indirectè per subtractionem vidualium, iuxta formam traditam per d. c. ubi periculum . ita, & fortius debent cogi per easdem personas, ut ingrediantur ab initio, vel si sunt egressi, ut iterum ingrediantur; cum non debeat esse melior conditio Cardinalium non parentium, & non se offerentium ad ingrediendum conclauem, quam se offerentium, & ingredientium . Zabar. nu. 29. & arg. c. 1. extr. de postul. prel. Sed quoniam in hoc casu egressionis non erat specialiter prouisum per d. c. ubi periculum, nec per alia iura. Ideo prouidetur per hanc Clementinam, apponendo easdem pœnas contra istos inobedientes, quæ per d. c. ubi periculum. apponuntur contra ingressos, electionem non expedites. ut in tex.

N I S I excusentur propter infirmitatem, aut aliud impedimentum corporale .

Q V I A non est imputandū ei, qui non facit, quod alias facere teneatur, si per cū cō stat, quo minus faciat. c. si autem. extr. de rescript. & c. anteriorum. §. ad hoc. 2. q. 6. Et quoniam qui propter infirmitatem, vel aliud iustum impedimentum corporale, non ingrediuntur, vel ingressi egrediuntur, non sunt in culpa, nec stat per eos, quin faciant debitam electionem. ut in tex. & d. c. ubi periculum. §. sanè. Ideo his impedimentis detenti non sunt compellendi, nec omnes, nec aliqui, conclauem supradictum ingredi. glos. ver. compellant, & Zabar. nu. 29.

§. Cæterum .

S T A T V I T, Cardinales per exceptionem excommunicationis, suspensionis, vel interdicti, ab electione non repellī .

Q V I A. proluxa Romanæ Ecclesiæ vacatio, grauibus est onusta dispendijs, & multis plena periculis. d. c. ubi periculum. in princ. Et quoniam si permetteretur, ut istæ exceptiones possent opponi, possent insurgere dissensiones, & schismata, per quæ celèris, & necessaria Romani Pontificis electio protraheretur. ut in tex. & glos. ver. cæterum. Ideo, ut remoueatur inter Cardinales eligentes dissidendi facultas, statuitur, ut nullus Cardinalium, cuiuslibet excommunicationis, suspensionis, aut interdicti prætextu, valeat à Romani Pontificis electione repellī. ut in tex. sicut enim statuitur, ut electus à duabus partibus sit Papa, nulla exceptione obstante. extr. c. licet. Et quod Papa bene possit accusari de hæresi. c. si Papa. dist. 40. sed non possit contra eum excipi, ut ab electione repellatur, ut not. Innoc. in d. c. licet. ita statuitur, ut supradicti-

prædictæ exceptiones non possint opponi contra Cardinales electores ,
ne prætextu earum impediretur electio. Zabar. §. cæterum.

§. Verum .

ELECTOS, & alios, qui mittere, vel ire tenentur ad curiam, adstringit ad id, Sede vacante .

QUIA licet, Sede vacante, nihil sit innouandum. c. 1. extr. ne sede vac. & videatur frustra esse accessus, cum non sit tunc vius superior, coram quo est comparendum. arg. l. arbitri calendis. ff. de arbit. vbi mors iudicis excusat citatum, si non venit eo tempore, quo venire debebat; & ob id viderentur excusari, si non venirent, Sede vacante, qui aliàs ad veniendum, & coram Papa comparendum tenerentur, vt sunt illi, quos notat hic glos. penult. Tamen quoniam tam ex proutis remedijs per hanc, & alias constitutiones super hoc edictas, quam ex orationibus ad Deum super huiusmodi negotio effundendis, quod breuiter huiusmodi celebrètur electio, præsumendum est probabiliter, & sperandum. quod illa de breui sit futura. vt in tex. Ideo statuitur, vt electi, & alij, qui ex quacunque causa ad Sedem Apostolicam venire, vel mittere, sunt adstricti, ad ipsam, cum vacat, ac si non vacaret, venire, vel mittere teneantur. vt in tex. Quid enim potest diuinare adstrictus ad veniendum, quando sit Papa creandus? cum enim possit omni die creari; ideo omni die debet esse paratus, qui adstrictus est, ad causam prosequendam. Nec obstant prædicta de Sede vacante, & de iudice defuncto; quia tales non veniunt, vt aliquid innouent, Sede vacante, & iudice defuncto; sed vt sint parati, Papa creato. glos. ver. verum. sicut is, qui comparuit, iudice impedito, debet expectare, & non repente recedere, aliàs censetur contumax. vt not. Innoc. in c. calumniam. extr. de pœnis. Propter expeditionem enim ecclesiarum, & aliorum negotiorum, melius est, prius accedere, quam postea differre. Anchar. hic num. 1. arg. l. fin. C. in quib. caus. in integr. rest. non est necess.

Cap. 3. Causam .

APPELLATIO causam beneficalem deuoluit ad curiam, si fiat presente parte, vel eius speciali procuratore, vel si eisdē, quam citius commodè poterit, fuerit intimata; & si nequeunt inueniri, tunc fiat in domo habitationis appellati, si non est remota; sed si est remota, fiat in ecclesia cathedrali, sub qua est beneficium, de quo agitur; & utroque casu fiat in beneficio, de quo agitur, id est tam in casu, in quo fit ad domum habitationis, quam in casu, in quo fit in ecclesia cathedrali .

Quia

QUIA ista appellatio habet vim citationis peremptoriæ. vt not. in c. sæpe. extr. de appellat. ita quod non veniens in termino iuris habetur contumax, & proceditur contra eum in causa principalis, vt contra contumacem, etiam ad disieuiam. glos. hic. ver. tempus. & Innoc. in c. 1. eod. in 6. Et quoniam esset absurdum, contumacem censeri ignorantem, cui appellatio intimata non esset. glos. ver. deuoluta. Ideo vt appellatio possit verisimiliter ad appellati, seu eius procuratoris, notitiam peruenire, statuitur iste ordo, illam intimandi. vt in tex. Qui ordo ita est de necessitate seruandus, vt si non fuerit seruatus, reddat appellationem nullam. arg. c. cum dilecta. extr. de rescript. Anchar. hic nu. 10. Sed dices, istud cap. videtur limitare multa iura, quæ volunt, quod sine ista solemnitate, appellatio sit legitima, si interposita fuit ex causa probabili, & in scriptis. vt extr. de appell. c. vt debitus. & supr. eod. in 6. c. quamuis, & similia. Respondetur, quod quælibet appellatio deuoluit, si fuerit interposita, vt dicitur in iuribus allegatis in contrarium, quo ad hoc, vt fiat commissio ipsius causæ deuolutæ extra curiam; sed quo ad hoc, vt causa beneficalis tractetur in curia, & non extra, requiruntur solemnitates, quas statuit hoc cap. Et hinc est, quod vbi est appellatum ad curiam, si causæ non debent ibi necessario ventilari, sufficit mittere procuratorem ad impetrandum, & contradicendum. vt c. Nicolao. extr. de appell. Sed quando causa beneficalis est taliter deuoluta, quod debeat ibi necessario agitari, debet mitti cum sufficienti mandato ad agendum, & defendendum, & cum actis, & munimentis. vt in c. 1. eod. in 6. Statuuntur autem istæ maiores solemnitates in talibus causis remanendis in curia; quia propter multitudinem causarum, & negotiorum, quæ ad curiam confluunt ex toto orbe, esset maius periculum, ne à parte tunc fieret alteri parti aliqua fraus circa beneficium obtinendum, nisi cautius provideretur. Zabar. nu. 3. Vnde aliquis detineret beneficium sine canonica institutione, quod esse non debet. c. 1. de reg. iur. in 6.

s. Verum.

SI propter metum, vel potentiam appellati, vel suorum, non potest intimatio fieri sub forma præmissa, sufficit, quod fiat solemniter in loco publico, de quo ad appellati, vel eius procuratoris notitiam possit verisimiliter peruenire.

QUIA sicut providetur appellato per meliorem modum, quo fieri potest, vt ad eius notitiam perueniat appellatio, ne ignoranter contumax reputetur, vt dictum est superius; ita est providendum appellanti, ne propter sui aduersarii, vel suorum, metum, & potentiam, appellationis commodo priuetur. Clement. pastoralis. de re iudic. Et quoniam nemo tenetur coram aduersario suo tyranno, nec in loco sibi non

non tuto, comparere, d. Clem. pastoralis. Ideo ad providendum tam appellato, quam appellanti, meliori modo, quo fieri potest, in casibus, in quibus non potest intimatio fieri secundum ordinem superius prescriptum, & ex natura causæ intimatio illa esset faciendæ, statuitur, ut fiat sollemniter in loco publico, ut etiam sic possit verisimiliter ad noticiam appellati, vel eius procuratoris peruenire. ut in text. Et sibi imputet appellatus, si ei non sit intimatio in clariori ordine priori, ex quo ipse, & sui, incutiendo aduersario timorem, sunt in causâ, l. 1. §. Sed & si quis. ff. quod vi, aut clam. Nec est aliquid appellanti imputandum, ex quo non stat per eum, quia priorem ordinem seruet. c. cum accepimus. & ibi glos. fin. extr. de eo, qui mitt. in possess. Vnde sufficit, quod faciat, quod in eo est, ut quia intimat in loco publico. Zabar. num. 21. Iudex autem arbitrabitur ex coniecturis, an talis intimatio potuerit verisimiliter ad appellati, vel eius procuratoris noticiam peruenire Zabar. nu. 25.

NON seruatis præmissis, intimatio non valet.

QUIA præmissus ordo appellationem huiusmodi intimidandi, traditur pro forma in ipsa intimatione per appellantem obseruanda. Anchar. num. 10. Loquitur enim hæc constitutio, quo ad talia per verba præceptiua, scilicet, volumus; & ponit clausulam irritantem contraria, scilicet, aliter facta non teneat, ut in text. Et quoniam actus gestus contra formam, est nullus, c. cum dilecta. extr. de rescrip. Et ubi apponitur clausula irritans, ad inuolidandam contraria, non est opus, ut annullentur per exceptionem, ut not. supr. in Clem. 1. Ideo intimatio aliter facta, quam hic statuatur in huiusmodi causis, omni caret iuris effectû, ut i text.

NEC causa deuoluitur.

QUIA appellator, qui præmissa in huiusmodi causa non obseruat, reputatur non appellans. ut in text. & glos. ver. deuoluta. Ideo non debet gaudere beneficio deuolutionis, quæ fit per appellationem rite interpositam. cap. 1. de appell. in 6. Sed licet intimatio sit necessaria ad hoc, ut fiat deuolutio ad curiam, non tamen est de substantia appellationis, d. glos. hic. Nam omnia, quæ sunt de substantia actus, debent explicari simul cum actu. extr. cap. quia propter, & l. cum hi. §. si prætor. ff. de transact. Sed appellatio, & intimatio, non simul explicantur, cum appellatio debeat fieri intra decem dies. cap. concertationi. de appell. in 6. Et intimatio ista potest interuenire intra mensem post appellationem interpositam. ut in text. Vnde etiam intimatione, indebitè facta, poterit appellans super appellatione sua, extra curiam iudicem impetrare. d. glos. hic. Item potest appellatus, licet appellatio sibi non fuerit intimata, venire ad curiam, & prosequi appellationem, dummodo de ea constet, etiam inuito appellante, nam hæc intimatio est introducta in fauorem appellati, ut dictum est superius, non autem in fauor-

in fauorem appellantis, qui proprium factum ignorare non debet. l. fin. ff. pro socio; & ita tenet Rota in nouis, decis. 40. quæ incipit, fuit dubitatum, & 44. Quæ incipit, voluerunt domini. Ideo talis intimatio est de necessitate præcepti ad validandam appellationem huiusmodi causæ remanendæ in curia, non autem est de necessitate formali ipsius appellationis, d. glos. hic. Ordo verò obseruandus in ipsa intimatione, vt scilicet prius fiat vni personæ, quam alteri, & prius in vno loco, quam in altero, est de necessitate formali ipsius intimationis, vt dictum est superius.

NISI aliunde plena, & certa notitia appellationis ad appellatum deuenierit.

QUIA cum, qui certus est, vltius certiorari non oportet. cap. cum, qui. de reg. iur. in 6. Ideo si appellatus habuit certam, & plenam notitiam de huiusmodi appellatione, intra tempus assignatum ad illam intimandam, talis notitia debet operari, ac si appellatio ei fuisset solemniter intimata, vt in text. & glos. ver. plena. Vbiunque enim, requiritur intimatio alicuius actus, etiam quod requiratur cum solemnitate, sufficit scientia, seu notitia certa, & plena illius actus intimandi, nec requiritur necessario intimatio, data notitia. Clemens. sæpè, & ibi glos. ver. pronuntiatio, & ver. clarior. de verb. sign. Quod intellige, quando intimatio est faciendæ ad finem simplicis notitiæ habendæ, vt in casu huius text. Secus si requiratur etiam ad alium effectum, puta, vt veniat ad defendendum denuntiantem, vt notat Dynus in cap. cum, quid. de reg. iur. in 6. & Bart. in l. emptor. C. de euiction. Vel dic, quod aut requiritur, non solum intimatio, sed etiam requisitio ad aliquid faciendum, & tunc non sufficit notitia sine intimatione, & ita loquitur, cap. fin. de empt. & vend. Sed si requiritur sola intimatio, vt est in casu huius text. sufficit notitia sine intimatione glos. fin. hic & Abb. in fine.

PRAEDICTA forma intimandi, est obseruanda etiam in alijs casibus, in quibus requiritur intimatio faciendæ.

QUIA non solum in causis beneficialibus, de quibus dictum est superius, sed in omnibus causis, in quibus fit intimatio, illa sic ad effectum, vt pars intimata certioretur de statu causæ, & possit dicere de iure suo. Zabari. hic in fin. Et quoniam prædictus ordo intimandi, est rationalis, & cum maxima æquitate excogitatus ad deducendum statum causæ in notitiam appellati, vt dictum est superius. Ideo etiam in alijs casibus, in quibus requiritur intimatio faciendæ, præcipitur, vt obseruetur dicta forma intimandi. vt in tex. Loquitur enim hic per verbū, volumus, quod est præceptiuū. Zabari. in fine. Et lex præceptiua est de necessitate seruanda ad validitatē actus. l. non dubiū. C. de legib. & ad materiam huius cap. vide Conc. Trid. sess. 24. de refor. cap. 10. Cap.

Cap. 4. Constitutionem.

DECRETALIS, *ut circa locum non habet, cum appellans ius suum, vel ecclesia, directe persequitur.*

QUANDO **VIA** decretalis illa dicit, & statuit, quæ sint observanda, quando appellans obijcit defectus in formam electionis, vel crimina in personam electi, ut in tex. & d. c. ut circa. eod. in 6. Et quomodo quando appellans persequitur directe ius suum, non dicitur principaliter obijcere in formam, vel in personam, licet obijciat indirecte, & secundario. glos. ver. directe. Ideo ex illis, quæ statuuntur observanda, quando appellans obijcit in formam, vel in personam, non potest inferri, quod eadem sint observanda, quando talis persequitur directe ius suum, vel ecclesie. ut in tex. Ex diversis enim non fit illatio. l. Papinianus. ff. de minor. Et denominatio causatur ab effectu directo, non à secundario. Zabar. nu. 1. Quando autem dicatur persequi directe ius suum, vel ecclesie, exemplificat. glos. ver. ecclesie. & ver. opponentis.

S E D cum in formam, vel personas, opponit crimina, vel defectus.

QUANDO **VIA** illa decretalis ad hoc fuit constituta, ut præcluderet viam malitijs, quæ per appellantes committerebantur circa ea, quæ obijciebant contra electionis formam, vel personam electi, ex quibus obiectionibus causabatur, ut sæpe diutius vacarent ecclesie, cum multo detrimento illarum. d. c. ut circa. Ideo in illis casibus erit talis constitutio observanda, ut in tex. cum non reperiatur immutata: c. constitutio. eod. in 6. & l. principinus. C. de appell.

Q U O R V M *circumstantias si non specificat, super illis non auditur.*

QUANDO **VIA** talis obijciens tenetur iurare omnia, & singula, quæ opponit, esse vera, & se posse illa probare. d. c. ut circa. Et quoniam est providendum, ut ante iuramentum bene quis deliberet, super quibus velit iurare, ne subeat anceps periurium l. videamus. ff. de iureiur. Et est advertendum, ne talis valeat in incertum vagari, & ad libitum sua verba mutare. arg. c. vnic. de postul. præ. in 6. Ideo ad obviandum periurijs, & malitijs, quæ possent circa talia committi, fuit statutum, ut omnia, & singula exprimantur, quæ iste appellans intendit obijcere in formam, vel in personam, & quod iuret se credere illa esse vera, & se posse ea probare. ut in d. c. ut circa. Circumstantiæ autem illæ sunt tempus, locus, & alia, de quibus habetur in c. tuz. extr. de procur. & in l. libellorum. ff. de action.

E T I A M, *si iuret illas didicisse de nouo.*

QU^{IA} talis tenetur à principio exprimere omnia, quæ opponit; & iurare se credere illa esse vera, & se posse ea probare; ut dictum est superius. Et quoniam iuramentum illud non posset stare simul cum alio iuramento, in quo diceret, se tales circumstantias didicisse de nouo; cum discere de nouo arguat falsitatem prioris iuramenti, in quo iam dixit, se illas scire, se credere esse veras, & se posse eas probare. glos. ver. de nouo. Ideo talis appellans si non specificauit huiusmodi circumstantias à principio, non est postmodum audiendus, etiam si per iuramentum asserat, ad se illas peruenisse de nouo. ut in tex. Nec obstat d. c. ut circa. ubi super non oppositis auditur appellans cum iuramento, quod illa de nouo peruenierint ad ipsius notitiam; ergo idem videatur dicendum de circumstantijs non sufficienter expressis. Nam respondetur, quod ubi non oppono, quod ignoro; vel quod scio, sed non credo, me posse probare, nullum vitium est; ideo est iustum, ut postmodum admittatur cum iuramento. ut in d. c. ut circa. Sed ubi oppono, & circumstantias non exprimo, vitium est; quia non debite oppono, ut in tex. Ideo in illo casu quis admittitur cum iuramento ad probandum ea, quæ nullo modo expressit, non autem admittitur in isto casu, in quo circumstantias non sufficienter expressit. d. glos. ver. de nouo. Vnde interdum expedientius est, in totum veritatem tacere, quam non perfectè dicere. Io. Andr. hic.

N E C etiam in eadem causa super illis auditur alius non appellans, & prosequens commune, non proprium interesse.

QU^{IA} si appellans posset submittere alium, quasi suum pædagogum in eadem causa sibi adhaerentem, qui clarè formaret, & exprimeret per eum male formata, & insufficienter expressa, inutilis esset, & derisoria quo ad hoc prouisio decretal. ut circa. cum sic posset ille consequi ex persona adhaerentis id, quod non potest ex persona sua. glos. ver. articulos. Et quoniam dicta decretal. fuit edita ad obuiandum malitijs, quæ circa oppositiones faciendas in electione contra formam, vel personam, occurrere possent. d. c. ut circa. Ideo statuitur, ut si cut ipse appellans non potest articulos non specificatos prosequi, ita non possit alius tertius ei adhaerens. ut in tex. & d. glos. articulos. Nec obstat, quod prima facie videatur iniquum, quod vnus prosequi non possit id, à quo repellitur alter propter ineptitudinem propositionis, vel defectum proponentis; & quod videatur graue, quod negligentia, vel culpa vnus male exprimentis noceat alijs habentibus æquale interesse, cum non debeat aliquis alterius odio prægruari. c. non debet. de reg. iur. in 6. nam respondetur, quod hoc est verum, nisi causa subsistat, vel ille, qui grauatur, sit etiam ipse in aliqua culpa, ut per glos. in d. c. non debet. Modo in isto grauamine, quod per appellantem infertur alteri, subest causa, scilicet, ne ipse appellans consequatur ratione adhaerentis id, quod

id, quod non potest consequi ratione sui; & subest culpa ipsius adherentis, qui debebat à principio etiam ipse appellare, si volebat proseguire ius commune sibi, & alteri, qui appellauit. d. gloss. ver. articulos. Ideo imparet sibi iste adherens, cui tamen non deest aliud auxilium, quo possit proseguire ius suum, ut est via nullitatis, de qua in c. concertationi. de appell. in 6. Et prosecutio proprii interesse. ut in tex. & d. gloss. hic.

POTEST tamen assistere appellanti.

QUIA per huiusmodi suam assistentiam ipse sibi consulit, ne in eius præiudicium fiat collusio super expressis, in quibus fuit forma seruata; nec per hoc contra appellatum plus consequitur appellans ex persona istius, quam habeat ex sua. ut in tex. & gloss. ver. ne colludat. Ideo quod uni prodest, & nemini nocet, facile concedi potest. l. si suspecta. ff. de inoffic. testam.

APPELLANS, qui non seruat formam, etiam si appellationi renuntiat; per viam quærelæ non proseguitur obiecta, nec etiã alia.

QUIA si talis admitteretur per viam quærelæ, consequeretur id, quod non potest consequi per viam appellationis. ut in tex. & gloss. ver. quærelæ. Et quoniam, cum quid vna via prohibetur alicui, ad id per aliam viam ille non debet admitti. c. cum quid. de reg. iur. in 6. Quæ regula est vera, ubi quis repellitur, attento effectu, ut est in casu huius tex. & not. Paul. de Castr. in l. quoties. C. de iudic. & Alex. consil. 21. col. 3. in 3. volum. Secus, si repellitur, attenta via, seu modo; quia tunc admittitur alia via. ut not. in c. tuz. extr. de procur. Ideo ex quo talis appellans non admittitur per viam appellationis, nec per viam appellationi renuntiationis. ut in tex. non debet etiam admitti per viam quærelæ, ex qua idem commodum reportaret. gloss. ver. quærelæ. & Anchar. nu. 10.

NISI in casibus exceptis.

QUIA sicut in istis casibus exceptis, talis audiretur per viam appellationis, cum in illis non sit in aliqua culpa, nec possit sibi imputari, cur prius illos non expresserit. d. cap. ut circa. ver. nisi. Ita debet audiri, & admitti per viam quærelæ, in qua est eadem ratio. gloss. ver. præterquam. Casus autem isti excepti sunt tres, scilicet, si aliquid postea emerferit, si super antiquis superuenerit probandi facultas, si aliqua antiqua in opponentium notitiã de nouo peruenerint, quæ appellantes tempore appellationis emissæ verisimiliter ignorare potuerint, & etiam ignorauerint, d. c. ut circa, in d. ver. nisi.

OMISSIO formæ licet appellantem à probatione repellat, non tamen infirmat probationem super his legitimè factam aduersarij confessione, vel aliter.

Q V I A ad officium superioris spectat examinare electum, etiam nemine opponente, extr. cap. cum nobis. Cum ipse debeat aduertere, ne infamibus pateant portæ dignitatum. cap. infamibus. de reg. iur. in 6. Ideo licet ipse appellans, qui non seruauit formā, non possit in causa ad suum commodum prosequi ulterius; non tamen impeditur iudex, si ei constiterit ex confessione electi, vel alio modo, ipsum electum esse indignum, quin ad publicum bonum eum repellere possit, Zab. num. 21.

Cap. 5. In plerisque.

S I N E speciali licentia Papæ, nullus providere potest ecclesia cathedrali, clero carenti, & populo Christiano.

Q V I A in plerisque huiusmodi ecclesijs multos frequenter, & religiosos præsertim, improvida superiorum prouisio ad pontificatus assumebat honorem, qui nec (vt expediret) prodesse, nec præesse (vt deceret) valentes, instabilitate vagationis, & mendicitatis opprobrio, seruitutem pontificalis obnubilabant dignitatis. vt in text. Ideo ad prouidendum contra temeritatem, tam facientium, quam vt frequenter recipientum prouisiones huiusmodi, statuitur, vt nullus de cetero, quantacunque dignitate præpollens, (nisi specialiter super hoc auctoritate Sedis Apostolicæ fulciatur) de pastore prouideat cathedrali ecclesie sibi qualitercunque subiectæ, quæ clero careat, & subditis Christianis, vt in text.

R E L I G I O S V S per prælatum licentiarum non debet, vt tali prouisioni consentiat.

Q V I A religiosi maxime in hoc vitio euagationis peccabant, vt in text. & eiusmodi episcopatus assumebant, vt à religione egressi, possent secularibus Principibus pro capellanis inferuire, vel aliorum episcoporum latas dioceses habentium, vicarias exercere. gloss. ver. vagationis. Et quoniam ista vagatio redundabat in opprobrium dignitatis episcopalis, vt in text. & ex quo istæ ecclesie non habent populum, cui talis episcopus possit prodesse, apparebat, quod appetebantur tantum ratione temporalitatis. Anchar. nu. 3. Et non licet episcopatum desiderare, ubi quis prodesse non potest. cap. qui episcopatum. 8. q. 1. Et præcipue religionis hoc non licet, ne relinquunt religionem, in qua seruiunt Deo incommutabili bono. c. licet. extr. de regular. Ideo præcipue religiosi prohibentur, ne à suis prælatis ad hoc quisquam eorum licentietur, vt tali prouisioni consentiat, vt in text. Dicit autem hic Zab. num. 12. Quod religiosi sæpe non proficiunt in episcopatibus ex ignorantia iuris positiui, & ex inesperienza facti. Vnde spero, quod eis erit gratum hoc meum opus, in quo compendiose, & fundamentaliter ap-
prehen-

prehendent iuris canonici scientiam; & ipsi per Theologiz , & Philosophiæ studium versati, efficaciam rationum optime ponderabunt . Et ad talium euagationem euitandam, vide Concil. Trid. sess. 14. de refor. c. 2.

CONSENTIENS, etiam si fueris consecratus, priori prælato subiaces.

QU^IA ad hoc , vt religiosus promotus in Episcopum , absoluator à superioris religioni obedientia, duo requiruntur . Primum, quod sit legitime promorus. cap. de monachis. 16. q. 1. Secundum, quod sit consecratus, extr. cap. cum in cunctis . Et quoniam primum hic deficit. vt in text. Ideo talis religiosus sic ad huiusmodi episcopatum consentiens, non est à religiosi prælati obedientia absolutus. gl. ver. prælato, & Zabar. num. 17.

N E C in episcopum recipitur, nec ad aliquem honorem promouetur.

QU^IA cum pœna debeat esse commensurabilis delicto, cap. disciplina. dist. 45. Et cum quis debeat puniri, in quo peccauit. c. inter. de excess. prælato. Ideo statuitur, vt in tantæ ambitionis pœnam, sub religionis, aut monasterij sui prælato, talis religiosus semper sic degat humilis, iaceatque prostratus, quod nullus eidem in religione sua, vel extra, ad gradum honoris, vel administrationis cuiuslibet sit ascensus. vt in text.

Q V A E contra fiunt, irrita sunt.

QU^IA prædicta contraria fieri prohibentur, cum clausula irritante actum contrarium ipso facto , quacunque consuetudine non obstante. vt in text. Et quoniam per huiusmodi clausulam irritantem, insurgit nullitas actus contrarij, absque ope exceptionis, vt not. supra in Clem. 1. Et per illam clausulam, non obstante quacunque consuetudine, non solum prohibentur consuetudines inducæ, sed etiam inducendæ. Zabar. infr. in c. statutum. nu. 4. licet ex noua rationabili causa, consuetudo à iure damnata posset iterum introduci. Abb. infr. in d. Clem. statutum . Nam secundum temporum varietatem licet mutare iura. c. non debet. extr. de confag. & affinit. Ideo ex quo contraria sunt taliter prohibita, si fuerint facta, debent pro infectis haberi. vt in text. & l. non dubium. C. de legib.

Cap. 6. Quod circa.

C A P I T V L V M. quorundam. quo ad discordiam, & minoritatem numeri, intelligitur quo ad voces facti, non secundum iuris fictionem .

QU^IA d. c. quorundam. statuit super electionibus religiosorum, & in illis decernit quo ad numerum eligentium. d. cap. eod. in 6. Et quoniam

quoniam si contra tales eligentes possent opponi exceptiones, per quas secundum iuris fictionem illi, qui alias essent eligentes, in simili casu de iure communi non computarentur in numero eligentium, sæpe orirentur inter ipsos religiosos discordiæ, & eorum protraherentur electiones. Anchar. num. 2. Ideo ad euitandum huiusmodi mala, quæ redundarent in ignominiam religiosorum, & detrimentum monasteriorum, statuitur, quod alias habens vocem de facto, in tali casu ex iuris fictione non excludatur à numero. glos. ver. quæ in facto. Sicut ex eadem causa, statuitur similiter in Cardinalibus ad electionem Summi Pontificis. in Clemen. Ne Romani. supra eod. Et similiter in electione monialium. c. indemnitatibus. §. sane, & §. vt autē. eodem in 6. Et illud c. quorundam, ita esse intelligendum, per hanc constitutionem declaratur. vt in tex.

Cap. 7. Statutum.

EMOLUMENTVM ex iurisdictione, sigillo curiæ, vel alias pertinens ad prælatum cathedralis ecclesiæ, vel collegiatæ, ea vacante, referuandum est successori.

QUIA omnes fructus, qui spectarent ad prælatum, Sede non vacante, sunt referuandi successori, Sede vacante. cap. quia Sede. eod. in 6. vbi not. de talibus bonis, quæ ex nouis constitutionibus faciunt spolia. Et quoniam verba generalia sunt generaliter accipienda. cap. solitz. extr. de maior. & obed. Ideo sub illa generali reservatione, omnium fructuum, veniunt etiam fructus ex iurisdictione, & sigillo, & vndeunque provenientes, ad prælatum spectantes, qui, si viueret, præesset, vt in text. Nec obstat, quod sicut capitulum, Sede vacante, succedit in iurisdictione. cap. cum olim. extr. de maior. & obed. ita videatur, quod debeat succedere in emolumento inde proveniente, per reg. qui sentit. de reg. iur. in 6. Nam respondetur, quod illud regulariter est verum, nisi ex causa quis prohibeatur ab emolumento. glos. in d. cap. qui sentit; modo capitulum ex causa prohibetur à tali emolumento, nam si, Sede vacante, canonici perciperent emolumenta iurisdictionis, non curaret sollicitè, vt tenentur, providere de successore. glos. hic. ver. declaramus. Vnde non semper, qui sentit onus, sentit commodum, præsertim quando ille, qui administrat, potest sentire illud onus cum paruo incommodo, & vnū potest separari ab alio. Zabar. hic nu. 4. Sicut tutor administrat bona pupilli, non tamen facit fructus suos. l. d. tutoribus. §. principalibus. ff. de adminif. tutor. Et sicut commendatarius beneficii, qui habet onus, & tamen non facit fructus suos. vt not. Innocentius in cap. dudum. il. 2. extr. de elect. Et ista prohibitio habet locum, quando emolumentum illud potest referuari successori sine præiudicio capituli; nam in casu, quo capitulum haberet emolumentum indiuisibile cum prælato, ne capitulum priuaretur iure suo sine culpa, succedit in illud emolumentum commune vtri-

ne vtrique. Zabar. hic nu. 6. Et ob id capitulum succedit, Sede vacante, in collatione beneficiorum communiter spectante ad episcopum, & capitulum, licet non succedat in collatione spectante solum ad episcopum. c. vnic. ne Sede vacan. & c. fin. de regular. in 6.

NON obstante consuetudine.

QU^{IA} talis consuetudo tenderet in præiudicium ecclesiarum, dum causeret longam vacationem illarum, vt dictum est superius. Et tolleretur fructus prælati successoris sine eius culpa. d. c. quia sæpe. Ideo tanquam irrationalis, est extirpanda, c. 1. & c. fin. ext. de consuet.

DE DVCTIS expensis.

QU^{IA} nemo est cogendus suis stipendijs militare. c. cum ex officij. extr. de præscript. Sed qui sentit commodum, debet sentire incommodum, d. c. qui sentit. Ideo si rationabiles expensæ sunt faciendæ, per quas procuratur utilitas ipsius prælaturæ, vel alio modo spectant ad prælaturam, non ex bonis aliorum, sed ex bonis prælaturæ, sunt deducendæ, vt in tex. & Zabar. nu. 8.

NISI tunc certa dignitati competat iurisdictio, cum ipsius emolumento.

QU^{IA} quando certa persona succedit in istud emolumentum, siue illa sit de collegio, siue sit extra ratione dignitatis, non est periculum, vt illa possit protrahere electionem prælati. Zabar. nu. 12. Com non ad aliquem canonicum particularem, neque ad aliquam dignitatem, sed ad totum capitulum, vel ad eius maiorem partem, spectet eligere prælatum. cap. dudum il 1. ext. de elect. Ideo cessat ratio, per quam capitulum prohibetur, ne, Sede vacante, percipiat ex iurisdictione emolumentum, vt dictum est superius. Et remanet ius commune, vt sicut contra prælatum possunt, tam canonicus particularis, quam dignitas extra capitulum, præscribere iurisdictionem. cap. de quarta. & cap. cum olim. extr. de præscript. ita possint præscribere emolumentum, siue aliud accessorium ex iurisdictione proueniens. Anchar. in fine.

Cap. 8. Cum concessa.

CONCESSIO licentiæ generalis religioso, de consentiendo electioni facta, vel fienda, non valet.

QU^{IA} talis licentia ambitionis vitio viam pararet. vt in tex. Et quoniam religiosi præcipue debent à vitio ambitionis se abstinere, ne retro respiciant ad aratrum, & appetant diuitias, & honores, quos in eorum professione contempserunt. c. quorundam. eod. in 6. Ideo prohibetur, ne talis licentia concedatur, & si fuerit concessa, statuitur, vt nullius.

nullius existat firmitatis. vt in tex. Præterea, quo ad consentiendum electioni fiendæ, etiam ex eo non potest concedi licentia; quia licentia nihil aliud est, quam gratia concessa alicui, per quam sibi licet, quod prius non licebat. Zabar. nu. 8. Et quoniam rei, quæ non est, vel esse nescitur, priuilegium non conceditur. c. ad audientiam. extr. de eccl. edific. & c. ad dissoluendi. m. de despons. impub. Ideo vt possit dari licentia, consentiendi electioni, requiritur, quod prius sit electio facta. Zabar. nu. 11. & sic intelligitur. c. si religiosus. eod. in 6. Abb. hic.

In Extrauag. Ioan. XXII. Cap. 1. Ad onus.

ELECTI, qui pro suarum electionum negotio ad curiam venire tenentur, etiam Sede vacante, non tenentur de necessitate in ipsa curia moram trahere.



VIA ratio, quare fuerit statutum, vt electi veniant ad curiam, etiam Sede vacante, non fuit pro negotio prosequendo, durante vacante, cum Cardinales non habeant tunc iurisdictionem confirmandi, vel infirmandi electos. Clem. ne Romani. §. fin. supr. eod. Sed fuit sic statutum, vt electi essent prompti, Papa creato, ad eorum negotium prosequendum. d. §. fin. Sed quoniam in illo interim diuersi electi ibi dispendia patiebantur, sine negotij vtilitate. glos. hic. ver. moram. Ideo eis indulgetur, vt, ex quo tales electi fuerunt prompti ad veniendum, non coartentur ad continuam moram ibi trahendam; dummodo sint parati, creato Pontifice, ad se præsentandum, & electionis negotium prosequendum. vt in tex. & d. glos. moram.

ET licet alibi morentur, nullum eis præiudicium generatur.

QUIA quod fit, lege permittente, & indulgente, damnum asserere non debet. c. indultum. de reg. iur. in 6. Et quoniam talibus electis indulgetur, vt, ex quo fuerunt prompti ad veniendum debito tempore ad curiam, non teneantur ibi, Sede vacante, permanere, vt dictum est superius. Ideo ex eorum mora in tali tempore extra curiam, non debent præiudicium aliquod reportare. vt in tex.

Cap. 2. Suscepti.

HABENTES annalia, possunt vel taxationē decimæ, vel reddituū eligere intra decem dies; alias, si interim, unā de istis portionibus non elegerint, electio ipsarum trāsit in beneficiatum, ipso iure.

QVIA

QUIA in nonnullis ecclesijs ante hanc constitutionem obseruabatur, vt fructus primi, vel secundi, aut alterius anni beneficii vacantium, in eisdem defuncto, vel fabrica, aut ecclesijs, vel personis habentibus annalia de consuetudine, priuilegio, vel statuto applicarentur in totum; ita quod illi, qui huiusmodi beneficia canonice obtinebant, & ad quos alijs de iure fructus ipsi spectare deberent, nihil inde percipiebant. vt in tex. Et quoniam ex hoc illud inconueniens sequebatur, quod commode nequibant tales beneficiati residere in ecclesijs ad debitum seruitium impendendum. vt in tex. Ideo ad obuiandum huiusmodi inconuenienti, statuitur, vt in futurum tales, qui consuetudine, vel priuilegio, aut statuto, percipiunt annalia, non amplius fructus omnes illorum annorum habeant, sed vel taxatione decimæ, vel residuo, quod restat, detracta summa taxationis decimæ, sint contenti. vt in tex. & glos. ver. residuum. Hoc enim remedio sic temperato prouidetur, vt habentes fructus percipere, in totum non frustrentur effectu consuetudinis, vel statuti; & beneficiati onus seruitij sine fructu se subire non lugeant. vt in tex. & glos. in ver. volentes. Electio autem percipiendi vnam de istis duabus portionibus, datur ipsi habenti annalia, vt sic minus grauetur in eo, quod reliquum sibi aufertur; dum sibi indulgetur, vt ad libitum vnam de duabus partibus sic distinctis percipiat. glos. ver. soluer. Sed ne ista electio nimium protrahatur in damnum beneficiati, statuitur, vt nisi ille intra decem dies partem elegerit, transcat electio ipso iure in beneficiatum. vt in tex. Electio autem ista habet locum in illis ecclesijs, in quibus beneficia ad solutionem decimæ sunt taxata; in ecclesijs verò, & partibus illis, in quibus decimarum taxatio non est facta, statuitur, vt fructus, & obuentiones beneficij tunc vacantis, per mediū diuidantur; quorum medietatem habeat is, cui annalium, per alterum de prædictis modis perceptio est concessa. Reliquam verò medietatem percipiat ille, cui beneficium est collatum, pro sustentatione sua, & alijs ecclesie oneribus supportandis. vt in tex. Hæc eadem constitutio habetur repetita, propter diuersa, quæ hic continentur, facientia etiam ad alios titulos, inst. in extrauag. commun. in tit. ne sede vacan. aliq. innou.

In Extrauag. commun. Cap. i. Iniunctæ.

PROMOTI in curia non debent ad propria redire sine litteris sue promotionis.

QUIA quam periculosum existat, quod aliquis in officio, dignitate, vel gradu, fore se asserat, & pro tali etiam habeatur, nisi prius ipse quod asserit, legitimis offenderit documentis, tam ex ciuilibus, quam ex canonicis institutis colligitur euidenter.

H h

vt in tex.

vt in tex. Afferenti namque cum mandatis principis se venisse, credendum non est, nisi hoc scriptis probauerit. l. vnic. C. de mand. princ. Nec similiter creditur, se afferenti Legatum. c. lectis. dist. 63. Nunquam enim Apostolicæ Sedis moris fuit, absque signatis apicibus vndeunque legationem suscipere. c. nobilissimus. dist. 97. Sed nec dicenti se Delegatum Sedis eiusdem, creditur, vel intenditur, nisi de mandato Apostolico, fide doceat oculata. c. cum in iure. extr. de offic. deleg. Similiter clerici ad alienam diœcesim, sine suorum ordinariorum litteris venientes, nec in suis recipiuntur ordinibus, nec ad superiores ascendunt. c. 1. & 2. extr. de cleric. peregr. Clerici quoque, & monachi, qui de suis ciuitatibus ad alienam urbem proficiscuntur (nisi muniti veniant suorum litteris prælatorum) non sunt clerici, vel monachi reputandi. c. hortamur. dist. 71. & l. si qua. §. præterea. C. de episc. & clericis. Si quis præterea in clerum electum se dicat, si sacerdotem sese nominet, hoc scrutandum est, quia non sine periculo est in talibus communicatio indiscussa. c. quiescamus. dist. 42. Et quoniam si promoti in curia, præcipue ad episcopatus, & dignitates, sine litteris suæ promotionis recederent, scandala, & pericula grauiora orirentur, & sæpe diceret se prælatos illi, qui non sunt. vt in tex. Ideo cum in præmissis alijs casibus, qui minoris existunt periculi, sit ex diuersis constitutionibus iam prouisum, vt dictum est superius; hic vltimus, qui pericula grauiora minatur, nequaquam fuit sine prouisionis opportune remedio relinquendus. vt in tex. & ob id Bonifatius Octauus per hanc constitutionem statuit, vt promoti in curia non debeant ad propria redire sine litteris suæ promotionis; decernendo, quod si secus fecerint, pro prælatis, & beneficiatis non sint habendi, & quod diuerfas pœnas hic expressas, tam ipsi, quam eos recipientes incurrant. vt in tex.

Cap. 2. Si religiosus.

SI religiosus electus non petierit ipse, vel eius electores, licentiam consentiendi intra tempus moderandum, pro presentia, vel absentia superioris, est eo ipso priuatus iure sibi ex electione quesito.

QUIA longa ecclesiarum, & monasteriorum vacatio solet illis in spiritualibus, & temporalibus esse damnosa. c. quam sit. eod. in 6. Et quoniam religiosus absque sui superioris licentia, electioni de se factæ consentire non potest. vt in tex. nisi eligatur in Abbatem intra suum monasterium in locum defuncti; nam tunc ius sibi permittit, vt absque alterius licentia possit consentire. c. si religiosus. eod. in 6. Ideo ne ecclesia, ad quam religiosus eligitur diutius vacet, statuitur, vt ipse electus, vel eius electores petant, quam citius commode fieri potest, a superiore hanc consentiendi licentiam. vt in tex. aliàs, tam in pœnam ipsius electi negligentis, quam ad prouidendum, ne ecclesia vicius vacet, statuitur,

uitur, vt talis electus sit ipso facto priuatus iure sibi ex illa electione, quæsito. vt in tex. & not. in d. c. quam sit.

Et possunt electores alium eligere.

QU^{IA} non præstat impedimentum, quod de iure non sortitur effectum, c. non præstat. de reg. iur. in 6. Et quod est nullum ipso facto, non est opus, vt per exceptionem annulletur. vt not. sup. in Clem. 1. Ideo cum electio illa non habuerit effectum, & ille electus sit, eo ipso, priuatus iure sibi ex tali electione quæsito. vt dictum est superius, remanent liberi electores ad alium eligendum. vt in tex. & d. cap. quam sit. Cum enim electio non fuerit, per electi consensum legitime præstitum, completa, non potest dici, quod semel elegerint, vt not. in cap. perpetuo. eod. in 6. Et cum ipsi electores non fuerint in culpa, non debent eorum iure eligendi priuari, c. satis peruersum. dist. 56.

Cap. 3. Sancta.

Quatuor patriarchalibus ecclesijs videntibus, statuitur, illis non posse prouideri, Romano Pontifice inconsulto; quod si secus factum fuerit, irritum decernitur.

QU^{IA} Sancta Romana Ecclesia, quæ, disponente domino, super omnes alias ordinariæ potestatis obtinet principatum à Deo, vt pote, mater vniuersorum Christi fidelium, & magistra, quatuor patriarchales sedes insinuit, inter quas, post ipsam Romanam ecclesiam, Constantinopolitanam primum, Alexandrinam secundum, Antiochenam tertium, & Hierosolymitanam quartum locum voluit obtinere. vt in tex. & c. antiqua. extr. de priuil. Et quoniam de illarum prouisionibus, cum eas vacare contingit, tanto est accuratius cogitandum, & attentius prouidendum, quanto maioris eminent altitudine dignitatis, & periculose erraretur in prouisionibus earundem, vt in tex. & arg. cap. vbi periculum. eod. in 6. Et ex quo hodie prædictarum sedium patriarchalium ciuitates, aut sunt destructæ, aut occupatæ ab infidelibus, vel à schismaticis detinentur, ipsarum capitulis, seu conuentibus, & canonicis dispersis vndique extra ciuitates ipsas, per alias regiones, seu loca à ciuitatibus ipsis remota; vnde apparet, quod per illarum capitula non potest, his stantibus, commode, & accuratè, vt deberetur, patriarcharum electio fieri. vt in tex. Ideo Summus Pontifex Benedictus XI. per hanc decretalem, de Sanctæ Romanæ Ecclesiæ Cardinalium consilio, & Apostolicæ potestatis plenitudine, statuit, vt quandiu ciuitates ipsæ schismaticorum, aut infidelium subsunt, aut suberunt ditioni, aut detinebuntur per eos, canonici dictarum patriarchalium sedium, cum eas, vel ipsarum aliquam, seu aliquas vacare contigerit, ad electionem, postulationem, seu quamuis prouisionem, de præficiendo sibi Patriarcha, vel pastore,

H h 2 nullo

nullo modo procedant, quousque ad Apostolicæ sedis noticiam deducatur; vt in text. Quod si secus per prædicta capitula, conuentus, vel canonicos, aut quemuis alium, vel alios, scienter, vel ignoranter fuerit attentatum, decernitur irritum, & inane, non obstantibus quibuscunque ipsarum ecclesiarum, vel alicuius earum, consuetudinibus, statutis, priuilegijs, & c. vt in text.

Cap. 4. Ex debito.

CV M beneficia apud Sedem Apostolicam vacantia, sint soli Papa reſeruata; ostendit quæ, & quorum, apud sedem vacare dicantur eandem; & primo loquitur de reſeruationibus, secundo de pensionibus.

Q V I A licet omnium beneficiorum ecclesiasticorum plenaria dispositio ad Romanum Pontificem pertinere noscatur, c. omnes. dist. 21. collationem tamen ecclesiarum, personarum, dignitatum, & beneficiorum, apud Sedem Apostolicam vacantium, specialius cæteris, antiqua consuetudo Romanis Pontificibus reſeruauit. c. licet. de præb. in 6. Quæ consuetudo fuit approbata per particularem constitutionem Clementis III. & per illam fuit expresse prohibitum cæteris ordinarijs, ne illa beneficia sic vacantia conferre præſumant. d. c. licet. Et quæ beneficia dicantur vacare in Curia, fuit postea declaratum per Bonifatium VIII. c. præſenti. de præb. in 6. Sed quoniam adhuc insurgebant difficultates circa dictorum iurium dispositionem, vt in text. Ideo Summus Pontifex Ioannes XXII. per hanc constitutionem dictis decretalibus Clementis, & Bonifatij, nonnulla detraxit, aliqua declarauit, & quædam addendo de nouo ſanciuit, vt per ea sic disposita, celerius, & vtilius provideatur ecclesijs, & Romanæ Ecclesiæ honor debitus impendatur. vt in text.

Liber Primus. Titulus Septimus.

DE TRANSLAT. EPISCOPI.

In Decretal. Cap. 1. Ex illo.

PATRIARCHA, qui confirmatum in Archiepiscopum, transfert ad Sedē Episcopalem, ab episcoporum confirmatione suspenditur.



V I A ex illo generali priuilegio, quod beato Petro, & per eū Ecclesiæ Romanæ, Dominus noster indulsit, dum dixit. Tu es Petrus, & super hanc petram edificabo ecclesiam meam. Matth. cap.

cap. 16. Et pascite oues meas. Ioan. cap. 20. Canonica postmodum manauerunt instituta continentia, maiores ecclesiæ causas ad Sedem Apostolicam esse perferendas, vt in tex. Illas enim in signum priuilegij suæ præminentie Summus Pontifex sibi referuauit. c. quod. de offic. leg. Et quoniam translationes Episcoporum, & sedium mutationes, inter maiores causas adnumerantur. c. quamuis. 3. q. 6. & cap. temporis. 7. q. 1. Ideo alius, quam Papa, sine eius speciali licentia, huiusmodi translationes, & mutationes facere non debet. vt in text. & infr. cap. prox. Et quoniam pœna vnus est metus multorum, cap. quapropter. 2. q. 7. Et conueniens est, vt quis puniatur in eo, in quo peccauit. c. literas. de tempor. ordin. Ideo, vt tollatur ceteris audacia similia perpetrandi, & vt pœna sit commensurabilis delicto taliter commisso, statuitur, vt Patriarcha, qui Archiepiscopum sic transferre præsumperit, sit ab episcoporum confirmatione suspensus, vt in tex. electus enim, & confirmatus in Archiepiscopum, talem potestatem recepit in Archiepiscopatu, vt possit omnia, quæ sunt iurisdictionis, licet ea, quæ sunt ordinis, non possit, antequam fuerit consecratus, & pallium receperit. glos. penult. hic. & inter ipsum, & ecclesiam, iam est spirituale coniugium contractum. vt infr. cap. prox.

Cap. 2. Inter corporalia.

ELECTOS in episcopos, & confirmatos, transferre potest solus Papa.

QUIA vinculum spirituale est fortius, quam carnale; nam vincula corporalia facilius destruuntur, quam construuntur; spiritualia vero facilius construuntur, quam destruuntur. vt in text. Et quoniam dissoluitionem carnalis coniugij, quod est inter virum, & feminam, suo tantum iudicio Deus referuauit, præcipiens, vt quos Deus coniunxit, homo non separet. Matth. cap. 19. Et quia post electionem, & confirmationem canonicam, inter personas eligentium nomine ecclesiæ, & Episcopum electum, est spirituale coniugium contractum, vt in text. Vnde sicut matrimonium carnale non potest dissolui, nisi auctoritate Papæ, & in casibus in constitutionibus ecclesiæ contentis, vel Papæ. Innocent. hic num. 2. Non enim humana, sed potius diuina potestate coniugium spirituale dissoluitur, cum per translationem, depositionem, aut cessionem, auctoritate Romani Pontificis (quem constat esse vicarium Iesu Christi) Episcopus ab ecclesia suâ remouetur; & ideo hi tres modi remouendi episcopum, non tam constitutione canonica, quam institutione diuina, soli sunt Romano Pontifici referuati, vt in tex. Et sicut episcopus consecratus, sine licentia Romani Pontificis, suam non debet ecclesiam derelinquere, sic & electus confirmatus, qui cum ecclesia iam spirituale coniugium contraxit. vt in text. Ideo, cum non sit maius vinculum

culum episcopi ad ecclesiam, quam electi, maxime cum fuerit confirmatus, imò idem penitus, & non aliud, idem iuris obtinet in utroque, ut in text. & supra cap. prox. Et dic quod vinculum spirituale est fortius, id est dignius, quam carnale, nam matrimonium carnale in veritate fortius est, quia dissolui non potest, etiam si interueniat cōsensus Papæ, & ipsorum coniugum gloss. hic ver. fortius, nisi in casu ante carnalem copulam c. ex publico. de conuers. coniug.

Cap. 3. Quanto.

EPISCOPVS, qui propria auctoritate de sua ecclesia se transferi ad aliam, carebit: utraque.

QUIA veritas in euangelio protestatur, ut quos Deus coniunxit, homo non separet. Matth. cap. 19. Et potestatem transferendi Pontifices, ita sibi retinuit Dominus, & magister, quod soli beato Petro vicario suo, & per ipsum successoribus suis, speciali privilegio tribuit, & concessit; sicut testatur antiquitas, cui decreta patrum sanxerunt reuerentiam exhibendam, & euidenter asserunt sacrorum canonum sanctiones. Non enim homo, sed Deus separat, quos Romanus Pontifex, (qui non puri hominis, sed veri Dei vicem gerit in terris) ecclesiarum necessitate, vel utilitate pensata; non humana, sed diuina potius, auctoritate dissoluit. ut in text. & supr. cap. prox. Ideo episcopus, qui propria auctoritate præsumit se dissoluere à spirituali coniugio propriæ ecclesiæ, & ad aliam se transferre, nimium improbe delinquit, ut in text. solutionem enim querere, secundum Apostolum, non deberet 1. ad Corinth. c. 7. Et quoniam delicta sunt punienda, ne facti peruersitas transeat præsumptoribus in exemplum, ut in text. & cap. cum olim. de offic. deleg. Ideo in eius penam, & in aliorum exemplum, ne audiant similia committere, prohibetur, ne episcopus, qui sic delinquit, redeat ulterius ad ecclesiam, quam taliter dereliquit, & ne illam, ad quam sic se transtulit, obtinere possit, ut in text. Cum secundum traditiones canonicas, qui ad maiorem se plebem transtulerit, à cathedra repelli debeat aliena, & carere propria; ut nec illis præsideat, quos per superbiam spreuit, nec illis, quos per auaritiam concupiuit, ut in text. & cap. si quis episcopus. 7. q. 1.

Cap. 4. Licet.

SOLVS Papa transfert episcopos.

QUIA sicut legitimi matrimonij vinculum, quod est inter virum, & uxorem, homo dissoluere nequit, Domino dicente in euangelio. quos Deus coniunxit, homo non separet. Matth. cap. 19. Sic & spirituale fœdus coniugij, quod est inter episcopum, & ecclesiam; quod in ele-

in electione nunciatur ratum, in confirmatione, & in consecratione intelligitur consummatum, sine illius auctoritate solui non potest, qui successor est Petri, & Vicarius Iesu Christi. vt in tex. & supr. c. prox.

Et indulgentia per eum super tali translatione concessa, ad litteram seruanda est.

QUIA cum talis indulgentia tollat fauorabile vinculum prioris matrimonij spiritualis, est contra ius commune, & odiosa. glos. fin. hic. & Innoc. nu. 4. Et quoniam dispensatio, & ea, quæ odiosa sunt, potius sunt restringenda, quam dilatanda. c. quod dilectio. de consang. & affinit. & c. odia. de reg. iur. in 6. Ideo talis indulgentia, vt stricti iuris, ad limites verborum est restringenda. vt in tex. & c. sanc. de priuileg.

Liber Primus. Titulus octauus.

DE AVCTORITATE, ET VSV PALLII.

In Decretal. Cap. 1. Cum super.

INTRA quamlibet ecclesiam prouincia suæ, Archiepiscopus pallio vsi potest.



QUIA in traditione pallij hæc forma seruatur, videlicet: Tradimus tibi pallium, vt eo intra ecclesiam tuam vtaris. vt in tex. & c. pallium. dist. 100. Et quoniam appellatione ecclesie suæ, cum ius loquitur de Episcopo, vel Archiepiscopo, non solum potest intelligi ecclesia cathedralis, sed etiam ceteræ ecclesie totius diocesis, vel prouinciæ, in quibus ipsi habent iurisdictionem. vt not. glos. 1. in c. cum clerici. de verb. sign. & glos. fin. in c. fin. ne præl. vic. suas. Et quia in materia fauorabili est potius facienda lata interpretatio, quam stricta. c. odia. de reg. iur. in 6. Et concessio pallij est fauorabilis. Butr. hic nu. 9. Et interpretando nomen ecclesie latè pro ecclesijs totius prouinciæ, nulli fit præiudicium. glos. 2. hic. Ideo talis concessio non est restringenda ad solam ecclesiam cathedralem Archiepiscopi, sed ad omnes ecclesias suæ prouinciæ est extendenda. vt in tex. & glos. 1. in d. c. pallium.

SEd extra non potest.

Quia

QU^{IA} forma in traditione rei apposita, diligenter est seruanda. l. traditionibus. C. de pact. Et quoniam dictio, intra, notat intrinsecitatem rei, cui apponitur, nec extrema actus, cui iniungitur, excedit. vt not. in l. 1. §. in publico. ff. de flumin. Ideo cum forma traditionis pallij sit, vt Archiepiscopus illo intra ecclesiam vtatur, extra ecclesiam illo vti non potest. vt in tex. & d. c. pallium.

Cap. 2. Ad hoc.

ARCHIEPISCOPVS alteri Archiepiscopo pallium suum accommodare non potest.

QU^{IA} pallium est quid personale, & ita sequitur personam vsque ad mortem, quod ille, cui est concessum, debet cum eo sepeliri. vt in tex. Et quoniam iura personalia non possunt ad alios transferri, nec per consequens accommodari. c. priuilegium. de reg. iur. in 6. & l. quia tale. ff. solut. matr. Ideo Pallium vni Archiepiscopo concessum, non potest per ipsum alteri accommodari. vt in tex. & c. 1. dist. 100.

Cap. 3. Nisi.

PER pallium confertur plenitudo pontificalis officij, & nomen archiepiscopale.

QU^{IA}, licet ante pallij traditionem, electus in Archiepiscopum recipiat per confirmationem, potestatem quo ad illa, quæ sunt iurisdictionis. c. transmissam. de elect. & c. 1. de transl. episc. saluo, quod est in maioribus, sicut est conuocare concilium prouinciale. cap. quod sicut. §. præterea. de elect. Potestas tamen in his, quæ sunt ordinis, ei confertur à tempore traditionis pallij. d. cap. quod sicut. & dist. 100. c. quoniam. Tunc enim Archiepiscopus præstat iuramentum fidei, obedientiæ, & vnitatis Ecclesiæ Catholicæ Romanæ. c. significasti. de elect. Et ei in signum plenæ executionis in his, quæ ordinis sunt; & etiam in his, quæ sunt iurisdictionis, si maxima negotia sunt, traditur pallium de corpore beati Petri assumptum. d. c. significasti. & Innoc. hic. Ideo antequam hæc insignia dignitatis ei sint tradita, non potest dici in illa dignitate plene constitutus, nec illius debet assumere nomen. vt in tex. & d. c. significasti.

Cap. 4. Ad honorem.

ROMANVS Pontifex semper, & ubique vitur pallio.

QU^{IA} per pallium significatur plenitudo ecclesiasticæ potestatis. vt in tex. & infr. c. cum sis. Et quoniam solus Romanus Pontifex est assumptus in ecclesiasticæ potestatis plenitudinem. vt in tex. & c. inter corporalia. supr. tit. prox. Ideo solum ipse in missarum solemnibus

nijis pallio semper vitur, & vbique. vt in tex. & dist. 100. c. quoniam.

ALII in ecclesijs suis, & certis diebus tantum.

QUIA ceteri, quibus pallium confertur, vocati sunt in partem solitudinis, non in plenitudinem potestatis. vt in tex. & c. decreto. 2. q. 6. Ipsa enim Romana Ecclesia, quæ prima est, ita reliquis ecclesijs vices suas credidit largiendas, vt in partem sint vocatæ solitudinis, non in plenitudinem potestatis. c. qui se scit. dist. 100. Vnde pallium in Papa significat plenitudinem officij; in alijs verò denotat præminentiam, quam super ceteros alicuius prouinciæ, vel regni, acceperunt à Papa. Butr. hic nu. 5. Ideo solum in illis ecclesijs, in quibus iurisdictionem ecclesiasticam isti acceperunt, pallio vti possunt. vt in tex. & c. pallium. dist. 100. Qui verò sint dies, in quibus confertur potestas inferioribus in pallio vtendo; dic, quod sunt solemniores, quos enumerat hic glos. quæ simul ponit formam verborum, sub qua traditur pallium. Ideo non est extendendus pallij vsus vltra formam concessiois. vt supr. in c. 1. & c. porro. de priuileg.

Cap. 5. Ex tuarum.

ARCHIEPISCOPVS extra suam prouinciam pallio vti non potest.

QUIA limitata concessio limitatum debet parere effectum. c. Petro, & G. de offic. deleg. & l. in agris. ff. de acquir. rer. dom. Et quoniam concessio pallij est facta Archiepiscopo cum limitatione, vt illo intra ecclesias suæ prouinciæ vtatur. supr. c. 1. Ideo illius vsus nō est extra suam prouinciam extendendus. vt in tex. & glos. ver. consuetudo, quæ notat, quod talis concessio est partim beneficium personale, nam pallium cum persona sepellitur. supr. c. ad hoc. & partim est locale, quia non transfertur eius vsus extra ecclesias illius prouinciæ. vt in tex. etiam si ille Archiepiscopus assumeretur ad alium archiepiscopatum c. bonæ. il. 2. & ibi glos. fin. de postul. præl. Præterea per pallium in Archiepiscopo, denotatur præminentia, & iurisdicctio, quam habet in ecclesijs, in quibus vitur illo. supr. c. prox. Et quoniam extra suam prouinciam Archiepiscopus non habet iurisdictionem, cum diæceses sint distinctæ, ne vnus vsurpet iura alterius. c. ecclesias. 13. q. 1. Ideo Archiepiscopus non potest vti illo extra ecclesias suæ prouinciæ, ne videretur ibi exercere iurisdictionem in præiudicium alterius. glos. hic. ver. permittat. Et hoc de iure communi; nam ex priuilegio, & gratia speciali, poterit vti illo etiam extra prouinciam, si à Papa fuerit talis gratia ei indulta. vt in tex. Quæ concessio esset intelligenda, dummodo is, ad quæ ecclesia illa pertinet, hoc ei permittat. vt in tex. cum Papa non intendat ledere ius tertij, nisi id exprimat. c. licet, de offic. ordin. Cæteris ta-

I i men

men ornamentis, per quæ non designatur præminetia in præiudicium alterius ordinarij, possunt Episcopi, & Archiepiscopi vti vbique. Abb. nu. 7. & not. in c. excommunicatis. de offic. leg.

ETIAM si hoc habeat consuetudo.

Q V I A talis consuetudo est potius dicenda corruptela. vt in text. cum sit contra formam concessionis, & in præiudicium tertij, vt dictum est superius. Ideo non est seruanda, sed extirpanda. c. cum venerabilis. de consuet.

Cap. 6. Cum sis.

I N qualibet ecclesia suæ prouincia, permissis diebus, Archiepiscopus Missam celebrans vti potest pallio.

Q V I A forma concessionis pallij est, vt intra ecclesiam suam Archiepiscopus eo vti possit. supr. c. 1. Et quoniã qualibet ecclesia sibi subiecta potest dici sua ecclesia. vt not. in d. c. 1. Ideo talis cõcessio indistincte prolata, est indistincte intelligenda de qualibet ecclesia suæ prouinciæ sibi subiecta. vt in tex. & c. quia circa. de priuileg.

Cap. 7. Quia.

S I N E pallio, & sandalijs, potest Archiepiscopus celebrare.

Q V I A pallio non potest vti Archiepiscopus, nisi diebus in priuilegio eius concessionis expressis. vt in tex. & supr. c. ad honorem. Et sandalijs solum vtuntur Episcopi, & Archiepiscopi, quando pontificaliter celebrant. c. nonnulli. §. compagis, & ibi glos. dist. 93. Et quoniam singulis diebus potest Archiepiscopus, sicut & ceteri sacerdotes, Missam celebrare. c. te referente. de celebr. missar. Ideo semper cū pallio, vel sandalijs celebrare nõ tenetur. vt in tex. Vnde pallij vsus restringitur ad prouinciã, ad ecclesiã, ad missarũ solemniam, & ad certos dies. Butr. nu. 3. Quid autẽ sit palliũ, dic, quod est insigne ornamentũ Archiepiscopi, vel Episcopi, aut alterius superioris, quod ex priuilegio sibi cõceditur, sumptũ de corpore beati Petri, in signũ plenitudinis pontificalis officij, quod tamen in Papa designat plenitudinem potestatis, vt ex prædictis nor. Abb. in rubr. huius tit. Et illud conceditur per quatuor Patriarchas Archiepiscopis sibi subiectis. c. antiqua. de priuileg. Alijs concedit Papa. supr. c. nisi. De eius figura repleta moralibus mysterijs, tractat Innoc. III. lib. 10. cap. 12. de sacro altaris mysterio. Et pallia Romæ texuntur à monialibus Turris Speculi, ex lana de agnis albis nutritis ab istis monialibus, qui agni prius mittebantur Dominica in albis ad circumeundum altare S. Petri, vt refert Onuphrius Panuinus in tractatu de sacramentorum vestium generibus.

In Ex-

In Extrauag. commun. Cap. vn. Malitijs.

PALLII traditio, per obiectum criminis, vel defectus, retardari non debet.



QUIA sæpe occurrebat, quod diuersi obijciebant crimina, & defectus contra promotos ad Metropolitanas ecclesias, non quod illa vera essent, sed vt per ista obiecta impediretur, & retardaretur pallij traditio. vt in tex. Et quoniam malitijs non est indulgendum. c. sedes. extr. de rescript. sed contra eas est salubriter obuiandum. vt in tex. Et præcipuè est prouidendum, ne per falsas obiectiones diutius vacent ecclesiæ. Clement. ne Romani §. ceterum. de elect. Ideo ad obuiandum huiusmodi malitijs, sancitur, vt per obiectum cuiusuis criminis, seu defectus, traditio pallij facienda ijs, qui ad metropolitanarum ecclesiarum, seu aliarum regimen assumuntur, non impediatur in aliquo, nec retardetur. vt in tex.

NISI obijciens, præmisso iuramento, de obiectis promptam fidem faciat.

QUIA sicut prouidendum est, ne per falsa obiecta, pallij traditio retardetur, vt dictum est superius; ita est curandum, ne illud indignis tradatur. c. prisca. dist. 100. Et quoniam per iuramentum præstitum, quod illa quis malitiose non obijciat, sed obiecta vera esse, se credere affirmet, ac de obiectis offerat facere promptam fidem, & ad pœnā talionis, seu extraordinariam arbitrio præsentis. se subiiciendo; præsumitur, quod obijciens, hæc malitiose non agat. vt in tex. & c. vt circa. de elect. in 6. Ideo in tali casu, antequam pallium tradatur, est de obiectis faciendi cognitio. vt in tex. ne pallium traderetur indignis. vt in d. c. prisca.

PROMPTAM verò fidem tunc facere dicitur obijciens in hoc casu, si intra bimestris temporis spatium numerandum à die collationis in antea, probauerit legitime, quod opponit.

QUIA per huiusmodi moderatum spatium, nec obijciens nimis coarctatur ad probandum, nec ecclesia diutius permittitur vacare administratione pastoris. arg. c. nulla. de concess. præb. & c. ne pro defectu. de elect. Quod si obijciens hæc non fecerit (suis obiectibus nequaquam obstantibus) ad ipsius traditionem pallij procedatur. vt in tex. quia iam præsumitur malitiose obijcere, vt dictum est superius. Sed per huiusmodi traditionem nullum præiudicium generatur viæ accusationis, denuntiationis, vel inquisitionis. vt in tex. quia tunc non est

li 2 peri-

periculum, vt hæc fiant ad impediendam pallij traditionem, ex quo iam illud fuit traditum, arg. l. in bello. §. facta. ff. de capti. & postlim. reuers. Et est prouidendum, ne delicta remaneant impunita. c. qualiter. de accusat. Et ne dignitatibus præfideant indigni. c. cum in cunctis. de elect.

Liber Primus. Titulus Nonus.

DE RENVTIATIONE.

In Decretal. Cap. 1. Litteras.

NON datur licentia cedendi Episcopo, qui propter senectutem vult cedere, si necessarius, vel utilis sit ecclesiæ.



VIA cum inter episcopum, & eius ecclesiam, sit contractum spirituale coniugium. c. inter. de transl. episc. non, qualibet corporis debilitas, quæ ex infirmitate, vel senectute procedit, debet esse causa ei indulgendi per Papam solutionem ab illa; sed solummodo ea, per quam impotens redditur ad pastorale officium exequendum. intr. c. nisi. §. alia. Et quoniam in senectute, vt plurimum, vergente deorsum conditione corporea, feruor spiritus in sublimiora conscendit; & ecclesia, tutius, & melius gubernatur per illum, cuius vigor deuotionis, & fidei, est iam cognitus, quam per aliam nouam, & inexpertam personam. vt in text. Ideo si talis Episcopus, quantumcunque senex, adhuc sit utilis ecclesiæ, non est ei indulgenda licentia cedendi; cum indecens omnino sit, prius soluere militiæ cingulum, quam cedere victori aduersitas procliorum. vt in text. & c. sciscitaris. 7. q. 1.

Cap. 2. Cum inter :

QUI abiurat beneficium, licite potest illud (si denuo eligatur) obtinere.

QUIA iuramentum non extenditur ad illa, de quibus non fuit in eo cogitatum, & quæ tempore, quo fuit præstitum, non extabant. c. clericus. de iureiur. & c. ad audientiam. de his, quæ vi. met. Et quoniam qui denuo eligitur ad beneficium, habet ius ad illud, non ex prima receptione, quam abiurauit, sed ex nouo iure, post iuramentum præstitum acquisito, de quo tunc non fuit in iuramento cogitatum. vt in text. & gloss. 1. Ideo tale iuramentum non obstat, quin iste possit idem beneficium ex noua prouisione obtinere. vt in text. Sicut nec rescripta
exten-

extenduntur ad lites, quæ non extrahant tempore impetrati rescritti. cap. fin. de rescritt. Et transactio non extenditur ad ea, de quibus non fuit dictum, vel cogitatum. l. si de certa. C. de transact.

Cap. 3. Ex transmissa.

Q V I renuntiavit beneficio suo, illud repetere non potest.

Q V I A per renuntiationem, beneficiarius amittit ius, quod in beneficio habebat, & illa ecclesia dicitur ob id soluta ab eo. ut in tex. Et quoniam beneficium ecclesiasticum non potest licite, sine canonica institutione obtineri, cap. i. de reg. iur. in 6. Ideo ex quo ille, qui renuntiavit, non habet amplius ius in beneficio, nisi denuo instituatur, illud repetere, vel obtinere non potest. ut in tex. & supr. c. prox.

Cap. 4. Admonet,

B E N E F I C I A T V S sine licentia prælati sui, beneficio renuntiare non potest.

Q V I A omnis res per quasunque causas nascitur, per easdem dissolvitur. cap. i. infr. de reg. iur. Et quoniam beneficium ecclesiasticum non potest licite adipisci sine institutione canonica illius prælati, ad quem pertinet collatio. ut supr. in c. prox. Ideo beneficiarius non habet facultatem dimittendi beneficium sine licentia prælati sui, ut in tex. & cap. cum & plantare. §. in ecclesijs. de priuil. Nisi beneficiarius vellet ad religionem transire, cuius fauore permittitur, ut etiam sine licentia prælati, possit ecclesiam dimittere, cap. licet. de regular. & cap. duæ. 19. q. 2.

Cap. 5. Super hoc.

C O N T R A petentem beneficium, admittitur spontanea abiurationis exceptio.

Q V I A iuramentum semper est seruandum, dummodo seruatum non vergat in interitum salutis æternæ. cap. si vero. de iureiur. Et quoniam ille, qui sponte abiurauit beneficium, potest tale iuramentum sine æternæ salutis interitu seruare. Innocentius hic in princ. Ideo admittitur, ut contra eum possit de tali abiuratione excipi, ut in tex.

E T I A M causa renuntiationis non adiecta.

Q V I A renuntiatio sponte facta tenet, etiam si causa renuntiandi non allegetur infr. cap. prox. Et quoniam sufficit excipienti de renuntiatione, probare renuntiationem validam, glos. ver. resignationis. Ideo excipiens non est adstringendus ad probandum ultra id, quod pro sua

sua iustificatione probare intendit, vt in text. & cap. licet, & ibi Abb. num. 30. de probat.

CONTRA quam actor replicare poterit, quod non sponte renuntiauit.

QUIA sicut renuntiatio spontanea præiudicat, ita facta per metum, qui potest cadere in constantem virum, renuntianti præiudicare non debet. infr. cap. prox. & glos. hic ver. resignationis. Et quoniam non est verisimile, vt quisquam beneficium multis fortè expensis, & laboribus acquisitum, quo sustentari debet, facile sine magna causa, sua spontè resignet. vt in text. Ideo superuacaneum non est, vt causa resignationis diligenter inquiretur; & secundum quod illa fuerit probabilis, vel non; & admittenda, vel non; iudex secundum quod iustitia exigit, pro actore, vel reo, sententiabit. vt in text. & glos. ver. admittere. Et licet negantis factum, per rerum naturam nulla sit probatio. vt in text. negatiua tamen eius, qui dicit, se non sponte renuntiasse, continet in se implicite affirmatiuam, quod coactus renuntiauit, vt in text. & glos. ver. negat. Et talis affirmatiua implicite contenta in negatiua, bene potest per negantem probari. glos. in c. bonz. il. 1. ver. per rerum. de elect. & l. ne codicillos. & ibi. glos. fin. C. de codicill.

ET qui melius probauerit, obtinebit.

QUIA iudex debet sententiaré secundum allegata, & probata. l. illicitas. ff. de offic. præsid. Et quoniam vbi sunt hinc, inde probationes, sunt præferendæ efficaciores. c. in nostra. de testib. Ideo tam actoris, quam rei, in eiusmodi causa renuntiationis admittuntur probationes, & pro eo, qui meliorem causam fouet, & illam probat efficacius, est ferenda sententia, vt in text. & glos. fin.

Cap. 6. In præsentia.

QUI sponte renuntiauit electioni de se facta, super ipsa ulterius audiri non debet.

QUIA per electionem canonice factam, acquiritur electo ius ad beneficium. c. causam. de elect. Et quoniam renuntiantibus actiones suas, non est dandus regressus ad eas. cap. quam periculosum. 7. q. 1. Et etiam, quia si electus posset variare, & modo velle, modo nolle, illuderentur eligentes. arg. c. bonz. il. 2. de postul. præl. Ideo qui electioni de se factæ sponte renuntiat, ulterius in eam se intromittere non debet. vt in text. & cap. cum inter. de elect.

Cap. 7. Sane.

QVI renuntiavit literis beneficalibus, non ideo institutioni iam facta renuntiare videtur.

QUIA perempta causa, non perimitur effectus iam in esse productus. c. duæ sunt. & ibi glos. ver. propter. 19. q. 2. & Butr. hic nu. 2. Et quoniam ubi est institutio iam facta, literæ habuerunt effectum. Cald. in c. in nostra. de rescript. Ideo ex quo per literas fuit ad collationem processum, iuri per institutionem acquisito non fit præiudicium, per redditionem literarum, vel renuntiationem ipsarum, vt in tex. Sed si oporteret, ipsum agere per literas, vt in beneficio institueretur, sibi fieret præiudicium, cum sine literis nullam haberet actionem. Abb. antiquus hic.

Cap. 8. Quod in dubijs.

RENUNTIATIO beneficij facta in manibus laici non tenet.

QUIA omnis res per quascunque causas nascitur, per easdem dissolvitur, vt not. supr. in cap. admonet. Et quoniā beneficiū ecclesiasticum obtinetur per institutionem proprii prælati, ad quem spectat collatio. c. 1. de reg. iur. in 6. non autem per prouisionem alicuius laici, quibus in huiusmodi spiritualibus nulla est attributa auctoritas imperandi, sed eos manet necessitas obsequendi. c. ecclesia sanctæ Mariz. de constit. Ideo, vt renuntiatio sit valida, non est facienda in manibus laici, sed in manibus proprii prælati, ad quem pertinet collatio. vt in tex. & supr. d. c. admonet.

RENUNTIANS tamen est beneficio spoliandus.

QUIA licet talis renuntiatio non teneat, quo ad præiudicium ecclesie, & superioris, vt dictum est superioris; nam ecclesia, & superior, si volunt, possunt illum repetere. c. non oportet. 7. q. 1. tenet tamen quo ad præiudicium renuntiantis. glos. in c. denique. 6. q. 1. nam etsi inutilis sit talis renuntiatio, habet tamen in se tacitum pactum, ne ille repetat beneficium, glos. hic. Quod pactum admittitur in pœnam ipsius renuntiantis, & laicorum renuntiationem acceptantium, ne ad talia consuecant. Butr. num. 9. Ideo talis renuntians priuatus est beneficio, ipso iure, adeo quod non eget, nisi spoliatione possessionis. Butr. num. 2.

Cap. 9. Ad supplicationem.

PAPA concedit licentiam cedendi episcopo, qui sine mortis periculo in ecclesia sua morari non potest.

Quia

QU^{IA} Papa habet, vt Vicarius Christi, facultatem absoluendi episcopum à spirituali coniugio propriæ ecclesiæ. vt in cap. 2. de transl. episc. Et quoniam in ista dissolutione, quæ est de maioribus causis, & quæ potius diuina, quàm humana, potestate solet per Papam concedi, est mature considerandû, an sit faciendâ, vel non. d. c. 2. Ideo nõ propter quâlibet leuê causam, sed propter grauê, qualis est mortis periculum, est episcopo concedenda, vt in tex. Tunc autem conceditur, quia omnis Christi actio debet esse nostra instructio, c. aduersitas, 7. q. 1. Et quoniam Christus, cum specialiter quæreretur ad mortem, fugit in Ægyptum à facie Herodis; vnde D. Augustinus ait: Fugiat minister Christi, sicut Christus in Ægyptum fugit; Fugiat, qui specialiter quæritur, dum per alios est firma salus ecclesiæ. Hinc etiam ait Dominus discipulis; si vos persecuti fuerint in vna ciuitate, fugite in aliam. Hinc etiâ idem abscondit se, & exiuit de templo, quando Iudei lapides tulerunt, vt iacerent in eum. d. c. aduersitas. Et hoc, quando specialiter quæritur mors ipsius prælati; vnde & Paulus fugit, qui à fratribus per murum submissus est in sportâ. c. ibi adunati. 7. q. 1. Ideo vbi tractatur de periculo mortis solius prælati, conceditur ei per Papam licentia cedendi ecclesiæ. vt in tex. & cap. mutationes. 7. q. 1. Secus autem, vbi non quæritur specialiter mors prælati, & eo recedente, non potest esse tuta salus ecclesiæ; nam tunc debet animam suam ponere pro ouibus suis, ne si deserere incipiat, quibus prodesse potest, dicatur de eo; Mercenarius autem, & qui non est pastor, cuius non sunt oues propriæ, videt lupum venientem, & deserit oues, & fugit. Ioan. cap. 10. & d. c. aduersitas, vbi gloss. late distinguit, quando prælatus possit propter persecutionem licitè ecclesiæ suam deserere, vel non; & idem tractat Innoc. infr. in c. prox. & S. Th. 2. 2. q. 185. art. 5. Cēsetur etiâ ob huiusmodi periculû, esse sufficientem causam cedendi, si prælatus non potest ibi morari propter intēperie aeris. gloss. hic. ver. morare. & arg. c. quorundam. dist. 74. Quod tamen intellige, si propter suam celsionem non impeditur publica illius populi vtilitas. c. scias. & ibi gloss. 8. q. 1. Et vbi est perpetua pestilentia, vel longo tempore duratura Bald. hic nu. 2. Qualem dicit esse Senogalliæ; Sed hodie Cinitas illa ex diligētia Serenissimorū Urbini Ducum, sub quorū felici dominio existit, (meq. sub illis ortû esse Urbini, nobilis sex aliarū Ciuitatum Metropolis, præsertim hodie regnante Francisco Maria II. Principe optimo, gaudeo) desiccatis paludibus, quæ ipsam inficiebant, habet aerē nõ vt antea insensum. Et episcopatus ille obtinet amplâ diocesim, vbi sūt plura oppida maiora ipsa ciuitate, in situ amœno, & salubri; ad quæ episcopus in æstate se transfert; habetque in redditibus annuatim circa septem millia scutâ; Et in diœcesi sunt bona ecclesiastica similiter ascendentia ad quadraginta millia, inter quæ est opulentissima Abbatia Clareuallensis, possessa à liberalissimo Principe Alexandro Peretto Cardinale de Montealto, dignissimo Sixti V. Pont. Max. nepo-

nepote . Qui episcopatus iam per plures annos gubernatur sub pastoralis vigilantia Reuerendissimi Antaldi de Antaldis conciuis mei, & affinis Ioannis Mariæ mei fratris .

Cap. 10. Nisi.

PROPTER zelum vitæ contemplatiuæ, episcopatui cedere non licet .

QU I A quando quis vocatur à Deo ad aliorum curam, & prædicationem, quies propria est postponenda pro lucro multorum . c. in scripturis. 8. q. 1. sicut fecit Hieremias, qui dicebat : A, a, a, Domine Deus, ecce nescio loqui, quia puer ego sum ; & tamen postea prædicandi recepit officium, quia à Deo ad id erat vocatus . vt in tex. & d. c. in scripturis. Et D. Martinus iam Episcopus dixit: Domine, si adhuc populo tuo sum necessarius, non recuso laborem ; vt in lectionibus eius dici festiui. Et quoniam, qui iam recepit episcopatum, contraxit vinculum cum illa ecclesia ad spirituales illius populi gubernationem, & tenetur ponere animam suam pro ouibus suis. vt supr. in c. prox. Ideo propter zelum vitæ contemplatiuæ, & propriæ quietis, ille non debet deferre mynisterium iam susceptæ prædicationis . vt in tex. Sed iuxta dictum Apostoli: manere in ea vocatione, in qua est. d. c. in scripturis . & simul esse actiuus, & contemplatiuus exemplo Moysis, vt infra dicitur.

EPISCOPATVI cedere causa humilitatis, vt descendat ab illo dignitatis culmine, non licet .

QU I A tunc est vera humilitas, cum quis per eam locum sublimem fugit, & obtentum per obedientiam non dimittit. vt in tex. Et quoniam eo ipso humilitatis videtur erigere male verticem Episcopus, qui se nimis in resignandi proposito exhibet pertinacem. vt in tex. Ideo cessio sub tali colore humilitatis (quæ potius est pertinacia, & superbia erigens se contra obedientiam) non est admittenda. vt in tex. Pertinaces enim sunt homines in sua sententia obstinati, qui non facile dissuasionem admittunt, sed gaudent, cum vincunt, si non dissuasi fuerint; & contra dolent, si sua, perinde ac si sint decreta, irrita fuerint effecta. Arist. 2. ethicor. cap. 9.

ENVMERANTVR hic sex causæ, ex quibus Episcopi possunt petere, & Papa consuevit concedere, cedendi licentiam, scilicet, conscientia criminis, debilitas corporis, defectus scientiæ, malitia plebis, graue scandalum, irregularitasq. personæ ; sed in his omnibus est obseruanda cautela ; nam, propter conscientiam illius criminis, quod impedit episcopalis officij executionem post per actam pœnitentiæ, potest cedendi licentia postulari .

Kk

Quia

QU^{IA} episcopatus datur principaliter propter spirituales populi gubernationem. c. scias. 7. q. 1. & c. qui episcopatum. 8. q. 1. Et quoniam, qui in eo crimine est, de quo pœnitere non potest, nisi renuntiet, ex sua culpa debitum officium erga populum exequi non potest. glos. ver. duntaxat. quæ exemplificat, talia crimina esse simoniam, & homicidium. Ideo propter huiusmodi crimina conceditur, vt ab episcopatu talis remoueat, vt in tex. & d. glos. hic. Non autem propter conscientiam cuiuslibet criminis conceditur, vt quis episcopatum cedat; nam si omnes, quos arguit conscientia cuiuslibet culpæ, cederet; pauci, vel nulli, in isto ministerio remanerent. vt in text. Cum res penè contra naturam sit, vt aliquis sit sine peccato. c. vnum. §. nomine. dist. 25. & c. apostolus. dist. 81.

SECUNDA causa est debilitas corporis, per quam impotens redditur ad exequendum officium pastorale, siue illa ex infirmitate, siue ex senectute procedat.

QU^{IA} providendum est, ne, languente pastore, grex insidiatoris dentibus laniandus exponatur, vel ecclesiæ ipsius utilitates deperiant. c. quamuis. 7. q. 1. Sed quoniam tunc non est impotens ex sua culpa, sed ex cursu naturæ. d. c. quamuis. Ideo non cogitur cedere iniuriæ, ne indebitè afflictio addatur afflicto. c. ex parte. de cleric. ægrot. sed ei est dandus coadiutor, qui simul cum ipso episcopo de fructibus eiusdem ecclesiæ sustentetur. d. c. quamuis. & c. scripsit. 7. q. 1. Admittitur tamen celsio, si ipse voluntarie cedere velit. vt in tex. Nam volenti non fit iniuria. l. ff. de iniur. Non autem qualibet corporis debilitas est legitima causa cedendi, sed solummodo illa, per quam impotens redditur ad exequendum officium pastorale; nam si pro quolibet corporali debilitate, susceptæ seruitutis officium deferi posset, frustra fateretur se, Apostolus in suis infirmitatibus gloriari. 1. ad Corinth. cap. 12. Cum interdu non plus hortetur senilis debilitas aliquem cedere, quàm moralis maturitas (quæ in senibus esse solet) ipsum in suo suadeat officio permanere; pro talibus enim de se dicit Apostolus: Cum infirmor, tunc fortior sum. d. c. ad Corinth. quia nonnunquam corporis infirmitas fortitudinem cordis augmentat. vt in tex. & supr. c. 1.

TERTIO, pro defectu quoque scientiæ, plerunque potest quis potest cessare.

QU^{IA} cum scientia circa spiritualium administrationem sit potissimum necessaria, & circa curam temporalium opportuna. cap. conuenientibus. 1. q. 7. Præsul, qui commissam sibi debet ecclesiam regere in vtrisque, salubriter ei renuntiat, si scientiam (in qua ipsam regat) ignorat, vt in tex. Tu enim (inquit Dominus) scientiā repulisti, & ego te repellā, ne sacerdoti fungaris mihi. Hoseæ. c. 4. Quamquam, & si delideranda

randā sit eminens scientia in pastore, in eo tamen sit competens toleranda. vt in tex. Quia secundum Apostolum, scientia inflat, charitas autem ædificat. 1. ad Corinth. c. 8. Et ideo imperfectum scientiæ potest sup-
plere perfectio charitatis. vt in tex. & de elect. c. cum nobis.

Q V A R T O, propter malitiam plebis, cogitur interdum prælatus ab ipsius regimine declinare.

Q V I A quando plebs adeo duræ cervicis existit, vt prælatus ne-
queat proficere apud ipsam, sed propter eius duritiam, quo magis
satagit, eo magis iusto iudicio deficere permittatur, non est cur
ibi pastor debeat permanere; vt in tex. Dicente Domino per Prophetā:
Linguam tuam adhaerere faciam palato tuo quia domus exasperans est.
Ezechiel. cap. 3. Et Apostoli leguntur dixisse Iudæis; Ecce conuertimur
ad Gentes, quia verbi Dei vos indignos fecistis. Actus Apost. c. 13. Non
tamen pro qualibet culpa pastor debet gregem deferere, ne mercenario
comparetur, qui vidit lupum venientem, & dimittit oves, & fugit. Ioan.
cap. 10. & habetur in c. tres personas. 23. q. 4. Sed de superioris licentia,
tunc demum potest, non tam timide fugere, quam providè declinare,
cum oves conuertuntur in lupos; & qui debuerant humiliter obedire,
iam irrevocabiliter cōtradiciunt; cum etsi tales sint graviter pro crimi-
ne puniendi; sunt tamen pro tempore vtiliter tolerandi, quia sanguinem
elicit, qui nimis emūgit. vt in tex. Et Salomon prouerb. c. 30. vnde versus.

Qui nimis emungit, solet extorquere cruorem,

Et violenta facit correctio deteriores;

Sed moderata satis correctio gignit amorem.

glos. hic. ver. elicit.

*Q V I N T O, pro graui quoque scandalo euitando (cum aliter se-
dari non potest) licet Episcopo petere cessionem.*

Q V I A debet cauere prælatus, ne plus temporalem honorē, quā
æternam videatur affectare salutem. vt in tex. Memor illius, quod
dicit Apostolus: Si esca scandalizauerit fratrem meum, non
manducabo carnem in æternum. 1. ad Corinth. c. 8. Sed inter scandalum,
& scandalum, est subtiliter distinguendum, sicut Dominus ipse distinxit;
vt in tex. Cui cū dixissent Apostoli; Scis, quia Pharisei, audito hoc ver-
bo, scandalizantur? Respondit, Sinite illos, cæci sunt, & duces cæcorum.
Matth. c. 15. Alibi verò dixit. Qui scandalizauerit vnum de pusillis istis;
qui in me credunt, expedit ei, vt suspendatur mola asinaria in collo eius,
& demergatur in profundum maris. Matth. c. 18. Vnde Gregorius super
Ezechielem, homil. 7. Distinguit, quod Scandala, in quantū possumus si-
ne peccato, vitare debemus, alioquin vtilius, scandalum nasci permitti-
tur, quā veritas relinquatur; & habetur in c. qui scandalizauerit. in-
fr. de reg. iur. Veritas enim bonæ vitæ, vel iustitiæ, nunquam deferenda

K k 2 est; ve-

est, veritas disciplinæ, quandoq; Tūc autem debet deferri veritas disciplinæ, quando multitudo peccantium est in causa, non tamen volūt defendere malum, quod faciunt. arg. 43. dist. c. commensationes, vbi de hoc, & de cleric. excom. c. latores. Si verò defendere volūt malum, quod faciūt, & excusare illud, quasi ex auctoritate; tunc multitudini parcendum non est propter scandalum. c. 1. de pœnit. dist. 6. & glos. hic ver. distinguēdum.

S E X T O , personæ irregularitas (vt si forte sit bigamus , vel vidua maritus) est causa , propter quam petere potest aliquis licentiam resignandi.

Q V I A attestante Apostolo, oportet Episcopum esse vnus vxoris virum. 1. ad Timoth. c. 3. Non tamen propter quamlibet irregularitatem personæ, debet ei, qui regulariter ministravit, cedendi licentia indulgeri; vt pote, si de legitimo matrimonio non sit natus; quia, licet irregularitatem huiusmodi non potuerit subtrahere; si tamen, & culpa latet, & causa; cum eo, qui laudabiliter suam implevit officium, (iuncta sibi pœnitentia competenti) potest, non minus vtiliter, quàm misericorditer dispensari. vt in tex. Ego sum (inquit Deus) Zelotes, vindicans peccata patrum in filios, vsque in tertiam, & quartam generationem, in ijs, qui oderunt, me. Exod. c. 10. id est, in illis, qui contra me paternum odium imitantur. vt in tex. & Chrysost. super Matth. c. 23. Vnde patet, quod illis, qui paterna vitia non sequuntur, propriæ possunt in talibus suffragari virtutes; illo discretionis adhibito moderamine, vt inter nothos, & manzeres, naturales, & spurios, distinguatur, vt in tex. & quæ sit differentia inter istos, dic, quod Nothus dicitur ille, qui est de adulterio natus. Manzer propriè dicitur natus de scorto. spurius de concubina. Naturalis dicitur natus de concubina, quæ tenetur in domo, quasi loco vxoris, vnica; & talis in bonis patris ab intestato succedit in duas vncias paternæ substātiæ, si alij filij non extent, nec coniunx legitima. C. de natural. lib. Auth. licet patri. Et in bonis maternis succedit cum legitimis filiis. C. ad Senatuscons. officia. l. si qua. §. fin. glos. hic ver. manzeres.

S I prælatus propter alias causas, quàm superius enumeratas, cessionem affectet, non est in hoc eius postulationi fauendum.

Q V I A talis postulatio videretur non esse discreta, nam (præter id, quod otiositas, & voluptas, sunt arma hostis antiqui ad miseras animas captiuandas) prælatus propter laboris angustias, aut persecutionis incursum, non debet deserere suam sponsam. vt in tex. Cum beati sint illi, qui persecutionem patiuntur propter iusticiam, quoniam, cum probati fuerint, accipient coronam vitæ, quam repromisit Deus diligentibus se. Matth. c. 5. Nec obstat, si diceret, Spiritus, vbi vult, spirat, & nescis, vnde veniat, aut quo vadat. Ioan. c. 3. Et ideo non est, qui possit vias illius spiritus perscrutari. c. sicut. §. quod. dist. 47. Qui verò spiritu Dei agun-

aguntur, non sunt sub lege, quoniam ubi spiritus Dei, ibi libertas. c. duæ sunt, 19. q. 2. Quare si cedendi sibi licentia data ab homine non fuerit; nihilominus videatur, quod cedere possit, quia data sit sibi libertas cedendi à Deo. Quia respondetur, quod certe desipit, si sic sapit; nam, quomodo spiritu Dei agitur, qui contra spiritum Dei agit? si enim vera sunt, quæ superius dicta sunt (imo quia indubitanter sunt vera) procul dubio contra spiritum Dei agit, qui aliquid contra veritatem attentat, quoniam ipse est spiritus veritatis. ut in tex. Nec obstat, si diceret, quod forsan est alia causa latens, propter quam cedendi voluntas sibi calitus inspiratur; Nam respondetur, ei dicendo; Tu quomodo scis, quod talis inspiratio sit cælestis? non ne recolis, quid ille gloriosus Pōtiffex dixit, cum cepisset viribus corporis repente destitui; Domine si adhuc populo tuo sum necessarius, non recuso laborem, fiat voluntas tua. Sanctus Martinus, ut dictum est superius. Illius exemplum secutus, qui dixerat; Cupio dissolui, & esse cum Christo, manere autem in carne necessarium fuit propter vos. Apost. ad Philipp. c. 1. Quippe si quancunque virtutum flore quis refulgeat, & in se non habeat charitatem, nihil eum comprobatur habere. 1. ad Corinth. c. 13. Nulla si quidem maior potest esse charitas, quam, ut animam suam ponat quis pro amicis suis. Ioan. c. 15. Cum autem propter hanc, deceat Episcopum animam suam pro subditis suis imponere; nulla occasione (dummodo proficere illis possit, & si non omnibus, tamen multis) ab eorum regimine convenit eum se excusare. ut in tex. Quoniam si laboris causam, præterdit, exemplum Apostoli etiam subleuabit, qui suadet episcopis, laborem huiusmodi non recusare, dum se asserit pro communi salute plus ceteris laborasse. 1. ad Corinth. cap. 15. Quia licet non semper sequatur laborem effectus, nihilominus tamen ipse labor est meritorius apud Deum, ut in tex. iuxta quod legitur: Reddet Deus mercedem laborum sanctorum suorum. Sapient. c. 10. Nec est putandum, quod ideo Martha malam partem elegerit, quæ circa plurima satagebat, quia Maria optimam partem elegit, quæ non auferetur ab ea. Luc. cap. 10. quoniam licet illa sit magis secunda, ista tamen est magis fructifera; & licet illa sit magis suavis, hæc tamen est magis utilis, ut in tex. Cum infecunditate sobolis lippitulo Lix, Rachelis pulchritudini sit prælatæ. Genes. cap. 30. Quamvis simul in vnum Episcopus, & cōtemplatiuus esse valeat, & actiuus, ut in tex. Legislatoris exemplo, qui nunc ascendebat in montem, ut ibi gloriam Domini cum maiori cerneret libertate, nunc vero descendebat in castra, ut cum utilitate maiori necessitatibus populi prouideret. Exod. c. 24. Quapropter facilius indulgetur, ut ascendat monachus ad præfulatum, quam præful ad monachatum descendat. ut in tex. & c. vnic. 18. q. 1. Ideo monetur episcopus, ut laborem pastoralis regiminis non recuset, ne fortassis ad pedes suos cum Maria sperneret eum accipere, qui sibi apud eum diuertenti spreuisset

uisset cum Martha sollicita ministrare. vt in tex. Si verò ipsum oporteat cedere ex aliqua de supraenumeratis legitimis causis, cessionem debet facere de Sedis Apostolicę licentia, alioquin cessio est inualida; quoniā, licet episcopus habeat pennas, quibus satagat in solitudine auolare; ita tamen strictę sunt nexibus præceptorum, vt liberum non habeat absque Sedis Apostolicę permissione volatum. vt in tex. & cap. inter. de transl. episc.

Cap. 11. Post translationem.

EPISCOPVS, qui propter crimen renuntiavit episcopatu, & ad religionem transiit, ad episcopatum reassumi non potest.

QUIA renuntiatio episcopatus propter crimen commissum, non admittitur, nisi illud crimen sit de grauioribus, propter quę episcopale officium amplius digne exerceri non potest. vt in tex. §. vnde, & supr. in c. prox. Et quoniam episcopus non est concedendus illi, qui in eo populis prodesse non valet. supr. c. prox. Et grauitas criminis grauem exigit pœnitentiam. c. disciplina. dist. 45. Ideo ad consulendum populo, & dignitati, & ad puniendum Episcopum grauius delinquentem, fuit statutum per Concilium Constantinopolitanum, vt talis nequaquam vterius ad pontificatum resurgat, sed vt in monachali vita, & pœnitentię loco, ad quem descendit, permaneat. vt in tex. & c. hoc nequaquam. 7. q. 1. Et quia illud Concilium est vnum ex quatuor principalibus, quę sicut quatuor Euāgelia Ecclesia Catholica veneratur, vt in tex. Reliqua enim tria sunt, Nicenum, Ephesinum primum, & Calcedonense. c. sicut. dist. 15. Ideo esset nimis durum contra tam solemne Conciliū, cum huiusmodi Episcopo per Summū Pontificem dispensari. vt in tex. licet ipse posset dispensare, si vellet. glos. fin. hic. & c. sunt quidā. 25. q. 1. cū Papa sit supra Cōciliū. Turrecr. in Sum. de eccl. lib. 3. c. 44.

SECVS si renuntiavit propter persecutionem, infirmitatem, defectum scientiæ, vel aliam similem causam.

QUIA in his casibus Episcopus non commisit aliquod graue crimen, propter quod esset ei talis pœnitentia imponenda, vt perpetuo censeretur episcopatu indignus. vt in tex. & supr. c. prox. Sed eius renuntiatio fuit admissa, & ei concessum, vt ad monasticam vitam descenderet; quia in regimine pastoralis proficere nequibat. vt in text. Et quoniam cessante causa, cessat effectus. c. cum cessante. de appellat. Ideo si talis Episcopus peruenerit ad ea requisita, per quę possit suum episcopale officium exercere melius, quam antea posset, conceditur, vt valeat ad episcopalem resurgere dignitatem. vt in text. & glos. in d. cap. hoc nequaquam.

VEL propter simoniam, ipso ignorante, commissam.

Quia

QU^{IA} licet in tali casu ad eundem episcopatum redire non possit, ne ex proximitate vitij videretur simoniace assumptus. vt in tex. & arg. c. penult. de elect. Tamen quoniam illud crimen non fuit ab eo commissum; & ipse, illo comperto, episcopatum de superioris licentia dimisit, & in crimine non consentiens, obseruantiam regularem elegit. vt in tex. Ideo cum non fuerit in culpa, nec sit causa, cur debeat ab alijs episcopatibus prohiberi, non impeditur, quin ad illos possit promoueri. vt in tex. & c. satis peruersum. dist. 36.

Cap. 12. Quidam.

QVI petit cedendi licentiam, ex quo illam obtinuit, cedere compellitur.

QU^{IA} in petitione huiusmodi cessionis, quam superior admisit, aut ecclesie commodum, aut propriam salutem, ille petens attendisse videtur. vt in tex. & supr. c. nisi. Et quoniam neutrum istorum bonorum debet impediri. vt in tex. Ideo talis compellitur ad cedendum, vt sic nec suasionibus aliorum quærentium, quæ sua sunt, nec propria leuitate, & inconstantia immutatus, possit à rationali cessione admissa retrocedere. vt in tex. Præterea, si talis possit post obtentam licentiam cedendi pœnitere, videretur illudi superior, qui illam concessit. glos. 1. hic. Et quoniam non est ferendum, vt superior illudatur. c. bonæ. de postul. præl. Ideo à tali cessione admissa, non potest iste pœnitere, & retrogrediendi, quod voluit, & fuit concessum, prætermittere. vt in tex. & glos. fin. in d. c. nisi.

Cap. 13. Veniens.

NON renuntiat iuri suo, qui gratiæ aduersarij se submittit.

QU^{IA} submittere se gratiæ, & voluntati alicuius, habet quandam tacitam protestationem, quod gratiam expectat, & quod illius voluntas debeat reduci ad arbitrium boni viri. c. quinta uallis. de iureiur. Et quoniam non debet damnum quis inde sustinere, unde per confidentiam suam in aliquem, meruit misericordiam impetrare. supr. c. sanè. Ideo, etiam gratia non secuta, ius pristinum per illum, qui se taliter submittit, retinetur. vt in tex. & l. siue apud. C. de transact.

Cap. 14. Lectæ.

SI prælatus ab obedientia subditos absoluit, non propter hoc prælaturæ renuntiat.

QU^{IA} ad exclusionem alicuius consecutiui, non sequitur exclusio principalis, præsertim, quando principale est aliter excludendum, quam

quam fuerit factum de illo consecutiuo. Butr. num. 12. Et quoniam prælatura est principalis, & obedientia prælato, est illius consecutiuu. c. si quis. de maior. & obed. Et renuntiatio non debet fieri in manibus subditorum, sed in manibus superioris. supr. c. admonet. Ideo ex tali absolute ab obedientia, non inferitur, quod fuerit renunciatum prælaturæ. vt in tex. Et quoniam, durante principali, non potest quis renunciare ei, quod necessario dependet ab illo. l. legatus. ff. de offic. præs. & l. abdicatio. C. de patr. potest. Ideo, prælato durante, non potest ab eius obedientia suos absolueret subditos; vnde isti fuerunt absoluti de facto, non de iure. Bald. hic. Renuntiatio enim in manibus superioris, debet præcedere absolutionem subditorum ab obedientia. Butr. nu. 9.

Cap. 15. Dilecti.

ABBAS exemptus, sine licentia Papa renuntiare non potest.

QUIA solum ille superior potest renuntiationem admittere, qui potest beneficium renunciandum conferre. c. abbas. 18. q. 2. & c. 1. infr. de reg. iur. Et quoniam Abbas exemptus, est immediate Sedi Apostolicæ subiectus, & per solum Papam, vel eius Legatum de latere potest ad illam abbatiam institui, & confirmari. c. si abbatem. de elect. in 6. Ideo eius abbatie renuntiatio per inferiorem admitti non potest. vt in tex. & d. c. si abbatem. In præiudicium tamen ipsius renuntiantis, vt nō possit illam repetere, in eius pœnam tenet renuntiatio facta, etiam in manibus laici, & aliorum. vt supr. in cap. quod in dubijs. Sed non tenet quo ad præiudicium superioris, & ecclesiæ, vt in tex. Vt si velint, non possint illum repetere. c. non oportet. 7. q. 1. Et ex quo non tenuit renuntiatio, non tenet etiam electio alterius facta in locum illius. gl. fin. hic. nam ubi non tenet principale, nec id tenet, quod ex illo est secutum. c. inter. de fid. instrum.

In Sexto.

Cap. 1. Quoniam.

ROMANVS Pontifex potest libere Papatui renuntiare.



QUIA non minorem libertatem debet habere Papa in his, quæ pertinent ad salutem, & per quæ potest euitare detrimentum animæ suæ, & aliorum, quam habeant cæteri Episcopi; immo illam debet habere maiorem, cum à regimine suo dependeant cæteri omnes. c. vbi. de elect. in 6. Et quoniam cæteris Episcopis conceditur propter suam, & subditorum salutem, vt in casibus quibusdam renuntiare possint. ext. c. nisi. Ideo cum Romanus Pontifex se insufficientem agnoscat ad re-

ad regendam vniuersalem ecclesiam, & summi pontificatus onera sup-
portanda, & in cæteris casibus, in quibus ipse, & populi paterentur in
spirituali regimine detrimentum, debet posse papatu, eiusq. oneri, &
honori renuntiare. vt in tex. & Ioan. And. hic; vbi respōdet ad obiectiō-
nes, quæ in contrarium facere videbantur. Vnde Celestinus Quintus,
cui successit Bonifatius Octauus, renuntiavit, & de Cardinalium consi-
lio, & assensu statuit, & decreuit, Romanum Pontificem posse libere re-
signare; Et ne huiusmodi statutum per temporis cursum obliuioni da-
ri contingeret, aut dubitationi locus vltcrius in hoc relinqueretur, illud
inter alias constitutiones ad perpetuā rei memoriam Bonifatius Octa-
uus hic duxit redigendum. vt in tex.

Cap. 2. Site.

*SI in fraudem expectantis primam vacaturam, cum in proximo
crederetur pinguis vacare, renuntiet aliquis tenuem, quam habe-
bat, non tenetur expectans illam recipere.*

Q V I A fraudibus est obuiandum. c. ex tenore. de rescript. Et est ca-
uendum, ne aliquis alterius odio prægrauetur. c. non debet. infr.
de reg. iur. Et quoniam talis renuntiavit fraudulenter tenuem,
vt illa primò sic vacante, præcluderetur per consequens via expectanti,
ad obtinendum aliam pinguiorem, quæ verisimiliter credebatur in pro-
ximo vacatura. vt in tex. Ideo statuitur, vt nullum obstaculum per ta-
lem renuntiationem interponatur expectanti, quo minus, omiſſa præ-
benda tenui sic renuntiata, possit pinguiorem, vel aliam, quæ proxime
post istam vacabit, veluti sibi debitam, libere petere, & habere. vt in tex.
Licet enim ista non sit primò vacans, sed secunda, tamen ratione frau-
dis, primo vacans fingitur. glos. ver. debitam. Et in hoc præfertur æqui-
tas rigori propter fraudem, ad idem, c. vnic. infr. de rer. permur. & l. pla-
cuit. C. de iudic. Et sic est casus, in quo, licet scribatur de prima, debe-
tur tamen secunda; & alij casus ad idem habentur in c. 2. c. quia sæpe.
c. cum in ecclesijs, & c. & cui. infr. de præb.

I M M O, illa dimissa, expectabit aliam sine fraude vacantem.

Q V I A ratione fraudis commissæ in prima sic renuntiata, non illa
fingitur primo vacare, sed secunda, vt dictum est superius. Ideo
licet non possit habere secundam ille, qui habet litteras expe-
ctationis ad primam, quando ipse fuit negligens in petenda prima. c. si
clericus. infr. de præb. Secus est, quando ipse non est negligens, & alter
est in culpa. vt in tex. & Gemin. nu. 7.

*ET si illi renuntianti, illa pinguis postea conferatur, hoc ipso, dicta
fraus intelligitur esse probata.*

L I

Quia

QU^{IA} dolus, & fraus, cum consistant in animo, quæ realiter non videntur, probantur ex verisimilibus coniecturis. l. dolum. C. de dol. Et quoniam præter alias coniecturas, quæ esse possent de fraude, istius renuntiantis, affectio istius pinguioris est coniectura satis vehemens. vt in tex. Nam ex vicinitate temporis aliquid præsumitur, vt not. in l. post contractum. ff. de donat. & Bald. in l. 1. C. de seru. fug. Et ex utilitate, & interesse, præsumptio augetur. c. 2. de præsumpt. Ideo si tali sic renuntianti, fuerit pinguior immediate collata, sua fraus intelligitur esse probata. vt in tex. & Francus nu. 2.

ET carebit utraque.

QU^{IA} renuntianti actiones suas, non est dandus regressus ad eas. c. quam periculosum. 7. q. 1. Et beneficium, quod expectanti debetur, si ille non est negligens in petendo, alteri conferri non potest. d. c. si clericus. Et quoniam iste renuntiavit primum, quod habebat, & habuit secundum, quod est alteri debitum, vt dictum est superius. Ideo nec primum, nec secundum debet sibi remanere. vt in tex. & glos. fin. hic. Præterea, in eius poenam cõueniens est, vt nec illi beneficio præfideat, quod per superbiam spreuit, nec illud obtineat, quod per auaritiam cõcupiuit. c. si quis Episcopus. 7. q. 1. Ideo statuitur, vt habito omnino careat, & ambito. vt in tex. & c. quanto. de transl. episc.

In Clement. Cap. vnic. Cum illuso.

RENUNTIATIO dignitatis, vel beneficij, facta per procuratorem ad hoc constitutum, tenet.



QU^{IA} contrariorum est eadem disciplina. c. hospitoli. dist. 32. Et quoniam per procuratorem quis potest beneficium acceptare. c. accedens. extr. de præb. Ideo per procuratorem debet posse etiam illud dimittere. vt in tex. Debet tamen procurator habere speciale mandatum, vt renuntiatio teneat. vt in tex. & extr. c. veniens. nam renuntiatio, siue cessio, se habet ad instar donationis. Zabar. nu. 7. Et quoniam ad donandum requiritur speciale mandatum. l. non figura. ff. de act. & oblig. Ideo similiter requiritur ad renuntiandum, & cedendum. fac. l. fin. C. qui bon. ced. poss. De similibus enim idem est iudicium. l. fin. C. ad leg. Falc. De alijs casibus requirentibus speciale mandatum, vide glos. penult. in c. qui ad agendum. de procur. in 6.

LICET prius procurator fuerit reuocatus, ipso tamen, & superiore, cui fiebat cessio, ignorante.

Quia

QU^A illufio , & variatio in perfonis ecclefiafticis maxime funt vitandæ . vt in tex. & c. dilectiffimi . 8. q. 2. Et quoniam fi principalis poffet renuntiationem impedire , ignorantibus procuratore , & superiore , poftquam ipfe conftituit procuratorem ad renuntiandum , fæpe illufiones , & indebitæ variationes committerentur . vt in tex. Ideo ad obuiandum huiufmodi fraudibus , & leuitatibus , ftatuitur , vt teneat celfio facta per procuratorem ad hoc conftitutum , quamuis poftea reuocatum , antequam ad ipfius , vel illius (in cuius manibus celfio fuerit facienda) notitiam , reuocatio mandati fit deducta . vt in tex. & fimile habetur in Clement. Conftitutionem . §. penult. de elect. Sufficeret autem , quod reuocatio mandati perueniffet ad notitiã procuratoris . vt in tex. nam talis procurator cenfetur conftitutus ad negotium . glos. verf. ignorantem . in quo fufficit , quod reuocatio ad ipfum peruenierit . c. ex parte . il . 3. extr. de refcript. & l. fi mandaffem . ff. mand. Secus eft in procuratore conftituto ad iudicia , nam ad eius reuocationem requiritur , quod reuocatio veniat ad notitiã ipfius procuratoris , iudicis , & aduerfarij . c. mandato . extr. de procur. & l. fi pro tutore . in fin. ff. eod. ne aliter iudex , & aduerfarius illuderentur . vt not. gl. fi. in d. c. mandato .

N I S I per malitiam ipforum , vel aliorum , reuocatio ipfius fuerit occultata .

QU^A non debet aliquis alterius odio prægrauari . c. non debet . de reg. iur. in 6. fed culpa fuos debet tenere auctores . c. conftitutus . extr. de pœnis . Ideo cum in tali cafu , beneficiarius ille fuerit in tempore ad procuratorem reuocandum ; & cum per ipfum non fteterit , quin reuocatio ad procuratoris , vel superioris requifitã notitiam perueniret , fibi non eft imputandum . vt in tex. & c. imputari . de reg. iur. in 6. Sed perinde eft habendum , ac fi eis debita intimatio facta fuiffet . Anchar. nu. 5. Sicut in citatione , quam fi ille , qui citari debuit , impediuert , debet haberi perinde , ac fi citatus fuiffet . c. quoniam . §. porro . extr. vt lit. non conteft. & l. 1. §. fed & fi quis . ff. quod vi , aut clam .

Liber Primus . Titulus Decimus .

DE SUPPLENDA NEGLIGENTIA PRÆLATORVM.

In Decretal. Cap. 1. Statuimus .

S I diœcefanus requifitus benedicere nolit Cifterciensem Abbatem , ipfe monachos fuos benedicere poterit .

Ll 2 QVIA



QU^{IA} licet regulariter Abbas ante benedictionem sibi datam, non recipiat spirituales potestates monachos benedicendi. Butr. nu. 6. Tamen ex quo ipse est electus, & confirmatus, & per eum non stat, quin benedictione ab Episcopo diocesano recipiat; ne interim monasteria patiantur detrimentum, conceditur in fauorem religionis, & in odium Episcoporum benedictionem illam protrahentiū, vt abbates Cistercienses, ex quo humiliter, & deuotē Episcopum pro debita eorum benedictione requisierunt, & ille propter suam duritiā recusauit, possint proprios monachos benedicere, & alia, quæ ad officium huiusmodi pertinent, exercere. vt in tex. & glos. 1. & fia. Et similis indulgentia in fauorem religionis habetur in c. nihil. §. fin. de elect. Conceditur autem hæc facultas facilius ipsis Cisterciensibus, quam alijs Abbatibus; quia sicut ipsi sine solemnitate aliqua installantur, & destituuntur. c. ne Dei. de simon. Ita eisdem facilius permittitur, vt sine magna solemnitate administrent. Abb. antiquus hic. Benedictio autem in personam Abbatis operatur illud, quod consecratio in Episcopum. Butr. nu. 6. Et de tali benedictione, quod non sit ordinis, nec sit simplex; sed mixta inter simplicem, & ordinariam, tractat glos. in Clement. fin. ver. benedici. de statu monach.

Cap. 2. Sicut.

REGULARES in suos usus conuerti non possunt ecclesias, in quibus ius obtinent patronatus.

QU^{IA} status ecclesiæ debitus, & antiquus, per insolentiā alicuius subuerti non debet. vt in tex. Et ad priuatum commodum non sunt trahenda, quæ ad communem utilitatem sunt præfixa. cap. quæ ad perpetuam. 25. q. 1. Et quoniam in ecclesijs iuris patronatus, monachi solum habent ius præsentandi, & de temporalibus rationem petendi, non autem habent potestatem ibi instituendi, & destituendi, vel alia ad eorum libitum disponendi. c. in Lateranensi. de præb. & c. cum & plantare. §. in ecclesijs. de priuilegiis. Ideo ultra id, quod eis de iure competit, monachi in huiusmodi ecclesijs non debent præsumere attentare. vt in tex. & Clement. vnic. eod.

ET si intra tempus Lateranensis Concilij, quando vacant, non præsentent rectores ad eas, superior ordinabit easdem.

QU^{IA} non debent ecclesiæ propter negligentiam patroni ecclesiastici, vel laici, diu manere in suspenso, ne in spiritualibus, & temporalibus patiantur detrimentum. c. nulla. de concess. præb. Sed patronus ecclesiasticus debet intra sex menses; laicus verò intra quatuor præsentare. c. vnic. §. 2. de iure patr. in 6. Et quoniam ad superiorem

rem regulariter spectat in prouisione beneficiorum, supplere negligentiam inferioris. d. c. nulla. Et de iure communi ordinarius superior in tota diœcesi est Episcopus. c. 1. de offic. ordin. Ideo ubi monachi patroni intra debitum tempus non præsunt, debet ipse Episcopus (appellatione remota) in illis ecclesijs Rectores ordinare. vt in tex. & c. si verò. de iurepatr. Quod in Regularibus non exemptis, Episcopi sua, in exemptis verò Apostolica, suppleant auctoritate. d. Clemen. vnica. & per istam Episcopi ordinationem, non fit præiudicium ipsis patronis in alia proxima futura præsensatione, sed præiudicatur pro illa vice tantum. arg. c. cum in cunctis. de elect. Et nulla admonitio est tunc necessario ad ipsos patronos per Episcopum facienda. glos. fin. hic. quia tempus ipsos admonet. c. fin. de locat. & cond.

Cap. 3. Licet.

SVPPLET superior inferioris negligentiam in beneficijs conferendis.

QUIA ne beneficia patiantur detrimentum, prouidendum est, ne diu maneant vacantia, & in suspenso. vt not. sup. in c. prox. Et quoniam ista prouisio in defectum inferioris, facilius, & conuenientius potest fieri per proximū superiorem gradatim, quam per alium. c. ne pro defectu. de elect. Ideo si inferior non prouideret intra tempus sibi à iure præfixum, proximus superior prouidebit, vt in tex. & cap. nulla de concess. præb.

SI tempus Lateranensis concilij lapsum sit.

QUIA indultum à iure beneficium, nemini est auferendum. c. indultum. de reg. iur. in 6. Et quoniam Lateranense Concilium concedit cuilibet collatori sex menses ad beneficium conferendum. d. c. nulla. Ideo antequam dictum tempus sit elapsum, non est per alium collatorem, quam per illum, cui tale tempus indulgetur, beneficium conferendum. vt in tex. & supr. c. prox. Et tempus illud sex mensium computatur, non à die vacationis, sed à die habitæ notitiæ. vt in tex. & c. quia diuersitatem. de concess. præb.

ET collatio per inferiorem postea facta, non valet.

QUIA per lapsum præfixi temporis ad conferendum, potestas auferitur ipso iure ab eo, cui competebar, & deuoluitur ad alium. d. c. nulla. Et quoniam pro non dato habetur, quod ab illo datur, qui non potest de iure donare. c. quod autem. de iurepatr. Ideo si collatio fuerit facta in tempore, quo quis non habet potestatem conferendi, non valet. vt in tex. & c. ne pro defectu. de elect. Et ex quo per lapsum temporis, dicitur fieri executio à iure contra negligentem collatorem, non ad-

mitti-

mittitur purgatio moræ. Butr. nu. 6. Mora enim sua cuilibet est nociua.
c. mora. de reg. iur. in 6. & c. 1. de appell.

Cap. 4. Literas.

SI is, ad quem spectat beneficij collatio, lapso tempore Lateranensis concilij conferat, non valet collatio.

QUIA talis non habet ius conferendi, nisi intra illud tempus à dicto Concilio præfixum. vt sup. c. prox. Ideo si postea conferat, cum talis collatio sit à non habente tunc potestatem, nullius est effectus. vt in tex. & infr. c. prox. Defectus enim requisitæ potestatis viciat actum ipso facto. c. quanto. de consuet. & c. Daibertum. 1. q. 7.

NISI de misericordia toleretur.

QUIA multa per patientiam tolerantur, quæ si in iudicium venirent, cassarentur. c. cum iam. de præb. Et quoniam ubi Papa ex certa scientia mandat, aliqua patienter tolerari, talis patientia habetur pro dispensatione; Butr. & Abb. hic. Ideo sola patientia ex scientia Papæ, dat ius illis post debitum tempus institutis, vt valeat, non ex tunc per illam institutionem, sed ex nunc per misericordiam, & patientiam Papæ scientis, & tolerantis. glos. & Butr. hic.

Cap. 5. Dilecto.

IS, ad quem primo loco spectat collatio beneficij, lapso tempore lateranensis concilij, conferre non potest.

QUIA in collatione beneficiorum, ne diu remaneant vacantia, assignatur cuilibet collatori determinatum tempus, ita, vt vno negligente, deuoluatur ipso iure potestas conferendi ad alium vsque ad Papam. c. nulla. de concess. præb. Et quoniam nemo debet mittere manum in messem alienam. c. 1. de sepultur. Ideo ex quo vnus collator non habet amplius potestatem conferendi, si, post tempus sibi assignatum à iure, de facto conferat, collatio non tenet, vt in tex. & sup. c. prox.

In sexto. Cap. 1. Romana.

IURISDICTIO suffraganei excommunicati, ad metropolitanum non deuoluitur.



QUIA metropolitanus nullam habet iurisdictionem in subditos suorum suffraganeorum, nisi in casibus quibusdam in iure expressis, vel in quibus id sibi reperitur per antiquam consuetudinem.

dine acquisitū. c. duo simul. de off. ordin. & c. conquestus. 9. q. 3. Et quoniam non reperitur Archiepiscopo concessum, vt, excommunicato Episcopo, deuoluatur ad eum iurisdictio ipsius excommunicati, in illius subditos exercenda. vt in tex. Ideo de iure in tali casu non debet in illos se ingerere, sed ad Papam omnium ordinarium est recurrendum. Archid. ver. reuocamus. Non conceditur autem in tali casu iurisdictio Archiepiscopo, quia ei daretur occasio excommunicandi suffraganeum, vt illius iurisdictio ad ipsum perueniret; quod esset ad iniuriam sæpè Episcopis, & ad incommodum semper subditis. Gemin. hic. nu. 5. Et contra iniurias, quæ faciliter possent euenire, cautè est prouidendum. §. sed ne dum. Institut. de vi bon. rapt. Casus autem, in quibus conceditur Archiepiscopo iurisdictio in subditos sui suffraganei, notantur per gloss. in c. pastoralis. de offic. ordin. & Ioan. Monach. hic.

Cap. 2. Grandi.

SI ille, qui præst, est negligens, & remissus, debet superior illi dare idoneum coadiutorem.

QUIA ad superiorem spectat prouidere, ne prælatus defectu ecclesie in spiritualibus, & temporalibus patiatur detrimentum. c. ne pro defectu. extr. de elect. Et quoniam prælatus iam institutus non pro qualibet negligentia, & remissione, est dignus depositione. c. quicquid. 1. q. 1. Nam si quæritur, an propter negligentiam possit clericus à beneficio remoueri, distinguitur, Aut enim vna cum negligentia concurrunt alia delicta, & tunc remouetur à dignitate sua. vt in c. si quis abbas. 18. q. 2. Aut non concurrit aliud delictum, sed cum negligentia concurrunt timiditas, & remissio in non exercendo sibi iniuncta, & tunc non deponitur, sed datur ei coadiutor. vt in tex. & c. ea, quæ. §. quod si. de stat. monach. Aut non concurrunt timiditas; & tunc, aut transit in aliam speciem delicti, vt quia negligit res ecclesie, sinit dilabi domus, & possessiones illius; & ista, cum non stent in vi negligentie, inducunt depositionem. vt in c. dictum. dist. 81. & c. cum ad monasterium. de stat. monach. Aut est negligentia magna, quæ potest aliter appellari neglectus; & dicitur neglectus, quando post negligentiam monitus est, & non desistit. arg. c. placuit. 11. q. 3. Et tunc etiam potest deponi pro tali negligentia. gloss. in d. c. cum ad monasterium. ver. negligens. & de offic. custod. c. 1. Aut negligentia est mediocris, & tunc requiritur monitio. vt in d. c. quicquid. & not. Gemin. hic. Ideo quando prælatus est negligens, & remissus, sed sine alio delicto, vt in casu huius tex. debet ei dari coadiutor, qui alatur de redditibus prælaturæ. gloss. hic ver. alioqui. Vt sic illius negligentia aliquo pacto puniatur, ecclesia de idoneo ministro provideatur, prælatus pro mediocri causa à sua ecclesia non remoueat, & coadiutor proprijs stipendijs militare non cogatur; sed vbi est socius passio-

pasionum, ibi etiam consolationum constituatur. d. c. ea, quæ. & de cleric. ægrot. c. de rectoribus.

Cap. 3. Si episcopus.

EPISCOPO à paganis, vel à schismaticis capto, non administrat Archiepiscopus.

QU^{VIA} Archiepiscopus non succedit in iurisdictionem sui suffraganei deficientis, nisi in casibus in iure expressis. supr. c. 1. & extr. de offic. ordin. c. duo simul. Et quoniam non reperitur in iure expressum, ut ad Archiepiscopum deoluatur iurdictio Episcopi ab hostibus capti. glos. 2. hic. Ideo in tali casu ipse in locum illius administrare non debet. vt in tex. & supr. eod. d. c. 1.

SED administrat Capitulum.

QU^{VIA} ecclesia cathedrali vacante, iurdictio Episcopi regulariter deuoluitur ad capitulum. c. cum olim. & ibi. glos. extr. de maior. & obed. Et quoniam per huiusmodi capturam Episcopi, ecclesia quasi vacare censetur. glos. hic ver. sed capitulum. Nam qui sic detinetur, mortuus reputatur, quia seruus factus est. Instit. de iure person. §. penul. & ff. de capt. & postlim. reuerf. l. post liminij. Ideo capitulum debet in spiritualibus, & temporalibus administrare, ac si sedes per mortē illius Episcopi vacaret; donec Episcopum libertati restitui, vel per Sedem Apostolicam (cuius interest ecclesiarum providere necessitatibus) super hoc per ipsum capitulum, quam citò commodè poterit, consulendam, aliud contigerit ordinari. vt in tex. & infr. c. prox.

Cap. 4. Ecclesiæ.

ECCLESIAE cathedrali vacanti solus Papa visitatorem deputat.

QU^{VIA} talis visitator solet dari pro administratione ecclesiæ in spiritualibus, & temporalibus, Sede vacante, vbi videtur deficere capitulum. c. is, cui. supra de elect. & c. constitutum, & ibi glos. 7. q. 1. Sicut coadiutor datur, Sede non vacante, vbi deficit prælatus. c. pastoralis. infr. de cler. ægrot. Et quoniam isti visitatori conceditur de illa iurisdictione, quæ de iure communi competeat capitulo. supr. c. prox. Ideo solus Papa de plenitudine potestatis potest hoc facere, inaudito capitulo. glos. hic. ver. non potest. & d. c. is, cui. Ipse enim solus potest supra id, quod de iure communi constitutum est, disponere, & immutare. c. proposuit. extr. de concess. præb.

NISI Archiepiscopus propter negligentiam, vel dolosam Capituli administrationem, cum causa cognitione deputeret.

Quia

QUIA sicut Archiepiscopus non debet se intrinicare in iurisdictionem sui suffraganei defuncti, nisi in casibus in iure expressis, vt supr. in c. prox. Ita in casibus sibi à iure concessis ius suum negligere non debet. extr. c. licet. Et quoniam in iure reperitur expressum, quod vbi in ecclesia non sunt clerici idonei, tunc potest, & debet Archiepiscopus bona vacantis ecclesie illibata seruare, & illa Episcopo, qui ibi ordinabitur, reddere. c. non liceat. 12. q. 2. Ideo in tali casu potest visitatorem deputare, qui bona ecclesie futuro Episcopo conseruet. vt in tex. & d. c. non liceat. Nam qui per alium facit, per se ipsum facere videtur. c. vt famz. extr. de sent. excom. Debet tamen illum deputare, vocato capitulo, causaq. super hoc cognitione præmissa, vt in tex. quia per talem deputationem auferitur de iure, quod in administratione competebat capitulo, sede vacante, vt dictum est superius. Et Archiepiscopus non potest tollere capitulo ius suum, illo inaudito, & sine causa. glos. hic. ver. non potest. & c. inter. de maior. & obed.

§. Huiusmodi.

VISITATOR ecclesie vacantis ab inferiore à Papa deputatus, spiritualia, & temporalia administrat, excepta beneficiorum collatione ad episcopum pertinente.

QUIA visitator solum illa potest, quæ sibi per canones conceduntur. glos. in c. obitum. dist. 61. Et quoniam solum visitatori deputato à Papa conceditur beneficiorum ad Episcopum pertinentium collatio, propter ampliorem dantis prerogatiuam. c. is, cui. supr. de elect. ceteris verò datis ab inferioribus datur tantummodo administratio, sed non beneficiorum collatio, vt in tex. & glos. ver. non potest. Ideo visitator inferiorum beneficia conferre non debet. c. hoc tantum. 18. q. 2. & glos. in d. c. obitum.

In Clement.

Cap. vnic. Quia.

SI prelati regulares non conferunt intra sex menses, prioratus, administrationes, & ecclesias vacantes, quæ non sunt de mensa, sed solent speciales, licet obedientiarior, rectores habere; diocesani auctoritate sua, vel Apostolica, si sint exempta, conferant illa personis, quibus per prelatos fuerant conferenda.



QUIA prouidendum est per superiorem, ne, ex inferioris defectu, ecclesie vacantes diu maneant in suspenso. c. nulla. extr. de concess. præb. Et quoniam de iure communi Episcopus est ordina-

M m

dina-

dinarius superior in tota sua diœcesi. c. 1. extr. de offic. ordin. Ideo ubi beneficia per priuilegium, vel aliud ius speciale, non sunt exempta, inferioris defectus per Episcopum in illorum prouisione est supplendus. c. 2. cod. in 6. Non autem suppletur per conuentum illius ecclesiæ, vt in tex. sicut defectus Episcopi in collatione suppletur per capitulũ. d. cap. nulla. quia non est tanta coniunctio inter ceteros prælatos, & eorum conuentus, quanta est inter Episcopum, & suum capitulum. c. requisisti. de testam. Et regulariter inferior non debet supplere negligentiam alterius, sed superior. c. non putamus. de consuet. in 6. Vbi verò propter priuilegium exemptionis, tales ecclesiæ vacantes Episcopo non subessent, datur ei per hunc canonem facultas, vt auctoritate Apostolica, conferat. vt in tex. quia res facile redit ad naturam suam. c. si de terra. extr. de priuileg. & l. & si contra. C. de nupt. Ideo ex quo isti prælati inferiores conferunt ex iure speciali, Episcopi vero de iure communi, facile conceditur, vt ab ipsis reuertatur collatio ad Episcopum. vt in tex. Et hæc intellige de exemptis, qui nõ habent supra se, nisi Papã; nam si alios prælatos superiores haberent, fieret deuolutio ad illos. Abb. hic. Super ecclesijs verò exemptis, quæ sunt de mensa tallum prælatorum, exemptorum, non datur Episcopis hæc facultas conferendi. vt in tex. quia ecclesiæ illæ non dicuntur vacare. Clem. vnic. ver. quidam. de excess. præl. Nam non habent specialem administratorem alium à superiore prælato, de cuius mensa sunt, licet in eis ponantur simplices ministri, seu fructuum collectores. glos. in d. Clem. ver. ad mensam. & sic in illis non habet locum, quod statuitur de negligentia in collatione ecclesiæ vacantis supplenda. glos. hic. ver. de mensa. Debet autem Episcopus conferre clericis secularibus, vel regularibus, sicut debebat ipse prælatus regularis. vt in tex. quia potestas superioris in conferendis beneficijs deuolutis, modificatur, & regulatur secundum potestatem ipsius inferioris, cui superior in tali casu subrogatur, vt quibus ille conferre non potuisset, nec similiter possit ipse superior. Anchar. nu. 6. Translationes enim de persona in personam fiunt cum sua causa, & suis qualitatibus, modis, & conditionibus. l. Caio. & Seio. ff. de alim. & cib. leg. & l. legatum sub conditione. ff. de adim. leg.

N E C permittant illa applicari mensis prælatorum.

QUIA huiusmodi applicatio esset quædam vnio facta ad propriam utilitatem. Ioan. Vanquel. hic. Et quoniam nemo debet in proprio facto auctorizari. c. fin. de institut. Et nullus prælatus, quauis exemptus, inferior Episcopo potest ecclesias vnire. c. sicut. de excess. præl. Ideo tales prælati proprijs mensis ecclesias, seu prioratus applicare non possunt. vt in tex. & Clement. ne in agro. §. ad hæc. de stat. regular. Sed ubi esset casus vniendi, per ordinarium Episcopum cum assensu prælati regularis vnio esset facienda. d. §. ad hæc.

V E L

VEL pensionibus grauari.

QU^{IA} status ecclesie debitus, & antiquus per alicuius insolentiam subuerti non debet. *supr. c. sicut.* Et quoniam si ecclesie per tales praelatos pensionibus grauarentur, illarum status diceretur indebitè mutari. Anchar. nu. 10. Ideo nouas pensiones imponere, vel veteres augere, huiusmodi praelatis prohibetur. *vt in tex. & c. significauit. extr. de censib.* Per Episcopum tamen possent ex causa istarum pensiones imponi, & immutari. *glos. hic. ver. imponant. & c. prohibemus. & ibi glos. 2. extr. de censib. & ad huius cap. materiam vide Concil. Trid. sess. 14. de reform. cap. 10.*

Liber Primus. Titulus Vndecimus.

DE TEMPORIBVS ordinationum, & qualitate ordinandorum.

In Decretal. Cap. 1. Subdiaconus.

DIEBUS Dominicis, vel sabbato Pentecostes, sacri ordines ab alio, quam à Papa, conferri non debent.



QU^{IA} ea, quæ in signum singularis preeminentiæ Summus Pontifex sibi seruauit, alius sine eius speciali mandato attentare non potest. *c. quod translatione. de off. leg.* Et quoniam ceteris Episcopis assignantur dies aliqui iuniorum, in quibus sacros ordines possunt conferre. *infra. c. de eo.* Dies verò Dominicos, & sabbatum Pentecostes, ad illos conferendos Summus Pontifex in signum prerogatiuæ sibi seruauit. *glos. 1. hic, & glos. in d. c. quod translationem.* Ideo in his diebus Episcopi illos conferre non debent. *vt in tex. & c. ordinationes il. 2. dist. 75.* quamuis consecrandi dicatur virgines, & minores ordines his diebus habeant licentiam celebrandi. *vt in tex. & d. c. de eo.*

Cap. 2. Sanè,

NON valet consuetudo, quod extra statuta tempora sacri ordines conferantur.

QU^{IA} consuetudo, quæ tendit contra ecclesiasticam disciplinam, non est seruanda. *c. cum inter. & c. fin. de consuet.* Et quoniam si

M m 3 sacri

sacri ordines darentur ab Episcopis extra tempora, esset cōtra id, quod per Summos Pontifices reperitur rationabiliter statutum. vt sup. c. 1. & infr. c. prox. Ideo talis consuetudo, tanquam institutioni ecclesiasticę inimica, est penitus improbanda. vt in tex. & sup. c. prox. Taliter tamen ordinari reciperent characterem, sed essent ab ordinum executione suspensi, & ordinantes venirent ordinandi potestate priuandi. vt in tex. & glos. fin.

Cap. 3. De eo.

MINORES ordines conferri possunt diebus festiuis.

QUIA determinatio temporis circa ordinum collationem, est inducta à lege positiua. Butr. num. 2. Et quoniam minores ordines non sunt tantę dignitatis, sicut maiores, qui dicuntur sacri, eo quod habent aliquem actum immediatum circa rem aliquam consecratam, quem non habent minores. S. Thom. part. 3. q. 37. art. 3. in addit. Ideo non fuit statutum, vt eorum collatio fieret tempore ieiuniorum, sicut fit in sacris; sed satis fuit ad eorum reuerentiam, vt diebus festiuis conferri deberent. vt in tex. & c. ordinationes dist. 75.

SACRI verò conferri debent in quatuor temporibus, vel sabbato sancto, vel sabbato de passione.

QUIA sacri ordines propter eorum maiorem excellentiam, exigunt maiorem reuerentiam, quam ordines minores. vt dictum est superius. Et quoniam inter cetera requisita, est, vt conferantur ieiunis, & à ieiunis, & vt non conferantur passim. c. quod à patribus. dist. 75. Ideo ad illorum collationem statuuntur ista præcipua tempora ieiuniorum, quę ad illos conferendos, nec nimium sepe, nec nimis raro veniunt in anno. vt in tex. & cap. ieiunium. dist. 76. & Concil. Trid. sess. 23. de refo. c. 8.

Cap. 4. Ex tenore.

CRIMINOSVS occultus moneri potest, ne promoueatur ad ordines.

QUIA in quolibet ordine quis constituitur dux alijs in rebus diuinis. c. qualis. 8. q. 1. Et quoniam qui præponitur, vt sit alijs exemplo, debet illos excedere meritis. c. nullus. de elect. in 6. Qualis enim erit ædificator discipuli, si intelligat magistrò se esse maiorem? d. cap. qualis. Ideo non solum Episcopi, Presbiteri, Diaconi, & Subdiaconi debent magnopere providere, vt cunctum populum, cui præsident, sermone, & conuersatione præcedant; verum etiam & inferiores gradus exorcistę, lectores, custodes adium, acolythi, & omnes omnino, qui domui

mui Dei deseruiunt; cum ecclesiam Dei vehementer destruat, meliores esse laicos, quam clericos. d. c. q. ualis; Vnde qui cum conscientia peccati mortalis ad ordines accedit, quasi presumptuosus mortaliter peccat; & ob id sanctitas vitæ requiritur ad ordinem de necessitate præcipi; licet non de necessitate Sacramenti; nam si malus ordinatur, ordinem recipit, sed cum peccato. S. Tho. par. 3. q. 36. art. 1. in addit. Et quoniam ad pastorem, & prælatum pertinet inuigilare pro salute ouium, & subditorum. c. irrefragabili. de offic. ordin. Et melius est ante tempus occurrere, quam post causam vulneratam remedium querere. l. fin. C. in quib. caus. in integr. restit. non est necess. Ideo prælatus ordinator debet monere, vt nullus criminofus ad ordines accedat. vt in tex. & Concil. Trid. sess. 23. cap. 7. Quæ vero crimina impediunt promouendum, & quæ deiiciant ab ordinum executione promotum, tractat glos. 1. hic. Non enim omnia, quæ ordinandum impediunt, ab ordinum executione deiiciunt. 15. q. 1. §. fin.

S E D prohiberi non debet.

QUIA ecclesia non iudicat de occultis. c. erubescant. dist. 32. Et ob id occulta peccata solum Deum habent ultorem. c. Christiana. 32. q. 5. Et quoniam ubi deficit criminis probatio, cessat illius punitio; cum index debeat iudicare secundum allegata, & probata, non autem secundum conscientiam. glos. in c. iudicet. 3. q. 7. Ideo, probatione cessante quo ad ecclesiam, & criminis præsumptione non apparente, non debet quis ab ordinum promotione, si adsint alia requisita, prohiberi. vt in tex. Sed satis est vnumquemque admonere. glos. 1. hic.

Cap. 5. Ad aures.

RELIGIOSVS contra prohibitionem prælati sui ordinari non debet.

QUIA honestius, & tutius est subiectis, debitam præpositis obedientiam impendendo, in inferiori ministerio deseruire, quam cum præpositorum scandalo, graduum appetere dignitatem; nam potest esse, quod prælati eorum commissa secreta nouerint, ex quibus constat eis, quod, salua conscientia, nequeunt sublimari; cum non in sublimitate graduum, sed in amplitudine charitatis, regnum Dei acquiratur. vt in tex. & c. non loca. dist. 40. Et quoniam religiosus non habet, nolle, neque velle. c. non dicatis. 12. q. 1. Et ubi prælatus non præcipit aliquid malum, ei obedire tenetur. c. quid. 23. q. 1. Ideo in hac parte subiectorum desiderium non est confouendum; sed superioris prohibitio est attendenda. vt in tex. & glos. 1. quæ latè distinguit, quando sit obediendum prælato, vel non, & c. 2. de maior. & obed.

Cap.

Cap.6. Si Archiepiscopus.

METROPOLITANVS ab omnibus suffraganeis consecratur.

QU^{IA} actio, quæ omnes tangit, ab omnibus debet comprobari. c. licet. 8. q. 1. & l. in concedendo. ff. de aqua pluui. arcend. Et quoniam metropolitani præst. omnibus Episcopis suæ provincie. c. Archiepiscopus. dist. 66. Ideo ad eius consecrationem omnes isti Episcopi sunt vocandi. vt in tex. & c. quia. dist. 64. Sed si eorum aliqui venire, vel consentire noluerint, vel si contradicant, & nihil rationabile opponant, poterit consecrari à maiori parte illorum. Abb. hic. nu. 3. Quia cum nihil rationabile opponant, pro consentientibus habentur, gloss. in cap. sane. dist. 65.

SVFFRAGANEI verò à tribus.

QU^{IA} de forma consecrationis episcopalis est, vt illa fiat ad minus à tribus Episcopis; cum talis numerus in ea fuerit ab Apostolis constitutus. c. porro. dist. 66. Et quoniam non sunt Episcopi extra provinciales vocandi ad consecrationem Episcopi, nisi in defectum comprouincialium. c. si fortè. dist. 65. Ideo à tribus Episcopis de ipsa provincia, potest Episcopus suffraganeus consecrari. vt in tex. & c. comprouinciales. dist. 64.

METROPOLITANO iubente.

QU^{IA} cum ipsi suffraganei sint sub iurisdictione Archiepiscopi. c. suffraganeis. de elect. eius iussu illorum consecratio est facienda, vt vnicuique prælato, & ecclesie, proprius honor, & iurisdictioni seruetur. c. mos antiquus. dist. 55. Sed quoniam in consecratione suffraganei, necessario Archiepiscopus non adest vt consecrans, sed vt iubens, vt consecratio fiat, & eius actus est potius iurisdictionalis, quam ordinis. d. c. suffraganeis. Ideo sufficit, vt ipse committat alteri Episcopo vires suas, qui in suffraganei consecratione interlit. gloss. 1. infr. c. prox. & gloss. penult. in c. 1. de transl. episc.

Cap.7. Nec Episcopi.

EPISCOPI comprouinciales sunt admonendi, vt accedant ad consecrationem alterius Episcopi.

QU^{IA} licet ad formam consecrationis Episcopi, sufficiant tres Episcopi ad illum consecrandum. vt in tex. & supr. c. prox. De necessitate tamen præcepti, sunt omnes Episcopi comprouinciales ad illum actum requirendi. cap. episcopi. dist. 64. Et Innocent. hic. Et quoniam

quoniam in talibus plus obest contemptus vnius, quam multorum contradictio in presenti. c. bonæ memoriæ. de elect. Ideo si aliquis eorum, non fuerit vocatus, poterit agere de contemptu, & instare, vt ille priuetur executione officij. Innoc. hic. Sicut in electione agitur, vt ob id illa cassetur. c. quod sicut. de elect. Sed si illi accedere non possunt, sufficit, vt id significant per epistolas. vt in tex. & d. c. Episcopi. Quia in tali casu sufficit eorum habere consensum. vt in tex. & supr. c. prox. Et actus, qui solo consensu perficitur per epistolam perfici potest. l. 1. ff. de contrahen. empr.

Cap.8. Cum quidam.

ORDINANS extra tempora debita punitur.

QUIA Episcopus, qui confert ordines extra debita tempora, transgressor est canonum. supr. c. sanè. Et per consequens peccat. c. 1. de constitut. Et quoniam quis puniendus est in eo, in quo deliquit. infr. c. literas. Ideo talis ordinans est canonica disciplina corrigendus, vt in tex. scilicet, vt priuetur potestate conferendi ordines, quos illicitè contulit. d. c. sanè. & glos. 1. hic.

ET ordinatus sine Papæ dispensatione ordines non exequitur.

QUIA, licet quocunque tempore ordines ab Episcopo conferantur, character imprimatur; cum tempus non sit de substantia ordinis, sed de solemnitate. infr. c. consultationi. Tamen quoniam ille, qui sic recipit contra canonum dispositionem, peccat. glos. 1. in d. c. consultationi. Ideo in eius pœnam statuitur, vt sine Papæ dispensatione ipse nō possit in susceptis ordinibus ministrare, vt in tex. & infr. c. literas.

Cap.9. Cum secundum.

GRAECI à Latinis ordinari non debent, nec e contra, si in ritu ordinandi sunt diuersi.

QUIA vtrique populo sua rationabilis cōsuetudo, & laudabilis ritus est seruandus. c. quoniā. de offic. ordin. Et quoniam si Græcus ordinaretur à Latino, vel Latinus à Græco, diuersi ritus, necessario fieret aut contra ritū ordinati, aut contra ritum ordinantis; & vtrunque esset malum. Butr. qu. 4. & Abb. nu. 1. Ideo tam Latinus, quam Græcus secundum propriæ institutionis obseruantiam est ordinandus. vt in tex. & not. infr. in c. quod translationem. Ritus enim, vt inquit festus, est mos comprobatus in administrandis sacrificijs. Et respicit solemnitatem, non essentiam actus. Abb. hic. Sed circa rationabiles antiquos ritus Græcorum à sanctis patribus inductos, quæ hodie sint addita in eis, & im-

muta-

mutata per Græcos schismaticos, quæ, (cum sint errores, & maledicentia) sunt improbanda, & abolenda; adnotauit Reuerendissimus Gaspar Viuianus bo. me. patruus meus, Episcopus Anagninus, in expurgationibus, quas fecit ad Menologium, quo Græci huius temporis vtuntur, quod ipse sic adnotatum cum alijs libris græcis, Collegio Græcorum Vrbs, eius suasu à Gregorio XIII. Pont. Max. erecto, dono dedit anno Domini 1600. Ipse enim à Paulo Quarto vigilantissimo Pontifice Maximo, Episcopus Sythiensis in Creta constitutus, vbi & per multos annos extitit in spiritualibus Vicarius generalis totius Insulæ, erat in eorum lingua, & gubernatione, per scientiam, & experientiam versatissimus; Et religione, ac prudentia in pluribus elaborauit, per quæ possent Græca natio, & aliæ Orientales, ad cognitionem, & obedientiam ecclesiæ catholicæ, & Apostolicæ Romanæ, facilius reduci; Et ob id instetit, & fuit operatus, vt Romæ Typographia externarum linguarum induceretur, Collegiumque Græcorum ibidem erigeretur. In quibus operibus Gregorius XIII. benignissimus pastor, paterno zelo liberalissimè expendebat. Post cuius obitum Sereniss. Ferdinandus Medices, magnus Etruriæ Dux, nostris temporibus Turcarum flagellū & præclarus Italiæ splendor, tunc Sanctæ Romanæ Ecclesiæ Cardinalis, ipso patruo meo hortante, dictæ Typographiæ munus, & expensas, religiosa magnanimitate est amplexus. Quo extincto, Paulus Quintus Summus Pontifex eidem operi summa pietate fauet, & constitutionem edidit, per quam præcipit, vt in generalibus studijs Regularium, lectores externarum linguarum adhibeantur; quæ constitutio incipit, Apostolica. Data pridie Kal. Augusti. 1610.

Cap. 10. Ex parte.

SI monachus vnus ordinis, in secundo ordine, ad quem transiit, recipit sacerdotium, ad primum ordinem rediens, in eo liberè ministrabit.

QUIA si monasterium, ad quod transiit, fuit maioris religionis, iste monachus per illius ingressum non peccauit, sed meruit. c. licet. de regular. Et quoniam sic intelligitur fuisse in casu huius text. glōf. fin. hic. Ideo cum ei nihil obstat, potest de iure communi in suscepto ordine liberè ministrare. vt in tex. Si vero fuit minoris religionis, tunc mortaliter peccauit. d. c. licet. & in tali casu esset cum eo dispensandum, aliter ministrare non posset. d. glōf. hic. Quam dispensationem posset concedere abbas. Butr. nu. 5. Licet cum monacho apostata, qui redierit ad sacculum, & ex toto reliquerit habitum monachalem, si fuerit in tali apostasia ordinatus, dispenset solus Papa. c. fin. de apostat.

Cap. 11. Quod translationem.

SI Græcus, Episcopo Latino subiectus, ordinatur sine Latini licentia à Græco, interdicitur sibi executio.

QU^{IA} diuersitas ritus inter superiorem, & inferiorem, dummodo sit sub vna fide, non impedit subiectionem spiritualem. Abb. nu. 1. Et quoniam subditus vnius Episcopi, si ab alio absque sui licentia ordinetur, est ab ordinis executione suspendendus. c. si quis. dist. 71. Ideo tali Græco est ordinis executio interdicens, tanquam ab alieno Episcopo sine sui licentia ordinato. vt in tex. & c. Lugdunensis. 9. q. 2.

SI verò de licentia, tunc toleratur.

QU^{IA} vnicuique populo suus laudabilis ritus est seruandus. sup. c. cum secundum. & de offic. ordin. c. quoniam. Sed quoniam Episcopus latinus, vbi potest, & est necesse, debet habere vicarium Græcum, qui sit Episcopus, ad ordinandum suum subditum Græcum. d. c. quoniam. Ideo si illum non habeat, permittitur, vt possit illum facere per alium Episcopum eiusdem ritus ordinari. vt in tex. Clericos tamen latinos debet cauere, ne faciat ab antistite Græco ordinari. vt in tex. & d. c. cum secundum.

Cap. 12. Cum in distribuendis.

ORDINATVS à Papa, sine licentia Papæ ad superiores ordines non promouetur.

QU^{IA} deferendum est excellentiæ Papæ aliquid exordientis, vt, vbi ipse manus imposuit, inferior illud inceptum perficere non audeat. glos. hic. & glos. fin. in c. per tuas. de maior. & obed. Sicut propter reuerentiam, presbyter eodem die missam celebrare non debet in altari, in quo celebrauit Episcopus, sine illius licentiâ, nisi necessitate urgente. c. fin. & ibi glos. de consecr. dist. 2. Ideo ex quo Papa contulit alicui aliquem ordinem, debet ab eo obtineri licentia, vt alius Episcopus possit illum ad superiores ordinare. vt in tex. Qui ordinatus licet in hoc grauetur, quasi sibi impediatur libertas suscipiendi ordines ab alijs; honoratur tamen in pluribus, quia ei maior honor debetur, quam alijs eiusdem ordinis, licet non per hoc eximatur à iurisdictione proprii Episcopi. d. c. per tuas. Et non potest conuici, nisi pluribus testibus. c. præsul. & c. nullam. 2. q. 4. Et non potest cogi ab Episcopo recipere ordines. glos. hic.

Cap. 13. Literas.

DVO sacri ordines non possunt conferri eidem vno die.

N n

Quia

Q V I A sacri ordines propter eorum excellentiam, non sunt passim, sed statutis temporibus, conferendi. not. supr. in c. de eo. & dist. 75. c. quod. Ideo solū conferuntur quibusdam diebus de ieiunijs, qui non sunt; nec nimium saepe, nec nimium raro, intra annū. vt in d. c. de eo.

V E L duobus diebus, continuato ieiunio.

Q V I A sicut vtrunque ordinem eodem die vni conferre non licet, pari ratione non licet vnum ordinem vna die, & alium altera die (ieiunio continuato) conferre; cum propter continuationem ieiunij, festinae canonicae, siue mane diei dominicae trahatur ad sabbatum, siue vespera sabbati ad diem dominicam referatur; profecto mane cum vespera, seu vespera cum mane ad eundem die pertinere dicitur; Nam si quantum ad hunc necessitatis articulum pertinet, mane ad vnum diem, & vespera referatur ad alium; cur esset continuatio ieiunij necessaria, cum, & sabbato ante octauam, & dominica ante prandium, intelligatur esse ieiunij? vt in tex. Ideo cum propter continuationem ieiunij, dies Dominica, cum die sabbati ordinationis, fingatur vna dies, sicut eadem non licet duos sacros ordines conferre in vna die. verū ita non est dictum, eos conferre in eadem die interpretatiue, vt in tex. Sed si alicui vnum ordinem sacrum die sabbati, & alteri alium, continuato ieiunio, mane diei Dominicae quis Episcopus conferret; per ecclesiam talis collatio non improbaretur. d. c. quod. dist. 75. quia tunc dies Dominica propter ieiunium continuatum trahitur interpretatiue ad sabbatum, & censetur vna dies, in qua licitum est diuersis, sed non vni, diuersos sacros ordines conferre. glos. 1. & glos. ver. pertinere. hic.

Cap. 14. Vel non est.

ORDINANS puerum tredecim annorum in diaconum, suspenditur a collatione ordinum.

Q V I A talis ordinans, vel non est compas sui, vel nimis videtur se scientiam repulisse, qui in ludibrium ordinis clericalis, contra sacrorum canonum instituta, ita inordinate puerum in sacris ordinare praesumpsit. vt in tex. Et quoniam quis puniendus est in eo, in quo deliquit. supr. c. prox. Ideo talis, qui peccauit in ordinibus conferendis, ab ordinum collatione suspenditur. vt in tex. & supr. c. sanē. Quae suspensio non incurritur ipso iure, sed per sententiam effeferenda; cum tex. hic loquatur per verba significantiae executionem futuram, non praesentem. Burr. nu. 2. Et talis ordinans non solū est suspendendus a collatione illius certi ordinis, in quo deliquit, vt fuit supr. in c. prox. Sed propter grauitatem excessus commissi in tali ordine sic inordinate collato, est suspendendus etiam ab omnium aliorum ordinum collatione. glos. ver. suspendentes. Sed quando quis est suspensus a collatione certi ordinis, non intelli-

intelligitur suspensus à collatione ordinum inferiorum, nisi in pœna suspensionis id exprimatur. Abb. nu. 5. Quia in pœnis benignior interpretatio est faciendâ. c. in pœnis. de reg. iur. in 6. Et quod de vno negatur, de alio conceditur. c. non ne. & ibi glos. fin. de præsumpt. Sed bene intelligitur suspensus à collatione aliorum ordinum illo superiorum, quamuis id non exprimatur. Abb. hic, quia delinquendo in minori, fecit se indignum de conferendo maiorem. c. 1. de ordin. ab episc. qui renunt. Et pactum pœnale, & odiosum, propter euitandam absurditatem, recipit interpretationem etiam extensiuam. l. cui pacto. ff. de seru. export.

ET ordinatus suspenditur ab ipsius ordinis executione, usque ad ætatem legitimam.

QUÏA videtur in ludibrium illius ordinis sacri, si per puerum, excerceretur, vt in tex. Ideo tam in reuerentiam ordinis, quàm in iniuriam ordinantis, & in pœnam proprii defectus sic ordinati, quamuis ipse receperit characterem, decet, vt non habeat ante ætatem legitimam, illius ordinis executionem. vt in tex. & c. decernimus. 16. q. 7. Illam tamen recepit, nisi suspendatur, cum non sit suspensus ipso iure, sed est per sententiam suspendendus, vt dictum est superius de ordinante, & Butr. nu. 4.

Cap. 15. Dilectus.

EPISCOPVS conferens eidem vno die plures sacros ordines, ab ordinandi potestate suspenditur.

QUÏA propter sacrorum ordinum excellentiam, fuit in iure canonico statutum, & per vniuersalem ecclesiam fuit obseruatum, vt eidem non posset vnâ die, nisi vnus ordo sacer conferri; & ille non qualibet die, sed in diebus ieiunij à iure statutis. supr. c. sanè. & c. literas. Et quoniam qui contrauenit dispositioni canonum, & ecclesiæ institutis, graviter peccat. c. nam concupiscentiam. de constitut. & c. eum consuetudinis. de consuet. Et quis puniendus est in eo, in quo deliquit. d. c. literas. Ideo per delictum, quod talis Episcopus in ordinum collatione commisit, ab ordinandi potestate suspenditur. vt in tex. & supr. c. prox.

ET IAM si de mandato metropolitani hoc fecerit.

QUÏA superiori in his, quæ sunt contra iura, vbi ipse dispensare non valet, non est parendum, & si pareatur, quis non excusatur, c. si dominus. 11. q. 3. Et quoniam Archiepiscopo huiusmodi dispensatio à canone non est permessa. vt in tex. Et inferior à Papa non dispensat, nisi in casibus à iure expressis, & sibi permisis. glos. ver. permessa. Ideo Episcopus non excusatur à delicto per mandatum Archiepiscopi, cum ei obtemperare non debuisset in hac parte. vt in tex. & c. de

Nn 2 rebus

rebus. 12. q. 2. In quibus autem casibus concedatur Episcopis, vt possint dispensare, tractant hic Innoc. & Abb.

Cap. 16. Consultationis.

ORDINATVS ad sacros ordines extra tempora statuta, ordinem recipit.

QUIA tempus ordinis conferendi, non est de substantia ordinis, sed fuit statutum, vt esset de præcepto ad bene esse, propter reuerentiam in collatione adhibendam. glos. 1. hic. & supr. c. vel non est. Et quoniam defectus solemnitaris extrinsecus non impedit habitum actus, sed solum exercitium. Butr. n. 3. Ideo taliter ordinatus recipit characterem, sed non recipit illius ordinis executionem, vt in text. & supr. c. cum quidam.

ET post penitentiam, cum eo dispensat Episcopus.

QUIA Episcopus potest dispensare in casibus sibi à iure permisis. vt not. supr. in c. prox. Et quoniam hic exprimitur ista facultas dispensandi cum ordinatis extra debita tempora, Episcopis concessa. vt in text. Ideo Episcopus potest concedere, vt tales ordinati, in sic susceptis ordinibus administrent, vt in text. & glos. fin. hic. Debet tamen taliter ordinatis competens penitentia imponi. vt in text. cum fuerint transgressores canonum, & grauiter deliquerint. vt supr. in d. c. cum quidam. Ideo in penam taliter ordinati, vltra suspensionem ei imponendam per aliquod tempus ab executione ordinis. vt in d. c. cum quidam. & c. vel non est. poterit imponi alia pœna ad arbitrium Episcopi dispensantis. glos. 1. hic. Intellige tamen, Episcopis esse concessam facultatem dispensandi cum istis, quando ex ignorantia fuerunt extra statuta tempora ordinati, vel si fuerunt ordinati scienter, quando necessitas, vel utilitas ecclesiæ suadent ad dispensandum cum eis. Hostiens. hic. nam in ceteris casibus Papa sibi retinuit facultatem cum talibus dispensandi. vt in d. c. cum quidam. & c. litteras. supr. eod.

Cap. 17. Quæsitum.

OCCULTVS criminofus, post penitentiam in susceptis ordinibus ministrat, & ad superiores ascendit.

QUIA ecclesia non iudicat de occultis. c. erubescant. dist. 32. & laetentia peccata, quo ad forum contentiosum ecclesiæ, non habent vincidam. c. Christiana. 3. q. 5. Ideo si per penitentiam, talis criminofus sit Deo reconciliatus, regulariter ab ordinibus per ecclesiam non prohibetur. vt in text. & supr. c. ex tenore.

PRAE-

P R A E T E R homicidium.

QUIA omnes ordines referuntur ad Eucharistiæ sacramentum, quod est sacramentum pacis nobis factæ per effusionem sanguinis Christi. Et quoniam homicidium maxime contrariatur paci; & homicida magis conformatur occidentibus, quam ipsi Christo occiso, cui omnes habentes ordines debent conformari. Ideo de necessitate præcepti est, quod non sit homicida, qui ad ordines promouetur, quamuis non sit de necessitate sacramenti. S. Thom. par. 3. q. 39. art. 4. in addit. Cum itaque effundere humanum sanguinem, & occidere, sit contrarium conformitati Christi, eiusq. effectui, id est paci, quam debent habere eius ministri. c. clericum. dist. 50. Ideo fuit sancitum, ut homicida, quantumcunque occultus, etiam post peractam pœnitentiam, in ordinibus susceptis ministrare, & ad alios promoueri non possit. ut in tex. & c. inquisitionis. §. 1. de accusat. Vnde Dominus dixit David Propheta, post pœnitentiam: Non ædificabis mihi templum, quia vir sanguinis es. 1. Paralipom. cap. 22. & de consecrat. dist. 1. c. 1. Et quoniam irregularitas est inhabilitas ad ordines recipiendos, vel ad iam susceptorum administrationem; ita quod non potest irregularis non dum ordinatus, sine dispensatione promoueri ad illos, nec iam ordinatus potest sine dispensatione exequi officia ordinum suorum; quæ inhabilitas trahitur formaliter ex effusione sanguinis, siue illa effusio sit iusta, & consequenter actus virtutis, siue iniusta, & consequenter actus vitij; vnde irregularitas est pœna, quæ nõ semper incurritur propter culpam, licet semper incurtatur iuste, & eũ causa. Porrecta in d. art. S. Tho. Ideo etiam iudex, & omnes, qui in causa sanguinis ei participat, sunt irregulares, propter hoc, quod effusio sanguinis non decet ministros sacramenti ordinis. S. Thom. d. art. 4. Et omnes isti irregulares egent dispensatione Papæ ad hoc, ut possint ad ordines promoueri, vel in susceptis ministrare. Butr. nu. 7. Sed quoniã irregularitas est impedimentum proueniens ex constitutione canonica. Archid. infr. eod. inc. 1. in 6. Ideo non extenditur, nisi quatenus inuenitur à iure inflictæ. c. is, qui. de sent. exc. in 6.

E T ante pœnitentiam monetur, ut etiam in susceptis non ministret.

QUIA ille, qui Deo ministrat, mortalis peccati maculam in se habere non debet. c. habuisse. dist. 33. Ideo vnumquodque mortale peccatum suspendit peccantem quo ad se (licet, si sit occultum, non suspendat quo ad alios) ut, durante peccato, in ordinibus ille administrare non possit. Abb. nu. 4. Sed quoniam in his occultis nulla est pœna contentiosa, sed pœnitentialis. Abb. d. nu. 4. Ideo in tali casu criminis occulti, superior debet procedere admonendo, ut ante pœnitentiam ille non ministret in ordine suscepto, non autem debet procedere contentiose, eum ad hoc præcisè compellendo. ut in tex. & Butr. nu. 6.

In

In Sexto.

Cap. 1. Sæpe.

EPISCOPVS Italia, Vltromontanum non ordinet, nisi de speciali licentia Papæ, vel per patentes litteras Episcopi sui, continentes iustam causam, quare nolit, vel non possit illum ordinare.



QUIA sæpe contingebat, quod nonnulli clerici, vinculo excommunicationis adstricti, aut apostata, seu irregulares, vel alijs ordinum sacrorum susceptione indigni, suam patriam, in qua de his habebatur noticia, fugientes, se in remotis partibus faciebant ad huiusmodi ordines promoueri, vt in tex. Et quoniam fraudibus est obuiandum. c. super. extr. de rescripte. Et animarum saluti est per superiorem inuigilandum. c. quamvis. extr. de reg. iur. Ideo Summus Pontifex Clemens Quartus, volens animarum ipsorum periculis obuiare, per hanc decretalem statuit, vt nullus Episcoporum Italix de cetero audeat aliquem Vltromontanum clericum ordinare, nisi à Summo Pontifice specialem licentiam habeat, vel ab Episcopo, de cuius diocesi traxit originem ordinandus, vel in cuius diocesi beneficiatus existit; per eius patentes litteras, causam rationabilem continentes, quare ipsum nolit, aut nequeat ordinare, vt in tex. & vide Concil. Trid. sess. 23. de re. for. c. 7. & 10. & sess. 6. c. 5.

SI secus factum fuerit, ordinans punietur pœna condigna, & ordinatus manebit suspensus.

QUIA pœna debet esse commensurabilis delicto. c. disciplina. dist. 45. Et quis puniendus est in eo, in quo peccauit. cap. litteras. ext. cod. Et quoniam tam ordinans, quàm ordinatus, deliquerunt in ordinibus, dando, vel recipiendo eos contra dispositionem huius decretalis. vt in tex. & extr. c. vel non est. Ideo vterque eorum punitur per suspensionem ab ordinibus. vt in tex. & infr. c. prox. nisi quò ad ordinantem alia pœna aliquanto grauior superiori visa fuerit imponenda; cum in casu huius tex. non sit contra illum determinatè assignata. arg. cap. de causis. §. 2. extr. de offic. deleg. Et sicut contra talem Vltromontanum ordinatum contra dispositionem huius tex. imponitur maior pœna, quàm imponatur infr. in c. prox. contra clericum simpliciter alienum, ordinatum à non suo Episcopo, vt in tex. ita grauior pœna est imponenda contra taliter ordinantem, quàm imponatur contra ordinantem simpliciter alienum. Gemin. hic. §. eos.

IT A quòd etiam à pœnitentiarijs Papæ, sine ipsius speciali licentia absolui non poterit.

Quia

QUANTUM ad pœnitentiarij Papæ non habent facultatem absoluendi in casibus ipsi Papæ reservatis, sine ipsius speciali cōmissione. Francus hic nu. 4. & Ioan. Andr. in c. ex multa, extr. de voto. Et quoniam in casu huius tex. Papa sibi reservat facultatem absoluendi taliter ordinatos; & omnibus suis pœnitentiarijs districte inhihet, ne absque sua speciali licentia cum istis ordinatis dispensent, vel suas eis tradant litteras, per quas cum ipsis debeat dispensari. vt in tex. Ideo per generalem commissionem, & facultatem datam à Papa pœnitentiarijs, non censetur data super isto casu, nisi per Papam in tali commissione, aliter exprimat. arg. c. cum in generali. infr. de offic. vicar. & Gemin. hic in fin. nam si fuerit eis data facultas super aliquo casu specialiter Papæ reservato, & fuerit adiecta clausula generalis, & super omnibus alijs, quæ per nos possumus, etiam si mandatum exigant speciale, tunc poterunt absolute etiam ab alijs casibus reservatis, qui non sint maiores expressis, sed similes, vel minores. glos. fin. & ibi Gemin. infr. in c. 2. de offic. vicar.

Cap. 2. Eos, qui.

QUANTUM ad scienter ordinauerint clericum alienum, per annum à collatione ordinum sunt suspensi.

QUANTUM ad quilibet est ordinandus à proprio prelato, vel ab alio eius licentia. c. nullus. extr. de inrepatr. & c. nullum. 9. q. 2. cum nemo debeat ponere falcem in messum alienam, nec alterius iurisdictionem sibi assumere. c. venerabilem. de elect. & cum non possit ordinare, qui non potest illum iudicare. Archid. hic nu. 1. Et quoniam quis est puniendus in eo, in quo deliquit. extr. c. litteras. Ideo qui delinquant in collatione ordinum, conferendo illos scienter clericis alienis absque superioris ordinandorum licentia, per annum à collatione ordinum suspenduntur. vt in tex. & Concil. Trid. sess. 23. cap. 8. Sed ex quo tex. hic indefinitè loquitur, dicendo à collatione ordinum, & non addendo vniuersalem omnium; cum simus in penalibus, ista indefinita non æquipollet vniuersali, vt à collatione omnium ordinum talis ordinans suspendatur. Archid. hic nu. 3. & Gemin. col. fin. Sed ex quo delinquens in ordine minori, fecit se indignum de conferendo maiorem. c. 1. extr. de episc. qui renunt. episc. Ideo talis pœna suspensionis intelligitur se extendere ad illum ordinem, in quo talis deliquit, & ad alios ordines superiores, non autem ad inferiores ordine per huiusmodi ordinantem collato. vt not. extr. in c. vel non est. & glos. hic. ver. ordinum. Et quoniam Episcopus tenetur scrutari quemlibet ordinandum. c. qui Episcopus. dist. 23. Et vbi tenetur quis aliquid scire, propter præsumptionem, quam habet contra se, debet probare ignorantiam verisimilem. c. innotuit. & ibi glos. ver. ignorantiam. de elect. Ideo talis Episcopus præsumitur

tur scienter ordinasse, nisi ignorantiam probet. *glos. hic. ver. scienter.*
Ad illam tamen probandam sufficit suum iuramentum. *c. vt circa. & c. nulli. supr. de elect.* Et licet per alios examinet, si ipse fuerit negligens ad scrutandum ea, ad quæ tenebatur, illorum culpa sibi imputabitur. *d. glos. hic. & de simon. c. in tantum.*

ET postquam suspensio fuerit manifesta, poterunt subditi sine ipsorum licentia, à vicinis Episcopis ordinari.

QU^{IA} æquum est, in pœnam istorum ordinantium clericum alienum, & ad providendum, ne eorum subditi ab ipsis impendantur, quin ordinentur ab alijs Episcopis, cum non possint ordinari ab eorum suspensis, vt sicut ipsi Episcopi ordinauerunt alienos sine licentia, ita sui sine ipsorum licentia ordinentur ab alijs, *glos. ver. taliter. vt sic puniantur, in quo peccarunt. extr. c. literas.* Et iuxta illud, Patere legem, quam tu ipse tuleris. *l. i. & toto tit. ff. quod quisque iur.* Et quoniã in ordinatione est examinandum de qualitatibus ordinandi, ne forte promouerentur indigni. *c. quando. dist. 24.* Et vicini melius possunt scire, & se informare de vita, & moribus alicuius, quam possint remoti. *c. quanto. de præsumpt.* Vnde infames consueuerunt fugere loca suæ vicinitatis. *c. duz. 19. q. 2.* Ideo datur hæc facultas clericis istorum episcoporum, vt sine ipsorum licentia possint ordinari ab alijs Episcopis vicinis, non autem à remotis, ne forte promouerentur incogniti, & indigni, vt in *tex. & supr. c. prox.*

Cap. 3. Cum nullus.

EPISCOPVS originis, domicilij, vel ecclesiastici beneficij, commendatitias ad ordines dare potest.

QU^{IA} Episcopus superior, ad quem spectat aliquid faciendum, potest illud alteri demandare, siue id sit ordinis, siue sit iurisdictionis; dummodo id, quod est ordinis, alteri Episcopo demandet. *glos. in c. aqua. extr. de consecr. eccl.* Et quoniam Episcopus superior in casu ordinationis, non solum intelligitur ille, de cuius diœcesi est is, qui ad ordines promoueri desiderat, oriundus; sed etiam ille, in cuius diœcesi, talis obtinet beneficium ecclesiasticum, seu habet (licet alibi natus fuerit) domicilium. vt in *tex. & supr. glos. in c. statutum. in §. cum verò. de rescript.* Ideo cum nullus clericum alienæ diœcesis præter superioris licentiam debeat ordinare. vt in *tex. vt possint alij Episcopi hoc facere, debent ab vno de istis Episcopis superioribus literas commendatitias, seu dimissoriales habere; quod sufficit quo ad licentiam, cum isti sint Episcopi habentes in hoc superioritatem; vt in tex. & c. tuæ. extr. de cleric. peregr. & vide Concil. Trid. sess. 7. de refor. c. 10. & sess. 23. c. 10.*

INFERIORES praelati non,

QU^{IA} collatio ordinis, & eius demandatio, est de iure episcopali. *glos. in d. c. aqua.* Et quoniam inferior non debet sibi attribuere ius superioris. *c. scriptum. 6. q. 3.* Ideo inferiores praelati non possunt talem ordinandi licentiam impertiri. *vt in tex. & c. 2. infr. de offic. vicar.*

NISI ex privilegio.

QU^{IA} Papa est ordinarius omnium. *c. cuncta. 9. q. 3.* Et potest alicui concedere ex privilegio ea, quæ non competunt ex propria dignitate. *c. vt Apostolicę. infr. de priuil.* Ideo si ipse indulserit inferioribus praelatis, vt possint has litteras ad ordines concedere, de illorū auctoritate non erit ambigendum. *vt in tex. & c. peruenit. dist. 95.* Sed & consuetudo præscripta posset facultatem dandi has litteras præbere. *glos. hic. ver. indultum.* quia talis demandatio est quid iurisdictionis. *vt not. extr. cod. in c. dilectus. & consuetudo præscripta dat, & tollit iurisdictionem. c. dilecti. extr. de arbitr.*

NEC officiales Episcoporum.

QU^{IA} officiales Episcoporum non debent prætere mere maiorem facultatem, quam eis fuerit concessa. *c. 2. infr. de offic. vicar.* Et quoniam ipsorum officium ad hanc facultatem dandi istas litteras ad ordines, non se extendit. *vt in tex.* Nisi habeant ad hoc speciale mandatum. *glos. ver. non.* Ideo per commissionem officij generaliter sibi factam, non debent officiales Episcoporum litteras dimissoriales ad ordines concedere. *d. c. 2. & 3. de offic. vicar.*

SED ij, qui habent administrationem spiritualium, illas bene concedunt.

QU^{IA} subrogatum sapit naturam eius, in cuius locum subrogatur. *c. ecclesia. extr. vt lite pend.* Et quoniam dare talem licentiam ad ordines, est quid spirituale. *Gemin. hic. in §. Episcopo.* Ideo illi, qui succedunt Episcopo in potestatem exercendi spiritualia, possunt has litteras dimissoriales concedere. *vt in tex.* Tales autem sunt in hoc casu, Vicarius generalis Episcopi in spiritualibus, ipso Episcopo in remotis agente; vel (sede vacante) capitulum, seu is, ad quem tunc temporis administratio spiritualium noscitur pertinere. *vt in tex. & sup. tit. prox. c. fin.* Quo ad capitulum verò hodie est restrictum, vt intra annum a die vacationis ecclesiæ cathedralis, non possit tales litteras dimissoriales concedere, nisi ei, qui beneficij ecclesiastici recepti, siue recipiendi, occasione arctatus fuerit. *Concil. Trid. sess. 7. cap. 10. Et eadem restrictio*

atio fuit postea facta etiam quo ad alios, qui succedunt iurisdictioni episcopali, sede vacante. idem Concil. sess. 23. cap. 10.

§. Religiosi.

POSSUNT Episcopi ordinare priores prioratum non exemptorum, & ipsorum socios, quamdiu morantur in illis, licet inde non fuerint oriundi.

QUIA religiosi fortiuntur domicilium in loco, ubi moram trahunt, licet ibi non debeant perpetuo morari. Bart. in l. 1. ff. ad municip. & Francus hic in fin. Et quoniam omnes, qui non habent exemptionis privilegium, subsumunt Episcopo loci. cap. cum Episcopus. infr. de offic. ordin. Et religiosi deputati in prioratibus non exemptis subsumunt Episcopo, sicut ceteri non exempti. Gemin. hic in §. fin. Ideo sicut ceteri, qui subsumunt Episcopo ratione domicilij, possunt ab eo ordinari, ut dictum est superius; ita possunt ordinari isti religiosi. ut in tex. Exempti vero permanentes in prioratibus exemptis, non subsumunt Episcopo diocesano, nisi in casibus expressis in iure. infr. de priuileg. c. 1. & Clemen. 2. eod. tit. sed eorum Episcopus est solus Papa. gloss. in c. nulla. dist. 93. Et eorum abbates, & prelati possunt dare commendatitias ad ordines. Gemin. in d. §. fin. Inter casus autem expressos est, ut quantumcumque abbas sit exemptus, debeat episcopalia petere ab Episcopo loci, nisi ille denegat ea male iure, & interdicens. (6. q. 1.) unde etiam exempti debent ab Episcopo loci accipere ordines, chrisma, & consecrationes altarium, & ecclesiarum. c. veniens. extr. de preceptis. & c. presbyteri. dist. 95. Et peccant abbates, qui volunt hac potius accipere ab alijs, quam a suis, nisi forte privilegiati sint, ut ea possint petere a quibuscunque velint. gloss. 2. in d. c. presbyteri.

Cap. 4. Nullus.

EPISCOPVS, seu alius superior, primam tonsuram infanti non confert.

QUIA infans, scilicet, minor septennio, quid agat, ignorat. S. Th. par. 3. q. 43. art. 2. in addit. Et quoniam per primam tonsuram clericalis ordo confertur. c. cum contingat. extr. de etate. & qualitate ordin. Et illis est danda, qui ut Deo fidelium cultum praestent, clericalem vitam eligunt. Concil. Trid. sess. 23. cap. 4. Ideo in ista etate, in qua pueri ex defectu iudicij, nesciunt quid talis tonsura importet, & non habent cognitionem ad illam eligendam, non est eis talis ordo conferendus. ut in tex. & c. de his. dist. 28. Dicitur autem, quod illam non debent istis conferre Episcopus, seu alius inferior. ut in tex. quia etiam abbates illam conferre possunt. cap. abbates. infr. de priuilegiis. sicut etiam possunt ex pri-

ex privilegio conferre ceteros ordines minores. *glos. in cap. quoniam. distinct. 69.*

N I S I religionem intret.

Q V I A parentes possunt filios infantes monasterijs offerre, & tradere, non vt per illā oblationē præcisē obligentur ad votum religionis emittendum, sed vt ad illam magis inclinentur. *c. 1. & ibi in sum. 20. q. 1.* Sicut similiter est in sponsalibus infantium, contractis per parentes ponentes spem ad illorum validitatem, in ratificatione filiorum, cum ad ætatem legitimā peruenerint. *c. 1. extr. de despons. impub.* Et quoniā sūma est ratio, quæ pro religione facit. *l. sunt. ff. de relig. & sumpt.* Ideo, licet regulariter non possit infanti prima tonsura conferri, vt dictum est superius, in fauorem religionis conceditur, vt in illo statu à secularibus negotijs remoto, possit infanti illam ingresso, iste clericalis ordo conferri, vt in *tex.*

N E C homini illiterato.

Q V I A litteris carens, sacris officijs aptus esse non potest. *c. illiteratos. dist. 36.* Et quoniam ordines clericales ijs sunt conferendi, qui in illis proprium possint adimplere officium. *c. penult. extr. de ætat. & qual. ord.* Ideo litteras ignoranti, etiam prima tonsura conferri non debet. *vt in tex. & c. præcipimus. dist. 34.* Et hoc intellige de penitus illiterato. *glos. in d. c. illiteratos;* Et de illo, qui fidei erudimenta non fuerit edoctus, quique ad minus legere, & scribere nesciat. *Concil. Trid. sess. 23. cap. 4.* Sed parum scientes, si est spes, quod possint addiscere, ordinari possunt in minoribus; si autem non sit spes, quod ediscere possint, non debent ordinari, nisi fortè in tali ecclesia, quæ nunquam indigeat eorum promotione ad ordines maiores. *Archid. hic. nu. 2.*

N E C homini alterius diœcesis, absque sui prælati licentia.

Q V I A nemo debet ponere falcem in messem alienam; nec alterius iurisdictionem sibi attribuere. *c. venerabilem. extr. de elect.* Et quoniam collatio ordinum spectat solum ad prælatum, qui superior sit ordinando, vel ratione originis, vel beneficii, vel domicilij. *supr. c. prox.* Ideo alij prælati aliquem, sine licentia alicuius de istis prælati superioribus, ordinare non debent. *vt in tex. & supr. d. c. prox.*

N E C etiam coniugato.

Q V I A coniugatus tenetur reddere debitum vxori, cum vir nō habeat potestatem sui corporis, sed vxor, & econuerso. *Apost. 1. ad Corinth. c. 7.* Et quoniam clerici debent à voluptatibus, & carnalibus desiderijs vacare; & munditiam corporis custodiendo, diuinis, & ecclesiasticis obsequijs incumbere. *c. quod à te. extr. de cler. coniug.*

Ideo coniugato, qui non potest munditiam castitatis seruare, prima tonsura conferri non debet. vt in tex. & c. Episcopus. & ibi glos. 1. dist. 77. Potest tamen ille, qui erat clericus in minoribus, ducendo uxorem, si fuerit deputatus seruitio alicuius ecclesiæ, & in habitu clericali, & tonsura inceserit, quo ad aliqua gaudere priuilegio clericali. infr. c. vnic. de cleric. coning. & Concil. Trid. sess. 23. cap. 6. Multa enim fieri prohibentur, quæ facta tenent. c. ad Apostolicam. extr. de regul. Et turpius eiicitur, quam non admittitur hospes. c. quemadmodum. extr. de iureiur.

NISI religionem intret, aut ad sacros promoueatur legitime.

QU^{VIA} in tali casu etiam eius uxor debet promittere, & obseruare castitatem. c. cum sis. extr. de cleric. coniug. Et quoniam etiam ipse coniugatus ordinandus illam seruare, in receptione primæ tonsuræ promittere deberet, propter præsumptionem, quæ est contra eum, ne ad uxorem rediret, licet in cæteris non coniugatis talis promissio non exigatur. d. glos. in d. c. Episcopus. & c. sanè. §. cum autem. 15. q. 3. Ideo cum talis possit tunc habere corporis munditiam, ad ordines promoueri non prohibetur. vt in tex. & d. c. cum sis.

ALIAS contrafaciens punitur.

QU^{VIA} pœna imponitur delinquenti, in vindictâ eius culpæ, & ut sit cautiore in futurum, ac ut alij perterriti à similibus abstineant, vt not. infr. in c. 2. de offic. ordin. Et quoniam quis puniendus est in eo, in quo peccauit, vt in tex. & c. quæsiuit. extr. de his, quæ fi. à mai. par. cap. Ideo talis, qui deliquit in collatione primæ tonsuræ, per annum à tali collatione suspenditur. vt in tex. & extr. c. litteras, & vide circa hæc quid hodie sit seruandum per Conc. Trid. sess. 23. de refor. c. 10.

Liber Primus. Titulus Duodecimus.

DE SCRUTINIO IN ORDINE FACIENDO.

In Decretal. Cap. 1. Ex parte.

EPISCOPVS interrogatus in scrutinio Episcopi ordinandi, potest respondere illum dignum, si non nouit illum indignum.



QU^{VIA} de quolibet præsumendum est bonum, nisi probetur contrarium. c. dudum. de præsumpt. Quod intellige de bonitate naturali, & intrinseca, cum qua homo nascitur, puta, quod aliquis sit ca-

fit castus, pacificus, sobrius, & similia. glos. in c. si forte. ver. scientia. de elect. in 6. Homo enim naturaliter creatur bonus, & in illa bonitate præsumitur perdurare. Butr. hic nu. 12. Nec obstat peccati originalis destructio, quia contra illud datur sacramenti baptismi reparatio. c. firmiter. §. 2. de sum. Trin. Ideo cum constet semel reparatus, adhuc præsumitur reparatus, donec constet contrarium. l. siue possidetis. C. de probat. Si verò constet post baptismum, aliquem semel malum, & non idoneum fuisse, præsumitur semper malus, & non idoneus in illa specie, donec contrarium probetur, siue non idoneitas surgat ex malitia animæ, siue corporis defectu. c. cum R. de elect. & c. semel. de reg. iur. in 6. Aliqua verò est bonitas, & idoneitas accidentalis extrinsecus adueniens, vt litteratura, & talis qualitas non præsumitur, nisi probetur; & ideo super ea fit examinatio. d. glos. in d. c. si forte. & glos. fin. in d. c. dudum. Ideo ubi ordinandus non apparet non idoneus de idoneitate naturali, præsertim quādo est facta inquisitio generalis, & examinatio particularis super eius vita, & moribus, secundum, quod aliquod dubium poterat esse contra, eum per mores postea accidentaliter acquisitos. Abb. hic. nu. 7. Potest Episcopus interrogatus in ordinatione alterius Episcopi, & Archidiaconus, vel alius presbyter interrogatus in ordinatione aliorum inferiorum, sine peccato respondere (dummodo contra conscientiam non loquatur) quod in quantum humana fragilitas nosse finit, æstimat illum, esse dignum. vt in tex. & de offic. archid. c. penult. Sed si loqueretur contra conscientiam, etiam si diceret veritatem, ex quo intendit dicere falsum, peccaret. Abb. nu. 4. nam qui facit contra conscientiam, ædificat ad gehennam. c. omnes, §. ex his. 28. q. 1. De se autem potius quisque debet præsumere malum, & se non esse idoneum, quam præsumere merita, & idoneitatem. glos. 1. in c. cum in iure. de elect. quia tunc quo ad animæ salutem eligit tutiorem partem, & neminem offendit, cui credat se esse anteponendum. c. illud. de cleric. excom.

Libri Primus. Titulus XIII.

DE ORDINATIS AB Episcopo, qui renuntiavit episcopatu.

In Decretal. Cap. 1. Requisiuit.

EPISCOPVS, qui renuntiavit loco tantum ciuitatis, conferre potest ordines, sicut prius.

QUIA duo iura concurrunt in Episcopo, primo, ius dignitatis episcopalis, cohzrens personæ, quod habetur per consecrationem; secun-

secundo, ius administrationis coherens loco, cui praesidet, quod habetur per confirmationem. c. transmissam. de elect. Et quoniam potestas in his, quæ sunt in habitu ordinis, residet in dignitate coherente personæ; quo ad exercitium verò residet in loco, cui praest, & in quo habet administrationem; & hæc iura non sunt inseparabiliter connexa, vel indiuidua; vnde vni potest renunciari sine altero, si inchoetur à loco. Butr. hic nu. 1. Ideo Episcopus, qui renunciavit administrationi, sed non dignitati, potest illa, quæ sunt ordinis quo ad habitum, sed non quo ad exercitiū, quia caret obiectis. Butr. d. nu. 1. Vnde si in obiectis integretur per institutionem alterius Episcopi, qui habeat exercitium, poterit etiam ipse ordines illis conferre. vt in tex. & c. eū nullus. de tempor. ordin. in 6.

SI verò & dignitati, eum ordinato per eum ad minores, vel ignorantèr ad sacros, dispensat episcopus suus.

QUIA renuncians dignitati episcopali, non propterea perdit potentiam ordinandi, quin ordinando characterem imprimat. gloss. ver. executionem; cum potentia illa cohereat indelebili ordini episcopali. Butr. nu. 3. Sed quoniam nemo dat, quod non habet. c. Daibertum. 1. q. 7. Ideo ordinator ille, qui non habebat executionem sui officij, vt in tex. illam alteri conferre non potuit. c. statuiamus. §. sicut 1. q. 1. Recepit ergo talis ordinatus characterem, sed non executionem. vt in tex. Sed quoniam minores ordines à non episcopis quandoq. conferuntur. vt in tex. Et quoniam ignorantia facti excusat. & ignorantia. de reg. iur. in 6. Ideo datur facultas episcopo ordinario, vt si tales fuerint ordinati ad minores, etiam scienter, vel ad sacros ignorantèr, possit cum ipsis dispensare, tam ad ordinum sic susceptorum administrationem, quam ad aliorum ordinum promotionem. vt in tex. & gloss. fin. hic.

CV M ordinato verò scienter ad sacros, non dispensat.

QUIA talis ordinatus grauius deliquit, quam in superiori casu, tum quia circa maiora, tum quia scienter fecit, quod facere non debebat. Abb. nu. 6. Et quoniam propter huiusmodi maiorem gravitatem delicti, indignum se fecit, vt faciliter per episcopum posset cum eo dispensari. vt in tex. Ideo non conceditur episcopis, vt cum tali possint dispensare, sed talem dispensationem sibi Papa reseruauit. vt in tex. & Butr. nu. 3. Vbi enim maius periculum vertitur, ibi cautius est agendum. c. vbi periculum. de elect. in 6. Et vbi est maior culpa, ibi grauior pœna est iniungenda. c. disciplina. dist. 45.

Cap. 2. Cum clericis.

CV M clericis, qui ab excommunicato episcopo ignorantèr ordines receperunt, per suos poterit episcopos dispensari.

QVIA

QU^{IA} licet episcopus excommunicatus sit extra ecclesiam. c. audiuius. 24. q. 1. nihilominus retinet characterem ordinis episcopalis, à quo pendet potestas ordinandi. c. ab excommunicatis. 9. q. 1. Ideo confert ordinem, si in eius collatione ecclesiæ formam seruauerit. gloss. 1. hic. Sed quoniam ipse non habet ordinum exercitium. c. ordinationes. d. q. 1. Ideo illud alijs dare non potest. c. quod autem. de iurepatr. Et quoniam ignorantia facti excusat. c. ignorantia. de reg. iur. in 6. Ideo conceditur, ut cum clericis, qui ignorantes episcopum illum esse excommunicatum, receperunt ordines ab eo, si in eorum ordinatione fuerit ecclesiæ forma seruata, possit quo ad ordinum receptionem exercitiū, per proprios episcopos dispensari. ut in tex. & d. gloss. hic.

Liber Primus. Titulus Decimusquartus.

D E A E T A T E, E T
Qualitate, & ordine præficiendorum.

In Decretal. Cap. 1. Ut abbates.

PER priuationem beneficij, arctantur beneficiati ad sumendos ordines, quos beneficia requirunt.



QU^{IA} de annexis idem est iudiciū, ut qui vult vnum de eis, debeat velle & reliquum. c. translato. de constitut. Ideo ubi quis beneficium accepit, cui sit aliquis ordo annexus, si ille vult legitime retinere beneficium, debet assumere ordinem, per quem possit tali beneficio inferuire. ut in tex. & c. significatum. de præb. Alijs debet beneficio priuari. ut in tex. quia qui non vult omnes, nec debet sentire commodum illi oneri annexum. c. qui sentit. de reg. iur. in 6. Quæ priuatio est per superioris sententiam faciendā, cum tex. hic loquatur per verbum amittant, quod non fert executionem ipso iure, sed respicit executionem futuram faciendam ab homine. ut not. Innoc. in c. accepta. de restitut. spoliar.

Cap. 2. Ex ratione.

ECCLESIA dispensatiuè minori concessa, non per laicos; sed per clericos regi debet, donec ille peruenerit ad ætatem.

QU^{IA} laicis quantumcunq. religiosis, super ecclesijs, & personis ecclesiasticis nulla est attributa facultas; cum eos in spiritualibus maneat

maneat necessitas obsequendi, non auctoritas imperandi. cap. ecclesia. de constitut. Et quoniam si laicus deputaretur ad habendam administrationem, & custodiam ecclesiæ, loco titularis inhabilis, videretur sibi commissæ ecclesiæ dispositio. vt in tex. Ideo, licet laicis possit specialis procuratio aliquarum rerum temporalium ecclesiæ committi. c. indicatum. dist. 89. & Innoc. hic. Generalis tamen administratio ecclesiarum, ita quod super omnes dominantur, eis committi non potest. vt in tex. & c. in nona. 16. q. 7.

Cap. 3. Indecorum.

REGIMEN ecclesiæ minori quatuordecim annis, commissi non debet.

QU^{IA} indecorum est, vt hi debeant ecclesias regere, qui non nouerunt gubernare seipsos; cum ad ecclesiarum regimen tales personæ sint admittendæ, quæ discretione præmineant, & morum fulgeant honestate. vt in tex. Et quoniam ista discretio non potest ante decimum quartum ætatis annum sufficienter haberi. S. Tho. par. 3. q. 43. art. 2. in addit. Et qui sint futuri mores adolescentum propter eorum instabilitatem, est de difficilibus cognitu; Vnde Salomon inquit, Tria sunt difficilia mihi, & quartum penitus ignoro; viam aquilæ in caelo, viam colubri super petram, viam nauis in medio maris, & viam viri in adolescentia. prouerb. cap. 30. Ideo ante ætatem decimi quarti anni, non est alicui ecclesiasticum beneficium conferendum. vt in tex. & Concil. Trid. sess. 23. cap. 6. Ex studijs tamen, & moribus adolescentiæ præsumitur, qualis sit quis futurus in reliqua ætate. prouerb. cap. 20. & de præsumpt. c. ex studijs.

Cap. 4. Eam te decet.

Ad regimen ecclesiarum non debet institui indignus scientia.

QU^{IA} ignorantia mater cunctorum errorum, maximè sacerdotibus Dei euitanda est, qui docendi officium in populo Dei susceperunt. c. 1. dist. 38. Tu enim, inquit Dominus, scientiam repulisti, & ego te repellam, ne mihi fungaris sacerdotio. Osee. cap. 4. Ideo qui non habet sufficientem scientiam ad suum officium adimplendum, ad illud in ecclesijs assumi non debet. vt in tex. & Concil. Trid. sess. 21. c. 6. Scire enim quisq. tenetur, quæ ad suum pertinent statum. Sapient. c. 6.

V E L moribus.

QU^{IA} qui ad curam aliorum ponitur, in seipso debet ostendere, qualiter alios in domo Dei oporteat conuersari. c. cum in cunctis. §. 1. de elect. aliter, propter vitæ turpitudinem, potius destruit,

struit, quàm ædificet. Concil. Trid. d. cap. 6. Ideo ecclesiarum regimen dandum est tali, qui ædificet cunctos tam fidei scientia, quàm operum disciplina. c. ignorantia. dist. 38. Si enim bene vixerit, & bene docuerit, populum instruit. Si bene docuerit, & male vixerit, sui condemnator erit; nam bene viuendo, & bene docendo, populum instruit, quomodo viuere debeat; bene autem docendo, & male viuendo, Deum instruit, quomodo debeat eum condemnare. S. Io. Chrysost. tomo 7. homil. 43. in caput 23. Matthei.

VEL atate.

QU^{IA} indecorum est, vt hi debeant ecclesias regere, qui non nouerunt gubernare seipsos. supr. c. prox. Ideo debet prius per ætatem quis discere, quàm aliorum curam assumere. c. qui ecclesiasticis. dist. 36. Hinc Salomon ait, prius tempus tacendi, & postea loquendi. ecclesiast. cap. 3. nam veritas prius tacendo discitur, & postea loquendo prædicatur. d. c. qui ecclesiasticis. Non est ergo aliquis ad ecclesiarum regimen assumendus, in quo ætatis maturitas, morum grauitas, & litterarum scientia non reperiantur. d. c. cum in cunctis. Ne si cæcus cæco ducatum præstet, ambo in foueam cadant. Matth. cap. 15.

ET qui habet duas ecclesias, alteram dimittere cogitur.

QU^{IA} cum vix vnum officium quis implere sufficiat, incongruum est, vt sibi vendicet stipendia plurium. c. quia. de cleric. non resid. & cap. presbyteros. 16. q. 1. Ideo quando ecclesia, vel ecclesiasticum ministerium est assignandum, talis ad id persona uelatur, quæ residere in loco, & curam beneficii valeat per seipsam exercere. d. c. quia. Et singula ecclesiastici iuris officia singulis quibusq. personis sigillatim committantur; nec quantumlibet exercitæ vni personæ vno tempore duarum rerum officia assignentur, quia si totum corpus est oculus, vbi auditus? c. singula. dist. 89.

NISI causa subsit.

QU^{IA} ex causa receditur à generalis regulæ dispositione, & quod ipsa specialis causa, & ratio dicat, statuitur. c. de multa. de præb. Ideo licet generaliter vni non sint plures ecclesiæ committendæ, vt in tex. quia tamen aliquando specialis ratio suadet, vt aliter statuatur, ab illa generali dispositione receditur, & vni plures ecclesiæ conferuntur. d. c. de multa, & glos. in sup. 21. q. 1. quæ ad hoc enumerat sex casus, in quibus vni dantur plures ecclesiæ: Primus, scilicet, quando ecclesiæ sunt tenues. vt in c. vnic. 10. q. 3. Secundus, si vna pendet ex altera. vt in hoc tex. Tertius, si habet vnam intitolatâ, & aliam commendatam. vt in cap. qui plures. 21. q. 1. & de elect. c. dudum il 2. Quartus, si episcopus dispensat cum aliquo. vt 70. dist. c. sanctorum.

Quintus, ubi est paucitas hominum, scilicet extra ciuitatem. vt in c. clericus. 21. q. 1. Sextus, si ecclesia adhæret præbendæ. vt in c. extirpandæ. de præb. Vnde versus:

Paupertas, pendens, defectus, gratia, seruans,

Ecclesias retinere duas, dat quodlibet horum. glos. fin. hic. Et nouissime per Concil. Trid. statuitur, vt vnum tantum beneficium ecclesiasticum singulis conferatur; quod quidem, si ad vitam eius, cui confertur, honestè sustentandam, non sufficiat; liceat nihilominus aliud simplex sufficiens, dummodo vtrumq. personalem residentiam non requirat, eidem conferri. Hæc q. non modo ad cathedrales ecclesias; sed etiam ad alia omnia beneficia, tam secularia, quam regularia quæcunque, etiam commendata, pertineant, cuiuscunq. tituli, ac qualitatis existant. sess. 24. cap. 17.

Cap. 5. Præterea.

IS, qui nondum est in sacris, si aliàs est idoneus, ad regimen parochialis ecclesiæ dispensatiue potest assumi.

QUÏA vbi ecclesiæ necessitas, vel utilitas suadet, iuris rigor est relaxandus. c. nemo. de elect. in 6. & cap. dispensationes. 1. q. 7. Et quoniam parum interest, an aliquid fiat in præsentī, an in breui tempore. l. lecta. ff. si cert. pet. Ideo, licet ad regimen parochialis ecclesiæ non debeat aliquis, nisi subdiaconus sit ad minus, assumi; dispensatiue tamen in minoribus ordinibus constituti possunt admitti; si sint tales, qui intra breue tempus possint in presbyteros ordinari, vt in tex. & c. cum in cunctis. §. inferiora. de elect. Et dispensatio ista potest per Episcopum concedi. glos. 2. & Butr. hic. Breue autem tempus hic appellatur annus. d. glos. Cum intra annum à die commissi sibi regiminis adnumerandum, debeat curatus se facere ad sacerdotium promoueri. c. licet. de elect. in 6. Et intra annum bene potest ad omnes sacros quis promoueri; immo in vna quadragesima, cū in ea sint tres dies sabbati ordinationū. Abb. hic nu. 3. Sed ex Cōcilij Trid. decreto hodie debet quis per annum esse versatus in vno ordine sacro, antequam ad alium promoueat, nisi ob ecclesiæ utilitatem, ac necessitatem aliud episcopo videatur. sess. 23. cap. 13. & 14.

Cap. 6. Quæris.

PROPTER necessitatem, & utilitatem ecclesiæ, compelluntur clerici ipsius recipere ordines suis beneficijs non annexos.

QUÏA propter ecclesiæ necessitatem, & utilitatem, receditur nonnunquam à solita iuris regula, vt maius aliquid lucrifiat. c. dispensationes. 1. q. 7. Ideo licet regulariter quis non sit adstringendus, nisi

nisi ad ordinem suo beneficio annexum. supr. c. 1. ex quo tamen clericus se adstrinxit ad seruitium alicuius ecclesiæ, si illius utilitas requiratur, debet exequi non solum particulare seruitium, ad quod iure ordinario tenetur, sed etiam aliquid amplius propter insurgentem necessitatem, vel utilitatem. vt in tex. & c. consuluit. dist. 74. Maius enim bonum minori bono, & communis utilitas particulari utilitati est præferenda. c. licet. de regular. Compulsio autem ista fit, vel alios clericos eis præferendo, vel fructus beneficiorum ad tempus eis subtrahendo, vel eos beneficijs priuando, secundum quod eorum contumacia in non parendo, vel qualitas eorum beneficiorum, & necessitas ecclesiæ requirunt. vt in text. & Abb. hic.

Cap. 7. Ad aures.

EVENTVS mortalitatis infirmi, non impedit promoueri eius medicum peritum, sollicitum, & traditiones artis obseruantem.

QUIA homicidium casuale non imputatur ei, qui dedit operam rei licitæ, nec fuit in culpa. c. dilectus. de homicid. Et quoniam, medicina est res licita, dicente Salomone: Honora medicum, propter necessitatem; etenim illum creauit altissimus. Ecclesiast. cap. 28. Et non est in medico, semper releuetur vt æger. l. illicitas. §. sicuti. ff. de offic. præsid. Ideo sicut imperitia medico imputatur, ita peritia, & diligencia reddunt eum innoxium. d. §. sicuti. & l. idem iuris. ff. ad leg. Aquil. Et sic casus mortis, in quo ipse non fuit in culpa, non reddit eum irregularem, & inhabilem ad ordines. vt in tex. & cap. tua. de homicid. Religiosus tamen, & alij in sacris constituti prohibentur medicinam exercere, vel audire. c. fin. ne cleric. vel monach. Et tales illam exercentes, sunt arbitrio superioris puniendi, tanquam usurpantes officium alienum contra præceptum canonis. d. c. tua. & glos. i. in c. sententiam. d. tit. ne cleric. vel monach. Religiosus verò chirurgiam exercens, si ex ea mors sequatur, sit irregularis, etiam si sit peritus, & diligens, & hoc fecerit causa pietatis; sed cum eo post satisfactionem, potest misericorditer dispensari. d. c. tua. An autem peritè, vel imperitè medicus dederit medicinam infirmo, si aliud non apparet, hoc relinquitur conscientie eius. vt in tex: Et quando dubitat, quod medicina possit nocere infirmo, non debet illam dare; sed potius debet sine medicina relinquare infirmum in manu Creatoris. l. item si. ff. ad leg. Aquil.

Cap. 8. Cum bonæ.

QUI stetit per annum in suspensione, priuatur beneficio, quod prius habebat.

QUIA sicut excommunicatus, qui sustinet excommunicationem, per annum, priuatur beneficijs, quæ habet. c. rursus. 11. q. 3. Quod

nitellige, quando propter crimen citatus, comparere recusauit; & ideo fuit excommunicatus. glos. in d. c. rursus. ita, & qui stat in suspensione, per annum, est beneficio priuandus, si propter contumaciam in criminali contractam, fuerit suspensus. Abb. antiquus hic. Nisi enim contumaces, & contemptores isti punirentur, neruus ecclesiasticæ disciplinæ dirumperetur. c. cum inter. de consuet. Quando verò fertur suspensio propter causam ciuilem, tunc, ut deueniatur propter illam ad priuationem beneficij, requiritur lapsus triennij. ut in text. quia eo casu non ita grauiter offenditur auctoritas superioris, sicut fit in causa criminali. Abb. hic num. 7.

ET quod interim acquisiuit.

Q V I A suspensi sunt inhabiles, & indigni ad beneficia acquirenda. c. cum dilectus. & ibi glos. de consuet. & c. per inquisitionem. de elect. Et quoniam in talibus principium est considerandum. c. dudum. il. de elect. & c. sacerdotes. 16. q. 3. Ideo suspensi non possunt retinere beneficia, quæ acquisiuerunt durante suspensione, etiam si postea, fuerint absoluti. glos. penult. hic.

Cap. 9. A multis.

SUBDIACONVS in Episcopum eligi potest.

Q V I A licet in primitiua ecclesia subdiaconatus non esset ordo sacer. c. nullus in Episcopum. dist. 60. Et quoniam, qui non est in sacris, nō potest eligi in Episcopum. d. c. nullus. Sed si sit in Episcopū promouendus ille, qui non est in sacris, debet postulari. c. Osius. dist. 61. Ideo nō poterat in primitiua ecclesia subdiaconus promoueri in Episcopum, nisi dispensatiue. d. c. nullus. Sed quoniam hodie subdiaconatus inter sacros ordines computatur. c. erubescant. dist. 32. Et ad similitudinem diaconi, & presbyteri, debet subdiaconus continentiam obseruare. c. si quis. dist. 32. Et beatus Gregorius legitur statuisse, ut nullum facere subdiaconum præsumant Episcopi, nisi qui se castè viduorum promiserit. c. nullum. dist. 28. Ideo ex quo hodie subdiaconi onerantur ad obseruandam castitatem, sicut diaconi, & presbyteri; dignum est etiam, ut honorentur per facilitatem ad altiore gradum ascendendi, sicut honorantur illi. glos. hic. ver. obseruare. & c. de lapsis. 16. q. 6. Si autem quæris, quomodo ecclesia imponat alicui necessitatem continendi, cum continentia sit res voti, non præcepti, ut 32. q. 1. c. integritas. Respondetur, quod ecclesia neminem cogit continere, sed in ordine, quem dat, potest imponere legem, quam vult, sicut quilibet alius in traditione rei suæ. ut ff. de pact. l. in traditionibus. glos. in d. cap. nullum. Sed ecclesia potest etiam in aliquo gradu inhabilitare personas ad simul contrahendum. c. non debet. de consang. & affinit. Nam personæ illegitimæ ad matrimonium contrahendum, dicuntur ex eo, quod sunt cōtra legē, qua matrimonium statuitur; Matrimonium autem, in quantum est in officium natura-

12, sta-

re; statuitur lege naturali; in quantum est sacramentum, statuitur iure diuino; in quantum est in officium cōmunitatis, statuitur lege positia. S. Tho. par. 3. q. 30. art. 1. ad 4. in addit. Ideo ordo sacer impedit matrimonium; nam ibi intelligitur tacita continentia facta cum solemnitate, & ex constitutione ecclesiæ. glos. in sum. 27. q. 1.

Cap. 10. Tuam.

IRREGULARIS, & in minoribus ordinibus constitutus, dispensatiue potest in abbatem institui.

QU. I. A dispensatio est cōmunis iuris relaxatio, facta cum causa cognitione ab eo, qui potestatem habet dispensandi. Abb. in c. dilectus. nu. 5. de tempor. ordin. Et debet fieri principaliter propter bonum publicum. Abb. in c. de multa. nu. 7. de præben. Et quoniam ius commune, ubi causa rationabilis, & commune bonum suadent, potest relaxari: cap. sciendum. dist. 29. Ideo, licet de iure cōmuni abbas debeat esse sacerdos, aliis remouetur. supr. cap. 1. & glos. 1. hic. Tamen si necessitas, & publicum bonum aliter exposcant; potest ab illa regula iuris cōmunis recedi; & ob talem causam, etiam irregularis, & in minoribus ordinibus constitutus, in abbatem assumi. vt in tex. Nomen enim abbatis, licet sit honoris, & dignitatis. c. vt Apostolicæ. de priuileg. in 6. est tamen plus oneris, quam honoris. c. hoc tantum. 18. q. 2. & glos. 2. hic. Curia tamen Romana ex eius speciali prærogatiua instituit ordinariæ in abbatem, etiam non presbyterum; sed ab inferioribus hoc fieri non debet, ex quo in iure statuitur, quod abbas debet esse presbyter. Abb. hic in fin.

Cap. 11. Cum contingat.

ABBAS, si est presbyter, & est benedictus, conferre potest ordinem clericalem.

QU. I. A cum prima tonsura, & quatuor ordines minores non habeant annexum votum castitatis, nec sint tantæ excellentiæ, sicut sunt ordines sacri, non ita pertinet eorum collatio ad Episcopum, quin etiam per abbates in eorum monasterijs illorum conuersis, & alijs, qui ad illa conuolauerint, & in quos ecclesiasticam, & quasi episcopalem iurisdictionem obtinent, possint ordines illi conferri. c. abbates de priuileg. in 6. Ideo vnique abbati conceditur, vt possit primam tonsuram in proprio monasterio suis subiectis personis conferre. vt in tex. cum illa sit minus excellens inter ordines; ita vt etiam cæteris presbyteris habentibus iurisdictionē, eius collatio concedatur. c. psalmista. dist. 23. Est tamen illa secundum canonistas, ordo clericalis. vt in tex. cum per eam recipiat ordinatus officium cāfandi in ecclesia, dicente ei ordinante: Vide, vt quod ore cantas, corde credas; & quod corde credideris, operibus compleas. d. c. psalmista. Et ob id ille gaudet priuilegio

gio

gio canonis; si quis suadere. gl. sup. hic. Sed secundum Theologos non adnumeratur inter ordines; ex eo, quod in collatione cuiuslibet ordinis fit mentio de aliqua potestate data; quæ mentio non fit in collatione priuæ tonsuræ; ideo per eos illa existimatur solum præambulum ad ordines. S. Tho. par. 3. q. 40. art. 2. in addit. sed canonistæ tenent, quod illa potestas cantandi in ecclesia, sit officium tonsurato assignatum, quamquam illud officium non sit proprium tonsurati, sed commune ad omnes ecclesiæ ministros. Butr. hic nu. 6. Collatio verò aliorum quatuor ordinum minorum, cum illi sint aliquantulum excellentiores, non conceditur cuiuslibet abbati; sed solum illi abbates possunt eos conferre, qui hoc habent ex priuilegio. gl. 2. in c. quoniam. dist. 69. debet autem talis abbas ordinans esse prius benedictus ab episcopo. vt in tex. quia per illam benedictionem recipit abbas suam dignitatem. d. c. quoniam. Et debet esse presbyter. vt in tex. quia de iure communi est remouendus ab honore abbatie ille, qui non ordinatur in sacerdotem. sup. c. 1. Si tamen per abbatem non steterit, quin benediceretur, sed per episcopi duritiam; tunc conceditur abbati electo, vt possit suum officium exercere, ac si esset benedictus. c. 1. de suppl. negl. prel. licet tex. ille loquatur de Cisterciensibus; & ideo solet tantum ad Cistercienses hoc priuilegium extendi, & etiam in ipsis dubitatur, an illa concessio exercendi officium ante benedictionem, extendatur ad manum ordinatoriam. Butr. hic nu. 4. vt plurimum tamen tenetur, quod se extendat etiam ad illam. gl. 2. hic. Hodie verò per Concil. Trid. statuitur, vt abbatibus, ac alijs quibuscumque, quantumuis exemptis, non liceat in posterum, intra fines alicuius diocesis consistentibus, etiam si nullius diocesis, vel exempti esse dicantur, cuiquam, qui regularis subditus sibi non sit, tonsuram, vel minores ordines conferre; nec ipsi abbates, & alij exempti, aut collegia, vel capitula quæcumque, etiam ecclesiarum cathedralium, litteras dimissorias aliquibus clericis secularibus, vt ab alijs ordinentur, concedant; sed horum omnium ordinatio, seruatis omnibus, quæ in ipsius sanctæ Synodi decretis continentur, ad episcopos, intra quorum diocesis fines existant, pertineant; non obstantibus quibuscumque priuilegijs, prescriptionibus, aut consuetudinibus, etiã immemorabilibus. sess. 23. c. 10.

Cap. 12. Intelleximus.

SI canonicus regularis factus monachus, iuxta de causa ad canoniam reuersus, ibi postea præficiatur, licite tenere poterit prælaturam.

QUAM VI A licet in canone cautum sit, ne quis canonicus regularis, nisi publice lapsus sit, monachus efficiatur, & si factus fuerit, ad canonicatus ordinem reuertatur, vltimus in choro manendo, eucullam ad memoriam delaturus, vt in tex. & c. mandamus. 19. q. 3. Tamen

mèn quia illud intelligitur, quando leuitatis causa transiuit, & non petita licentia à superiore. glos. 2. in d. mandamus, & ideo in eius leuitatis pœnam, & ne quis ex temeritate transeat in iniuriam suis ordinis, fuit taliter statutum. glos. 2. in c. sanè. de regular. Sed quoniam secus est, quando zelo sanctioris vitæ transiuit, petita prius à suo prælato licentia, licet non obtenta. c. licet. de regular. Ideo si licitè transiuit, & licitè redijt, puta, quia non inuenit religionem, quæ ab eo credebatur. Innoc. hic in fin. & quia canonici ipsum repetant. Berr. hic in fin. si ibi postea præficiatur, licitè poterit tenere prælaturam. vt in tex. Vnde quo ad transitum de vna religione in aliam, est distinguendum, quod quandoq. quis transit ad strictiorem, & est in habitu probationis tantum; & tunc potest ad primam reuerti; quia transiisse ad aliam religionem non dicitur, nisi facta professione in ea. Zabar. in Clemen. 1. in primo opposito, de regular. Quandoq. ibidem professus est, & tunc, aut transiuit, licentia nullo modo petita, & cogitur reuerti, vt not. Abbl. in d. c. licet. aut transiuit, licentia petita; & tunc, si locus est latioris religionis, reuerti compellitur; aut est strictioris, & tunc, aut transiuit leuitatis causa, id est, non petita licentia, & tunc reuerti compellitur; aut transiuit bono zelo, petita licentia, & tunc ad priorem reuerti non potest. glos. & Abbl. hic.

Cap. 13. Accepimus.

ORDINATVS ad sacros sine titulo, ab ordinatore iuste petit beneficium.

QUIA non decet eos, qui diuino ministerio adscripti sunt, cum ordinis dedecore mendicare; aut sordidum aliquem quæstum exercere. c. diaconi. dist. 93. Et quoniam ille, qui ordinatur in sacris, ita diuino cultui adscribitur, quod non potest amplius ad sæculum reuerti. supr. c. à multis. Ideo statuitur, vt nullus clericus sæcularis, quamuis alias sit idoneus moribus, scientia, & ætate, ad sacros ordines promouetur, nisi prius legitimè constet, cum beneficium ecclesiasticum, quod sibi ad victum honestè sufficiat, pacifice possidere; vel sufficientem pensionem, aut patrimonium similiter habere. vt in tex. & Concil. Trid. sess. 21. cap. 2. Et quoniam de connexis idem est iudicium, vt qui vult vnum, debeat velle & reliquum. c. translatò. de constitut. Ideo Episcopus, qui talem ordinauit, tenetur etiam illi providere de titulo, vnde sustentetur. c. cum secundum, de præb. cum talis ordo, & titulus sine connexi. c. 1. & 2. dist. 70. Et licet in alienationibus, & delictis, culpa prædecessoris non obliget successorem. c. Episcopi. de reb. eccl. non alien. & cap. cum venerabilis. de except. Ex tali tamen facto, & ordinatione, obligatur etiam successor ad providendum illi ordinato in sacris sine titulo. d. c. cum secundum. nam talis obligatio non solum est contra ordi-

ordinantem, sed etiam contra suam ecclesiam, quæ non resistit Episcopo in tali promotione. gloss. in d. c. cum secundum. ver. successores. Et datur ordinato actio ad petendum beneficium, vel victum ab Episcopo, & ecclesia, ex quadam aequitate, ne in opprobrium ordinis mendicaret. Abb. hic num. 6. Si verò post ordinationem ille se reddiderit indignum beneficio, non est ei providendum vt in tex. Cum beneficia non sint conferenda indignis. c. nihil. de elect. qui, conueniens est, vt egestate laborent. l. bona fides. ff. de posit. Si verò contra ordinatum detegatur defectus præcedens ordinationem, si est talis, qui potuerit per diligentem Episcopum prauideri, debet ordinanti imputari. S. Thom. par. 3. q. 36. art. 4. in addit. Et ordinato est de beneficio providendum. c. vel non est compos. de tempor. ordin. quæ prouisio ei non fit propter suum particulare commodum, cum etiam ipse sit de propria culpa imputandus. vt infr. c. prox. Sed fit propter commune bonum, ne in opprobrium clericatus ille mendicet; & hoc est verum, dummodo non sit graue crimen, pro quo conueniens esset, vt egestate laboraret, vt dictum est superius, & Abb. d. nu. 6. vbi late tractat, & distinguit, in quibus casibus examinatus ad vnum beneficium, sit examinandus ad aliud, ne possit collator de negligentia imputari. Quæ noua examinatio est regulariter faciendâ, vbi propter aliquam causam ille non posset esset idoneus ad istud aliud beneficium, sicut erat ad prius obtentum. Abb. ibidem, & gloss. hic. ver. examinari.

Cap. 14. Cum sit.

MINVS idoneus in sacerdotem promoueri non debet.

QUIA tales sunt ad sacerdotium promouendi, qui digne possint dominica sacramenta tractare. c. tales. dist. 33. Et quoniam melius est, domini sacerdotium paucos habere ministros, qui possint digne opus Dei exercere, quàm multos inutiles, qui onus graue ordinatori adducant. d. c. tales. Et nihil est, quod alios magis ad pietatem, & Dei cultum assidue instruat, quàm eorum vita, & exemplum, qui se diuino ministerio dedicarunt; Cum enim à rebus sæculi in altiorum sublatis locum conspiciantur, in eos, tanquam in speculum, reliqui oculos conijciunt, ex ijsq. sumunt, quod imitentur. Concil. Trid. sess. 22. cap. 1. Ideo minus idoneus ad sacerdotium non est promouendus, ne fiat per ipsum iniuria Deo in ministerijs sacerdotalis dignitatis, & ne præponatur populo pro exemplo, & duce ille, qui ei præstet ducatum ad dilabendum in foueam, quasi cæcus cæcum ducens. vt in tex. & Concil. Trid. sess. 23. cap. 14. Sacerdotes enim sunt mediatores inter Deum, & peccatores. Leuitic. c. 14. Vnde ad sacerdotium oportet eos deligi, quos à Deo constat audiri. Osee. c. 9. Et qui ob reuerentiam sacramentorum, quæ tractant, sint cætero populo mundiores. 1. ad Timoth. c. 3.

NEG

NEC ad regimen animarum assumi.

QU^{IA} regimen animarum est ars artium. vt in tex. cum animæ sint pretiosiores omnibus alijs rebus. c. præcipimus. 12. q. 1. Et quoniam vbi maius periculum vertitur, ibi cautius est agendum. c. vbi periculum. de elect. in 6. Et integritas præsentium, est salus subditorum. Concil. Trid. sess. 6. cap. 1. de reform. Et nihil est, quod ecclesie Dei magis officiat, quam quod indigni assumantur prælati ad regimen animarum. c. nihil. de elect. Ideo cura animarum non est committenda alicui, qui non sit idoneus ætate, moribus, & scientia. c. cum in cunctis. de elect. & Concil. Trid. sess. 2. c. 6.

Cap. 15. Quamuis.

DE FECTVS scientia deiecit iam promotum.

QU^{IA} scientia est circa spiritualium administrationem potissimè necessaria, & circa curam temporalium opportuna. c. nisi. de renunt. Et quoniam qui promouetur ad curam aliorum, & ad aliud quod munus exercendum, si non est aptus ad illud, est remouendus, etiam si sit iam promotus. c. vel non est. de tempor. ordin. Tu enim, inquit Dominus, scientiam repulisti; & ego te repellam, ne sacerdotio fungaris mihi. Osee cap. 4. Ideo si in promotum ad curam animarum non sit sufficiens scientia ad illam exercendam, est à tali officio amovendus. vt in tex. & d. c. nisi. Si tamen sit alias honestæ vitæ, poterit in officio tolerari, dando ei coadiutorem, seu vicarium pro tempore, assignando eis partem fructuum pro sufficienti victu. Concil. Trid. sess. 2. c. 6.

In Sexto. Cap. vnic. Permittimus.

EPISCOPVS dispensat cum maiore viginti annis, in dignitatibus, & personatibus non curatis, si aliud non obstat.



QU^{IA} licet de iure communi non sit promouendus ad dignitatem, & personatum ecclesiasticum ille, qui viginti annorum suæ ætatis annum non attigerit. c. cum in cunctis. §. inferiora. extr. de elect. Tamen, quia illud ius commune habet locum tam in dignitatibus, & personatibus habentibus curam animarum annexam, quam in illam non habentibus. d. §. inferiora. Et quoniam maior idoneitas requiritur in exercentibus curam animarum, quam in alijs. extr. eod. c. cū sit. Ideo si propter aliquem alium respectum talis fuerit utilis ecclesie, vel fuerit in reliquis multæ prærogatiuæ meritum; conceditur Episcopis, vel propter ecclesie vtilitatem, vel propter prærogatam meri-

Q⁹ torum

torum promouendi, vt possint cum eo dispensare quo ad dignitates, & personatus non curatos. vt in tex. dummodo ille sit maior viginti annis. vt in tex. quia licet talis ætas non sit adhuc perfecta, sicut est in vigesimo quinto, & amplius in trigésimo anno. d.c. cum in cunctis. adcedit tamen ad perfectionem ita, vt ille non solum sit aptus ad cognoscendum ea, quæ ad eius personam pertinent; sed etiam ad ea, quæ extra ipsum sunt, intelligenda, & maturè consideranda. S. Tho. par. 3. q. 43. art. 2. in addit. Et etiam secundum leges ciuiles ob id, post vigésimum annum datur facultas, & venia ætatis, patrimonium gubernandi, licet de iure communi vigésimus quintus annus requiratur. l. 2. C. de his, qui ven. ætat. impetr. Sed nunquid Episcopus illum promouendo, videtur dispensare cum eo? Dicendum, quod si promouens sciat defectum promoti, & faciat hoc cum causæ cognitione, scilicet, examinando, an ex rationabili causa sit talis dispensatio concedenda, tunc censetur dispensasse, etiam si non exprimat verbum, dispensamus, ad hoc. extr. de appel. c. ad audientiam. Si verò, non præmissa dicta causæ cognitione, promouet, non videtur dispensare, glos. fin. hic. & Gemin. num. 6. imò taliter promouens esset puniendus, c. qui in aliquo, & ibi glos. dist. 5. 1. & c. nihil est. extr. de elect. Hodie verò circa ætatem promouendorum ad dignitates, & alia ecclesiastica beneficia, est attendendum Concil. Trident. sess. 24. cap. 12.

In Clement. Cap. 1. Cum ecclesiæ.

DIOECESANI seruare debent, & à subditis suis seruari facere iura loquentia de qualitate personarū præficiendarū ecclesijs.



QUOD ecclesiæ, quibus præficiuntur personæ minus idoneæ scientia, moribus, vel ætate, grauius propter hoc (vt experientia docet) perferunt in spiritualibus detrimenta. vt in tex. & sæpe etiam in temporalibus, earum bona ob huiusmodi defectum dilabuntur. extr. c. quamuis. Et quoniam Episcopis competit ratione officij, tam per seipsum, canones obseruare, quàm illos facere ab ipsorum subditis obseruari, vt in tex. & c. cum simus. 9. q. 3. Non enim sufficit prælato, quod sit bonus in se, nisi etiam sit, quantum in se est, bonus in subditis. c. licet. extr. de sent. excom. Ideo Summus Pontifex Clements Quintus, volens super hoc diligentius præcaueri; ad excitandum Episcoporum officium, per hanc constitutionem eis districte iniungit, vt ipsi statuta canonica, quæ super præficiendis personis in huiusmodi ecclesijs, hætenus emanarunt, diligentius per seipsum obseruent, & faciant à suis subditis inuiolabiliter obseruari; si diuinam offensam, & Sedis Apostolicæ

licet debeat vitare voluerit. *ut in tex. & gl. ver. ratione.*

Cap. 2. Vell.

IN capitulo cathedralis ecclesie, vel collegiate, vocem non habet, qui non est subdiaconus.

QUANDO ecclesie utilitas suadet, beneficiati illius ecclesie adstringuntur per aliquam penam ad suscipiendos ordines, etiam si suis beneficiis non annexos. c. quartis. extr. eod. Et quoniam magis expedit ecclesijs, ut canonici, & beneficiati potius sint in sacris, quam solum in ordinibus minoribus. *gl. i. hic.* Quod ex eo precipue est aliquum, quia ad vocem in capitulo, ut sicut minor subdiacono non eligatur in Episcopum. extr. c. a multis. ita nec ipse eligat alium, ut bene conveniant electus, & eligentes. Host. in c. extirpanda. §. qui vero. extr. de presb. Ideo licet canonici, & beneficiati non habeant de iure communi annexum eorum beneficiis ordinem sacrum ita, ut si illi ordinem non susceperint, talibus sint beneficiis privandi. *gl. hic. ver. in capitulo;* sicut privatur illi beneficiati, qui habent eorum beneficiis talem ordinem annexum. extr. c. 1. Tamen, ut hi, qui divinis officijs in cathedralibus, vel collegiatis ecclesijs emancipantur, ad suscipiendos sacros ordines propensus inducantur, statuitur, ut nullus eorum habeat vocem in capitulo (etiam si hoc sibi ab alijs liberè concedatur) nisi saltem in ordine subdiaconatus fuerit constitutus. *ut in tex.* Hodie verò est attendendum Concil. Trid. per quod statuitur, ut in omnibus ecclesijs cathedralibus omnes canonicatus, ac portiones habeant annexum ordinem presbyterij, diaconatus, vel subdiaconatus; & Episcopus tam consilio capituli designet, ac distribuatur, prout viderit expedire, quibus quisque ordo ex sacris annexus in posterum esse debeat; ita tamen, ut dimidia saltem pars presbyteri sint, ceteri verò diaconi, aut subdiaconi. *sess. 24. c. 12.*

H A B E N S beneficium, cui annexus est ordo, post annum, nisi prius (impedimento cessante) promoveatur ad illum, in capitulo vocem non habet, donec fuerit ordinatus; & interim perdit distributionem dimidiam.

QUANDO talis, qui est negligens in suscipiendo ordinem suo beneficio annexum, non est privatus beneficio, ipso facto, sed est per sententiam privandus. extr. c. 1. Et quoniam non est conveniens, ut antea talem sententiam privationis, iste retineat beneficium sine aliqua pena imposita de iure suæ negligentie; ob quam non præstat suo beneficio debitum servitium. c. cum quidam. extr. de tempor. ordin. ne securitas negligentiam, & negligentia pariat offensam; prædixit de pœnit. dist. 1. Ideo statuitur, ut etiam talis, in eius penam, non habeat vocem in capitulo, donec non fuerit ordinatus, & quod dimidia pars distributionum, quæ dantur ijs, qui certis horis intersunt, ei subtrahatur. *ut in tex.*

Q 9 2 Talis

Talis autem pœna incipit eum afficere post annum, à die habitæ pacificæ possessionis eius beneficij, vel à quo per eum stetit, quominus illam haberet. vt in tex. & glos. ver. intra. quia hæc est pœna negligentia. glos. ver. impedimento; & intra annum talis non dicitur negligens ad suscipiendum ordinem suo beneficio annexum, cum tale tempus ei concedatur à iure. de elect. in 6. cap. commissa. Sicut ob eandem causam non priuantur tali voce, & distributionibus ille, qui ex legitimo impedimento non se fecit intra annum, ad requisitum ordinem beneficij promoueri. vt in tex. cum nec talis possit dici negligens, dummodo impedimentum non prouenisset ex sua culpa. d. glos. impedimento. & d. c. commissa. Quando autem incurritur ista pœna, amittitur dimidia pars distributionum; etiã si alia dimidia non sufficiat ad talis beneficiati sustentationem; nam imputet sibi, cum per ordinis receptionem possit hanc pœnam vitare. glos. ver. pars. Et ista dimidia ei subtracta accrescit alijs diuino officio interessentibus. d. glos. hic. nisi per constitutiones ecclesiæ aliter disponeretur. Abb. hic; & Francus. c. fin. de rescript. in 6. Sed & aliæ pœnæ, quæ cōtra tales recusantes promoueri ad requisitos ordines statuuntur in iure, per hanc decretalem non reuocantur; cum nō solū per istā nō tollantur, sed exprimitur, quod censeantur in suo robore permanere. vt in tex. aliæ autem pœnæ habentur. extr. cod. in c. quaris, & de elect. in 6. c. licet canon. & quo ad regulares habentur. infr. de stat. monach. c. ne in agro. & ceterum. & vide Concil. Trid. sess. 7. de refor. c. 12. & sess. 14. de refor. c. 12.

Cap. 3. Generalem.

IN decimo octauo anno ad subdiaconatum; in vigesimo ad diaconatum; in vigesimo quinto ad presbyteratum potest quis libere promoueri.

QUIA licet per antiqua iura fuerit statutum, vt subdiaconus non minor viginti annorum ordinetur. c. subdiaconus. dist. 77. & diaconus non minor vintiquinque annorum. c. placuit. d. dist. 77. & presbyter non minor triginta annorum. c. Episcopus. eadem dist. Tamen quoniam ecclesiæ necessitas sæpe exposcebat propter ministrorum penuriam, vt citius quis ordinaretur. c. si triginta. dist. 78. Ideo generalis ecclesiæ obseruantia induxit, vt dictum tempus, à prædictis iuribus ad hæc statutum, non obseruaretur. vt in tex. Quam ecclesiæ obseruantiam, volens Summus Pontifex Clemens Quintus, illis iuribus in hac parte præferri, decernit, vt (alio non obstante impedimento canonico) possit quis libere in decimo octauo ad subdiaconatus, in vigesimo ad diaconatus, & in vigesimo quinto ætatis suæ anno ad presbyteratus, ordines promoueri. vt in tex. Sed hodie est attendendum Concilium Trident. quod est ius posterius, per quod statuitur, vt nullus in posterum ad sub-

diaconatus ordinem ante vigesimum secundum ; ad diaconatus ante vigesimum tertium ; & ad presbyteratus ante vigesimum quintum ætatis suæ annum, promoueatur. sess. 13. cap. 13. & cap. 24. sess. 12. de refor.]

Liber Primus. Titulus Decimusquintus.

DE SACRA VNCTIONE.

In Decretal. Cap. vnic. Cum venisset.

ECCLESIA Græcorum in ordinationibus, & consecrationibus, seruare debet vnctiones, quas seruat ecclesia Romana.



QUIA huiusmodi vnctiones, vel sunt de iure diuino, vel de præcepto ecclesiæ ; nam duæ sunt species vnctionis, vna exterior, quæ materialis est, & visibilis ; altera interior, quæ est spiritualis, & inuisibilis ; exteriori visibiliter inungitur corpus ; interiori inuisibiliter inungitur cor. De prima Iacobus Apostolus ait: Infirmatur quis in vobis, inducat presbyteros ecclesiæ, & orent super eum, vngentes eum oleo in nomine Domini ; & oratio fidei saluabit infirmum. epist. cap. 5. De secunda Ioannes Apostolus ait : Vos vnctionem, quam accepistis ab eo, maneat in vobis ; & non necesse habetis, vt aliquis doceat vos ; sed sicut vnctio eius docet vos de omnibus. epist. 1. cap. 2. Vnctio visibilis, & exterior, signum est interioris, & inuisibilis vnctionis. Vnctio verò inuisibilis, & interior, non solum est signum, sed etiam sacramentum ; quia si digne sumitur, vel agit, vel auget absque dubio, quod designat. Ad exhibendum autem exteriorem, & visibilem vnctionem, benedicitur oleum, quod dicitur cathecumenorum, vel infirmorum, & cõficitur chrisma, quod ex oleo fit, & balsamo, mystica ratione. Per oleum enim nitor conscientia designatur ; iuxta quod legitur : Prudentes virgines acceperunt oleum in vasis suis cum lampadibus. Matt. cap. 25. Per balsamum odor fama exprimitur, propter quod dicitur : Sicut balsamum aromatizans odorem dedi. Ecclesiast. cap. 24. Et quoniam ea, quæ sunt de iure diuino immutari non possunt. cap. 1. distin. 1. Et ea, quæ ab ecclesia Romana præcipiuntur, transgredi non licet. c. 1. de constitut. Ideo præter id, quod ius diuinum, & ecclesia catholica in ordinationibus, & consecrationibus, quo ad vnctiones exhibendas, disponunt, per alios attentari non debet. vt in tex. Et quoniam ea, quæ ad aliquem actum pro substantialibus requiruntur, si omittantur, vitiatur actum. c. quanto. de consuet. vel si spectant ex præcepto ad solemnita-

nitatem, sunt supplenda, ne videantur contempta. c. 1. infr. tit. prox. Ideo ex quo tales vñctiones ab ecclesia Romana, Christi fideliū omnium matre, & magistra, præcipiuntur observari, siue sint in actu substantiali, siue sint in actu solemnitatis ex præcepto, semper sunt seruandæ. vt in tex. & infr. tit. prox. c. presbyter. & vide Cōcil. Trid. sess. 7. de confirm. can. 3.

EPISCOPVS autem, cum consecratur, inungitur chrismate in capite, & manibus.

QUIA huiusmodi vñctione significatur non solum vñctio in corpore, sed etiam vñctio in corde, vt & interius nitorem conscientie quantum ad Deum, & exterius habeat episcopus odorem famæ quo ad proximum. De nitore conscientie dicit Apostolus; Gloria nostra hæc est, testimonium conscientie nostræ. 2. ad Corinth. cap. 1. nam omnis gloria filie regis ab intus. psal. 44. De odore famæ idem Apostolus ait; Christi bonus odor sumus in omni loco, & alijs sumus odor vite in vitam, alijs odor mortis in mortem. 2. Corinth. cap. 2. Debet enim episcopus bonum habere testimonium, & ab ijs, qui sunt intus, & ab ijs, qui sunt foris. 1. ad Timoth. cap. 3. vt cortina cortinam trahat, & qui audit, dicat, veni. vt in tex. id est, vt fidelis trahat infidelem. glof. ver. vt cortina; Hoc vnguento caput, & manus episcopi consecrantur, nam per caput mens intelligitur, iuxta illud; Vnge caput tuum, & faciem tuam laua. Matth. cap. 6. Per manus opera intelliguntur, iuxta illud; Manus meæ distillauerunt myrram. Cantic. cap. 5. Manus igitur inunguntur oleo pietatis, vt episcopus operetur bonum ad omnes, maxime autem ad domesticos fidei; Caput autem vngitur balsamo charitatis, vt episcopus diligat Deum ex toto corde, ex tota anima, & ex tota mente sua, & proximum suum, sicut seipsum; Caput inungitur propter auctoritatem, & dignitatem, & manus propter ministerium, & officium; Caput enim vngitur, vt ostendatur illius representare personam, de quo dicitur per Prophetam; Sicut vnguentum in capite eius, & cætera. psal. 132. Caput enim viri Christus; caput Christi Deus. 1. ad Corinth. cap. 11. qui de se dicit; Spiritus domini super me, eo quod vñxit me, euangelizare pauperibus misit me. Luc. cap. 4. Manus episcopi inunguntur, vt ostendatur accipere potestatem benedicendi, & consecrandi; vnde, cum eas consecrator inungit; Consecrare (inquit) & sanctificare digneris domine manus istas per istam sanctam vñctionem, & per benedictionem nostram; vt quæcunq. consecrauerint, consecrentur, & quæcunq. benedixerint, benedicantur in nomine domini. vt in tex. & c. placet. §. ecce. 16. q. 1.

*Q*UOD si fuerit prætermissum, per tres episcopos est supplendum.

QUIA in consecratione episcopi, debent ad minus tres episcopi interuenire. c. si archiepiscopus. de tempor. ordin. Et quoniam talis

talis vñctio est de substantia in consecratione episcopi. Abb. hic in princ. Et vbi deficit aliquid de substantialibus, actus est nullus. c. quanto. de consuet. Ideo per vnum episcopum, assistantibus ei duobus alijs episcopis, talis vñctio est supplenda. vt in tex. vt actus, qui non valebat, vt ex tunc, incipiat valere, vt ex nunc. glos. in c. non firmatur. de reg. iur. in 6. Et talis vñctio est supplenda, etiam si non esset de substantia, sed de præcepto quo ad solemnitatem, ne videatur contempta. vt dictum est superius, & infr. tit. prox. c. 1.

§. Vnde.

IN veteri testamento Reges vngebantur in capite ; sed post aduentum Christi Saluatoris inunguntur in brachio, siue humero, vel in armo.

QU^{IA} talis vñctio in capite significat auctoritatem, & dignitatem inuncti. supr. §. prox. Et quoniam postquam Christus Dominus Noster (quem vnxit Deus spiritu Sancto, sicut habetur in Actibus Apostolorum cap. 10.) vñctus est oleo pietatis præ consortibus suis; qui secundum Apostolum, est caput ecclesiæ, quæ est corpus ipsius. ad ad Ephes. cap. 1. Et ipse est caput omnis principatus, & potestatis, ad Colossens. cap. 2. Ideo talis vñctio principis, à capite ad brachium est translata, vt princeps ex tempore aduentus Christi, non vngatur in capite, sed in brachio, siue humero, vel in armo, in quibus principatus congruè designatur, iuxta illud, quod legitur; Factus est principatus super humerum eius, &c. 1. Regum. cap. 9. vt in tex.

EPISCOPI verò vñctio est in capite conseruata.

QU^{IA} episcopus in pontificali officio personam Christi, qui est caput ecclesiæ, repræsentat. vt in tex. Ideo eius caput inungitur, vt ostendatur Christi repræsentare personam. supr. §. prox.

ET episcopi caput chrismate consecratur, brachium verò principis oleo delinitur.

QU^{IA} dignitas ecclesiastica est dignior seculari. c. duo sunt. dist. 96. Ideo, vt ostendatur quanta sit differentia inter auctoritatem episcopi, & principis potestatem, episcopus inungitur chrismate, princeps verò secularis inungitur oleo. vt in tex. Cum vñctio chrismatis sit excellentior, & magis mysteriosa, quàm illa, quæ fit oleo tantum. vt supr. in §. prox.

§. Quia.

OMNES Christiani vnguntur, bis ante baptismum, & bis post baptismum.

QVIA

QU^VIA Christus fecit nos in sanguine suo Deo nostro regnum, & sacerdotes. Apocal. cap. 1. propter quod Petrus Apostolus ait; Vos estis genus electum, regale sacerdotium. epist. 1. cap. 2. Ideo in nouo testamento, non solum reges, & sacerdotes vnguntur. vt supr. §. prox. sed etiam omnes Christiani, bis ante baptismum, scilicet oleo benedicto primum in pectore, deinde inter scapulas; & bis post baptismum, scilicet chrismate sancto, primum in vertice, demum in fronte; In pectore namque baptizandus inungitur, vt per sancti Spiritus donum abijciat errorem, & ignorantiam, & suscipiat fidem rectam. vt in tex. quia iustus ex fide uiuit. Apost. ad Hebr. cap. 10. Inter scapulas vngitur, vt per Spiritus sancti gratiam exequatur negligentiam, & torporem, & bonam operationem exerceat. vt in tex. quia fides sine operibus mortua est. Iacob. Apost. in epist. c. 2. vt per fidei sacramentum sit munditia cogitationum in pectore, & per operis exercitium, sit fortitudo laborum. In scapulis, quatenus fides per dilectionem (secundum Apostolum) operetur. ad Gal. c. 5. In vertice vero baptizatus inungitur, vt sit paratus omni petenti de fide reddere rationem, quia per caput intelligitur mens. vt in tex. iuxta quod legitur, Oculi sapientis in capite eius. Ecclesiast. cap. 2. cuius superior pars est ratio, & inferior est sensualitas; vnde bene per verticem, quæ est superior pars capitis, intelligitur ratio, quæ est superior pars mentis. In fronte vngitur baptizatus, vt liberè confiteatur, quod credit. vt in tex. quia Corde creditur ad iustitiam, ore verò fit confessio ad salutem. Apost. ad Roman. cap. 10. memor eius, quod Dominus ait. Qui me confessus fuerit coram hominibus, &c. Matth. cap. 10. & Marc. 8. Ante baptismum ergo vngitur oleo benedicto, & post baptismum chrismate sancto, quia chrisma soli competit christiano; Christus enim à chrismate dicitur, vel potius à Christo dicitur chrisma; non secundum nominis formam; sed secundum fidei rationem; A Christo verò Christiani dicuntur, tanquam vncti deriuentur ab vncto; vt omnes concurrant in odorem illius vnguenti, cuius nomine oleum est effusum. vt in tex. Et etiam ex eo, cum quis est baptizatus, à sacerdote inungitur, vt sacrum baptismum cum fide acceptum, custodiatur; vngitur tunc illius pectus oleo sanctificato, cum inuocatione sanctæ Trinitatis, vt nullæ reliquæ latentis inimici in eo resideant; sed in fide sanctæ Trinitatis mens eius confortetur; Vngitur, & inter scapulas de eodem oleo, vt vndique muniatur, & ad bona opera faciendâ, per Dei gratiam roboretur. cap. deinde. de consecrat. dist. 4.

§. Per frontis.

PER frontis chrismationem, manus impositio designatur, quæ alio nomine dicitur confirmatio.

QVIA

QUIA per hanc chrismationem datur Spiritus sanctus ad augmentum, & robur. vt in tex. vnde cum ceteras vnctiones simplex sacerdos, vel presbyter valeat exhibere, hanc non nisi summus sacerdos, id est, Episcopus debet conferre. c. presbyteri. de consecr. dist. 4. nam de solis Apostolis legitur (quorum vices gerunt Episcopi) quod per manus impositionem Spiritum sanctum dabant, quemadmodum. Actuum Apostolorum lectio manifestat: Cum audissent (inquit) Apostoli, qui erant Hierosolymis, quia recepisset Samaria verbum Dei, miserunt ad eos Petrum, & Ioannem, qui cum venissent, orauerunt pro ipsis, vt acciperent Spiritum sanctum; non dum enim in quenquam illorum venerat; sed baptizati tantum erant in nomine Domini Iesu Christi; tunc imponebant manus super illos, & accipiebant Spiritum sanctum. Act. cap. 8. Cuius aduentus per vnctionis mysterium designatur, vt in tex. quia columba, in qua Spiritus sanctus super Christum in baptismo descendit. Matth. cap. 3. & Marc. 1. ad vesperum in catachismo reuertens, ramum retulit virentis oliuæ. Genes. cap. 8. cuius vtique sacramentum Dauid propheta prænoscens, exhilarandam faciem in oleo, prædicauit. Psal. 108. vt in tex. Et conuenienter in hoc sacramento chrismatis, signatur signo crucis in fronte, propter duo. Primo quidem, quia chrismatus insignitur signo crucis, sicut miles signo ducis; quod quidem debet esse euidens, & manifestum; inter autem omnia loca corporis humani, maxime frons manifesta est, quæ quasi nunquam obtegitur; & ideo linitur chrismate in fronte, vt in manifesto demonstraret se esse Christianum; sicut & Apostoli post acceptum Spiritum sanctum, se manifestauerunt, qui prius in cœnaculo latebant. Secundo, quia aliquis impeditur à libera confessione nominis Christi, propter duo, scilicet, propter timorem, & propter verecundiam; vtriusque autem horum signum maxime manifestatur in fronte, propter duo, scilicet, propter propinquitatem imaginationis; & propter hoc, quod spiritus à corde directe ad frontem ascendunt; vnde verecundati erubescunt, timentes autem pallefcunt, vt habetur 4. ethic. cap. 9. Et ideo in fronte signatur chrismate, vt neque per timorem, neque propter erubescenciam, nomen Christi confiteri chrismatus prætermittat. S. Thom. par. 3. q. 72. art. 9 in addit. Et conuenienter hoc sacramentum soli Apostoli dederunt; quia in quolibet opere vltima consummatio supremæ arti, aut virtuti referuatur; sicut præparatio materiæ pertinet ad inferiores artifices, superior autem dat formam. Supremus autem est, ad quem pertinet usus, qui est finis artificiatorum; vnde epistola, quæ à notario scribitur, à domino signatur. Fideles autem Christi sunt quoddam diuinum opus, secundum illud ad Corinth. 1. cap. 3. Dei ædificatio estis. Sunt etiam quasi quædam epistola spiritu Dei scripta, sicut dicitur ad Corinth. 2. cap. 3. Epistola estis Christi, ministrata à nobis, & scripta, non atramento, sed spiritu Dei viui; non in tabulis lapideis, sed in tabulis cordis

dis carnalibus. Et quoniam hoc confirmationis sacramentum est quasi ultima consummatio sacramenti baptismi, ita scilicet, quod per baptismum edificatur homo in domum spiritualem, & conscribitur quasi quædam spiritualis epistola; sed per sacramentum confirmationis, quasi domus edificata dedicatur in templum Spiritus sancti, & quasi epistola conscripra, signatur signo crucis. Ideo collatio huius sacramenti Episcopis referuatur, qui obtinent summam potestatem in ecclesia, sicut & in primitiua ecclesia per impositionem manus Apostolorum, quorum vices gerunt Episcopi, plenitudo Spiritus sancti dabatur. S. Thom. d. q. 72. art. 11.

§. Vngitur.

VNGITVR præterea secundum ecclesiasticum morem, cum consecratur altare, cum dedicatur templum, cum benedicitur calix.

QUIA in istis rebus, quæ diuino cultui deputantur, vnctio fit, non solum ex mandato legis diuinæ; verum etiam exemplo beati Siluestri, qui cum consecrabat altare, illud chrismate perungebat. vt in tex. Præcepit enim Dominus Moysi, vt faceret oleum vnctionis, de quo vngeret testimonij tabernaculum, & arcam testamenti, mensamq. cum vasis. Exod. cap. 30. Verum vnctionis sacramentum, aliud quidem efficit, & figurat, tam in nouo, quam in veteri testamento; vnde non iudaizat ecclesia, cum vnctionis celebrat sacramentum. vt in tex. & c. altaria, & ibi glos. de consecr. dist. 1.

ROMANVS Pontifex non vititur baculo pastoralis, sicut ceteri Episcopi, tum propter historiã, tum propter mysticam rationem.

QUIA cum Petrus misisset Martialem, & collegam in Germaniã, mortuus est Martialis, & collega rediit ad Petrum; & Petrus dedit ei baculum, & præcepit ei, quod tangeret mortuum, & diceret ei: Surge in nomine Domini, & vade ad prædicandum. Qui cum quadragesimo die à tempore mortis tetigerit eum, & resurrexit, & prædicauit: & quia Petrus postea non recuperauit baculum; ideo eius successores illo non vtuntur. glos. penult. & Innoc. hic. & hæc quo ad historiam. Quo autem ad mysticam rationem est, quia baculus in summitate habet recuruationem, quasi ad trahendum; quod Romano Pontifici non est necesse; quia nullus ab eo diuertere potest. Item per baculum, designatur coercitio, siue castigatio. Ideo alij Pontifices recipiunt à suis superioribus baculos; quia ab homine potestatem recipiunt. Romanus verò Pontifex non vititur baculo; quia potestatem à solo Deo recipit. gl. fin. & Innoc. hic. Designantur autem per huiusmodi baculum, ea, quæ his verbis comprehenduntur.

*In baculi forma, præfati datur baculi norma,
Attrahere per primum, medio rege, punge per imum,*

Attra-

*Attrabe peccantes , rege iustos , punge vagantes ,
Attrabe , sustenta , stimula , vaga , morbida , lenta .*
glos.penult.hic .

Liber Primus . Titulus XVI.

DE SACRAMENTIS
NON ITERANDIS.

In Decretal. Cap.i. Pastoralis.

IN ordinato in subdiaconum sine manuum impositione, non fiet iteratio; sed supplebitur pratermissum .



QU^{IA} talis manuum impositio in ordinatione ad subdiaconatum, non est aliud, quàm quædam benedictio, & oratio Episcopi super ordinando . glos.2.hic. & c.manus . & ibi glos.1.q.1. quæ benedictio non est de substantia talis ordinis, sed ex præcepto pertinet ad solemnitatem illius. Innoc.hic . Et quoniam ea, quæ spectant ex præcepto ad solemnitatem sacramenti, si omittantur, non efficiunt, quin sit verum sacramentum . S.Thom.p.3.q.50. art.1. in addit. Sed sunt postea supplenda, ne ex contemptu videantur omissa. c.spiritus. & ecce.1.q.1. Ideo collatio ordinis sic facta, non est iteranda, sed cautè est supplendū, quod incautè fuit in ea prætermissum.vt in tex. Collatio enim ordinis non, iteratur, ne fieret iniuria illi sacramento, in quo imprimitur character. c.ostenditur.de consecrat.diff.4.

SIMILITER in confirmato non chrismatis, sed olei vñctione .

QU^{IA} oleum est sufficiens materia confirmationis, de necessitate sacramenti, licet balsamum illi adijciatur ob mysticam rationem; ita, quod est de necessitate præcepti ; & illud compositum ex oleo, & balsamo, dicitur chrisma. Caiet.in S.Thom.par.3.q.72.art.1. Et quoniam in sacramentis, quæ imprimunt characterem, si omittatur aliquid, quod non sit de necessitate sacramenti, sed sit de præcepto in spectantibus ad solemnitatem illius, non est iterandum sacramentum, sed est supplendum omissum, vt dictum est superius, & not.supr.in c.vnic.tit.prox. Ideo sine balsamo confirmatio tradita valet, sed vñctio cum balsamo est postea supplenda, propter mysticam rationem ; & ne videatur ex contemptu omissa.vt in tex.& Butr.hic in fin.

R r 2 Cap.

Cap. 2. A nobis.

SEPULTVS à schismaticis, ob hoc duntaxat, exhumari non debet.

QU^{VI}A cum talis non elegerit ab illis sepeliri, nec eorum schismatici consenserit, sed tantum fuerit ab illis sepultus, quando post mortem non poterat mereri, vel demereri, non potest dici in aliqua culpa, ob quam debeat ecclesiastica sepultura carere. *glos. 1. & Innoc. hic.* Et quoniam non debet aliquis alterius odio pręgrauari. *c. non debet. de reg. iur. in 6.* Ideo schismaticorum culpa, tali sepulto non debet ad hoc imputari, vt ex eo, quod est sepultus ab eis, debeat exhumari. vt in *tex. & c. sacris. de sepultur.*

VESTIMENTA sacerdotalia, cum quibus degradati presbyteri celebrarunt, non sunt ob hoc iterum benedicenda.

QU^{VI}A licet tales presbyteri malefecerint celebrando, & vestimentis illis vtendo. *c. vestimenta. de consecrat. dist. 1.* non tamen propter hoc fuerunt vestimenta illa polluta. *gl. 2. hic.* Ideo ex quo durat prima benedictio, iterum benedici non debent, ne priori benedictioni fiat iniuria. *c. ostenditur. & ibi gl. ver. iniuria. de consecr. dist. 4.*

NEC altaria, ex eo, quod isti in illis celebrarunt, sunt iterum consecranda.

QU^{VI}A altaria semel consecrata, non sunt reconsecranda, nisi in casibus, in quibus fuerunt execrata. *c. ecclesijs. de consecrat. dist. 1.* Et quoniam inter illos casus, iste non adnumeratur. *glos. fin. hic. & glos. in c. si motum. d. dist. 1.* Ideo ex quo per huiusmodi celebrationem non sunt execrata, & durat prima consecratio, iterum consecrari non debent. vt in *tex. & glos. in c. ecclesiz. d. dist. 1.*

Cap. 3. Presbyter.

SI in ordinatione presbyteri, vel diaconi, manus impositio fuerit pretermissa, statutis temporibus supplebitur.

QU^{VI}A licet manus impositio in ordinatione presbyteri, vel diaconi, non sit de necessitate ordinis; nam sine illa ordinis collatio tenet. *Butr. hic nu. 4. & ob id ordo ille non est iterandus. supr. c. 1.* Est tamen illa in huiusmodi ordinibus adhibenda, per ritum ab Apostolis introductum. vt in *tex.* Et quoniam ritus est vsus disponens circa solemnitatem actus gerendi. *c. cum secundum. de tempor. ordin.* Et solemnitas, quę in aliquo actu debet fieri, si fuerit omissa, est postea supplenda. *d. c. 1.* Ideo manus impositio omissa in ordinatione presbyteri, vel diaconi, est postea caute supplenda. vt in *tex.* Et quoniam ac-

cesso

cessorium sequitur naturam sui principalis.c.accessorium. de reg. iur.in 6. Ideo talis solemnitas est supplenda eo tempore, quo ordines, quibus illa accedit, solent conferri. vt in tex.& Butr.d.nu.4.

Liber Primus. Titulus XVII.

DE FILIIS PRESBYTERORUM ordinandis, vel non.

In Decretal. Cap. I. Vt filij.

ILLEGITIMVS non ordinatur.



QU^{IA} illegitimitatis defectus, pluribus de causis impedit ordinum, & beneficiorum promotionem; Primo, ob ordinis prerogatiuam. c. penult. & fin. dist. 36. & c. inter dilectos. de excess. prel. Secundo, ob detestationem paterni criminis, quod punitur in filio, vt per id puniatur pater. c. cum ergo. §. sed qui. 24. q. 3. & l. isti. §. fin. ff. de eo, qui met. caus. Tertiò, propter incontinentiam paternam, quæ timetur in filio, c. litteras. infr. eod. iuxta illud: Sæpe solet filius similis esse patri. c. sunt plurimi. §. verum. 6. q. 1. Ideo filij presbyterorum, & cæteri ex fornicatione nati, ad ordines non promouentur. vt in text. Esse tamen illegitimum, est defectus, non culpa. c. nasci. dist. 56. Et ad hoc vide Concil. Trid. sess. 25. de refor. cap. 15.

NISI, vt religiosus fiat.

QU^{IA} summa est ratio, quæ pro religione facit. I. sunt personæ. ff. de relig. & sumpr. vnde eius fauore dispensatur in multis. c. fin. & ibi glos. de testam. Et quoniam dispensatur præsertim in his, quæ non proueniunt ex propria culpa, qualis est natalium defectus. c. ex licterarum. & ibi glos. ver. religionis. de apostat. Et in religione non est ita periculum, vt filius illegitimus sit paternæ incontinentiæ imitator, sicut esset in sæculari vita clericali; cum in religione magis intèdatur morù honestati, & ibi non habeatur illa commoditas vagandi, sicut est in sæculo. c. 1. §. sed hoc. dist. 56. Ideo conceditur, vt illegitimus possit ordinari, si fiat religiosus, non autem si remaneat in sæculo. vt in text. & d. cap. 1. distin. 56.

N E C tunc præficitur, id est, ad prælaturam non habilitatur.

Quia

QU^{IA} qui ad prælaturam assumuntur, debent, in quantum fieri potest, defectibus carere, & alios excellere meritis. cap. eam te. de ætat. & qual. præfic. Et quoniam nimium prælaturæ deformaretur honestas, si illegitimi promouerentur ad eam. infr. cap. fin. Ideo, licet concedatur, vt illegitimus factus religiosus, possit ad ordines promoueri; non tamen ei conceditur, vt prælationem possit in religione habere. vt in tex. nisi cum Sedis Apost. dispensatione. infr. d. c. fin.

Cap. 2. Ad præsentiam,

ILLEGITIMVS filius sacerdotis, qui, hoc tacito, per rescriptum apostolicum paternam ecclesiam impetrauit, remouetur ab illa.

QU^{IA} huiusmodi rescriptum fuit subreptitiè impetratum. glos. 1. hic. nam ex quo filius sacerdotis non potest paternæ ecclesiæ præesse. infr. c. prox. si hanc veritatem expressisset, non ita facile tale rescriptum obtinisset. glos. fin. hic. Et quoniam subreptio vitiat rescriptum, & reddit gratiam inuolidam. c. super litteris. de rescript. Et sine canonica institutione non potest beneficium ecclesiasticum licite retineri. c. 1. de reg. iur. in 6. Ideo talis subreptitius precator debet carere impetratis, & ab illa ecclesia remoueri. vt in tex. & c. eā te. de ætat. & qual. præf. Si tamen ex certa scientiā Papa mandasset illum recipi, gratia valeret, quia tunc intelligeretur cum eo dispensasse. glos. fin. hic.

Cap. 3. Præsentium.

NON potest filius sacerdotis, ecclesia paterna præesse.

QU^{IA} si filius sacerdotis immediatè ecclesiæ paternæ præesset, videretur hæreditaria successione illam obtinere. c. apostolica. 8. q. 1. Et quoniam in beneficijs hæreditariam successione ecclesiæ Dei detestatur. infr. c. ex transmissa; Ideo quantumcunq; talis filius sit legitimus, ex matrimonio ante clericatum genitus, non potest ecclesiam, cui præfuit pater, immediatè habere. vt in tex. nisi per Sedem Apostolicam cum eo fuerit dispensatum. infr. c. ex tua. Mediatè verò posset illam ecclesiam habere; quia per mediam personam fuit remota hæreditariæ successione apparentia. d. c. ex transmissa. Si vero esset filius illegitimus, etiam ex alijs causis non posset ad ordines promoueri. supr. c. 1. nec ecclesiam curatam, vel ecclesiasticam dignitatem obtinere. infr. c. fin. & Concil. Trid. sess. 25. de refor. cap. 15.

Cap. 4. Conquerente.

FILIUS immediate in ecclesia paterna institutus, per episcopum loci, est amouendus.

Quia

QU^{VI}A filius, etiam legitimus, non potest sine dispensatione apostolica, immediatè præsse ecclesiæ, cui præfuit pater. *supr. c. prox.*
 Et quoniam ecclesiastica beneficia sine canonica institutione, legitime retineri non possunt. *c. 1. de reg. iur. in 6.* Ideo si de facto ibi fuerit per inferiorem prælatus, (cui competat ex iure speciali collatio) institutus; per episcopum loci, (qui debet inuigilare, ne sui subditi remaneant in peccatis) est inde amouendus. *vt in tex. & infr. c. dilectus.*

Cap. 5. Veniens.

EPISCOPVS, qui scienter contulit filio sacerdotis paternam ecclesiam, ex inde eum remouere non potest.

QU^{VI}A, licet filius sacerdotis non possit paternæ ecclesiæ præsse. *supr. c. præsentium.* Et si ibi fuerit institutus, debeat amoueri. *vt in tex.* Tamen quoniam episcopus male fecit; talem ecclesiam illi conferendo, & fraudulentè hoc fecisse videtur, ex quo sciens illam esse talem, nihilominus ei ecclesiam illam contulit. *glos. hic ver. restituas.* Ideo in odium ipsius episcopi statuitur, vt in hoc casu contra suum illicitum factum venire non possit. *d. glos. hic. licet aliàs possit episcopus suum malefactum reuocare. c. quod quis. 35. q. 8. & glos. fin. in c. nosti. de elect.* Illud enim reuocare non potest, quando in penam ei interdicitur reuocatio, vt in casu huius *tex.* quæ pœna ei imponitur, ne detur via maleuolentibus reuocare liberalitates suas. *glos. penult. in c. diuersis. de cleric. coniug.* Et vt episcopos de cetero cautius cauëat ab huiusmodi collationibus. *glos. fin. hic.* Ex gratia autem est quo ad beneficiatum, vt interim per episcopum inde non amoueat, & quod ei, de alia ecclesia prouideatur, vnde valeat honestè sustentari, cum inde fuerit amotus, quādo collatio ei fuit facta ab episcopo nesciente illum esse filium talis sacerdotis. *vt in tex. & d. glos. fin. hic.*

Cap. 6. Proposuit.

EX quo filius sacerdotis est ordinatus, non debet carere beneficio.

QU^{VI}A indignum esset ordini clericali, vt ad ordines promotus ecclesiastico beneficio careret. *vt in tex.* ne in illius opprobrium talis cogeretur mendicare. *c. ad supplicationem. de renunt.* Et quoniam qui altari seruit, de altari viuere debet. *1. ad Corinth. cap. 9.* Ideo licet illegitimus non sit ad ordines promouendus. *supr. c. 1. & quis non sit sine titulo ordinandus. c. sanctorum. dist. 70. si tamen fuerit promotus, est ei de aliquo honesto beneficio prouidendum. vt in tex. & c. vel non est compos. de tempor. ordin.*

Cap. 7. Ex transmissa.

FILIVS præsse potest ecclesiæ, cui pater præfuit mediate.

Quia

QU^{VI}A causa prohibendi, ne filius in paterna ecclesia ministret, est, ne in ecclesiasticis beneficijs hæreditaria successio videatur. *supr. c. præsentium.* Et quoniam ubi fuit media persona beneficiata inter patrem & filium, apparet, quod ibi non habet locum hæreditaria successio, vt in *tex.* Ideo cessante causa prohibendi, non extenditur ad talem casum prohibitio de non administrando in ecclesia, cui præfuit pater. *Innoc. hic.* Et sic filius potest de iure communi illam ecclesiam, obtinere, si est legitimus; vel cum eo tunc facilius dispensatur, quam si immediate succederet, si est illegitimus. *Abb. nu. 2.*

Cap. 8. Constitutus.

FILIVS præesse potest ecclesia, in qua pater sine titulo ministravit.

QU^{VI}A nemo potest plus iuris in alium transferre, quam ipse habeat. *c. nemo. de reg. iur. in 6.* Et quoniam ubi aliquis ministrat in ecclesia sine titulo, non potest apparere, quod per eum transferatur aliquod ius in alium, cum nec ipse aliquod ibi habeat. *glos. hic. ver. perpetuus.* Ideo cum non possit tunc notari, quod filius succedat in tali ecclesia per ius patris, cessat causa prohibitionis de non administrando in ecclesia paterna. *vt supr. c. pro.*

Cap. 9. Ex tua.

SI is, cui concessum est à Papa, vt possit dispensare cum filijs sacerdotum circa ecclesias paternas immediatè tenendas, cum aliquo dispensat; ille per litteras iustitiæ postea contra eum impetratas, remoueri non poterit.

QU^{VI}A dispensatio semel facta, non est amplius reuocanda, *glos. ver. irritari;* sicut nec iniuriæ remissio est in posterum retractanda. *c. si illic. 23. q. 4.* nam decens est, beneficium esse mansurum. *Authent. constit. quæ de dign. §. illud. coll. 6.* Et quoniam huiusmodi secundæ litteræ impetratæ, non facta mentione de tali dispensatione, sunt subreptitiæ. *Abb. hic.* Ideo non præiudicant primis. *cap. exte- rum. de rescript.*

Cap. 10. Quoniam.

SI manifestum est, quod filius in ecclesia immediatè successit patri, sine aliqua testium receptione, ab illa remouebitur.

QU^{VI}A in manifestis, & notorijs non est necessaria discussio iudicij, vel probatio testium. *c. cum sit. de appell. & l. ea quidem. C. de accusat.* Et quoniam non potest esse, quod non sit notorium, si ali-

si aliquis immediate in ecclesia, cui præsunt pater, administrat. Innoc. hic. Ideo cum sit prohibitum, quod filius in tali ecclesia non administret, sicut pater, poterit talis absque forma iudiciali, inde per episcopum amoueri. vt in tex. nisi per Sedem Apostolicam fuerit cum eo dispensatum. vt supr. in c. prox.

Cap. 11. Ad extirpandas.

FILIVS etiam legitimus remouetur ab ecclesia, in qua immediate successit patri vicario, vel rectori.

QUIA causa, propter quam filius prohibetur immediate intitulari in ecclesia paterna, est, ne in beneficijs hereditaria successio notetur. supr. c. ex transmissa. & 8. q. 1. c. Apostolica. Et quoniam talis successio appareret siue filius sit legitimus, siue illegitimus. glos. 1. & fin. hic. Ideo si filius ibi fuerit immediate institutus, quantumcunque sit legitimus, est amouendus. vt in tex. nisi per Sedem Apostolicam fuerit cum eo dispensatum. vt supr. c. prox. Sed quod hic dicitur de patre, qui ibi fuerit vicarius, intelligitur de vicario perpetuo, qui dicitur intitulari. glos. hic ver. vicarij. Secus est de vicario temporali, qui non habuerit ecclesiam, & beneficium in titulum; nam tunc non potest notari si successio, cum pater non habuerit ius in beneficio, quod dicatur fuisse translatum in filium. vt supr. c. constitutus. & c. ex tua. Et quod hic dicitur de filijs, similiter est intelligendum de nepotibus ex filijs, in quibus propter lineam rectam videretur esse successio; non sic autem prohibetur in nepotibus ex fratre, & ceteris collateralibus, cum non possit tunc notari directa naturalis successio, & indirecta non attenditur. glos. hic. & arg. c. cum voluntate. de sent. excom.

Cap. 12. Ad hæc.

FILIVS Episcopi legitime natus, promoueri potest ad ordines.

QUIA filij personarum ecclesiasticarum, solum ratione illegitimitatis prohibentur ordinari. supr. c. 1. Et quoniam qui oritur ex matrimonio est legitimus; licet eius pater post mortem vxoris fiat ecclesiasticus. c. debitum. de bigam. non ordin. Ideo qui natus est ex patre de legitimo matrimonio; si mortua vxore, ille promoueatur ad ordines, & efficiatur Episcopus, talis non debet impediri ratione patris, quin & ipse possit ordinari. vt in tex. & supr. c. prox.

Et in paterna ecclesia beneficiari.

QUIA ab illo beneficio, vel penitus simili, filius immediate prohibetur, in quo pater fuit intitulatus. supr. c. prox. & infr. cap. cum decorem. Et quoniam qui est intitulatus de ecclesia, non est intitulatus de particularibus beneficijs, quæ sunt in ecclesia. c. pastoralis. de his, quæ sunt prælat. Et ecclesia non est penitus simile beneficium cum illis, quæ

S f

sunt

sunt in ea. c. de multa. de prab. Ideo in ecclesia, cui pater praeest, vel praefuit, ut Episcopus, filius potest aliquod inferius beneficium obtinere. ut in tex. & infr. c. ad abolendam.

Cap. 13. Michael.

NON potest filius esse vicarius illius ecclesiae, in qua pater proximus fuit rector.

QU^{VIA} vicarius perpetuus habet titulum illius ecclesiae, cuius est vicarius supr. c. ad extirpandas. Et quoniam filius non potest immediate intitulari in beneficio, quod habuit pater. supr. c. proxi etiam si titulus illius beneficii varietur, & alter titulus loco prioris subrogetur. Butr. hic. nu. 1. Ideo filius non potest habere beneficium in titulum vicariae perpetuae, si eius pater immediate habuit illud in titulum rectoriae. ut in tex.

Cap. 14. Litteras.

ILLEGITIME genitus, etiam de uxore, sine dispensatione ad ordines, vel beneficia promoueri non potest.

QU^{VIA} tunc dicitur quis illegitime nasci de uxore, quando uterque coniugum votum continentiae, ante illius generationem est professus. gl. 1. hic. nam per huiusmodi votum de carnali fit spirituale coniugium, ita, ut non permittatur postea ipsis simul carnaliter iungi, nec cuiquam alteri, etiam post mortem vnus eorum. c. seriatim. dist. 32. Et quoniam tales coniuges se carnaliter cognoscendo, peccant contra votum emissum, & de incontinentia notantur. d. c. seriatim; nam licet non deficiat vinculum matrimonialis substantiae, deficit tamen matrimonij executio. Abb. hic. Et incontinentia paterna est, quae consideratur in repellendo filium illegitimum ab ordinibus, & beneficijs, propter suspicionem, quae est, ne filius sit imitator illius. supr. c. 1. Ideo propter talem incontinentiam, filius sic genitus prohibetur, ad ordines, vel beneficia promoueri. ut in tex. si tamen ex alijs causis fuerit dignus reperiatur, poterit cum ipso, quo ad istum defectum, dispensari. ut in tex. & infr. c. si.

Cap. 15. Cum decorem.

ILLEGITIMVS, in ecclesia paterna praebeandari non debet.

QU^{VIA} indecorum est, ut in altaris officio illegitimus filius impudico patri ministret, in quo vnigenitus Dei filius aeterno Patri pro salute humani generis victimatur. ut in tex. Et quoniam domus Dei decet sanctitudo. Ps. 92. Et est cauendum, ne per ministrorum turpitudinem, ecclesiae inquinetur honestas, c. cum decorem. de vit. & honest. cler. Ideo filius non legitimus non debet beneficiari in ecclesia, in qua eius patri

patri deberet ministrare. vt in tex. nec conuenit eū eo in hoc dispensari. Butr. nu. 4. Et similiter filijs canonicorū prębende in eisdē ecclesijs conferri non debent, quorum sunt canonici patres eorum. vt in tex. quia propter omnimodā similitudinē, quę est inter ipsos canonicos, censetur de talibus similibus beneficijs, sicut censetur de beneficio penitus eodem. Abb. hic. & not. sup. in c. ad hęc.

Cap. 16. Ad abolendam :

S I illegitimus, maxime filius spurius, instituat in ecclesia, in qua institutus est pater, institutio non valet.

QUIA omnis illegitimus ab ordinibus, & beneficijs, (pręsertim paternis) excluditur. vt sup. c. 1. & c. prox. Et quoniam inter illegitimos, spurius natus est ex coitu magis damnato, quam simplex illegitimus naturalis. glos. fin. in c. tanta. qui fil. sint leg. & l. vulgo. ff. de stat. homin. Ideo ad ecclesię decorem, & in paterni delicti detestationem, inter illegitimos, maxime spurius prohibetur institui in ecclesia, in qua eius pater fuit institutus. vt in tex. & glos. penult. hic.

Et instituens à suis beneficijs suspenditur.

QUIA licet Episcopus possit dispensare cum illegitimis in simplici beneficio in alijs ecclesijs, in illis tamen, in quibus illorum patres sunt instituti, dispensare non potest. glos. fin. hic. Et dispensando, usurpat iurisdictionem alienam, & peccat, infr. c. fin. Et quoniam quis puniendus est in eo, in quo deliquit. c. litteras. de suppl. negl. pręl. Ideo Episcopus, vel alius in tali beneficio collator delinquens, à proprijs beneficijs in sui pœnam suspenditur. vt in tex. & c. consuluit. infra tit. prox. & Concil. Trid. sess. 15. de refor. cap. 15.

Cap. 17. Dilectus.

ALIVS, quam Papa, non dispensat, vt filius in ecclesia paterna immediate succedat.

QUIA si filius immediatē in ecclesia succederet patri, dehonestaretur status ecclesię, dum in illa hęreditaria successio esse videretur. sup. c. ex transmissa. Et quoniam non licet inferioribus Papę dispensare in his, quę generalem ecclesię statum concernunt. c. sanę. & glos. in c. dilectus. ver. permissa. de tempor. ordin. Ideo prohibetur, ne aliquis pręlatus in hoc audeat dispensare. vt in tex. & gl. si. sup. in c. prox.

Cap. 18. Nimis.

ILLEGITIMVS, absque dispensatione Papę, ad dignitatem, vel personatum, vel beneficium curatum promoueri nō potest.

Si a Quia

QU^{IA} de iure communi filij illegitimi repelluntur ab ordinibus, & beneficijs, propter incontinentiam paternam. *supr. c. 1.* Cōceditur tamen Episcopis, ut quo ad ordines minores, & beneficia simplicia, possint cum ipsis dispensare. *glos. hic. & infr. c. 1. in 6.* Sed quoniam nimis deformaretur ecclesiæ honestas, si faciliter cum illegitimis circa maiora beneficia dispensaretur. ut in *tex.* Ideo prohibetur, ne inferiores Papa cum talibus dispensent circa ista beneficia, quæ sunt de maioribus. ut in *tex. & c. de multa. de præb. l. 1.*

In Sexto. Cap. 1. Is, qui.

CV M illegitime natis dispensant Episcopi, in minoribus ordinibus, & beneficio sine cura.



QU^{IA} illegitime nasci, non est culpa eius, qui nascitur, sed illius, qui generat; licet talis illegitimitas in ipso nato dicat defectum. *c. nasci. dist. 36.* Et quoniam, qui alieno vitio laborat, misericordia est dignus. *l. legem. C. de natur. liber.* Ideo, licet propter incontinentiam paternam, non possint de iure communi, illegitimi ad aliquos ordines, & beneficia promoueri. *extr. c. 1.* Ex misericordia tamen conceditur, ut per Episcopos possit cum ipsis quo ad minores ordines, & simplicia beneficia dispensari. ut in *tex. & extr. c. fin.*

DVM MODO sit tale, in quo aliàs dispensare possint.

QU^{IA} facultas concessa ad dispensandum, cum sit super re odiosa, & exorbitante à iure communi, est potius restringenda, quam dilataranda. *infr. §. seq.* Et quoniam ubi sunt duæ prohibitiones, sublata vna, remanet alia. *c. pastoralis. & ibi glos. fin. extr. de priuil. & l. si domus. ff. de seruit. vrb. præd.* Et ex diuersis non fit illatio. *l. Papinianus. ff. de minor.* Ideo per concessionem factam Episcopis, ad dispensandum cum illegitimis super minoribus ordinibus, & simplicibus beneficijs, nõ inferitur, quod possint cum ipsis dispensare in alijs casibus, Episcopis à iure prohibitis. ut in *tex.* puta, quod tales illegitimi possint immediate paternum beneficium obtinere. *glos. hic. ver. tale.* Cum in hoc non possiat Episcopi dispensare etiam cum legitimis. *extr. c. ex tua.*

IN alijs dispensatio Papæ requiritur.

QU^{IA} nimium ecclesiæ deformaretur honestas, si ad sacros ordines, & ad maiora beneficia faciliter cum illegitimis dispensaretur. *extr. c. fin.* Et quoniam ubi maius periculum vertitur, cautius est agendum. *c. ubi. de elect. in 6.* Ideo quo ad sacros ordines, & maiora beneficia

beneficia, Papa alijs non concessit, sed sibi retinuit facultatem cum illegitimis dispensandi. vt in tex. & extr. d. c. fin. & vide Concil. Trid. sess. 25. de reform. cap. 15.

§. Ille.

SI dispensatum fuerit cum aliquo, quod, non obstante vltio defectu, possit ad curatum beneficium promoueri; pretextu illius dispensationis non poterit duo beneficia insimul obtinere.

QUIA dispensatio, cum exorbitet à iure communi, est odiosa. vt in tex. Et quoniam odiosa sunt restringenda: c. odia. infr. de reg. iur. Et per vim verborum per adeptionem vnius beneficii, talis dispensatio est sortita suum effectum. Archid. hic in fin. Singularis enim locutus permittens in materia prohibitiua, nō extenditur ad pluralem: c. gaudemus. extr. de dinor. Ideo dispensatio ad vnum beneficium, non est dilatanda ad plura. vt in tex. & c. non potest. infr. de prab. & vide Concil. Trid. 24. de refor. cap. 17.

Cap 2. Si is.

SI ille, cum quo super defectu originis in curato beneficio fuerit dispensatum, eo tacito, super pluralitate dispensationem obtineat, non valet dispensatio.

QUIA taciturnitas alicuius qualitatis, qua expressa, Princeps verisimiliter gratiam non concessisset, per vitium subreptionis inducit, ipso iure, gratiæ nullitatem. c. super litteris. & c. ad audientiam. il. 2. extr. de rescript. Et quoniam non est verisimile, quod Papa, dispensasset super beneficiorum pluralitate cum eo, qui patitur defectū nataliū. si hoc ei fuisset expressum. vt in tex. Ideo talis dispensatio quoad pluralitatem beneficiorum, veluti per subreptionem obtenta, nullius penitus est momenti. vt in tex. & c. non potest. infr. de prab. Dispensatio enim addita dispensationi, non valet, nisi in dispensatione secunda, fiat mentio de prima. glos. 1. hic. & Decius. in l. liberos. C. de collat.

Liber Primus. Titulus. XVIII.

DE SERVIS NON ordinandis, & eorum manumissione.

In Decretal. Cap. 1. Instruendi.

SERVS ante plenam manumissionem ordinari non debet.

QVIA



V I A in susceptione ordinis mancipatur homo diuinis officijs. Et quoniam nemo potest dare, quod suum non est; Ideo seruus, qui non habet sui potestatem, non potest ad ordines promoueri; si tamen promouetur, ordinem suscipit; quia libertas non est de necessitate sacramenti, sed de necessitate præcepti; cum non impediatur potestatem, sed æcum tantum; & similis ratio est de omnibus, qui sunt alij obligati, vt ratiocinijs dediti, & huiusmodi personæ. S. Tho. par. 3. q. 39. art. 3. in addit. Et quoniam per manumissionem, seruus liberatur à domini potestate. Instit. de libertin. §. 1. Ideo post manumissionem ille, qui erat seruus, si aliud ei non obstat, potest libere ordinari. vt in tex. & c. quicunque. dist. 54. Et quoniam vbi seruus ordinatur contra domini voluntatem, est domini indemnitati consulendum. infr. c. prox. Ideo debet ordinator informari de manumissione eius, qui erat seruus, antequam ordinet. d. c. prox. nam quod infirmari, vel vituperari potest, debet præcaueri. vt in tex. Et melius est ante tempus occurrere, quam post causam vulneratam remedium querere. cap. in nomine. dist. 23. & l. 1. C. quod lic. vnicuique.

Cap. 2. De seruorum.

SERVVS sine licentia domini ordinatus, deponitur, & domino restituitur.

Q V I A secundum Apostolum, est cauendum, ne fides, & disciplina Domini blasphemetur, dū serui suos dominos sub specie religionis contemnunt. 1. ad Timoth. cap. 6. Non enim, quia fidelis es, liberū te esse putes; hoc enim libertatis documentum est, seruire magis. Quippe infidelis, si viderit fidei causa illos superbire, blasphemabit dogma nostrum, tanquam seditionis causam; cum verò obtemperantes attendent, citius credet, ac facilius, quæ dicuntur, admittet; alioqui, & Deus, & prædicatio ipsa blasphemabitur. Chrysost. ibid. Et quoniam seruus est res domini. Institut. de his, qui sunt sui, vel alie. iur. Et nemo est iure suo sine culpa priuandus. c. discretionem. de eo, qui cogn. consang. Et eo ipso, quod seruus promouetur ad ordines, domino ignorante, peccat. glos. in c. ad hæc. de relig. dom. Ideo, ne per Christiani nominis institutum, aut aliena iura peruadi, aut publica videatur disciplina subverti. c. generalis. dist. 54. Et ne seruus reportet commodum de sua fraude, deponitur; & ne dominus sine culpa iure suo priuetur, recuperat illum. vt in tex. & c. frequens. dist. 54. Distinguitur tamen circa seruos promotos; nam si est promotus, sciente domino, & non reclamante, ex hoc ipso efficitur ingenuus; si autem, eo nesciente, Episcopus, & ille, qui eum præsentauit, tenentur domino in duplum, quā sit pretium serui, si sciuerunt ipsum esse seruum; aliās si seruus habeat peculium, debet seipsum

sum redimere; alioquin reduceretur in seruitutem domini sui, non obstante, quod ordinem exequi non potest. S. Tho. par. 3. q. 39. art. 3. in addit. & glos. fin. hic, quæ adducit iura, ex quibus sumitur ista distinctio in huiusmodi restitutione facienda, & præcipue sumitur ex cap. ex antiquis, & c. generalis. dist. 54.

Cap. 3. De famulis.

S E R V V S ab ecclesia manumissus ordinari potest.

Q V I A manumissus ab ecclesia non debet esse peioris conditionis circa ordines suscipiendos, quam sit manumissus à laico. infr. c. eo libentius; immo debet esse melioris; cum ordines conferantur ab ecclesiasticis. c. 1. de tempor. ordin. Et prima charitas incipit gradatim à se, & à suis. cap. nisi. & ibi glos. ver. eligimus. de auct. & vlu pal. Et quoniam manumissus à laico potest ordinari. supr. c. 1. Ideo multo magis debet posse manumissus ab ecclesia. vt in tex. & c. quicunque. dist. 54.

E T quod acquirit, post suum obitum erit ecclesia manumittentis.

Q V I A conditiones tacite, vel expresse, alicui contractui inhærentes, sunt obseruandæ. c. 2. de condit. apposit. Et quoniam talis intelligitur sub ea conditione ab ecclesia manumissus, vt si non habeat filios, bona per ipsum acquirenda ecclesiæ ipsi manumittenti relinquuntur. Innoc. hic nu. 1. Ideo talis manumissus, & ordinatus, si non habet filios, non potest in alios extraneos transmittere bona per ipsum acquisita, sed ipsi ecclesiæ illa debentur. vt in tex. & glos. 1. hic. Ordo enim charitatis requirit, vt illis primo loco teneamur obnoxij, à quibus accepimus beneficium. c. cum in officijs. de testam.

Q V A M si accusat, vel contra eam testificatur, libertate, & ordine priuatur.

Q V I A libertatis donum est adeo pretiosum, vt propter leuem iniuriam factam à manumisso in patronum, ille censeatur ingratus, & libertate indignus. c. octaua. 12. q. 2. & C. de libert. & cor. liber. 1. 2. Et quoniam iniuria fit patrono, si libertus eum accusat, vel contra eum testificatur, venia edicti prius non impetrata. l. 2. C. de iniur. vocan. Ideo, vt quis puniatur, in quo deliquit, & vt cæteris ecclesiæ libertis accusandi, vel testificandi aduersus ecclesiam aditus præcludatur, statuitur, vt tales manumissi ingrati non solum libertatis beneficio careant, sed etiam honoris gradu, quem non dignitate naturæ, sed necessitate temporis promeruerunt. vt in tex. & c. liberti ecclesiæ. 12. q. 2. Talium enim status, qui contra episcopum suum, vel patronam ecclesiam nituntur, decidi potius, quam conservari conuenit, vt quorum libertas perniciosa est, sit salutifera seruitus, & qui superbire voluerunt, adepta libertate, proditi discant obedire subiecti. d. c. octaua. 12. q. 2.

Cap. 4.

Cap. 4. Nullus.

DOMINVS in seruo, quem manumittit, potest spirituales operas retinere.

QUIA spirituale cum spirituali potest commutari, & in conditione apponi; sicut potest temporale in re temporali. c. ad questiones. & ibi glos. 2. de rer. permut. Et quoniam libertas est res spiritualis. glos. fin. hic. Ideo in concessione libertatis potest dominus spirituales operas retinere, puta, vt horas canonicas sibi psallat, & similia. vt in tex. & infr. c. eo libentius. Operas verò temporales in seruo ad ordinandum manumisso dominus retinere non potest; ne videatur accipere ordines sub ea conditione temporali; & ne per illa opera à clericali seruitio retrahatur. c. quicunque. dist. 54.

Cap. 5. Consuluit.

SPVRII, vel serui ordinari non debent.

QUIA ob ordinis prerogatiuam, nec viles personæ sunt ad illum assumendæ. c. penult. dist. 26. nec illæ, de quibus est suspicio, quod per aliquod vitium inficerent ordinis existimationem. c. litteras. supr. tit. prox. nec illæ, quæ non habent sui potestatem, in ordine administrandi. supr. c. de seruorum. Et quoniam spurius est persona vilis. l. vulgo. ff. de stat. homin. Et similiter seruus. Instit. de his, qui sui, vel ali. iur. sunt. §. fin. Et in spurio est suspicio, ne imitet incontinentiam paternam. supr. tit. prox. c. 1. Et seruus non habet sui potestatem, vt possit contra domini voluntatem in ordine administrare. c. quicunque. dist. 54. Ideo neque spurios, neque seruos debet episcopus ordinare. vt in tex. & not. in d. c. de seruorum.

Cap. 6. Eo libentius.

MANVMISSVS ab ecclesia, vt fiat clericus, & ipsi ecclesie perpetuò seruiat in diuinis, ad aliam ecclesiam se transferre non potest.

QUIA cum libertas sit res spiritualis, potest venire in commutatione cum alio spirituali. glos. 1. hic. & not. supr. in c. nullus. Et quoniam conditiones honestæ, appositæ in contractibus, sunt seruandæ. c. 1. de pact. & c. ad questiones. de rer. permut. Ideo conditio appositæ in concessione libertatis, vt manumissus famulatum impendat, dum vixerit, in obsequiis diuinorum ecclesie manumittenti, & per consequens, quod ad aliam ecclesiam se transferre non possit, tanquam debita est attendenda. vt in tex. & supr. c. nullus.

SECVS

SECVS, si fuerit manumissus, ut seruiat.

QUIA indefinita regulariter æquipollet vniuersali. l. si pluribus. ff. de legat. 2. & glos. in c. vt circa. ver. aliorum. de elect. in 6. Et quoniam vbi quis obligatur ad aliquid in genere, non magis adstringitur ad vnum, quàm ad aliud de contentis sub illo genere; sed vnum, faciundo, adimplet debitum suum, & liberatur ab alio; vnde dicitur, Qui promittit dare animal, liberatur dando muscam. l. si quis à filio. §. si quis. ff. de legat. 1. Ideo manumissus ab ecclesia sub ea cōditione indefinita, vt ordinatus diuinis seruiat, adimplet debitum suum, siue ecclesie manumittenti, siue alteri ecclesie in diuinis seruiendo. vt in tex. & c. quia circa. de priuil.

Cap. 7. Miramur.

IVS, quod est de seruo facto diacono, etiam de subdiacono debet intelligi.

QUIA iura, quæ loquuntur de seruo facto diacono, dicentia, quod si seruus fuerit ordinatus in diaconū sine domini voluntate, aut vicariū præstet, aut si non habuerit, ipse domino reddatur, habent respectum ad illum, tanquam ad ordinatum in sacris. c. ex antiquis. dist. 54. Et quoniam ordo subdiaconatus, licet in primitiua ecclesia non fuerit sacer existimatus, cum de eo non fiat expressa mentio in patrum statutis; sed de ipso fit mentio generaliter, sicut de inferioribus ordinibus non sacris. d. c. ex antiquis, & glos. 2. hic. Tamen quoniam à constitutione Gregorij, atque Vrbani secundum moderna tempora, sacer gradus esse minimè dubitatur. vt in tex. & c. ante triennium. dist. 31. & c. nullum. dist. 28. qui duo canones sunt constitutiones Gregorij, & c. erubescant. dist. 32. quæ est constitutio Vrbani. Ideo idem ius, quod est de seruo facto diacono per respectum ad ordinem sacrum, debet etiam hodie esse de tali facto subdiacono; in quo est eadem ratio ordinis sacri. vt in tex. & sic debet esse idem ius. c. cum dilecta. de confirm. vtil. vel inuilit.

Cap. 8. Dilectus.

NATVS ex patre seruo, & libera matre, liber est, & licitè promouetur.

QUIA filius quo ad libertatem, propter maiorem certitudinem originis, sequitur conditionem matris. l. partum. C. de rei vendic. & Institut. de ingenu. §. 1. Et sufficit fauore libertatis, cum fuisse per momentum in libero ventre, vt liber nascatur. l. & seruorum. §. ingenui. ff. de stat. homin. licet in honoribus, & muneribus, & mancipijs,

T c propter

propter maiorem viri prerogatiuam, partus sequatur patrem. l. libertas. ff. de stat. homin. & l. eos. & l. exemplo. C. de decur. lib. 10. Et quoniam qui liber est, potest ad ordines promoueri, si ei non obsit aliud canonicum impedimentum, licet eius pater sit seruus. supr. c. 1. Ideo ratione libertatis, natus de libera matre, & seruo patre, licite potest ordinari. vt in tex. & gloss. 2. in c. liberi. 32. q. 4.

Liber Primus. Titulus XIX.

DE OBLIGATIS AD
Ratiocinia, ordinandis, vel non.

In Decretal. Cap. Vnic. Magnus.

OBLIGATVS ratiocinijs, deposito onere, & reddita ratione, ordinari potest.



VIA causa, cur tales non debeant ordinari, antequam deposuerint illud onus, & reddiderint rationem, est, quia ecclesia infamaretur, si ipsi in administratione commisissent fraudem, & debitores remansissent. vt in tex. Et creditores grauarentur, dum vellent agere contra illos, qui per ordinum assumptionem mutauerunt forum. Innoc.

nu. 1. Et quoniam cessante causa, cessat effectus. c. cum cessante. de appellat. Ideo quando constat, quod illi recte administrarunt, & per illorum promotionem ad ordines nemo grauatur, non sunt ob factam administrationem ab ordinibus prohibendi. vt in tex. & c. legem. dist. 53.

PRIVS verò non.

QUIA indigni, & infames non sunt promouendi ad ordines. c. vnic. de scrut. in ord. fac. nec illi sunt promouendi, per quorum ordinationem, aliorum iura fraudarentur. vt not. sup. tit. prox. cap. 2. Et quoniam infamaretur ecclesia, si ordinarentur tales, qui non recte administrassent. vt in tex. Et ipsi essent ordinibus indigni. c. praeterea. dist. 51. Et eorum creditores grauarentur, vt dictum est superius. Ideo antequam deposuerint huiusmodi administrationem, & de ea reddiderint bonum ratiocinium, non sunt ad ordines assumendi. vt in tex. & c. designata. dist. 51.

Liber Primus. Titulus Vigessimus.

DE CORPORE VITIATIS ORDINANDIS, VEL NON.

In Decretal. Cap. 1. De presbytero.

PRESBYTER, qui in duello digiti partem amisit, ex dispensatione sui Episcopi, potest in suo ordine ministrare.



QUIA amissio partis digiti est modica deformitas. gloss. infr. in c. fin. Et quoniam ubi est modica deformitas, quæ non impediatur in executione officij, & non generet scandalum, facile cum patiente talem defectum dispensatur, ut possit ad ordines promoueri. infr. cap. fin. Ideo multo magis dispensandum est cum iam ordinato, ut possit in suo ordine ministrare. ut in tex. Multa enim fieri prohibentur, quæ tamen facta tenent. c. ad Apostolicam. de regular. Et turpius ei jecitur, quàm non admittitur hospes. c. quemadmodum. de iureiur. Et ob id Papa non retinet sibi facultatem dispensandi cum tali, sed eam Episcopo loci concedit, qui tamen debet illi imponere pœnitentiam de graui excessu duelli. ut in tex. & infr. c. fin. Et quatenus ad duellum spectat, vide quæ nouissimè definiuit Concil. Trid. sess. 25. de refor. c. 19. & adde S. Tho. & ibi Caiet. 2. 2. q. 97. art. 8.

Cap. 2. Cum de tua.

HABENS in oculo maculam, quæ non inducit magnam deformitatem, etiam ad episcopatum poterit promoueri.

QUIA ille defectus in aliquo membro repellit ab ordine, qui vel impediret ordinatum in executione ordinis, vel propter deformitatem generaret scandalum. supr. in c. prox. & S. Tho. par. 3. q. 39. art. 6. in addit. Et quoniam macula in oculo, quæ non inducat multam deformitatem, non impedit executionem officij, nec generat scandalum. gloss. fin. hic. & l. qui clauum. ff. de ædilit. edict. Ideo per talem maculam non est quis ab aliquo ordine, etiam si sit episcopalis, prohibendus. ut in tex. Quæ autem macula dicatur inducere scandalosam deformitatem, relinquitur arbitrio ordinantis. Butr. nu. 3. Patiens autem notabilem defectum in oculis, etiam in lege veteri à ministerio Dei repellebatur, sicut & alij defectuosi, ne offerret panes propositionis. Leuit. cap. 21. Et quid per illos defectus significetur, exponitur in c. 2. dist. 49.

T t 2 Cap.

Cap.3. Ex parte .

SECTVS in cunabulis, licite promouetur .

QVIA secundum statuta Concilij Niceni , illi sc̃ti ad clericatus ordinem prohibentur accedere , & etiam si in clero fuerint , debent cessare, qui seipsos sani absciderint, vel affectauerint, vt ab alijs abscindantur. vt in tex. & c. si quis pro ægritudine. dist. 55. Notatur enim in talibus nimium crudelis voluntas in seipsos. c. qui partem. d. dist. 55. Et quoniam, qui in cunabulis sc̃tus est, non potest eo tempore abscissionem affectare, cum iudicium animi tunc non haberet. vt in tex. & sic non potest dici , quod fuerit in seipsum crudelis . l. 1. C. de fals. monet. Ideo talis non debet impediri, quominus possit per huiusmodi defectum ad ordines promoueri. vt in tex. Præsertim cum in canonibus Apostolorum sit manifeste sancitum, quod eunuchus , si per insidias hominum factus, vel ita natus sit, aut etiam in persecutione sint ei amputata virilia, & dignus est, possit in Episcopum promoueri . vt in tex. Et similiter si ex aliqua iusta causa, puta timore lepræ, quis fecerit sibi virilia, abscindi , ab ordinibus non prohibetur. infr. c. ex parte. & d. dist. 55. c. si quis à medicis . Nec tunc est necesse seruare illam carnem , vel puluerẽ, vt dicunt vulgares . gl. in c. eunuchus. d. dist. Sed qui sine iusta causa fecit sibi virilia abscindi , prohibetur ordinari. infr. c. prox. quia quasi sui homicida videtur, & Dei conditioni inimicus. c. si quis absciderit. d. dist. Videtur enim Deum redarguere , quod plus in eo creauerit, quàm fuerit necesse. c. ab exordio. dist. 35. Et præsumitur, quod omne turpe in alium faceret, qui hoc in seipso ausus est attentare. l. cum autem . §. excipitur. ff. de ædilit. edict. Nec potest quis sibi iniicere manus , cum nemo sit dominus membrorum suorum . l. liber. ff. ad leg. Aquil. Nec excusatur , quod hoc fecerit ad caste viuendum. infr. c. prox. quia religione, non ferro quærenda est castitas. cap. tunc saluabitur. 33. q. 5. & gloss. hic. Nec obstat exemplum de Origene , qui se eunuchum fecit, vt liberius in occulto posset prædicare, tempore persecutionis ecclesiæ, mulieribus ; & tamen postea apud Cæsaream factus est sacerdos . Nec exemplum Marci, qui præcidit sibi pollicem , vt sic fieret indignus sacerdotio , & tamen postea factus est sacerdos . gloss. in d. c. si quis absciderit. quia hæc specialia non sunt trahenda ad consequentiam. d. gloss. & cap. petisti. 7. q. 1. Marcus autem ille , non fuit Marcus Euangelista , vt quidam putant, sed alter Marcus anachoreta , vt notat Baronius tomo 11. Annalium sub anno Christi 45. in fine .

Cap.4. Significauit .

SACERDOS , qui sine causa virilia sibi fecit abscindi , credens

inde

inde mereri, de dispensatione Episcopi, suum officium (præter altaris ministerium) poterit exercere.

QU^{VI}A cum non liceat alicui in propria membra scire, talis grauius deliquit. *supr. c. prox.* Et per huiusmodi abscissionem efficiatur irregularis. *Innoc. hic in fin.* Et ob id de iure communi prohibetur, ne ad ordines promoueat, & si est promotus, quod in illis non administret. *c. si quis absciderit. dist. 55. & cap. maritum. distin. 33.* Sed quoniam simplicitati, & ignorantie, facilius venia tribuitur. *c. cum vnuerforum. de rer. permur.* Et bona intentio malum factum excusat. *c. dixit. & ibi glos. fin. 3. q. 4.* Ideo pia intentio illius, qui virilia fecit sibi abscindi, credens se obsequium Deo præstare, debet operari, ut facilius quo ad aliqua cum eo dispensetur, & sic Papa concedit, ut Episcopus possit quo ad eius sacerdotale officium in aliqua parte administrandum, cum tali sacerdote dispensare. *vt in tex.* Sed quoniam oblatio altaris omnia alia sacramenta præcellit. *cap. nihil. de consecrat. distin. 22.* Et in maioribus cautius est agendum. *cap. vbi. de elect. in 6.* Ideo quo ad illam Papa sibi facultatem cum tali dispensandi reseruat. *vt in text. & glos. fin. hic.*

Cap. 5. Ex parte. il 2.

SACERDOS, qui ex iusta causa facit sibi virilia abscindi, potest, ut prius sacerdotale officium exercere.

QU^{VI}A canones non prohibent à sacri altaris administratione illos, qui ex iusta causa faciunt sibi virilia abscindi. *vt in tex. & c. si quis pro ægritudine. distin. 55.* Sed illos excludunt, in quibus propter talem abscissionem, crudelis voluntas in seipso notatur. *supr. c. ex parte. & dist. 55. c. qui partem.* Et quoniam in materia irregularitatis, & ordinationis, regula procedit affirmatiue, ut quilibet ad ordines censeatur idoneus, nisi in iure reperiatur prohibitus. *Abb. hic. num. 22.* Ideo cum quis sentiret sibi lepræ periculum imminere, de consilio medici virilia fecit sibi abscindi, ut posset ab illo infirmitatis vitio liberari, vel ex alia simili rationabili causa de suo consensu fuerint sibi abscissa, si aliis est idoneus, non debet impediri, quin sui ordinis officium exequatur. *vt in tex. & cap. si quis à medicis. dist. 55.* Notat autem Burr. hic, quod incisio virilium proficit ad curam morbi lepræ; ex quo videtur, quod lepra aliquando procedat ex instinctu luxuriæ, & quod non solum in infirmitatibus animi minus malum est eligendum, *vt 13. dist. per totum.* sed etiam in infirmitatibus corporis, *vt in casu huius tex. in quo pro sananda lepra abscinduntur virilia. Burr. & Abb. hic.* Unde est intelligendum de lepra, quæ sit maius malum, quam talis abscissio. Sex enim illius enumerantur species. *Leuit. cap. 13.*

Cap.

Cap.6. Exposuisti.

MUTILATIVS manu, si promotus fuerit in abbatem, ab abbazia deponitur.

QUIA mutilatio manus est enormis defectus, qui impedit exercitium sacerdotij, & generat scandalum, si de facto exerceatur. c. presbyterum. de cleric. & grot. Vnde taliter impeditus non potest ad sacros ordines promoueri. vt in tex. Et quoniam abbas debet de iure communi esse sacerdos. cap. 1. de & stat. & qual. ordin. Et inhabilis ad vnum connexorum, est inhabilis ad reliquum. Abb. hic. Ideo si aliquis in promotione sua ad abbatiam, tacuit fraudulenter huiusmodi defectum, cum non possit promoueri ad ordinem requisitum, est ab officio abbatiz etiam amouendus. vt in tex. & d. c. 1. de & stat. ordinan.

Cap.7. Thomas.

CARENS ungula pollicis, dummodo sit fortis in pollice, licite ad sacerdotium promouetur.

QUIA modica deformitas in membro non impedit exercitium ordinis, nec generat scandalum, propter quæ impedimenta quis prohibetur ab ordinibus. sup. c. cum de tua. Et quoniam carentia ungulæ est modicus defectus. sup. c. 1. Ideo si alijs talis sit potens in pollice ad frangendum eucharistiam, & aliud canonicum non obsistat, propter deformitatem, & defectum ungulæ, non debet ab ordine sacerdotij prohiberi. vt in tex. & c. qui partem. dist. 55. Vnde ex prædictis in hoc tit. circa huiusmodi membrorum defectus, est distinguendum. Quod quidam sunt corpore vitiati sponte, quidam casu; si sponte, distingue, aut nulla iusta causa interueniente; & tunc ordinandus repellitur, & iam ordinatus deijcitur. c. qui partem. & c. si quis à medicis dist. 55. & c. maritum. dist. 33. aut iusta causa interueniente, & tunc non prohibetur ab ordine. sup. c. ex parte. il. 2. nisi generet deformitatem, quia tunc in omni casu repellitur. c. lator. & c. si euangelica. dist. 55. & sup. c. exposuisti. Si casu, & tunc si in magnis membris, & deformitatem generet, repellitur, & deijcitur. d. c. si euangelica. In parvis verò membris non impeditur, si deformitas modica sit, & sine culpa sua, vt in hoc cap. fin. Si verò culpa sua in talem modicam deformitatem incidit, de misericordia etiam toleratur. sup. c. 1.

Liber Primus . Titulus XXI.

DE BIGAMIS NON
ORDINANDIS.

In Decretal. Cap. i. Vt bigami.

BIGAMI non sunt ad sacerdotium promouendi.

QU^{IA} per sacramentum ordinis quis constituitur sacramentorum minister . Et quoniam ille, qui alijs debet sacramenta ministrare , nullum debet in sacramentis pati defectum . Defectus autem in sacramento est , quando sacramenti significatio integra non inuenitur . Et sacramentum matrimonij significat coniunctionem Christi ad ecclesiam , quæ est vnus ad vnam . Ideo requiritur ad perfectam significationem sacramenti , quod vir sit tantum vnus vir , & vxor sit tantum vnus vxor ; & ideo bigamia , quæ hoc tollit , irregularitatem inducit , & impedit ordinari . S. Thom. par. 3. q. 66. art. 1. in addit. Præterea , in illis , qui accipiunt sacramentum ordinis , maxima spiritualitas debet apparere , tum quia spiritualia ministrant , scilicet sacramenta ; tum quia spiritualia docent , & in spiritualibus occupari debent . Et quoniam concupiscentia , per quam totus homo caro efficitur , maxime spiritualitati repugnat . Ideo non debet aliquod signum concupiscentiæ permanentis in ordinandis apparere ; quod quidem apparet in bigamis , qui vna vxore noluerunt esse contenti ; & ideo etiam prohibentur ordinari . S. Th. d. art. 1. Et præcipue prohibetur bigamus promoueri ad sacerdotium , & alios ordines sacros . vt in tex. cum in istis propter eorū excellentiam maior continentia , & spiritualitas requiratur . glos. in sum. dist. 26. Sunt autem quatuor modi bigamiæ . Primus est , cum quis habet plures vxores de iure successiue . Secundus , cum simul habet plures , vnam de iure , aliam de facto . Tertius , cum habet plures successiue , vnam de iure , aliam de facto . Quartus , quando quis viduam ducit vxorem . Et omnibus his modis est irregularitas adiuncta . S. Thom. ibidem . & glos. infr. in cap. proxim. quæ addit quintum , scilicet , quando quis scienter cognouit vxorem adulteram . vt in cap. si cuius . & cap. si laici . dist. 34.

Cap. 2. Super eo.

*CV M bigamo qui ordinatus est ad sacros , non dispensatur.**Quia*

QU^IA bigami prohibentur per Apostolum, ad sacros ordines promoueri. 1. ad Timoth. cap. 3. Et quoniam dispensatio est communis iuris relaxatio. glos. penult. in c. requiritis. 1. q. 7. Et inferior non potest tollere legem superioris. c. cum inferior. de maior. & obed. Ideo episcopis non licet contra dictum Apostoli dispensare, vt bigami ad sacros ordines promoucantur, vel, si promoti fuerint, vt in illis administrent. vt in tex. & infr. c. nuper. Papa autem, licet non dispense contra dicta Apostoli in his, quæ pertinent ad articulos fidei, & fortè in his, quæ pertinent ad generalem statum ecclesiæ, in alijs tamen bene dispensat. Innoc. hic. Petrus enim, cuius Papa est successor, fuit maior, quam Paulus, in administratione; ideo constitutione Pauli non adstringitur. Abb. nu. 6. Vnde Papa non dispensat quantum ad ea, quæ sunt de iure naturali, & quantum ad ea, quæ sunt de necessitate sacramentorum, & fidei; sed in alijs, quæ sunt de institutione Apostolorum, cum ecclesia nunc habeat eandem potestatem statuendi, & destituendi, quam tunc habuerit, potest per eum, qui primatum tenet in ecclesia, dispensari. S. Tho. par. 3. q. 66. artic. 5. in addit. Et quoniam bigamiæ non est adiuncta irregularitas de iure naturali, sed de iure positivo; nec est de essentialibus ordinis, quod ordinandus non sit bigamus; quod patet ex hoc, quod si aliquis bigamus ad ordines accedit, characterem accipit. S. Tho. ibidem. & c. quicumque. dist. 50. Ideo Papa potest dispensare in tali irregularitate totaliter; sed episcopus, quantum ad minores ordines; Et quidam dicunt, quod etiam quantum ad maiores in illis, qui volunt Deo in religione seruire, propter vitandum religiosorum discursum. S. Tho. d. art. 5. & glos. hic ver. dispensare.

ET ordinator priuabitur potestate ordinandi.

QU^IA conueniens est, vt quis puniatur, in quo peccauit. c. inter. de excess. præl. Ideo qui deliquit conferendo ordines, cui non debebat, ab illa ordinis collatione est in eius pœnā prohibendus. vt in tex. & c. litteras. de tempore ordin.

NISI cum eo fuerit dispensatum.

QU^IA legitima dispensatio reddit licitum, quod erat illicitum. glos. penult. in c. dudum. il. 2. de elect. Et quoniam conuenit in tali casu facilius dispensare cum ordinatore, in quo est sola culpa; quàm cum ordinato, in quo est irregularitas, & culpa. Abb. nu. 8. Ideo si cum ordinatore fuerit dispensatum, vt pro tali errore, ordinandi potestate, & officio non priuetur, poterit sine pœna priuationis incurrenda, etiam in futurum tales ordines conferre. vt in tex. & glos. fin. Dispensatio aurem ista est à Papa obtinenda. Abb. nu. 9. Cum eius sit soluere, cuius est ligare. d. c. cum inferior. Et ad id, quod dicitur, vbi non est dispensatio reservata, videtur inferioribus concessa, Respondetur, illud

De bigamis non ordinandis.

337

illud esse verum, nisi dispensetur, vbi pēna sit Papæ reservata, nam tunc intelligitur reservata etiam dispensatio. Butr. in fin. Vel dic potius, illud non esse verum. vt not. in Clemen. 2. de elect.

Cap. 3. De bigamis.

BIGAMVS, uxore viuente, vel mortua, non ordinatur.

QUIA non matrimonij vinculum, sed irregularitas contracta ex carnis diuisione in plures, verè, vel interpretatiue, est impedimento, vt bigamus ordinari non debeat. supr. c. 1. & 2. Et quoniam talis irregularitas non potest purgari per mortem vxoris, vel per pœnitentiam; nec etiam per baptismum subsecutum. c. acutius, & c. vna. dist. 26. Ideo non solum viuente vxore; sed etiã defuncta, bigamus non est admittendus ad diuinorum celebrationem, maximè cum à doctrina sit Apostoli, & institutionibus ecclesiæ alienū. vt in tex. & infr. c. prox.

Cap. 4. Nuper.

QUI mortua uxore, promotus ad sacros, cum secunda de facto contraxit, & cognouit, bigamie pœnam incurrit.

QUIA in maleficijs magis voluntas, quàm exitus spectatur. dist. 99. c. fin. & l. diuus. ff. ad leg. Corn. de sicar. Et propter similitudinem facti, quis numeratur inter eos, de quorum numero ipse non est. c. quotquot. 27. q. 1. & l. fin. ff. mand. Et quoniam qui de facto cum secunda contraxit, quantum in eo fuit, suam carnem in plures diuisit. vt not. supr. in c. 1. Ideo licet defectus vnitatis sacramenti re vera in illo non sit, qui vnã habuit vxorem, & post susceptionem ordinis sacri aliam duxit de facto; nam realiter carnem suam non diuisit in plures vxores, ex quo ista secunda non est vxor. glos. penult. hic. & glos. fin. in c. sanè. de cleric. coniug. vnde in veritate talis bigamus non existit. vt in tex. bigamiz tamen pœnam incurrit, & in susceptis ordinibus administrare non debet, non propter sacramenti defectum, sed propter affectum intentionis cum opere subsecuto. vt in tex. & infr. c. fin. Et præter alias pœnas, hodie promotus in sacris, si de facto contrahat matrimonium, est ipso facto excommunicatus. Clem. 1. de affinit. & consang.

LICET non sit bigamus.

QUIA bigamus propriè dicitur, quasi binz vxoris maritus. c. vnus. dist. 26. & c. aperiant. 31. q. 1. licet interpretatiue sint, & alij modi bigamiz, vt not. supr. c. 1. Et quoniam ordinatus in sacris non potest ducere vxorem, & si de facto ducat, de iure non tenet. d. c. sanè. & de atat. & qual. ordin. c. à multis. Ideo licet talis propter affectum intentionis cum opere subsecuto, bigamiz pœnam incur-

Vu rat. vt

rat. vt dictum est superius; verè tamen, & propriè bigamns non est. vt in tex. & glos. ver. in bigamis. supr. in c. 1.

Cap. 5. Debitum.

QVI contraxit cum virgine, licet prius ab alio fuerit desponsata, bigamus non censetur.

QUIA cum duo sint in coniugio, videlicet, consensus animorum, & commixtio corporum, quorum alterum significat charitatem, quæ consistit in Spiritu inter Deum, & iustam animam, ad quod pertinet illud, quod dicit Apostolus; Qui adhæret Deo, vnus Spiritus est cum eo. 1. ad Corinth. cap. 6. Reliquum verò designat conformitatem, quæ consistit in carne inter Christum, & ecclesiam, ad quod pertinet illud, quod Euangelista testatur; Verbum caro factum est, & habitauit in nobis. Ioan. cap. 1. profecto coniugium illud, quod non est ex commixtione corporum consummatum, non pertinet ad illud coniugium designandum, quod inter Christum, & ecclesiam, per incarnationis mysterium est contractum. vt in tex. iuxta quod Paulus exponens illud, quod prædixerat protoplastus; Hoc nunc os ex ossibus meis, & caro de carne mea. Genes. cap. 2. Et propter hoc relinquet homo patrem, & matrem, & adhærebit uxori suæ; & erunt duo in carne vna, statim subiungit; Hoc autem dico magnum sacramentum in Christo, & ecclesia. ad Ephes. cap. 1. Et quoniam propter sacramenti defectum, inhibiturum est, ne bigamus, aut maritus viduæ præsumat ad sacros ordines promoueri, quoniam nec illa est vnica vnici, nec iste vnus vnus. vt in tex. & supr. c. 1. Ideo vbi deficit inter huiusmodi coniuges commixtio corporum ex primis nuptijs, non deest in secundis significatio vnitatis, quæ inter Christum, & ecclesiam in matrimonio consideratur; Vnde is, qui mulierem ab alio viro ductam, sed minime cognitam, duxit in uxorem; quia nec illa, nec ipse carnem suam diuisit in plures; propter hoc impediri non debet, quin possit ad sacerdotium promoueri. vt in tex. & c. Valentino. dist. 24.

Cap. 6. Quia circa.

QVI plures habuit concubinas, ex eo bigamus non est.

QUIA in fornicatione non est sacramentum, & consequenter nec defectus talis sacramenti, qui bigamiam inducat; Et quamuis sit in fornicarijs maioris concupiscentiæ significatio, quam sit in illis, qui plures uxores successiue habuerunt, non tamen est concupiscentiæ ita adhærentis; nam per fornicationem vnus alteri non in perpetuo obligatur, & in eis non est defectus sacramenti, qui causat bigamiam. S. Tho. par. 3. q. 66. artic. 1. in addit. Ideo per fornicationem

cum

De bigamis non ordinandis.

339

cum concubinis non inducitur irregularitas bigamiæ, sicut inducitur per matrimonium cum pluribus. vt in tex. & c. fraternitatis. dist. 34.

Cap. 7. A nobis.

SVBDIACONS, qui cum vidua contraxit, & eam cognouit, bigamiæ penam incurrit.

QU^{IA} licet subdiaconus non possit de iure contrahere matrimonium c. presbyterum. dist. 28. Et ideo si de facto cum vidua contraxit, carnem suam non diuisit in matrimonio cum illa. vt in tex. & sic propriè non dicitur bigamus. supr. c. nuper. Tamen quoniam in maleficijs magis voluntas, quàm exitus spectatur. l. diuus. ff. ad leg. cornel. de sicar. Ideo ex quo talis deliquit contrahendo de facto, & quantum in ipso fuit, deduxit opus ad effectum, bigamiæ penam incurrit, ac si verè contraxisset, non propter sacramenti defectum, sed propter affectum intentionis cum opere subsecuto. vt in tex. & d. c. nuper.

LICET bigamus non sit.

QU^{IA} bigamia incurritur in matrimonio cum vidua, propter carnis diuisionem interpretatiuè factam cum pluribus. vt nor. supr. in c. 1. & glos. 3. in c. 2. Et quoniam inter subdiaconum, & viduam non est vere matrimonium, vt dictum est superius. Ideo ipse non potest dici viduæ maritus, & ob id bigamus vere non existit. vt in tex. & d. c. nuper.

In Sexto.

Cap. vnic. Altercationis.

BIGAMVS nudatus est omni priuilegio clericali, & est adstrictus seculari foro.

QU^{IA} priuilegium meretur amittere, qui permessa sibi abutitur potestate. c. tuarum. extr. de priuil. Et frustra inuocat legis auxilium, qui committit in legem. c. contingit. il. 2. de sent. excom. Et quoniam prohibitum est, ne clerici sint bigami. extr. c. 1. & 3. Ideo licet clericus in minoribus, coniugatus, si non sit bigamus, possit gaudere quo ad aliqua priuilegio clericali. c. sane. extr. de cleric. coniug. ille tamen, qui est bigamus, tanquam exerceas actum ordini clericali aduersum, omni clericali priuilegio, cui renunciare iam ex se videtur, à iure ipso facto priuatur. vt in tex. & c. quisquis. dist. 84.

NEC valet consuetudo in contrarium.

QU^{IA} talis consuetudo est canonicis institutionibus inimica. extr. c. 1. Ideo est potius dicenda corruptela, & tanquam illicita

V u 2

extrir-

extirpanda. c. ad audientiam. extr. de consuet. & c. 1. sup. eod.

ET prohibetur ei sub anathemate, ne tonsuram deferat.

QUIA redundaret in ignominiam ordinis clericalis, si ille tonsuram deferret, qui seculari foro subesset. c. Ioannes. extr. de cleric. coniug. Ideo ex quo talis non gaudet privilegio fori clericalis, ut dictum est superius; prohibetur etiam, ne tonsuram, vel habitum clericalem deferat. ut in tex. & glos. fin. hic.

Liber Primus. Titulus XXII.

DE CLERICIS PEREGRINIS

In Decretal. Cap. 1. Tua.

VLTRAMONTANI, & valde remoti, ordinationē suam probare debent per quinque episcoporum sigilla.



QUIA ubi maius periculum vertitur, cautius est agendum. c. ubi. elect. in 6. Et quoniam posset saepe contingere, ut propter distantiam loci, & personarum qualitates non cognitae, illi, qui sunt valde remoti, falsificaret proprii Episcopi sigillū, & quod nō bene essent, qui recognoscerēt illud. c. nullus. & c. transmarinos. dist. 98. Ideo, licet ad probandā ordinationem vicinorum clericorum, sufficiat littera proprii Episcopi cum suo sigillo obsignata. infr. c. tua. & dist. 7. c. priuatus. quo ad clericos tamen valde remotos, quales sunt vltamarinī, sunt observanda veterum Patrum instituta, ut ad minus quinque Episcoporum super ordinatione sua testimonio muniantur. ut in tex. & d. c. transmarinos. Et nihilominus sunt etiam per aliquod tempus in expectatione tenendi, antequam ordinentur, ut plenius de vita eorum instructio habeatur; sed & de inferioribus eorum ordinibus inquiri oportet, quia posset contingere, ut aliquibus pratermissis, saltum fecissent. ut in tex. & cap. Afros. dist. 98.

Cap. 2. Inter.

CLERICVS peregrinus, qui iurat se ordinalum, nisi aliter probet, in illo ordine non suscipietur, nec ad superiores promovebitur.

QUIA cum nullus clericus sine litteris sui Episcopi, vel sufficienti testium probatione, sit in aliqua ecclesia suscipiendus. c. primatus. & ibi

& ibi glos. 1. dist. 7 1. multo magis est hoc obseruandum in clericis ignotis, ne facile quis admitteretur ad ordines, qui de iure esset ab illis repellendus. supr. c. prox. Et quoniam nemo potest pro se testificari. 14. q. 2. in sum. Et non adhibetur fides sponte ad iurandum se offerenti. c. ex litteris. de in integr. restit. Ideo non est credendum soli iuramento clerici asserentis se ordinatum; sed, nisi de ipsius ordinatione canonica, per idonea constiterit argumenta, nec in assertis per ipsum ordinibus est suscipiendus, nec ad maiores est promouendus; præsertim antequam, eius conuersatio fuerit approbata. vt in tex. & dist. 7 1. c. 1. Et nouissime contra male ordinantes, & male promotos, emanauit constitutio Sixti V. qui contra tales auget pœnas. Data Nonis Ian. 1588. Quæ tamen fuit postea moderata per Clement. VIII. qui tollit illas Sixti pœnas, præterquam contra simoniacos. Data prid. Kal. Ian. 1595.

Cap. 3. Tuæ.

PEREGRINVS, de cuius ordinatione non constat, non permittitur celebrare in publico.

QUIA si talis peregrinus non esset sacerdos, publice simulans celebrare, deciperet populum adstantem. glos. fin. hic. & c. de homine. de celebr. missar. Et quoniam periculis est obuiandum. supr. c. 1. Ideo nisi legitime constiterit, siue per litteras, siue per testes, de canonica ordinatione peregrini, qui penitus sit ignotus, non debet Episcopus loci permittere, illum in suis plebibus celebrare. vt in text. & c. quiescamus. dist. 42. Si autem non esset penitus ignotus, posset Episcopus animi sui motum informare, & secundum quod sibi videbitur, illum ad publice celebrandum admittere, vel repellere. Abb. hic.

SED in occulto sic.

QUIA dum talis permittitur occulte celebrare, si non esset sacerdos, nullum alium deciperet, quàm seipsum. glos. fin. hic. Et quoniam non est verisimile, quòd aliquis sit propriæ salutis immemor. cap. sancimus. 1. q. 7. Ideo cum non sit tunc periculum de aliorum salute; nec illud præsumatur de propria, non requiritur tanta diligentia in habenda fide sui ordinis; sed sibi creditur, & ex deuotione permittitur in occulto celebrare. vt in tex. & Butr. hic.

Cap. 4. Te nobis.

INFERIORES prælati, sine diœcesanorum consensu, in ecclesijs suis peregrinos non possunt instituere.

QUIA institutio auctorizabilis in ecclesijs, ad minorem Episcopo pertinere non potest. c. cum satis. infr. tit. prox. & c. nullus. 16. q. 7. Et quo-

Et quoniam nemo debet ponere manum in messem alienam, nec sibi vendicare, quod ad suum non spectat officium. c. venerabilem. de elect. Ideo tanquam honestati contrarium, & à sanctorum Patrum institutionibus alienum, non licet inferioribus prælatis sine Episcopi consensu in aliqua ecclesia clericos instituere, & maxime peregrinos. vt in tex. & Abb. nu. 3. Ad episcopum enim, qui est ordinarius totius diœcesis, pertinet cauere, ne indigni in sua diœcesi instituantur in ecclesijs. Innoc. hic. Ad celebrandum tamen bene possunt inferiores prælati illos admittere, etiam sine licentia Episcopi, si habent eos plene notos, cum hoc non sit de reseruatis Episcopo; sed non possunt cognoscere de validitate eorum litterarum dimissorialium, cum solis Episcopis sit hæc cognitio reseruata. Innoc. hic.

Liber Primus . Titulus XXIII.

DE OFFIC. ARCHIDIACONI.

In Decretal. Cap. I. Vt archidiaconus.

ARCHIDIACONVS post Episcopum tenetur habere curam de omnibus, quæ ad diuinum cultum spectantia, in clero occurrere possunt, tam in ciuitate, quàm in diœcesi.



QUONIAM curam animarum, & ecclesiarum, earumque ministrorum totius diœcesis generaliter tenetur Episcopus habere. c. quæcunque. 10. q. 1. Sed quoniã Episcopus non potest per seipsum omnia adimplere. c. inter cætera. de offic. ordin. Ideo dantur ei diuersi ministri, & cooperatores, qui suppleant, vbi ipse non potest. cap. perlectis. distinct. 25. Et præcipue datur ei Archidiaconus, qui ob id dicitur vicarius, & oculus Episcopi sibi datus à iure; cui post Episcopum competit maior iurisdictio, quam alicui alteri de diœcesi. infr. c. ad hæc. Et ob id tenetur magis, quam teneantur alij, adiuuare Episcopum tam in ciuitate, quam in diœcesi, circa curam diuini cultus, & circa officium per illius ministros, adhibendum. vt in tex. & d. c. ad hæc. Si tamen ex consuetudine, vel ex institutione essent aliæ dignitates, quæ supplerent officium Episcopi in his, quæ de iure communi ad archidiaconum spectant, tales consuetudo, & institutio essent obseruanda, cum ex eis acquiratur iurisdictio. Innoc. hic. Et hodie qui debeant eligi in archidiaconos, & quis eorum habeat ius visitandi, quomodo debeat visitare, & de quibus causis cognoscere possit, est attendendum Concil. Trid. sess. 24. cap. 3. 12. & 20. de reform.

Cap.

Cap. 2. Officium .

ARCHIDIACONI officium est, Euangelium legere, & totum diuinum officium, quo ordine sit recitandum, declarare, aliaque ad diuinum cultum hic enumerata disponere .

QU^{IA} hæc maiora munera ecclesiæ, quæ non possunt per Episcopum personaliter exerceri, conueniens est, ut per illum exercetur, qui post Episcopum tenet in ecclesiâ primam dignitatem, c. perlectis. dist. 25. Et quoniam de iure communi post Episcopum archidiaconus tenet in ecclesiâ primum locum. supr. c. prox. Ideo ad ipsum spectat horum curam exercere. ut in tex. & infr. c. ad hæc. si de iure speciali non addit alia dignitas, cui hæc incumbant, ut dictum est supr. in cap. prox.

Cap. 3. Ea, quæ .

CVSTODIA vasorum ecclesiæ spectat ad Archidiaconum .

QU^{IA} qui habet munus, debet habere onus. c. qui sentit. de reg. iur. in 6. Et quoniam archidiaconus habet dignitatem, cui de iure communi est annexa cura rerum ecclesiæ, quæ per ipsummet Episcopum non potest haberi. supr. c. prox. Ideo si ex talibus rebus aliquid deperierit, archidiaconus punietur, & ad illarum restitutionem condemnabitur. ut in tex. & Abb. hic. Si tamen illarum custodia ad custodem, siue thesaurarium ex iure speciali spectaret, ipsi tenerentur reddere rationem, non autem archidiaconus. ut supr. c. 1. & glos. 1. hic.

Cap. 4. Cum satis .

ARCHIDIACONVS sine mandato Episcopi non committit curam animarum, id est, non habet institutionem auctorizabilem .

QU^{IA} ad Episcopum pertinet cura animarum totius diocesis, & eius officium est inuigilare, ne indigni instituantur ad regimen illarum. supr. c. te nobis. tit. prox. & c. quamuis. infr. de reg. iur. Et quoniam nemo debet contra sanctorum Patrum constitutiones venire; nec sibi vendicare, quod ad summi non spectat officium, ut in tex. & c. nullus omnino. 16. q. 7. Ideo sine licentia, & mandato Episcopi non debet archidiaconus præsumere, alicui committere curam animarum. ut in tex. & c. admonet. de renunt. Et si ex consuetudine, vel privilegio archidiaconus, vel alius prælatus hanc curam demandaret, debet hoc facere, ut Episcopi vicarius. Innoc. hic.

Cap. 5. Archidiaconis .

ARCHIDIACONVS de iure communi non potest excõiccare .

Quia

QUIA excommunicatio dicitur mucro dignitatis episcopalis. c. vis. 16. q. 2. Et est maxima pœna. c. corripiantur. 24. q. 3. Et quoniam nemo debet sibi vendicare potestatem, quæ pertinet ad Episcopum. supr. c. prox. Et archidiaconus habet modicam iurisdictionem. supr. c. 1. & infr. c. fin. Ideo de iure communi archidiaconus excommunicare non potest. vt in tex. & d. c. corripiantur. Ex consuetudine tamen posset habere excommunicandi facultatem. c. cum ab ecclesiarum. de offic. ordin. & glos. in c. nemo. 2. q. 1. quia talis potestas pertinet ad ea, quæ sunt iurisdictionis, glos. fin. in c. transmissam. de elect. Et consuetudo dat, vel tollit iurisdictionem, vbi non opponitur ei incapacitas personæ. d. glos. in d. c. nemo. Non tamen potest tunc anathematizare, siue excommunicare cum illa solemnitate, qua potest Episcopus; cum hoc non conueniat dignitati inferiori, sed ad maiorem pœnæ terrorem, reseruatur episcopali dignitati. glos. 1. in d. c. cum ab ecclesiarum. & glos. in c. cum in cunctis. ver. archidiaconatum. de elect.

Cap 6. Mandamus.

ARCHIDIACONVS semel in anno visitat suam prouinciam, id est, parochiam.

QUIA visitatio prælati non debet esse ita rara, vt per eius incircumspectionem in locis visitandis abusus introducantur; nec debet esse ita frequens, vt per eius accessum, & commestionem, in exhibendis expensis subditi doleant nimium se grauari. c. cum venerabilis. de censib. & c. placuit. 10. q. 1. Et quoniam visitare regulariter semel in anno, apparet tempus moderatum ad istos duos respectus obseruandos. c. decernimus. 10. q. 1. & glos. fin. in d. c. cum venerabilis. Ideo vbi habet archidiaconus facultatem visitandi suam parochiam, sufficit, quod semel in anno hoc faciat. vt in tex. & c. cum Apostolus, § penult. de censib. Archidiacono autem competit visitare, potius de consuetudine, quam de iure communi. glos. supr. in c. cum satis. Nam visitare pertinet ad curam animarum. c. dudum. il. 2. de elect. Et de iure communi Archidiaconus non habet curam animarum. glos. in d. c. cum satis. Et quando ipse habet facultatem visitandi, eius visitatio non excludit visitationem Episcopi, & Archiepiscopi. Abb. hic. Et si eius visitatio non est multum necessaria, potest differri per triennium. supr. c. 1.

NI SI necessitas exigit plus.

QUIA necessitas non habet legem, id est, cessat lex, vbi venit necessitas. l. vnic. & ibi glos. ver. expedire. ff. de offic. consul. Et quæ de nouo emergunt, nouo indigent auxilio. l. de ætate. §. ex causa. ff. de interrog. act. Ideo non solum semel in anno, sed etiam bis, & pluries, si est opus, potest prælatus visitare. c. visitandi. 18. q. 2. & glos. hic. Si ve-

Si verò non propter necessitates ecclesiarum, & populorum; sed pro suis negotijs prælatus accederet ad illos, non tenerentur subditi exhibere ipsi tunc expensas, & procuraciones. vt in d.c. cum venerabilis. & l.fin. C. de stat. & imag. Qualiter autem hodie visitent archidiaconi, tradit Concil. Trid. sess. 24. de refor. c. 3.

Cap. 7. Ad hæc.

OFFICIUM archidiaconi consistit principaliter in releuando episcopum circa sollicitudinem pastorem.

QUIA cum episcopus non possit omnia ad eius curam spectantia per seipsum exercere, dantur ei diuersi ministri, & cooperatores, qui adiuuent illum. c. inter cætera. de offic. ord. Et quoniam principalis eius cooperator est archidiaconus, qui sibi datur vicarius à iure. vt in tex. Ideo pro episcopi subleuatione, ad archidiaconum spectat principaliter, tanquam ad eum, qui est oculus, & vicarius episcopi, prospicere per episcopatum, & quæ viderit corrigenda, corrigere, & emendare, nisi sint negotia ita ardua, quod absque episcopi præsentia nequeant terminari. vt in tex. & supr. c. 1. Quæ autem sint negotia regulariter per archidiaconum prospicienda, enumerantur hic in tex. Et quæ sint negotia grauiora per ipsum non terminanda, recensentur hic per Abb. nu. 1. Et hodie præcipue non indicant archidiaconi causas matri monij, & criminum. Concil. Trid. sess. 24. de refor. cap. 20. Nec causas concubinatus. idem Concil. sess. 25. de refor. cap. 12. Et quales debeant creari archidiaconi, vide idem Concil. sess. 14. de refor. cap. 14.

Cap. 8. Significasti.

ARCHIDIACONS non dat commendatitias ad ordines.

QUIA dare litteras commendatitias ad ordines, est iurisdictionis episcopalis. c. extraneo. dist. 71. Ad episcopum enim spectat iudicare, quoniam de diocesi sint alij præficiendi. c. nullum. 9. q. 2. Et quoniam nemo debet ponere manum in messem alienam. c. nullus omnino. 16. q. 7. Ideo neque archidiaconus, neque alius potest sine licentia, & auctoritate episcopi, promouendis ad ordines litteras concedere. vt in tex. & c. quamuis. dist. 68. Si tamen aliquis sine eius licentia fuerit ordinatus, ordinatio tenet, & talis non est suspensus ipso facto; sed est per sui episcopi sententiam ab ordinis sic suscepti executione suspendendus. gloss. 1. hic. Vnde si celebrat, antequam fuerit ei interdicta ordinis executio, ex quo non est adhuc suspensus, non incurrit irregularitatem. Host. & Abb. hic.

Cap. 9. Vt nostrum.

ARCHIDIACONVS examinat, & præsental ordinandos, & ponit prælatos in sede.

QUIA cum archidiaconus sit datus à iure vicarius episcopi, vt ei sit præcipuus coöperator in ecclesiæ onere supportando. *supr. c. 1.*

Hæc, quæ sunt negotia grauiæ, & quibus non potest episcopus per seipsum incumbere, ad eius principalem ministrum debent pertinere. vt in *tex.* Et quoniam vbi intentio alicuius est fundata de iure communi, dicens oppositum, aggrauatur onere probandi; nec sufficit, quod semiplenè prober, sed debet plene probare. *Abb. hic.* Ideo archidiaconus præsentans proprio episcopo ordinandos, & illos examinans, & ponens prælatos in sede (quod est vnum signum dandi prælaturæ possessionem) præsumitur ex proprio officio hæc facere; nec creditur alteri asserenti talia ad aliâ dignitatem pertinere. vt in *tex.* & *Ioan. Andr. hic.*

Cap. 10. Dilecto.

ARCHIDIACONI in monasterijs iurisdictionem non habent.

QUIA de iure communi, propter situm in territorio, solus episcopus habet iurisdictionem in ecclesijs in sua diocesi existentibus. *c. monasteria. 18. q. 2. & c. omnes basilicæ. 16. q. 7.* Et de iure speciali per exemptionem ab episcopis, solus abbas, vel reliqui prælati illius ordinis, iuxta vires priuilegij, ibi iurisdictionem exercent. *c. 2. de capell. monach. & c. quanto. de offic. ordin.* Et quoniam nemo debet sibi vendicare, quod ad suum non spectat officium. *supr. c. cum satis.* Ideo neque de iure communi, neque speciali, potest archidiaconus in monasterijs (sub prætextu, quod intra metas sui archidiaconatus illa sint sita) iurisdictionem exercere. vt in *tex.* & *d. c. 2. de capell. monach.*

NISI quantum tribuit eis generalis, vel specialis consuetudo.

QUIA per consuetudinem acquiritur iurdictio, quando persona est capax de illa. *c. cum contingat. de for. compet. & c. irrefragabili. de offic. ordin.* Et quoniam archidiaconus est capax ad exercendam iurisdictionem in monasterijs, cum sit persona ecclesiastica. *glos. penult. hic. & glos. supr. in c. cum satis.* Ideo, licet de iure scripto communi, vel speciali, non competat archidiacono iurdictio in monasterijs sitis intra metas sui archidiaconatus, vt dictum est superius. Ex consuetudine tamen potest in illis iurisdictionem habere. vt in *tex.* & *d. c. 2. de capell. monach.* Et quid in visitatione præstare debeant prælati, tradit *Concil. Trid. sess. 24. de refor. cap. 3.*

Liber

DE OFFICIO ARCHIPRESBIT.

In Decretal. Cap. 1. Ut Archipresbyter.

ARCHIPRESBITER ciuitatis subest archidiacono.



QUIA archidiaconus est datus à iure vicarius episcopi, & habet maiorem iurisdictionem, & administrationem, quam habeat archipresbyter. supr. tit. prox. c. 1. & dist. 25. c. perlectis. §. archidiaconus. Et quoniam ubi aliquis tenet locum superioris, & habet maiorem administrationem, (licet sit ordinis minoris), quo ad illud officium est alteri præferendus. c. præcipimus. dist. 93. & gloss. fin. in c. statutus. de maior. & obed. Ideo, licet quo ad ordinem archidiaconus non præsit archipresbytero, quo ad iurisdictionem tamen archipresbyter archidiacono subest, & eius præceptis, sicut sui episcopi obedire debet. ut in tex. & gloss. 1. hic. Archipresbyter tamen, & archidiaconus se habent diuerso respectu, ut excedens, & excessum, nam in aliquibus archidiaconus reueretur archipresbyterum, & in aliquibus è contra archipresbyter archidiaconum; in quibus ecclesiarum consuetudines sunt seruandæ; Host. & Abb. hic.

Et principaliter præst presbyteris, & presbyteralibus officijs.

QUIA archipresbyteri ministerium constituitur, ut super alios presbyteros in solemnibus officijs diligentiam adhibeat, & ut in ecclesia cathedrali curam gerat animarum, si illi imminet, & in episcopi absentia, eius vice missam solemnem celebret, & collectam dicat, aut cui ipse iniunxerit. ut in tex. Et quoniam per hæc munera exercet officium super alios presbyteros. d. c. perlectis. §. archipresbyter. Ideo etiam digniorem locum debet obtinere, & illis præesse, ut in tex. & c. 1. subdiacono. dist. 93.

Cap. 2. Ministerium.

Si Episcopus defuerit, archipresbyter provideat cuncta, quæ in sacerdotum ministerio perfici debeant.

QUIA archipresbyter ciuitatensis est vicarius episcopi in foro penitentiali, & in celebratione diuinorum. supr. c. prox. & Zabur, in Clem. 1. nu. 27. de præb. Et quoniam ubi abest principalis, ad eius vicarium spectat, illius supplere officium. cap. 1. supr. tit. prox. Ideo tunc maximè, cum Episcopus abest, debet archipresbyter gerere curam su-

X x 2 per

per sacerdotes in spectantibus ad diuinum officium in ecclesia cathedrali peragendum. vt in tex. & infr. c. prox. Et si sint archipresbyteri, & alij qui habeant curam animarum, debent populo prædicare verbum Dei. Concil. Trid. sess. 5. de refor. c. 5.

Cap. 3. Officium.

OFFICIUM archipresbyteri de vrbe constat, quando ibi presul defuerit, vice eius officium inchoare, benedictiones presbyterales in ecclesia dare, missam quando voluerit cantare; vel cui de sacerdotibus iusserit.

QU^{IA} archipresbyter de vrbe, est in ecclesia cathedrali vicarius Episcopi in celebratione diuinorum. supr. c. prox. Et quoniam ea, quæ hic enumerantur, spectant ad diuini officij functionem. vt in tex. Ideo, absente Episcopo, per archipresbyterum talium cura est assumenda. vt in tex. & supr. c. 1.

Cap. 4. Vt singulæ.

ARCHIPRESBYTER ruralis, presbyterorum, & laicorum plebania suæ curam gerit.

QU^{IA} cum Episcopus, quantumuis valde sit idoneus, non possit per seipsum omnem sollicitudinem erga Dei populum per totam diocesim exercere; ne quis patiat in spiritualibus detrimentum ex ministrorum defectu, decet, vt onera sua cum alijs partiatur. vt in tex. & c. mandata. de præsumpt. Et quoniam vbi non est vnus, qui alijs præsit, ibi inter alios solent facile suscitari discordiæ, & communis negligi cura. c. in apibus. 7. q. 1. Ideo singulæ plebes debent archipresbyterum habere, propter assiduam erga populum Dei curam, qui non solum imperiti vulgi sollicitudinem gerat; verum etiam presbyterorum, qui per minores titulos habitant, vitam iugi circumspectione custodiat, & qua vnusquisque industria diuinum opus exerceat, Episcopo suo renuntiet, vt in nullo titubet ecclesiastica sollicitudo. vt in tex. & supra tit. prox. c. ad hæc.

CONTRA decretum tamen Episcopi nihil ordinare potest.

QU^{IA} inferior non potest tollere legem sui superioris. c. cum inferior. de maior. & obed. Ideo non potest archipresbyter aliquid ordinare contra sui Episcopi decreta; sed debet illa custodire, & curare, vt per alios etiam exequantur. vt in tex. & Abb. hic in fin.

Liber Primus. Titulus. XXV.

DE OFFIC. PRIMICERII.

In Decretal. Cap. Vnic. Vt primicerius.

AD primicerij curam pertinet docere diaconos, & distribuere lectiones, quæ ad nocturna officia spectant.



VIA circa maiora officia ecclesiæ, quibus non potest Episcopus per seipsum incumbere, sunt archidiaconus, & archipresbyter deputati. vt supr. in duobus titulis proxime præcedentibus. Sed quoniam nec isti possunt semper adesse, vel minoribus officijs operam dare. supr. tit. prox. c. fin. Ideo constituitur primicerius, qui sit sub archidiacono, sicut & archipresbyter, ad cuius curam specialiter pertineat, præesse in docendo, diaconis, vel reliquis gradibus ecclesiasticis in ordine positis; & qui disciplinæ, & custodiæ insistas, sicut pro animabus eorum, coram Deo rationem est redditurus; & qui diaconis det lectiones, quæ ad nocturna officia clericorum pertinent; & de singulis studium habeat, vt in quacunque re capacem sensum habuerit; absque vlla vacet negligentia, aut à quo ipse iusserit, instruantur. vt in tex. & c. perlectis. §. ad primicerium. dist. 25.

Liber Primus. Titulus XXVI.

DE OFFICIO SACRISTAE.

In Decretal. Cap. vnic. Vt sciat.

SACRISTA subiectus est archidiacono, & ad eius curam sub archidiacono spectat custodia vasorum ecclesiæ, vestimentorum ecclesiasticorum, & totius ecclesiastici thesauri, nec non quæ ad luminaria pertinent, siue in cera, siue in oleo.



VIA vt ecclesiastica officia efficacius gerantur, sunt inter plures partienda. c. mandata. de præsumpt. Et quoniam vicarius Episcopi in ecclesia est archidiaconus. supr. de offic. archid. c. 1. Et ad ipsum spectat loco Episcopi habere curam vasorum, & aliarum rerum, quæ in ecclesia diuino seruitio sunt deputata. d. tit. c. ea, quæ
Idco

Ideo cum ipse non possit omnem huiusmodi curam per se exercere, subiicitur ei sacrista, qui tanquam minister inferior, & non occupatus in maioribus, & generalibus ecclesiarum negotijs, ut est archidiaconus, de istis ecclesiarum rebus specialem custodiam gerat. ut in tex. & simile est de primicerio. supr. tit. prox.

Liber Primus. Titulus XXVII.

DE OFFICIO CVSTODIS.

In Decretal. Cap. i. Custos.

CVSTOS ecclesia, cui ea, quæ ecclesia competunt, custodienda committuntur, oportet, ut sui archidiaconi iussioni in cunctis obediat.



QUIA inferiores ministri ecclesiarum debent subesse archidiacono, & illi parere, sicut facerent Episcopo. supr. de offic. archipresb. c. i. cum ipse dicatur vicarius, & oculus Episcopi. de offic. archidiacon. c. i. Et quoniam inter alios ecclesiarum ministros, adnumeratur ille, qui dicitur custos, cui competit custodire cuncta utensilia ecclesiarum, in horis canonicis signa tintinabulorum pulsare, lampadesque accendere, & extinguere. ut in tex. Ideo talis custos debet archidiacono obedire, & si ad hæc peragenda minus idoneus extiterit, est ab archidiacono coercendus, ut se emendet; & si indomitus permanserit, archidiaconus episcopo denunciando provideat, ut indecente eiectione, aptus domui Dei constituatur minister, ut omnia in laude Domini fiant. ut in tex. & c. perlectis. in fin. dist. 25. Quæ autem ad custodem, & quæ ad sacristam, vel alium ecclesiarum ministrum specialiter pertineant, cuiusque ecclesiarum consuetudo est attendenda. gl. i. hic. & glos. fin. supr. in tit. prox.

Cap. 2. Custos sollicitus.

ARCHIDIACONVS, archipresbyter, & custos simul iuncti debent curare, ut nulla negligentia in ecclesia Dei videatur.

QUIA post episcopum hi tres dicuntur esse columnæ ecclesiarum, ad illius onera, & seruitia supportanda. ut in tex. Et quoniam ubi aliquis tenetur ex officio, negligentia ei imputatur. c. ea, quæ. supr. de offic. archid. Et opus Dei non est negligenter agendum. c. sape. 12. q. 2. Ideo tales ministri debent diligenter in ecclesia eorum officia adimplere, & ad ea illi sunt ordinandi, qui meliores, & sanctiores habeantur. ut in tex.

in tex. Tenet tamen electio , si sint idonei , & sufficientes , licet alij magis idonei potuissent , & debuissent eligi . glos. hic . nam licet excellens quisque sit in suo officio desiderandus , competens tamen , & sufficiens est tolerandus . c. nisi . §. pro defectu . de renunt.

In Extrauag. commun. Cap. vnic. Quia cunctos.

IN religiosorum Mendicantium conuentibus , plures campanæ esse non possunt, sine speciali Papæ licentia .



QUIA cunctos orthodoxæ fidei professores , & viros præsertim ecclesiasticos , sic decet adinuicem , & quo ad alios etiam conuersari , quod ex ipsorum gestis nullius offendatur iustitia , nec cuiquam scandali materia præparetur . vt in tex. & infr. de treug. & pac. c. vices . & quoniā apparebat , quod ex eo , quod nonnulli Mendicantium ordinum professores in nonnullis eorum conuentibus plures campanas obtinebant ; cathedrales , & aliæ ecclesiæ quærebantur , propterea earum iustitiæ detrahi ; & exinde ciuitatibus locorum interdum afferri diuinis officijs impedimentum , videbaturq. inter ipsos litigijs , & scandalis via aperiri . vt in tex. & d. c. vices . Ideo Summus Pontifex Ioannes XXII. cupiens præmissis obuiare periculis , pacemq. desiderans inter ipsos (sine qua bene pacis auctor non colitur) obseruari ; hoc edicto perpetuo ordinat , quod religiosi dictorum ordinum Mendicantium in nullo conuentu suo , seu loco , plures campanas habeant , sine Sedis Apostolicæ licentia speciali ; sed vna tantummodo pro loco quolibet sint contenti . vt in tex.

PLVRES autem campanulas in refectorijs , capitulis , & alibi , licite possunt ipsi religiosi mendicantes habere .

QUIA per istas campanulas nulla ecclesia potest prætere , quod sibi inferatur præiudicium , cum istæ non inferuiant populo externo ; sed duntaxat ipsis de conuentu . vt in tex. Et quoniam quod vni prodest , & alteri non nocet , facile concedi potest . c. odia . de reg. iur. in 6. Et generaliter vsus campanæ est per se bonus , vt patet ex his versibus , in quibus de seipsa loqui campana inducitur .

*Laudo Deum verum , plebem voco , congrego clerum ,
Defunctos ploro , pestem fugo , festa decoro .* glos. hic.

Ideo istæ plures campanulæ religiosi mendicantibus non prohibentur , sicut prohibentur illæ , per quas aliæ ecclesiæ præiudicium sibi inferre præ-

præstendebant. vt in tex. Et quia pulsare campanas; pertinet ad officium custodis. c. 1. extr. cod. Ideo hæc constitutio ponitur sub hoc titulo, de offic. cust.

Liber Primus. Titulus XXVIII.

DE OFFICIO VICARII.

In Decretal. Cap. 1. Ad audientiam.

VICARIVS si beneficium curatum postea sit adeptus, vicaria priuabitur.



QUIA idem iuris est in perpetuis vicarijs, quod in alijs beneficijs incompatilibus, & curatis. Clem. vnic. infr. cod. Et quoniam habens personatum, vel beneficium curatum, si secundò tale receperit, vacat primum. c. de multa. de præb. Ideo post adeptam pacificam possessionem beneficij curati, vel si per beneficiatū stet, quominus illam adipiscatur, vacat perpetua vicaria, quam ipse habebat. vt in tex. Non enim est canonicum, vt qui curam animarum in vna ecclesia habet, in aliena vicarius existat. vt in tex. Et si vtrunque huiusmodi beneficium talis retinere contenderit, priuabitur etiam secundo. d. c. de multa. & c. licet. de præb. in 6. & Concil. Trid. sess. 7. de refor. cap. 4. & 24. de refor. cap. 17.

Cap. 2. Prouideas.

PLURES vicarias quis habere non potest.

QUIA vicarij tenentur ecclesijs, & personis illarum deseruire. vt in tex. Et quoniam pluribus beneficijs personalem residentiam requirentibus quis deseruire non potest. c. de multa. de præben. nam dum ad vtrunque festinat, neutrum bene peragit. c. presbyteros. 16. q. 1. Ideo alienum est ab ordine iuris, vt vicariam quis habeat præter vnā. vt in tex. & infr. Clem. vnic. Est autem sciendum, quod in hoc titulo communiter tractatur de vicario, qui seruit in diuinis, excepto cap. penult. vbi tractatur de vicario iurisdictionis, & de hoc secundo loquuntur iura eiusdem tituli in 6. & de primo loquitur Clem. vnic. eiusdem tit. Goffr. hic.

Cap.

Cap.3. Ad hæc.

PERPETVVS vicarius per episcopum institutus, per rectorem remoueri non potest.

QU^{VI}A nihil tam naturale est, quàm eo genere quodque dissolui, quo colligatum est. infr. de reg. iur. c. 1. & ff. eod. l. nihil tam naturale. Contrariorum enim est eadem disciplina. c. hospitalium. dist. 32. Et quoniam institutio auctorizabilis, etiã vicariæ perpetuæ, de iure cõ in beneficijs nõ spectat ad inferiorem episcopo. c. cum satis. de offi. archid. Ideo destitutio ipsius vicarij nõ potest fieri per rectorem illius ecclesiæ; sed quando occurrit, est per episcopum faciendã. vt in tex. Cum ipse vicarius habeat ius vicariæ, licet non dicatur habere ecclesiam quo ad titulum; nam solus prælatus habet ecclesiam intitulatam. glos. penult. hic.

VEL portione sua fraudari.

QU^{VI}A ius, quod sibi maiores conseruari desiderant, debent similiter minoribus suis bona voluntate seruare. c. prohibemus. de censib. Et quoniam portio vicario assignata, est ei perpetuò constituta. glos. fin. hic. Ideo non est illi per rectorem ecclesiæ minuenda. vt in tex. & d. c. prohibemus.

Cap.4. Clericos.

VICARIVS non potest substituere vicarium.

QU^{VI}A vicariatus perpetuus est titulus beneficalis. sup. c. 1. Ideo per minorẽ episcopo nõ est cõferendus. sup. c. prox. Præterea licet hæc intelligerentur de vicario iurisdictionali, adhuc ille non posset sibi alterum constituere vicarium; nam in eius constitutione fuit electa industria personæ. c. extirpandæ. de præb. Et quoniam vbi eligitur industria alicuius, ille non potest vices suas alteri committere. l. inter artifices. ff. de solut. Ideo vicarius per episcopum institutus, non potest sibi neque in beneficio, neque in iurisdictione substituere vicarium. vt in tex. & glos. in Clem. vnic. ver. sacerdotium. infr. eod. Quæ prohibitio etiã fit ad infinitatem euitandam. Abb. hic. Potest tamen vicarius beneficalis, si ei subsit legitima causa absentiæ, relinquere alium loco sui, ne interrim diuinus cultus diminuat. c. peruenit. l. 2. de appell. & Hostien. hic. A quocunque enim edito, & prohibitione, intelligitur excepta iusta causa. c. vbi. de despons. impub. Sed tuac est curandum, vt ille relictus stet de auctoritate episcopi. Butr. hic. Sicut similiter debet facere vicarius iurisdictionalis, si ipse non potest exercere; cum per se non habeat facultatem substituendi vicarium. Gemin. in c. 1. nu. 11. eod. in 6. Vicarius enim episcopi habet iurisdictionem ordinariam. glos. 2. in c. 2.

Y y cod.

cod. in 6. Sed talem iurisdictionem nullus dare potest, nisi princeps, vel vniuersitas, aut consuetudo. Archid. in c. experientia. 11. q. 1. & Specul. de offic. ordin. §. 1. Ideo non potest illam dare vicarius. vt in tex. & l. necessario. §. fin. ff. de peric. & commod. rei vend. Et de vicariorum iurisdictione, & quales creari debeant, vide Conc. Trid. sess. 24. de refor. c. 16.

Cap. 5. Tua nobis.

VICARIVS Papæ in Vrbe iurisdictionem habet, non extra Vrbe.

QUIA in iurisdictione per vicarium exercenda, fines mandati, per quod ei iurdictio confertur, sunt diligenter attendendi. c. porrò. de priuileg. & c. cum dilecta. de rescript. Et quoniam regulariter per mandatum Papæ, eius vicarius in Vrbe obtinet iurisdictionem solum intra, non autem extra illam. vt in tex. Ideo eius iurdictio non extenditur extra, nisi ei specialiter sit concessum. vt in tex. Solet autem ei concedi, vt in quibusdam casibus eius iurdictio extendatur per Urbis districtum, scilicet per distantiam quadraginta millia passuum. Vestrus in practica. lib. 2. cap. 16.

Cap. 6. Ex parte.

COMPPELLUNT VR vicarij ordinarij ecclesijs deferuire, per subtractionem prouentuum, & vicariorum.

QUIA perpetui vicarij tenentur ad residentiam, & ad ordinum susceptionem, sicut alij beneficiati, qui similia beneficia obtinent. supr. c. 1. & infr. Clem. vnic. Et quoniam dignum est, vt quos Dei timor à malo non reuocat, ecclesiastica: saltem coerceat seueritas disciplinæ. c. cum in cunctis. in fin. de elect. Et vt quis puniatur, in quo deliquit. c. litteras. de tempor. ordin. Ideo per subtractionem prouentuum, vel ipsarum vicariorum, sunt compellendi vicarij beneficiati proprium officium adimplere. vt in tex. & c. 1. de ætat. & qual. ordin. Qui enim non vult operari, nec manducet. Apost. ad Theſſalonic. 2. cap. 3.

In Sexto. Cap. 1. Romana.

SUCCESSOR officialis excommunicati, excommunicatus non est.



UIA dispositio, quæ emanat contra aliquem, etiam si fiat sub nomine dignitatis, non transit ad successorem, quando sit ex causa concernente personam tantum habentem dignitatem. glos. fin. in c. aduersus. extr. de immunit. eccl. & Cemin. hic. num. 5. Ideo excom-

excommunicatio lata contra aliquem officialem propter proprium delictum, ex hoc solum non ligat successorem. vt in tex. & glos. in c. nuper. ver. tunc. extr. de sent. excom. & quæ sint obseruanda in ferenda excommunicatione, vide Concil. Trid. sess. 23. de refor. cap. 3.

NISI in crimine damnato communicet.

QUIA agentes, & consentientes pari poena sunt constringendi. d. c. nuper. Ideo per participationem in crimine, propter quod fuit lata excommunicatio, etiam ad talem consentientem extenditur sententia excommunicationis, quamuis à principio non fuerit lata contra ipsum. d. glos. in c. nuper. & gl. in c. si concubinæ. eod. tit. Nam conueniens est, vt sicut per participationem solam in locutione cum excommunicato maiori, contrahitur excommunicatio minor. d. c. nuper. ita per participationem in eodem crimine, contrahatur excommunicatio maior, cum participans tunc plus delinquat. d. glos. in c. nuper. Vnde non est necesse, vt contra talem participantem noua sententia procedat, sicut nec contra illum, qui per locutionem minorem excommunicationem incurrit, cum se commiscendo culpæ, commisceantur & poenæ. 24. q. 1. cap. 1. & 2.

ILLA autem, quæ exercet, illo excommunicato manente, non valent, si iurisdictione solum ab eo recepta, hoc facit.

QUIA excommunicatus non potest iurisdictionem exercere, cum ipse sit extra ecclesiam, & cum ob talem poenam sit mortua iurisdictionis, quæ prius penes se erat. c. audiuimus. 24. q. 1. Et quoniam nemo dat, quod non habet. c. Daibertum. 1. q. 7. Ideo ea, quæ fiunt à deputato ab excommunicato, carent omni robore firmitatis, tanquàm facta à gerente vices illius, qui super huiusmodi iurisdictionalibus nullam habet potestatem. vt in tex. & Gemin. nu. 6. In casu tamen contra hæreticos, excommunicatus exercet iurisdictionem. c. præfidentes. infr. de hæret. & tunc est speciale in odium hæresis. glos. fin. hic.

Cap. 2. Licet.

EX generali commissione, non potest officialis inquirere, corrigere, et punire subditorum excessus.

QUIA in mandato generali non includitur potestas cognoscendi de causis criminalibus. arg. Clement. non potest. de procur. Nam causæ criminales computantur inter negotia maiora; cum in eis tractetur de vita hominis, & de poena grauius infligenda. c. veniens. & c. qualiter. de accusat. Et in mandato generali non transeunt huiusmodi maiora, nisi exprimantur. c. quod translationem. de offic. leg. Et quoniam inquisitio, correctio, & punitio spectant ad causas criminales,

XX 2

cum

cum in eis agatur, non ut aliquid detur auctori, sed ad pœnam imponendam. glos. penult. in c. 2. extr. de collus. detegen. Ideo per generalem causarum commissionem factam in officialem, transfertur potestas cognoscendi de causis ciuilibus; sed ut ei detur potestas cognoscendi etiam de criminalibus, requiritur, quod specialiter in commissione hoc dicatur. ut in tex. & c. qui ad agendum. infr. de procur. Sed pone, quod episcopus fecerit vicarium generalem, & in mandato expresserit aliquid de istis, quæ requirunt speciale mandatum, secuta clausula generali; Et omnia alia, quæ per nos possumus, etiam si mandatum exigant speciale. queritur, an talis omnia specialia possit? Dicendum, quod potest omnia similia, vel minora expressis, non autem maiora. glos. fin. hic. & Clement. non potest. de procur.

Cap. 3. Cum in generali.

EX generali commissione, officialis beneficia conferre non potest.

QU^VIA in generali concessione non veniunt illa, quæ non esset quis verisimiliter in specie concessurus. ut in tex. & c. in generali. infr. de reg. iur. Nec regulariter donare valet is, cui bonorum administratio etiam libera est concessa. ut in tex. & l. contra. §. fin. ff. de pact. Et quoniam non est verisimile, quod episcopus de facili det vicario facultatem conferendi beneficia; cum illorum collatio inter fructus episcopales computetur. glos. in c. cum olim. extr. de maior. & obed. Et nemo præsumitur iactare suum. l. Lucius. ff. de donat. Et beneficiorum collatio est quædam donatio, cum per eam exerceatur liberalitas in cui dando, licet simpliciter, & absolute non exerceatur liberalitas in dando. glos. fin. in c. relatum. extr. de præb. Ideo nisi specialiter beneficiorum collatio sit commissæ, censetur episcopus sibi retinuisse hanc facultatem faciendi gratiam, & exercendi in aliquem suam liberalitatem. ut in tex. & Archid. num. 1.

In Clement: Cap. vnic. Quæ de ecclesijs.

IVR A loquentia de ecclesijs curatis, locum habent quo ad tria, in vicarijs perpetuis ecclesiarum parochialium.



QU^VIA, licet vicarij non habeant principalem curam animarum; nec vice sua, sed potius alterius, iura administrarent. Zab. ar. nu. 3. Et per hoc non videbatur, ad eos esse extendenda iura pœnalia loquentia de ecclesijs curatis. arg. c. statutum. de elect. in 6. Tamen quoniam idem periculum imminet animabus in istis, sicut in principalibus.

bus. Zabar. d. nu. 3. Et quoties vitium ex vna radice nascitur, consequens est, vt eadem lege tollatur. l. si libertam C. de nupt. Ideo, quæ de ecclesijs curam animarum habentibus, per receptionem aliarum similium, amittendis, ac de ipsarum rectoribus promouendis ad sacerdotium, & de eorum ætate, à iure statuta noscuntur; in perpetuis vicarijs ecclesiarum parochialium, & assumptis ad eas, etiam decernuntur obseruari. vt in tex. Per identitatem enim rationis, etiam iura pœnalia extenduntur. c. si postquam. de elect. in 6.

Liber Primus. Titulus XXIX.

DE OFFIC. ET POTESTATE
IUDICIS DELEGATI.

In Decretal. Cap. I. Quia quæsitum.

DELEGATVS Papa potestatem habet non solum in partes, sed etiam in alios, qui suam iurisdictionem impediunt.



QUIA si delegatus Papæ non haberet iurisdictionem, puniendi eos, qui eum in causa impediunt, mandatum Apostolicum delusorium redderetur. vt in tex. Et quoniam Papa, qui aliorum iustitiam fouet, non debet permittere, vt eius auctoritas lædatur. c. licet. de supplen. negl. prælat. Et agentes, & consentientes pari pœna puniuntur. c. notum. 2. q. 1. Et ex eo, quod causa alicui per Papam committitur, super omnibus, quæ ad causam ipsam spectare noscuntur, delegatus ipse plenariam recipit potestatem. infr. c. præterea. Ideo tam eos, qui trahuntur in causam, quàm principales eorum fautores (si iustitiam impediunt) distictione ecclesiastica potest delegatus coercere. vt in tex. & infr. c. sane. il 2. Sed quo ad consentientes pari pœna confringendos cum agentibus, vt dictum est superius; distinguè, quod quadruplex est consensus, scilicet, negligentiz, consilij, cooperationis, & auctoritatis. In primo casu, minus peccat consentiens, quàm faciens, nisi forte negligentia nimis crassa fuerit, vt in prælato. c. quicquid. 1. q. 1. & c. consentire. distin. 83. In secundo casu, scilicet, consilij, minus puniuntur, quàm negligens. c. tanta. distin. 86. In tertio casu, cooperationis, æqualiter peccant facientes, & consentientes; & secundum hoc intelliguntur omnes auctoritates, quæ dicunt, quod æqualiter puniuntur. glos. 2. hic. In quarto casu, auctoritatis, siue defensionis, magis peccat consentiēs defendendo, & auctoritatem præstando, quàm faciens.

faciens, & magis puniendus est. c. qui aliorum. 24. q. 1. & c. qui consensit. 11. q. 3. unde versus.

*Consensus spernit, suadet, iuuat, atque tuetur,
Hic minus, hicq. minus luit, hic equaliter, hic plus,
Consensus operans, defendens, non reprehendens.* d. glos. hic.

Cap. 2. Sanè.

CVM diuersa littera sub eadem data, & forma contraria, impetrantur, & presentantur à diuersis ad eosdem iudices, super sedetur utrisque, donec consulatur Papa.

QU^{IA} in tali casu non apparet, quæ litteræ sint primæ, & quæ secundæ, & per consequens, quæ sint validæ, & quæ non. glos. hic. Et quoniam providendum est, ne pro varietate litterarum, causarum fines valeant impediri. vt in tex. Et eius est interpretari, cuius est condere. l. 2. C. de orig. iur. Ideo cum talis casus non sit decidibilis per ipsos delegatos. Abb. nu. 2. consulendus est Papa, qui rescripsit, vt suam exinde ipsi iudices plenius cognoscant voluntatem, antequam aliquæ de istis litteris executioni demandentur. vt in tex. & glos. 1. in c. ex tenore. de rescript.

Cap. 3. Si pro debilitate.

DELEGATVS Papa impeditus, subdelegare potest causam, quæ sine ipso commodè terminari potest.

QU^{IA} Sedes Apostolica in commissione causarum intendit prouidere litigantibus, & eorum negotijs, non autem personis, quibus causæ illæ committuntur. infr. c. pastoralis. Et quoniam litibus, quæ citius fieri potest, finis est imponendus. c. finem. de dol. & contum. Ideo ne litigantes diu fatigentur, & ne lites nimium protrahantur, datur facultas ipsis Sedis Apostolicæ delegatis, vt ipsis impeditis, possint alijs discretis, & idoneis personis vices suas committere, & tales causas subdelegare. vt in tex. & glos. ver. liberum. Si verò causa esset ita grauis, quod ex aliquo respectu sine ipso delegato non posset commodè terminari; tunc illam alteri subdelegare non posset. vt in tex. nam in tali casu videtur electa industria personæ ipsius delegati. Abb. num. 4. Et quando eligitur industria alicuius, ille non potest vices suas alteri demandare. c. is cui. eod. in 6. Industria autem personæ præsumitur electa, ex magnitudine dignitatis personæ, & ex ponderositate rei. l. 1. ff. de offic. præf. & prætor. Et tunc talis non subdelegat, etiam de partium consensu. Alexand. in l. 1. col. 3. ff. de offic. eius, cui mand. est iurisd.

Cap.

Cap. 4. De causis.

SI causa committitur intra certum diem decidenda, per lapsum diei expirat iurisdictio.

QUIA fines mandati diligenter sunt seruandi. c. cum dilecta. de rescript. Et quoniam mandati excederet fines, qui post diem sibi assignatum præsumeret iudicare. infr. c. prudentiam. Ideo ubi terminus statuitur iudici, & iurisdictioni, elapso termino, expirat iurisdictionis, & iudex non potest amplius iudicare. vt in tex. & plenius per Bart. in l. properandum. C. de iudic.

NISI partes prorogent.

QUIA solemnitates iuris, quæ sunt principaliter introductæ in partium fauorem, possunt de partium consensu remitti. c. tuis. de testib. & l. 1. ff. de ferijs. Et quoniam talis breuitas termini apponitur principaliter in partium fauorem, ne ipsæ diu litium expensis fatigentur. d. l. properandum. Ideo partes possunt prorogare iurisdictionem iudicis, de tēpore ad tempus. vt in tex. & gl. fin. infr. in c. Petro.

§. Illis.

VB I certa pœna per ius statuta non est, delegatus imponit arbitrariam.

QUIA iurisdictionis delusoria videretur, si ille, cui causa demandatur, coercionem aliquam non haberet. infr. c. pastoralis. Et quoniam sine causa non potest iudex apponere mitiorem, vel grauiorem pœnam, quàm sit in iure statuta. l. seruos. C. de vi publ. vel priu. Ideo ubi certa pœna in iure exprimitur, illa est per iudicem, tam ordinarium, quàm delegatum, infligenda. vt in tex. Non enim debet iudex esse magis seuerus, vel clementior ipsa lege; nam cum lex sit fundata super ratione, & æquitate. c. erit autem. dist. 4. iustum, & æquum est, quod sit secundum legem, & non potest iudex velle videri sapientior, quam fuerit princeps in constituenda lege. §. oportet. Authent. de iudic. Ex causa tamen potest iudex augere, vel diminuire pœnam impositam à lege. c. Deus. de penit. & remiss. quia cum ratio sit anima legis. l. 1. C. quæ sit long. consuet. magis est attendenda ratio, quam ipsa verba legis. c. consuetudo. dist. 1. Et quoniam cessante causa, variatur effectus. c. cum cessante. de appell. Et princeps si modo ferret legem, quando est variata causa illius, variaret etiam eius pœnam. c. necesse. dist. 29. Ideo ex causa datur auctoritas iudici, vt possit minuere, vel augere pœnam impositam à lege, considerata varietate, & conditione temporum, & personarum. d. c. Deus. & de transact. c. fin. & Bart. in l. quid ergo. §. pœna.

pœna. ff. de his, qui not. infam. Si verò neque in canonibus, neque in legibus, nec in statutis municipalibus, nec iure consuetudinario, pœna reperitur expressa, Abb. hic in fin. tunc ne iurisdicção sit delusoria, pro delicti qualitatē, inspecta causa, & persona, relinquitur arbitrio iudicis delinquens puniendus. glos. fin. hic, & de homicid. c. sicut.

Cap. 5. Præterea.

P E R simplicem commissionem causa, potest delegatus citare, contumacem punire, & reliqua facere, quæ spectant ad causam.

QU^{IA} concessio principali, intelligitur concessum etiam accessorium. c. quo iure. dist. 8. & l. 2. ff. de iurisdic. omn. iudic. sicut aliquo prohibito, omne aliud censetur prohibitum, per quod pervenitur ad illud. c. tu. de procur. & l. oratio. ff. de sponsal. De connexis enim idem est iudicium. c. translato. de constitut. & l. si quis. ff. de appellat. Et quoniam non bene posset causa expediri, si non posset iudex citare, & contumacem punire, & alia ad causam pertinentia exercere. supr. c. 1. & infr. c. significasti. Ideo ex eo, quod causa alicui committitur, super omnibus, quæ ad causam ipsam spectare noscuntur, plenariam recipit potestatem. vt in tex. & infr. c. prudentiam. in fin.

Cap. 6. Quamuis.

S I causa pluribus, etiam simpliciter, est commissæ, quilibet subdelegare potest.

QU^{IA} delegatus à principe, iurisdicção subdelegandi est à lege concessa; dummodo ipse exonerare seipsum malitiosè non querat. supr. c. si pro debilitate. & infr. c. pastoralis. Et quoniam quæ tacite insunt, pro expressis habentur. l. cum quid. ff. si cert. pet. Ideo si duobus, vel pluribus, causa committitur, etiam si non apponatur, vt vnus sine altero procedat, in ea nihilominus vnus ex ipsis, siue suo coniudici, siue alij, vices suas potest committere in hac parte. vt in tex. & l. à iudice. C. de iudic. Vnde quando subdelegat suo coniudici, procedit ille nomine proprio, tanquam delegatus; & nomine sui collegæ, tanquam subdelegatus. Abb. hic nu. 2. Et sic potest diuersa auctoritate, vnus, & idem in eadem causa procedere; non tamen potest diuersas sententias ferre, scilicet, vnā tanquam delegatus, & aliam tanquam subdelegatus; quia eadem conscientia, qua putat aliquid iustum nomine proprio, debet illud censere iustum nomine consocij, seu subdelegantis. c. penult. §. 1. de elect. in 6.

Cap. 7. Significasti.

D E L E G A T V S Papæ exequitur sententiam suam, quam exequi non potest, aut non vult is, cui eam commisserat exequendam.

Quia

Q V I A delegatus principis ex simplici causæ commissione, recipit potestatem, ne dum cognoscendi, & decidendi; sed etiam sententiâ exequendi. vt in tex. & infr. c. querenti. Et quoniam quando delegatus committit executionem alicui, tanquam suo ministro, non autem faciendo eum suum subdelegatum, per illam commissionem non desinit esse iudex. Abb. nu. 7. Nec potest dici, quod sit functus officio suo per commissionem huiusmodi executionis; & per consequens, quod non debeat amplius se in causa intromittere, per c. in litteris. infr. eod. Nam respondetur, quod verba sunt intelligenda cum effectu. c. relatum. de cleric. non resid. vnde ex sola commissione, per quam nõ interuenit actualis executio, non potest dici eius iurisdictio expirata. glos. in d. c. in litteris. Ideo ex quo non exequitur tunc ille minister, cui delegatus executionem suæ sententiæ commisit, potest ipse delegatus, qui adhuc remanet iudex, causam sibi commissam executioni mandare. vt in tex. & infr. c. ex litteris.

Cap. 8. Si quando.

S I ordinarius scit eum non canonicè institutum, quem delegatus a Papæ mandat in possessionem induci, non resistet violenter.

Q V I A delegatus Papæ in causa sibi commissæ est maior ordinario. infr. c. sane. Et quoniam vbi superior aliquid mandat, quod sit per appellationem reuocabile, non est ei actualiter resistendum, licet illud præceptum sit iniustum, (ne eius auctoritas videatur contempta) sed est ad maiorem superiorem per appellationem recurrendum: c. vt debitus. de appellat. Ideo licet iniquo mandato superioris non sit parandum. c. ad aures. de tempor. ordin. non tamen est ei violenter resistendum. vt in tex. sed est ad maiorem recursus habendus. d. c. vt debitus. & c. anteriorum. 2. q. 6.

S E D precibus instabit, vt differat, donec Papa consulatur.

Q V I A vbi dubitatur de principis voluntate, pro illa interpretanda ad ipsum principem est recurrendum, si hoc aliter interpretari non potest. supr. c. sanè. Et quoniam non est verisimile, vt Papa velit illum esse in beneficij possessione, qui non fuerit in eo canonicè institutus. c. 1. de reg. iur. in 6. Ideo ad deferendum honorem delegato, & ad providendum, ne in causa iniuste procedatur, vbi delegatus aliquid mandat, quod pro iustitia non videatur exequendum, non est per iudicem ordinarium violenter resistendum; sed est apud ipsum delegatum instandum, vt executio differatur, donec ipsi Papæ veritas innotescat. vt in tex. Quod si delegatus preces non admittat, appelletur, & appellatio tenebit. glos. fin. hic.

Cap. 9. In litteris.

POST diffinitiuam executioni mandatam, expirat delegati iurisdictionio.

QU^IA iudex, siue bene, siue male, diffinitiuè sententiando, functus est officio suo, vt in cognitione illius causæ amplius se intromittere non possit. l. iudex. ff. de re iudic. Et post sententiam executioni mandatam, dicitur in totum cessare eius auctoritas, & iurisdictionio, quo ad illam causam. vt in tex. Et quoniam culpa est, vendicare quod ad suum non spectat officium. c. cum satis. de offic. archid. Ideo cum delegatus per diffinitiuam executioni mandatam, omnino desierit esse iudex, vltterius tanquam iudex in illa causa se ingerere non debet, cum sit functus officio suo. vt in tex. & Innoc. hic. Quibus autem alijs modis expiraret delegati iurisdictionio, tractat gloss. hic, & specul. cod. tit. §. restat.

Cap. 10. Consultationibus.

REO absente non per contumaciam, delegatus datus etiam ad diem, non restituet actorem; licet possessionem, & deiectionem probare volentem.

QU^IA in omni possessorio debet seruari iuris ordo; & sic fieri litis contestatio, siue sit possessionis retinendæ, siue adipiscendæ, siue recuperandæ. Bart. in l. naturaliter. §. nihil commune. ff. de acquir. possess. Et quoniam contra absentem non per contumaciam, non fit litis contestatio, licet contra eum possit fieri missio ex primo decreto, causa rei seruandæ. c. 1. vt lite non contest. Ideo mandatum præcisum de restituenda possessione intra tempus, temperatur, si liquet de causa, & parte verè, vel interpretatiuè, præsentem. Butr. hic nu. 3.

Cap. 11. Sanè. il 2.

DELEGATVS Papæ in causa sibi commissâ, iurisdictionem habet super ordinarium, & quemcunque maiorem.

QU^IA delegatus in causa sibi commissâ gerit vices delegantis, & maior est illis, quorum causam suscepit terminandam. vt in tex. Et est honorandus in causa illa, sicut is, cuius vices gerit. c. fin. dist. 93. & gloss. in c. cum voluntate. de sent. excom. Et quoniam per simplicem causæ commissionem, omnia intelliguntur commissâ, sine quibus causa illa expediri non posset. supr. c. præterea. Ideo delegatus Papæ potest compellere episcopum, & quemcunque alium, qui pertineat ad illam causam, vel qui velit eius iurisdictionem impedire, vt ei pareat, & ab impedimento desistat, secundum quod negotij qualitas requirit. vt in tex.

De offic. & potest. iudicis d. eleg. 363

in tex. & supr. c. 1. In coactione tamen, & pœna infligenda, debet deferre dignitati, vt temperatè procedat. vt in tex. & c. quia. eod. in 6.

Cap. 12. Ex parte. il 1.

SI primus impetrauit primam dignitatem in ecclesia vacaturam; secundus impetrauit certam dignitatem ipsius ecclesie, cum vacaret, & illa postmodum vacat, debetur primo, & non secundo.

Q V I A si secundus expressisset de prioribus litteris, secundas tales ipse non habuisset. vt in tex. Et quoniam quando tacetur ea veritas, quæ si fuisset expressa, princeps gratiam non fecisset, per vitium subreptionis impetratio est inualida. c. super litteris. de rescrip. Ideo ex quo primæ litteræ fuerunt valide impetratæ, & per secundas non sunt reuocatæ, ipsæ primæ, non autem secundæ, sunt exequendæ. vt in tex. & Innocent. hic.

Cap. 13. Ex parte. il 2.

V B I contraria voluntas Papa non apparet, delegatus iuris formam seruare debet, & rationabiles exceptiones admittere.

Q V I A lex est fundata super ratione, & æquitate. c. erit autem. dist. 4. Et quoniam iudex debet æquitatem à iurē informatam, præ oculis habere. c. fin. de transact. & l. placuit. C. de iudic. Et ob id non debet esse clementior, nec rigorosior ipsa lege. Authent. de iudic. §. oportet. Ideo vbi per principis rescriptum specialiter non derogatur generali ordini iuris, communis forma iuris per iudicem est seruanda. vt in tex. & glos. 1. in c. eam te. de ætat. & qual. ordin. Si verò per rescriptum Papæ daretur alia forma, quàm sit à iure communi statuta, tunc forma rescripti esset attendenda. glos. 1. hic. quia principis rescripto, præsertim Papæ, est parendum, etiam si videatur durum; dummodo non sit contra ius diuinum, vel naturale, vel ab eo subreptitiè obtentum; cum formam iuris positiui ipse tollere possit. c. contra morem. dist. 100. & l. quoties. C. de precib. imper. offer. Et quoniam non est verisimile, quod principes per verba generalia, velit tollere iuris obseruantiam, cum magno præiudicio partis. c. ecclesia. de elect. & l. si quando. C. de inoffic. testam. Et rescriptum debet interpretari secundum verisimilem intentionem mandantis. Clem. pastoralis. de re iudic. & c. si quādo. de rescript. Ideo si in rescripto, vel statuto dicatur, in aliquo facto nullam exceptionem esse admittendam, debet intelligi de exceptione minus rationabili, non autem de legitimis, & rationabilibus. glos. 1. hic. & Bart. in l. omnes populi. ff. de iust. & iur. Sicut si compromittitur in aliquem de stando eius mandato, est intelligendum de mandato honesto, c. veniens. & c. quinquauallis. de iureiur.

Cap. 14. Quoniam.

DELEGATIO facta dignitati, non expresso nomine proprio, transit ad successorem.

QU^{IA} dignitas nunquam moritur, nec variatur per mutationem personæ. c. si gratiosæ. de rescript. in 6. Individua verò quotidie pereunt. l. 4. §. si quis. ff. de legat. 1. Et quoniam quando exprimitur nomen dignitatis, commissio videtur facta in dignitate, & esse realis; quando verò exprimitur nomen proprium, delegatio est facta personæ, & est personalis, & sic corruptibilis. glos. 2. hic. & Abb. nu. 4. & 7. Ideo delegatio facta dignitati transit in successorem; facta verò personæ extinguitur cum ea, licet talis sit in dignitate. c. cum venissent. de institut. & cap. privilegium. de reg. iur. in 6. Ex alijs tamen verbis contentis in dispositione, & ex subiecta materia, potest comprehendi, an dispositio sit realis, vel personalis. vt in c. requisisti. de testam. & c. Pontifices. 12. q. 8. vbi dicitur; quod si relicta sit episcopo, vel alteri prælato à coniuncto, censetur factum contemplatione personæ, & non contemplatione ecclesiæ, licet sit expressum nomen dignitatis; secus si fieret ab extraneo. Et ad idem facit c. dilecti, iuncta glos. de for. compet. vbi habetur, quod si in causa ecclesiastica datur rescriptum, expresso nomine proprio, contra prælatum, intelligitur datum contra dignitatem, ratione subiectæ materiæ. Sed si ex verbis, vel ex materia non potest sumi alia coniectura, de qualitate dispositionis; quia materia; & verba sunt proportionabilia personæ, & dignitati: Exemplum in delegatione causæ, vel in privilegio; nam ista solent concedi, quandoque personæ, quandoque dignitati, vt per totum hunc titulum; tunc distingue, aut est expressum nomen proprium tantum, & dispositio est personalis; aut appellatiuum tantum, & dispositio est realis. vt in text. Si verò sit expressum nomen proprium, & appellatiuum, vt si dicatur, Gaspar Episcopus Anagninus, commissio censetur personalis, & expirat per mortem delegati; nam in dubio Papa videtur velle, quod commissio sit personalis, licet sit expressum etiam nomen appellatiuum. Abb. infr. in c. licet. nu. 7. Quamuis enim potestas committendi, fuerit causata immediatè à dignitate; ipsa tamen actualis commissio immediatè procedit à persona; ideo etiam in eo, cui committitur, potius persona, quam dignitas, contemplatur, licet commissio fiat ratione dignitatis. Betr. in d. c. licet. nu. 19.

Cap. 15. Super eo.

SI questionem de iure præsentandi Papa delegat, appellatione remota, & sub ea forma, vt delegatus ad præsentationem eius, ad quem videris pertinere, ordinet ecclesiam, per hoc non habet instituire, sed pronuntiare.

Quia

QUIA privilegia, rescripta, & alia consimilia, ad ea tantum extenduntur, de quibus fuit verisimiliter cogitatum. l. tres fratres. ff. de pact. & l. cum Aquiliana. ff. de transact. Et ita intentio mandantis est attendenda. c. audita. de rescript. spol. & c. cum causam. de præb. Et quoniam per huiusmodi causæ commissionem, Papa non intendit generare præiudicium episcopo, vel alteri, cui de iure competat institutio. vt in tex. Ideo per illud verbum factum in commissione ad delegatum, vt ordinet ecclesiam, intelligitur, quod pronuntiet ordinandam, & quod per eum, ad quem pertinet, faciat ordinari, licet aliquantulum proprietate verbi extorquatur. glos. ver. ordinet. Talis enim interpretatio est facienda, per quam tertio non præiudicatur, & mandantis intentio verisimiliter executioni demandatur. Abb. nu. 5. Privilegium enim principis, quatenus præiudicat iuri tertij, est strictè interpretandum, vt minus præiudicet, quam fieri possit, dummodo principi pareatur. c. pastoralis. de priuileg. & Innoc. in c. cum dilecti. de donat.

ET is, ad quem pertinet, instituet.

QUIA per huiusmodi commissionem non fuit factum præiudicium illi, qui de iure debet instituere, vt dictum est superius. Et quoniam quod non mutatur, stare non prohibetur. l. præcipimus. C. de appellat. & l. fancimus. C. de testam. Ideo talis commissio non obstat, vt is ad quem pertinet, non debeat instituere. vt in tex. & glos. ver. tenebit.

ET si iuri suo detrahitur, licet appellat.

QUIA per illam clausulam, appellatione remota, fuit sublatum remedium appellationis ipsius partibus, inter quas res agebatur, non autem alijs, inter quos res acta non fuit. vt in tex. & glos. fin. Et quoniam per appellationis remedium, quis releuatur à grauamine per iudicem iniuste illato, vel quod verisimiliter timetur inferri. c. vt debitus. de appellat. Ideo per illam remotionem appellationis inter partes, non debet prohiberi alius, qui sentit ab illo iudice se grauari, quin possit appellare. vt in tex. & Abb. nu. 4.

Cap. 16. Causam matrimonij.

SI causa simpliciter est delegata duobus, sententia vnius non tenet.

QUIA plures delegati simpliciter dati, non habent exercitiū iurisdictionis, singuli in solidum; sed quisque eorum habet pro parte. c. fin. de re iudic. & l. duo ex tribus. ff. eod. Et quoniam sententia lata ab illo, qui non habet sufficientem iurisdictionem, non est valida. d. l. duo. Et iudices delegati non possunt iudicare citra formam rescripti, ne mandati excedant fines. infr. c. prudentiam. §. 1. Ideo vbi duo sunt

sunt iudices sine clausula, si non omnes potestis, vnus procedat; & alter non committit alteri vices suas, vt partim procederet tanquam delegatus, & partim tanquam subdelegatus, per se solum non potest vnus vliam ferre sententiam. vt in tex. cum glos. 3. & supr. c. quamuis.

Cap. 17. Causam, quæ.

DELEGATVS, qui est dominus impetrantis, recusari potest.

QU^{IA} nemo est cogendus coram suspecto iudice litigare. infr. c. suspicionis. Et quoniam est rationabilis causa suspicionis, si iudex sit dominus aduersarij. infr. c. insinuante. & 11. q. 3. c. quatuor; sicut idem esset, si iudex esset vasallus impetrantis, propter amorem, & familiaritatem, quæ solet esse inter dominum, & vasallos. c. de forma. 22. q. 3. Ideo licite potest recusari iudex, dominus impetrantis. vt in tex. & d. c. insinuante. Nam iuxta illud.

Quatuor ista, timor, odium, dilectio, consus;

Sape solent hominum rectos pervertere sensus. glos. hic.

Cap. 18. Cum te consulente.

A subdelegato delegati Papæ, qui subdelegauit non in totum, non ad Papam; sed ad ipsum delegatum appellari debet.

QU^{IA} delegatus, qui subdelegauit non in totum, quemcunque articulum iurisdictionalem sibi reseruauerit, semper remanet iudex causæ sibi delegatæ. infr. c. super. §. porro. Et quoniam delegatus Papæ repræsentat vices Papæ, quo ad illam causam. supr. c. sanè il 2. Ideo ex quo Papa voluit istum tenere locum suum, & tanquam ipsum in illa causa honorari. d. c. sanè. tum ad ipsius delegati honorem; tum ad parcendum partium laboribus, & expensis, statuitur, vt ad ipsum delegatum, non autem ad Papam, immediate appelletur. vt in tex. & d. §. porro. Et est vnus casus specialis, in quo propter præmissam rationem, prohibetur appellari ad Papam, omisso medio; nam regulariter est contra. c. Romana. 2. q. 6. Qui tamen casus fallit, quando negatur iurisdictionis subdelegantis, vt si dicatur, Papam fuisse mortuum, re integra; vel dicatur, ipsum subdelegantem esse excommunicatum; nam tunc non ad delegatum, sed ad Papam immediate appellatur. c. si a subdelegato. & c. si is, cui. cod. in 6.

Cap. 19. Relatum.

MORTE delegantis, non expirat iurisdictionis delegati, coram quo lis erat contestata.

QU^{IA} per exercitium iurisdictionis delegatæ, ipsa iurisdictionis radicatur in persona delegati, & dicitur in eum efficaciter transiisse.

fuiffe. infr. cap. licet. Et quoniam per citationem factam contra aliquam partem, & multo magis per litem contestatam, iurisdicção contentiosa dicitur per iudicem incepta. infr. c. prox. & l. & quia, & ibi glos. penult. ff. de iurisdic. omn. iud. Ideo ex quo lis est contestata, vel ad minus est citatio à iudice emanata, morte mandantis, in delegato non expirat iurisdicção ei mandata. vt in tex. & infr. c. prox. Si verò delegans moriatur, re integra, expirat delegati iurisdicção. vt in tex. quia delegatus non habet iurisdictionem iure proprio, sed iure delegantis. supr. c. sanè il 2. & d. l. & quia. Vnde cum iurisdicção, re integra, sit effectualiter penes delegantem, ita quod non est adhuc efficaciter etiam in delegato; cum per mortem extinguatur iurisdicção sua, per consequens extinguitur potestas delegata; quia extincto iure auctoris, extinguitur ius successoris. l. lex vengalis. ff. de pignor. Et cessante causa, cessat effectus. glos. in d. l. & quia.

Cap. 20. Gratum.

SI delegatus citauit ante mortem delegantis, perpetuata est eius iurisdicção.

QUIA per citationem à iudice emanatam, negotium ei commissum est quasi ceptum. vt in tex. & glos. in Clem. 2. ver. ad partem. Vt lit. pend. Cum citatio sit principium exercitij iurisdictionis contentiosæ. Instituit. de pœna tem. litig. §. fin. Et quoniam per exercitium iurisdictionis delegatæ, iurisdicção illa effectualiter radicatur in delegato, & non extinguitur amplius per mortem delegantis. supr. c. prox. Ideo quo ad perpetuandam iurisdictionem in delegato, vt non expiret per mortem delegantis, sufficit, quod delegatus per solam citationem sit vsus iurisdictione. vt in tex. & glos. i. hic. Dicitur autem per solam citationem negotium esse quasi ceptum, non autem dicitur absolute ceptum. vt in tex. quia in causa propriè, & strictè, negotium dicitur ceptum per litis contestationem. d. glos. i. hic. cum antea possit iudex recusari, & euitari. l. nemo. C. de iurisd. omn. iud.

ET appellationi renuntiat, qui coram iudice, à quo appellauit, litem prosequitur.

QUIA per actum contrarium subsequenter, renuntiatur actui precedenti. c. sollicitudinem. de appellat. & c. cum renuntiatur 32. q. 1. Et quoniam per appellationem receditur à iurisdictione prioris iudicis. l. præfati. ff. de minor. per litis verò prosecutionem, iudicis iurisdicção approbatur. c. pastoralis. de except. Ideo cum quis prosequitur litem coram iudice, à quo appellauit, videtur ab appellatione recessisse, & ad priorem iudicem rediisse. vt in tex. & d. c. sollicitudinem.

Cap. 21. Prudentiam.

SI causa committitur tribus delegatis cum clausula, quod, si non omnes, & c. priusquam appareat de impotentia tertij, duo procedere non possunt.

QU^{IA} in tali casu, mandati excederentur fines, si duo procederent, antequam appareat de impotentia tertij, cum iurisdictio sit eis sub tali conditione delegata, vt tunc possint procedere duo, quando non potest adesse tertius. vt in tex. Et quoniam fines mandati diligenter sunt seruandi. c. cum dilecta. de rescript. Et vbi aliquid datur sub conditione, debet quis ostendere se conditioni paruissse. l. 2. ff. de condit. & demonstr. Ideo tres delegati dati cum clausula, si omnes interessere nequiverint, duo exequantur; vel omnes debet adesse, vel vt duo possint vti tota iurisditione, debet constare de impotentia tertij; qui tunc etiam dicitur non posse adesse, cum adesse non vult, etiam si possit. vt in tex. & glos. ver. teneatur.

ET si procedunt, nihil agunt.

QU^{IA} vbi datur certa forma procedendi, processus corrumpitur, non solum si aliquid attentatur directe contra formam, sed etiam si agatur citra formam. c. si cui, & ibi glos. ver. præter. de elect. in 6. Cum etiam ille, qui agit citra formam, excedat fines mandati. vt in tex. Et quoniam ea, quæ sunt ultra fines mandati, non tenent. d. c. cum dilecta, & ibi glos. penult. Ideo si duo de delegatis datis, cum clausula, quod si non omnes, & c. procedunt, non consisto de impedimento tertij, nihil reputabuntur egisse. vt in tex. & sup. c. causam. il. 1.

§. Adijcimus.

CLAUSULA, si non omnes poteritis, sub impotentia includit voluntatem, quo ad purificandam iurisdictionem coniudicum.

QU^{IA} licet quo ad eum, qui non vult interesse, cum possit, non sit verificata impotentia interessendi; vnde est grauissimè arguendus, pro eo, quod mandatum Apostolicum exequi subterfugiat, aut contemnat. vt in tex. quo ad consocios tamen satis est purificata talis conditio impotentia; quia si tertius non vult præcisè interesse, verum est dicere, quod omnes simul interesse non possunt; nam si tu non vis mecum adesse in scholis, verum est dicere, quod ego non possum ibi adesse tecum. Abb. nu. 2. Et quoniam litium finis est desiderandus. c. finem. de dol. & contum. Ideo si tertius non vult adesse, duo procedere possunt, ac si ille verè adesse non posset, etiam ex parte sui, cum conditio mandati sit purificata ex parte aliorum. vt in tex. & Abb. d. nu. 2.

IDEM

I D E M in duobus datis cum clausula, quod si ambo interessē nequiverint, alter nihilominus exequatur.

Q V I A cum alter eorum non vult interessē, verum est dicere, quod ambo simul interessē non possunt, & sic est purificata conditio, ut alter solus possit exequi, ut in casu superiori. Et quoniam ubi est eadem ratio, debet esse idem ius. l. illud. ff. ad leg. Aquil. Ideo idem statuitur observandum in casu isto, ac in præcedenti, quo ad id, ut unus delegatus possit procedere sine alio, qui non potest, vel non vult cum eo in cognitione causæ eis delegatæ, interessē. ut in tex.

§. Sexta.

S I reus coram delegato obijcit excommunicationem auctori, quam non probat intra tempus debitum, auditur auctor.

Q V I A quod prouisum est ad remedium, non debet tendere ad novam. c. pia. de except. in 6. Et quoniam si reo non determinaretur tempus breue ad probandam exceptionem excommunicationis contra auctorem, sæpe illam malitiosè obijceret ad differendum negotium principale, & auctorem laboribus, & expensis fatigandum. d. c. pia. Ideo statuitur reo tempus octo dierum ad probandam obiectam excommunicationem; quam si non probat intra dictum tempus, præsumitur malitiosè obijcere, & ei non creditur super tali obiectione. ut in text. & d. c. pia.

S I verò probat, delegatus absoluet auctorem, si excommunicatus est propter causam sibi commissam.

Q V I A explorati iuris est, ut delegatis iudicibus, quibus principale committitur, & accessorium committatur. ut in tex. Et quoniam excommunicatio maior repellit excommunicatum, ut non possit stare in iudicio tanquam auctor. d. c. pia. Ideo cum fuerit delegato commissa causa principalis, intelligitur etiam ei data facultas habilitandi personas ab impedimentis illius causæ, propter quæ expeditio causæ impeditur, & sic ut possit absolvere auctorem ab excommunicatione, quæ propter illam causam incurrit. ut in tex. & supr. c. præterea.

S I propter aliam, ad excommunicatorem suum illum remittet.

Q V I A regulariter ab eo est excommunicatus absolvendus, à quo fuit ligatus. c. pastoralis. §. præterea. de offic. ordin. Et quoniam ecclesiasticus ordo confunditur, si sua iurisdictio unicuique non seruetur. c. peruenit. 1. 1. q. 1. Ideo ad observandum suum ius excommunicatori, & ad providendum, ut delegatus possit procedere in causa, talis excommunicatus remittitur pro absolutione ad suum excommuni-

catorem. vt in tex. & c. omnis res. infr. de regul. iur.

QVI si non vult eum absolvere, delegatus Papa eum absoluet.

Q V I A sicut delegatus non habet aliquam potestatem super causa sibi non commissam, nisi quando causa commissam aliter expediri non potest. glos. ver. ad excommunicatorem. & Abb. nu. 10. ita quando causa commissam non potest aliter expediri, eius iurisdictio extenditur, etiam ad causam sibi non commissam. supr. c. 1. Tunc enim talis causa venit tanquam accessoria ad commissam. vt in tex. Et quoniam causa ei commissam non potest expediri, nisi actor excommunicatus prius absolueretur, vt possit stare in iudicio, vt dictum est superius. Ideo sicut delegatus non debet absolvere talem excommunicatum, antequam ipsum remittat ad suum excommunicatorem, ita, nolente illo absolvere, pro expeditione causae potest absolvere ipse. vt in tex. & glos. ver. ad excommunicatorem.

NISI sit de casibus Papa reseruatis.

Q V I A in quibusdam casibus grauioribus Papa sibi reseruatur absolutionem ab excommunicatione, in signum praeuincientiae singularis, & in maiorem poenā talium delictorum c. tua nos. de sent. excom. & c. si quis suadente. 17. q. 4. Et quoniam ea, quae sic per principem sibi reseruantur, non transeunt in alium, nisi expresse committantur. c. quod translationem. de offic. leg. & l. 1. ff. de offic. eius, cui mand. est iur. Ideo in tali casu per generalem causam commissionem delegatus Papae absolvere non potest. vt in tex. Et sic est casus specialis propter dictam rationem, in quo vno commissio, non transeunt omnia, sine quibus principale negotium expediri non potest. Abb. hic nu. 4. Et ex praedictis nota practicam procedendi per delegatum, cum agens coram eo probatur excommunicatus. Et dic latius, quam colligatur ex littera huius text. quod, aut probatur excommunicatus ante impetrationem rescripti, & debet delegatus pronunciare se non iudicem; quia non valet rescriptum impetratum ab excommunicato, nisi in causa appellationis, vel absolutionis, de quo dic, vt habetur in c. 1. de rescript. in 6. Et hoc casu non, procedit iste tex. Aut probatur excommunicatus post impetrationem rescripti, & habet locum iste tex. quo casu delegatus hoc ordine procedet, vt si fuit excommunicatus propter causam sibi commissam, tunc ipse absoluat, seruato tamen iuris ordine; si verò fuit excommunicatus propter aliam causam, aut est talis excommunicatio, cuius absolutio reseruatur Papae, & non potest delegatus absolvere, sed debet eum remittere ad Papam; aut non est reseruata absolutio Papae, & debet illum remittere ad suum excommunicatorem, siue excommunicator sit ordinarius, siue delegatus; & si ille absolvere vult, bene quidem; si verò non vult absolvere, aut allegat iustam causam, puta; quia ille fuit excommu-

communicatus pro manifesta offensa, seu contumacia, & hoc probat, & non tenetur eum absolvere, nisi ille primò satisfaciatur. vt in c. ex parte. il. 1. de verb. sign. & c. venerabilis. §. secus. de sent. excom. in 6. Si verò allegat aliam causam probabilem non notoriam, non debet eum absolvere, nisi præstita cautione, vt in d. c. ex parte. Si verò malitiosè nō vult eum absolvere, potest ipse delegatus eum absolvere. vt in tex. Et constabit de malitia excommunicatoris, si intra tempus sibi statutum à delegato, non absoluit, nec allegauit causam iustam in contrarium, cur absolvere non deberet. Abb. hic nu. 3.

§. Si verò.

ABSOLVTVS à delegato super causa, pro qua fuerat excommunicatus, coram excommunicatore parebit, seu respondebit super illa causa, nisi sit alteri delegata.

QUIA facultas absoluendi istum, fuit delegato accessoriè commissæ, ad effectum, vt talis posset stare in iudicio corā ipso, non autē, vt vterius procederet in præiudicium excommunicatoris. vt supr. in §. prox. Ideo ne contemnatur auctoritas excommunicatoris, ad ipsum est ille absolutus remittendus, vt sui iudicis pareat mandatis, ex quo per nouam delegationem non est illius iurisdictio impedita. vt in tex. Iuramentum autem, quod in absolutione excommunicati, ab ipso præstat, de stando mandato ecclesiæ super eo, pro quo fuit excommunicatus; tunc præstat, quando fuit excoicatus pro dubia offensa, vel contumacia; si autem pro notoria, non absoluitur cum iuramento, sed debet prius integrè satisfacere. vt in c. ex parte. de verb. sign. & c. venerabilibus. §. secus. de sent. excomm. in 6. Et per illud iuramentū obligatur solum ad parēdum mandatis licitis, & honestis sibi fiendis à iudice competentī. Host. hic. & glof. in c. ex tenore. de sentent. excommun.

ET si excommunicator malitiosè distulerit, delegatus, qui absoluit, cognoscet.

QUIA sicut excommunicator, qui non vult absolvere excommunicatum, vt posset agere in iudicio coram delegato, perdit suam iurisditionem, & delegatus acquirit facultatem absoluendi illum. vt supr. in c. prox. ita si malitiosè distulerit impedire, ne coram eo ille absolutus pareat mandatis ecclesiæ, perdit iurisditionem cognoscendi de negotio principali, & delegatus acquirit facultatem de illo cognoscendi. glof. fin. hic. Et hoc modo prouidetur, vt delegatus suppleat negligentiam alterius delegati, vel ordinarij, sicut ordinarius supplet desidiam delegati. c. significauit. de offic. ordin. De tali tamen negotio principali delegatus cognoscit, quatenus tangit articulum satisfactionis, & non amplius; pone sic exemplum; in alia causa fuit actor exco-

municatus propter contumaciam, poterit nunc iste delegatus cognoscere de illa contumacia, quia propriè venit accessoriè ad absolutionem factam per delegatum; sed de residuo causæ cognoscere non potest, quia est prorsus separata ab articulo excommunicationis; si autem tota causâ contingeret ipsum articulum satisfactionis, ut puta, fuit excommunicatus, quia noluit soluere iuxta præceptum, seu sententiâ nullam, tunc poterit delegatus cognoscere de tota causâ, scilicet, an sententia, seu præceptum fuerit nullum, vel non. Abb. nu. 4.

Cap. 22. Cum causa.

SI causa simpliciter delegatur tribus, duo sine subdelegatione tertij procedere non possunt.

QU^{IA} iurisdictionis exercitium non competit talibus delegatis singulis in solidum, sed cuique pro parte, & omnibus coniunctim in solidum. glos. supr. in c. prox. ver. teneatur. Et quoniam delegatus non debet transgredi formam mandati. d. c. prox. §. 1. Ideo in tali causâ duo sine tertio procedere non valent. ut in tex. Tertius autem potest eis, vel alteri, vicem suam subdelegare; cum ius tribuat hanc facultatem principis delegato. ut not. supr. in c. quamvis. Et ex quo tales duo delegati non possunt procedere sine tertio, nota, quod ubi potestas residet in plures, ut in singulos, non in plures, ut in vniuersitatem, non statuitur maiori parti, nec potestas residet in maiorem partem, immo nec in duas partes. Butr. hic nu. 13. per quod limitatur. l. quod maior. ff. ad municipal. & c. quia propter. de elect.

QUOD si fecerint, ab eis poterit appellari.

QU^{IA} iudex, qui male procedit; & usurpat sibi maiorem iurisdictionem, quam habeat, grauat partem, contra quam sententiat. c. ut debitus. de appell. Et quoniam per appellationis remedium corrigitur iniquitas, vel ignorantia iudicis inferioris, dum superior inuocatur. c. significante. d. tit. & l. præfati. ff. de minor. Ideo si duo de istis tribus delegatis volunt plus iurisdictionis sibi assumere, quam habeant, poterit pars grauata appellare. ut in tex. & d. c. ut debitus.

IDEM si sunt dati cum clausula, quod si non omnes, &c. non valebit processus duorum, tertio inconsulto.

QU^{IA} propter talem clausulam, duo habent iurisdictionem sub conditione, si tertius est impeditus, vel nolit. glos. 1. hic. & supr. c. prox. Et quoniam ubi iurisdictionis exercitium est datum alicui sub conditione, ante conditionis euentum illud non habet subsistentiam, sicut dicimus in obligatione. l. cedere diem. ff. de verb. sign. Ideo si duo procedunt in tali causâ, tertio inconsulto, ex iurisdictionis defectu process-

processus non tener. vt in tex. & Butr. num. 16. & 20. Debent ergo duo rogare tertium, vt veniat intra terminum competentem ad procedendum cum eis; & si in termino non venit, præsумitur, quod aut nolit, aut non possit interesse, ita, quod hæc præsumptio est sufficiens ad consolidandam potestatem aliorum, vt sine ipso procedere possint. gl. 1. hic. & Abb. nu. 6.

Cap. 23. Cum super.

SI duo sunt delegati cum clausula, quòd, si ambo, &c. vno recusato, alter solus procedere potest.

QU^I A talis clausula, quòd si ambo procedere non possunt, vnus procedat, intelligitur tam de impotentia facti, quàm iuris. c. sci. sciratus. de rescript. Et quoniam iudex legitime recusatus procedere, non potest ex impotentia iuris. infr. c. suspicionis. Ideo vno de istis legitime recusato, extitit conditio impotentia, & tota iurisdictio consolidatur in alio. vt in tex. & Butr. nu. 4.

NEC tenet processus, si cum recusato procedat.

QU^I A ad validitatem actus, voluntas, & potestas simul concurrere debet; nam vbi sibi aduersantur, nihil potest validum explicari. vt in tex. & l. mult. C. si quis alter. vel sibi. Et quoniam, cum iste delegatus non recusatus posset solus procedere tanquam ille, in quo per recusationem alterius, erat consolidata tota iurisdictio; solus tamen tanquam vnicus iudex procedere noluit, sed tantum voluit procedere pro parte sua, quam ante recusationem alterius habebat, & pro alia parte admisit iudicem recusatum, quod facere non poterat. vt in tex. Et quia sententia, cum sit res indiuisibilis, non potest pro parte valere, & pro parte non valere. Abb. nu. 10. Et in indiuiduis inutile vitiat vtile. gl. in c. vtile. de reg. iur. in 6. Et habilis associando sibi inhabilem ad actum, ad quem eum habilitare non potest, nihil agit; quod saltem procedit in iudicialibus. Abb. nu. 7. Ideo per contrarietatem, quæ est inter voluntatem, & potestatem talis iudicis delegati non recusati, cum non velit, quod potest; & cum non possit, quod vult, processus per eum factus cum recusato, & sententia per eos lata, nullius sunt roboris, & effectus. vt in tex. & gl. penult.

Cap. 24. Consuluit.

SI iurisdictio delegati expirat in termino peremptorio, quem partibus assignauit, post congruam horam peremptoriij iudex non expectabit contumacem.

Quia

QUIA iudex debet in exercitio suæ iurisdictionis ita se gerere, vt vt ea, quæ per ipsum fiunt, roboris obtineant firmitatem. supr. c. prox. Et quoniam ea, quæ per iudicem fierent, expirata iurisdictione sibi ad tēpus delegata, nullius essent validitatis, nec partes coartarentur ad eius præceptis tunc parendum, cum non sit amplius eorum iudex. c. indulgentiæ. de pœnit. & remiss. in 6. & l. ea, quæ. ff. de reg. iur. Ideo ne frustra iudicialis potestas evanescat, debet iudex ante expirationem termini suæ iurisdictionis, iudiciales actus exercere. vt in tex.

SI non expirat, potest expectare in diem alteram.

QUIA licet de iuris rigore, citatus, qui non venit in termino sibi ad comparandum taliter assignato, deberet contumax reputari, & contra eum posset procedi, ac si præsens existeret. l. properandum. §. fin. autem. C. de iudic. Tamen quoniam posset esse, quod iustam causam absentix habuisset, per quam intra illud tempus venire rationabiliter non potuisset. glos. hic. ver. æquitate, qua legitime probata, sententia esset retractanda. c. cum bertholdus. de re iudic. Ideo æquitas suadet, vt per diem alteram, post talem terminum, expectetur, ad magis cognoscendum, an ipse verè contumax sit existimandus. vt in tex. Non tamen est necessarium, vt eum expectet, si non velit. d. gl. hic. Et licet iudex possit parcere absenti in ferenda sententia intra terminum constitutum, non tamen potest ei parcere in sumptibus, & expensis; alioquin deberet restituere de suo. glos. ver. gratiam, & Abb. nu. 9. Iudici enim licet differre ius partis, non autem auferre. l. quoties. C. de precib. imper. offer. Et ne iudicium ecclesiasticum exerceatur in tenebris, quia iuxta testimonium veritatis: *Qui male agit, odit lucem.* Ioan. cap. 3. licet secundum consuetudinem, & constitutiones legitimas, more Romano dies à medietate noctis incipiat præcedentis, & in medio noctis desinat subsequenti (vnde quod in duabus dimidiatis noctibus agitur, perinde sanxit habendum legalis auctoritas, ac si qualibet parte lucis agatur. l. more Romano. ff. de fer.) ea tamen de iure canonico intelligitur esse hora congrua procedendi in iudicijs, in qua possit ante noctis tenebras perficere iudex, quod sibi tunc incumbit. vt in tex. Si tamen processit in tenebris ad lumen candelæ, & pars comparuit, & non appellauit, valet, quod gessit; dummodo aliud non impediatur. Et præcipue si iudex honestus sit; cum hic non dicatur, quod si processum fuerit, non valeat; nam multa fieri prohibentur, quæ tamen facta teneant. glos. hic ver. tenebras. Potest enim pars, quæ non appellauit à tali hora, fauori suo renunciare. c. ad apostolicam. de regular. & l. penult. C. de pact.

Et iterum citare, si vult.

Quia

QU^{IA} sicut ad superandam malitiam non comparentis intra terminum sibi præfixum, ex æquitate expectatur in alteram diem, vt sic melius cognoscatur, an vere sit contumax, vt dictum est superius; ita ad eundem effectum potest iterum citari, ne fortè se excusaret, quod prima citatio ad ipsum non peruenisset. glos. ver. gratiam. in fin. Sed quoniam prima citatio durat vsque ad diem prorogatam. Abb. num. 8. Ideo iudex non tenetur illum citare de nouo, sed si eum citat, procedit ex eius benignitate, non ex iudicialis ordinis necessitate. vt in tex. & l. & post editum. ff. de iudic.

Cap. 25. Insinuante.

EX noua causa remouetur delegatus, & alius subrogatur.

QU^{IA} quæ de nouo emergunt, nouo indigent auxilio. c. cæterum. de iur. calumn. & l. de ætate. ff. de interrog. act. Ideo quando causa suspicionis contra iudicem oritur de nouo, vel de nouo venit ad notitiam partis, potest exceptio opponi, & iudex ille recusari. vt in tex. & c. pastoralis. de except.

ETIAM post litem contestatam.

QU^{IA} licet exceptiones dilatorie sint regulariter ante litem contestationem, in termino à iudice assignato, proponendæ. d. c. pastoralis. Tamen quoniam non potest parti imputari, quare ante non opposuerit, ex quo causa recusationis de nouo est orta, vel de nouo venit ad notitiam partis. Butr. nu. 9. & 18. Ideo ne quis cogatur coram respectu iudice litigare, permittitur, vt etiam post litem contestatam, & terminum assignatum, possit talis exceptio opponi. vt in tex. & d. c. pastoralis; nisi per aliquem actum habitum in iudicio post ortum, & notitiam talis suspicionis, pars illa consenserit coram isto iudice litigare. glos. ver. consenserit. Tunc enim imputet sibi, qui consensit. glos. fin. in d. c. pastoralis.

Cap. 26. Querenti.

DELEGATVS Papa sententiam suam exequi potest vsque ad integrum annum.

QU^{IA} delegati iurisdiclio non est perpetua, sed intra certas metas temporis finitur. glos. penult. hic. Et quoniam delegatus principis potest exequi suam sententiam. supr. c. significasti. Ideo ex æquitate assignatur ei annus post latam sententiam, ad illam exequendam; sicut obseruatur in illo, qui ante litem contestationem contumax inuenitur, vt veniens intra annum recuperet possessionem. vt in tex. & c. quoniam. §. in alijs. vt lit. non contest. vt sic post annum sit expirata de-

et delegati iurisdicção in totum, etiam quo ad executionem per ipsum faciendam. glos. fin. hic.

Cap. 27. Super questionum.

DELEGATVS Papæ potest principium, medium, & finem causæ coniunctim, & diuisim subdelegare.

QU^{IA} in causis curandum est, ut parcatur partium laboribus, & expensis. c. finem. de dol. & contum. Et quoniam facilius causæ expediuntur, dum iudicialis auctoritas valet liberius exerceri. ut in tex. Ideo delegato Papæ conceditur, ut licitè possit & principium, & medium, & finem causæ sibi commissæ, non solum coniunctim, sed etiam diuisim, alij subdelegare. ut in tex. Nec obstat, quod iudex debeat cognoscere per seipsum in principio, in medio, & in fine causæ. Authent. ad hæc. C. de iudic. quia ipse delegatus, antequam ferat sententiam, vniuersa, quæ acta sunt, debet in iudicio diligenter inuestigare. ut in tex. Sed & delegatus inferioris potest subdelegare aliquem articulum, saltem non iurisdictionalem, causæ sibi commissæ. Abb. hic nu. 4. Nunquid autem ipse possit committere receptionem testium; distingue, quòd aut vult committere hunc articulum cum iurisdictione, & non potest; aut sine iurisdictione, puta, quia ipse iudex prius approbavit personas ipsorum testium, examinavit interrogatoria, & capitula; & tunc potest committere, quia ille, cui taliter committitur, habet solum executi nundum ministerium; vnde ista nuda receptio, si fieret die feriata, teneret; ad quod vide glos. not. in Clem. vnic. de offic. deleg. & talis receptio sollet committi notario. ut not. in c. quoniam. de prob. & Abb. hic nu. 9.

§. Verùm.

A subdelegato cum iurisdictione appellari potest.

QU^{IA} talis subdelegatus dicitur esse iudex, vel totius causæ, vel partis sibi a delegato commissæ. ut in tex. Et quoniam iudex potest grauare partem, cum ex suo arbitrio procedat. Abb. nu. 11. Et appellatio est inuenta ad releuandum partes a grauamine. c. ut debitus de appell. Ideo à tali subdelegato, tanquam à iudice, potest licitè prouocari. ut in tex. & infr. §. prox.

SECVS, si sine iurisdictione.

QU^{IA} talis non est propriè iudex, nec habet aliquam causæ cognitionem, in qua possit grauare; sed est executor, qui factum, & discussum, & decusum per superiorem, de eius mandato debet exequi. glos. supr. in §. prox. ver. executorem. Ideo si pars sentit se grauari

uari, debet appellare à committente, non à commissario, quia est ille, qui grauat, non iste, qui habet parere necesse, Abb. supr. in d. §. nu. 11. in

NISI modum excedat, tunc enim potest recusari.

Q V I A ubi executor excedit fines mandati, non grauat ille, qui commisit, sed ipse, qui de facto ex suo arbitrio procedit, ut in text. & c. nouit. de appell. Et quoniam ad euitandum facti grauamen, potest etiam à sententia nulla, & ab actu inualido appellari. c. dilecto, de appell. & l. si expressim. ff. eod. Ideo ut euitetur grauamen facti, appellatio est utilis, etiam si actus sic gestus per commissarium, sit nullus, Abb. hic nu. 4. Sed debet prius iste executor, tanquam suspectus recusari, & si non vult recusationem admittere, tunc debet ab eo appellari, quia iam grauat in non admittendo iustam recusationem. Abb. supr. in §. prox. nu. 12.

NISI datus sit de partium consensu.

Q V I A per huiusmodi consensum, partes consentiunt, se non habere illum pro suspecto. supr. c. insinuante. Et quoniam quem aliquis approbauit, amplius reprobare non potest, nisi noua causa oriatur, vel detegatur, d. c. insinuante. & c. pastoralis. de except. Ideo nec talis executor, siue auditor valeat recusari, prouide statuitur, ut de partium detur, vel recipiatur assensu. ut in text. & c. horrendus, §. 2. q. 5. Ab eo tamen potest appellari, licet non possit recusari. l. ex consensu. ff. de appell. & gloss. hic. ver. assensu.

§. Porro.

A subdelegato non in totum, appellatur ad subdelegantem.

Q V I A delegatus, qui aliquid de iurisdictione sibi reservat, remanet iudex illius causæ, licet partem causæ alteri commiserit. ut not. supr. in c. cum eo. Et quoniam appellatio fit ab inferiori iudice ad superiorem. c. ut debitus. de appell. Et ubi delegatus Papæ remanet iudex, ad eius honorem seruandum, & ad parcendum partium laboribus, & expensis, non ad alium, quam ad ipsum appellatur. d. c. cum eo. Ideo à tali subdelegato ad ipsum delegatum est appellandum, ut in text. & c. si delegatus. eod. in 6. & l. 1. C. qui pro sua iurisd.

NON autem ad primum delegantem.

Q V I A delegatus Papæ in causa sibi commissa repræsentat personam Papæ, & in illa est tanquam delegans ipse honorandus. supr. c. sanè. l. 2. Et quoniā si appellaretur ad ipsum Papam aut hoc fieret, ut ipse alteri subdelegaret, & hoc esset frustra, cū iam adsit iste delegatus, qui nō grauauit, licet grauauerit eius subdelegatus; aut appellaretur, ut Papa eidem delegato de nouo committeret, & hoc esset magis frustra,

B b b

cum

cum ex prima commissione delegatus, iudex adhuc remaneat. Abb. hic nu. 4. Ideo ne appellatio sit in vanum, in paruum honorem delegati, & in partium damnum, & laborem; prohibetur in tali casu appellatio ad primum delegantem, vt in tex. & d. c. cum te. A subdelegato autem delegati alterius, quàm Papæ, potest appellari ad ipsum Papam, omisso medio; quia in illo non habetur representata persona, & iudicium ipsius Papæ. Abb. hic.

§. ECVS, si subdelegauit in totum.

QUIA delegatus subdelegando in totum, definit esse iudex, & nulla remanet apud eum iurisdictio. d. c. si delegatus. Et quoniam illa iurisdictio est radicata in persona primi delegantis. d. c. sanè. & t. quandoque. §. qui mandatum. ff. de offic. eius, cui mand. est iur. Ideo in tali casu non ad illum, qui fuit delegatus, sed ad Papam primum delegantem est appellandum. vt in tex. & l. i. §. fin. ff. quis, & a quo. & c. In causa autem appellationis, multa salubriter cauit Concil. Trid. sess. 13. de refor. cap. 1. & sess. 24. de refor. cap. 10. & cap. 20.

§. Quem.

AVDITOR datus sine partium consensu, recusari potest vt suspectus.

QUIA cum auditor dicatur ille, qui deputatur a iudice ad aliquem articulum examinandum. vt supr. §. i. licet ipse non habeat iurisdictionem in causa, sed tantum exequatur mandata. gloss. in d. §. i. ver. executorem. posset tamen grauare partes, mandati fines excedendo. supr. §. prox. Et quoniam, qui potest grauare, potest recusari, si sit suspectus in officio sibi commissio. infr. c. suspicionis. Ideo ex quo non potest imputari partibus, quod consenserint in illum, si talis auditor alicui parti sit suspectus, licet potest ab ea recusari. vt in tex. & supr. §. verum.

NON tamen sine causa.

QUIA cum delegatus principis habeat a lege, vt possit subdelegare, & auditorem dare. supr. §. i. non tenetur in exercendo ius suum, habere partium consensum. c. si quis. de for. compet. nam qui vitur iure suo, nemini iniuriam facit. c. cum ecclesia. de elect. Ideo quem delegatus a Papa deputauerit auditorem, neutra partium poterit recusare, nisi coram ipso delegato iustam recusationis causam ostendat. vt in tex. & infr. §. eius ergo. Et in hoc est differentia inter ius canonicum, & civile; nam de iure civili recusatur delegatus, etiam principis, licet non probetur recusationis causa; sed satis est, vt recusatio non appareat calumniosa, vt not. in l. apertissimi. & l. cum speciali. C. de iudic. Sequit de

est de iure canonico; nam in eo semper exigitur, ut legitima recusationis causa probetur, ut in tex. & d. si quis. & d. c. suspicionis.

§. Si vero.

SI unus ex duobus delegatis principis, cum clausula, appellatione remota, subdelegat alteri acceptanti, non potest acceptans subdelegare, nec appellatione remota, procedere.

QU^{VIA} in personam istius collegæ concurrunt in tali casu iurisdictiones diuersæ speciei, scilicet, iurisdictionis delegata, & subdelegata. ut in tex. Et quoniam compositum ex diuersis speciebus; non habens per se certam naturam, seu determinationem, quandoque recipit naturam vnius, quandoque alterius speciei, ex quibus componitur, secundum quod minus iuri præiudicatur, licet vna species sit dignior altera. Abb. hic nu. 4. Et quia si talis collega posset subdelegare, sequeretur absurdum, quod subdelegata iurisdictionis subdelegaretur; nulla autem absurditas sequitur, si delegatus non utitur suo privilegio in actu subdelegandi; Et idem dic respectu clausulæ appellatione remota. Abb. num. 5. Nam delegatus, etiam principis, non potest remouere appellationem, cum nullus citra principem possit tollere talem actum, qui pertinet ad ius alterius; & ad defensionem. Abb. sup. in §. 1. nu. 3. Ideo quod talis collega posset ex sola iurisdictione sibi à principe delegata, non potest cum iurisdictione sibi à condelegato commissa, ut in tex.

*Q*UOD tamen ante acceptationem poterat.

QU^{VIA} ante acceptationem iurisdictionis sibi subdelegatæ, talis collega procedebat tantum, ut principis delegatus. ut in tex. Et quoniam delegatus Papæ habet facultatem subdelegandi. infr. c. prox. Et princeps potest committere causam, appellatione remota, in qua commissione videtur eligere industriam personæ illius, cui causam taliter committit, & sic esse privilegium personale illi delegato à principe concessum. Abb. hic nu. 3. Ideo quando talis procedebat tantum, ut principis delegatus, poterat alteri causam illam subdelegare, & eam, appellatione remota, cognoscere. ut in tex. & sup. §. 1.

*E*T si ab isto fuerit appellandum, appellabitur ad Papam.

QU^{VIA} cum totum compositum accipiat in mixtura istius collegæ naturam alterius speciei, secundum quod iuri minus derogatur, ut dictum est superius. Et quoniam si appellaretur ad subdelegantem, resurgeret magna absurditas; nam subdelegans cognosceret de facto sui collegæ; cum tamen par in parem non habeat imperium. c. innotuit. de elect. Et cum appellatio debeat interponi ad maiorem, non ad parem. c. 2. de consuet. in 6. Sed quod ad Papam appelletur, nullum.

Bbb 2 sequi-

sequitur absurdum, vt dictum est superius, & habetur in c. ad Romanam. 2. q. 6. Ideo ad Papam primum delegantem, non autem ad eius delegatum subdelegantem, erit per oppressos à collega delegato, & subdelegato, appellandum. vt in tex. & c. si duo. eod. in 6.

ET I A M, si fuerit subdelegatus non in totum.

QU I A etiam in tali casu appellatio videretur interposita à pari ad parem. d. c. si duo. & ibi glos. fin. Ideo siue sit collega subdelegatus in totum, siue in partem, vt euitetur absurditas appellandi ad parem, semper erit ab eo appellandum ad Papam primum delegantem. vt in tex. & d. c. si duo.

§. Eius ergo.

S I delegatus Papa subdelegat non in totum, pars à subdelegato non poterit appellare ex eo, quod datus sit sine suo consensu.

QU I A appellatio ita fundatur super grauamine, vt qui non grauatur, appellare nō possit; & si de facto appellet, appellatio de iure non teneat. c. vt debitis. de appell. Et quoniam delegatus Papa habet à lege, vt possit subdelegare. infr. c. prox. Et qui vitur iure suo, nemini facit iniuriam. c. cum ecclesia. de elect. Ideo pars non potest appellare ex eo, quod delegatus subdelegauerit sine suo consensu, cum per hoc illam non grauauerit. vt in tex. & supr. §. quem.

P O T E S T tamen recusari, in ostendendo causam iustam coram delegato.

QU I A nemo tenetur coram suspecto iudice litigare. infr. c. suspicionis. Et quoniam delegatus, qui subdelegauit non in totum, retinet adhuc iurisdictionem super causa sibi delegata. supr. §. porro. Et remoto subdelegato, iurdictio redit ad ipsum delegatum. d. §. porro. Ideo ad ipsum delegatum spectat cognoscere, an sit iusta talis recusatio, vt in tex. & c. si contra. eod. in 6. Vnde recusatio est proponenda coram subdelegato, & probanda coram delegato. Host. hic. Et iste est casus, in quo recusatio non probatur coram arbitris. Et idem est, si recusatur delegatus ordinarij, vel vicarius Episcopi, vt recusatio sit proponenda coram ipso recusato, & probatio suspicionis, propter quam recusatur, sit facienda coram ipso ordinario, & episcopo. vt in d. c. si contra. Sed videtur dubium, quid si delegatus subdelegauit in totum, & ille subdelegatus recusatur, nunquid probatio sit facienda coram ipso delegato? Et dubitatio videbatur insurgere, quia ex quo ipse subdelegauit in totum, non remansit apud eum iurdictio, & sic videbatur, quod essent arbitri ad talem cognitionem assumendi, per d. c. suspicionis. Sed dic oppositum, quia ex quo subdelegatus non incipit exercere iuris-

iurisdictionem, non videtur in eum iurisdictione efficaciter transmissa; unde cum adhuc ille possit reuocari per delegatum. c. quamuis. eod. in 6. merito etiam in tali casu recusatio debet probari coram ipso delegato. Imoc. hic. & Abb. supr. in §. quem. nu. 3.

ET tunc delegatus definit.

QUIA sicut est per superiorem providendum, ne cuiquam iudex suspectus assignetur, ita per eundem est curandum, ne legitimus iudex malitiose recusetur. infr. c. suspicionis. Et quoniam cognitio recusationis subdelegati spectat ad subdelegantem, ut dictum est superius. Ideo, ut possit procedi in causa, ipse delegatus debet definire, an eius subdelegatus legitime recusetur, & sic an debeat esse iudex in illa causa. ut in tex. & d. c. si contra. eod. in 6.

A quo etiam, si noluerit recusationem admittere, appellatur ad Papam.

QUIA tunc delegatus grauat partem, cuius legitimam recusationem non admittit. ut in tex. Et quoniam à grauamine illato à delegato, appellatur ad superiorem delegantem. supra c. ex parte il. 2. Ideo si iustam recusationis causam nolit admittere delegatus, sed coram suspecto subdelegato velit togere aliquem litigare, à tali grauamine licite potest ad Papam appellari; Et quod post huiusmodi appellationem ipse delegatus facere præsumpserit, iudicari debet irritum, & inane. ut in tex. Vnde nota, quod attentatum post appellationem ab interlocutoria, est ipso iure irritum, & inane; & hoc, si appellatio fuit legitima; ratio est, quia per appellationem legitimam suspenditur iurisdictione iudicis. c. à iudice. de appell. in 6. Et secundum ista intellige. c. non solum. d. tit. in 6. ubi dicitur, quod attentata post appellationem ab interlocutoria pendent ex futuro euentu; nam dicuntur pendere quo ad nos, qui ignoramus, an appellatio fuerit legitima; sed quo ad ius, statim aut sunt nulla, aut valent, nam quod est certum naturæ, est certum legi. l. si pater. ff. de solut. unde declarata rationabilitate appellationis, attentata declarantur nulla, & reuocantur per viam attentati. d. c. non solum. & Abb. hic nu. 4. Hodie Kalendis Nouembris 1610. Summus Pontifex Paulus Quintus retulit in numerum Sanctorum Beatum Carolum Cardinalem Borromeum, Archiepiscopum Mediolanensem, in qua solemnitate, præter varia ornamenta multi valoris, quibus Basilica Sancti Petri refulsit, aderant effigies triginta quinque Sanctorum, qui à Sancto Barnaba Apostolo vsque ad ipsum Sanctum Carolum, Ecclesiæ Mediolanensi præfuerunt.

Cap. 28. Pastoralis.

DELEGATVS Papæ subdelegatum compellit ad suscipiendam subdelegationem.

QU^IA delegatus à principe iurisdic^{ti}o dandi iudicem, est à lege concessa. vt in tex. & l. à iudice. C. de iudic. Et quoniam iurisdic^{ti}o illa nullius videretur esse momenti, si ad compellendum renitentem, coercionem aliquam non haberet. vt in tex. & l. fin. ff. de offic. eius, cui mand. est iur. Ideo ne talis iurisdic^{ti}o videatur delusoria, sicut datur delegato facultas à lege, vt possit subdelegare, ita datur ei potestas ad compellendum subdelegatum, vt illam causam suscipiat. vt in tex. & d. l. fin. Et intellige hic Principem, quemlibet non recognoscentem superiorem, saltem in temporalibus, vt est Papa, Imperator, & alij Reges, qui non recognoscunt hodie superiorem in temporalibus; ad hoc. c. per venerabilem. qui fil. sint leg. & Bart. in l. i. ff. à quibus appell. non lic. Et cum delegatus gerat vices delegantis, & maior sit omnibus in causa sibi commissa. supra c. sanè il 2. potest compellere omnes, quos verisimiliter compellisset ipse delegans. Abb. hic nu. 7. Hodie tamen delegatus Papæ non potest subdelegare, nisi illis personis, quibus delegat Papa. vt per c. statutum. §. 1. & §. in nullo. de rescript. in 6.

NISI malitiosè se exoneret.

QU^IA malitijs non est indulgendum. c. plerumque. de rescript. Et quoniam posset esse, quod malitiosè vellet delegatus se exonerare, & committere causam alicui cum læsione alterius. Abb. d. nu. 7. Ideo in tali casu ius noluit ei permittere, vt posset illum ad suscipiendam subdelegationem compellere. vt in tex. Et si velit cogere, iussu potest appellari. Innoc. hic nu. 2. Et hoc. vbi constat de malitia; nam si de illa non constat, ipsa non præsumitur. glos. ver. exonerare. & S. Tho. & ibi Caiet. 2. 2. q. 60. art. 4.

IN coactione tamen, deferet suæ dignitati, & personæ.

QU^IA eadem pœna est gravior in vna persona, quàm in alia, secundum conditionis cuiusque notabilem differentiam. c. qui contra. & ibi glos. 24. q. 1. & Bart. in l. capitalium. ff. de pœnis. Et quoniam pœna debet esse commensurabilis delicto. c. disciplina. dist. 45. Et in imponenda pœna alicui, est habendus respectus ad damnum, quod per illam potest alijs innoxijs euenire. c. inter. de sent. excomm. Ideo delegatus debet sollicitè providere, vt si personis superioribus (ex gente necessitate) negotium duxerit delegandum, in coactionibus inferendis dignitati deferat, & personæ. vt in tex. & supr. c. sanè il 2. Et in his, super quibus ius non inuenitur expressum, iudex debet (æquitate ser-

te seruata) semper in humaniorem partem declinare, secundum quod personas, & causas, loca, & tempora, viderit postulare. c. fin. de transact. Quos respectus saepe iudices non indagantes, in erroris labyrinthum intricando impinguntur. c. sciendum. dist. 29.

§. Item.

DELEGATVS Papa, sicut potest committere totam causam, ita potest citationem.

QUIA citatio est pars actuum, qui exercentur in causa. supr. c. gratum. Et quoniam pars continetur in toto. c. in toto, de reg. iur. in 6. Et cui licet id, quod plus est; multo magis id, quod minus est, debet licere. c. non debet. ff. de reg. iur. Ideo cum delegatus à principe possit totam causam committere. vt supr. §. prox. Multo magis poterit committere citationem, vel aliam causae partem. vt in tex. & supr. c. praeerea. Nec obstat, quod in iudice ante citationem non sit perpetuata iurisdictio delegata; & ob id videatur, quod non possit compellere ad officium citationis acceptandum. Nam respondetur, quod perpetuatio non requiritur, quo ad facultatem exercendi iurisditionem; aliàs iudex nunquam posset incipere exercitium iurisditionis. Abb. hic. & ad idem est. c. pastoralis. §. fin. de rescript. vbi, ante perpetuationem iurisditionis, potest fieri subdelegatio.

ET punire contemnentem acceptare.

QUIA potestas committendi, nullius videretur esse momenti, si in contemptorem coercionem aliquam non haberet. supr. §. prox. & infr. c. ex litteris. Ideo ex quo datur delegato potestas committendi, datur eidem etiam potestas ad contemnentem acceptare coercendum. vt in tex. & supr. c. praeerea. Sed quaeritur, nunquid delegatus inferioris à principe, possit committere citationis actum? Respondetur, quod sic; quia citatio, quatenus exercetur per nuntium, non est actus iurisdictionalis, sed est nudum ministerium. l. diem proferre. ff. de arbitr. vbi habetur, quod arbiter potest citare per epistolam, & per nuntium; & tamen arbiter non habet iurisdictionem. l. sed interpellatur. ff. eod. Et articulum non iurisdictionalem, potest etiam delegatus inferioris committere. supr. c. prox. §. i. ver: nos autem.

§. Praeerea.

SI Papa scienter committit appellationem interpositam à suo delegato dato cum clausula, appellatione remota, iurisdictionis primi delegati est interim suspensa quo ad executionem.

Quia

QU^{IA} huiusmodi clausula, appellatione remota, non excludit, quin grauamen illatum per iudicem appellanti, possit per superiorem emendari; nec impedit, quin appellatio interposita, sententiae iniquae executionem suspendat; sed per eam inhibetur omnis appellatio, quae à iure non indulgetur expressè. c. pastoralis. de appell. & c. inter cetera. de re iudic. Et quoniam certa scientia principis facit praesumere eum informatum de omnibus, quae erant in commissione, necessariò exprimenda. Abb. nu. 4. Ideo quando Papa causam appellationis ex certa scientia alijs iudicibus committit cognoscendam, videtur appellationem recipere, & iurisdictionem priorum iudicum renouare, ut interim executio sententiae illorum suspendatur, donec appellationis merita plenius sint discussa. ut in tex. & glos. ver. discussa.

§. Quia.

ORDINARIVS *ad mandatum delegati exequitur sententiam.*

QU^{IA} delegatus Papae in causa sibi commissa iurisdictionem habet super ordinarium, & quemcunque maiorem. sup. c. sapè. il. 2. Et quoniam illa iurdictio videretur delusoria, si aliquam coercionem non haberet. sup. §. 1. Ideo cum ordinarius teneatur in hoc obsequi delegato, si fuerit renuens, poterit per ipsum delegatum aliqua coercionem compelli. ut in tex. & dist. 93. c. fin.

ETIAM, *si sciat eam iniustam.*

QU^{IA} non cognitio, sed tantum executio per delegatum, in tali casu ordinario demandatur. ut in tex. Et quoniam si executor haberet facultatem denegandi executionem sibi impositam, saepe diceret, se habere conscientiam in contrarium; & sic ordo iudicialis peruerteretur, & nullus esset litium finis. Abb. hic. Ideo cum in tali casu ordinarius sit merus executor; non debet exceptiones audire. glos. ver. & si sciat. Et cum teneatur obsequi delegato, & si sciat sententiam illam iniustam, exequi nihilominus tenetur eandem, nisi apud eum efficere possit, ut ab hoc onere ipsum absoluat. ut in tex. Et expone, si sciat illam sententiam iniustam, id est, contra ius litigatoris latam; nam super hoc nullam habet cognitionem, sed tantum debet simpliciter illam mandare executioni. ut in tex. Sed si sciat illam esse iniustam contra ius publicum, ut si esset lata auctoritate falsarum litterarum, tunc non deberet ei obtemperare; quia ille non esset delegatus, & per consequens non haberet in eum iurisdictionem, & si istud obijceretur coram tali executore, ipse deberet supersedere executioni, donec referret negotiū superiori, dummodò malitiose, & calumniose talis obiectio non proponatur. d. glos. & si sciat.

§. Cum

§. Cum autem.

DELEGATVS, qui impeditur die statuta procedere, partem
hos procurantem punit.

QVIA peruersorum malignitatibus est obuiandum. c. plerunque. de rescriptis. Et quoniam sæpe contingebat, ut aliqua pars procuraret aliquod impedimentum, per quod iudex non posset die statuta in causa procedere. ut in tex. Ideo statuitur, ut pars, quæ hoc malitiosè procurauerit, per delegatum condigna animaduersione puniatur. ut in tex. & supr. c. de causis.

ET quantum ad diem illam causam committet, appellatione remota, in odium procurantis.

QVIA malitia sua nemini debet prodesse. d. c. plerunque. Et quoniam si in illa die statuta non procederetur in causa per alium, de commissione ipsius delegati, quando ipse delegatus per impedimentum procuratum à parte, procedere non potest, pars illa reportaret commodum, & lucrum de fraude sua. ut in tex. Ideo licet regulariter delegatus non possit subdelegare cum clausula, appellatione remota. ut supr. c. prox. §. si verò. tamen in hoc casu conceditur in odium illius malitiosè partis, ut causam cum tali clausula possit facere per suum subdelegatum terminare. ut in tex. & glof. fin. hic. De malitia autem poterit iudici constare per coniecturas. c. 2. de renunt. in 6. Nam cum illa consistat in animo, de facili clare probari non potest. l. dolum. C. de dol.

NISI partes negotium prorogent.

QVIA breuitas termini assignatur in litibus principaliter ad partium fauorem, ne laboribus, & expensis diu fatigentur. supr. c. de causis. Et ne ille, qui fouet iniustam causam, de suo commodo, & de alieno damno in futurum iniquè gloriatur. l. properandum. C. de iudic. Ideo si partes consenserint ad termini assignati prorogationem, non debet delegatus causam subdelegare, appellatione remota, etiam si una pars fraudulenter impedimentum procurauerit, sed poterit illam subdelegare sine tali clausula. ut in tex. & supr. §. 1.

Cap. 29. Ex litteris.

SVBDELEGATVS à delegato Papa iurisdictionem habente, potest coercere impediensem.

QVIA huiusmodi demandata iurisdicção delusoria videretur, si subdelegatus huiusmodi coercionem aliquam non haberet. ut in tex. Et quoniam ad honorem superioris demandantis, & ad congruam

causarum expeditionem, ille, cui causa committitur, super omnibus, quæ ad causam ipsam spectare noscuntur, plenariam recipit potestatem. supra c. præterea. Ideo non solum delegatus Papæ, sed etiam subdelegatus cum iurisdictione ad totam causam, vel ad certum articulum, potest coercere impediētes suam iurisdictionem. ut in tex. ex eo enim, quod habet hanc facultatem super principales, intelligitur illam habere etiam in eorum fautores, & in impediētes suam auctoritatem. supr. c. 1. & ex eo, quod est sibi commissæ talis potestas cognoscendi, intelligitur etiam translata potestas coercendi. supr. c. super questionum. §. 1. & l. 1. §. 2. ff. de offic. eius, cui mand. est. iurisd. Qui enim vult consequens, vult & antecedens. c. translato. de constitut.

Cap. 30. Licet.

IURISDICTIONE delegati, re integra, morte mādantis expirat.

QUIA delegatus non habet iurisdictionem propriam, sed vice fungitur delegantis. supr. c. sanè. il. 2. & l. 1. §. 2. ff. de offic. eius. Et quoniam ubi res est integra, adhuc nō est radicata effectualiter iurisdictione delegantis in personam delegati. supr. c. relatum. & c. gratum. Et extincto iure auctoris, extinguitur ius successoris. l. lex vengalis. ff. de pignor. Ideo cum per exercitium iurisdictionis delegatæ, illa non sit adhuc radicata in persona delegati, extinguitur per mortem delegantis, in cuius persona inhærebat, tanquam accidens in substantia. ut in tex. & d. c. relatum.

Cap. 31. Cum in iure.

NON creditur quis delegatus, nisi delegationem probet.

QUIA ea, quæ accidentaliter proueniunt, & non insunt homini à natura, non præsumuntur, nisi probentur. c. si forte. de elect. in 6. & l. quæcunque. ff. de publ. in rem act. Vnde dicenti in talibus, non autem neganti, incumbit onus probandi. l. 2. ff. de probat. Et quoniam delegatio est accidens adueniens alicui extrinsecus ex potestate aliena. supr. c. sanè. il. 2. & Bart. in l. Lucius. ff. de fideiuss. Ideo ut quis credatur delegatus, debet facere de delegatione constare. ut in tex. & c. 1. de procur. Nec obstat, quod quilibet præsumatur bonus. c. vnic. de scrutin. in ordin. fac. & c. fin. de præsumpt. Et sic videatur præsumendum, quod quis non diceret se delegatum, nisi esset, ne committeret mendacium. Nam respondetur, quod ubi agitur de præiudicio alterius, non sufficit præsumptio; sed debet fieri plena probatio. c. cum à nobis. de testib. & gloss. in c. sic ut. de sent. excom. Caueat ergo quicumque impetrat à principe, causa in alicui committi, ut, si sententia fuerit lata à delegato pro eo, ita bene custodiat commissionem, sicut ipsam sententiam; nam si lapsu

lapsu temporis conueniretur, & ostenderet sententiam sine commissio-
ne, non valeret ei, nisi etiam de commissione probaret; vel nisi lata
esset sententia, partibus presentibus, & non appellantis; vnde vt nul-
la dubitatio possit oriri, debet facere, vt auctoritate iudicis rescriptum
domini Papæ super tali causa factum, redigatur in publicam formam, &
inferatur cum ipsa sententia. Et similiter alia instrumenta procurato-
ria, quia idem ius est etiam de illis, vt si ostenderetur sententia lata in
personam procuratoris, vel syndici, & in cōtrarium opponeretur, illum
non fuisse procuratorem, si non constaret de mandato, sententia non va-
leret; sed vbi essent inserta talia instrumenta cum sententia in publi-
cam formam de iudicis auctoritate, eis crederetur, etiam si originalia
non apparerent. glos. hic. Sententiæ verò ordinarij semper statur, & pro
ea præsumitur; quia ibi constat de iurisdictione. c. sicut. de re iudic. & c.
hoc etiam. 2. q. 6.

Cap. 32. Cum olim abbas.

*P. E. R. procuratorem non habentem mandatum de re ad rem, iurif-
dictio prorogari non potest.*

QUIA procurator ad illa solummodo intelligitur constitutus,
quæ in commissionis litteris inueniuntur expressa. vt in tex. Et
quoniam fines mandati diligenter sunt seruandi. l. diligenter. ff. mand.
Et ignorantis domini conditio deterior per procuratorem fieri non de-
bet. l. ignorantis. ff. de procur. Ideo procurator constitutus ad vnam
rem, non habet facultatem se immiscendi ad aliam, de qua non fuit per
constituendum verisimiliter cogitatum. vt in tex. & l. procurator. ff. de
procur. Vnde dicimus, quòd mandatarius ad rem aliquam certo pretio
emendam, si plus expendit, non repetit à mandante. l. qui aliena. §. li-
bertos. ff. de neg. gest. Et sic nota quod licet per principales personas
possit fieri prorogatio iurisdictionis de re ad rem. l. 2. §. sed & si. ff. de
iud. per procuratorem tamen fieri non potest, cum non habuerit
hanc facultatem ab ipso principali, à quo dependet eius potestas.
l. cum Aquiliana. ff. de transact. & l. si ita. ff. de aur. & arg. leg. Sed si pro-
curator excederet fines mandati, domino sciante, præiudicaret domino,
nisi statim contradiceret. c. si seruus. dist. 54. & l. fin. ff. quod cum eo, qui
in ali. pot. est. sicut & iudex, scientibus partibus, si excedat fines man-
dati, eis præiudicat. l. 2. C. com. vtr. iud. Sed licet procurator non possit
prorogare mandatum de causa ad causam, vt dictum est superius; po-
test tamen illud prorogare de tempore ad tempus; nam qui dat procu-
ratorem, vt confessum agat, intelligitur ei permittere, vt etiam postea
litem peragere possit. l. qui procuratorem. ff. de procur. Et similiter pro-
curator potest prorogare mandatum ad id, quod est propè mandatum.
c. cum in causis. de elect. & l. iam tamen. §. fin. ff. de iudic. solu. Et proro-
gat ad ea, quæ sunt præparatoria mandato. l. ad rem mobilem. & l. ad

legatum. ff. de procur. Et ad ea, quæ sunt accessoria, & sequela ad mandatum: l. cuicumque. §. si ei. ff. de instit. act. Cui enim fuerit constitutus procurator ad vnam rem, intelligitur constitutus etiam ad illa, sine quibus in tali causa suum officium exercere non potest. c. præterea. supr. hoc tit. & gloss. penult. hic.

Cap. 33. Cum olim magister.

QVI acta causa relationis iudicum delegatorum, sigilla violando, aperuit, non auditur postmodum contra illa.

QUIA aperiens scripturas alijs destinatas, infert iniuriam illis; & quibus, & illis, ad quos tales scripturæ mittuntur. Abb. hic nu. 4. Et quoniam quis debet puniri in eo, in quo peccauit. litteras de tempor. ordin. Et malitia sua nemini debet prodesse. c. plerumque. de rescript. Ideo ut talis puniatur, in quo peccauit, & ne dolus suus videatur ei patrocinium attulisse, statuitur, ut contra talem scripturam contingentem acta iudicum, quam temerè violauit, aliquam exceptionem opponere non possit. ut in tex. Et ex his nota, quod aperiens litteras alijs destinatas, peccat, & potest per superiorem puniri; sed non per hoc est excommunicatus, ut quidam vulgares falsò opinantur; sed debet puniri pœna iudici arbitraria, secundum quod circumstantiæ minuant, vel grauant delictum. Abb. d. nu. 4. & Bart. in l. qui testamentum. ff. de fals. Est enim crimen 'extraordinarium', ideo non reperitur ei certa pœna, imposita, sed extraordinaria, & arbitraria venit imponenda. l. 3. ff. de crimin. stellion. & Roman. conf. 365.

Cap. 34. Coram.

DELEGATVS subdelegatum collega impediti non tenetur admittere, si in rescripto est clausula; quod si ambo, &c.

QUIA ista clausula, si ambo interesse non possunt, alter solus procedat, non intelligitur, ut si tales non possint interesse per se, vel per alios; quia id raro, vel nunquam contingeret; sed debet intelligi, si alter non possit interesse personaliter. ut in tex. Verba enim in iure sunt in dubio intelligenda in casu contingibili, cum leges debeant adaptari ad ea, quæ sæpe eueniunt. l. nam ad ea. ff. de legib. Et quoniam forma commissionis est diligenter attendenda; nec illius fines sunt per subdelegatum transgrediendi. supr. e. prudentiam. Ideo licet, ubi sunt plures delegati simpliciter dati, quisque eorum possit subdelegare. supr. e. quamuis. ubi tamen sunt dati cum tali clausula prælectionis, non tenetur prælectus admittere subdelegatum alterius impediti, ut sic clausula appositæ aliquid operetur. ut in tex. & gloss. penult. hic.

Cap.

Cap. 35. Cum R.

LOCVS, ad quem reus securè accedere nō potest, recusari poterit.

QU^{IA} ubi quis rationabiliter timet de grauamine in obtinenda iustitia, licite potest iudicium illud recusare. *infr. c. suspitionis.* Et quoniam pars, quæ non potest securè, & liberè accedere ad locum iudicij, grauatur in assequenda iustitia. *c. siue.* & ibi glos. 33. q. 2. & l. si locus. ff. de iudic. Ideo pars potest legitime recusare locum iudicij, ubi ipsa non potest propter inimicitias, vel alios respectus, securè coram iudice comparere. *vt in tex. & d. l. si locus.* Et si recusatio non admittitur, potest appellare. *c. ex parte de appell.*

ET similiter potest recusari canonicus in causa concanonici.

QU^{IA} canonici sunt socij inter se. *vt in tex.* Et quoniam societas dicitur habere quodammodo ius fraternitatis. *l. verū. ff. pro soc.* Et familiaritas, quæ est inter socios, sæpe solet veritatem impedire. *c. accusatores. 3. q. 5.* Ideo talem iudicem in causa sui concanonici, & socij, merito habet pars aduersa suspectum. *vt in tex.* Sed si canonicus daretur iudex pro vno canonico contra alium concanonicum, non posset recusari. *glos. 1. hic.* quia par affectionis causa omnem suspicionem tollit. *l. solun. §. de vno. ff. de ritu nupt.* Et istam suspicionis causam, propter quam fit legitima recusatio, comprehendit cum alijs in istis verbis.

Subiectus, dominus, & commensalis, amicus,

Incola, canonicus, de ottingeni, inimicus,

Si causam similem delegatus tunc estur,

Vel si patronus fuit olim, tunc moueatur. *glos. hic.*

Cap. 36. Cum contingat.

SI mandatur iudici delegato, ut illum absoluat, qui dicit se iniuste excommunicatum, ante probationem illum absolueret debet.

QU^{IA} frustra expectatur euentus, cuius nullus est effectus. *l. aliquando. ff. ad sen. cōs. Velleian.* Et quoniam in omnē euentū absolutio esset impetranda, siue excommunicatio sit iusta, siue iniusta; dummodo non fuerit nulla; cum etiā excommunicatio iniusta obliget quo ad ecclesiam militantem, licet talis excommunicator veniat puniendus. *vt late per Abb. in c. ab excommunicato. n. 10. de rescript.* Ideo ex quo præsupponitur vinculum excommunicationis; & excommunicatus non potest stare in iudicio tanquam actor; *vt iste possit probare, an iuste, vel iniuste fuerit excommunicatus, antequam admittatur ad probandum, est ab excommunicatione, iuxta formam ecclesiæ, absol-*

absoluendus. vt in tex. & c. ad hæc, de sent. excommunicat.

SI autem dicat excommunicationem nullam, probationem nullatis ante pronuntiationem admittet.

QUIA vbi excommunicatio est nulla, quis non indiget absolutio-
ne, sed est denunciandus non ligatus. vt in tex. Et quoniam par-
tium assertione, causarum merita panduntur. C. si per vim. l. 2.
Ideo ad videndum, an talis possit stare in iudicio, vel non, scilicet, an sit
excommunicatus, vel non, est per iudicem examinandum, antequam ad
vltiora in causa sibi commissa procedat. vt in tex. & Abb. nu. 2.

Cap. 37. Venerabili.

*SI subdelegatus delegati Papæ iurisdictione vti cæperit, à delegato
remoueri non potest.*

QUIA iurisdicção per exercitium radicatur in persona delegati,
siue subdelegati illam exercentis, & dicitur efficaciter transiisse
in illum. supr. c. relatum. & c. gratum. Et quoniam delegatus, commit-
tendo alteri in integrum vices suas, functus est officio suo. vt in tex. Et
omnem iurisdicçãoem videtur à se abdicasse. infr. c. quamuis. in 6. Et
vbi iudex est functus officio suo, & eius iurisdicção cessauit, non debet
postea se ingerere in causa. supr. c. in litteris. Ideo ex quo iurisdicção est
translata in subdelegatum, & non est amplius in delegato, ille non po-
test postea à tali iurisdicçãoe per delegatum remoueri. vt in tex. & d.
c. quamuis.

*ET si fecerit contra mandatum, siue excefferit formam rescripti,
processus est nullus.*

QUIA forma tradita à primo delegante, non solum est seruanda,
per eius delegatum, sed etiam per subdelegatum, cum iurisdicção,
qua ipsi vtuntur, non sit cuiusque eorum, sed est propria delegantis.
supr. c. sanè. il. 2. Et quoniam vbi deficit forma, corrumpitur actus, cum illa
sit, quæ dat esse rei. l. Iulianus. §. sed & si. ff. ad exhib. Ideo si subdelega-
tus aliter processerit, quàm fuerit à primo delegante impositum, eius
processus non tenet. vt in tex. & c. cum dilectus. de elect. A forma ta-
men rescripti concernente principaliter vtilitatem partis, potest reced-
di, ipsa parte consentiente. glos. penult. supr. in c. cum olim. il. 1. & In-
noc. supr. in c. prouentiam.

Cap. 38. Significantibus.

*SI delegatus pronuntiauerit, se iurisdictionem non habere, ipsam de
consensu partium non reassumit.*

Quia

QUANTO consensus priuatorum non potest facere eum iudicem, qui nulli iudicio praeest. c. significasti. de for. compet. & l. priuatorum. C. de iurisd. omn. iudic. Et quoniam iudex pronuntiando, se nullam iurisdictionem habere, quamvis de iure illam haberet, per suam sententiam amittit illam. gloss. 2. hic. cum sit functus officio suo, siue bene, siue male pronuntiando. l. iudex. ff. de re iudic. Ideo ex quo per suam pronuntiationem expirauit istius delegati iurisdictione, non possunt postea partes in eum iurisdictionem conferre. vt in tex. & d. gloss. 2. Vnde quemadmodum acquirit iurisdictionem ille, qui se pronuntiat iudicem, etiam si iudex aliis non esset. vt not. in c. super litteris. de rescript. ita quis pronuntiando se non iudicem, amittit iurisdictionem, quam aliis haberet. vt in tex. Et sibi impuret pars laesa, quae a tali pronuntiatione non appellauit, nam res iudicata facit ius inter partes. c. cum inter. de re iudic. & l. res iudicata. ff. eod.

Cap. 39. Suspicionis.

ARBITRI electi ad causam recusationis, assignant partibus terminum ad probandam causam suspicionis.

QUANTO suspicionis causa contra iudicem assignata, non ipse (qui forsan prouocatus obesset) sed arbitri potius, coram quibus probatio est facienda, & ad quos omnia, quae ad hunc articulum faciunt, pertinere noscuntur, possunt ad hoc terminum assignare. vt in tex. Et quoniam si partibus non assignaretur certus terminus ad probandam causam suspicionis, cum interim non possit per iudicem de causa cognosci, ipsa principalis causa plus debito prorogaretur, & ad subterfugiendum illius iudicium, saepe calumniosa suspicio opponeretur. vt in tex. & supr. c. super questionum. §. fin. Ideo, vt, expedita causa recusationis, possit ad principale negotium attendi, est assignandus ab arbitris certus terminus, intra quem partes teneantur suspicionis causam probare; aliis censentur partes intra terminum non probantes, malitiose opponere. vt in tex. & c. si contra. eod. in 6.

ET iudex recusatus compellit arbitros ad causam finiendam.

QUANTO iudici delegato, cui commissae est iurisdictione, intelliguntur etiam caetera esse commissae, sine quibus causa explicari non potest. vt in tex. & supr. c. praeterea. Et quoniam per ipsum non potest cognosci de causa principali, dum coram arbitris pender contra eum, causa recusationis. vt in tex. & d. c. super questionum. Ideo delegatus potest cogere arbitros ad finiendam causam recusationis; & si fuerint discordes, ad conueniendum in vnam sententiam, potest eos cogere, vt aduocent tertium, vt, quod fuerit per duos eorum definitum, verum esse credatur. vt in tex. Et si intra terminum eis per iudicem competentem assignatum non fuerint, non possunt appellare. c. si intra terminum. de re iudic. & l. si intra terminum. ff. eod.

ter assignatum, non fuerit per ipsos causa recusationis terminata, poterit ipse iudex delegatus super negotio principalis procedere, ac si nulla fuisset suspicio allegata. c. legitima. de appell. in 6.

Cap. 40. Petro.

DELEGATA iurisdictio ad personas in rescripto non expressas, etiam de partium consensu prorogari non potest.

QUIA priuatorum consensus iudicem non facit eum, qui nulli iudicio præst. l. priuatorum. C. de iurisd. omn. iud. Et quoniam iurisdictio delegata non est ipsius delegati, sed delegantis, cuius vices ipse gerit. supr. c. sanè il 2. & ff. de offic. eius. l. 1. Et quod meum est, sine facto meo à me auferri non debet. c. non est. de reg. iur. in 6. Ideo nec delegatus, nec partes possunt prorogare rescriptum delegantis ad personas in eo non expressas, vt in tex. Si tamen causa aliquo modo contingeret personas ibi non expressas, posset ad eas tunc rescriptum prorogari, vt contingentia causa aliquid operetur. Bald. in l. si qui. C. de audient. episc. Et ad rem aliam potest prorogari iurisdictio inter ipsas partes. supr. c. cum olim il 1. & l. de qua re. §. 1. ff. de iudic. Et est aduertendum, quod per sex casus, seu species, potest discurrere, prorogatio, scilicet, de tempore ad tempus, de re ad rem, de persona ad personam, de loco ad locum, de casu ad casum, & de causa ad causam. In quibus autem de istis speciebus, & quando, & per quos possit fieri prorogatio, late tractat hic glos. fin. & Abb. Et regulariter iurisdictio ordinaria est prorogabilis etiam ad personas extraneas. c. significasti. de for. compet. & l. 1. C. de iurisd. omn. iud.

Cap. 41. Cum vigesimum.

MAIOR viginti annis potest à quocunque dari delegatus.

QUIA, cum talis sit adultus, & proximus ad ætatem firmam vigintiquinque annorum, non habet in se impedimentum nature, vt ex defectu iudicij impediatur iudicare. c. 1. §. tria. 3. q. 7. Ideo si aliud ei non obstat, quo ad ætatem, est aptus ad iudicandum. vt in tex. & glos. hic, quæ enumerat ea, quæ impediunt aliquem esse iudicem. & h. eum prætor. & ibi glos. ff. de iudic.

IDEM in maiori decem, & octo annis, dummodo interueniat consensus partium.

QUIA etiam iste accedit ad ætatem firmam, cum non sit amplius impubes. Instituitur. quib. ex caus. manum. non lic. §. fin. Et si adhuc non bene accedit, partes sibi imputent, quæ consensum in talem delegatum dederunt. l. cum mandato. ff. de minor.

MINOR

MINOR verò decimo octavo anno non potest dari, nisi à principe.

QU^{VIA} talis est proximior ad ætatem imperfectam impubertatis tredecim annorum, quam ad perfectam viginquinque annorum; unde cum adhuc præsumatur debilioris intellectus, non censetur aptus ad iudicandum. *glos. fin. hic. & l. 1. §. pueritiam. ff. de postul.* Et quoniam non solum in partium fauorem; sed principaliter in favorem reipublicæ, statuitur, ne tales iudices deputentur, qui male sententiando, iustitiæ statum deuastarent. *l. cum lege. ff. de arbitr.* Ideo non possunt partes per eorum consensum efficere, ut talis possit delegatus deputare. *ut in tex. & d. l. de postul.* Princeps verò potest talem dare delegatum. *ut in tex.* quia cum talis prohibitio sit de iure civili. *l. quidam. ff. de re iud.* princeps eam tollere potest. *l. eius est. ff. de reg. iur.* Quod intellige, dummodo ille sit pubes; nam si etiam impubes minor quatuordecim annis, non posset princeps eum habilitare ad iudicandum. *Abb. hic;* nam tunc etiam impedimentum naturæ. *d. l. cum prætor.* Et contra ea, quæ sunt de iure naturali, princeps dispensare non potest. *dist. 5. in princ. & Institut. de iure natur. §. sed naturalia.*

Cap. 42. Vno delegatorum.

POTESTAS plurium delegatorum, vel arbitrorum simpliciter datorum, expirat per mortem unius.

QU^{VIA} iurisdicção simpliciter delegata pluribus, non est in eius exercitio in solidum apud singulos, sed est apud omnes, qui simul sunt loco unius, cum omnes iudicare insi sint. *l. duo ex tribus. ff. de re iudic.* Et quoniam iurisdicção est res indivisibilis, & non potest pro parte valere, & pro parte non valere. *ut not. supr. in c. prudentiam.* Et in re indivisibili vitatur utile per inutile. *glos. in c. utile. de reg. iur. in 6.* Et forma commissionis est à delegatis diligenter servanda. *c. cum dilecta. de rescript.* Ideo ubi plures sunt simpliciter delegati, ut omnes simul debeant iudicare, si vnus eorum moritur, antequam alteri commisserit vices suas, qui & iurisdicção subdelegata uti ceperit; cum forma commissionis non possit amplius servari, omnium istorum expirat iurisdicção. *ut in tex. & supr. c. licet.* Et idem ius est in arbitratis. *ut in tex.* Cum etiam in ipsis militet eadem ratio. *glos. & Butr. hic*

Cap. 43. Quoniam.

DELEGATUS Papæ subdelegare potest, licet datus sit ex officio, vel de partium consensu, vel cum clausula præelectionis, videlicet, quod si non omnes, tu cum alio exequaris, &c.

Ddd

Quia

QU^{VI}A apostolica sedes intendit providere negotijs, & non personis, quibus eadem committuntur. vt in tex. & simile in l. communia. ff. de legat. 2. Et quoniam pro negotiorum expeditione à iure conceditur delegato à principe, vt causam sibi commissam possit alteri subdelegare. vt in tex. & supr. c. pastoralis. Ideo per commissionem alicui factam à Papa, vt causam cognoscat, non intelligitur electa industria eius personæ, sed intelligitur ei concessum, vt, si ipse fuerit impeditus, possit alteri cognitionem subdelegare. vt in tex. & supr. c. si pro debilitate.

§. Is autem.

IS, cui committitur negotium, vt personaliter exequatur, potest, si partes consentiunt, alteri subdelegare.

QU^{VI}A licet regulariter vbi requiritur, quòd aliquid personaliter fiat, non sit iuri satisfactum, si per alium fiat. glos. in Clem. 1. ver. publicè, de vit. & honest. cler. & Bart. in l. si quis pro emptore. ff. de vlticap. nam tunc videtur electa industria personæ. glos. hic. ver. vt personaliter. Et quando ad aliquid faciendum eligitur industria alicuius, ipse non potest illud per alium exercere. l. inter artifices. ff. de solut. Tamen quoniam fauori suo quilibet renunciare potest. c. ad apostolicam. de regular. Et in commissione causarum, apostolica sedes principaliter intendit celerem negotiorum expeditionem ad partium fauorem. vt supr. §. prox. Ideo si partes consentiunt, potest delegatus causam subdelegare, quamuis in commissione sit dictum, vt personaliter negotium exequatur. vt in tex. Vnde à forma rescripti fundata super utilitate partium, potest iudex communi partium consensu recedere. vt not. Innoc. hic. & supr. in c. prudentiam. Et sufficit earum consensus etiam tacitus. glos. penult. supr. in c. cum olim, il. 1. Et sic limita. c. cum dilecta. de rescript. & supr. c. venerabili: vbi dicitur, quod processus factus contra formam rescripti, est nullus; illud enim procedit, quando forma rescripti est fundata super utilitate publica, quæ non est per partes remissibilis; vel quando partes contradicunt, secus vbi consentiunt, & eorum fauori renuntiant. Butr. & Abb. hic.

FALLIT in casibus hic expressis, scilicet, si Papa mandauerit delegato, vt inquisitionem faciat, vel ecclesijs de prelati, aut alijs ministris provideat.

QU^{VI}A in his casibus Papa eligit fidem, & industriam personæ, considerando principaliter publicam utilitatem, ne crimina remaneant impunita, & vt potius provideatur ecclesijs, quam personis. vt in tex. & glos. ver. inquisitionem. Et quoniam partes non possunt consentire, vt delegatus recedat à forma mandati in concernentibus

tibus principaliter publicam vtilitatem, vt dictum est superius. Ideo in his casibus, & in alijs similibus, vbi principaliter attenditur publica vtilitas, si sit electa industria delegati, debet per seipsum exercere; & non potest, etiam de partium consensu, eius vices alteri committere. vt in tex. & infr. eod. c. is, cui. in 6.

§. Cæterum.

IS, cui committitur nudum ministerium exequendum, non potest vices suas alteri committere.

QUIA potestas subdelegandi pendet à iurisdictione. l. 1. ff. de iurisd. omni. iud. Et quoniam ille, cui committitur nudum ministerium exequendum, non obtinet ex tali commissione iurisdictionem. vt in tex. Ideo ille, cui commissum est certum ministerium (vt est prædicare crucem, vel excommunicare, vel absoluerè aliquos, vel dispensare cum irregularibus, vel iniungere pænitentias) non potest alijs vices suas demandare. vt in tex. & glos. penult. hic.

FALLIT in Legato Sedis Apostolica.

QUIA Legatus Apostolicus gerit vices Papæ, cum potestate ordinaria in prouincia sibi commissa. infr. tit. prox. c. 1. Et quoniam per hanc constitutionem Papa non intendit derogare tali potestati Legatorum. vt in tex. Ideo speciale est in Legato Apostolico, propter maiorem, & ampliorem auctoritatem, quam habet, vt nudum ministerium ei commissum, possit alteri demandare. vt in tex. & c. Legatos. infr. tit. prox. in 6. Sed ex quo nudum ministerium non est commissibile, vt in tex. quæritur, nunquid notarius impeditus possit facere scribere ab alio, instrumentum per se rogatum, se postea tantum illi subscribendo? Respondetur, quod nudum ministerium, aliquando implicat aliquid auctoritatis; & tunc non potest ille, qui fuit ad hoc iure speciali deputatus, vices suas alteri committere; & sic intelligitur hic tex. Vnde tabellio non potest committere publicationem instrumenti ex toto alteri, nisi auctoritate iudicis; & similiter nec nuntius citationem; Aliquando nudum ministerium nõ implicat aliquid auctoritatis in faciente; & tunc si non fuit electa industria personæ, potest vices suas alteri committere; & sic potest notarius imponere alteri, vt scribat instrumentum, siue ille sit notarius, siue non; nam talis scriptura sine subscriptione, non haberet aliquid auctoritatis; & cum non referat, qualis sit littera instrumenti, dummodo legi possit, non est in ea electa industria alicuius; nam industria videtur electa in his, quæ sunt magnæ peritiæ, & quæ per alium non possunt æquè bene expediri. Debet tamen tabellio in subscriptione facere de hoc mentionem, scilicet, qualiter rogatus fuit de omnibus, & singulis supra descriptis in instrumento; sed præ-

D d d 2 ditus

ditus commisit scribendum alteri, & præmissa attestetur esse vera, & se diligenter examinasse scripturam; & ita est consuetudo in Romana curia. Butr. hic num. 32.

In Sexto. Cap. 1. Statuimus .

CONSERVATOR à manifestis defendit iniurijs .



QUIA sicut quis non debet excedere fines mandati. se ingerendo ultra commissionem ei demandatam. extr. c. Petro, & de rescript. c. cum dilecta . ita non debet deficere in officio ei commisso. infr. c. fin. Et quoniam isti conservatores deputantur à Sede Apostolica, vt specialiter aliquos defendant à manifestis iniurijs, & violentijs, quæ verisimiliter eis timebantur inferri. vt in tex. & infr. c. fin. nam potissimè pertinet ad officium Summi Pontificis occurrere, prout magis requiritur, litigijs, & violentijs, & quemlibet in suo iure tueri. vt not. in c. quærelam. extr. de simon. Ideo tales conservatores possunt, & debent ab iniurijs, & violentijs manifestis defendere illos, quos Apostolica Sedes eis commisit defendendos. vt in tex. & infr. c. fin.

ET iudicalem indaginem non exercet .

QUIA istis conservatoribus est solum commissum, vt à manifestis iniurijs, & violentijs defendant, vt dictum est superius; Et manifesta intelliguntur illa, quæ notoria sunt, & ita patentia, quod nulla probabili tergiversatione possunt celari. gloss. 1. hic. Et quoniam in notorijs iudicialis indago, & solitus iuris ordo non seruatur. c. ad nostram. il 3. extr. de iureiur. Et si isti conservatores possent cognoscere de his, quæ iudicalem indaginem requirunt, viderentur esse generales iudices eorum, qui impetrant ipsos. Gemin. hic nu. 2. Quod esse non debet, ne iurisdicção iudicis ordinarij illius loci perturbetur. c. ad hæc. extr. de rescript. Ideo ad ea, quæ iudicalem indaginem requirunt, tales conservatores nō possunt suam extendere potestatem. vt in tex. Et si in talibus se intromitterent, pœnam incurrunt. infr. c. fin. Possunt tamen, & debent in citando, & sententiando, obseruare terminos iuris, qui solent obseruari, quando proceditur in notorijs. Innoc. & Archid. hic.

Cap. 2. Quia pontificali .

IN coactionibus, & pœnis, pontificali dignitati defertur .

QUIA in prælato potest considerari dignitas, & persona. extr. c. quoniam. Et quoniam sicut conuenit, vt eius persona delinquens punia-

puniatur. c. vt famæ. de sent. excom. Ita est aduertendum, ne propter eius demerita, dignitas innocens patiatur detrimenta. c. fraternitatem. de donat. Et quia si indifferenter eadem pœna cum cæteris particulæribus, prælatus puniretur, esset in dignitatis vilipendium, & nimium ecclesiasticus status, & ordo læderetur. c. sacro. de sent. excom. & c. fin. ext. de transact. Ideo pontificali dignitate præditis ob reuerentiam sacri officij, quod exercent, plurimum deferri conuenit, & eos plus alijs honorari decet; vt cum, à iudicibus, vel conseruatoribus à Sede Apostolica deputatis, contra eos ad coactiones aliquas, siue pœnas, fuerit procedendum, gradus, & modestia in huiusmodi processu seruetur; ita quod (eis quadam condigna reuerentia supportatis) ingressus primò ipsius ecclesiæ, vel sacerdotale interdicatur ministerium, ac deinde ab officio suspendantur, & subsequenter aggrauetur censura ecclesiastica contra eos; nisi fortè aliter fieri suaserit nimia contumaciæ proteruitas, siue culpa, vt in tex. & extr. c. pastoralis.

Cap. 3. Si duo.

DELEGATO procedente cum duobus subdelegatis non in totum, ad Papam, non ad condelegatos appellari debet.

QUIA si appellaretur ad condelegatos, sequeretur absurdum, quod partim appellaretur de pari ad parem. glos. 1. & fin. hic. Et quoniam quando diuersis respectibus emergunt aduersa, eligere debemus, quod minus habet captionis. l. quoties nihil. ff. de reg. iur. Ideo in tali casu est appellandum ad Papam primum delegantem, per quam appellationem nullum sequitur absurdum. c. ad Romanam. 2. q. 6. non, autem ad condelegatos pares alterius delegati, à quo partim appellatur. vt in tex. & ext. c. super quæstionum. §. si verò. Et hoc determinatur, quando appellatur à subdelegatis non in totum. vt in tex. nam si in totum subdelegassent, non esset quæstio; cum iam reperiatur clare decisum, quod tunc est appellandum ad primum delegantem. d. c. super quæstionum. §. porro.

Cap. 4. Si contra.

CV M recusatur vnus ex delegatis datis cum clausula, quod si non omnes &c. causa suspicionis non tractatur coram arbitris, sed coram coniudice non recusato.

QUIA iudex cognoscit, an sua sit iurisdictio, quando illa reuocatur in dubium, & non est suspicio, quod partem recusantem ipse aggruet. c. super litteris. extr. de rescript. & l. si quis ex aliena ff. de iudic. Et quoniam quando plures deputantur iudices, cum clausula, quod si ambo interesse non possunt, alter eorum in causa procedat, vno legi-

legitime recusato, tota iurisdicção remanet apud alium non recusatum, extr. c. cum super . Nec est suspicio, quod talis grauet in pronunciando socium suspectum , vt ipse solus remaneat iudex ; quia (licet esse iudicem, sit honor, & maior honor sit, esse iudicem solum, quam cum alio. c. fin. infr. de concess. præb. & l. omnem. C. quando prouoc. non est necesse.) ille honor est tamen ita onerosus, vt pro ipso nemo præsumatur se pronunciaturum iudicem , si verè non sit ; cum nemo censeatur appetere onerosa. glos. hic. ver. probari. præsertim in iudice, à quo potest appellari, si grauet in male pronunciando se solum iudicem. infr. c. ab arbitris. Ideo ex vi prædictæ clausulæ, si non omnes & c. cognitio recusationis factæ de vno coniudice spectat ad alium non recusatum , vt ipse pronuntiet, an solus, vel simul cum collega, debeat procedere in causa. vt in tex. & glos. ver. in causa . Vbi verò non est dicta clausula in rescripto, debet super tali cognitione suspicionis, ad arbitros recursus haberi. vt in tex. quia quando plures sunt iudices simpliciter dati , vnus sine alio procedere non potest. ext. c. causam matrimonij. & c. vno delegatorum . Et quoniam, qui non potest esse iudex in principali, non potest etiam esse in dependentibus ab illo. c. in nostra. extr. de procur. Ideo ex quo per tale rescriptum quis non potest esse iudex solus in causa principali, non potest etiam esse in causa recusationis alterius coniudicis glos. hic. ver. clausula. Sed ad parcendum partium laboribus, & expensis, quæ fierent, si partes pro tali cognitione recurrerent ad primum delegantem, indulgetur eis, vt pro tali causa suspicionis cognoscenda , habeant recursum ad arbitros, qui de communi eorum consensu eligantur. vt in tex. & extra c. suspicionis .

NEC tractatur coram arbitris, cum recusatur delegatus episcopi .

Q V I A iurisdicção ordinaria est fauorabilis. c. irrefragabili. extr. de offic. ordin. Et quoniam facile potest haberi recursus ad Episcopum, vt possit dare alium delegatum , si ille datus est suspectus. glos. antepenult. hic . Ideo cum delegatus episcopi recusatur, recusationis causa coram ipso episcopo est probanda . vt in tex. Sed si ipse episcopus recusaretur, tunc eligerentur arbitri. c. cum speciali. extr. de appell. sicut etiam fieret, si episcopus esset valde absens. c. vltra. 3. q. 6. & ob argumentum huius tex. à contrario sensu.

Et idem est dicendum, si officialis, siue vicarius, recusetur eiusdem.

Q V I A cum possit faciliter heberi recursus ad ipsum episcopum , qui remoueat causam à suo officiali suspecto , vt vel ipse episcopus cognoscat, vel alteri deleget causam cognoscendam, non est elaborandum in arbitris eligendis in præiudicium ordinariæ potestatis episcopalis. glos. antepenult. & fin. hic . Ideo etiam tunc causa recusationis vicarij est coram episcopo probanda . vt in tex. Et sic nota , quod licet
quo

quo ad quædam sit idem consistorium episcopi, & sui vicarij, non tamen est quo ad omnia. supr. cap. 2. & 3. tit. proxim. Et si diceres, non ne appellatio, & recusatio de pari procedunt. c. super eo. il. 2. extr. de appell. Respondetur, quod illud intelligitur quo ad modum, vt sicut non admittitur frustratoria appellatio, ita nec frustratoria recusatio, vt not. in d. c. super eo. non autem procedit quo ad omnia; nam recusatio, etsi non grauer, tamen non appello, nisi grauer; appello à iudice, in quem consensu, quem tamen non recuso, & in multis alijs sunt dissimiles; & quo ad casum huius tex. ratio est, quia non est de natura recusatationis, vt semper eatur ad maiorem, cum possit recurri ad arbitros, qui non sunt superiores iudicis recusati. c. suspicionis. extr. eod. & c. cum speciali. de appell. sed de natura appellationis est, vt eatur ad maiorem. supr. c. prox. & c. vt debitus. extr. de appell. Et appellatio concernit iurisdictionem, quæ in episcopo, & vicario eadem est; sed recusatio adhæret personæ recusatæ; nam licet persona vicarij sit suspecta, non est per hoc persona episcopi. Bald. in l. 1. c. si quacunque præd. potest. Recusatio autem, fit solum propter causam suspicionis, licet suspicio ex multis causis insurgat. gloss. hic. ver. causa. & not. infr. in c. prox.

Cap. 5. Iudex.

DELEGATVS à Sede Apostolica si sit suspectus, antequam recusatio contra ipsum proponatur, potest licite vices suas committere.

QUIA licet iudex sit suspectus, dum tamen non recusetur, tenet eius processus. gloss. ver. proponatur. Ideo ex quo eius iurisdictionis manet, manet etiam potestas sibi data à lege, vt possit subdelegare. extr. c. pastoralis. Cum de annexis idem sit iudicium. c. translato. extra de constitut.

ET si totum commiserit, recusari vltcrius, aut facta per eum commissio impugnari, nequibit.

QUIA causæ suspicionis afficiunt personam iudicis, non autem iurisdictionem. vt not. supr. in c. prox. Et quoniam personales exceptiones non egrediuntur personam. c. exceptiones. extr. de except. Et vitium auctoris non nocet successorì, quando concernit tantum personam auctoris, & non rem transmissam in successorem. l. an vitium. ff. de diuers. & tempor. præscript. secus si concerneret rem transmissam. c. licet ex quadam. extr. de testib. Ideo mutatione personæ, suspicionis vitium aboletur, & si competebar contra delegatum, non per hoc extenditur in subdelegatum. gloss. hic. ver. proponebatur.

SECVS, si sibi de iurisdictione aliquid reseruasset.

Quia

QU^{IA} delegatus, qui sibi aliquid de iurisdictione reservat, saltem in reservato iudex remanet. extr. c. cum te . Et quoniam de suspicione subdelegati haberet cognoscere . supr. c. prox. Et posset ad se reuocare subdelegatam iurisdictionem. extr. c. super questionum. & ff. de iudic. l. iudicium. Et nemo est cogendus coram iudice suspecto litigare . extr. c. suspicionis . Ideo si delegatus suspectus subdelegauerit causam in partem, poterit ipse recusari, & facta commissio impugnari. vt in tex. & glos. ver. aliquid. Consideratur enim ille, qui potest nocere, ac si noceret. l. Labeo. ff. de statu liber.

PROPOSITA recusatione contra delegatum, si nondum est pronuntiatus super ea, ipse potest de recusatoris assensu subdelegare.

QU^{IA} delegatus a principe habet subdelegandi potestatem, nisi ex aliqua speciali causa impediatur. extr. c. pastoralis . Et quoniam quando est proposita recusatio contra eum, habet impeditum exercitium subdelegandi ex facto recusatoris. glos. ver. recusatoris. Et fauori suo quilibet renunciare potest. c. ad apostolicam. extr. de regular. Ideo reuocante recusatore tale impedimentum, remanet delegato libera subdelegandi facultas. vt in tex. & Gemin. nu. 3.

SI verò delegatus fuerit pronuntiatus suspectus, non potest subdelegare, etiam volente recusatore .

QU^{IA} per huiusmodi pronuntiationem, delegatus omnino definit esse iudex. vt in tex. Et quoniam priuatorum consensus iudicem non facit eum, qui nulli iudicio præst. c. significasti. extr. de for. comp. Ideo etiam de consensu partium non potest delegatus pronuntiatus suspectus alteri subdelegare. vt in tex. Cū enim non habeat tunc iurisdictionem in se, non potest illam alteri dare. extr. c. significantibus.

Cap. 6. Quamuis .

DELEGATVS subdelegans etiam in totum, re integra, causam reassumere poterit .

QU^{IA} iurisdicōio non censetur in subdelegatum efficaciter transiisse, quoadusque ipse incepit illam exercere. vt in tex. & extr. c. relatum. Et quoniam delegatus non censetur a se abdicasse iurisdictionem, antequā subdelegatus incepit illam per vsum in se radicare; etiam si in totum subdelegasset, cum talis limitatio intel ligatur in subdelegatione inesse. glos. 1. & Gemin. hic. Et quoadusque delegatus remanet iudex, potest ad se iurisdictionem reuocare. extr. c. super questionum. Ideo quoadusque subdelegatus in totum, non incepit vti iurisdictione, potest delegatus commissionem a se factam reuocare. vt in tex. & extr. c. licet. Et vbi subdelegasset non in totum, etiam

etiam re non integra, posset causæ cognitionem, & subdelegatam iurisdictionem ad se reuocare, cum tunc semper remaneat iudex. vt supr. e. prox. & l. iudicium. ff. de iudic. Sed quo ad hoc, vñ non valeat processus postea agitatus per iudicem reuocatum, est necessarium, vt ipse certioretur de reuocatione, & ob id est ei intimanda. Bald. in l. mandatum. C. mand. & Francus hic.

Cap. 7. Si delegatus.

SI delegatus subdelegauit, quoties abest, & mortuus sit, re non integra, subdelegatus procedit.

QUIA qui mortuus est, censetur abesse. vt in tex. Ad essentiam enim hominis duo simul vnita requiruntur, scilicet, anima, & corpus. c. charitas. de pœnit. dist. 2. Et quoniam in mortuo ista non reperiuntur vnita; Cum mors sit separatio animæ à corpore. Arist. de vita, & morte. cap. 14. Ideo mortuus verè abest, cum non sit in rebus humanis. l. mulieris, in fin. ff. de verb. sign. Et quoniam quando res non est integra, ex quo subdelegatus cepit vti iurisdictione, etiam per solam decretam citationem, in eum est iurdictio efficaciter translata, & per mortem delegati illa non expirat. extr. c. relatum. & c. gratum. Ideo si talis subdelegatus ceperit vti iurisdictione, per mortem delegati non desinit esse iudex. vt in tex. & d. c. relatum.

ET similiter procedit, si delegatus subdelegauit, donec reuocaret.

QUIA mors non inducit positionem nouæ voluntatis. l. sancimus. C. de testam. & l. ambiguitatem. C. de vfufr. Et quoniam illa clausula, donec reuocauero, sonat in actum positium nouæ voluntatis. Gemin. hic nu. 10. Ideo, superueniente morte delegati, re non integra, si commissio non fuerit aliter reuocata, etiam si sit data sub tali clausula, non intelligitur per mortem reuocari. vt in tex. Et etiam ad conservandam iurisdictionem delegatâ, per quam possit facilius negotijs prouideri, est potius faciendâ ista benigna interpretatio, quàm sic in tali casu illa intelligendâ expirata, & sit alius nouus iudex deputandus. gl. penult. hic. Secus esset, si in commissione poneretur clausula sonans in actum perseverantiz antiquæ voluntatis, vt puta. Papa dispensat, aut commisit causam, vsque ad suæ voluntatis beneplacitum. nam tunc, quia sua voluntas per mortem non durat, commissio, & effectus limitatus per illam clausulam, expirant. c. si gratiose. supr. de rescript.

ET semper de subdelegato ad delegatum, qui sibi aliquid iurisdictionis reseruauit, appellari debet.

QUIA delegatus, qui subdelegauit non in totum, adhuc remanet iudex in illa causâ, & facit gradum inter se, & subdelegatum.

E c c

vt not.

vt not. extr. in c. super quæstionum. §. porrò. Et quoniam appellatio regulariter est gradatim ad proximum superiorem interponenda. c. anteriorum. §. illo. 2. q. 6. & l. præcipimus. C. de appell. Et licet ad Papam possit appellari, etiam omisso medio. c. ad Romanam. 2. q. 6. Tamen ex quo delegatus repræsentat eius personam, excipitur, vt in isto casu non debeat immediate ad Sedem Apostolicam appellari, sed ad eius delegatum. vt not. in d. §. porrò; si tamen ad eam appellaretur, & per partem non exciperetur, teneret processus. Archid. hic in fin. Sed si coram Papa excipiat, & petatur, quod ad inferiorem delegatum, causa remittatur, pars petens id obtinebit, antequam etiam ipsa consenserit in talem appellationem. Gemin. hic nu. 9. Ideo à tali subdelegato ad delegatum, qui remanet iudex, regulariter est appellandum, vt in tex. & d. §. porrò. Fallit tamen hæc conclusio in casibus, de quibus habetur, infr. in c. si is, cui, & c. si à subdelegato.

ETIAM post sententiam.

QUIA licet delegatus tunc videatur desisse esse iudex, per c. in lictis. extr. cod. Tamen quoniam adhuc restat executio sententiae, quam potest facere delegatus, qui sibi aliquid retinuit de iurisdictione, & potest etiam sententiam retractare per appellationem. Gemin. hic. nu. 9. Ideo non est omnino functus officio suo, vt amplius non habeat aliquid se immiscere in causa, & sic non obstat d. c. in lictis, & etiam in tali casu est ad ipsum delegatum appellandum. vt in tex. & d. c. super quæstionum.

Cap. 8. Cum plures.

PLVRIVM delegatorum in solidum quilibet cognoscit.

QUIA tunc dicuntur plures delegati in solidum, & quemlibet eorum habere non solum iurisdictionem in solidum, sed etiam exercitium iurisdictionis, cum plures dantur iudices, vel executores sub ea forma, vt omnes, aut duo, vel vnus eorum mandatum apostolicum exequantur, aut alia consimili forma. vt in tex. Et quoniam in tali mandato iurdictio intelligitur esse data alternative. glos. hic. ver. forma. Et in alternatiuis sufficit alterum adimpleri. c. in alternatiuis. infr. de reg. iur. Ideo tam si omnes simul, quam si vnus eorum solus procedat, in tali alternatiua commissione mandatum delegantis adimpletur. d. glos. hic. Secus est, quando scribitur cum clausula, quod si non omnes, vel ambo, interesse possunt, alter eorum procedat, quia tunc iurdictio datur conditionaliter, vt, eo casu vnus, vel duo, iurisdictione vt possint, cum constiterit de conditione, & impedimento tertij, vel col lege; aliter non valeat, quod per ipsos agitur. d. glos. hic. Vnde tunc non intelligitur posse adimpleri mandatum per alterum solum, donec illa impediendi conditio non existat. extr. cod. c. prudentiam.

ET

ET uno cognoscente, alij, nisi ex causa, se non intromittunt.

QU^{VIA} si quilibet eorum tunc posset causam cognoscere, sequeretur perplexitas, ut eodem tempore ad diuersa loca quis posset citari. c. cum contingat. extr. de rescript. Et sic tales delegati se impedirent, sicut dicitur de duobus usufructuarijs. l. quoties. ff. de usufr. & necesse esset pro expeditione, ad superiorem habere recursum. extr. c. 2. Et quoniam partes per huiusmodi impedimenta non obtinerent conuenientem causæ expeditionem, sed superfluis fatigarentur laboribus, & expensis; quod esse non debet. c. finem. extr. de dol. & contum. Ideo ad validitatem actus, & causæ expeditionem, talis commissio interpretatur, ut, vno cognoscente, alij se intromittere non debeant. ut in tex. licet omnes à principio potuissent simul cognoscere, & licet quo ad habitum iurisdictionis, etiam vno cognoscente, illa remaneat adhuc apud alios, ita quod si non timeatur de perplexitate, & ille, qui cepit cognoscere, sit impeditus, alij possunt ad causæ expeditionem se intromittere. ut in tex. & glos. vers. de eodem: Non sic tamen est de procuratoribus datis in solidum; nam vno incipiente negotium, & postea impedito, alij non possunt procedere, nisi in constitutione fuisset dictum, quod non fieret melior conditio occupantis. c. si duo. infr. de procur. Et quod dicitur, delegato impedito, qui cognoscere cepit, posse collegam in causa procedere, intellige verum, nisi ille, qui inchoauit, subdelegatum daret. glos. hic. ver. recusare: qui tamen subdelegatus debet præcedere collegam, alias si collega præuenit, ipse collega procedit. Francus hic.

ET perpetuatio vnus, perpetuat quo ad omnes.

QU^{VIA} cum omnes sint dati iudices, ut à principio possent simul, vel diuim procedere, & cum omnes remaneant iudices in habitu, ut, impedito illo, qui cognoscere cepit, possint alij causam reassumere, ut dictum est superius; ista commixtio, quæ est inter tales delegatos debet operari, ut si per exercitium vnus, fuerit iurisdicatio in eius personam effectualiter translata, similiter intelligatur radicata in personis aliorum, ut, moriente delegante, iurisdicatio in illis non expiret, quamuis per vnum solum, & non per alios, illius exercitium sit inchoatum. ut in tex. & Gemin. nu. 12.

Cap. 9. Si super gratia.

EXECUTOR super gratia facta, datus à Papa, mortuo Papa, etiam re integra, gratiam exequitur.

QU^{VIA} sicut ipsa gratia (licet non dum sit in eius executione processum) morte non perimitur concedentis; sic æquitas requirit,

Ecc 2 vt nec

vt nec, etiam re integra, perimatur executoribus data potestas, quam, veluti gratiæ prædictæ accessoriā, naturā sequi congruit principalis: Ne gratiā eandem, vel reddi quandoque omnino inutilem, vel ipsius effectum in tempus longius (cum illius dispendio, cui facta extitit) differri contingat, vt in tex. & de concess. præb. infr. c. fin. Ex quibus nota, quod licet superueniat causa extinctiua; non tamen præiudicat rei, quæ est deducta in esse perfectio. Gemin. hic. secus esset, si daretur executor super gratia faciendā; nam tunc, re integra, per mortem Papæ, executoris expiraret potestas. c. si cui nulla. & ibi glos. infr. de præben. nam facilius impeditur faciendum, quam tollatur iam factum. c. quemadmodum. extr. de iureiur. Vnde executio accessoria ad gratiā nondum factā, extingueretur cum extinctione ipsius concedentis. Francus hic nu. 4. licet non expiret ipsa gratia, vt in tex. Dicitur autem gratia facta, cum iam ad collationem est processum, licet illa non sit executioni mandata: sed quia per huiusmodi collationem non datur possessio; ideo datur executor ad inmittendum beneficiatum in possessionē. Gemin. hic. Et quia gratia non expirat per mortem Papæ; ideo successor in papatu solet post promotionem reuocare illas gratias suorum prædecessorum, quas non vult amplius valere, vt patet in d. c. fin. de concess. præb. & in c. is, cui. infr. de præb.

Cap. 10. Si is, cui.

SI is, cui à sede apostolica causa, etiam proprio nomine non expresso, eam alteri subdelegauit non in totum, & ipsum delegatum excommunicari, seu mori contingat; excommunicationis impedimento durante, & per eius mortem, à subdelegato ad Sedem Apostolicam est appellandum.

QUIA si absolutionem, aut successorem delegati expectare oporteret, causa plus debito prorogaretur, ex quo præiudicium litigantibus causaretur. vt in text. Et quoniam litibus, quam citius commode fieri potest, finis est imponendus. c. finem. extr. de dol. & cont. Et ex facto alterius quis grauari non debet. c. placuit. l. q. 4. Ideo licet regulariter à subdelegato sit appellandum ad Legatum, qui subdelegauit non in totum. supr. c. si delegatus; in his duobus casibus mortis, & excommunicationis, est ad Papam appellandum. vt in tex. Et idem dic propter eandem rationem, quando delegatus esset valde absens. Gemin. hic. nam esse præsentem, & inhabilem ad actum exercendum; vel habilem, & absentem in longinquum, æquiparantur. c. 2. infr. de procur. Et adde alios casus ad istos. infr. in c. si à subdelegato. Sublato autem impedimento in casibus huius text. scilicet, delegato absoluto, vel successore ei dato, est appellandum ad ipsum, non autem ad primum delegantem. glos. penult. hic. nam excommunicatio superueniens in delegatum, non

non priuat eum iurisdictione, sed impedit ei exercitium illius. Gemin. hic. & not. supr. in c. 1. de rescript. Et quando causa est commissa alicui existenti in dignitate, eius nomine praesertim non expresso, per illius mortem transit in successorem dignitatis. extr. c. quoniam. Si vero subdelegasset in totum, indistincte appellaretur ad primum delegantem. extr. c. super questionum.

Cap. 11. Ab arbitris.

A B arbitris iuris appellatur ad Papam.

QU^{VI}A cum isti arbitri secundum iuris formam sint electi, ad ipsum ius, a quo potestatem habent, oportet appellari. glos. 2. hic. Et quoniam Papa est lex animata in terris. vt not. in c. 1. de cost. in 6. Ideo ad ipsum appellatur. vt in tex. Et cum isti arbitri, iuris dispositione, fungantur vice delegatorum, & habeant delegatam iurisdictionem, licet illam non possint subdelegare. Gemin. hic. Ideo ob id etiam debet ab eis appellari ad Papam primum delegantem, sicut esset, si appellaretur ab ipsis delegatis. Archid. hic. Vnde in duobus casibus huius tex. scilicet, quando causa suspicionis proponitur contra iudicem, & quando inter duos delegatos dubitatur de reuocatione litterarum, an scilicet secundae reuocent primas; cum ius statuatur, tunc eligendos esse arbitros ad has dubitationes sopiendas, si ipsi grauauerint, erit ad Sedem Apostolicam appellandum. vt in tex. Et licet isti arbitri eligantur a partibus. extr. c. suspicionis. ex quo tamen iuris necessitate adeuntur, non possunt assumi, nisi in casibus expressis in iure, & non possunt partes dare eis in compromisso nouam formam aliter, quam iure caueatur. Francus hic. & haec de arbitris iuris. Sed sunt & alij arbitri, qui compromissarii vocantur, & voluntate adeuntur, & ab istis non appellatur. c. a iudicibus. 2. q. 6. & C. de arbitr. l. 1. supplicari tamen potest. vt not. in c. non sine. extr. de arbitr. Et intellige de supplicatione, non solum de ea, quae fieret coram principe, sed etiam de ea, quae fieret, implorando officium iudicis inferioris. glos. in d. c. a iudicibus. Et quod hic dicitur de arbitris iuris, quo ad appellandum ab ipsis ad Papam, intellige locum habere, etiam in arbitris electis ad audiendam causam, quam mouet episcopus contra suum subditum. glos. fin. hic. Cum etiam in illo casu de iuris necessitate arbitri eligantur. c. si clericus. 1. q. 1.

Cap. 12. Is, cui.

EXECUTOR datus a Papa, ut prouideat persona, subdelegat; si detur, ut prouideat ecclesia, non expressa persona, non subdelegat.

QU^{VI}A executores gratiae dati a Papa, dicuntur eius delegati. glos. in c. si super gratia. ver. principalis. Et quoniam delegatus principis ha-

pis habet à lege subdelegandi facultatem , quando à delegante non est electa industria eius personæ . extr. cap. pastoralis . secus , quando personæ industria est electa . extr. c. fin. Et quia , quando committitur alicui , ut provideat certæ personæ , non est electa eius industria ; quando verò non exprimitur persona , cui sit providendum , est electa eius industria , ut debeat idoneum reperire , cui prouiso ecclesiæ sit facienda . ut in tex. Ideo in priori casu potest executor delegatus alteri vices suas demandare , non autem in secundo . ut in tex.

NISI habeat speciale mandatum.

QUIA ubi exprimitur in commissione , ut quis possit facere per se , vel per alium , tunc ille alius videtur datus ab ipso primo committente , & delegatus , qui eum nominat , siue subdelegat , censetur purus minister , & tanquam pica , & organum ipsius delegantis . c. 1. & ibi gloss. ver. substituendi . de procur. hoc lib. Et quoniam ubi apparet de speciali voluntate committentis , illa est attendenda , quamvis in generali commissione talis potestas non veniret . infr. c. fin. §. vices . Ideo licet per generalem commissionem talis executor non potuisset alteri committere vices suas , per specialem tamen formam commissionis hoc potest . ut in tex. Et ob hanc causam , quamvis delegatus ab alio , quàm à principe , de iure communi non possit subdelegare . d. c. pastoralis , si habeat speciale mandatum subdelegandi , poterit subdelegare . gloss. fin. hic. Et ita practicatur , cum soleant Legati , & Ordinarii scribere cum clausula , per te , vel per alium , quem ex nunc , &c. Gemin. hic. Subdelegatus tamen , etiam à delegato principis , non potest villo modo per quamcunque expressionem , alteri vices suas committere , ne in committendo de vno in alterum , videatur dari processus in infinitum . Francus hic .

Cap. 13. Statuimus .

IS , cui aliquid certo loco expediendum committitur , ex iusta causa illud expedire poterit extra locum .

QUIA si talis non posset exequi mandatum citra locum expressum , sæpe propter potentiam , vel malitiam illius , contra quem inquiri debet , siue procedi , seu fautorum eiusdem , mandatum Apostolicum impediretur ; & ex dolo , vel fraude , pars illa commodum reportaret . ut in tex. Et quoniam hoc esset malum , & est euitandum . c. plerunque . de rescript. Ideo licet regulariter id , quod committitur expediri certo loco , non possit expediri extra illum locum , ne forma mandati transgrediatur . gloss. 1. hic . Si tamen per partis malitiam , vel ob aliam rationabilem causam non posset in loco expresso tale mandatum expediri , conceditur à iure facultas ei , cui facta est commissio , et etiam extra

extra locum expressum, mandatum Apostolicum exequatur. vt in
 tex. Sicut etiam per consensum partium tacitum, vel expressum,
 posset hoc facere, si assignatio illius certi loci respiceret principaliter
 partium favorem. Francus hic. nam partes in concernentibus principa-
 liter eorum favorem, possunt prorogare iurisdictionem de loco ad lo-
 cum, & alterare formam commissionis. vt not. extr. in c. de causis. & c.
 Petro. secus in concernentibus principaliter publicam utilitatem. d. c.
 de causis. Sed si ab episcopo, & alio inferiori ordinario fieret talis com-
 missio, non posset expediri extra locum in ea assignatum, sed in casu
 difficultatis esset recurrendum ad ipsum ordinarium, qui super hoc pro-
 uideret, vt, vel eidem expresse committeret facultatem exequendi etiam
 extra illum locum, vel alio modo, consuleret negotio; & ratio diuersita-
 tis est; quia ad ipsum ordinarium potest de facili haberi recursus, cum
 existat in provincia; quod non ita est in Papa, qui committit per vniuer-
 sum orbem. glos. 2. hic. Et hinc est, quod quando recusatur delegatus
 Papæ, eliguntur arbitri ad cognoscendam causam recusatationis, quia ef-
 fet difficile recurrere ad Papam; si verò recusetur delegatus ordinarij,
 non eliguntur arbitri, sed recurritur ad ipsum ordinarium, cum id de fa-
 cili fieri possit. vt supr. in c. si contra vnum.

Cap. 14. Si à subdelegato.

*Q V A N D O à subdelegato non in totum appellatur, quia non ad-
 mittit exceptionem, per quam denegatur etiam delegatum habere
 iurisdictionem, ad primum delegantem appellabitur.*

Q V I A appellatio debet interponi ad iudicem, qui habeat iurisdic-
 tionem super eo, propter quod aliquis appellat. c. vt debitus. ex-
 tr. de appell. Vnde qui appellat ad aliquem, præsupponit illum
 habere iurisdictionem super re appellata. Francus hic. Et quoniam si
 ille, qui appellat, denegando delegatum habere iurisdictionem, appel-
 laret ad ipsum delegatum, per consequens fateretur ipsum habere iu-
 risdictionem, quod ante negauerat, & sic esset sibi ipsi contrarius. vt in
 tex. Et appellans in eo, quod appellat, fungitur vice actoris. c. cum in-
 ter. extr. de except. Et in agendo non licet contraria proponere. c. solici-
 tudinem. extr. de appell. quamuis liceat in excipiendo. glos. fin. hic. Ideo
 licet regulariter à subdelegato appelletur ad delegatum, qui subdelega-
 uit non in totum. supr. c. si delegatus. Tamen in casu, quo negatur illum
 delegatum habere iurisdictionem, vt euitetur absurditas contradic-
 tionis in appellante, non ad ipsum delegatum, sed ad primum delegantem
 est appellandum. vt in tex. Sicut ad eundem appellatur etiam in alijs
 casibus, in quibus, si appellaretur ad delegatum, sequeretur absurditas.
 vt supr. in c. si is, cui. & c. si duo. Sed si delegatus non subdelegasset, &
 negaretur, eum iurisdictionem habere, potuisset coram ipso proponi
 talis

talis exceptio non iurisdictionis. *glos. fin. hic. quia iudex bene potest pronuntiare, an ipse habeat iurisdictionem, vel non; & per hoc nulla sequitur contradictio, vel absurditas. c. super litteris. extr. de rescript. & l. si quis. ff. de iudic.*

Cap. 15. Hac constitutione.

CONSERVATORES non possunt deputari, nisi episcopi, vel eorum superiores, aut abbates, seu dignitates, vel personatus in cathedralibus, vel collegiatis ecclesijs, obtinentes.

QUIA isti conservatores dantur, ut tueantur à manifestis iniurijs, & violentijs, personas, vel loca, quibus à Sede Apostolica conceduntur. ut in tex. Et quoniam personæ inferiores non bene possent alios tueri, cum non ita timeantur ab omnibus, sicut potentes; & propter earum statum, & conditionem, potius vilesceret dignitas eis commissæ. *arg. c. 1. extr. de privilegiis.* Ideo ne talis concessio delusoria videatur, debet solum istis insignibus personis assignari. ut in tex. & ext. c. pastoralis. Et sic nota unam differentiam inter delegatum, & conservatorem, quia delegatus potest esse canonicus ecclesiæ cathedralis, conservator, non. *glos. 2. hic.*

NVLVS deputati sibi conservatoris valet esse conservator.

QUIA ista mutua defensio est iuri suspecta, ne tales inter se colluderent contra alios. *Anchar. hic.* Et quoniam est cavendum, ne sub specie boni, nascantur iniuriæ. *Clem. 1. de relig. dom.* Ideo prohibetur, ne quis possit esse conservator sui conservatoris. ut in tex. Et hæc est alia differentia inter delegatum, & conservatorem; quia eius, qui est mihi iudex, delegatus, possum esse delegatus, salvo iure recusationis, sed in conservatore est secus. ut in tex. quod intellige, etiam si non opponatur exceptio, per finem huius tex. qui apponit clausulam irritantem factum, ipso iure. *glos. fin. & glos. conservator, hic.*

EIVS, cuius sum subiectus, ecclesiastica, vel temporali iurisdictione, conservator esse non possum.

QUIA in conservatore requiritur potestas defendendi alterum ab iniurijs. ut in tex. & *supr. c. 1.* Et quoniam incongruum videtur, ut subditus habeat ad hoc maiorem potentiam, quam dominus. c. licet. *extr. de suppl. neglig. prælat.* Non enim est servus maior domino suo. *Ioan. cap. 13.* Ideo prohibetur, ne subditus possit esse sui domini conservator. ut in tex. Et hæc est alia differentia cum delegato; quia (salvo iure recusationis) subditum mihi bene possum impetrare delegatum, conservatorem, non. *glos. ver. vel temporali.*

EX-

EXCEPTIS Regibus, & Reginis.

QU^{IA} si hæc specialitas in ipsis non esset, in hoc essent peioris conditionis, quam subditi, cum non reperiantur multi maiores ipsis Regibus, qui possent esse eorum conservatores, sicut multi reperiantur maiores dignitate ipsis subditis. arg. c. nouit. extr. de iudic. Et quoniam sublimes personæ maioribus sunt gratijs honorandæ. c. de multa. extr. de præb. Ideo sicut Reges, & Reginæ dignitatis altitudine præminent, sic prærogatiua gratiæ ipsos conuenit anteferri, ut possint cum habere cōseruatore, qui in reliquis eis subditus existat. ut in tex. & infr. de priuilegiis. c. ne aliqui.

CONSERVATORES huiusmodi, extra ciuitates, seu dioceses, in quibus fuerint deputati, contra quosunque procedere, aut aliquos ultra unam dictam à fine diocesum eorundem trahere non præsumant.

QU^{IA} officium istorum conseruatorum est odiosum, cum exorbitet à iure communi; & sit in præiudicium iudicis ordinarij, qui ex officio tenetur cunctos defendere ab iniurijs. Gemin. hic. §. circa. Unde iura ciuilia prohibuerunt institui conseruatores loci. ut in Authent. ut iudic. sine quo. suffr. §. nulli quoque iudici. & §. interdicimus. col. 2. &, ut nulli iud. lic. hab. loc. ser. col. 9. Sæpe enim sub specie aliquos conseruandi, erant delinquentium occultatores, & aliorum iniuriatores, ut in dictis iuribus ciuilibus. Et ob id etiam prohibetur, ne alij, quam Romani Pontifices, possint dare tales conseruatores generales. Gemin. hic. §. conseruatores. Ideo sicut delegato non datur facultas citandi ultra locum commissionis. supr. de rescript. c. statutum. §. in nullo. multo minus est danda conseruatoribus magis odiosis. glos. hic. ver. non præsumant. Potest tamen delegatus, de expresso partium consensu, extra locum commissum procedere. d. §. in nullo: quod conseruatores, ut magis odiosi, non possunt. d. glos. hic.

CONSERVATOR non subdelegat, nisi secundum formam hic positam.

QU^{IA} cum etiam cōseruator sit iudex delegatus. gl. 1. supr. in c. 1. debet gaudere aliqua facultate subdelegandi, quæ à lege conceditur principis delegatis. extr. c. pastoralis. Sed quoniam eius officium est magis limitatum, & odiosum, & non potest iudiciale indaginem exercere. supr. c. 1. Ideo non habet tam amplam facultatem subdelegandi, sicut cæteri à principe delegati; sed ei certa forma traditur, quam, etiam de partium consensu, transgredi non potest. ut in tex. & Gemin. §. circa.

SI conseruatores de alijs, quàm de manifestis iniurijs, & violentijs, scienter se intromiserint; seu ad alia, quæ iudicalem indaginem exigunt, suam extenderint potestatem, eo ipso per annum ab officio sunt suspensi.

QU^{VI}A forma commissionis diligenter est seruanda. c. cum dilecta. extr. de rescript. præsertim quando committitur officium odiosum. c. odia. infr. de reg. iur. Et quoniam istorum conseruatorum commissio non est, nisi ad defendendum aliquam personam, vel locum, à manifestis iniurijs, & violentijs, in quibus iudicialis indago non sit exercenda. supr. c. 1. Et eorum officium est odiosum, vt dictum est superius. Ideo ultra formam commissionis non debent extendere eorum potestatem. vt in tex. Sed quoniam illam frequenter excedebant. vt in tex. Ideo vt limites sibi traditæ potestatis metu pænæ diligenter obseruent, contra ipsos transgredientes, huiusmodi pœna suspensionis imponitur. vt in tex.

PARS verò, quæ hoc fieri procurabit, sententiam excommunicationis incurrit.

QU^{VI}A cum talis pars grauiter delinquat. Francus. §. conseruatores. Ideo meretur, vt ista grauis pœna ipso iure contra ipsam sit inflicta, vt in tex. & glos. ver. incurrat.

A qua non potest absolui, nisi ei, quem sic fatigauit indebitè, primò satisfaciat integraliter de expensis.

QU^{VI}A regulare est, vt expensæ legitimæ, & propter causam, de qua agitur, factæ, debeant refici per illum, qui indebitè vocauit partem in iudicium c. calumniam. extr. de pœnis. Sed quoniam vbi offensa est dubia, sufficit excommunicato, dare cautionem de stando iuri, & postea est absoluendus; si verò offensa est manifesta, non debet absolui, nisi prius sufficientem præstet emendam. c. ex parte il. 1. extr. de verb. sign. Ideo cum iniuria sit manifesta in hoc casu. Gemin. §. pars. sunt reficiendæ expensæ ante absolutionem. vt in tex. Sed ex quo Papa sibi non reseruauit hanc absolutionem. vt in tex. poterit episcopus illam concedere. c. nuper. extr. de sent. excom.

OFFICIUM conseruatorum expirat ipso iure, quo ad non cepta negotia, per obitum concedentis.

QU^{VI}A per mortem delegantis, re integra, expirat iurisdictio delegati; cum non sit adhuc in eius personam efficaciter illa iurisdictio translata. supr. c. prox. & extr. c. relatum. ita quod non sit necessaria exceptionis obiectio. Gemin. hic. §. officium. Et quoniam etiam conseruatores dicuntur delegati. glos. 1. supr. in c. 1. Ideo etiam eorum officium

cium expirat ipso iure, si ante mortem Papæ, non fuerit in conseruatore iurisdictione per exercitium efficaciter radicata. vt in tex. & Francus ver. expirare.

CIRCA expensas, & personas in iudicio interuenientes, eadem sunt obseruanda in conseruatoribus, quæ in alijs delegatis.

QUIA species sub genere continetur. c. non æstimemus. 13. q. 2. & Porphirius. cap. de specie. Et statur regulæ, vbi non reperitur exceptio. glos. fin. supr. in c. is, cui. Et quoniam conseruatores continentur sub generali officio delegatorum. glos. 1. supr. in c. 1. Ideo vbi inter eos, & ceteros delegatos, non reperitur constituta aliqua exceptionis differentia, sunt sicut ceteri delegati, tam in expensis, quam in personis, existimandi. vt in tex. & glos. penult. hic, quæ enumerat septem differentias inter ipsos conseruatores, & ceteros delegatos.

SI quid contra præmissa agatur, est irritum, & inane.

QUIA hic apponitur clausula irritans omnino acta contra huius decretalis dispositionem. vt in tex. Et quoniam vbi apponitur talis clausula, si contra fiat, factum illud est ipso iure nullum, sine aliqua ope exceptionis. glos. fin. in c. statutum. supr. de rescript. Ideo si circa conseruatorum officium fiat contra id, quod hic reperitur constitutum, tale factum est ipso iure nullum. vt in tex. & glos. fin. hic.

In Clementinis.

Cap. vnico. Iudices.

IVDEX ad receptionem testium in ciuili à Papa deputatus, licite subdelegat.



QUIA cum talis sit iudex, non potest dici nudus minister deputatus solum ad testium examinationem; sed est delegatus cum iurisdictione ad testes citandos, articulos examinandos, & alia, ad huiusmodi articulum facientia, explenda. glos. 1. hic. Et quoniam principis delegato competit à lege potestas subdelegandi. extr. c. pastoralis. Ideo ex quo iste non est nudus minister deputatus solum ad examinandum testes, quo casu non posset subdelegare, cum non haberet iurisdictionem. extr. c. fin. Sed est principis delegatus ad certum articulum cum iurisdictione, poterit, vt ceteri principis delegati, vices suas alteri committere. vt in tex. & d. glos. hic.

SIMILITER subdelegat executor deputatus ad prouidendum certa persona, cognitione præmissa.

Fff 2

Quia.

QU^VIA ex quo persona, cui est providendum, est certa, non est electa industria, personæ talis executoris. c. is, cui. eod. in 6. Et ex quo datur ei potestas de meritis personæ cognoscendi, non committitur ei solum nudum ministerium exequendum; sed simul cum executione facienda, conceditur ei iurisdictio exercenda. gloss. hic. ver. reppererint. Et quoniam executor datus à principe cum iurisdictione, dicitur eius delegatus. d. c. is, cui. Et delegatus principis potest subdelegare, quando eius industria in causâ sibi commissâ non est electa. extr. c. fin. Ideo talis executor potest, ut ceteri principis delegati, vices suas alteri demandare. ut in tex. & d. gloss. reppererint.

In Extrauag. commun. Cap. vnic. Sedes.

L I T E R A E apostolica impetrata ad gratias, seu ad lites, in aliquibus ciuitatibus, seu diœcesibus, dum erant integra, non obstante diuisione facta de ipsis in duas, seu plures ciuitates, seu diœceses, debent habere illum vigorem in sic diuisis, quem habebant in illis, dum integra remanebant.



QU^VIA huiusmodi diœcesum diuisionem solet facere Sedes Apostolica ad diuini cultus augmentum, & populi salutem, quando populus est in aliquibus locis sic multiplicatus, quod vnicus pastor non potest singulorum vultus inspicere, & alias boni pastoris partes implere. ut in tex. Et quoniam Papa non intendit tunc alicui detrimentum asserre. ut in tex. Ideo per huiusmodi diuisionem quis non amittit ius, quod per litteras Apostolicas ad gratias, seu ad lites, in ipsis diœcesibus habebat. ut in tex. & supr. in extrauag. Ioan. XXII. de concess. præb. c. i. vbi hæc eadem decretalis replicata habetur.

Liber Primus. Titulus XXX.

DE OFFICIO LEGATI

In Decretal. Cap. i. Cum non ignoretis.

L E G A T V S Papæ, etiam per simplicem querelam, adiri potest.

QU^VIA Legatus Papæ gerit in prouincia suæ legationis vices Papæ. ut in tex. Et concurret de iurisdictione cum quolibet ordinario

nario existente in sua prouincia, qualiscunque ille sit, siue Abbas, siue Episcopus, siue Archiepiscopus, vel Patriarca; unde potest exercere ea, quæ per istos exercentur ratione ordinariæ potestatis. Specul. in tit. de legat. §. nunc ostendendum. ver. Legatus. Et quoniam Episcopus potest per simplicem querelam adiri. infr. tit. prox. c. 1. Ideo potest similiter adiri etiam Legatus. vt in tex. & not. in c. conquestus. 6. q. 3.

Cap. 2. Studuisti.

DE causa specialiter delegata à Papa, Legatus se intromittere non potest,

QUIA delegatus Papæ in causa sibi commissâ gerit vices Papæ specialiter, & in illa est omnibus maior. supr. tit. prox. c. sanè. il. 2. Legatus autem generalis in prouincia gerit vices Papæ generaliter. supr. c. prox. Et quoniam mandatum speciale derogat generali. vt in tex. & de rescript. c. 1. Ideo commissionem alteri factam à Papa, specialiter, generalis Legatus impedire non potest. vt in tex. Ecclesiasticus enim ordo confunditur, si sua iurisdicção vnique non seruetur. c. peruenit. 1. q. 1. Is tamen, qui impetrauit rescriptum ad delegatum, potest conueniri, & præueniri coram Legato, tanquam ordinario, nec proderunt tunc sibi litteræ speciales, ex quo eis non fuit vsus ante citationem sibi factam per Legatum. Abb. hic nu. 3. Et similiter, licet Legatus non debeat se intromittere in causa specialiter à Papa alteri delegata; tamè si aliqua causa oriretur de nouo, vel detegatur antiqua, quæ verisimiliter non fuit considerata tempore mandati specialis, & est talis causa, quæ si fuisset tunc considerata, non emanasset verisimiliter illa commissio specialis, in tali casu posset Legatus generalis impedire delegatum specialem, & in illa causa se intromittere. Abb. hic.

Cap. 3. Nisi. & Cap. 4. Quod translationem.

LEGATVS, etiam de latere, ex generali legatione non potest transferre episcopos, vel vnâ ecclesiâ cathedralem alteri subijcere, & alteri concedere ius primatiæ, vel duos episcopatus vnire, vel vnum diuidere.

QUIA istæ sunt de maioribus causis, quæ in signum priuilegij singularis sunt tantum Summo Pontifici reseruata. vt in tex. Et quoniam maiora non committuntur sine speciali mandato. l. Pomponius. & l. mandato. ff. de procur. Et in generali concessione non veniunt ea, quæ verisimiliter quis non esset in specie concessurus. l. 1. ff. de offic. eius, cui mand. & l. qui peculij. ff. de pecul. Ideo quantumcunque sit magna auctoritas Legati de latere, & multa possit, quæ non possunt alij

alij Legati; qui dicuntur missi, vel nati. glos. infr. in c. penult. & Abb. hic, sine tamen speciali concessione ad istas maiores causas manus extendere non debet, cum in talibus ei non censeatur concessa potestas. vt in tex. & c. maiores. de baptis. Quæ autem sint reliquæ maiores causæ specialiter Papæ reseruata, præter illas in hoc tex. enumeratas. not. hic. glos. & enumerantur his versibus.

Restituit Papa solus, deponit & ipse,

Articulos soluit, synodumque facit generalem,

Transfert, & mutat, appellat nullus ab ipso;

Diuidit, ac vnit, eximit, atque probat. glos. hic. Et alias plures

enumerat Specul. in tit. de offic. leg. §. nunc ostendendum. & Hostien. in sum. huius tit.

EXCOMMUNICATOS tamen propter manuum iniecti-
onem in clericos, absoluerere potest.

QUAMVIS hæc absolutio Papæ reseruatur. c. si quis suaden-
te. 17. q. 4. Ex quo tamen illa tendit in fauorem animarum, vt
periculū morē euitetur. gl. 1. infr. in c. penult. Ex approbatione Roma-
næ ecclesiæ est inductum, vt ex ipso legationis officio, comperat Legatis
de latere hæc absoluendi potestas. vt in tex. & de sent. excom. c. ad emi-
nentiam.

Cap. 5. Licet.

EX quo legatus retulit causam Papæ, illius definit esse iudex.

QUAMVIS superioris auctoritas illudi videretur, si dum causa sub
eius examine, per relationem sibi factam, pendet, posset inferior
aliquid iudicando immutare. c. nomen. 2. q. 1. & l. 1. C. de relat.

Cap. 6. Dilectus.

LEGATVS de latere confert beneficium vacans, licet illud spe-
ctet ad præsentationem alicuius clerici.

QUAMVIS plus iuris habet in concessione prælatus, quam in præsen-
tatione patronus. vt in tex. Nam prælatus confert de iure, patro-
nus de gratia; prælatus dat ius in re, patronus ad rem. Abb. hic.
Et quoniam Legatus de latere potest conferre beneficium, quod aliis
contulisset prælatus, præueniendo eum in collatione. c. si a sede. de præb.
in 6. Ideo multo magis potest illud conferre, si spectet ad præsentationem
clerici, sine ipsius requisitione. vt in tex. nam si vincio fortiores
te, multo magis vincam te. l. de accessibus. ff. de diuer. & tempor.
præser. Et consideratè dixit de patrono ecclesiastico; nam si patronus
est laicus, vel clericus habens præsentationem ratione patrimonij, non
potest Legatus conferre beneficium sine consensu illius. c. cum dilectus.
de iu-

de iurepatr. nam non debet patronus laicus, qui dotauit, vel fundauit ecclesiam, priuari isto suo iure, præsertim, ne propter hoc alij retraherentur à fundatione, & dotatione ecclesiarum. glos. penult. in d. c. cum dilectus. Papa tamen potest etiam tale beneficium libere conferre; sed non censetur, hoc velle facere, nisi exprimat in litteris. glos. in Clem. 2. ver. apostolicis. de præb.

Cap. 7. Nouit.

LEGATVS in pluribus locis, potest in quolibet dictorum locorum iurisdictionem suam exercere, ita quod facta vnius loci potest in alio explicare.

QUIA Legati iurisdictione est ordinaria in tota provincia ei commissæ. c. 2. cod. in 6. Et quoniam iudex ordinarius potest exercere iurisdictionem in quolibet loco sibi subiecto. c. cum episcopus. de offic. ordin. in 6. & l. 1. ff. de offic. procons. Ideo Legatus in provincia non transgreditur terminos suæ potestatis, in quacunque parte legationis existat, ibi iurisdictionem exercendo. vt in tex. & glos. 1. in d. c. cum episcopus. Et hæc sunt vera, tam in iurisdictione contentiosa, quàm in voluntaria; sed ea, quæ sunt iurisdictionis voluntariæ, potest etiam extra provinciam exercere, contentiosæ verò, non. glos. hic. Contentiosa autem iurisdictione dicitur illa, quæ redditur in inuitos, & exercetur cum causæ cognitione, iudice pro tribunali sedente. Voluntaria verò dicitur illa, quæ exercetur inter volentes tantum, & fit sine causæ cognitione, & absque eo, quod iudex pro tribunali sedeat. glos. hic. & glos. 1. in l. 2. ff. de offic. procons.

Cap. 8. Volentes.

PRAESENTE Legato de latere, minor Legatus executionem officij sui dimittere debet.

QUIA minor debet deferre reuerentiam maiori. c. denique. dist. 21. vbi dicitur, quod sacerdos non debet benedicere in præsentia episcopi, sed debet ipsi episcopo deferre; vnde celebrando missam, insinuat episcopo, vt benedicat; & si episcopus vult benedicere, non benedicit presbyter; si verò episcopus non vult benedicere, concedit presbytero, vt benedicat. glos. in c. ecce. dist. 95. Et quoniam Legatus de latere est maior exteris Legatis, cum sit Cardinalis. c. 1. cod. in 6. & glos. infr. in c. penult. & cum destinetur de ipso latere Papæ. vt in tex. Ideo pro Sedis Apostolicæ reuerentia, eo præsentem, minor Legatus executionem sui officij dimittere debet. vt in tex. & c. antiqua. §. dominicę. de priuil. Ipso verò recedente, potest minor Legatus sui officij executionem reassumere. glos. hic. quia eius officium per illius præsentiam erat

erat suspensum, non extindū. c. peruenit. 1. 1. q. 1. & l. in hac. C. de donat.

Cap. 9. Excommunicatis.

LEGATVS non de latere, sed ratione personæ, extra prouinciam sibi decretam, absolueret nequit excommunicatos pro iniectione manuum in clericos .

QU^{IA} potestas Legati commensuratur ex limitibus priuilegij sibi concessi. Butr. nu. 7. Et quoniam Legatis non de latere nulla est concessa potestas super casibus Papæ reseruatīs, extra prouinciam eis subiectam. glos. 3. hic. Ideo talis absolutio, quæ de iure est Papæ reseruata. c. si quis suadente. 17. q. 4. extra prouinciam per Legatum non de latere impertiri non potest, nisi de speciali gratia ei à Sede Apostolica talis potestas concedatur. vt in tex. & glos. supr. in c. nouit.

NEC etiam in prouincia, si tales excommunicati aliunde veniant .

QU^{IA} hæc absoluendi potestas datur tali Legato cum limitatione, vt sit intra prouinciam, & in sibi subiectos, non autē in aliunde accedentes. vt in tex. Ideo non debet excedere formam commissionis sibi præfixam. c. sanē. de priuil. Sed nunquid talis Legatus potest absolvere suos subditos, qui alibi excommunicationem incurrerunt? Host. hic censuit, quod non, per istum tex. dum dicit: Aliunde contingat accedere; sed communiter tenetur cōtrarium, vt refert Specul. eod. tit. §. nunc dicamus. ver. illud. nam quemadmodum ipse potest subditos extra territorium delinquentes punire. vt in c. cum contingat. de for. comp. ita & absolvere, gl. supr. in c. nouit. & fac. 16. q. 3. c. placuit. vbi gl. inquit, quod de delicto commissio extra parochiam, potest proprius sacerdos absolvere parochianum suum. Et sic est dicendum, vt iste tex. intelligatur de venientibus aliunde non subditis. Abb. hic nu. 6. Et cum hoc cap. indulgeat istis Legatis beneficium, debet late intelligi. c. olim. de verb. sign. & l. fin. ff. de constit. princ.

LEGATVS vero ratione dignitatis nullos tales absoluit.

QU^{IA} Legatus ratione loci, siue dignitatis, est perpetuus, sicut est dignitas loci, cui inhæret talis legatio. c. quoniam. supr. tit. prox. Et quoniam si isti Legati possent absolvere excommunicatos, clerici illorum locorum perderent priuilegium, quod habent per c. si quis suadente. 17. q. 4. nam percussores eorum nunquam tenerentur ire ad curiam, cum ibi haberent superiorem, qui eos absolueret. Butr. hic nu. 15. Ideo ius noluit concedere, vt qui ecclesiarum suarum prætextu, legationis sibi vendicāt dignitatē, valeant alicui (quāuis subdito, & in prouincia sua existenti) huiusmodi absolutionis beneficiū impertiri, nisi de speciali gratia eis à Sede Apostolica hæc facultas concedatur. vt in tex.

Cap.

Cap. 10. Nemini.

DVRANT Legati statuta, etiam legatione finita.

QUIA Legati Papæ habent iurisdictionem ordinariam in provincia sibi decreta, in qua æquiparantur proconsulibus, & præsidibus. c. 2. infr. in 6. Et sunt in iurisdictione maioris auctoritatis, quam episcopi. glos. 1. hic. Et quoniam proconsules, & præsidēs possunt condere leges, & statuta perpetuò mansura. l. formam. ff. de offic. præfect. prætor. orien. & ff. de offic. præfect. vrb. l. 1. §. fin. Et similiter possunt facere episcopi constitutiones in sua diocesi. c. si quis. de maior. & obed. quæ sint perpetuæ, nisi expressè per successorem renocentur. glos. in c. 2. nobis. il. 1. de sent. excom. Ideo idem, & multo magis, debet posse Legatus Papæ. vt in tex. siue sit de latere, siue missus, siue datus. glos. hic. & d. c. 2. in 6.

FINITVR tamen sui delegati iurisdictione, si citatio nõ præcessit.

QUIA iurisdictione non est in delegatum efficaciter translata, donec, per citationē ad minus, nõ fuerit illius exercitiū per delegatū, assumptum; sed adhuc censetur solum remanere in delegante. c. licet. & c. gratum. supr. tit. prox. Et quoniam, finita legatione, iurisdictione non est amplius in legato. glos. 2. hic. Et nemo potest dare, quod ipse non habet. c. quod autem. de iurepatr. Ideo si ad minus non præcesserit citatio delegati, priusquam finiretur iurisdictione Legati delegantis, causa, ab eo antea commissā, non poterit postea per eius delegatum cognosci. vt in tex. & d. c. licet.

In Sexto. Cap. 1. Officij.

LEGATI non Cardinales, sine speciali mandato, iure legationis, beneficia conferre non possunt.

QUIA in mandato generali, quantumcunque pleno, non veniunt requirentia speciale mandatum, nisi aliud exprimat. c. 2. infr. de præben. & l. mandato. ff. de procur. Et quoniam facultas conferendi beneficia, requirit speciale mandatum. infr. c. præsentī. & c. deliberatione: Præsertim vbi facultas illa esset alteri præiudicialis; cum Papa non intendat tollere ius tertij, nisi id exprimat. c. 1. supr. de constitut. Et ista facultas in Legato, esset præiudicialis episcopo loci. d. c. præsentī. & glos. fin. hic. Ideo Summus Pontifex remedijs inuigilans subditorum, statuit, vt ecclesiæ Romanæ Legati, quantumcunque plenam legationem obtineant,

G g

neant,

neant , siue ab ipso fuerint missi , siue suarum prætextu ecclesiarum , legationis sibi vendicent dignitatem , ex ipsius legationis munere , conferendi beneficia , nullam habeant potestatem , nisi hoc alicui specialiter duxerit indulgendum . vt in tex. Non enim plus possunt isti Legati , quàm eis committatur . extr. c. excommunicatis . Vnde eorum gratiæ , & rescripta sunt aduertenda , an formam commissionis excedant , vel intra illam se contineant . c. porro . infr. de priuil.

S E D Legati Cardinales hoc bene possunt.

Q V I A sicut ipsi honoris prærogatiua latantur ; sic vult Summus Pontifex , eos auctoritate fungi ampliori . vt in tex. Ideo iure legationis de latere , eis competit hæc conferendi potestas , sicut & alia eis competunt , quæ non possunt alij Legati missi , vel nati . vt in tex. & extr. c. quod translationem .

Cap. 2. Legatos.

LEGATVS Papæ habet iurisdictionem ordinariam.

Q V I A deputatus certo territorio cum generali commissione iurisdictionis , dicitur habere illam ordinariam . c. cum ab ecclesiarum , & ibi glos. 1. extr. de offic. ordin. & glos. in Clem. & si principalis . de rescript. Et quoniam Legati , quibus in certis prouincijs à Papa committitur legationis officium , vt ibidem euellant , & dissipent , ædificent , atque plantent , dicuntur ibi deputati cum generali commissione iurisdictionis . vt in tex. Ideo ad instar proconsulum , cæterorumq. præsidum , quibus certæ sunt decretæ prouinciæ moderandæ , tales Legati sunt prouinciarum sibi commissarum iudices ordinarij . vt in tex. & extr. c. fin.

V N D E per mortem Papæ non expirat eius officium.

Q V I A iurisdicção ordinaria non expirat morte concedentis . glos. penult. hic . & glos. in l. quia . ff. de iurisd. omn. iudic. Et quoniam Legatus Papæ habet illam ordinariam . vt dictum est superius . Ideo per obitum Papæ concedentis illa non expirat . vt in tex. & not. Innoc. in c. licet . extr. de offic. deleg. Et hoc , siue res sit integra , siue non . Archid. hic . Præterea , Legatus Papæ dicitur Legatus Sedis Apostolicæ . d. glos. hic . Et quoniam ipsa Sedes nunquam moritur . c. liberti . 12. q. 1. Ideo nec ipsius Legati iurisdicção debet per obitum Papæ cessare . vt in tex. & extr. d. c. fin.

Cap. 3. Præsenti.

FINITA legatione , expirant reservationes legatorum , & omnis processus habitus super illis.

Quia

QU^{VI}A sicut ipse, qui desijt esse legatus, non potest amplius talia, quæ ei competebant ratione legationis, per se exercere, multo minus poterunt alij ab eo deputati. Archid. hic in princ. Nec obstat, quod in causa delegata sufficiat præcessisse citationem factam per delegatum legati, vt causa perpetuetur in illo, legatione finita. extr. c. fin. quia ibi tractatur de commissione iustitiæ, quæ nihil noui dat, sed de iure iam quæsito præcipit cognosci; hic vero tractatur de commissione ex gratia super iure quærendo, quod facilius tollitur, quam ius quæsitum. Gemin. hic nu. 4. præcipuè, vt subtrahatur legatis occasio ecclesias aggrauandi. Specul. de legato. §. nunc tractemus. ver. cum talis. Et quoniam vbi quis non assumit partes iudicis, nec facit cum causæ cognitione, illud si non sit in esse productum, non assumit vires post decessum iudicis facientis. l. fin. & ibi glos. ff. de pænis. Ideo reservationes, quæ conferunt gratiam super beneficijs, sine iudiciali causæ cognitione, si non habuerunt effectum tempore legationis, finita legatione, non poterunt super illis producere effectum. vt in tex. vt sic, principali perempto, corrumpatur etiam gratia ab illo dependens, non dum perfecta. arg. l. duobus. §. exceptio. ff. de iureiur. Gemin. hic. nu. 5.

NISI tunc illa beneficia iam vacantia, sint collata.

QU^{VI}A per collationem acquiritur beneficiatio ius in re. c. fin. infr. de concess. præb. Et quoniam tale ius est in esse productum. d. c. fin. Ideo non sic tollitur, sicut ius quærendum. vt dictum est superius; & ob id, si aliquis obtrinit beneficium à legatō, vel ab eius executore, legatione durante: postea, legatione finita, non debet talis collatio viribus euacuari. vt in tex. & extr. c. fin.

PENDENTE vna sua reservatione in ecclesia collegiata, vel de beneficio spectante ad collationem alicuius; legatus in eadem ecclesia, vel beneficio spectante ad collationem eiusdem, aliam facere non potest.

QU^{VI}A reservationes beneficiorum sunt odiosæ, propter duo, scilicet; quia per eas datur via ad vacaturas, & quia præiudicant ordinariæ potestati. glos. hic ver. finitur. Et quoniam ob tales causas sunt restringendæ. vt in tex. Ideo prohibetur, ne, postquam legatus in aliqua cathedrali, vel collegiata ecclesia reservationem aliquam duxerit faciendam, aliam (illa pendente) faciat aliquatenus in eadem; Nec etiam, postquam alibi reseruauerit aliquod beneficium; ad collationem pertinens cuiuscunque, aliud, quod ad illius collationem pertineat (quamdiu reservatio pendet alterius) sibi quoquomodo reseruet. vt in tex. Huiusmodi autem reservationes, & gratiæ ad vacatura, hodie omnino sunt ablatæ per Concil. Trid. sess. 24. de reform. c. 19.

ET quod sit contra predicta, irritum decernitur .

QU^{VIA} quod sit contra legem, debet pro infecto haberi. In non dubium. C. de legib. Sed quoniam ubi apponitur clausula irritans ipso facto gesta contra prohibitionem legis, illa sunt nulla eo ipso, absque ope exceptionis, ut not. in c. quia propter. de elect. & Clem. 1. cod. tit. Ideo ad maiorem expressionem, ut gesta contra hanc constitutionem sint nulla ipso iure, decernitur, ut quicquid contra præmissa contigerit attentari, eo ipso viribus non subsistat. ut in tex.

Cap. 4. Deliberatione.

CATHEDRALES, vel regulares, vel collegiatas ecclesias, legati referuare, vel conferre non possunt.

QU^{VIA} reservationes, & collationes, quæ sunt per legatos, sunt tanquam odiosæ, & præiudicantes iuri ordinario, restringendæ. ut supr. c. prox. Et quoniam præcipue convenit restringere illas, ne fiant de ecclesijs principalioribus, in quibus, propter maius periculum, cautius est agendum. c. ne pro defectu. extr. de elect. Ideo istas maiores ecclesias legati referuare, vel conferre prohibentur. ut in tex. quamvis isti legati sint Cardinales. ut supr. c. 1. Et quo ad reservationes, est hodie particularis prohibitio Concil. Trid. sess. 24. de refor. cap. 19.

IDE M in dignitatibus ecclesiarum cathedralium, quæ sunt maiores post episcopos, si ipsarum prælati per electionem debent assumi.

QU^{VIA} etiam ista beneficia sunt principalia, & in eis cautius est agendum. c. de multa. extr. de præb. & c. cum in cunctis. de elect. Et quoniam quando in eis proceditur per electionem, præsumitur, quod melior assumatur, cum sint multi ad danda vora, & ad discutienda plurium merita, & qualitates. Archid. hic. Ideo facilius arctatur ab istis dignitatibus potestas legati, quando illarum electio spectat ad multos, quam si provisio spectaret ad vnum solum. ut in tex. & glos. 2. hic. Sed cum maioritas consideretur circa multa, ut circa ordinem, secundum quem archipresbyter est maior archidiacono; circa administrationem, secundum quam econverso; & circa alia, quæ not. in c. sedes. extr. de rescript. & in c. 1. de offic. archipresb. de qua maiortate erit hic intelligendum? Dic, quod de maiortate prælationis, in qua, licet inspicienda sit consuetudo, de iure tamen archidiaconus præest: Vnde is, qui præest post episcopum capitulo, & conuocat capitulum, & similia facit, hac prohibitionem inclusus est. glos. 2. hic.

ET contra hoc factum, est irritum.

Quia

Q V I A hic apponitur clausula irritans ipso facto . vt in tex. Ideo non est opus, vt contrafactum annulletur ope exceptionis . vt not. supr. in c. prox. & glos. in c. quæ contra. infr. de reg. iur.

§. Prohibemus.

L E G A T V S non potest alicui committere, quod recipiat resignationem beneficij, & postea illud conferat .

Q V I A per hoc aperiri posset via contra Lateranense Concilium ad beneficia vacatura. vt in tex. nam ille, qui appeteret habere, tale beneficium, impetraret commissionem fieri, vt idoneæ personæ conferret, & impetraret executorem, de quo bene consideret, vt postea ei illud conferret. Ioan. Andr. hic . Et quoniam per huiusmodi impetrationem, & collationem, quis videretur desiderare mortem proximi, in cuius locum, & beneficium, ille crederet, se esse successurum. c. nulla. extr. de concess. præb. Ideo prohibetur, ne ipse Legatus, in genere, aut in specie, cuiquam concedat, vt ab his, qui beneficia intra legationem, eiusdem habentes, ea in illius manibus voluerint libere resignare, ipso- rum resignatione recepta, illa valeat etiam idoneis conferre personis . vt in tex. & glos. ver. cuicumque .

E T contrafactum, vel faciendum, decernit irritum .

Q V I A per huiusmodi decretum irritationis, contrafactum redditur nullum ipso iure, absque ope exceptionis, vt dictum est superius . Sed quoniam constitutiones, & leges dant formam futuris negotijs, & non trahuntur ad facta præterita, nisi in eis nominatim de præteritis caueatur. c. fin. extr. de constitut. & l. leges. la 2. C. de legib. Ideo ad prouidendum etiam circa præteritas, & tunc pendentes huiusmodi illicitas resignationes, & collationes (per alia iura quo ad mentem bene prohibitas, licet non nominatim expressas. vt in d. c. nulla.) clarius statuitur, vt etiam ad tales præteritas hæc constitutio extendatur . vt in tex. & Gemin. §. fin.

Cap. 5. Collatio.

C O L L A T I O Legati per taciturnitatē prioris beneficij vitatur.

Q V I A sicut impetrans beneficium à Papa, tenetur de priori beneficio, quod habet, quantumcunque illud modicum sit, facere mentionem; alias gratia censetur subreptitia, nisi sit facta motu proprio Papæ. c. si motu. infr. de præb. sic tenetur facere mentionem ille, qui impetrat à Legato. glos. hic. nam si impetrans expressisset, se aliud beneficium obtinere, vel litteras ad istud non habuisset, vel saltem non ita de facili. c. postulasti. extr. de rescript. Cum ille, qui est beneficiatus, regula-

gulariter non reputetur habilis ad aliud beneficium. c. is, cui. infr. de prab. Et quoniam subreptio vitiat gratiam. c. super litteris. extr. de rescript. Ideo collatio beneficij per Legatum Sedis Apostolicæ alicui facta, nullius momenti existit, si in ea non fuerit habita mentio de alio beneficio, quod primitus ille obtinebat. vt in tex. Si tamen Legatus conferret ex motu proprio, cum tunc non possit imputari subreptio impetranti, & Legatus sit in casu, quo habet conferendi potestatem, collatio sic facta teneret. Gemin. hic num. 6. Sicut etiam valet collatio facta per episcopum, non facta mentione de priori beneficio, quando est in casu, quo ipse potest illud conferre habenti aliud beneficium. Clement. 2. de offic. ordin.

Liber Primus. Titulus XXXI.

DE OFFICIO IUDICIS ORDINARI.

In Decretal. Cap. 1. Pernitiosam.

EPISCOPI in suis diæcesibus possunt crimina inquirere, & punire.



QUONIAM Episcopus in sua diæcesi habet merum imperium. c. si quis episcopus. & ibi glos. 2. q. 7. & c. nouit. de iudic. Et quoniam inquirere de criminibus, & illa punire, est meri imperij. l. imperium. ff. de iurisd. omn. iudic. Ideo vt sua diæcesis purgetur malis hominibus, & peccata euitentur, potest episcopus ex officio inquirere, & punire. vt in tex. & d. c. nouit. Inquisitio autem ista est facienda secundum quod canones censent. vt in tex. nam inquisitio specialis, & ordinaria non debet fieri contra certam personam, nisi præcedat infamia. c. qualiter. de accusat. Inquisitio vero generalis, & extraordinaria, quæ fit, quando incerta sunt delicta, & personæ, vt visitando diocesium, vel prouinciam. c. sicut olim. de accusat. & c. Romana. §. sane. de censib. in 6. vel quando maleficium est certum, sed ignoratur, quis fecerit. vt in l. congruit. ff. de offic. præsid. ipsa potest fieri, etiam infamia non præcedente. c. bonæ il 2. & ibi glos. de elect. & c. 1. de postul. prælat. & Bart. in l. 2. §. si publico. ff. de adulter. Et quo ad crimina, quando episcopus procedere possit, est distinguendum, quod quædam sunt crimina mere ecclesiastica, de quibus iudex secularis nullo modo se intromitte-

mittere potest, vt est crimen hæresis. c. vt inquisitionis. §. prohibemus. de hæret. in 6. Quædam sunt crimina mixta, de quibus vterque iudex cognoscere potest, vt est sacrilegium. c. cum sit generale. de for. compet. & c. felicitis. de pænis. in 6. Regulariter verò de alijs criminibus, quæ non sunt mera ecclesiastica, vel mixta, non se ingerit iudex ecclesiasticus contra laicos in terris imperij, nisi directe quo ad pœnitentiam imponendam, & ad delictum prohibendum. vt in c. nouit. de iudic. Nisi delictum sit notorium, nam tunc, cum deprehendatur negligentia iudicis sæcularis, potest iudex ecclesiasticus procedere. d. c. nouit. & c. 1. §. notoria. de censib. in 6. Et quo ad religiosos exemptos, non iudicabit de eis episcopus, nisi cum ratione criminis perdunt priuilegium exemptionis, vt cum delinquant in loco non exempto. c. ex tuarum. de priuileg. in 6. Textus enim hic debet intelligi de subditis, dum dicit, posse episcopum inquirere, & punire, secundum, quod canones censent. Butr. hic nu. 12. Et ex quo tenetur iudicare secundum canones, debet iudicare secundum allegata, & probata, secundum, quod canones disponunt, & non secundum quod iudex, vt priuata persona nouit. glos. 3. hic, & c. iudicet. 3. q. 7. Vbi tamen iudex haberet indubitatam conscientiam, contra probata, si illam deponere non potest, debet euitare dare sententiam, ne peccet contra conscientiam, & ne puniat innocentem. Butr. nu. 21. de quo articulo, vide plene per S. Tho. & ibi Caiet. 2. 2. q. 67. art. 2. & Couar. lib. 1. c. 1. variar. resolut.

ET cum opus fuerit, inuocare brachium sæculare.

QUIA vtraque potestas, scilicet, ecclesiastica, & sæcularis, debet se ad inuicem adiuuare, vt mali extirpentur, & ecclesia Dei innoxia conseruetur. c. principes. 23. q. 5. & c. cum ad verum. dist. 96. Et quoniam delinquentes spectantes ad forum ecclesiasticum, aliquando non satis reuocantur à malo per solam pœnam illius. c. 2. de maledic. Ideo cum opus fuerit, debet iudex ecclesiasticus conuocare sæculare auxilium, non ad præiudicandum, sed potius ad ea, quæ Deo sunt placita, prosequendum. vt in tex. & c. administratores. 23. q. 5. Hoc enim solum bene agit, & plectendo, & ignoscendo, vt vita hominum corrigatur. c. prodest. 23. q. 5. Vnde iudex sæcularis debet bannire, & animaduertere in rebelles, & inobedientes iudici ecclesiastico, non curantes de excommunicatione, & alijs eius pœnis: Et ecclesiasticus debet interdiciere, & excommunicare subditos rebelles, & proscriptos à iudice sæculari, vel aliter se ad inuicem adiuuare, secundum quod qualitas, & iustitia causæ requirit. Abb. hic num. 14. Est tamen in hoc differentia inter ecclesiasticum, & sæcularem, quia ecclesiasticus potest per excommunicationem compellere sæcularem ad dandum sibi familiam, & auxilium suum, sed sæcularis non potest compellere ecclesiasticum. Innot. hic. quia ecclesiasticus maior est eo. c. qualiter. de iudic. & c. legimus. dist.

dist. 92. Est etiā & alia differentia, quia ecclesiasticus nō tenetur iuare iudicem sēcularem, puta, excommunicando eius rebelles, nisi prius fiat sibi fides de processu; nam non debet excommunicare, nisi prēmittat admonitionem, & ex iusta causa, sed iudex sēcularis debet obtemperare ecclesiastico, licet non faciat sibi fidem de processu; & hoc, quando ecclesiasticus petit auxilium in iudicio, & est casus, in quo iudex sēcularis non potest cognoscere. Innoc. hic; vt est in crimine hæresis, quod, cum sit mere ecclesiasticum, non potest neque directē, neque indirectē iudex sēcularis cognoscere, sed pura, & nuda executio ad eum pertinet ad requisitionem iudicis ecclesiastici. c. vt inquisitionis. §. prohibemus. de hæret. in 6. Et idem dic per illum tex. vbi alia crimina essent mere ecclesiastica, sed vbi non essent mere ecclesiastica, tunc si traditur aliquis curiæ sēculari, vt quando clericus degradatur, iudex sēcularis non debet eum punire, nisi fiat sibi fides de processu, quia ille efficitur de foro suo, & habet eum iudicāre vt subditum, non autem est purus executor, & in isto casu loquitur tex. in Authent. de sanctiss. episc. in §. si verò crimen. Sed si non traditur sibi, vt sit de foro suo, sed iudex ecclesiasticus petit, vt tanquam executor suam sententiam exequatur, debet illam exequi, licet sibi non fiat fides de processu. c. 2. de except. in 6. Verum si iudex sēcularis sciret illam sententiam esse iniustam, non teneretur illam exequi, saltem in causa criminali. Abb. hic nu. 12. quia non debet esse executor ad malum, sed ad bonum. l. non tantum. ff. de appell. Et similiter, si condemnatus per iudicem ecclesiasticum appellauit ad superiorem, non tenetur sēcularis impendere auxilium ad impediendum progressum appellationis; quia tenetur illud impendere contra rebelles, & resistentes iudici ecclesiastico de facto; secus contra resistentes de iure. Abb. hic. Et in dubio præsumentum est pro appellante, vt Sedi Apostolicæ, ad quam ille recurrit, deferatur. c. directæ. de appell.

Cap. 2. Si sacerdos.

ORDINARIUS, qui scit non vt iudex, sed vt Deus, vel homo, subditum esse criminis reum, indeterminate poterit, sed non nominatim eum arguere, vel punire.

QUIA illud dicitur ordinarius scire vt Deus, quod scit in foro pēnitentiario per confessionem. c. omnis. de pēnit. Illud dicitur scire vt simplex homo, quod per aliquem sensum corporeum apprehendit vt testis. c. cum causam. de testib. Illud dicitur scire vt iudex, quod ordine iudiciario est sibi probatum. c. quoniam. de probat. Et quoniam confessor debet omnino cauere, ne verbo, aut signo, aut alio quouis modo, aliquatenus prodat peccatorem. d. c. omnis. Et quis non debet iudicare secundum conscientiam, quam habet de re per aliquem sensum extra iudicium, sed debet iudicare secundum allegata, & probata. vt not.

vt not. supr. in c. prox. Ideo neque de eo, quod scit vt Deus, neque de eo, quod scit vt priuatus homo, potest ordinarius vt iudex aliquem nominatum arguere, vel punire, sed secundum allegata in iudicio, debet procedere. vt in tex. & glos. 3. supr. in c. prox. Et vide plenius per S. Tho. part. 3. q. 8. artic. 6. & Sorum in 4. sent. dist. 12. q. 1. art. 6. Bene tamen potest indeterminare, & in genere talem arguere, exemplo Domini Nostri Iesu Christi, qui dixit: Vnus vestrum me traditurus est; Et melius esset, si homo ille natus non fuisset; non tamen Iudam à communi remouit. vt in tex. Matth. cap. 16. Et potest talem in genere punire, vt dicendo; Quicumque fecerit tale factum, sit excommunicatus. vt in tex. Et perinde habetur, ac si, proprio nomine expresso, esset excommunicatus, quantum ad Deum; sed quantum ad ecclesiam non, à qua per hoc solum ille non vitabitur. glos. hic ver. nominatim. Talis enim admonitio, & correctio facta in genere potest prodesse, vt ille, qui scit se esse in delicto, corrigatur; & cū nominatim, à talio signo determinato, ipse non exprimat, apud alios non infamatur. c. si peccauerit. 2. q. 1. & c. non vos. 5. q. 5. Ideo superior, qui præcipue debet incumbere salutis subditorum. supr. c. 1. huiusmodi modum corrigendi debet tenere. vt in tex. & d. c. si peccauerit. Sed quæritur, nunquid hæc generalis excommunicatio, de qua dictum est superius, sit ferenda, præcedente, competenti monitione? Dic, quod sic. Abb. hic nu. 11. nam nec in genere, nec in specie debet ferri excommunicatio, nisi præcedente trina monitione. c. Romana. ver. sed nec. de sent. excom. in 6. Sed quid si episcopus dicat, excommunico vnum de illis, qui tale factum fecerunt? Dic, quod nullus est excommunicatus. glos. penult. hic. quia potestas, & voluntas debent concurrere ad expletionem cuiuscunque rei. c. cum super. de offic. deleg. & l. multum. C. si sibi, vel alteri. Sed iste excommunicans non habuit intentionem excommunicandi, nisi vnum, ergo non debet esse vterque excommunicatus; nec debet esse vnus ex illis, ex quo nescitur, de quo senserit. Abb. hic. nam præsertim in istis spiritualibus intentio debet esse pura, & certa. c. retulerunt. de consecr. dist. 4. & sententia incerta rei iudicatæ auctoritatem non continet. l. penult. & fin. C. de sent. quæ sine cert. quant. Et faciunt ista ad interrogationem, quid si sacerdos volens communicare populum, & habebat ante se vndecim hostias, quas tamen putabat esse decem, protulit simpliciter verba consecrationis, nunquid omnes vndecim sint consecratæ, vel decem tantum, vel nulla? Et salua determinatione ecclesiæ; Dic, quod si habebat animum consecrandi omnes, licet erraret in numero, omnes erunt consecratæ, quia non deficit intentio; Sed si habebat animum consecrandi decem, & non plures, nulla erit consecrata, quia incertitudo vitiat, cum non appareat, quas ex illis vndecim voluerit consecrare. Abb. hic in fin. & not. in rubricis Missalis. cap. de defectibus intentionis. Sed an sacerdos possit consecrare totum panem, qui sit in-

platea? Dic, quod non, quia derisorium esset, & contra mentem Christi Domini nostri, ut plus sacerdos conficiat, quam sit opus fidelibus. Butr. hic. in fin.

Cap. 3. Cum ab ecclesiarum.

SI ordinarius subiectus episcopo profert in sibi subiectum iustam censuram ecclesiasticam, episcopus illam servare debet.

QU^VIA ad reprimendam perversorum malitiam, censuræ ecclesiasticæ sunt in canonibus constitutæ, quas, sicut latas à se in subditos vellet episcopus observari, ita rite latas ab alijs ordinarijs, quamvis ei subiectis, debet ipse observare. infr. c. ad reprimendam. Ecclesiasticus enim ordo confunditur, si sua iurisdicção vnicuique non servetur. c. peruenit. 11. q. 1. Et quoniam censura lata per superiorem, semper præsumitur iusta, donec contrarium non probatur. gloss. penult. hic. Quod tamen procedit, si non fuit appellatum, nam si fuerit appellatum ab excommunicatione, licet appellatio non suspendat vinculum, ut in c. pastoralis. de appellat. suspendit tamen præsumptionem iustitiæ; unde oportet, quod superior probet causam iustam, sicut contingit in alijs sententijs. ut not. Innoc. in c. bonæ il. 2. de postul. præl. & Abb. hic. Et quia excommunicatus in vno loco, est ubique excommunicatus, cum excommunicatio afficiat personam, & eam sequatur, ut lepra leprosum. c. 1. de treg. & pac. & c. cito. 1. q. 1. Ideo censura ecclesiastica (siue sit excommunicationis, siue suspensionis, siue interdicti, quæ pœnæ ecclesiasticæ sub tali nomine censuræ comprehenduntur. c. querenti. de verb. sign.) donec præsumitur per unum ordinarium rite lata, debet etiam per alium, quamvis eius superiorem, observari. ut in tex. & d. c. ad reprimendam.

ET illam sine satisfactione, & conscientia proferentis relaxare non debet.

QU^VIA ubi certum est, censuram ecclesiasticam esse iustam, est faciendi remissio pro absolutione ad illum, qui protulit eam, nisi ipse requisitus, malitiose denegat absolutionis beneficium exhibere. c. venerabilibus. §. sanè. de sent. excom. in 6. Vel nisi esset periculum in mora, quo casu superior absoluit, recepto prius iuramento de parendo secundum formam ecclesiæ. c. sacro. de sent. excom. Vbi verò certum est, censuram esse iniustam, non fit remissio ad illum, qui protulit eam. Si verò est dubium, potest fieri relaxatio, sed honestius est remittere. d. §. sanè. Et quoniam talis censura præsumitur iuste, & rationabiliter lata, ut dictum est superius. Ideo superior illius, qui eam protulit, non debet sine congrua satisfactione, & absque conscientia ipsius proferentis, illam relaxare. ut in tex. Si tamen eam relaxet, absolutio tenet

tenet. glos. fin. hic. quia episcopus concurret in iurisdictione cum istis praelatis inferioribus non exemptis. Abb. hic. nu. 9. & infr. in c. penult. nu. 6. Vnde habet iurisdictionem illum absolendi; & licet ipse superior faciat contra ius litigatoris, quando absoluit illum, quem deberet remittere ad suum ordinarium sibi subiectum, qui protulit censuram, non tamen facit contra ius constitutionis, dicti §. sanè. & sic absolutio per eum lata tenet. d. glos. hic. Remissio autem fit regulariter ad excommunicatorem, ad eius honorem seruandum. c. ab excommunicato. ver. deferatur, de rescript. nam minor pudor est, quod quilibet corrigat factum proprium, quam corrigatur ab alio. c. qualiter. de accus.

Cap. 4. Cum vos.

SI ordinatio vacantis ecclesie ex iusta causa differtur, est ibi per episcopum œconomus ponendus.

QUIA si in ecclesia vacante œconomus non poneretur, qui illius bona custodiret, & fructus in ecclesie vtilitatem expenderet, aut futuro successori, vel alteri, prout de iure fuerint debiti, reseruet, per alios facile indebitè vsurparentur. vt in tex. & c. ne pro defectu. de elect. Et quoniam cura prouidendi, ne talia bona dissipentur, regulariter ad eum pertinet, ad quem pertinet instituere rectorem. c. fin. cod. in 6. Et ius instituendi in beneficijs, de iure communi, spectat ad episcopum. c. ex frequentibus. de institut. Ideo quando est iustum impedimentum, propter quod ibi non potest de rectore prouideri, debet interim episcopum curare, vt per œconomum bona illa conseruentur. vt in tex. Et similiter debet facere alius praelatus, ad quem spectet in vacanti beneficio instituere. glos. penult. hic. Cum enim propter decentiam dignitatis, & alias occupationes, non possint praelati per seipsos hoc facere, debent facere per alium, scilicet œconomum. c. qui per alium. de reg. iur. in 6.

ETIAM si ecclesia sit ius patronata.

QUIA patronus nō debet se intromittere in rebus ecclesie, nisi ad defensionem. c. de cœnibus. & c. filijs. n. 6. q. 7. Ideo ipse non habet custodiam bonorum ecclesie vacantis, sed ille, ad quem pertinet instituere, qui cū non possit per propriam personam hoc exercere, debet facere per œconomum. vt in tex. & dictum est superius. Sed intellige de patrono laico, qui non habeat talia bona custodire, nisi ex priuilegio, vel ex consuetudine approbata per Sedem Apostolicam. et talis custodia competeret. Abb. hic nu. 4. nam patronus ecclesiasticus ipse habet illa, ecclesia vacante, custodire. c. cum & plantare. §. in ecclesijs. de priuileg. Vnde in iure patronatus ecclesiasticorum non est per episcopum talis œconomus ponendus. arg. a contrario sensu huius tex. Et per

H h h 2 patro-

patronum ecclesiasticum intellige eum, qui habet ius patronatus ratione ecclesie; nam si ei competere ratione patrimonij, quamvis esset persona ecclesiastica, esset censendus in hoc iure, tanquam laicus. c. cum dilectus. de iurepatr. Et talis œconomus est ponendus, etiam intra tempus præfixum patrono ad præsentandum, si interim sit periculum, ne bona ecclesie dissipentur. Butr. hic, qui examinat diuersa impedimenta, per quæ institutio impeditur fieri intra tempus regulariter præfixum à iure, & tamen non fit deuolutio iuris instituendi ad alios, & similiter habetur in c. quoniam. de iurepatr. Non valentibus enim agere non currit tempus. c. imputari. de reg. iur. in 6. & l. 1. §. fin. C. de annal. except. Ideo tunc non obstat tempus assignatum. in c. 2. de concess. præb.

Cap. 5. Ex parte.

SI constat ordinario, quod absolutus à Papa suppressit veram causam, quare fuerat excommunicatus, debet illum remittere ad Papam.

QUAMVIS I A. supprimenti veritatem absolutio surrepta non prodest. c. officij. & c. cum pro causa. de sent. excom. Excommunicatio enim, & absolutio sumunt vires ab intentione superioris excommunicantis, vel absoluentis. Abb. hic nu. 6. Vt est etiam in alijs rescriptis, & gratijs obtentis. c. super litteris. de rescript. Et quoniam ille, qui absoluit pro vna causa, non præsumitur absolueri pro alia, nisi hoc exprimat. glos. hic. sicut idem est dicendum in absolutione à quolibet peccato, vt nisi peccator expresse rit delictum cum suis qualitatibus, quæ habeant gravare delictum, non consequitur veram absolutionem. c. 1. de poenit. dist. 5. quod intellige de circumstantijs, quæ peccati speciem mutant. Conc. Trid. sess. 14. can. 7. & dic. vt latius declarat Nauar. in Manual. c. 6. Et quia inferior non debet absolueri ab excommunicatione reservata Papæ, nisi in mortis articulo. infr. c. pastoralis. §. præterea. Et quamvis esset excommunicatio, à qua absolueri posset, ex quo Papa apposuit manus, & impetrans tale vitium subreptionis apud eum commisit, inferior se ingerere non debet. c. 2. de rescript. & Butr. hic. Ideo non debet episcopus talem adhuc excommunicatum absolueri, sed pro absolutione debet illum ad Papam remittere, qui manus apposuit, & ad quem spectat talis absolutio. vt in tex. & c. quod super. de fide instrum.

SI vero sibi non constat, est tamen sibi vrgens suspicio contra eum, debet cogere eum se purgare.

QUAMVIS I A. ubi quis laborat infamia apud bonos, & graves viros, & si nullus appareat accusator, ad remouendam illam vrgentem suspicionem, quæ est contra eum, est sibi per episcopum canonica purgatio indicenda. c. nos inter. de purg. canon. & c. omnibus. 2. q. 5. Et quoniam esse excommunicatum, est maxima infamia. c. cito. v. q. 1. Ideo ex quo talis adhuc probabiliter timetur excommunicatus, ne in suam animam

nimz præiudicium, & aliorum scandalum tali labore infamia, est per episcopum compellendus, vt canonice se purget, quod fuerit veritatem confessus, & per consequens rectè absolutus. vt in tex. & c. cum in iuuentute. de purg. can.

Cap. 6. Significauit.

SI ex desidia, vel malitia delegati Papæ, quis perseuerat in peccato, ordinarius loci potest supplere.

QUIA delegato non intelligitur data potestas nutriendi aliquem in peccato, quam nec (si vellet) Papa dare posset. c. qui resistit. & c. si dominus. 11. q. 3. Et quoniam in defectum aliorum iudicum, ordinarius semper potest insurgere, & in fauorem animarum occurrere, vt euitetur peccatum. sup. c. 1. & de iudic. c. nouit. Ideo si ex defectu delegati quis perseuerat in peccato, poterit per episcopum illius curæ suppleri. vt in tex. & c. licet. de for. compet. & vide Concil. Trid. sess. 24. de refor. matr. c. 8.

NON obstante, quod causa fuerit delegato commissa.

QUIA licet regulariter ordinarius non possit se intromittere in causâ alteri delegata, ex quo per commissionem alteri factam, de eius manibus est erepta. c. studuisti. de offic. leg. Speciale tamen est in fauorem animarum, vt possit alterius iudicis, etiam delegati, ad euitandum peccatum, supplere defectum, vt dictum est superius. Ideo in tali casu ordinarius reassumit iurisdictionem, non vt definiat causam, sed vt conuincat partes non prosequentes illam, & remanentes in peccato. glos. ver. desidia. & Abb. nu. 5. Vbi verò non immineret peccatum, vt puta, quia causa esset pecuniaria, tunc delegato Papæ negligente, ordinarius non se intromittit, sed recurrendum est ad ipsum Papam. Host. hic. Sicut similiter est faciendum in causis exemptorum à iurisdictione episcopi. Abb. in c. penult. nu. 6. de offic. ord. Et plenius quo ad priuilegia exemptorum. vide in c. tuarum. & c. cum & plantare. de priuileg.

Cap. 7. Quanto.

ORDINARIUS supplet negligentiam abbatis non reuocatis monachum vagabundum.

QUIA regulares non manentes in claustrò, grauiter peccant. c. fin. d. regular. nam sicut piscis sine aqua caret vita, ita sine monasterio monachus. c. placuit il. 2. 16. q. 1. Et quoniam correctio monachorum primo loco spectat ad abbatem. c. ea, quæ. de statu monachor. & c. reprehensibilis. de appell. Et abbate negligente, vt euitetur peccatum, supplet episcopus. vt not. sup. in c. prox. qui, & de causis criminali-

minalibus monachorum, de quibus non possit cognoscere abbas, semper cognoscit. Innoc. hic. Monasteria enim omnia in diœcesi constituta sub sunt episcopo quo ad legem iurisdictionis, nisi speciali privilegio sint munita, licet quo ad legem diœcesanam sint exempta. c. cum pro utilitate. 16. q. 1. & gloss. in sum. 10. q. 1. Et quia delictorum coercitio pertinet ad legem iurisdictionis. gloss. infr. in c. dilectus. Ideo ubi deficit abbas, cui primò monachi subijciuntur, corrigit episcopus. gloss. penult. hic. Et sic si abbas fuerit negligens in reuocando monachum ad claustrum, ut ille remoueatur à peccato, & ut euitetur scandalum, quod alijs ex tali euagatione inferretur, debet Episcopus per suspensionem officij, & beneficijs, appellatione remota, cogere illum ad redeundum in monasterium. ut in tex. & c. de persona. 11. q. 1. Et vocatur hic beneficium monachorum, panis, vinum, vestiarium, & similia; cum alia beneficia ipsi non habeant. Abb. antiquus hic. Prohibetur enim talibus monachis, qui inciderint in huiusmodi suspensionem, ut, postquam fuerint ad claustrum reducti, non comedant, vel bibant cum alijs monachis, sed soli separatim ab illis. d. c. fin. de regular.

Cap. 8. Ad reprimendam.

Ab vno Episcopo excommunicatus, ab alijs est vitandus.

QUIA excommunicatio afficit personam, & eam sequitur vbique, sicut lepra leprosum. c. cito. 1. q. 1. Maior enim excommunicatio separat ab ecclesia. c. si quem. de sent. excom. Et quoniam in orbe est tantum vna ecclesia. c. vnam sanctam. de maior. & obed. in extrauag. com. & c. loquitur. 24. q. 1. Ideo non potest quis in vno loco esse extra ecclesiam, quin sit vbique extra illam. c. quisquis. 4. q. 5. Vnde sicut excommunicatus est euitandus in diœcesi episcopi excommunicantis, ita est euitandus in qualibet alia diœcesi per totum orbem. ut in tex. & c. 1. de treug. & pac. Et ob id excommunicatorum nomina vicinis omnibus sunt palàm, & publice annuntianda. c. curz. 11. q. 3. Quos euitare debent alij episcopi etiam ex ea ratione; quia sicut ipsi volunt, ut similes pœnz per eos latz in subditos, ab alijs obseruentur, ita latas ab alijs debent ipsi obseruare. ut in tex. ne neruus ecclesiasticz disciplinz infringatur. c. peruenit. 11. q. 1. Et per regulam; Quod quisque iuris in alium statuerit, eodem iure ipse vtatur. l. 1. & toto tit. ff. quod quisque iur.

ET Archiepiscopus per querelam aditus non absoluet, nisi primò remittat.

QUIA aditio per viam querelz non facit tantam præsumptionem in fauorem aduentis, sicut facit appellatio in fauorem appellantis; cum appellatio fiat intra decē dies, & si sit ab interlocutoria, debet in scriptis eius causa rationabilis assignari. c. 1. de appel. in 6. aditio v6-

tio verò per querelam fit per solam arreptionem itineris ad superiorem, quocunque tempore, & causa non adducta. glos. penult. hic. Ideo licet Archiepiscopus possit absoluerè excommunicatum, quando ille appellauit ad ipsum. c. per tuas. de sent. excom. non tamen debet illum absoluerè, quando ille per simplicem querelam eum adiuit. vt in tex. Si tamen absolueret, absolutio teneret, ex quo est facta à superiore, licet iniuste. c. venerabilibus. §. sanè. de sent. excom. in 6. Vnde tunc remanet regula communis, vt excommunicatus remittatur pro absolutione ad excommunicatorem. vt not. supr. in c. cum ab ecclesiarum. & glos. in d. c. per tuas. Sed cum excommunicationis sententia per appellationis obiectum non suspendatur. vt in tex. Et cum illa sententia trahat secum executionem. c. pastoralis. de appell. dices, quid ergo operatur appellatio à sententia excommunicationis? cum appellatio interponatur ad impediendam executionem sententiæ prolatæ per iudicem à quo. d. c. pastoralis. & de iureiur. c. venientes. Respondeo, quod duo sunt effectus principales appellationis. Primus in eo, quod secundum canones suspendit iudicatum. d. c. pastoralis. quod secundum leges ciuiles dicitur per appellationem potius extingui; cum appellatio faciat, vt non videatur pronuntiatum. l. 1. in fin. ff. ad Turpil. & l. 2. ff. de pœnis. Secundus effectus est in eo, quod deuoluit causam ad superiorem. c. non solū. & c. si à iudice. de appell. in 6. Vnde licet appellatio in sententia censuræ non operetur primum effectum; quia non suspendit vinculum sententiæ. vt in tex. bene tamen operatur secundum effectum; quia deuoluit causam ad superiorem, vt ipse cognoscat, an iuste, vel iniuste talis fuerit excommunicatus. vt in tex. & d. c. per tuas. Et ob id ista appellatio non est frustratoria, cum pariat vnū principalē effectum. Sed & sententia excommunicationis non transit in rem iudicatam, quemadmodū & aliæ sententiæ. Abb. hic nu. 6. Et ob id debet interponi intra decem dies, sicut fit in appellatione ab alijs sententijs, alijs postea talis non audiretur per viam appellationis; sed per viam querelæ. glos. hic. ver. suspendatur. Excommunicatus autem recurrens per viam querelæ, potest semper absolui; quia istæ censuræ diriguntur in animam propter peccatum, & separationem à gratia Dei. c. nemo. & c. nullus. 12. q. 3. sed non potest quis inuitus separari perpetuò à gratia Dei, quia Deus nunquam claudit gremiū redeunti. c. dixi. de pœnit. dist. 1. vnde Deus dixit per Ezechiel. cap. 33. Peccator in quacunque hora conuersus fuerit, &

inge-

ingemuerit, omnium iniquitatum eius non recordabor amplius. vt in c. ponderet. dist. 50. Et in Euangelio Dominus dixit ad Petrum interrogantem, quotiens fratri essent dimittenda peccata: Non dico tibi vsque septies, sed vsque septuagies septies. Matth. cap. 18. Ideo per consequens debet reconciliari etiam per ecclesiam, quæ similiter nunquam claudit gremium redeunti. c. super eo. de hæret. in 6.3

Cap. 9. Duo simul.

DE causis subditorum Archiepiscoporum, & Episcoporum suorum, Patriarcha non cognoscit, nisi per appellationem legitimam, aut vigore consuetudinis, seu priuilegij.

Q V I A in sacris canonibus est definitum, Primates, vel Patriarchas, nihil iuris, vel priuilegij, habere præ cæteris Episcopis, vel Archiepiscopis, nisi quantum sacri canones concedunt, vel prisca illis consuetudo contulit ab antiquo, vel Apostolica Sedes eos, vel eorū ecclesias, speciali priuilegio decreuerit honorare. vt in tex. & c. conquestus. 9. q. 3. Et quoniam in sacris canonibus disponitur, vt quemadmodum se habent subditi Episcoporum ad Archiepiscopum, ita se habeant subditi Archiepiscoporum ad Patriarcham; nam sicut sunt multæ dioceses sub cura Archiepiscopi, ita quod Archiepiscopus est Metropolitanus, & superior omnium aliorum Episcoporum, & diocesium; ita multæ prouinciæ sunt sub cura cuiusunque Patriarchæ, ita quod Patriarcha est iudex ordinarius omnium Archiepiscoporum, qui sunt in suo patriarchatu. c. antiqua. de priuil. Et quia Archiepiscopus non se ingerit de subditis Episcoporum, nisi per appellationem. infr. c. pastoralis. Ideo nec Patriarcha debet se ingerere de subditis Archiepiscoporum, & Episcoporum, nisi per appellationem, nisi hoc ei competat alio iure speciali. vt in tex. & d. c. conquestus. Speciale enim ius consuetudinis rationalis, & præscriptæ, dat iurisdictionem, & derogat iuri scripto positiuo. c. fin. de consuet. & c. cum contingat. de for. comp. Et Papa potest per suum priuilegium eximere vnā ecclesiam à iurisdictione sui superioris, & eam alteri subijcere. c. frater. 16. q. 1. & c. nunc. 9. q. 3. quod tamen non solet facere, nisi quando subest rationalis causa. glos. in c. omnes. dist. 22. & glos. 3. in c. 1. dist. 10.

Cap. 10. Quod sedem.

ARCHIEPISCOPVS impeditus, potest consecrationem sui suffraganei alteri committere.

Q V I A Episcopi, & Archiepiscopi nihil habent, quod delegare non possint, excepto vsu pallij, dummodo ea, quæ sunt ordinis episcopalis, alteri Episcopo demandent; & ea, quæ sunt iurisdictionis, delegent perso-

personæ habenti qualitates requisitas ad illum actum exercendum. glos. in c. peruenit. dist. 95. & glos. in c. aqua. de consecr. eccles. Et quoniam hæc demandatio eis competit iure proprio. iost. c. prox. in princ. nam de iure est, ut quilibet ordinarius possit in aliquibus se releuare per commissionem alteri faciendam. l. vnic. C. qui pro sua iurisd. Ideo indifferenter tenet eorum demandatio, siue sint impediti, siue non; licet de honestate deberent per seipsos exercere, quando non sunt impediti. Host. hic. Et ob id tex. hic facit mentionem de commissione, quam Archiepiscopus facit impeditus, ut appareat, etiam de honestate eum posse tunc demandare. Butr. & Abb. hic.

ET consecrandus tenetur ab illo commissario munus consecrationis recipere.

QU^{IA} subrogatum sapit naturam subrogantis. c. ecclesia. ut litel. pend. Et quoniam suffraganeus consecrandus posset compelli ab Archiepiscopo ad recipiendam consecrationem ab eo, si ipsemet vellet eum consecrare. c. si Archiepiscopus. de tempor. ordin. Ideo ex quo Archiepiscopus potest in consecratione facienda alterum subrogare, eodem modo debet consecrandus compelli ad recipiendam illam ab isto, qui gerit vices Archiepiscopi. ut in tex. & c. suffraganeis. de elect. Delusoria enim videretur iurisdicção, si coercionem aliquam non haberet. c. pastoralis. de offic. deleg.

Cap. 11. Pastoralis.

ARCHIEPISCOPVS causam ad se per appellationem delatam subditis suffraganei committere potest.

QU^{IA} causa potest delegari tam subdito, quam non subdito, licet non subditus cogi non possit ad delegationem acceptandam, sicut potest cogi subditus. glos. in l. vnic. ver. resedissent. C. qui pro sua iurisd. & l. eum, qui, & ibi glos. i. ff. de iurisd. omn. iudic. Ideo si subditus suffraganei vult acceptare delegationem causæ ab Archiepiscopo, dummodo aliud impedimentum ei non obstat, quod ad esse eius subditum, vel non subditum, delegatio tenet. ut in tex. & glos. ver. nullam. Delegare enim causam, est actus voluntariæ iurisdictionis, quæ quatenus exercetur in volentem, potest exerceri etiam in non subditum. Butr. hic.

NON tamen ad ipsam suscipiendam compellere potest.

QU^{IA} Archiepiscopus in subditos sui suffraganei (exceptis quibusdam articulis) nullam habet potestatem, licet Episcopus suffraganeus sit ei Metropolitana lege subiectus. ut in tex. Et quoniam iste casus recipiendi commissionem causarum ab Archiepiscopo, non

est de articulis exceptis, in quibus Archiepiscopus habeat potestatem in subditos sui suffraganei. glos. hic. ver. exceptis, quæ enumerat, quinam sint isti articuli excepti. Ideo non potest Archiepiscopus compellere subditum sui suffraganei ad suscipiendam ab eo alicuius causæ delegationem. vt in tex. Compellere enim est actus contentiosæ iurisdictionis, quæ non exercetur in non subditum. Butr. hic. Archiepiscopus namque est iudex ordinarius totius prouinciæ collectiue, & vniuersaliter, non autem distributiue, & singulorum, nisi Episcoporum tantum, & nisi in casibus exceptis, quo ad episcoporum subditos. glos. 1. & Butr. hic. Sed ex quo ipse est iudex episcoporum, posset, si expediret, compellere episcopum, vt ipse compelleret proprium subditum ad acceptandam delegationem ab Archiepiscopo fiendam. glos. ver. nullam. & Butr. hic. vnde Archiepiscopus pinguius ius habet in episcopis, quàm in episcoporum subditis. glos. 1. hic. Et sic non habet locum illa regula, si vinco vincen-tem testanto magis vincam te, de qua habetur in c. auctoritate. de concess. præb. in 6. & ratio est, quia illa regula non procedit, quando eadem vis, quæ est in vincente, non concurrat in vincentem te vt not. Cyn. in Authent. licet. C. de natur. liber. & Roman. in consil. 436. Sed nunquid idem iuris est in episcopo circa subditos suorum subditorum? certe non; quia Episcopus est iudex ordinarius omnium de sua diœcesi. c. de persona. 1. q. 1. Et concurrat cum suis prælatis accumulative; vnde inter eos est locus præuentioni, nisi esset consuetudo, vel priuilegium in contrariu, vt est in exemptis. & regularibus. Butr. hic. & not. supr. in c. 1.

§. Præterea.

MORTVO delegato Papa, qui excommunicauit reum, vel actorem in possessionem induxit, si eius successor in delegatione succedit, absolvere, & restituere possessionem poterit.

QUIA: qui succedit alteri in onere, & honore alicuius officij, partibus, quibus ille fungebatur, etiam ipse in tali officio fungi debet. vt in tex. & l. mortuo. ff. de iudic. Et quoniam ipse delegatus, qui reum propter contumaciam excommunicauit, posset eidem, vo- lenti iuri parere, absolutionis beneficium impertiri. vt in tex. & c. venerabilibus. §. secus. de sent. excom. in 6. Et similiter si petitorum contra contumacem, causa rei seruandæ, in possessionem petitorum induxit, posset intra annum reo comparenti possessionem restituere, sufficienti cautione recepta, & parti relictis expensis. vt in tex. & c. quoniam. §. fin. vt lite non contest. Ideo eadem debet posse etiam ille, qui tali delegato in onere, & honore successit. vt in tex. & c. quoniam abbas. de offic. delegat.

ALIAS solus Papa restituet, & absoluet.

Quia

QU^IA delegatus Papæ in causa sibi specialiter commissa est maior quocunque ordinario. vt in tex. & c. sanè il 2. de offic. deleg. Et quoniam, cessante peccato, ordinarius non supplet officium delegati. supr. c. significauit. Et ab excommunicatione lata ab homine ille dumtaxat, qui excommunicauit, vel successor, seu superior, absolueret potest, licet absolutio non sit specificè ipsi excommunicatori reservata. Abb. hic. Ex quo inferitur, quod ab excommunicatione lata à Papa, nullus absolueret potest, nisi ipse Papa, vel successor; secus dic in excommunicatione lata per constitutionem, seu à lege, vel statuto, quia tunc est concessum, vt quilibet episcopus superior excommunicati absolueret possit, si absolutio non sit statuenti reservata. c. nuper. de sent. excom. Ideo ex quo delegatus in tali causa est maior legato, & ordinario, non poterunt isti absolueret à sententijs censurarum latis per ipsum delegatum, nec relaxare tenentur, seu possessionem datam per ipsum, sine mandato Papæ. vt in tex. & Butr. nu. 5.

P R A E T E R Q U A M in mortis articulo.

QU^IA generalis reservatio absolutionis non extenditur ad casum mortis. c. eos, qui. de sent. excom. in 6. & c. si quis suadente. 17. q. 4. Ne, si extenderetur, quis penitens sine absolutione decederet; qui excommunicato imponatur, vt sit pœna medicinalis, non vt sit capitalis. vt in c. 1. de iudic. & not. supr. in c. ad reprimendam. Ideo in mortis articulo nulla est criminum, aut casuum reservatio; sed omnes sacerdotes possunt absolueret quoslibet penitentes à quibusuis peccatis, & censuris. gloss. hic ver. præterquam. & Concil. Trid. sess. 14, cap. 7. de casuum reservat. Debet tamen ille, si conualuerit, quameito commodè poterit, præsentare se postea illi, à quo, tali periculo cessante, fuisset absolueudus, mandatum ipsius super illis, pro quibus fuerat excommunicatus, humiliter recepturus, & satisfactorus, pro vt iustitia suadebit, ne censuræ ecclesiasticæ videatur illudum; aliàs in eandem sententiam reincident ipso iure. d. c. eos, qui. Laico autem, si deest sacerdos, quis potest tempore necessitatis confiteri, & per talem confessionem, iste confitens sit dignus venia ex sacerdotis desiderio. c. quem penitet. de penit. dist. 1. Mundati sunt enim leprosi, dum irent ostendere ora sacerdotibus, antequam ad eos peruenirent. Luc. cap. 17. Non tamen potest laicus istum sacramentaliter absolueret c. qui vult. de penit. dist. 6. nam laicus non habet clauēs ecclesiæ. de sum. Trinit. c. 1. §. vna, & vide in hoc articulo Sotum lib. 4. sent. dist. 18. q. 4. art. 1. Et cum ecclesiæ constiterit de talibus signis contritionis, per quam iste confitens laico, si decedat, est absolueus quo ad Deum; si erat excommunicatus, absolueus post mortem etiam apud ecclesiam, ab eo, à quo fuerat uiuus absolueudus, & hæredes eius compellentur per ecclesiam ad satisfaciendum pro eo. c. à nobis il 2. de sent. excom. Tunc autem quis di-

citur esse in articulo mortis, quando verisimiliter imminet periculum mortis, siue sit mortis naturalis per corporis indispositionem, siue violentæ per pugnam, vel per naufragium, aut per partum in muliere. d. glos. hic. & c. sanctum. de consecr. dist. 4.

NE tamen currat annalis præscriptio, reus coram ordinario, vel publicis personis, de stando iuri cautionem præstabit.

QUÏA contumax, contra quem fuit actor missus in possessionem causa rei seruandæ, si comparet coram iudice intra annum, & præstet cautionem iudicio sisti, & congruas reficiat expensas, recuperat possessionem; si verò intra annum hæc facere neglexerit, post annum actor constituetur verus possessor, dumtaxat super proprietate aduersus parti legitima defensione reservata. c. quoniam. §. fin. vt lite non contest. & l. si quis. §. penult. C. de præscript. 30. vel 40. annor. Et quoniam imputari non debet ei, per quem non stat, si non facit, quod per eum fuerat faciendum. c. imputari. de reg. iur. in 6. Ideo ex quo delegatus, qui erat iudex cause, est mortuus, & ibi non est alius, coram quo sit causa proseguenda, ne talis, qui vult comparere, & facere quod in se est intra annum sibi concessum à iure ad comparandum, sine culpa iure suo priuetur, statuitur, vt in tali casu possit coram ordinario loci, vel si eius copiam habere nequiverit, coram publicis, & honestis personis (vt quasi præscriptionem interrumpat annalem) offerre, ac præstare, quod iuri parebit, cautionem, vt sic post annum recuperare possessionem per Sedem Apostolicam mereatur. vt in tex. Publicæ autem persone in hoc casu intelliguntur tabelliones, vel alij habentes dignitatem cum iurisdictione. Abb. hic. & Specul. in tit. de r. & a. decreto. §. iam de effectu.

Cap. 12. Licet.

PAPA per rescriptum, quo mandat ordinario, vt subditos suos corrigat, non facit ex hoc ipsum delegatum.

QUÏA ordinarius iam tenebatur ex officio propriæ potestatis suos corrigere subditos. supr. c. 1. Et quoniam vbi superior mandat iudici inferiori, vt id faciat, quod iam facere tenebatur, intelligitur hoc mandare ad excitandum eius officium ordinarium, non ad dandam ei nouam auctoritatem cum præiudicio alterius. infr. c. penult. nisi ex forma mandati aliud appareat, puta, si diceret, auctoritate nostra facias, vel delegamus, aut committimus tibi, vel si mandet eam, ad quæ talis iudex non tenebatur saltem ita præcise, nam tunc videretur eum facere delegatum. Abb. hic. Et quia causæ delegatio in ordinario, qui iure suo procedere potest, esset præiudicialis archiepiscopo; nam si appellatur ab illo procedente tanquam ordinario, appellatur ad archie-

archiepiscopum. supr. c. duo ; si appellatur tanquam à delegato , appellatur ad Papam delegantem. c. super. §. porro. de offic. deleg. Et Papa non intendit alteri præiudicare, nisi hoc exprimat. c. ex tuarum. de vñu pall. Et rescriptum recipit vires ab intentione rescribentis. c. super litteris. de rescript. Ideo ne fiat præiudicium archiepiscopo in appellatione interponenda , mandatum episcopo directum in materia ordinariæ potestati subiecta , intelligitur in dubio esse antiquæ potestatis excitatiuum, non nouæ concessiuium. vt in tex. & infr. d. c. penult.

I D E O ab eo poterit appellari ad proximum superiorem , sicut si Papa nullum mandatum fecisset.

QUIA per huiusmodi mandatum Papa non intendit alicuius iurisdictioni derogare. vt in tex. Et quoniam appellatio est gradatim de minori ad maiorem interponenda. c. anteriorum. 2. q. 6. licet ad Papam possit semper etiam mediatè appellari. c. si quis. d. q. 6. cum ipse sit ordinarius omnium. c. cum nobis. de elect. Ideo ex quo talis procedit in causa vt ordinarius , sicut ad proximum superiorem appellaretur , si tale mandatum non interuenisset, ita ad eundem potest appellari, tali mandato non obstante : cum per illud non mutetur iurisdicção , & non fiat alicui præiudicium. vt in tex. & c. cum olim. de consuet.

Cap. 13. Irrefragabili.

P R A E L A T I subditos corrigunt, & reformant , appellatione remota.

QUIA appellatio fundata est super grauamine, vt vbi non est grauamen, ibi non debeat esse appellatio. c. vt debitus. de appellat. Et quoniam ille, qui corrigit, non grauatur, nisi modum excedat. c. reprehensibilis. & c. de priore. de appellat. Ideo non potest appellari à correctione prælati, nisi in corrigendo ipse excederet modum. vt in tex. & supr. c. prox. Præterea , fauendum est prælati , vt ad corrigendos subditorum excessus , maxime clericorum, & reformandos mores, prudenter, ac diligenter intendant , ne sanguis eorum de suis manibus requiratur. vt in tex. & c. quamuis. infr. de reg. iur. Et quoniam si in corrigendis excessibus non esset appellationis diffugium interclusum , sæpe delinquentes interponerent appellationem ad subterfugiendam debitam correctionem, & sic remanerent in peccatis. c. cum speciali. de appell. Ideo vt correctionis, & reformationis officium prælati libere valeant exercere, statuitur, vt executionem ipsorum nulla consuetudo, vel appellatio valeat impedire ; nisi formam in talibus exceßerint obseruandam. vt in tex. & supr. c. prox. Si verò superior excederet modum in corrigendo, bene posset appellari. d. c. reprehensibilis, quia ille, qui corrigit vltra modum, grauatur subditum. glof. in c. ad vñstram. de appell.

appell. Qui enim nimis emungit, elicit sanguinem. proverb. cap. 30. Et ubi quis grauat, ibi appellatio est concedenda. d. c. cum speciali. §. porro. & de offic. deleg. c. super. §. verum. Qua autem ratione prælati subditorum excessus corrigere debeant nouissime præscripsit Conc. Trid. sess. 13. de reform. cap. 1.

V E L consuetudine non obstante.

Q V I A consuetudo, per quam dirumpetur neruus ecclesiastica disciplinæ, est potius dicenda corruptela, & vt talis extirpanda. c. cum inter. de consuet. Et quoniam ista consuetudo esset subterfugium ad nutriendum in peccatis, vt dictum est superius. Ideo sub eius prætextu non potest appellatio contra debitam correctionem interponi. vt in tex. & c. cum decorem. de vita, & honest. cler.

S I tamen capitulum consuevit corrigere excessus canonicorum, si intra terminum ab episcopo præfigendum non facit, ipse episcopus hoc faciet.

Q V I A immediatus superior regulariter supplet negligentiam inferioris. supr. c. quanto. Et res facile redit ad naturam suam. c. ab exordio. dist. 35. Et quoniam immediatus superior canonicorum est episcopus. c. nouit. de his, quæ fi. d. præl. & c. nulla. de concess. præb. & ad ipsum de iure communi spectat correctio in diocesi. supr. c. 1. & 11. q. 1. c. de persona. Ideo ex quo per competentem terminum præfixum ab episcopo, conuincitur capitulum de negligentia corrigendi, remouetur impedimentum consuetudinis, & reuertitur iurisdictio ad ipsum episcopum ordinarium, & immediatum superiorem. vt in tex. & Concil. Trid. sess. 24. de reform. cap. 20. Vbi enim lex, vel consuetudo dant in specie alicui iurisditionem, adimendo eam ab ordinario generali, videntur eam illi conferre, in quantum est vigil, & sollicitus in corrigendo, aliis ipse ordinarius potest illam exercere. Abb. hic. & est tex. in c. cæterum. de iudic. vbi patet, quod si dominus feudi est negligens in exercendo iusticiam inter vassallos, ordinarius loci potest supplere. & glof. hic. ver. per capitulum.

§. Cæterum.

S I canonici sine manifesta, & rationabili causa (maxime in contemptum episcopi) cessant à diuinis, episcopus cessationem non seruabit.

Q V I A licet de iure communi, interdicare ecclesiam, siue suspendere, vt in ea cessetur per aliquod tempus à diuinis, non spectat ad solos canonicos, sed ad episcopum cum assensu capituli. c. quæsiuit. de his, quæ fi. d. maior. par. cap. De iure tamen speciali, & ex consuetu-

suetudine potest ad canonicos spectare. c. si canonici. & c. quamuis. eod. in 6. Sed quoniam si talis cessatio fieret sine manifesta, & rationabili causa, & præcipue si fieret in contemptum episcopi, esset contra bonos mores, diminueret cultum diuinum, & grauamen adduceret ecclesijs. d. c. si canonici. Ideo statuitur, vt episcopus cessationem per canonicos indubite inductam non seruet. vt in tex. Si verò subest rationabilis causa, pro qua canonici cessant ab officianda ecclesia, & in ea suspendunt organa sua; tunc non debet episcopus illam cessationem infringere, arg. huius tex. à contrario sensu; quia episcopus debet studere, ne iusta pœna ecclesiastica vilescat. Archid. in d. c. si canonici. & c. vt priuilegia. de priuileg. in 6. Et hodie qualiter debeant fieri istæ cessationes, dic. vt not. in d. c. si canonici. & d. c. quamuis.

E T metropolitanus vice Papæ cognoscat.

QUIA de iure ordinario Archiepiscopus, siue Metropolitanus non potest cognoscere de causa, quam habet Episcopus contra suum subditum, cum Metropolitanus non habeat iurisdictionem in subditos suffraganeorum, nisi per viam appellationis, & in quibusdam casibus exceptis. supr. c. pastoralis. Et quoniam ista causa est criminalis, & criminaliter mota, cum in ea agatur ad pœnam. vt in tex. & Butr. nu. 20. Ideo non possunt eligi arbitri, qui de ea cognoscant. glos. hic. ver. super. sicut fit in causis ciuilibus, quas episcopi habent cum suis clericis. c. si clerici. 11. q. 1. Et quia est causa, in qua esset periculum, si episcopus ipse cognosceret, ne orirentur scandala inter ipsum, & capitulum, præsertim si cessatio fuisset facta in odium episcopi, qui videretur esse iudex, & actor. d. glos. hic. Ideo de ea non debet cognoscere episcopus. vt in tex. Præsertim, cum sit causa grauis, cuius grauitatis respectu deberent ei assistere canonici, iuxta c. episcopus. 15. q. 7. & esset absurdum, vt ipsi assisterent in propria correctione; ne viderentur esse iudices, & rei. d. glos. hic. Ideo cum talis causa non possit cognosci à Metropolitano tanquam ordinario, nec ab aliquo arbitro per episcopum, & capitulum eligendo, nec per ipsum episcopum habentem interesse, & in hoc existentem priuilegium consilio canonicorum; ne desit in prouincia, qui huiusmodi delictum corrigat, per hanc decretalem datur auctoritas metropolitano; vt in tali causa tanquam delegatus Papæ procedat. vt in tex. Quæ delegatio, cum sit facta per viam iuris, non expirat, re integra, morte delegantis. Innoc. hic; sicut expirat illa, quæ datur ab homine. c. gratum. de offic. deleg. nam homo moritur, & eodem modo tum eo extinguitur delegatio, quæ per eius exercitium adhuc non fixa radicem in persona delegati. d. c. gratum. Lex autem nunquam moritur, sed semper loquitur. l. Ariani. C. de hæret. sicut in simili, dispositio facta nomine dignitatis non perit per mortem hominis disponentis, sicut periret, si esset facta nomine proprio. c. si gratis. de rescript. in 6. In alijs vero

verò causis criminalibus, quas habet episcopus contra subditum suum, si subditus notorie excesserit contra episcopum, tunc potest episcopus esse iudex in causa propria in odium ipsius tam temerè delinquentis, & in existimationem episcopalis dignitatis. Innoc. in c. ex parte. de verb. sign. & Abb. in c. cum venissent. de iudic. Si verò delictum non sit notorium, ad prouidendum, ne clericus fortasse innocens damnetur per episcopum indignatum, & ad videndum, ne episcopus fortasse offensus careat iudice contra clericum puniendum; tunc tam per episcopum, si querelatur de clerico, quàm per clericum si sentiat se grauari ab episcopo, est concilium prouinciale adendum. c. si episcopus. il. 1. 1. q. 3. Vel coram Papa omnium ordinario se debent conuenire. c. cuncta. 9. q. 3. Et sic episcopus potest subditum suum criminaliter conuenire coram concilio prouinciali, cui præst Archiepiscopus, non tamen potest illum conuenire coram solo Archiepiscopo. d. c. si Episcopus. & de accus. c. sicut.

§. Prouideant.

PRÆLATVS in impositione pœna, cauere debet à quæstu pecuniæ.

QUIA si prælatus de facili in correctione excessuum, imponeret pœnam pecuniariam, oriretur suspicio, quod correctionem faceret non propter Deum, sed propter quæstum pecuniæ ex propriæ cupiditatis, & avaritiæ radice. c. licet. de pœnis. Et quoniam non solum ab avaritia, quæ est idolorum seruitus. Apost. ad Ephes. cap. 5. Sed etiam à suspitione avaritiæ debent omnes ecclesiastici, præsertim prælati, cauere. c. avaritiæ. de præb. Ideo ne, in impositione pœnæ, prælati de avaritia notentur, illam ad proprium quæstum conuertere non debent. vt in tex. & d. cap. licet. Avaro enim nihil est scelestius; & nihil est iniquius, quam amare pecuniam. Ecclesiastic. cap. 10. Si tamen prælatus videret pecuniariam pœnam magis timeri, quam spiritualem, illam imponere posset; at non debet ipsam conuertere in propriam utilitatem, sed in vsus pios, nisi euidenter indigeret. Host. & Abb. hic. & simile habetur in l. penult. C. de modo multar. vbi dicitur, quod iudex pecuniariam pœnam potest applicare ad opera publica, puta, ad restitutionem murorum, pontium, & similibus; & si specialiter non deputat ad opera publica, sed simpliciter multat, seu condemnat, commodum applicatur fisco, & non ipsi iudici. Et de hac materia vide late per Host. & Io. And. in c. 1. de homicid. in 6.

ET ab omni alio grauamine.

QUIA præceptoris nimia sèuitia, culpæ assignatur. l. præceptoris ff. ad leg. Aquil. Et qui nimis emungit, elicit sanguinem. Prouerb. cap. 30. & scriptum est: Noli esse nimis iustus. Ecclesiast. cap. 7. Leuiter

niter enim castigatus reuerentiam exhibet castiganti, asperitatis autem nimis increpatio, nec increpationem recipit, nec salutem. c. cum beatus. dist. 45. Et quoniam pœna debet esse commensurabilis delicto. c. disciplina. d. dist. 45. Ideo in impositione pœnæ non debet prælatus grauare subditum. vt in tex. & c. r. & tota dist. 45. Vnde ab eo, qui excedit modum in corrigendo, tanquam à grauamen inferente, potest appellari. c. super. §. verum. de officio deleg. Et licet pœnam impositam à lege iudex, absque causa, non possit minuire, vel augere. Abb. in c. de causis. de officio deleg. in dubio tamen potius sunt pœnæ molliendæ, quàm exasperandæ. l. si præses. ff. de pœnis.

Cap. 14. Quoniam.

CVM in ciuitate, vel diœcesi sunt populi diuersarum linguarum, episcopus debet prouidere eis per viros idoneos, qui secundum varietatem linguarum officia eis celebrent, & sacramenta ministrēt.

QUONIAM ad pastorem pertinet inuigilare, ne oves de suo grege pereant. c. tres personas. 23. q. 4. Non enim potest esse pastoris excusatio, si lupus oves comedit, & pastor nescit. c. quamuis. in fr. de reg. iur. & Aug. de pastor. cap. 8. Inquit enim Deus per Ezechielem: Vt pastoribus Israel, qui pascebant semetipsos: Quod infirmum fuit, non consolidastis. & quod ægrotum, non sanastis. cap. 34. Et quoniam episcopus est pastor omnium, qui sunt in sua diœcesi. c. qui episcopatum. 8. q. 1. & supr. hoc tit. c. 1. Episcopus enim dicitur esse in ecclesia, & ecclesia in episcopo, vt si quis cum episcopo non sit, dicatur in ecclesia non esse. c. scire. 7. q. 1. Ideo ad episcopum pertinet prouidere, ne aliqui sint in sua diœcesi, quibus desint ea, quæ requiruntur ad salutem. c. clemens. 8. q. 1. Et quia ipse non potest per se ipsum exercere omnia, quæ pro spiritali administratione subditorum requiruntur. c. fin. de officio archiepiscopi. Ideo debet impartiri suum onus cum diuersis ministris aptis ad quodlibet spirituale officium peragendum. c. mandata. de præsumpt. Et quia oportet eum, qui docet, & instruit animas rudes, esse talem, vt pro ingenio discendum possit aptare semetipsum, & verbi ordinem pro audientis capacitate dirigere. c. oportet. 8. q. 1. Ideo vbi in ciuitate, vel diœcesi sunt populi diuersarum linguarum, habentes sub vna fide varios ritus, & mores, debent episcopi talium locorum eis prouidere viros idoneos, qui secundum diuersitatem rituum, & linguarum, diuina illis officia celebrent, & ecclesiastica sacramenta ministrant, instruendo eos verbo pariter, & exemplo. vt in tex. In his enim, quæ non generant periculum animarum, nec ecclesiasticæ derogant honestati, vnusquisque populus in suis moribus, & ritibus sustinetur. c. cum secundum. de tempor. ordin. & c. fin. de baptis.

ET si vrgens est necessitas, constituet sibi vicarium pontificem illius lingue.

QU^VI^A vbi imminet necessitas, receditur à regulis iuris communis, quibus illa intelligitur non adstringi. c.2. de obseruant. ieiu. Et quoniam vbi parochiani essent Græci, & Episcopus loci esset Latinus, ibi esset necessarius vicarius, qui intelligeret linguam, & ritus Græcos, & qui esset episcopus, vt posset illis Græcis pontificalia exhibere. Butr. hic. nu. 22. Cum Græci à Latinis ordinari non debeant; nec e contra, si in ritu ordinandi sunt diuersi. d. c. cum secundum. Ideo licet regulariter vicarius episcopi non debeat esse alter episcopus, ne in vna diœcesi videantur esse duo capita. c. in apibus. 7. q. 1. Et ne peruertatur ordo ecclesiasticus, vt vnus episcopus sub alio episcopo existat. Clem. in plerisque. de elect. vbi tamen est necessarium, vt vicarius episcopi sit alter episcopus, talem sibi vicarium episcopus loci constituere debet. vt in tex. Sed quia quilibet episcopus, qui habet diœcesim, tenetur in suo episcopatu residere. c. pastoralis. 7. q. 1. Ideo iste vicarius, vel debet creari episcopus de nouo, vel debet assumi de illis episcopis, qui sunt sine administratione episcopatuum, qui vulgariter nullatenenses nuncupantur. Abb. hic.

NON tamen propter hoc eadem diœcesis debet habere duos episcopos.

QU^VI^A tota diœcesis censetur vnum corpus, cuius in spiritualibus caput est episcopus. c. solitæ. de maior. & obed. & c. seire. 7. q. 1. Et quoniam vnum corpus non debet habere diuersa capita, quasi monstrum. vt in tex. & d. c. in apibus. Ideo iste episcopus datus propter diuersitatem rituum, & linguæ, debet esse per omnia obediens, & subiectus episcopo diœcesano, qui eum assumpsit, tanquam eius vicarius. vt in c. ex. & infr. c. prox.

Cap. 15. Inter.

EPISCOPI, qui per se non possunt, tenentur assumere idoneos, qui suppleant suo loco, quo ad predicationes, visitationes, & confessionum auditiones.

QU^VI^A inter cætera, quæ ad salutem spectant populi Christiani, pabulum verbi Dei permixtum sibi noscitur esse necessarium; nam sicut corpus materiali, sic anima spiritali cibo nutritur. vt in tex. eo quod non in solo pane viuic homo, sed in omni verbo; quod procedit de ore Dei. Matth. cap. 4. Et quoniam sæpe contingit, quod episcopi propter occupationes multiplices, vel inuætitudines corporales, aut hostiles incursum, seu occasiones alias (ne dicatur propter defe-

defectum scientiæ, qui in eis reprobatus est omnino, nec ullo pacto tolerandus) per seipſos non ſufficiunt miniſtrare populo verbum Dei, maxime per amplas diœceſes, & effuſas. vt in tex. & c. vt ſingulæ. de offic. archipreſb. Ideo ſancitur, vt epiſcopi viros idoneos ad ſanctæ prædicationis officium ſalubriter exequendū aſſumant, potentes in opere, & ſermone, qui plebes ſibi commiſſas vice ipſorum (cum per ſe iſdem nequuerint) ſolicite viſitantes, eas verbo ædificent, & exemplo; quibus ipſi cum indiguerint, congrue neceſſaria ſubminiſtrent, ne pro neceſſariorum defectu, compellantur deſiſtere ab incepto. vt in tex. & Conc. Trid. ſeſſ. 5. cap. 2. Neceſſaria tamen quo ad victum iſtis, qui viſitant vice epiſcopi, ſunt prouidenda per ipſos viſitados. c. ſi epiſcopus. eod. in 6. Sed in cæteris, qualia eſſent equi, famuli, & veſtitus, tenetur prouidere epiſcopus, qui deputat. vt in tex. & Concil. Trid. ſeſſ. 24. de reſor. cap. 3.

ET vt poſſint Epiſcopi reperire tales, præcipitur in eccleſijs cathedralibus, & collegiatis tales inſtitui.

QUIA bona eccleſiaſtica illis ſunt diſpenſanda, qui pro eccleſia ſunt apti ad elaborandum. c. videntes. 12. q. 1. Et quoniam ſi tales prius non educarentur, cum veniret occaſio illis vtendi, vel non reperirentur, vel non ita prompti haberentur. c. omnis. 12. q. 1. & Conc. Trid. ſeſſ. 23. cap. 18. de reſor. Cum non entis nullæ ſint qualitates. l. eius. ff. ſi cert. pct. Et cum debeant eſſe ſocij conſolationum, qui ſunt paſſionum. Apoſt. 2. ad Corinth. c. 1. Ideo vt tales viri idonei ad coadiuuantium epiſcopum, & ad ſalutem animarum ſic cum cooperandum, poſſint in occaſionibus prompti haberi, præcipitur, vt in eccleſijs cathedralibus, & collegiatis, ab epiſcopis iſti ordinentur. vt in tex. & c. quia. de magiſtr.

Cap. 16. Conquerente.

EPISCOPVS in eccleſijs ſuæ diœceſis debet eſſe contentus iuribus epiſcopalibus.

QUIA ſcriptum eſt de epiſcopis: Paſcite, qui in vobis eſt gregem Dei, prouidentes non coactè, ſed ſpontaneè, ſecundum Deum, neque turpis lucri gratia, ſed voluntarie, neque vt dominantes in clericis, ſed forma facti gregis ex animo. S. Petr. epiſt. 1. cap. 5. Et quoniam aliqui epiſcopi ita grauabant ſubditos, & eccleſias, quod potius exactores, quàm pontifices in eccleſia Dei videbantur. c. quia cognouimus. 101. q. 3. Ideo fuerunt per canones expreſſa, quæ debeat à clericis, vel laicis, epiſcopus in ſua ciuitate, & diœceſi habere. vt in tex. & 10. q. 3. toto tit. vt, per talium præſtationem, epiſcopis ſubſidium, & reuerentiâ; ſubditis, & eccleſijs non nimium grauamen præbeat. c. cum Apoſtolus. de cenſib.

ET quæ sint talia iura episcopalia, hic declaratur.

QU^{VIA} per huiusmodi declarationem præcluditur via in posterum litigandi, vel ad minus lites diminuentur, dum episcopus scit distinctè, quid petere possit, & subditi non ignorant, quid debeant præstare. gloss. 1. & 2. hic. Et quoniam ad superiorem spectat materiam discordiæ amputare. Auth. de mand. princ. §. denum. coll. 3. Et iudex debet primo loco, si potest, partes ad concordiam reuocare. c. fin. de transact. & l. 1. ff. de noui oper. nunc. Ideo vtile fuit hic exprimere, & specificare, quæ iura sint episcopis debita, & quando, & à quibus debeantur. vt in tex. & c. cum inter. de verb. signific. Et præter expressa in hoc tex. vide latius de talibus iuribus. in fr. in c. dilectus. & de præscript. c. de quarta.

Cap. 17. Vt iuxta.

EPISCOPVS visitans monasteria non introducat seculares.

QU^{VIA} indecens est, vt in monasteriorum visitatione intersint seculares, per quos posset in claustro dissolutionis materia provenire. vt in tex. & c. in nona. 16. q. 7. Et quoniam monasteriorum visitatio fit ad monasticæ obseruantiz conseruationem, & reformationem. c. cum olim. de accusat. Ideo ne potius illa dissoluatur, quàm reformatur, in monasteriorum visitatione est de plano, & sine iudiciorum strepitu, & laicorum interuentu, procedendum. vt in tex. & d. c. cum olim. Et quid hodie possint episcopi circa visitandos, & corrigendos monachos, statuit Concil. Trid. sess. 21. de refor. c. 8.

SED duos, aut tres canonicos suos cum aliquibus religiosis, secum introducat.

QU^{VIA} in inquisitione, & reformatione, quales sunt in visitatione, episcopus debet adhibere consilium sui capituli, & illorum, qui in talibus officiis sunt exercitati. c. qualiter il. 2. de accusat. & c. si quid. dist. 86. Sed quoniam in visitatione esset nimis graue monasterijs, & locis visitandis, si omnes canonici cum episcopo ducerentur; & esset in diminutionem diuini cultus ecclesiæ cathedralis, si omnes canonici inde remouerentur. Abb. hic. Ideo statuitur, vt loco capituli sufficiant duo, vel tres canonici in habitu decenti, cum aliquibus alijs religiosis viris, quos episcopus viderit expedire, qui in monasteriorum visitatione cum ipso episcopo introducantur. vt in tex. & in extrauag. commun. cap. 1. eod. tit. Statuitur autem, vt cum eo adsint ad minus duo, vel tres canonici. vt in tex. quia in ore duorum, vel trium, stat omne verbum. Ioan. cap. 8. Et quia non esset decens episcopali dignitati, si absque tali consiliariorum numero episcopus visitaret; præsertim cum aliquando visi-

tetur mo-

ter monasteria, in quibus sunt monachi, episcopo de odio erga ipsum, suspecti. d. extrauag. Et hæc quo ad personas interueniendas cum episcopo in visitatione monasterij virorum; qui verò debeant secum interuenire in visitatione monialium, habetur in Clem. attendentes. de statu monach. Et quas personas debeat habere cum ipso in visitatione capituli ecclesiæ cathedralis, habetur in d. extrauag. com. Et quot possit secum ducere in visitatione reliquarum ecclesiarum diocesis, habetur in c. cum apostolus. de censib. & nouissime in Concil. Trid. sess. 24. de refor. cap. 3.

Cap. 18. Dilectus.

LEX diocesana, & lex iurisdictionis sunt diuersa.

QUIA licet lex diocesana ex lata vocabuli significatione comprehendat etiam ea, quæ sunt iurisdictionis, vt probatur in c. auditis. de præscript. lex tamen diocesana strictè sumpta est species distincta à lege iurisdictionis, ambæ contentæ sub generali lege diocesana. gloss. hic; nam ad legem iurisdictionis pertinent datio curæ animarum, delictorum coercitio, ordinatio ecclesiarum, siue consecratio altarium, & uirginum, confectio chrismatismatis, & generaliter omnium sacramentorum, & ordinum collatio, quæ consistunt in dando, & similia, quæ enumerantur. supr. in c. conquirente. Ad legem uerò diocesanam strictè sumptam spectat vocatio ad synodum, & ad sepulturas mortuorum, cathedralicum, tertia, vel quarta mortuorum, quarta decimarum, & hospitium, & consimilia, quæ consistunt in recipiendo. d. gloss. hic; & gloss. in c. 1. 10. q. 1. A tali lege diocesana strictè sumpta, fauore religionis, ipso iure omnia monasteria sunt exempta. 10. q. 1. c. 1. & q. 3. c. inter cætera; nec ad talia facienda cogi possunt. 18. q. 2. c. quam sit. A lege uerò iurisdictionis non sunt exempta, nisi speciali priuilegio sint munita; sed omnia monasteria, in sua diocesi constituta, sub sunt episcopo quo ad legem iurisdictionis. c. hoc tantum, & c. cognouimus. 18. q. 2. & c. interdicimus. 16. q. 1. Sæculares uerò ecclesiæ subsunt episcopo, quo ad utramque legem. c. de his. & c. antiquos. 10. q. 1. Præstant tamen monasteria episcopo seruitiū ex prima institutione. c. Eleutherius. 18. q. 2. Et etiam ratione visitationis. c. cum ex officij. de præscript. Vel quod debetur ex consuetudine. c. seruitium. 18. q. 2. & c. quæsitum. 1. q. 3. Capellæ uerò monasteriorum, seu regularium, subsunt episcopo quo ad utramque legem, sicut aliæ capellæ diocesis. supr. c. conquirente, & de priuileg. c. cum & plantare. §. in ecclesijs, nisi pleno iure subsint monasterijs, & sint exempta monasteria cum eorum capellis. c. quoniam, & c. ex ore. de priuileg. Vnde ratione capellarum non exemptarum monachi tenentur venire ad Synodum. d. c. ex ore. Sed & Abbas ad synodum, venire tenetur. c. quod super. de maior. & obed. Quod intelligas de eo, qui populum habet, secus de his, qui non habent populum. 18. dist.

palca.

palea. episcopus. & 18. q. 1. c. fin. §. canonica. Et quoniam una species differt ab alia, & qualibet differt à suo genere. Porphyrius in prædicationib. cap. de genere, & cap. de differentia. Ideo, siue lex diœcesana sumatur tanquam genus comprehendens sub se legem diœcesanam specificè sumptam, & legem iurisdictionis, suas species; siue sumatur specificè, & strictè, tanquam una species, semper differt à lege iurisdictionis, quæ est alia species. d. glos. hic. & glos. 10. q. 1. in princ. Sed queritur, quomodo collatio ordinum, consecratio virginum, & ecclesiarum, & alia, quæ sunt ordinis episcopalis, dicantur esse de lege iurisdictionis? Nam non videtur hoc posse procedere; quia si essent iurisdictionis, possent delegari non habenti ordinem episcopalem, & in contrarium est tex. in c. aqua. de consecr. eccl. vel altar. ubi dicitur, quod ista non sunt iurisdictionis, sed ordinis episcopalis. Respondetur, quod effectus istorum sacramentorum procedit ex ordine episcopali, & non ex iurisdictione; unde Legatus Papæ non episcopus non potest ista conferre, quantumcunque habeat iurisdictionem ampliorem episcopo. c. suffraganeis. & c. transmissam. de elect. Sed quatenus ista applicantur ad personam ordinati, sunt iurisdictionis; quia episcopus non potest ordinare nisi illum, in quem habet iurisdictionem; & per eum, qui contrarium facit, licet imprimatur character, quia talis ordinans non caret potestate conferendi, non tamen datur exercitium ordinis. cap. nullus. de paroch. & 9. q. 1. per totum. Immo punitur episcopus, qui ordinat non subditum. c. fin. de tempor. ordin. in 6. Et hoc respectu ista dicuntur de lege iurisdictionis distincta à lege diœcesana. glos. hic. & Innoc. in c. 1. de statu regular. nam propter iurisdictionem, quam episcopus habet in suos subditos, debent ipsi ab eo, & non ab alio episcopo, recipere ista sacramenta, nisi sint exempti. c. veniens. de præsumpt.

V N D E res iudicata in una, non obstat agenti in alia.

QUIA ex diuersis non fit illatio. l. Papinianus. ff. de minor. Et quoniam verba sententiæ sunt strictè intelligenda, ita quod non debent habere illum intellectum, quem ex lata vocabuli significatione, possent habere; sed debent restringi ad illum intellectum, quem possunt habere strictè. Abb. hic. & Anchar. consil. 173. Ideo sententia lata super lege diœcesana, est intelligenda de lege diœcesana strictè sumpta, pro ut est species distincta à lege iurisdictionis; & sic non comprehendit sub se legem iurisdictionis, ut comprehenderet lex diœcesana generaliter sumpta. ut in tex. & glos. 10. q. 1. in princ.

Cap. 19. Graue.

P E R rescriptum, quo Papa mandat ordinario, ut corrigat clericos sua diœcesis, non datur ei iurdictio super exemptos.

Quia

QU^{VIA} per tale mandatum Papa non intendit dare ordinario novam iurisdictionem in præiudicium alterius; sed excitare suam antiquam, ne in ea exercenda ille esset negligens. *supr. c. licet.* Et quoniam ius commune non tollit privilegium. *1. istolam. §. fin. & ibi gl. fi. de servit. rust. præd.* Et per generale mandatum posterius concessum, priori speciali, scilicet privilegio exemptionis, non derogatur, cum de illo in generali mentio non habeatur. *c. 1. de rescript.* Adeo per tale mandatum ordinariæ iurisdictionis excitatum, non ampliatur iurisdictionis episcopi in eos, qui ex iure speciali ab ipso sunt exempti. *vt in tex. & d. c. licet.* Immo etiam propter negligentiam prælati immediati exemptorum, potestas non deuoluitur ad episcopum, cum non sit ordinarius illorum, nec in eos aliquam habet iurisdictionem, sed deuoluitur ad superiorem illius prælati exempti, *vt sic, si abbas exemptus est remissus in corrigendo monachos suos, non fiat deuolutio potestatis ad episcopum, sed recurrendum est ad Papam; si verò non esset abbas exemptus, tunc, data eius negligentia, corrigeret episcopus. gl. hic. ver. corrigere. & c. sicut. de supplen. negl. prælat. & nouissimè vide Concil. Trid. sess. 21. de reformat. c. 5.*

Cap. 20. His, quibus.

ORDINARIUS, cui competit absolueri ab excommunicatione, potest alijs absolutionem demandare.

QU^{VIA} ordinarius loci, & delegatus principis, habent facultatem alteri committendi ea, quæ ipsis competunt facienda. *supr. c. quod sedem. & de offic. deleg. c. pastoralis.* Et quoniam de iure canonico sunt delegabilia tam ea, quæ sunt meri, quàm ea, quæ sunt mixti imperij. *gl. in c. peruenit. dist. 95. excepto vsu pallij. c. ad hoc. de auct. & vsu pall.* Et sicut excommunicatio quandoque est meri, quandoque est mixti imperij. *Abb. hic. ita & absolutio, nam par potestas est in ligando, & in soluendo. c. verbum. de penit. dist. 1.* Ideo illi, qui ordinario iure, vel delegato à principe, possunt absolvere, possunt etiam, cū viderint expedire, committere alteri, *vt absolutio, vt in tex.* Dummodo delegatus habeat iurisdictionem, & non sit ei commissum à principe aut dum ministerium. *c. fin. de offic. deleg. & vide Concil. Trid. sess. 14. cap. 7. de casuum reservat. & sess. 24. de refor. cap. 6.*

appell. Qui enim nimis emungit, elicit sanguinem. prouerb. cap. 30. Et ubi quis granatur, ibi appellatio est concedenda. d. c. cum speciali. §. parrò. & de offic. deleg. c. super. §. verum. Qua autem ratione prælati subditorum excessus corrigere debeant nouissime præscripsit Conc. Trid. sess. 13. de reform. cap. 1.

V E L consuetudine non obstante.

Q V I A consuetudo, per quam dirumperetur neruus ecclesiasticae disciplinæ, est potius dicenda corruptela, & vt talis extirpanda. c. cum inter. de consuet. Et quoniam ista consuetudo esset subterfugium ad nutriendum in peccatis, vt dictum est superius. Ideo sub eius prætextu non potest appellatio contra debitam correctionem interponi. vt in tex. & c. cum decorem. de vita, & honest. cler.

S I tamen capitulum consuevit corrigere excessus canonicorum, si intra terminum ab episcopo præfigendum non facit, ipse episcopus hoc faciet.

Q V I A immediatus superior regulariter supplet negligentiam inferioris. supr. c. quanto. Et res facile redit ad naturam suam. c. ab exordio. dist. 35. Et quoniam immediatus superior canonicorum est episcopus. c. nouit. de his, quæ fi. d. præl. & c. nulla. de concess. præb. & ad ipsum de iure communi spectat correctio in diæcesi. supr. c. 1. & 11. q. 1. c. de persona. Ideo ex quo per competentem terminum præfixum ab episcopo, conuincitur capitulum de negligentia corrigendi, remouetur impedimentum consuetudinis, & reuertitur iurisdictio ad ipsum episcopum ordinarium, & immediatum superiorem. vt in tex. & Concil. Trid. sess. 24. de reform. cap. 20. Vbi enim lex, vel consuetudo dant in specie alicui iurisdictionem, adimendo eam ab ordinario generali, videntur eam illi conferre, in quantum est vigil, & sollicitus in corrigendo, aliàs ipse ordinarius potest illam exercere. Abb. hic. & est tex. in c. cæterum. de iudic. vbi patet, quòd si dominus feudi est negligens in exercendo iustitiam inter vassallos, ordinarius loci potest supplere. & glos. hic. ver. per capitulum.

§. Cæterum.

S I canonici sine manifesta, & rationabili causa (maxime in contemptum episcopi) cessant à diuinis, episcopus cessationem non seruabit.

Q V I A licet de iure communi, interdiceret ecclesiam, siue suspenderet, vt in ea cessetur per aliquod tempus à diuinis, non spectat ad solos canonicos, sed ad episcopum cum assensu capituli. c. quæsiuit. de his, quæ fi. d. maior. par. cap. De iure tamen speciali, & ex consuetu-

fuetudine potest ad canonicos spectare. c. si canonici. & c. quamuis. eod. in 6. Sed quoniam si talis cessatio fieret sine manifesta, & rationabili causa, & præcipue si fieret in contemptum episcopi, esset contra bonos mores, diminueret cultum diuinum, & grauamen adduceret ecclesijs. d. c. si canonici. Ideo statuitur, vt episcopus cessationem per canonicos indebite inductam non seruet. vt in tex. Si verò subest rationabilis causa, pro qua canonici cessant ab officianda ecclesia, & in ea suspendunt organa sua; tunc non debet episcopus illam cessationem infringere, arg. huius tex. à contrario sensu; quia episcopus debet studere, ne iusta pœna ecclesiastica vilescat. Archid. in d. c. si canonici. & c. vt priuilegia. de priuileg. in 6. Et hodie qualiter debeant fieri istæ cessationes, dic, vt not. in d. c. si canonici. & d. c. quamuis.

E T metropolitanus vice Papæ cognoscat.

QUIA de iure ordinario Archiepiscopus, siue Metropolitanus non potest cognoscere de causa, quam habet Episcopus contra suum subditum, cum Metropolitanus non habeat iurisdictionem in subditos suffraganeorum, nisi per viam appellationis, & in quibusdam casibus exceptis. supr. c. pastoralis. Et quoniam ista causa est criminalis, & criminaliter mota, cum in ea agatur ad pœnam. vt in tex. & Butr. nu. 20. Ideo non possunt eligi arbitri, qui de ea cognoscant. glos. hic. ver. super. sicut fit in causis ciuilibus, quas episcopi habent cum suis clericis. c. si clerici. 11. q. 1. Et quia est causa, in qua esset periculum, si episcopus ipse cognosceret, ne orirentur scandala inter ipsum, & capitulum, præsertim si cessatio fuisset facta in odium episcopi, qui videretur esse iudex, & actor. d. glos. hic. Ideo de ea non debet cognoscere episcopus. vt in tex. Præsertim, cum sit causa grauis, cuius grauitatis respectu deberent ei assistere canonici, iuxta c. episcopus. 15. q. 7. & esset absurdum, vt ipsi assisterent in propria correctione; ne viderentur esse iudices, & rei. d. glos. hic. Ideo cum talis causa non possit cognosci à Metropolitano tanquam ordinario, nec ab aliquo arbitro per episcopum, & capitulum eligendo, nec per ipsum episcopum habentem interesse, & in hoc existentem prium consilio canonicorum; ne desit in prouincia, qui huiusmodi delictum corrigit, per hanc decretalem datur auctoritas metropolitano; vt in tali causa tanquam delegatus Papæ procedat. vt in tex. Quæ delegatio, cum sit facta per viam iuris, non expirat, re integrâ morte delegantis. Innoc. hic; sicut expirat illa, quæ datur ab homine. c. gratum. de offic. deleg. nam homo moritur, & eodem modo tum eo extinguitur delegatio, quæ per eius exercitium adhuc non fuit radicem in persona delegati. d. c. gratum. Lex autem nunquam moritur, sed semper loquitur. l. Ariani. C. de hæret. sicut in simili, dispositio facta nomine dignitatis non perit per mortem hominis disponentis, sicut periret, si esset facta nomine proprio. c. si gratiosè. de rescript. in 6. In alijs
verò

verò causis criminalibus, quas habet episcopus contra subditum suum, si subditus notorie excefferit contra episcopum, tunc potest episcopus esse iudex in causa propria in odium ipsius tam temerè delinquentis, & in existimationem episcopalis dignitatis. Innoc. in c. ex parte. de verb. sign. & Abb. in c. cum venissent. de iudic. Si verò delictum non sit notorium, ad prouidendum, ne clericus fortasse innocens damnetur per episcopum indignatum, & ad videndum, ne episcopus fortasse offensus careat iudice contra clericum puniendum; tunc tam per episcopum, si querelatur de clerico, quàm per clericum si sentiat se grauari ab episcopo, est concilium prouinciale ad eundem. c. si episcopus. il. 1. 11. q. 3. Vel coram Papa omnium ordinario se debent conuenire. c. cuncta. 9. q. 3. Et sic episcopus potest subditum suum criminaliter conuenire coram concilio prouinciali, cui præest Archiepiscopus, non tamen potest illum conuenire coràm solo Archiepiscopo. d. c. si Episcopus. & de accus. c. sicut.

§. Prouideant.

PRÆLATVS in impositione pœna, cauere debet à quæstu pecunie.

QUIA si prælatus de facili in correctione excessuum, imponeret pœnam pecuniariam, oriretur suspicio, quod correctionem faceret non propter Deum, sed propter quæstum pecuniæ ex propriæ cupiditatis, & auaritiæ radice. c. licet. de pœnis. Et quoniam non solum ab auaritia, quæ est idolorum seruitus. Apost. ad Ephes. cap. 5. Sed etiam à suspitione auaritiæ debent omnes ecclesiastici, præsertim prælati, cauere. c. auaritiæ. de præb. Ideo ne, in impositione pœnæ, prælati de auaritia notentur, illam ad proprium quæstum conuertere non debent. vt in tex. & d. cap. licet. Auaro enim nihil est scelestius; & nihil est iniquius, quam amare pecuniam. Ecclesiastic. cap. 10. Si tamen prælatus videret pecuniariam pœnam magis timeri, quàm spirituale, illam imponere posset; at non debet ipsam conuertere in propriam utilitatem, sed in vsus pios, nisi euidenter indigeret. Host. & Abb. hic. & simile habetur in l. penult. C. de modo multat. vbi dicitur, quod iudex pecuniariam pœnam potest applicare ad opera publica, puta, ad refectorem, murorum, pontium, & similia; & si specialiter non deputat ad opera publica, sed simpliciter multat, seu condemnat, commodum applicatur fisco, & non ipsi iudici. Et de hac materia vide late per Host. & Io. And. in c. 1. de homicid. in 6.

ET ab omni alio grauamine.

QUIA præceptoris nimia scuitia, culpæ assignatur. l. præceptoris. ff. ad leg. Aquil. Et qui nimis emungit, elicit sanguinem. Prouerb. cap. 30. & scriptum est: Noli esse nimis iustus. Ecclesiast. cap. 7. Leuiter

uiter enim castigatus reuerentiam exhibet castiganti, asperitatis autem nimia increpatione, nec increpationem recipit, nec salutem. c. cum beatus. dist. 45. Et quoniam pœna debet esse commensurabilis delicto. c. disciplina. d. dist. 45. Ideo in impositione pœnæ non debet prælatus grauare subditum. vt in tex. & c. 1. & tota dist. 45. Vnde ab eo, qui excedit modum in corrigendo, tanquam à grauamen inferente, potest appellari. c. super. §. verum. de offic. deleg. Et licet pœnam impositam à lege iudex, absque causa, non possit minuere, vel augere. Abb. in c. de causis. de offic. deleg. in dubio tamen potius sunt pœnæ molliendæ, quàm exasperandæ. l. si præses. ff. de pœnis.

Cap. 14. Quoniam.

CV M in ciuitate, vel diœcesi sunt populi diuersarum linguarum, episcopus debet prouidere eis per viros idoneos, qui secundum varietatem linguarum officia eis celebrent, & sacramenta ministrēt.

QU I A ad pastorem pertinet inuigilare, ne oues de suo grege pereant. c. tres personas. 23. q. 4. Non enim potest esse pastoris excusatio, si lupus oues comedit, & pastor nescit. c. quamuis. infr. de reg. iur. & Aug. de pastor. cap. 8. Inquit enim Deus per Ezechielem: Væ pastoribus Israel, qui pascebant semetipsos: Quod infirmum fuit, non consolidastis. & quod ægrotum, non sanastis. cap. 34. Et quoniam episcopus est pastor omnium, qui sunt in sua diœcesi. c. qui episcopatum. 8. q. 1. & supr. hoc tit. c. 1. Episcopus enim dicitur esse in ecclesia, & ecclesia in episcopo, vt si quis cum episcopo non sit, dicatur in ecclesia non esse. c. scire. 7. q. 1. Ideo ad episcopum pertinet prouidere, ne aliqui sint in sua diœcesi, quibus desint ea, quæ requiruntur ad salutem. c. clemens. 8. q. 1. Et quia ipse non potest per se ipsum exercere omnia, quæ pro spiritali administratione subditorum requiruntur. c. fin. de offic. archiepiscop. Ideo debet impartiri suum onus cum diuersis ministris aptis ad quodlibet spirituale officium peragendum. c. mandata. de præsumpt. Et quia oportet eum, qui docet, & instruit animas rudes, esse talem, vt pro ingenio discipulum possit aptare semetipsum, & verbi ordinem pro audientis capacitate dirigere. c. oportet. 8. q. 1. Ideo vbi in ciuitate, vel diœcesi sunt populi diuersarum linguarum, habentes sub vna fide varios ritus, & mores, debent episcopi talium locorum eis prouidere viros idoneos, qui secundum diuersitatem rituum, & linguarum, diuina illis officia celebrent, & ecclesiastica sacramenta ministrant, instruendo eos verbo pariter, & exemplo. vt in tex. In his enim, quæ non generant periculum animarum, nec ecclesiasticæ derogant honestati, vnusquisque populus in suis moribus, & ritibus sustinetur. c. cum secundum. de tempor. ordin. & c. fin. de baptism.

ET si vrgens est necessitas, constituet sibi vicarium pontificem illius lingua.

QU^{IA} vbi imminet necessitas, receditur à regulis iuris communis, quibus illa intelligitur non adstringi. c. 2. de obseruant. ieiun. Et quoniam vbi parochiani essent Græci, & Episcopus loci esset Latinus, ibi esset necessarius vicarius, qui intelligeret linguam, & ritus Græcos, & qui esset episcopus, vt posset illis Græcis pontificalia exhibere. Butr. hic. nu. 22. Cum Græci à Latinis ordinari non debeant, nec e contra, si in ritu ordinandi sunt diuersi. d. c. cum secundum. Ideo licet regulariter vicarius episcopi non debeat esse alter episcopus, ne in vna diœcesi videantur esse duo capita. c. in apibus. 7. q. 1. Et ne peruertatur ordo ecclesiasticus, vt vnus episcopus sub alio episcopo existat. Clem. in plerisque. de elect. vbi tamen est necessarium, vt vicarius episcopi sit alter episcopus, talem sibi vicarium episcopus loci constituere debet. vt in tex. Sed quia quilibet episcopus, qui habet diœcesim, tenetur in suo episcopatu residere. c. pastoralis. 7. q. 1. Ideo iste vicarius, vel debet creari episcopus de nouo, vel debet assumi de illis episcopis, qui sunt sine administratione episcopatum, qui vulgariter nullatenenses nuncupantur. Abb. hic.

NON tamen propter hoc eadem diœcesis debet habere duos episcopos.

QU^{IA} tota diœcesis censetur vnum corpus, cuius in spiritualibus caput est episcopus. c. solitz. de maior. & obed. & c. scire. 7. q. 1. Et quoniam vnum corpus non debet habere diuersa capita, quasi monstrum. vt in tex. & d. c. in apibus. Ideo iste episcopus datus propter diuersitatem rituum, & linguarum, debet esse per omnia obediens, & subiectus episcopo diœcesano, qui eum assumpsit, tanquam eius vicarius. vt in ex. & infr. c. prox.

Cap. 15. Inter.

EPISCOPI, qui per se non possunt, tenentur assumere idoneos, qui suppleant suo loco, quo ad predicationes, visitationes, & confessionum auditiones.

QU^{IA} inter cætera, quæ ad salutem spectant populi Christiani, pabulum verbi Dei permaximè sibi noscitur esse necessarium; nam sicut corpus materiali, sic anima spirituali cibo nutritur. vt in tex. eo quod non in solo pane viuunt, sed in omni verbo; quod procedit de ore Dei. Matth. cap. 4. Et quoniam sæpe contingit, quod episcopi propter occupationes multiplices, vel inuætitudines corporales, aut hostiles incursum, seu occasiones alias (ne dicatur propter

defectum scientiæ, qui in eis reprobatus est omnino, nec villo pacto tolerandus) per seipsos non sufficiunt ministrare populo verbum Dei, maxime per amplas diœceses, & effusas. vt in tex. & c. vt singulæ. de offic. archipresb. Ideo sancitur, vt episcopi viros idoneos ad sanctæ prædicationis officium salubriter exequendū assument, potentes in opere, & sermone, qui plebes sibi commissas vice ipsorum (cum per se iidem nequiverint) sollicitè visitantes, eas verbo ædificent, & exemplo; quibus ipsi cum indigerint, congrue necessaria subministrant, ne pro necessariorum defectu, compellantur desistere ab incepto. vt in tex. & Conc. Trid. sess. 5. cap. 2. Necessaria tamen quo ad victum istis, qui visitant vice episcopi, sunt providenda per ipsos visitatos. c. si episcopus. eod. in 6. Sed in cæteris, qualia essent equi, famuli, & vestitus, tenetur providere episcopus, qui deputat. vt in tex. & Concil. Trid. sess. 24. de refor. cap. 3.

ET vt possint Episcopi reperire tales, præcipitur in ecclesijs cathedralibus, & collegiatis tales institui.

QUIA bona ecclesiastica illis sunt dispensanda, qui pro ecclesia sunt apti ad elaborandum. c. videntes. 12. q. 1. Et quoniam si tales prius non educarentur, cum veniret occasio illis vtendi, vel non reperirentur, vel non ita prompti haberentur. c. omnis. 12. q. 1. & Conc. Trid. sess. 23. cap. 18. de refor. Cum non entis nullæ sint qualitates. l. eius. ff. si cert. pet. Et cum debeant esse socij consolationum, qui sunt passionum. Apost. 2. ad Corinth. c. 1. Ideo vt tales viri idonei ad coadiuvandum episcopum, & ad salutem animarum si cum cooperandum, possint in occasionibus prompti haberi, præcipitur, vt in ecclesijs cathedralibus, & collegiatis, ab episcopis isti ordinentur. vt in tex. & c. quia. de magistr.

Cap. 16. Conquerente.

EPISCOPVS in ecclesijs suæ diœcesis debet esse contentus iuribus episcopalibus.

QUIA scriptum est de episcopis: Pascite, qui in vobis est gregem Dei, providentes non coactè, sed spontaneè, secundum Deum, neque turpis lucris gratia, sed voluntarie, neque vt dominantes in clericis, sed forma facti gregis ex animo. S. Petr. epist. 1. cap. 5. Et quoniam aliqui episcopi ita grauabant subditos, & ecclesias, quod potius exactores, quàm pontifices in ecclesia Dei videbantur. c. quia cognouimus. 10. q. 3. Ideo fuerunt per canones expressa, quæ debeat à clericis, vel laicis, episcopus in sua ciuitate, & diœcesi habere. vt in tex. & 10. q. 3. toto tit. vt, per talium præstationem, episcopis subsidium, & reuerentiâ; & subditis, & ecclesijs non nimium grauamen præbeatur. c. cum Apostolus. de censib.

ET quæ sint talia iura episcopalia, hic declaratur.

QU^{IA} per huiusmodi declarationem præcluditur via in posterum litigandi, vel ad minus lites diminuentur, dum episcopus scit distinctè, quid petere possit, & subditi non ignorant, quid debeant præstare. gloss. 1. & 2. hic. Et quoniam ad superiorem spectat materiam discordiæ amputare. Auth. de mand. princ. §. denum. coll. 3. Et iudex debet primo loco, si potest, partes ad concordiam revocare. c. fin. de transact. & l. 1. ff. de noui oper. nunc. Ideo utile fuit hic exprimere, & specificare, quæ iura sint episcopis debita, & quando, & à quibus debeantur. vt in tex. & c. cum inter. de verb. signific. Et præter expressa in hoc tex. vide latius de talibus iuribus. intr. in c. dilectus. & de præscript. c. de quarta.

Cap. 17. Vt iuxta.

EPISCOPVS visitans monasteria non introducat saculares.

QU^{IA} indecens est, vt in monasteriorum visitatione intersint seculares, per quos posset in claustro dissolutionis materia prouenire. vt in tex. & c. in nona. 16. q. 7. Et quoniam monasteriorum visitatio fit ad monasticæ obseruantie conseruationem, & reformationem. c. cum olim. de accusat. Ideo ne potius illa dissoluatur, quam reformetur, in monasteriorum visitatione est de plano, & sine iudiciorum strepitu, & laicorum interuentu, procedendum. vt in tex. & d. c. cum olim. Et quid hodie possint episcopi circa visitandos, & corrigendos monachos, statuit Concil. Trid. sess. 21. de refor. c. 8.

S E D duos, aut tres canonicos suos cum aliquibus religiosis, secum introducat.

QU^{IA} in inquisitione, & reformatione, quales sunt in visitatione, episcopus debet adhibere consilium sui capituli, & illorum, qui in talibus officiis sunt exercitati. c. qualiter il. de accusat. & c. si quid. dist. 86. Sed quoniam in visitatione esset nimis graue monasterijs, & locis visitandis, si omnes canonici cum episcopo ducerentur; & esset in diminutionem diuini cultus ecclesiæ cathedralis, si omnes canonici inde remouerentur. Abb. hic. Ideo statuitur, vt loco capituli sufficiant duo, vel tres canonici in habitu decenti, cum aliquibus alijs religiosis viris, quos episcopus viderit expedire, qui in monasteriorum visitatione cum ipso episcopo introducantur. vt in tex. & in extrauag. commun. cap. 1. cod. tit. Statuitur autem, vt cum eo adsint ad minus duo, vel tres canonici. vt in tex. quia in ore duorum, vel trium, stat omne verbum. Ioan. cap. 8. Et quia non esset decens episcopali dignitati, si absque tali consiliariorum numero episcopus visitaret; præsertim cum aliquando visi-

ret me-

ter monasteria, in quibus sunt monachi, episcopo de odio erga ipsum, suspecti. d. extrauag. Et hæc quo ad personas interueniendas cum episcopo in visitatione monasterij virorum; qui verò debeant secum interuenire in visitatione monialium, habetur in Clem. attendentes. de statu monach. Et quas personas debeat habere cum ipso in visitatione capituli ecclesiæ cathedralis, habetur in d. extrauag. com. Et quot possit secum ducere in visitatione reliquarum ecclesiarum diocesis, habetur in c. cum apostolus. de censib. & nouissime in Concil. Trid. sess. 24. de re, for. cap. 3.

Cap. 18. Dilectus.

LEX diocesana, & lex iurisdictionis sunt diuersa.

QUIA licet lex diocesana ex lata vocabuli significatione comprehendat etiam ea, quæ sunt iurisdictionis, vt probatur in c. auditis. de præscript. lex tamen diocesana strictè sumpta est species distincta à lege iurisdictionis, ambæ contentæ sub generali lege diocesana. glos. hic; nam ad legem iurisdictionis pertinent datio curæ animarum, delictorum coercitio, ordinatio ecclesiarum, siue consecratio altarium, & uirginum, confectio chrismatis, & generaliter omnium sacramentorum, & ordinum collatio, quæ consistunt in dando, & similia, quæ enumerantur. supr. in c. conquerente. Ad legem uerò diocesanam strictè sumptam spectat vocatio ad synodum, & ad sepulturas mortuorum, cathedralicum, tertia, vel quarta mortuorum, quarta decimarum, & hospitium, & consimilia, quæ consistunt in recipiendo. d. glos. hic; & glos. in c. 1. 10. q. 1. A tali lege diocesana strictè sumpta, fauore religionis, ipso iure omnia monasteria sunt exempta. 10. q. 1. c. 1. & q. 3. c. inter cætera; nec ad talia facienda cogi possunt. 18. q. 2. c. quam sit. A lege uerò iurisdictionis non sunt exempta, nisi speciali priuilegio sint munita; sed omnia monasteria, in sua diocesi constituta, subsunt episcopo quo ad legem iurisdictionis. c. hoc tantum, & c. cognouimus. 18. q. 2. & c. interdicimus. 16. q. 1. Sæculares uerò ecclesiæ subsunt episcopo, quo ad utramque legem. c. de his. & c. antiquos. 10. q. 1. Præstant tamen monasteria episcopo seruitiū ex prima institutione. c. Eleutherius. 18. q. 2. Et etiam ratione visitationis. c. cum ex officij. de præscript. Vel quod debetur ex consuetudine. c. seruitium. 18. q. 2. & c. quæ situm. 1. q. 3. Capellæ uerò monasteriorum, seu regularium, subsunt episcopo quo ad utramque legem, sicut aliæ capellæ diocesis. supr. c. conquerente, & de priuil. c. cum & plantare. §. in ecclesijs, nisi plene iure subsint monasterijs, & sint exempta monasteria cum eorum capellis. c. quoniam, & c. ex ore. de priuil. Vnde ratione capellarum non exemptarum monachi tenentur venire ad Synodum. d. c. ex ore. Sed & Abbas ad synodum, venire tenetur. c. quod super. de maior. & obed. Quod intelligas de eo, qui populum habet, secus de his, qui non habent populum. 18. dist.

palca.

palea. episcopus. & 18. q. 2. c. fin. §. canonica. Et quoniam vna species differt ab alia, & qualibet differt à suo genere. Porphyrius in prædicationibus. cap. de genere, & cap. de differentia. Ideo, siue lex diœcesana sumatur tanquam genus comprehendens sub se legem diœcesanam specificè sumptam, & legem iurisdictionis, suas species; siue sumatur specificè, & strictè, tanquam vna species, semper differt à lege iurisdictionis, quæ est alia species. d. glos. hic. & glos. 10. q. 1. in princ. Sed queritur, quomodo collatio ordinum, consecratio virginum, & ecclesiarum, & alia, quæ sunt ordinis episcopalis, dicantur esse de lege iurisdictionis? Nam non videtur hoc posse procedere; quia si essent iurisdictionis, possent delegari non habenti ordinem episcopalem, & in contrarium est tex. in c. aqua. de consecr. eccl. vel altar. vbi dicitur, quod ista non sunt iurisdictionis, sed ordinis episcopalis. Respondetur, quod effectus istorum sacramentorum procedit ex ordine episcopali, & non ex iurisdictione; vnde Legatus Papæ non episcopus non potest ista conferre, quantumcunque habeat iurisdictionem ampliorem episcopo. c. suffraganeis. & c. transmissam. de elect. Sed quatenus ista applicantur ad personam ordinati, sunt iurisdictionis; quia episcopus non potest ordinare nisi illum, in quem habet iurisdictionem; & per eum, qui contrarium facit, licet imprimatur character, quia talis ordinans non caret potestate conferendi, non tamen datur exercitium ordinis. cap. nullus. de paroch. & 9. q. 2. per totum. Immo punitur episcopus, qui ordinat non subditum. c. fin. de tempor. ordin. in 6. Et hoc respectu ista dicuntur de lege iurisdictionis distincta à lege diœcesana. glos. hic. & Innoc. in c. 1. de statu regular. nam propter iurisdictionem, quam episcopus habet in suos subditos, debent ipsi ab eo, & non ab alio episcopo, recipere ista sacramenta, nisi sint exempti. c. veniens. de præsumpt.

V N D E res iudicata in vna, non obstat agenti in alia.

QUIA ex diuersis non fit illatio. l. Papinianus. ff. de minor. Et quoniam verba sententiæ sunt strictè intelligenda, ita quod non debent habere illum intellectum, quem ex lata vocabuli significatione, possent habere; sed debent restringi ad illum intellectum, quem possunt habere strictè. Abb. hic, & Anchar. consil. 173. Ideo sententia lata super lege diœcesana, est intelligenda de lege diœcesana strictè sumpta, pro vt est species distincta à lege iurisdictionis; & sic non comprehendit sub se legem iurisdictionis, vt comprehenderet lex diœcesana generaliter sumpta. vt in tex. & glos. 10. q. 1. in princ.

Cap. 19. Graue.

P E R rescriptum, quo Papa mandat ordinario, vt corrigat clericos sua diœcesis, non datur ei iurdictio super exemptos.

Quia

QUAM per tale mandatum Papa non intendit dare ordinario novam iurisdictionem in præiudicium alterius; sed excitare suam antiquam, ne in ea exercenda ille esset negligens. *supr. c. licet.* Et quoniam ius commune non tollit privilegium. *1. h. i. fol. 9. fin. & ibi gl. fi. de servit. rust. præd.* Et per generale mandatum posterius concessum, priori speciali, scilicet privilegio exemptionis, non derogatur, cum de illo in generali mentio non habeatur. *c. 1. de rescript.* Adeo per tale mandatum ordinariæ iurisdictionis excoitativum, non ampliatur iurisdictioni episcopi in eos, qui ex iure speciali ab ipso sunt exempti, ut in *tex. & d. c. licet.* Immo etiam propter negligentiam prælati immediati exemptorum, potestas non devoluitur ad episcopum, cum non sit ordinarius illorum, nec in eos aliquam habet iurisdictionem, sed devoluitur ad superiorem illius prælati exempti, ut sic, si abbas exemptus est remissus in corrigendo monachos suos, non fiat devolutio potestatis ad episcopum, sed recurrendum est ad Papam; si verò non esset abbas exemptus, tunc, data eius negligentia, corrigeret episcopus. *gl. hic. ver. corrigere. & c. sicut. de supplen. negl. prælat. & nouissimè vide Concil. Trid. sess. 21. de reformat. c. 8.*

Cap. 20. His, quibus.

ORDINARIUS, cui competit absolovere ab excommunicatione, potest alij absolutionem demandare.

QUAM ordinarius loci, & delegatus principis, habent facultatem alteri committendi ea, quæ ipsis competunt facienda. *supr. c. quod sedem. & de offic. deleg. c. pastoralis.* Et quoniam de iure canonico sunt delegabilia tam ea, quæ sunt meri, quàm ea, quæ sunt mixti imperij. *gl. in c. peruenit. dist. 95. excepto vsu pallij. c. ad hoc. de auct. & vsu pall.* Et sicut excommunicatio quandoque est meri, quandoque est mixti imperij. *Abb. hic. ita & absolutio, nam par potestas est in ligando, & in soluendo. c. verbum. de penit. dist. 1.* Ideo illi, qui ordinario iure, vel delegato à principe, possunt absolovere, possunt etiam, cū viderint expedire, committere alteri, ut absoluat. ut in *tex.* Dummodo delegatus habeat iurisdictionem, & non sit ei commissum à principe aut dum ministerium. *c. fin. de offic. deleg. & vide Concil. Trid. sess. 14. cap. 7. de casuum reservat. & sess. 24. de reformat. cap. 6.*

In Sexto. Cap. I. Romana.

ARCHIEPISCOPVS non potest sibi constituere officiales in diocesisbus suffraganeorum suorum.



QUIA Metropolitanis, ne suorum suffraganeorum ingrediantur dioceses, vt in eis auctoritate propria iudicent, disponant, aliquidue aliud agant, canonica prohibent instituta. vt in tex. & extr. c. pastoralis. Et quoniam qui non potest per se gerere actum, non potest etiam per interpositam personam. c. sicut. dist. 46. & ff. de admi. re. ad ciui. pert. l. 2. §. 1. Ideo sicut Archiepiscopus non potest per seipsum in istis diocesisbus talia facere, ita non potest illa per suos officiales exercere. vt in tex. & glos. in c. episcopus gubernationem. dist. 87. Si enim Archiepiscopus hoc permetteretur, esset nimis perturbatio iurisdictionis episcopalis, cum semper esset prompta contentio inter istos officiales, & episcopum diocesis. Innoc. hic.

ET IAM pro futuris causis per appellationem deuoluendis ad ipsum.

QUIA tractus futuri temporis non spectat ad iudicem. l. 1. ff. de vsur. Et hac ratione rescripta non conceduntur super futuris cōtrouerisijs. c. fin. extr. de rescript. Et quoniam nemo dat, quod non habet. c. Daibertum. 1. q. 7. Ideo cum in causis, in quibus non dum extitit appellatum, Archiepiscopus non habeat iurisdictionem actu, sed solo habitu. d. c. pastoralis. ante existentem appellationem, illas alteri committere non potest. vt in tex. & c. quod autem. extr. de iurepatr.

NISI de consuetudine hoc habeat.

QUIA consuetudo rationalis, & praescripta praeiudicat iuri positivo. c. fin. extr. de consuet. Et quoniam illa potest dare iurisdictionem etiam priuatae personae. c. dilecti. extr. de arbitr. & c. cum contingat. de for. compet. Ideo fortius potest prorogare iurisdictionem Archiepiscopi, vt possit in diocesi sui suffraganei officiales constituere. vt in tex. & c. conquestus. 9. q. 3. Cum in quibusdam casibus iam ipse habeat iurisdictionem in tali diocesi. d. c. pastoralis. Appellatione autem consuetudinis, in dubio intelligitur de praescripta. glos. hic. ver. consuetudine. & Gemin. §. non sic. num. 4.

ET tunc etiam tales officiales inhibere non possunt, priusquam fuerit appellatum.

Quia

Q V I A talis consuetudo dat iurisdictionem Archiepiscopo, vt ante appellationem possit huiusmodi officiales cōstituere, qui post appellationem cognoscant, non autem quod possit eos sic constituere, vt ante appellationem in causa se ingerant, cum nec ipsemet Archiepiscopus tunc possit causam cognoscere. Gemin. hic. nu. 2. Et quoniam si aliquis Archiepiscopus prætenderet sub prætextu alicuius consuetudinis constituere tales, qui possent cognoscere etiam ante appellationem, illa esset irrationabilis, & nimium præiudicialis episcopo. Innoc. hic. nu. 1. & Archid. ver. inhibemus. Ideo prohibetur, vt ante appellationem, sub quouis consuetudinis prætextu, tales officiales cognoscere non possint. vt in tex. Ne plus possit Archiepiscopus per alium, quàm possit per seipsum. c. potest quis. infr. de reg. iur.

§. Officiales.

D O N E C Archiepiscopus de facili potest haberi, officialis eius suffraganeum excommunicare, suspendere, aut interdicere non potest.

Q V I A pontificali dignitate præditis, ob reuerentiam sacri officij, quod exercent, plurimum conuenit deferri, & eos plus alijs decet honorari. c. 2. supr. de offic. deleg. Et quoniam plus deferitur dignitati episcopali, si suffraganeus delinquens puniatur per Archiepiscopum, qui ratione propriæ dignitatis est eius superior, quam si puniatur per officialem, qui episcopo est inferior dignitate, licet in officio, quod pro Archiepiscopo exercet, sit ei superior. gloss. hic. ver. non attentent. Ideo ad deferendum episcopali dignitati, præcipitur, ne officialis Archiepiscopi proferat in suffraganeum aliquam pœnam, dum per ipsummet Archiepiscopum potest in illum eiusdem pœnæ sententia proferri. vt in tex. & d. c. 2. de offi. deleg.

Cap. 2. Si canonici.

C A N O N I C I, qui à diuinis cessare possunt consuetudine, vel alio iure, si cessare volunt, causam suæ cessationis exprimant in instrumento publico, vel patentibus litteris suo, vel alio authentico sigillo munitis.

Q V I A talis cessatio non est faciendâ sine manifesta, & rationabili causa. extr. c. irrefragabili. §. cæterum. Et super ea debet interuenire tractatus, & seruari forma tradita, infr. in c. quamuis. non enim pro pensione subtrahita, vel pro alia minima offensa debet fieri, sed propter grauem iniuriam, puta, si fiant statuta contra libertatem ecclesiasticam, vel si ponantur talliæ, aut collectæ clericis, vel si detineatur clericus, aut alia persona ecclesiastica per secularem ballium, & his similia. gloss. hic. ver. causa. Et quoniam ista non bene possent probari sine authentica-

scriptura, in qua appareat, an talis causa interuenerit, & an tractatus cessandi fuerit seruatus. vt in tex. & ci. vt circa. supr. de elect. Ideo si canonici ex iure speciali habeant hanc facultatem cessandi, (cum de iure communi non competat eis, sed episcopo. d. c. irrefragabili) debent per scripturam authenticam in vno de prædictis modis facere de tali legitima cessatione constare. vt in tex. & infr. d. c. quamuis.

ET exhibeant illud, vel illas illi, contra quem cessant.

QUIA si causa cessandi, quam canonici expresserint, non fuerit inuenta canonica, præter alias pœnas per ipsos incurrendas, tenentur ei, contra quem cessauerint, de damnis, & iniurijs satisfacere; si autem causa fuerit canonica iudicata, is, qui occasionem cessationi dedit, ad omne interesse dictis canonicis, & ecclesiæ, cui debitum officium, eius culpa, fuit subtractum, ad certam quantitatem taxandam, & in diuini cultus augmentum conuertendam, superioris arbitrio condemnatur. vt in tex. & d. c. quamuis. Et quoniam in omni actu, in quo vertitur interesse partis, est regulariter ei citatio facienda. c. qualiter il. 2. extr. de accusat. & l. de vnoquoque. ff. de re iudic. Et hæc exhibitio scripturæ cessationis parti facienda, est quasi quædam requisitio ei facta, vt possit deliberare super satisfactione capitulo impendenda. Archid. hic. Ideo canonici volentes à diuinis cessare, debent conficere, duo instrumenta, seu scripturas authenticas, primam, in qua exprimant causam cessationis; secundam, de exhibitione, & assignatione illius instrumenti facta ei, contra quem cessare proponunt. Durand. hic nu. 22. An autem causa cessandi fuerit legitima, erit arbitrio iudicis discernenda. Archid. hic, & not. infr. in d. c. quamuis.

HOC prætermisso, vel expressa causa non inuenta legitima, quicquid medio tempore perceperint ab ecclesia, restituant.

QUIA beneficium datur propter officium. c. extirpanda. dist. 81. vt qui altario deseruiunt, de altario viuunt. Apost. 1. ad Corinth. cap. 9. Et quoniam canonici, qui cessauerunt sine his requisitis, censentur ex eorum culpa indebite à diuinis cessasse, & ecclesiam solitis defraudarunt officijs. glos. hic. ver. tenebuntur. Ideo cum non præstiterint ecclesiæ seruitia, propter quæ eis fructus assignantur, de illis viuere non debent, & ad restitutionem tenentur. vt in tex. & infr. c. quamuis. Et quia vbi clericus ex sua culpa priuatur fructibus ecclesiæ, illi debent conuerti ad eiusdem ecclesiæ vtilitatem, cui debitum obsequium est subtractum. c. penult. extr. de cleric. non resid. Restitutio enim est facienda ei, cui res aufertur. c. cum tu. extr. de vsur. Ideo tales fructus sunt conuertendi in diuini cultus augmentum, arbitrio superioris, in eadem ecclesia, à qua fuit indebite cessatum. vt in tex. & d. c. quamuis.

ET

ET quæ percipere debent, non percipiant.

QU^VIA qui admittitur ad agendum, multo magis est admittendus ad excipiendum. l. 1. §. quod ait. ff. de superfici. Et quoniam contra istos canonicos datur actio ecclesiæ ad repetendum fructus per eos male perceptos tempore, quo indebite in ea cessarunt à diuinis, vt dictum est superius. Ideo multo magis eidem ecclesiæ competit exceptio ad non soluendum eis fructus non perceptos. vt in tex. & c. qui ad agendum. infr. de reg. iur.

ET satisfaciant de iniurijs illi, contra quem cessant.

QU^VIA iniuria alicui illata, loco rei sibi ablata computatur. Institut. de iniur. §. pæna. Et quoniam res ablata est restituenda proprio domino. c. cum tu. extr. de vsur. Ideo ei, contra quem iniuste cessarunt, canonici de damnis, & iniurijs satisfacere debent. vt in tex. Et quoniam secundum cuiusque dignitatis gradum, vitæque honestatem, crescit, aut minuitur iniuriæ æstimatio. d. §. pæna. Ideo ille, contra quem cessatum est, æstimabit iniuriam hoc modo; potius voluisset cenrum, vel similia, perdidisse de meo, quàm hanc iniuriam pati, & iudex postea taxabit quantitatem, scilicet quanti, consideratis circumstantijs, sibi videbitur iniuria æstimanda, & deinde faciet iurare partem, vt declaret, se noluisse pro ista quantitate sic taxata, illam sustinuisse iniuriam, & postea iudex condemnabit iniuriantem in illa quantitate. glos. hic ver. damnis. & Gemin. in §. scituri.

CAVSA legitima inuenta, tenetur ille ad interesse canonicis, & ad certam quantitatem ecclesiæ, superioris taxandam arbitrio.

QU^VIA qui occasionem damni dat, damnum dedisse videtur. c. fin. extr. de iniur. Et quoniam qui occasionem iustæ cessationi dedit, fuit in culpa, vt canonici perderent fortasse eleemosinas, & alia emolumenta, & quodd ecclesiæ debitum officium subtraheretur. vt in tex. Et qui damnum dat, debet parti rescire interesse. l. qui repertorium. §. si tutor. ff. de administ. tutor. Ideo is, qui dedit causam iustæ cessationi, debet condemnari canonicis ad omne interesse, quod sunt passi, & ecclesiæ debet condemnari ad certam quantitatem superioris arbitrio taxandam, vt conuertatur in futurum ad diuini cultus augmentum in recompensationem præteriti seruitij, & officij culpa illius ei subtracti. vt in tex. & glos. ver. damnis.

ET reprobatur consuetudo, qua imagines sanctorum in dicta cessatione spinis, & vrticis supponebantur.

QU^VIA sacras imagines propter reuerentiam illorum, quos imago figurat, honorare, & venerari debemus; non quod credatur in-

esse aliqua in ijs diuinitas, vel virtus, propter quam sint colendæ, vel quod ab eis sit aliquid petendum, vel quoddam fiducia in imaginibus sit figenda, veluti olim fiebat à Gentibus, quæ in idolis spem suam colloca-
bant; sed quoniam honos, qui eis exhibetur, refertur ad prototypa, quæ illæ repræsentant, ita vt per imagines, quas osculamur, & coram quibus caput aperimus, & procumbimus, Christum adoremus, & Sanctos, quorum illæ similitudinem gerunt, veneremur. cap. venerabiles. de consecrat. distinct. 3. & Concil. Trid. sess. 25. de inuocat. & venerat. sanctor. Et quoniam tractare imagines Sanctorum irreuerenti ausu est detestabilis error horrendæ indeuotionis. vt in tex. & c. perlatum. d. dist. 3. Ideo omnino prohibetur, & reprobat abusus proster-
nendi per terram imagines Sanctorum in aggrauationem cessationis à diuinis. vt in tex. sicut ob eandem causam signum Saluatoris in solo, aut silice, vel marmoribus humi positum, sculperem, vel pingere nõ licet. l. vnica. C. nemini lice. sign. Saluat. & vide S. Tho. 2. 2. q. 84. art. 1.

ET contrarium facientes, sunt grauiter puniendi.

QUIA pœna est imponenda delinquentibus, tum vt castigetur eorum præterita culpa. c. disciplina. dist. 45. tum, vt in futurum is, qui fuit culpa stultus, fiat pœna sapiens. c. qui ea. dist. 38. tum, vt pœna vnus sit metus aliorum. c. qua propter. 2. q. 7. Et quoniam sic indecenter pertractare sacras imagines, erat abusus penitus detestandus. vt in tex. Ideo in eos, qui talia perpetrauerint, debet ferri vltrix, & dura sententia, quæ delinquentes sic puniat grauiter, quod alios à similibus præsumptione compescat. vt in tex. & Ioan. de Anania in c. 2. extr. de maledicis.

Cap. 3. Ordinarij.

ORDINARIJ locorum possunt compellere suos subditos obtinentes plures dignitates, vel ecclesias, quibus animarum cura in-
minet, seu personatum, aut dignitatem cum alio beneficio, cui cura similis est annexa, vt intra certum tempus, pro facti qualitate, ipsorum ordinariorum moderandum arbitrio, dispensationes suffi-
cientes super illis simul retinendis exhibeant.

QUIA licet regulariter nemo sit cogendus edere titulum suæ possessionis. l. cogi. C. de petit. hæred. & 2. q. 5. §. 1. Hoc tamen fallit, vbi quis possidet contra iuris communis dispositionem. c. du-
dam. extr. de decim. & c. contra morem. dist. 100. Nam propter præsumptionem, quæ tunc est contra eum, quod non iuste possideat, transfertur in eum onus probandi, se legitime possidere. l. ciuile. C. de iur. Et quoniam habere simul plura beneficia, maximè curata, & dignitates, est contra iuris communis dispositionem. c. de multa. extr. de præb. & c. quia nonnul-

nonnulli. de cleric. non resid. Ideo possunt ordinarij compellere illos, qui talia plura beneficia possident, ad ostendendum, quomodo legitime possideant. vt in tex. & glos. fin. in c. ex insinuatione. extr. de procur. Et hodie non solum ordinarij hoc possunt, sed ad id ex præcepto sub penis tenentur. infr. in extrauag. commun. c. 2. & Concil. Trid. sess. 7. de reform. cap. 5. Præsumptio enim transfert onus probandi quandoque ad reum. l. siue possideris. C. de probat. Et hæc habent locum etiam in minoribus beneficijs, nisi essent talia, quæ de iure simul teneri possent. glos. hic. ver. animarum. Quæ autem possint plura retineri, dic, vt in c. gratia. supr. de rescript. & Concil. Trid. sess. 24. de refor. cap. 17.

Q V A S si non ostenderint, perinde procedatur, ac si nullas haberent.

Q V I A paria sunt non esse, & non apparere, quo ad iudicis processum. l. Rutilia. & l. in lege. ff. de contrahen. empt. & c. solemnitates. de consecr. dist. 1. Et quoniam sola possessio non sufficit in ecclesiasticis beneficijs, nisi adsit canonica institutio. c. ex frequentibus. extr. de institut. Et ipsa non præsumitur adesse, quando intra debitum tempus non probatur in casu, quo venit probanda. glos. hic. ver. & ipso. Ideo ex quo talia beneficia censentur vacare, & per tales illicitè detineri, poterunt per legitimos collatores alijs idoneis libere conferri. vt in tex. & d. c. de multa. Si tamen beneficiatus ex iusto impedimento non potuit intra tempus assignatum ostendere titulum, excusatur, & poterit illud postea ostendere. glos. ver. libere. quia iuste impedito, non currit tempus. c. cupientes. §. quod si. supr. de elect. & l. contra. C. de inoffic. test.

E T si ostenderint, & sufficientes, non amplius molestantur.

Q V I A sufficiens dispensatio facit licitum, quod aliàs esset illicitum. glos. penult. in c. dudum il. 2. extr. de elect. Et quoniam temporarium esset, velle molestare legitime possidentem. c. 1. extr. de calumn. & l. eum. ff. de iudic. Ideo si dispensatio exhibita euidenter appareat sufficiens, exhibens nequaquam in beneficijs huiusmodi, quæ canonicè obtinet, erit postea molestandus. vt in tex. & c. vt circa. §. alioquin. supr. de elect. Dispensatio autem dicitur sufficiens, quando est concessa ab habente potestatem; & qui sit ille in hoc casu, habetur in d. c. de multa; & supr. de rescript. c. gratia. Et quod sit facta cum expressione eorum, quæ poterant retardare concedentē. c. non potest. infr. de præb. Et quod sit facta ex causa iusta. glos. penult. in c. non est. extr. de voto. & glos. in c. vt constituerentur. dist. 39.

P R O V I S O, ne in predictis beneficijs cura negligatur animarū.

Q V I A dispensatio super talibus, semper datur, vel dari intelligitur, secundum istas duas modificationes, scilicet, ne in concessis beneficijs cura animarum negligatur, & ne debitis obsequijs ipsa beneficia

beneficia defraudentur. glos. hic. ver. cura. & Gemin. §. ceterum. Et quoniam ad episcopum, & ordinarium loci, spectat providere, ne Dei cultus minuitur, & ne animarum cura negligatur. ext. c. irrefragabili. Ideo dicitur, quo ad remouendum talem beneficiatum, ordinarius non habeat potestatem, propter dispensationem licite obtentam; in his tamen, quæ spectant ad obsequium Dei, & curam animarum, bene habet potestatem; nec ad ipsum, super talibus impediendum, se extendit dispensatio. vt in tex. & d. glos. hic. & c. cum ex eo. supr. de elect.

SI autem dubitetur de dispensatione; ad Sedem Apostolicam recurratur.

QUIA si ipsi ordinarij possent in talibus de validitate dispensationis Apostolicæ iudicare, periculum esset, ne sæpe, sub prætextu pietatis, indebite vexarent dispensatos. Durand. hic num. 26. Et quoniam eius est interpretari, cuius est condere. c. in audientia. extr. de sent. excom. & l. i. C. de legib. Ideo si de sufficientia talis dispensationis dubitetur, erit ad Apostolicam Sedem recurrendum, cuius est æstimare, quem modum sui beneficij esse velit. vt in tex. & c. cum venissent. extr. de iudic.

TALIBVS plura similia beneficia obtinentibus, aliud non conferatur beneficium, nisi ostensa dispensatione sufficienti.

QUIA cum tales habeant ista plura beneficia contra iuris communis dispositionem, si non ostendunt legitimam dispensationem, præsumuntur illicite possidere, vt dictum est superius. Et quoniam propter talem præsumptionem, quæ est contra eos, censentur inhabiles ad beneficium ecclesiasticum obtinendum. glos. hic. ver. ostendatur. & c. is, cui. infr. de præb. Ideo donec non auferunt illam malam præsumptionem, & ostendant per dispensationem se legitime possidere, aliud beneficium eis conferri non potest, etiam si fuerit casus, in quo alijs ipsis potuisset conferri. vt in tex. & c. cum iam dudum. ext. de præb.

ET tunc ita demum conferatur, si per dispensationem possunt illud cum alijs retinere.

QUIA dispensatio, tanquam exorbitans à iure communi, est odiosa, & eius concessio est strictè intelligenda. c. i. supr. de fil. presb. Et quoniam per strictam verborum intelligentiam dispensatio super obtentis, non comprehendit obtinenda; cum aliud sit acquirere, aliud retinere. l. quemadmodum. ff. de acquir. possess. Ideo si non apparet, quod dispensatio se extendat etiam ad aliud simile beneficium obtinendum, per illam concessam super iam obtentis, non datur facultas ad alia obtinenda. vt in tex. & c. non potest. infr. de præb.

VEL

VEL si prioribus renuntiauerint.

QU^{IA} renuntiatio beneficij sponte, & libere facta, & à superiore admissa, ita separat beneficiatum à beneficio, vt ille quo ad tale beneficium censeatur mortuus. c. ex transmissa. extr. de renunt. Et quoniam non entis nullæ sunt qualitates. l. eius, qui. ff. si cert. petat. Et cessante causa, cessat effectus. c. cum cessante. extr. de appellat. Ideo cum iste non fuerit in culpa in præteritum, ex quo per dispensationem legitime possedit; & cum ei non obstant amplius beneficia, quæ habebat, ex quo illa legitime renuntiavit, non debet impediri, quin in posterum possit ad aliud beneficium promoueri, vt in tex. & c. cum inter. extr. de renunt. Hoc autem, quod hic dicitur de renuntiatione prius faciendâ, habet locum, quando quis obtinebat talia plura beneficia ex dispensatione. glos. fin. hic. nam quando quis obtinebat vnum tantum de iure communi, per adeptionem secundi vacat primum simile, ipso iure: & absque alia renuntiatione tenet collatio secundi. d. c. de multa. & nouissime Concil. Trid. sess. 7. de refor. cap. 4.

ALITER collatio facta non teneat.

QU^{IA} per adeptionem posterioris similis beneficij, talia, quæ obtinebantur per dispensationem, non vacant ipso iure. glos. fin. hic. Et dispensatio non se extendit ad illa retinenda, & ad aliud consequendum, vt dictum est superius, & glos. hic. ver. aliter. Et quoniam si illa prius non renuntiarentur, ordinarius cõferret beneficium habenti aliud incompatible. vt in tex. quod facere non potest. d. c. de multa. Ideo si ille, qui vult obtinere aliud simile à prælato, non ostendat sufficientem dispensationem ad istud aliud obtinendum cum retentione priorum, vel si non renuntiat prioribus, antequam aliud ei conferatur, collatio postea ei facta de alio, tanquam facta inhabili, nullius est momenti. vt in tex. & Clem. si plures. de præb.

Cap. 4. Quia.

PRÆCIPIT Papa, ne prælati subditis interdican, ne statum ecclesiarum, & personarum, superioribus inquirentibus manifestent; nec eos ad id celandum iuramentis, promissionibus, obligationibus, aut alijs pœnis adstringant.

QU^{IA} plerique prælati non sine multa temeritatis audacia præcipiebant suis subditis, ne ipsorum superioribus, aut Apostolicæ Sedis Legatis, vel Inquisitoribus, ad inquirendum, corrigendum, & reformandum in eorum ecclesijs, monasterijs, & locis, ab Apostolica Sede deputatis, veritatem aperirent, eosq. sub varijs pœnis, & obligationibus ad criminum occultationem adstringebant. vt in tex. & c. olim.

olim. extr. de accusat. Et quoniam iste erat modus nutriendi populum in peccatis, & superiorum auctoritatem illudendi. vt in tex. Ideo ad obuiandum malitiæ talium prælatorum, sub grauib. pœnis inhibetur prælatis, ne de cætero similes prohibitiones facere audeant, vt in tex. & d. c. olim.

ET decernit, quod contra factum fuerit, irritum, & inane.

Q V I A licet valeant pactum, & iuramentum de non accusando, quando illa tendunt solum ad excludendam partem accusare volentem. c. quemadmodum. extr. de iureiur. & c. veniens. de accusat. non tamen valent, quando tendunt ad præcludendam iudici viam indagandæ veritatis. c. 1. extr. de crim. fals. Et quoniam prælati faciebant subditis istas prohibitiones ad celandam superioribus veritatē, vt dictum est superius. Ideo tales prohibitiones, & promissiones, tanquam illicitæ, & contra bonos mores, decernuntur non valere. vt in tex. & d. c. olim. Et apponitur clausula, irritans, vt in tex. quia tunc contrafactum est nullum absque ope exceptionis. vt not. in Clem. 1. de elect.

ET sententias, iuramenta, promissiones, uel penas non ligare.

Q V I A debemus vti rebus eo modo, ad quem sunt institutæ. c. is autem. 22. q. 2. Et quæ sunt institutæ ad bonum, non sunt peruertere ad malum. c. sicut. extr. de iureiur. Et quoniam sententiæ, iuramenta, promissiones, & pœnæ, non sunt instituta, vt essent vincula iniquitatis, sed vt sint iustitiæ instrumenta. c. inter cætera. 22. q. 4. & glos. in c. non est obligatorium. infr. de reg. iur. Ideo non debet eis aliquis vti ad impediendam iustitiam, & nutrienda peccata; in quo casu, sicut ista, non sunt obligatoria. d. c. non est. ita ad maiorem expressionem, decernuntur non ligare, nec valere. vt in tex. & c. fin. extr. de testib. & vide nouissime sancita per Concil. Trid. sess. 24. de refor. cap. 10.

ET præsumptores præcipit pena condigna à superioribus eisdem puniri.

Q V I A delinquentium temeritas non debet transire impunita. vt in tex. Sed quos Dei timor à malo non reuocat, saltem coercere debet seueritas disciplinæ. c. cum in cunctis. extr. de elect. Et quoniam huiusmodi prælati grauitèr peccant, cum loco corrigendi subditos, & deferendi honorem eorum superioribus, nutriant illos in peccatis, & istos illudant, vt dictum est superius. Ideo à superioribus, vel legatis, seu Inquisitoribus ad corrigenda illa populorum delicta potestatem habentibus, animaduersione cōdigna etiam tales prælati præcipiuntur castigari. vt in tex. Qui enim recipit potestatem ad corrigendum aliquod delictum, recipit illam etiam in eos, qui impediunt eius iurisdictionem. c. sane, il. 2. extr. de offic. deleg. Sed cum certa pœna con-

tra

tra tales hic non exprimatur, intelligitur relicta arbitrio ipsius superioris corrigentis. c. de causis. extr. de offic. deleg.

Cap. 5. Vt litigantes.

IURISDICTIONE Archiepiscopo attributa in vna diocesi, sibi in alijs non prodest.

QU^{IA} Archiepiscopus non potest exercere iurisdictionem in diocesi sui suffraganei, nisi in casibus quibusdam exceptis, licet ipse sit iudex ordinarius omnium suffraganeorum. sup. c. 1. & extr. c. pastoralis. Sed bene per consensum alicuius suffraganei, & paritum litigantium subditarum ipsius suffraganei, & per consuetudinem præscriptam, potest Archiepiscopus prorogare suam iurisdictionem in aliqua diocesi ultra id, quod sibi de iure communi conceditur. supra c. 1. & c. conquestus. 9. q. 3. Et quoniam ex diversis non fit illatio. l. Papinianus. ff. de minor. Et alteri per alterum non debet iniqua conditio fieri. c. non debet. infr. de reg. iur. Ideo, licet Archiepiscopo tribuatur in aliquo casu maior iurisdictio in vna diocesi, quam iure metropolitico ipse habeat in tota provincia, non per hoc inferitur, quod eadem iurisdictio sit extendenda in reliquis diocesibus, in quibus sibi non fuit talis iurisdictio specialiter concessa, & in quibus per particularem consuetudinem, illam non acquisiuit. vt in tex. & sup. d. c. 1. & ad hæc vide. Concil. Trid. sess. 24. de reformatione. cap. 3.

Cap. 6. Si episcopus.

SI Episcopus, ubi de iure id potest, suam diocesim visitat per alium, habet illi in necessarijs providere.

QU^{IA} populi visitandi tenentur visitatori solum vidualia ministrare. c. 1. & 2. infr. de censib. & Concil. Trid. sess. 24. cap. 3. Et quoniam onus visitandi regulariter spectat ad ipsum episcopum. extr. eod. c. inter cetera. Sed quando ipse est legitime impeditus, ad eum relevandum, & ad populo subueniendum, conceditur a iure, vt per alium idoneum possit hoc officium adimplere. c. episcopum. 10. q. 1. Ideo ex quo ille exequitur officium ipsius episcopi, ne pro necessariorum defectu compellatur desistere ab incepto, debet ipse episcopus, qui per eum relevatur, etiam administrare necessaria, præter victum. vt in tex. & d. c. inter cetera. Vt, scilicet, episcopus pareat illi suo nomine, visitanti, equos, familiam, vestes, & alia opportuna, sicut pararet sibi ipsi, si personaliter visitaret; & si vidualia non possent haberi à subditis, nisi cum scandalo, tunc episcopus deberet ei providere etiam de vidualibus. glos. hic. ver. providere, & Archid. in fin.

VISITATI autem in victualibus providebunt ipsi vicario visitanti.

QU^{IA} secundum Apostolum: Non est magnum, si ab eo metantur temporalia, per quem spiritualia seminantur. 1. ad Corinth. cap. 9. Et quoniam si episcopus personaliter visitasset, populi deberent ei administrare victualia, tanquam procuracionem debitam ratione visitationis. c. cum venerabilis. extr. de censib. nisi esset particularis consuetudo, vt nihil ab eis reciperetur. Concil. Trid. d. cap. 3. Ideo si cut populi deberent providere episcopo de victualibus, ita debent providere eius vicario in visitandi officio ipsi subrogato. vt in tex. & d. c. inter cetera.

ET non episcopo.

QU^{IA} ista victualia, & procuratio, debentur visitanti, ratione personæ. d. c. cum venerabilis. vbi habetur, quod tunc debentur, cum visitator accesserit. Et quoniam non est ferendus, qui lucrum amplectitur, onus verò ei annexum non sustinet. l. vnic. §. pro secundo. C. de caduc. tollen. Et ad quem spectat onus, debet spectare commodum. c. charitatem. 12. q. 2. Ideo cum episcopus personaliter non visitat, nihil prorsus ab his, qui per illum, quem deputat, fuerint visitati, exigere poterit, aut debet. vt in tex. Sed sufficit, quod ille, qui visitauerit, moderate pro tempore, quo visitat, victualia recipiat. d. c. inter cetera, & Concil. Trid. d. cap. 3.

Cap. 7. Cum episcopus.

IN quolibet loco diœcesis non exempto, per se, & per alium, potest episcopus pro tribunali sedere, & liberè exequi, quæ ad ipsius spectant officium.

QU^{IA} episcopus habet iurisdictionem ordinariam in tota sua diœcesi. vt in tex. & c. de persona. 11. q. 1. Et quoniam ista iurisdictione delusoria videretur, si in loco iurisdictionis episcopus non posset exercere ea, quæ spectant ad ipsius officium. c. praterea & c. sanc. 12. extr. de offic. deleg. Ideo exercitium iurisdictionis episcopalis non est restringendum ad aliquem locum particularem diœcesis; sed vbique, secundum quod requirit qualitas loci, & iurisdictionis exercendæ exposcit occasio, potest episcopus ius reddere, & alia ad eius officium spectantia liberè exercere. vt in tex. & c. nouit. extr. de offic. leg. In locotamen exempto non potest episcopus cathedram collocare, vt ibi exerceat iudicia. c. luminoso. 18. q. 2. quia locus à iurisdictione episcopi exemptus, quo ad ea, in quibus est exemptus, equiparatur loco existenti extra diœcesim. c. per exemptionem. infr. de priuil. & Federic. consil.

16. Ad cognoscendum autem locum exemptum, vide. c. si Papa. d. tit. de priuil. Et quia episcopus, quo ad iurisdictionem episcopalem per totam diocesim, habet intentionem fundatam de iure communi. vt in tex. & extr. c. 1. Ideo qui dicit se exemptum, tam quo ad locum, quam quo ad personas, debet ostendere priuilegium exemptionis. c. cum personę. infr. de priuil. & c. contra morem. dist. 100. Et quia de iure canonico omnia sunt delegabilia, excepto vsu pallij. vt not. extr. in c. quod sedem. Et quis potest facere per alium, quod potest per seipsum. c. potest. infr. de reg. iur. Ideo sicut episcopus potest in talibus locis suis diocesis exercere iurisdictionem per seipsum, ita potest facere ibi illam, exercere per alium. vt in tex. & extr. c. inter cetera. sed licet nullus alius, prater episcopum, in tota sua diocesi habeat sub eo iurisdictionem. glos. 2. hic. In parte tamen bene potest illam habere. c. fin. extr. de offic. archid. & dist. 25. c. perlectis.

Cap. 8. Quamuis.

CANONICI, qui a diuinis cessare possunt, cum cessare voluerint, vocabunt absentes, sicut si immineret electio facienda, cum quibus de cessatione deliberabunt.

QUIA cessatio a diuinis non est facienda sine manifesta, & rationabili causa, ne indebite solita ecclesię officia dimittantur. extr. c. irrefragabili, & supr. c. si canonici. Et quoniam istud est graue negotium, cum tractetur de cultu diuino, qui potius est augendus, quam sit per intermissionem officiorum minuendus. c. ex parte. extr. de constitut. Et quia in grauibz ecclesię negotijs per canonicos expediendis, sunt vocandi omnes canonici, qui possunt commodè interesse, vt simul omnes, ad quos spectat tale negotium, plenius deliberent, quid sit agendum; sicut fit in casu electionis faciendę, in qua vocantur omnes canonici existentes in prouincia. c. coram. extr. de elect. Ideo vltra ea, quę super huiusmodi cessatione sunt seruanda per d. c. irrefragabili. & d. c. si canonici; vt euitentur multę fraudes, quę in ea interueniebant, plura hic præcipiuntur adhibenda, inter quę est vocatio canonicorum existentium in prouincia, vt simul cum alijs canonicis maturius deliberent, an talis cessatio sit tunc facienda. vt in tex.

ET si deliberant cessare, requirent prius eum, contra quem cessant, vt irrogatam offensam emendet.

QUIA cessatio a diuinis non fit ex eo, quod ipsa principaliter intendatur; sed fit, vt per eam ecclesia, & ecclesiastici cessantes, ab irrogata eis offensa releuentur. d. c. si canonici. Et quoniam in quantum fieri potest, talis cessatio est euitanda. d. c. irrefragabili. Ideo antequam cessetur, est requirenda pars, vt offensam emendet, ne detur

per illam causa ad cessandum. vt in tex. & d. c. si canonici .

Q V O D si fecerit, non cessabunt.

Q V I A cessante causa, cessat effectus. c. cum cessante. extr. de appellat. Ideo ex quo causa cessationis erat offensa irrogata, vt dictum est superius; cessante offensa per emendam, debet etiā omitti ipsa cessatio. vt in tex. & d. c. irrefragabili. §. ceterum.

ALIO Q V I N cessare poterunt.

Q V I A qui vtitur iure suo, nemini facit iniuriam. c. cum ecclesia. extr. de elect. Et quoniam ex consuetudine, vel privilegio, potest tale ius cessandi spectare ad canonicos, licet de iure communi spectet ad episcopum. d. §. ceterum. Ideo vbi canonici hoc habent de iure speciali, si seruauerint formam hic traditam super tali cessatione, poterunt ad se releuandos à percepta offensa, istud medium adhibere. vt in tex.

I T A quòd à cessatione infra mensem utraque pars, & cessans, & contra quam cessatur, iter arripiat eundi ad Papam, vel per se, vel per procuratores sufficienter instructos.

Q V I A cum non deceat, vt per huiusmodi cessationem ecclesia diu solitis fraudetur officijs. d. c. ex parte. per superiorem est prouidendum, vt quancitius fieri potest talis cessatio remoueatur. vt in tex. Et quoniam ista est causa affecta sedi Apostolicæ. Archid. hic in fin. Ideo assignatur partibus competens terminus vnus mensis ad iter arripiendum per se, vel per idoneos procuratores, ad Papam super tali causa informandum. vt in tex. & simile habetur in c. 1. & c. cupientes. supr. de elect. Admittuntur autem procuratores. vt in tex. quia vbi in causa non agitur criminaliter, ius concedit, vt quis possit per alium, quod posset per seipsum. vt not. in c. 1. de procur.

N I S I interim interuenerit concordia inter ipsos.

Q V I A partes dissidentes magis sunt hortandæ ad pacem, quàm ad iudicium. c. studendum. dist. 90. Quid enim aliud agit iudex, quàm vt controuersias partium dirimat, à quibus si ipsæ sponte recesserint, debet id ratum habere. l. 1. §. inde. ff. de oper. nou. nunt. Et quoniam ista cessatio permittitur, vt ecclesiastici offensi releuentur ab irrogata iniuria. d. §. ceterum. Ideo si interuenerit concordia inter ipsos canonicos, & partem offendentem, poterunt canonici à tali cessatione recedere, & solita diuina officia in ecclesia reassumere. vt in tex. & supr. d. c. si canonici.

E T continuatis dietis quam citò poterunt, se coram Papa presentēs,

Quia

QU^{VI}A cum fuerit istis partibus assignatus terminus vnus mensis ad iter ad Sedem Apostolicam arripiendum, erat assignandus alius terminus ad se coram Papa præsentandum; vt in simili sit in causa electionis. *supr. de elect. c. cupientes*. Sed quoniam in his non potest omnibus competenter isdem terminus assignari; cum sit habenda ratio viarum, & temporis, ætatis, & sexus, ac valetudinis. *d. c. cupientes. & l. continuus. §. cum ita. ff. de verb. oblig.* Ideo cum non potuerit conuenienter assignari partibus certum tempus ad se coram Papa præsentandum; satis est, quòd post iter arreptum, per eas non stet, quin se præsentent, quam citò commodè poterunt. vt in *tex. & d. c. cupientes*. Quando autem intelligantur hoc commodè posse, relinquendum est arbitrio superioris. *supr. c. ordinarij*. Quod enim legibus omisum est, non omittetur religione iudicantium. *l. quæ situm. ff. de testib.*

V T vtraque parte presente, vel altera contumaciter absente, Papa diffiniat negotium.

QU^{VI}A partium assertione causarum merita panduntur. *c. tum ex litteris. extr. de in integr. rest.* Et quoniam contumax habetur pro præfenti. *c. fin. extr. de dol. & contum.* Ideo siue ambæ partes venerint, siue yna sit contumax, poterit talis cessationis causa definiri. vt in *tex. & d. c. si canonici*.

E T culpabiles puniat.

QU^{VI}A conueniens est, vt qui fuit culpa stultus, fiat pœna sapiens. *c. qui ea. dist. 38.* Ideo, examinato negotio apud Sedem Apostolicam, pars, quæ culpabilis inuenta fuerit, punietur: vt, pœna docente, cognoscat, quantum exceßerit, quæ cessationi factæ rationabiliter, causam dedit; vel quæ sine rationabili, & manifesta causa cessauit. vt in *tex.* Pœna autem, vltra eam de reficiendo omne interesse parti, quæ iniuste fuit damnum passa. vt in *d. §. cæterum. & d. c. si canonici*. erit alia ad arbitrium Summi Pontificis, pro vt ipse viderit magis expedire. vt in *tex.* Pœna enim debet mensurari secundum culpam. *c. disciplina. dist. 45.* Et quia in tali cessatione potest esse ex vna parte, maior culpa vna vice, quàm alia. *d. c. si canonici*. Ideo non exprimitur omnis pœna, quæ contra partem in tali cessatione delinquentem sit imponenda, sed aliqua relinquitur arbitrio ipsius superioris terminanda. vt in *tex.*

E T si pars cessans prædicta non seruet, cessatio non seruetur.

QU^{VI}A vbi non seruatur forma à iure tradita in actu faciendo, non valet actus. *c. quia propter. extr. de elect.* Cum forma sit, quæ dat esse rei. *l. Iulianus. §. sed &. ff. ad exhiben.* Et quoniam ea, quæ hic traduntur obseruanda, imponuntur tanquam necessariò spectantia

stantia ad formam cessationis . Archid. hic in fin. Ideo si pars à diuinis cessans, supradicta tam in cessando, quàm in veniendo, siue mittendo ad Sedem Apostolicam, non seruauerit, nec cessatio erit seruanda ; sed, ea, non obstante, (vt prius) in ipsa ecclesia erit celebrandum . vt in tex. Nota igitur in summa , quod ad hoc, vt fiat cessatio valida , necesse est hæc interuenire . Primo, quod qui cessant, habeant de consuetudine, vel alio iure , vt cessare possint . Secundò , quod vocentur absentes ad tractandum de cessatione . Tertiò , quod super illa tractent . Quartò , quod de cessando deliberent. Quintò, quod sit manifesta offensà, propter quam cessant . Sextò, quod sit rationabilis . Septimò, quod ante cessationem, instrumento publico , vel patentibus litteris authentico sigillo munitis, causam cessationis exprimant . Octauò, quod illud instrumentum, vel litteras tradant ei, contra quem cessant . Nonò, quod requirant illum, vt emendet competenter iniuriam, vel offensam, propter quam cessare volunt ; quod si non fecerit, tunc habet locum cessatio . Et post cessationem debet vtraque pars arripere iter ad Sedem Apostolicam, intra mensem, per se, vel per procuratores sufficienter instructos ; & ex tunc, continuatis diebus , habent tempus arbitrium , quo commode possint ire . Si hæc omnia non fuerint seruata , cessatio non tenet ; & contra partem delinquentem habent locum supradictæ pœnæ . vt in tex. & glos. fin. hic .

Cap. 9. Præsenti .

PRÆLATVS non debet occupare bona vacantis dignitatis, vel ecclesie sibi subiectæ.

QUIA huiusmodi bona non pertinent ad ipsum prælatum, sed debent in ipsius dignitatis, vel ecclesie vtilitatem conuerti , aut futuro successori reservari. vt in tex. & supr. de elec. c. quia sæpe ; vbi notatur, quod hodie per constitutiones Summorum Pontificum editas post hæc iura, ecclesie, & successori subrogatur Camera Apostolica, & facit spolia , exceptis quibusdam casibus contentis in ipsis constitutionibus, vt ibi not. Et quoniam ille , qui fraudulenter contrectat rem alienam , lucri faciendi gratia , committit furtum. l. 1. ff. de furt. Ideo in pœnam huiusmodi delicti, statuitur, vt episcopi, vel eorum superiores , aut inferiores prælati, & quæcunque aliæ ecclesiasticæ personæ, quæ talia perpetraverint (quo ad episcopos, & eorum superiores, vt ipsi ab ingressu ecclesie ; cæteri verò ab officio, & beneficio) tam diu eo ipso sint suspensi, quousq; restitutionem fecerint de prædictis. vt in tex. & d. c. quia sæpe .

NISI de speciali iure id eis competat.

QUIA specialia derogant generalibus. c. generi. infr. de regul. iur. Ideo si ex priuilegio, vel consuetudine iam legitime præscripta, seu

feu alia causa rationabili, talia bona competant prelato, vel alteri personæ, tale ius speciale, non autem ius commune, erit tunc attendendum. vt in tex. Priuilegium enim à principe concessum, decet esse mansurum. c. decet. infr. de reg. iur. Et consuetudo legitime præscripta derogat iuri positiuo. c. fin. extr. de consuet. Et causa rationabilis, qualis esset onus impositum in fundatione ecclesiæ, debet cuique suum ius fouere. gloss. hic ver. alia. & c. præterea. il. 2. extr. de iure patr.

Et cum de iure speciali id alicui competit, debet intelligi de bonis, quæ supersunt, solutis debitis.

QUIA bona intelliguntur, quæ supersunt, deducto ære alieno. l. mulier. ff. de iure dot. Et quoniam qui sentit commodum, debet etiā habere incommodum. c. qui sentit. infr. de reg. iur. Et qui succedit in ius alterius; debet vti eo iure, quo ille fuisset vsus. d. c. is, qui. tit. de reg. iur. Ideo si quis asserit sibi competere bona dimissa tempore mortis alicuius beneficiati, & obuientia tempore vacationis ecclesiæ, debet soluere debita illius, sicut ille soluisset. vt in tex. & c. 1. de solution.

Et oneribus incumbentibus vsque ad nouos redditus.

QUIA res transit cum onere suo. c. cum non sit. extr. de decim. Et cum causa sua. l. si conuenerit. §. si fundus. ff. de pign. act. Et quoniam ordinata charitas incipit à seipso. c. quiescamus. dist. 42. Ideo non debet, intelligi tale ius percipiendi istos fructus ecclesiæ vacantis, nisi solutis his, quæ fuerint necessaria pro seruitoribus, & ministris, ac incumbentibus oneribus vsque ad nouos redditus supportandis; ne ecclesia remaneret cum istis oneribus, & alius perciperet fructus. vt in tex. & hodie dic de talibus, vt habetur in extranag. Io. XXII. c. suscepti. de elect. Durum est enim, sitientibus proprijs agris, vicinorum prædia irrigare. l. præses. ff. de seruit. Quod ciuitas Anagnia experitur; Cum enim in eius amæno territorio, propter aeris intemperiem, non adsint inhabitantes coloni, & saxosis montibus ad illud excolendum laboriosi Hernici descendunt; indeq. fructus, & frumenta pro maiori parte ad propria extrahentes, ipsi commode viuunt, relinquendo ciuitatem in territorio diuitem, in ciuibus respectiue egentem; quod & Vergilius annuit dicens:

Hernici saxa colunt, quos diues Anagnia passit. Aenæad. lib. 6.

In Hernicis namque, frigidioribus tempore æstiuo viget maior aeris salubritas, qua præcipue gaudet Aeternum, Castrum à me dilectum; cum enim illud etiam in temporalibus sit sub Episcopis Anagninis; ibi in iuuentute mea per plures annos, æstiuos menses (antequam ingrederentur, Roma discedens) apud Reuerendissimum Gasparem bon. me. patrum meum periucunde transui, vbi & ipse palatium Episcoporum in meliorem formam redegit, picturisq. ornauit, & castrum, quod stridit intra

iatra se mille continet habitatores, nouo muro ampliavit, porta, quam Viuianam appellant, magnifice constructa; nec ob id omisit Anagninæ ædificare penè à fundamentis palatium episcopale; cum illud antiquū, quod & Summi Pontifices aliquando inhabitauerunt, fuerit dirutum sub pontificatu Pij Quarti, ad erigendam in arcem, illam eminentiorem ciuitatis partem, quæ in prouincia Latij esset propugnaculum Vrbis. Et ex quo fructus ecclesiæ sunt deputati pro oneribus incumbendis toto anno. vsque ad alios novos fructus. vt in tex. infertur, quod si erant impositæ collectæ ecclesiæ vno anno, & rector non soluit, & recepit fructus illius anni; si alio anno renunciat beneficio, ipse tenetur ad collectas illius anni, & non successor, qui postea possidet. Gemin. hic. §. porro. & Anchar. consil. 194.

P E R hanc constitutionem, quæ non derogat, quando prælatus ex iure speciali succedit in bona clericorum obeuntium, non corrigitur c. quia sæpe. supr. de elect. quod derogat iuri, quantumcunque speciali, clericorum succedentium in bona prælati defuncti.

Q V I A ibi lædatur caput per membra, hic verò econuerso læduntur membra per caput. gloss. fin. hic. Et quoniam grauior est læsio capitis, quàm membrorum. c. qualiter il 2. extr. de accusat. & c. secuti. 2. q. 7. Et absurdum est, quod filius in parentem, & subditus in prælatum, vel in ipsius res habeat potestatem. c. cum inferior. extr. de maior. & obed. Et si canonici succederent in bona prælaturæ vacantis, tardius eligerent prælatum, vt ipsis plures fructus accrescerent. d. c. quia sæpe. Ideo plures rationes vrgent ad prohibendum, ne clerici succedant in bona prælati, cuiuscunque iuris specialis prætextu, quæ prohibitio fit in d. c. quia sæpe; quam quod prohibeatur, ne prælatus succedat in bonis obeuntium clericorum, quod ex iure speciali conceditur in hoc tex. Et sic ex diuersis, in quibus non est eadem ratio, non fit illatio. l. Papinianus. ff. de minor. Sed quæ sint bona clericorum, de quibus ipsi non possunt testari, nec succedunt in illis consanguinei, sed de iure communi succedit ecclesia, ex qua sunt acquisita, vel successor in beneficio, aut ex iure speciali prælatus; vel hodie Sedes Apostolica per nouas constitutiones istis subrogata: Distingue; quod de bonis acquisitis intuitu personæ ex hæreditate, vel artificio, aut doctrina, clericus potest disponere pro suo arbitrio, vt possunt de suis sæculares. c. relatum il 2. extr. de testam. De acquisitis verò intuitu beneficii, adhuc distingue inter clericum habentem beneficium cum administratione, & inter illud non habentem; nam clericus habens beneficii administrationem, quamdiu viuic, & sanus est, dare potest, moderatè tamen. c. ceterum. extr. de donat. Comparatur enim usufructuario, quia eius ius morte finitur, sicut usufructuarij. c. si quis sanè. extr. de pecul. cler. & c. consultationibus. extr. de donat. Potest ergo dum viuic, voluntatem suam

suam facere, dummodo moderatè donet. Cum incipit infirmari, comparatur vsuario, & ita nihil habet, nisi vsum tantum, eleemosinam tamen facere potest. c. ad hæc. de testam. Sed de his bonis testari non potest. c. cum in officij. d. tit. Si verò sit clericus non habens administrationem, sed personaliter, & simpliciter beneficiatus, etiam in morte comparatur vsufructuario, quantum ad faciendum fructus suos, & de ipsis potest testari; ecclesia tamen succedit ei in istis, si decedat ab intestato. d. c. relatum, & c. requisisti. §. illud. d. tit. Et quod dictum est de clerico simpliciter beneficiato, quod facit fructus suos, & de eis potest testari, intelligendum est de perceptis, & reconditis. Alij verò ad eum spectantes, sed per ipsum non percepti, ad ecclesiam pertinebunt. gloss. hic ver. reseruari. Ille autem clericus dicitur habere beneficium cum administratione, qui habet beneficium, quantumcunque simplex, in titulum, cui sit certa dos assignata, cum ipse dicatur habere administrationem illius dotis, & talis de iure communi non potest de fructibus beneficij testari; sed si hoc disponderet specialis consuetudo, vel statutum ecclesiæ, per quæ tamen non nimium grauaretur ecclesia, virtute huiusmodi iuris specialis posset testari. Gemin. hic nu. 5. Clericus verò non habens administrationem, sed simpliciter, & personaliter beneficiatus, qui potest testari de fructibus acquisitis, dicitur ille, qui recipit fructus ratione stipendij personalis, & pro labore diurno, vt sunt canonici, qui non habent præbendas distinctas, nec certam portionem ex massa communij, quæ succedat loco præbendæ; sed eorum fructus sunt distributiones quotidianæ, quæ dantur pro diurno labore, de quibus clericus potest testari, etiam si aliqua pars fructuum consisteret in præbenda. Et similiter habens capellaniam ad nutum amouibilem, quæ non datur in titulum, sed pro eius seruitio datur certum stipendium annuatim in pecunia; nam cum tales non acquirant principaliter ratione ecclesiæ, sed ratione personæ, possunt de istis bonis sic acquisitis, etiam per testamentum disponere, vt succedat in eis alius, quæ ecclesia, vel subrogatus ecclesiæ. Gemin. hic.

In Clementinis.

Cap. i. Vt clericorum.

EPISCOPI ita debent corrigere clericorum excessus, quod metu pæne ipsi arceantur, & alij pertimescant.



QUIA aliqui clerici prætextu priuilegij ordinis clericalis, impunitatem excessuum obtinere sperantes, nonnulla multoties committant enormia, per quæ nimium ecclesia diffamatur, & scandala grania in populo generantur, porissimū cum talia per episcopos, ad quos spectat correctio, deserantur, vt plurimum, in-

N n n

corre-

correcta . vt in tex. Et quoniam prætextu priuilegij, non debet alicui crescere auctoritas delinquendi. l. 1. C. vbi senat. vel clariss. Et cum nihil sit, quod alios magis ad pietatem, & Dei cultum assidue instruat, quam eorum vita, & exemplum, qui se diuino ministerio dedicarunt, in quos, tanquam in speculum, reliqui oculos conijciunt, ex ijsque sumunt, quod imitentur. Concil. Trid. sess. 22. de refor. cap. 1. Et si negligenter per superiores omittantur ea, quæ per subditos male vsurpantur, excessuum via alijs aperitur. c. peruenit il. 2. dist. 93. Et cum de iure communi ad episcopum pertineat correctio clericorum suæ diocesis. c. cum contingat. extr. de for. compet. Et prælati debent diligenter intendere ad mores reformandos, ne de suis manibus sanguis subditorum requiratur. c. irrefragabili. extr. eod. Et cum sit cauendum, ne per impunitatis audaciam, qui erant nequam, fiant nequiores. c. vt famæ. extr. de sent. excom. Vnde reipublicæ interest, ne crimina remaneant impunita. l. ira vulneratus. ff. ad leg. Aquil. Ideo vt clericorum audacia propensius cõpescatur, districtè iniungitur episcopis, quatenus sic circa correctionem clericorum huiusmodi vigilanter intendant, & diligenter sui officij debitum exequantur, quòd & iidem clerici metu pænæ à suis arceantur insolentijs, & alij eorum exemplo perterriti, proflire ad similia meritò pertimescât. vt in tex. & c. quapropter. 2. q. 7. Pœna enim imponitur, vt castigetur culpa præterita, & sit formido, ne peccetur in futurũ. c. qui ea. dist. 38. Et ad hoc imponitur publicè, & in loco delicti, vt per illam alij terreantur. c. mulier. 15. q. 1. & C. ad leg. Iul. repet. l. 1. Oderunt enim peccare mali formidine pænæ. Ouid. Vnde pœna dicuntur esse medicinæ ad peccati correctionem. Arist. 5. ethic. cap. 8. Et Solon illam ciuitatem optime habitari dixit, in qua viros bonos honoribus affici, contra autem, improbos pœnis, mos fuerit. Diogenes in vita Solonis. Et quod pro culpa sit pœna infligenda; & sine culpa, quod nullus sit puniendus, dicitur ius naturale; sed determinare pœnam secundum conditionem personæ, & culpæ, est iuris positiui. S. Tho. par. 3. q. 52. art. 1. in addit. Debent tamen episcopi in corrigendis excessibus, meminisse se esse pastores, non percussores. Concil. Trid. sess. 13. de refor. cap. 1. atque ita præfesse sibi subditis oportere, vt non in eis dominantur, sed vt illos tanquam filios, & fratres diligant. 1. ad Timoth. cap. 3. & 1. Petr. cap. 5.

Cap. 2. Et si.

V A L E T collatio beneficij facta à collatore quolibet, citra Legatum Apostolicum, non facta mentione de beneficio, quod prius habebat is, cui fit.

QUIA ratio, propter quam non valet collatio beneficij facta per Papam, vel eius Legatum, habenti aliud beneficium, nisi de quolibet priori beneficio fiat mentio, est ex eo, quod Papa occupatus in bene-

beneficijs totius orbis, & Legatus in illis totius provincie, & raro residens in loco beneficij, & beneficiati, non presumuntur bene informati de qualitatibus illorum. Abb. hic. Cum talia sint, quid facti. c. 1. de constitut. in 6. Ordinarij verò existentes in loco, & circa pauciora occupati, bene presumuntur informati. c. quosdam. & c. quanto. extr. de presumpt. Et quoniam ad validitatem gratie, omnia illa sunt exprimenda, quæ possent retardare concedentem, aliàs gratia vitatur, tanquam subreptitiè impetrata. c. super litteris. extr. de rescript. Ideo talis collatio vitatur propter defectum impetrantis, si sit facta per Papam, vel eius Legatum, non autem vitatur, si sit facta à loci ordinario. vt in tex. & c. collatio. de offic. leg. in 6. Dummodo ordinarius conferat in casu; quo recipiens possit vtrumq; beneficiũ retinere, vel si non possit simul ea retinere, dimittat primum. gl. hic. ver. quibuslibet. Sed quãdo collatio fit à Papa, motu proprio, tunc valet, etiam si nõ fiat mentio de priori beneficio, cum appareat tunc de eius voluntate, & ob id non potest imputari subreptio, nec ambitio impetrantis. c. si motu. de præb. in 6. Et ob eandem rationem, videtur idem dicendum in collatione facta, proprio motu Legati. gl. hic. ver. facta. Quæ verò plura beneficia possint hodie episcopi, & alij prælati vni conferre, vide Cõc. Trid. sess. 24. de refor. cap. 17.

In Extrauagant. commun. Cap. 1. De bent.

EPISCOPVS monasterium visitans, non tenetur accipere monachos illius monasterij pro tabellionibus.



VIA si episcopi non possent in monasteriorum visitatione habere pro tabellionibus nisi monachos, & præsertim monasterij visitandi, esset contra communem vtilitatem, dum probationum facultas nimium restringeretur. vt in tex. Et quoniam probatio non est angustanda. l. quoniam. C. de hæret. propter quod etiam, vt salua scilicet sit rerum probatio; quia publicè interest, ne veritas occultetur. l. serui. ff. de testib. cautum est iure, vt curent magistratus testificari volentibus, seipsos, & alios testes, vel signatores præbere. l. curent. ff. de testib. Et statuit generale Concilium, vt à iudicibus adhibeatur persona publica, vel duo viri idonei, qui acta conscribant. c. quoniam. extr. de probat. Quos quidem monachos ad prædicta, tum propter eorum professionem, quæ illorum vocem facit fonestam. c. placuit. 2. q. 7. & ipsos arceat à iudicijs, & publicis, siue ciuilibus actibus. c. 1. extr. ne cler. vel monach. nec patitur, nisi in inquisitionis hæreticæ prauitatis causa, monachum tabellionis officium exercere. c. vt officium. §. ad conscribendas. de hæret. in 6. tum etiam, quia essent suspecti, nec contra priorem,

N n n 2 aut

aut capitulum, quibus subsumt, quæ corrigenda inuenirentur, fideliter, & rectè conscriberent. vt in tex. Ideo cum constet, quod in tali officio tabellionatus, monachi non essent idonei, vt veritas clarius elucescere possit, statuitur, quod episcopus in monasterij visitatione, non teneatur accipere monachum pro tabellione. vt in tex.

ETIAM si hoc habeat consuetudo.

QU^{VIA} talis consuetudo, per quam prior, & capitulum, viderentur nimium delicati, esset irrationabilis. vt in tex. Ideo merito reprobat. c. cum inter. extr. de consuet.

NEC in actu visitationis debet esse solus.

QU^{VIA} episcopali dignitati non modicum detraheretur, si ab episcopo, qui dignitatem propriam suo ingenio augere debet, comites honoris sui causa adhibiti abducerentur, seq. solum suspectis quandoque forsitan, quos visitat, committere compelleretur. vt in tex. Et si episcopus ingrederetur solus, & aliquis monachus teneret locum tabellionis, & alij monachi essent assistentes visitanti, sequeretur, quod eadem personæ, quæ essent forsitan per visitatorem corrigendæ, ministræ essent correctionis. glos. hic. ver. compellatur. Et quoniam duplici officio, præsertim suspecto, & aduerso, qualia essent ista, quis fungi non debet. c. quia nonnulli, extr. de cler. non resid. & l. nemo. C. de assessor. Ideo merito statuitur, vt episcopus in visitatione monasterij non sit solus cum ipsis monachis visitandis. vt in tex. & c. vt iuxta. extr. eod.

SED duos, vel tres clericos cum notario, qui similiter sit clericus, secum assumat.

QU^{VIA} sicut prouidetur dignitati episcopali, & officio visitationis, ne episcopus in monasterij visitatione sit solus, vt dictum est superius; ita consulendum est indemnitati monasteriorum, ne in visitatione episcopus sit illis nimium onerosus. vt in tex. Et quoniam in ore duorum, vel trium, stat omne verbum. Ioan. cap. 8. Et cum non sit decens, vt in monasterij visitatione intersint seculares, ne per eos dissolutionis materia in claustro proueniret. d. c. vt iuxta. Et cum monachi illius monasterij non debeant esse ministri assistentes visitatori, vt dictum est superius. Ideo remanet, vt in actu visitationis monasterij episcopus debeat habere duas, vel tres personas honestas, clericali characterè insignitas, quarum vna ad minus sit religiosa ordinis illius monasterij, & vnus notarium clericum, & non plures. vt in tex. Debet autem, vt inter istos adsit vnus ordinis illius. vt in tex. quia cum ipsi religiosi sint ex longa consuetudine plenius informati de factis monasteriorum; in huiusmodi visitatione poterit episcopus opportunum consiliū, & promptū auxiliū à tali religioso habere. c. in singulis. extr. de stat. mon.

Cap.

Cap. 2. Vt quos.

BENEFICIA plura incompatibilia obtinens sine dispensatione, debet illa, præter ultimum, in manu ordinarij intra duos menses dimittere.

QU^{IA} in talibus beneficijs incompatilibus per affecutionem, secundi, vacat, eo ipso, primum. c. de multa. extr. de præben. Sed quoniam aliqui, vel per avaritiam quærebant retinere vtraque, vel per negligentiam in manu ordinarij non dimittebant primum. vt in tex. Ideo fuit statutum, vt intra duos menses à die notitiæ huius constitutionis, talia plura beneficia essent efficaciter verbo, & facto dimittenda in manu ordinarij, retento solum ultimo, si in eo ex collatione canonica competat ius tali beneficiato. vt in tex. Assignatur autem terminus duorum mensium à die notitiæ huius constitutionis. vt in tex. quia lex post duos menses à die publicationis, per quam præsumitur quisque de illa habere notitiam, omnes ligat. Authent. vt factæ nouæ constit. in princ. & gloss. in c. nouerit. extr. de sent. excom. Sed hodie post adeptum secundum tale beneficium, assignatur solum vnus mensis ad dimittendum primum sub publico testimonio in manibus ordinarij, vt infr. Extrauag. execrabilis. circa fin. de præb. & nouissime vide Concil. Trid. sess. 7. de refor. cap. 2. & 4. & sess. 24. de refor. cap. 17.

ALIAS incurrit pœnam priuationis eo ipso, etiam secundi, & fit inhabilis ad alia quæcunque beneficia.

QU^{IA} dignum est, vt quos virtutis amor à vitio ambitionis execrandæ, & avaritiæ cecitate non retrahit, saltem rigor coerceat disciplinæ. vt in tex. & c. cum in cunctis. extr. de elect. Et quoniam quis puniendus est in eo, in quo deliquit. c. litteras. extr. de tempor. ord. Ideo talis, qui deliquit per indebitam beneficiorum retentionem, punitur per inhabilitatem ad quæcunque beneficia. vt in tex. & d. Extrauag. execrabilis. & Concil. Trid. in capitibus proximè citatis.

ET debet ordinarius tales plura beneficia obtinentes compellere, ad ostendendam dispensationem; quod si non fecerit, ab ingressu ecclesia suspenditur.

QU^{IA} cum tales possideant ista plura beneficia contra iuris cōmunis dispositionem, præsumitur contra eos, quod non legitime possideant. vt not. in c. ordinarij. eod. in 6. Et quoniam non est ab ordinarijs ferendum, vt quis beneficia iniuste detineat. c. irrefragabili. extr. eod. & c. 1. de reg. iur. in 6. Ideo ne ordinarij sint negligentes in hoc eorum officio adimplendo, præcipitur eis sub pœna suspensionis ab ingressu

gressu ecclesiæ, vt sub certa, & formidabili pœna eorum arbitrio infligenda, debeant iniungere eorum subditis, qui dicunt talia plura beneficia ex dispensatione retinere, vt dispensationem intra tempus pro facti qualitate ipsorum ordinariorum moderandum arbitrio, exhibere procurent. vt in tex. & d.c.ordinarij.

Liber Primus . Titulus XXXII.

DE OFFICIO IUDICIS.

In Decretal. Cap.1. Ex litteris.

AD officium iudicis, etiam delegati, spectat providere aduocatum parti, quæ non potest habere.



VI A iudex inuigilare debet, ne inferior persona à potentiore afficiatur iniuria. l. illicitas. §. ne potentiores. ff. de off. præsid. Et quod unicuique in iudicio reddatur, quod suum est. l. 1. ff. de iust. & iur. Et quoniam si à iudice non provideretur de aduocato illis personis, quæ non sunt per se aptæ ad exprimendum in iudicio suam causam; & propter earum impotentiam, & aduersarij timorem, non inueniunt aliquem idoneum, qui aduocet pro ipsis; facile in iudicijs, dum essent indefensæ, ab aduersario potentiore iniuste opprimerentur. l. nec quicquam. §. obseruare. d. tit. de offic. præsid. Ideo vbi aliquis indiget aduocato, & per se illum habere non potest, à iudice illi est dandus. vt in tex. & l. 1. §. ait prætor. ff. de postul. Qui aduocatus debet esse idoneus, & in quantum fieri potest, æqualis aduocato partis aduersæ. l. prouidendum. C. de postul. & c. infames. §. si verò. 3. q. 7. Vnde ex causa potest iudex compelli aduocatatum ad patrocinandum alicui, & si ille iniuste resistere velit, potest ei interdicare officium postulandi. l. moris. ff. de pœnis. Debet tamen iudex constituere illi salarium secundum facultatē suā, & pro modo litis, & consuetudine patriæ. l. 1. §. in honorarijs. ff. de var. & extraord. cogn. & c. licet. 11. q. 3. Nemo enim cogitur de suo facere beneficium. c. præcariz. 10. q. 2. Nec proprijs stipendijs militare. 1. ad Corinth. cap. 9. Si tamen pars esset inops, & impotens ad soluendum, posset compelli aduocatus ad exhibendum illi gratis patrocinium. Bald. in l. si furiosi. C. de nupt. nam tunc tenetur ad hoc lege naturali, & diuina, quia debet diligere proximum, sicut seipsum. Host. hic. Et si hoc facere nollet, peccaret; nam videretur abscondere talentum sibi traditum à Deo. S. Gregor. in homil. super S. Matth. cap. 23. Et quan-

quanquam aduocati sine sumptibus non studeant. 48. dist. 9. 1. sumptus tamen, & scientia administrantur à Deo. Abb. hic. à quo omne datum optimum, & omne donum perfectum descendit. 1. ad Corinth. cap. 4. Et maxime debent hoc facere clerici, qui viuunt de patrimonio Iesu Christi. c. 1. de postul. & c. 1. de magistr.

ET poterit dare domesticum.

QU^VIA non est tanta suspicio contra iudicem, si aduocatus est suus domesticus, quod possit in causa ab eo decipi, & corrumpi, sicut est, quando pars est ei familiaris. glos. 1. in c. ex insinuatione. de appell. nam causa non est aduocati, sed partis, cui spectat commodum, & incommodum illius. c. biduum. §. palam. 2. q. 6. Et similiter, licet testis, qui deponit de facto, non sit producendus de domo iudicis, ne facile inter eos fieret collusio. c. fin. 4. q. 4. Secus est in aduocato, qui deponit de iure, & cui non creditur, nisi in quantum est iuris. l. ab ea parte. ff. de probat. Debet enim erubescere sine lege loqui. l. illam. C. de collat. Ideo cessant rationes, propter quas videbatur, quod aduocatus iudici domesticus non esset admittendus; & remanet ius commune, ut qui non prohibetur, possit esse in causa aduocatus. l. 1. ff. de postul. Si tamen esset aduocatus ita iudici domesticus, qui nimis ardentem assumeret causam, & domi, & extra, rotis viribus laboraret, ut iudex ad sua dicta moueretur, tunc iudex iuste recusatur, non quia sit domesticus, sed quia nimium fauet. c. accedens il 2. ut lit. non contest.

Cap. 2. Iudicis.

CV M imploratur iudicis officium nobile, fit litis contestatio.

QU^VIA officium iudicis nobile succedit loco actionis. ut in tex. quod in casu huius tex. intelligitur, quando illud imploratur principaliter, & contra certam personam, & cum plenaria causa cognitione. Abb. hic. Et quoniam tunc est quasi ordinarium iudicium, quod intentatur. glos. hic ver. proponitur. Et in iudicijs ordinarijs debet fieri litis contestatio. c. 1. & ibi glos. de lit. contest. Ideo in eo, sicut in ordinarijs iudicijs, lis debet contestari. ut in tex. & l. Papinianus. §. fin. ff. de minor.

SECVS in mercenario.

QU^VIA tunc officium iudicis dicitur mercenarium, quando in causa illud non petitur principaliter, sed incidenter; & appellatur mercenarium, quia per se non stat, sed actioni deseruit. Abb. hic. Et quoniam in tali casu nihil petitur à parte, sed solum vel dirigitur contra iudicem, vel petitur releuamen ab aliquo proprio impedimento; vel si dirigatur contra partem, est post litem cum ea in principali negotio conte-

contestatum, quæ contestatio extenditur etiam ad illud accessorium. Butr. hic. Ideo tale iudicis officium litis contestationem non exposcit, sed ante, & post ingressum causæ, potest ad illud sine litis contestatione haberi recursus. vt in tex. & Butr. hic in fin.

Liber Primus. Titulus XXXIII.

DE MAIORITATE, ET
OBEDIENTIA.

In Decretal. Cap. 1. Cum certum.

PRIVS ordinatus, ceteris paribus, prior, & maior habendus est.



QUIA qui prior est tempore, vbi in reliquis par est causa, potior est iure. l. quoties vtriusque. ff. de reg. iur. nam diuturnitas arguit maiorem, & possessionem. l. 1. ff. de albo scriben. Et quoniam vniuersitas ecclesiastica confunderetur, si vnicuique suus gradus non conseruaretur. c. fin. dist. 89. Ideo ne fiat præiudicium illi, qui potior est iure, & ne confusio in vniuersitate generetur, qui prius est ordinatus, ceteris eiusdem ordinis est præferendus. vt in tex. & c. episcoporum. dist. 74. nisi posterior eiusdem ordinis fuisset ordinatus à Papa. c. hi, qui. de præb. in 6. nam tunc propter dignitatem, & prærogatiuam ordinantis, etiam talis ordinatus debet gaudere prærogatiua, vt alijs eiusdem ordinis præferatur. infr. c. per tuas.

Cap. 2. S quis.

VENIENS contra decretum, vel constitutionem episcopi, debet excommunicari.

QUIA episcopus potest facere constitutiones, quæ obligent in sua diocesi. c. vt animarum. de constitut. in 6. Et quoniam qui venit contra legem, quando illa est præceptiua, & in re graui, mortaliter peccat. c. nam concupiscentiam. de constitut. Et propter peccatum mortale; vbi quis est contumax, & non potest aliter corrigi, ecclesiastica est communione priuandus. c. nemo. & c. nullus. 11. q. 3. Et episcopus habet potestatem suos subditos excommunicandi. c. si quis à proprio. d. q. 3. Ideo subditus, qui per transgressionem constitutionis sui episcopi mortaliter peccat, si aliter corrigi non potest, erit per excommunicationem ab ecclesia abiiciendus. vt in tex. & c. si autem. d. q. 3. In libro enim

enim Regum legitur: Qui non obedierit principi, morte moriatur. 1. Regum. cap. 12. Et in Concilio Agathenſi dicitur, quod anathematizetur. c. epiſcopi. d. q. 3. In iure enim canonico mors capitur pro excommunicatione. c. per venerabilem. qui fil. ſint leg.

Cap. 3. Legebatur.

CLERICVS adminiſtratione carens non tenetur ad iuramentum obedientia.

QU^{IA} iuramenti vinculum, quantum quiſque poteſt, debet evitare. c. etſi Chriſtus. §. licet. de iureiur. Cum Dominus præceperit in Euangelio: Sic ſermo veſter eſt, eſt, non, non. Matth. cap. 5. Ne aſſiduitate iurandi, quiſquam ad periurium per conſuetudinem delabatur. c. ita ergo. 22. q. 1. Et quoniam ſatis eſt, vt clericus, qui adminiſtrationem non habet, verbo obedientiam promittat; cum in eo non vertatur ita periculum, ſicut vertitur in adminiſtrationem habente. gloſ. hic. Ideo talis clericus non eſt ad præſtandum obedientie iuramentum cōpellendus. vt in tex. & c. nullus. de iureiur. Poſſet tamen cogi iurare, ſi eſſet ſuſpectus de inobedientia. infr. c. cum in eccleſijs, & ibi gloſ. Vel ſi eſſet excommunicatus. c. cum deſideres. de ſent. excom. licet interdum etiam talibus ex cauſa remittatur. c. ſuper eo. d. tit. Vel ſi eſſet loci conſuetudo, quod tales iurarent. c. cum clerici. de verb. ſign. Sed hodie ab iſtis clericis exigere hoc iuramentum, non eſt in uſu; ſicut nec ſimplex promiſſio obedientie. Abb. hic.

NEC ad faciendam ſcripturam ſuper ea.

QU^{IA} iniuria fit ei, cuius verbo credi debet, ſi ab eo ſcriptura exigatur. l. ſi vero. §. i. ff. qui ſatiſdar. cog. Et quoniam fuit ſtatutum, vt ſufficiat ab iſtis clericis verbo recipere obedientiam. gloſ. hic. Ideo ad illam præſtandam per ſcripturam, non ſunt adſtringendi. vt in tex. niſi rationabilis cauſa aliter ſuaderet. c. ſi clericos. de ſent. excom. in 6.

Cap. 4. Omnes.

AB omnibus de diœceſi obediendum eſt epiſcopo.

QU^{IA} epiſcopus eſt in ſpiritualibus caput, & iudex ordinarius totius diœceſis. c. 1. & c. irrefragabili. de offic. ordin. Et quoniã qui omne dicit, nihil excludit. l. Iulianus. ff. de legat. 3. Ideo de iure communi omnes de diœceſi in ſpiritualibus ſubſunt epiſcopo. vt in tex. & c. de perſona. 1. q. 1. Vnde diuus Petrus præcipiebat: Omnes principes terræ, & ceteros homines epiſcopis obedire. 1. cap. 2. Et diuus Ambroſius epiſcopus excommunicauit Theodoſium Imperatorem in eius

O o o diſce-

diçceſi delinquentem. c. duo ſunt. diſt. 96. Et ſic qui in diçceſi dicunt ſe à iuriſdictione epiſcopi exemptos, debent oftendere exemptionis priuilegium. c. cum perſonæ. de priuilegiis. in 6. aliàs non eſt eis credendum. c. cum epiſcopis. de officio. ord. in 6.

Cap. 5. Illud.

NO N obediens canonicis inſtitutis, incurrit inobedientiæ notam, id eſt, infamiam.

QUIA qui regnum Dei conſequi non valent, ſunt infames. c. illi. 6. q. 1. Et quoniam qui in re graui facit contra legem præceptum, mortaliter peccat. vt not. ſupr. in c. ſi quis. Et ſimiliter ſi venit per contemptum contra quodlibet præceptum ſuperioris. gloſ. in c. duo. diſt. 96. Et qui eſt in peccato mortali, eſt extra gratiam Dei. c. qui natus. de pñit. diſt. 1. Ideo qui contraueniendo canonicis inſtitutis, mortaliter peccat, fit infamis. vt in tex. Vnde dicitur, quod obedientia eſt melior, quàm victima, & auſcultare magis, quàm adipem arietum offerre. vt in tex. quia per obedientiam quis victimat ſeipſum, dum deprimit propriam voluntatem; ſed per victimationem, quæ fiebat in ſacrificijs veteris legis, maſtabatur caro animalium. c. ſciendum. 8. q. 1. Talis tamen infamia, quæ dicitur canonica, tollitur ſublato peccato. c. omnes. d. q. 1.

Cap. 6. Solitæ.

EPISCOPVS non debet ſubeſſe principibus, ſed præeſſe.

QUIA duo ſunt, quibus principaliter hic mundus regitur, ſcilicet, auctoritas ſacra Pontifici, & regalis poteſtas. c. duo ſunt. diſt. 96. Et quoniam tanto grauius pondus eſt ſacerdotum, quanto etiam pro ipſis regibus hominum, in diuino ſunt reddituri examine rationem. d. c. & c. cognouimus. 18. q. 2. Et honor, & ſublimitas epiſcopalis nullis poteſt comparationibus adæquari. Si enim regum fulgori compares, & principum diademati, longe erit inferius, quàm ſi plumbi metallum ad auri fulgorem compares. d. c. duo ſunt. Et quanta eſt inter ſolem, & lunam, tanta inter pontifices, & reges cognoscitur eſſe differentia. vt in tex. Ideo principes debent ſuis epiſcopis reuerenter aſſurgere. vt in tex. & cognoscere ſe ex illorum pendere iudicio, non illos ad ſuam redigi poſſe voluntatem. d. c. duo ſunt. Et ſic debent eos paterno honore, ac debita reuerentia proſequi. c. Valentinianus. diſt. 63. & Concil. Trid. ſeſſ. 25. de reform. cap. 17.

Cap. 7. Per ſuas.

ORDINATVS per Papam, non per hoc eximitur à iuriſdictione ſui epiſcopi.

Quia

QU^{VIA} ordinatis à Papa deferendum est, quantum patitur conuenientia. vt in tex. Et quoniam priuilegium, quod cedit in aliorū præiudicium, est strictè interpretandum. c. ex parte. de decim. Ideo per priuilegium competens ordinato à Papa, vt cæteris paribus, alijs eiusdem ordinis præferatur, non inferitur, quod in præiudicium superioris, ab eius iurisdictione eximatur. vt in tex. & c. cum in distribuendis. de tempor. ordin.

Cap. 8. Inter .

Q V A N D O de obedientia, vel subiectione agitur, nihil attentari debet in præiudicium rei, vel possessoris non citati .

QU^{VIA} in omni actu, in quo vertitur interesse partis, regulariter requiritur in iudicio citatio. l. de vnoquoque. ff. de re iudic. pertinet enim ad defensionem, quæ est de iure naturali. Clem. pastoralis. §. cæterum. de re iudic. cum merita causarum, partium assertionem pandantur. l. 1. c. si per vim, vel alio mod. Et contra eam de potestate ordinaria, etiam princeps venire non potest. c. 1. de caus. possess. & propriet. Et quoniam vbi tractatur de auferendo alicui obedientiam, vel subiectionem, vertitur interesse illius, qui iam est in quasi possessione talium iurium. vt in tex. & c. quia diligentia. de elect. Ideo in præiudicium rei, vel possessoris non citati non est in tali causa aliquid attentandum. vt in tex. & infr. vt lite pend. per tot. & 12. q. 1. c. 1.

Cap. 9. Quod super.

A B B A T E S, & sacerdotes, qui sunt diœcesani episcopi, ad eius Synodum venire debent.

QU^{VIA} Synodus est mixti iuris; nam respectu conuocationis est de lege diœcesana, sed respectu eorum, quæ in Synodo statuuntur, & ibi aliquid iudicatur, est de lege iurisdictionis. Host. & Burr. hic. Et quoniam abbates non sunt exempti à lege iurisdictionis episcopalis, nisi habeant ex speciali priuilegio, licet ipsi, & eorum monasteria, sint exempti à lege diœcesana. vt not. in c. dilectus. de offic. ordin. Ideo ratione eorum, quæ tractantur in synodo, debent etiam abbates exempti ire ad illam, etiam si sint abbates populum non habentes, licet ratione conuocationis ire non cogantur, nisi subsit causa rationabilis. c. fin. §. canonica. 18. q. 2. & palea, episcopus. dist. 18. Si verò sint abbates habentes populum, vel capellas non exemptas, tunc ratione populi, & capellarum, subiiciuntur in talibus, etiam quo ad legem diœcesanam. Burr. hic. Ideo tunc coguntur etiam ad synodum venire. c. abbates. 18. q. 2. & c. ex ore. de priuil. nisi aliud priuilegium aliter inducat. c. nimis. de excess. prel. Sacerdotes verò non exempti, omnes de ciuitate, & diœ-

celi tenentur ire ad synodum ; ita tamen , quod ecclesijs non subtrahatur diuinum officium.c.1. dist. 18. & Abb.hic . Sed quid hodie circa synodum sit obseruandum , & qui accedere teneantur , vide Concil. Trid. sess. 24. de refor. cap. 2.

ET sibi obedire compelli possunt per censuram ecclesiasticam.

QUIA iurisdicção delusoria videretur, nisi haberet coercendi facultatem.c.præterea.de offic.deleg. Et quoniam dignum est, vt quos Dei timor à malo non reuocat, saltem coerceat seueritas disciplinæ.c.cum in cunctis.de elect. Ideo si in casu, quo abbates, & sacerdotes ad synodum accedere tenentur, ire contemnunt, possunt ab episcopo, super ipsos in hoc iurisdictionem habente, per censuras ecclesiasticas compelli, vt accedant ad illam. vt in tex. & c. dilectus. de pœnis. & Concil. Trid. d. cap. 3.

Cap. 10. Cum in ecclesijs.

CANONICI regulares inobedientes priori suo, per ipsum excommunicari possunt.

QUIA vbi monasterium regitur per priorem, est ibi prior in exercenda iurisdictione loco abbatis.c. fin. de stat. monach. Et quoniam abbas habet in suos subiectos iurisdictionem ordinariam, & potestatem eos excommunicandi.c.cum ab ecclesiarum. & c. quanto. de offic. ordin. Ideo eandem facultatem habet etiam prior, qui loco abbatis regit monasterium, vt in tex. Et quia inobedientia erga superiorem est peccatum mortale. supr. c. si quis. Et propter peccatum mortale potest excommunicatio ferri.c. nemo. 11. q. 1. Ideo canonici regulares inobedientes, per eorum priorem excommunicari possunt. vt in tex. & c. tam sacerdotes. 24. q. 3.

ET si fuerint incorrigibiles, de fratrum consortio expelli possunt.

QUIA ex vno peccatore polluitur populus, sicut ex vna oue morbida vniuersus grex inficitur.c. sed illud. dist. 45. Et quoniam monachi incorrigibiles non sunt ita expellendi à monasterio, vt eis detur materia vagandi, & occasio inobediendi ; si enim expellerentur de monasterio, facile esset volenti vagari, facere se inobedientem.c. quanto. de hæret. nec sunt inter alios fratres ita retinendi, vt sit periculum, quod alij per eos corrumpantur. c. refecandæ. 24. q. 3. Ideo tales non excluduntur de monasterio, sed de fratrum consortio remouentur. vt in tex. & c. fin. de regular. ita quod non comedent cum alijs in refectorio, nec iacebunt in dormitorio, sed detrudentur in carceribus, seu ergastulis intra monasteria.c. dilectus il 2. de simon. & d. c. fin. de stat. monach.

Cap.

Cap. II. His, quæ.

PRESBYTERI, & clerici capellarum ſubditarum titulo Cardinalatus, debent Cardinali obedientiam, & reliqua, de quibus hic.

QUIA Cardinales habent in ſuis titulis, & in eccleſijs ipſi titulo ſubiectis, iuriſdictionem epiſcopalem. Butr. hic. & Ioan. Monach. infr. in c. vnic. in 6. Et quoniam preſbyteri, & clerici diœceſis tenentur præſtare obedientiam epiſcopo, & alia ſigna ſubiectiōis ei exhibere. ſupr. c. legebatur. Ideo ſimiliter debent præſtare talia preſbyteri, & clerici Cardinalibus in titulo ſubiecti. vt in tex. & Rom. conf. 498.

ET vacante titulo ſuccedit capitulum illius eccleſiæ.

QUIA prælatus, & capitulum faciunt vnum corpus, per quod debet eccleſia gubernari, ita vt prælatus ſit caput, & illi de capitulo ſint membra. c. ea noſcitur. de his, quæ ſi. a prælat. Et quoniam eſt prouidendum, ne, deſiciente capite, eccleſia patiatur in regimine detrimentum. gloſ. in Clem. 1. ver. capituli. de hæret. Ideo propter coniunctionem, quæ eſt inter prælatum, & capitulum, vacante eccleſia, iuriſdictione prælati deuoluitur ad capitulum. vt in tex. & infr. c. cum olim. Excepimur tamen collationes beneficiorum pertinentes ad ſolum prælatum, & aliz alienationes. gloſ. in d. c. cum olim. Sed ea, quæ ſunt ordinis, cum non poſſint exerceri per ipſos de capitulo, debent per capitulum committi alteri prælato habenti ordinem, & poteſtatem exercendi; quem ad hos actus capitulum inuitabit cum cautela ſtudio, id eſt, cum proteſtatione, quod per hoc in tali diœceſi nihil iuris ipſi prælato acquiratur. gloſ. fin. hic. & c. pontifices. 7. q. 1.

NI SI pro bono pacis aliquid ſit exceptum.

QUIA ad principis officium ſpectat prouidere, vt pax inter ſuos ſubditos conſeruetur. c. noli. 23. q. 1. Et quoniam pro hoc maiori bono poteſt ſuperior tollere de iure vnius, & alteri dare c. niſi. de præb. Ideo licet de iure communi capitulum ſuccedat, ſede vacante, in iuriſdictionem prælati, vt dictum eſt ſuperius; tamen ſi ex tali ſucceſſione, timeretur perturbatio pacis, conueniens eſt, pro communi bono, quod eſt anteferendum priuato. Authent. de reſtit. & ea, quæ. ſ. ea enim. coll. 4. vt ex toto, vel in parte per Summum Pontificem illa iuriſdictione a capitulo auferatur; & pro vt ipſe magis viderit expedire, eam ſibi reſeruet, vel alteri concedat. vt in tex. & gloſ. in c. 2. ver. pacem. de re iudic. in 6.

Cap. 12. Dilecta.

ABBATISSA subditos excommunicare non potest.

QU^IA facultas excommunicandi dependet à potestate clauum. c. tanta. de excess. præl. dicente Domino beato Petro : Quodcunque ligaueris super terram, erit ligatum, & in cælis. Matth. cap. 16. Quia cum excommunicat ecclesia, in cælo ligatur excommunicatus; cum reconciliat ecclesia, in cælo soluitur reconciliatus. Petrus enim quando clauas accepit, ecclesiam sanctam significauit. c. quodcunque. 24. q. 1. Et quoniam potestas clauum non cadit in mulierem, quia non mulieri; sed Petro talis potestas tradita est. c. noua. de pœnit. & remiss. Ideo abbatissa non potest excommunicare, nec absoluerè moniales à peccatis, nec alia facere, quæ à clauum potestate dependent. vt in tex. & d. c. noua.

I P S'I tamen sibi obedire tenentur.

QU^IA quilibet tenetur obedire suo superiori, vbi non præcipit aliquid contra mandatum maioris. supr. c. si quis. & 11. q. 2. c. si dominus. Et quoniam moniales subsunt abbatissæ. Clem. attendentes. de stat. monach. Et femina potest ratione dignitatis, quam habeat, iurisdictionem exercere, & virili officio fungi. c. significauit. de rescript. & c. cum deuotissimam. 11. q. 2. nam licet mulier in quantum femina priuata, & per se considerata, non possit virorum muneribus fungi, nec iurisdictionem exercere. c. dilecti. de arbitr. & c. mulierem. 33. q. 3. Tamen si de iure sibi defertur dignitas habens iurisdictionem annexam, potest iurisdictionem exercere. vt in tex. & d. c. cum deuotissimam. quia non ipsa mulier, sed dignitas tunc agere videtur. Burr. hic. Ex quo enim dignitas sibi conceditur, omnia ad illam consecutiuè censentur ei concessa. c. præterea. de offic. deleg. Ideo cum abbatissa sit superior monialibus, & alijs eius subditis, à talibus est ei obediendum. vt in tex. & c. vnic. §. fin. de stat. regul. in 6. Et licet abbatissa non possit per se excommunicare, vt dictum est superius, potest tamen implorare officium superioris, vt ipse excommunicet ei inobedientes, casu, quo tales per inobedientiam, excommunicari mereantur. vt in tex. & episcopus tenetur ei impendere auxilium. c. abbates. 18. q. 2. sicut inferior habens simplicè iurisdictionem, potest in casibus maioribus recurrere ad superiorem in loco, vt suam sententiam mandet executioni, vel compellat subditos obedire. c. cum ab ecclesiarum. de off. ord. & l. à diuo Pio. ff. de re iudic.

Cap. 13. Dilecti.

S I Metropolitanus à suffraganeo iuramentū exigit ultra formam statuti.

ſtatutam à canone, in eo, quod eſt ultra, ſuffraganeus non tenetur.

QUIA iuramentum non extenditur ad ea, quæ licite præſtari non poſſunt. gloſ. fin. hic. Cum non debeat eſſe vinculum iniquitatis. c. quanto. de iureiur. Vnde præſtitum contra ſtatuta canonum non tenet. c. ſi diligenti. de for. compet. Et quoniam iuramentum præſtitum à ſuffraganeo ultra formam ſtatutam à canone, eſſet in eccleſiæ ſuæ præiudicium. vt in tex. ſaltem de factio. gloſ. 1. hic. Et epiſcopus non poteſt eccleſiæ ſuæ conditionem facere deteriore. c. cum dilectus. de relig. dom. Ideo ne præiudicetur eccleſiæ, ſuffraganeus non tenetur iuramentum indebite contra iura eccleſiæ præſtitum obſeruare. vt in tex. & c. ſicut noſtris. de iureiur. Et canonici, & alij de eccleſia poſſent contradicere, & appellare, & repetere, quod præſtitum eſſet occaſione talis iuramenti, etiam inuito, & contradicente ipſo prælato. gloſ. 1. hic. & d. c. ſicut. Pro illa tamen parte, qua fuit iuſtè præſtitum, tenet, nec vitia- tur per partem inutilem. gloſ. fin. hic, cum vna pars ſit ſeparabilis ab alia. d. c. inter cætera. 22. q. 4. Epiſcopi namque præſtant iuramentum, obedientiæ Archiepiſcopis metropolitanis ſecundum eam formam, quam epiſcopi immediate ſubiecti Eccleſiæ Romanæ, præſtant ipſi Pa- pæ. vt in tex. de qua forma habetur in c. ego. de iureiur. Sed hodie om- nes, qui promouentur in curia, ſiue epiſcopi, ſiue abbates, iurant ipſi Pa- pæ. Abb. hic. Et de forma iuramenti præſtandi per abbates, vide tex. in c. ne Dei. de ſimon. De iuramento canonicorum, vide in c. cum clerici. de verb. ſign. De iuramento aliorum clericorum. not. in c. tua il 1. de iureiur. & in c. quanquam. diſt. 13.

Cap. 14. Cum olim.

VACANTE epiſcopatu, capitulum confirmat, & inſirmat electiones.

QUIA capitulum, ſede vacante, ſuccedit in iuriſdictione epiſco- pali in actibus, per quos non fit rei alienatio, nec tendunt in præiudicium epiſcopi futuri. gloſ. hic. & not. ſupr. in c. his, quæ. Et quoniam confirmare, vel inſirmare electiones, eſt quid iuriſdictionis. c. ſi religioſus. de elect. in 6. nec per tales actus aliquid alienatur, aut aliquod præiudicium epiſcopo futuro præſtatur. Abb. hic; nam ſi electus eſt dignus, tenetur ſuperior illum confirmare; ſi eſt indignus, tenetur il- lum reiſcere. c. poſtquam. de elect. Ideo cum hæc poteſtas confirmandi, vel inſirmandi electionem, ſit debita, & ſpectet ad ordinariam epiſcopi iuriſdictionem, propter communionem, quæ eſt inter epiſcopum, & cap- itulum, qui faciunt vnum corpus ad prouidendum eccleſiæ neceſſita- tibus, tranſit in capitulum, ſede vacante, quemadmodum contingit in alijs actibus iuriſdictionalibus. vt in tex. & c. 1. & ibi gloſ. de inſtitut. in

6. Col-

6. Collatio autem beneficiorum pertinens ad episcopum dumtaxat, non transit. c. illa. ne sede vacan. quia collatio est quædam donatio. c. fin. de offic. vic. in 6. nam prælatus vitur quædam liberalitate, in quem vult conferendo. c. relatum. de præb. unde collatio computatur inter fructus, cum videatur quidam fructus habere hanc præminentiam, & potestatem donandi beneficia, quibus vult. glos. hic. Ideo iura noluerunt, quod istæ liberalitates transirent in capitulum, quemadmodum nec liberalitas dispensandi fructus prouenientes, sede vacante. c. quia sæpe. de elect. in 6. In confirmatione autem, & institutione non est hæc liberalitas, cum teneatur superior confirmare electum, & instituere præsentatum, si sunt idonei, vt dictum est superius, & habetur in c. significasti. de iurepatr.

Cap. 15. Statuimus.

QVI maior est ordine, licet in ecclesia posterius receptus, in loco, & portione præfertur.

QUIA prærogatiua ordinis est dignior, quam sit prærogatiua temporis. c. ad subdiacono. dist. 93. Et quoniam vbi concurrunt duo iura specialia, ius potentius est præferendum. c. requisisti. de testam. & c. cum olim il. 2. de priuil. Ideo, licet, ceteris paribus, qui prius est receptus, sit posterius receptis præferendus. c. qui prior. de reg. iur. in 6. si posterius receptus est maior in ordine, prius recepto in ecclesia, est in loco, & portione præferendus. vt in tex. & supr. c. 1. Maioritas namque est multiplex, quædam enim est ordinis. vt in tex. quædam est dignitatis. c. dudum. de elect. in 6. Quædam est senectutis. l. semper. ff. de iur. immunit. Quædam est prælationis, seu administrationis. c. transmissam. de elect. Quædam est consecrationis. c. aqua. de consecr. eccl. His enim respectibus quis potest dici maior, vel minor. glos. in c. lex. dist. 2. Et inter se concurrentibus, illa maioritas, quæ est dignior, venit præponenda. c. ad hæc. de offic. archid. & c. præcipimus. dist. 93.

Cap. 16. Cum inferior.

SI ecclesia sita in aliquo archidiaconatu, erigitur in cathedralem, à iurisdictione archidiaconatus eximitur.

QUIA cum inferior superiorem soluere nequeat, vel ligare; sed superior inferiorem liget regulariter, & absoluat; & satis absolum videatur, vt filius potestatem habeat in parentem. vt in tex. & c. inferior. dist. 21. Et quoniam archidiaconus subest episcopo. c. ad hæc. de offic. archid. Et episcopus censetur pater inferiorum clericorum. c. esto subiectus. dist. 95. Ideo si ecclesia inferior erigitur in cathedralem, per consequens eximitur ipso facto à potestate inferiorum, qui ibi prius habebant

bebant iuriſdiſtionem, ne ſequatur abſurdum, vt epiſcopus inferiori ſit ſubditus . vt in tex. & c. quia periculofum . de ſent. excom. in 6. Poſteſt tamen epiſcopus dare ſimplici ſacerdoti auctoritatem, vt in confeſſione habeat auctoritatem in ipſum , & ſic, vt poſſit vti clauibus in ſuum ſuperiorem, quia quamuis epiſcopus, quem ſimplex ſacerdos abſoluit, ſit ſuperior eo ſimpliciter , eſt tamen eo inferior, in quantum ei ſe ſubijcit vt peccatorem. S. Tho. part. 3. q. 20. art. 3. in addit.

Cap. 17. Humilis.

COMPOSITIONEM *ſuper iure primatiæ, vnus ſolus, cuius intereſt, poterit impedire .*

QUIA intereſt ſubditorum non habere multos dominos , vel non mutare dominum . l. imperialem. §. infirmiter. de prohib. feud. alie. per Feder. Et quoniam quod omnes tangit, ab omnibus eſt approbandum . c. ad hæc. de offic. archid. Ideo in compoſitione ſuper iure primatiæ, per quam vnus prælatus cedit alteri primatum in prouincia, vt illa ſic valide facta, debent omnes prælati prouinciæ, & capitula cathedralium eccleſiarum conſentire. vt in tex. & c. fin. de his , quæ ſi. à præl. Si autem iſti prælati, & capitula conſentiant , cenſentur omnes de prouincia conſenſiſſe. Innoc. hic. quia hæc cauſa concernit principaliter vniuerſitatem eccleſiarum prouinciæ . Abb. hic. Et facta vniuerſitatis expediuntur per rectores , & maiores vniuerſitatis . l. 2. §. ſi autem. C. de iuram. calumn. Si autem eſſet negotium concernens principaliter intereſſe ſingulorum, eſſent ſinguli requirendi, & contradicſtio vnus inuolidaret actum. gloſ. 1. in c. cum omnes. de conſtitut. Et cum ſit res magni præiudicii, debet prælatus habere, ne dum conſilium, ſed etiam conſenſum ſui capituli. Innoc. hic. licet enim regulariter ſufficiat, prælatum requirere conſilium ſui capituli. c. quanto. & c. nouit. de his, quæ ſi. à præl. in rebus tamen arduis, & magni momenti non ſufficit eum requiſiſſe conſilium, ſi capitulum non præſtet etiam aſſenſum. Abb. hic. & not. in c. 1. de procur.

In Sexto.

Cap. Vnic. Epiſcopali.

CAPITVLVM, *vel is, ad quem adminiſtratio pertinet, vacante ſede, eos abſoluet, quos abſoluere poſſet epiſcopus, ſi viueret.*



QUIA capitulum ſuccedit de iure communi, ſede vacante, in his, quæ concernunt iuriſdiſtionem epiſcopalem . extr. c. his, quæ poſſunt tamen ex iure ſpeciali in illam ſuccedere etiam, alij, puta viſitator datus à Papa. c. is, cui. ſupr. de elect. vel ab archiepi-

P p p ſcopo

scopo in casu, de quo in c. fin. supr. de suppl. negl. præl. vel electus ad hoc per capitulum. gl. hic. ver. is, ad quem; vel aliqua particularis dignitas ex privilegio, vel præscriptione. Ioan. Monach. hic. Et quoniam absolvere quem ab excommunicatione, dependet à potestate iurisdictionali, non autem à potestate ordinis, vnde etiam non sacerdotes possunt habere excommunicandi potestatem. S. Tho. part. 3. q. 19. art. 3. in addit. Et quia propter animarum periculum evitandum, curandum est, vt, sede vacante, sit aliquis, qui vice episcopi possit absolvere excommunicatos, quos posset episcopus. Archid. hic. Ideo capitulum, vel alius, qui, sede vacante, exercet iurisdictionem episcopalem, potest absolvere excommunicatos, sicut posset episcopus. vt in tex. & c. ad abolendam. extr. de hæret.

N I S I à Sede Apostolica id fuerit interdictum .

Q V I A vbi superior mandat aliquid esse faciendum, vel non faciendum, semper ei est parendum, nisi certum sit, præceptum esse malum. extr. c. dilecta, & ibi gl. fin. Et quoniam Papa habet potestatem ligandi, & absolvendi per totum mundum. c. cum & 1. 9. q. 3. Ideo si ipse specialiter interdicat, ne aliquis absoluat, etiam si de iure talis potuisset prius absolvere, post huiusmodi præceptum absolvere nequit. vt in tex. Specialia enim derogant generalibus. c. generi. infr. de reg. iur. Interdicitur autem per Sedem Apostolicam, aut expresse. vt in c. fin. extr. de excessi. præl. aut tacite per commissionem alteri factam. vt in d. c. is cui. Ioan. Monach. hic.

In extrauag. Ioan. xxij. Cap. Vnic. Ecclesiæ.

Q V I A multi assumebant dominium, & se creari faciebant Potestates, & Capitaneos in comitatu Sabine, & alijs locis hic nominatis, qui sunt de patrimonio Ecclesiæ Romana, inhibetur, ne tales de cetero assumantur, neque illis, tanquam talibus, obediatur, & quod nullus huiusmodi præeminentiam sibi audeat adscribere sine speciali licentia Sedis Apostolicæ.



Q V I A Ecclesiæ Romanæ, suorumque fidelium dispendia Summus Pontifex dissimulare non potest, quin postquam sibi cognita fuerint, aduersus ea opportunis remedijs occurrat. vt in tex. Papa enim, qui aliorum iustitiam fouet, ius suum negligere non debet. c. licet. extr. de suppl. negl. præl. Et princeps debet se opponere aduersantibus, pro conferuando iure suorum subditorum. l. cum quis, ff. de do-

de dolo. Et quoniam exempla præſentia, & præterita cauere nos præmonent in futurum. c. quia aliquanti. diſt. 82. Ideo Summus Pont. Ioan. xxij. attendens grauiſa nocumenta, quæ nonnullis ciuitatibus, & caſtris intra patrimonium Beati Petri in Tuſcia, comitarum Sabinæ, & terram Arnulphorum conſtitutis, Eccleſiæ Romanæ ſubiectis, & perſonis ſingularibus eorundem, ex diuerſorum tam nobilium, quàm etiam aliorum, vſurpato regimine prouenerunt, & volens ſuper hoc in poſterum eorum diſpendijs præcauere, præcipit, ne quis in poſterum præſumat ponere officiales in iſtis terris, ſine ſpeciali licentia Sedis Apoſtolicæ, & ſi de facto fuerunt poſiti, quod populi illis obedire non debeant. Et ſimile habetur de Senatore Romano. in c. fundamenta. de elect. in 6. Terra autem Arnulphorum vocatur quedam aggregatio duodecim Caſtrollorum in Vmbria apud Interamnã; ſic nuncupata à Comitibus Arnulphis, qui ibi dominabantur: Et de iſtis locis hic præcipuè fit mentio, quia multa ex illis erant tunc nouiter deuoluta ad Sedem Apoſtolicam; vt apparet ex hiſtoria Franciſci Zazzaræ l. C. Patritij Neap. vbi agit de nobiliſſima Caſtrollorum Familia.

ET ſi ſint aliquæ ciuitates, quæ habeant ius eligendi tales capitaneos, per Sedem Apoſtolicam confirmandos; vetat Papa, quod ante confirmationem debitam, nulla eis, tanquam talibus, præſietur obedientia.

QUÏA intereſt ſuperioris ſcire, & examinare, cui, tanquam iudici, vniuerſitas, & ſinguli ex ea debeant parere, ne aliquis aſpera damnatione ciuitatem occupatam retineret, & concuſſionum dominatione ſubditos vexaret. l. 2. §. & cum placuiſſet. ff. de orig. iur. Et quoniam per electionem datur habitus adminiſtrandi, & per confirmationem datur ætus, & exercitium adminiſtrationis. gloſ. in c. quanto. diſt. 63. Ideo ex quo iſtæ ciuitates ſolum habent poteſtatem eligendi, non debet aliquis electus in iudicem ab illis, officium exercere, quouſque confirmationem à Sede Apoſtolica, cui tales ciuitates ſunt ſubiectæ, & ad quam illos ſpectat confirmare, legitime obtinuerit. vt in tex. & gloſ. ver. debitam.

In Extrauag. Commun. C. 1. Vnam ſanctam.

O M N E S Chriſti fideles de neceſſitate ſalutis, ſubſunt Romano Pontifici.

QUÏA vnam ſanctam Eccleſiam Catholicam, & ipſam Apoſtolicam, vrgente fide, credere cogimur, & tenere; extra quam nec ſalus eſt, nec remiſſio peccatorum; ſponſo in Canticis proclamante, :

P p p 2 Vna

Vna est columba mea, perfecta mea. Vna est matri suæ, electa genitrici suæ; quæ vnum corpus mysticum repræsentat, cuius caput Christus, Christi verò Deus. In qua vnus Dominus, vna fides, vnum baptisma. Vna nempe fuit diluuij tempore arca Noe, vnam ecclesiam præfigurans, quæ in vno cubitu consummata, vnum (Noe videlicet) gubernatorem habuit, & rectorem, extra quam omnia subsistentia super terram, legimus fuisse deleta. Hanc autem venerari debemus, & vnicam dicente Domino in Propheta: Erue à framea Deus animam meam, & de manu canis vnicam meam. Pro anima enim, id est, pro seipso capite simul orauit, & corpore; quod corpus, vnicam scilicet ecclesiam nominauit, propter sponsi fidei sacramentorum, & charitatis ecclesiæ unitatem. Hæc est tunica illa Domini inconsutilis, quæ scissa non fuit, sed sorte prouenit. vt in tex. & late per Turrecrem. in summa de ecclesiâ, & nouissime per Illustriss. & Reuerendiss. Robertum Cardinalem Bel-lerminium in Apologia contra Iacobum Angliæ Regem. Ideo ecclesiæ vnus, & vnicæ, vnum corpus, vnum caput, non duo capita, quasi monstrum; Christus videlicet, & Christi vicarius Petrus, Petriq. successor. Dicente Domino ipsi Petro: Pæce oues meas. Meas, inquit, & generaliter, non singulariter has, vel illas; per quod commississe sibi intelligitur vniuersas. Sine ergo Græci, siue alij se dicant Petro, eiusq. successoribus non esse commissos, fateantur necesse, se de ouibus Christi non esse; dicente Domino in Ioanne: Vnum ouile, & vnicum esse pastorem. vt in tex. & S. Tho. par. 3. q. 30. art. 1. in addit.

QVI utrumque gladium habet.

QUIA in ecclesia, eiusq. potestate, duos esse gladios, spirituales videlicet, & temporalem, euangelicis dictis instruimur; nam dicentibus Apostolis: Ecce gladij duo hic, in ecclesia scilicet, cum Apostoli loquerentur, non respondit Dominus, nimis esse, sed satis. Luc. cap. 22. Ideo qui in potestate Petri temporalem gladium esse negat, male verbum attendit Domini proferentis: Conuertere gladium tuum in vaginam. Vterque ergo est in potestate ecclesiæ, spiritualis, scilicet, gladius, & materialis; sed is quidem pro ecclesia, ille verò ab ecclesia exercendus; ille sacerdotis, is manu regum, & militum, sed ad nutum, & patientiam sacerdotis. vt in tex. & c. nouit. extr. de iudic.

E T omnes iudicat, à nemine autem iudicatur.

QUIA oportet gladium esse sub gladio, & temporalem auctoritatem spirituali subijci potestati; Nam cum dicat Apostolus: Non est potestas, nisi à Deo; quæ autem sunt à Deo, ordinata sunt; non autem ordinata essent, nisi gladius esset sub gladio, & tanquam inferior reduceretur per alium in supremam; Nam secundum beatum Dionysium: Lex diuinitatis est, infima per media in supremam reduci: Non ergo se-

cun.

cundum ordinem vniuerſi omnia æquè, ac immediatè, ſed infima per media, & inferiora per ſuperiora ad ordinem reducuntur. Spiritualem autem, & dignitate, & nobilitate terrenam quamlibet præcellere poteſtatem, oportet tanto clariuſ nos fateri, quanto ſpiritualia temporalia antecellunt. Quod etiam ex decimarum datione, & benediſtione, & ſanctificatione, ex ipſius poteſtatis acceptione, & ipſarum rerum gubernatione clariſ oculis intuemur; Nam veritate teſtante, ſpiritualis poteſtas terrenam poteſtatem inſtituere habet, & iudicare, ſi bona non fuerit; ſic de eccleſia, & eccleſiaſtica poteſtate, verificatur vaticinium Hieremiæ: Ecce conſtitui te hodie ſuper gentes, & regna, & cætera, quæ ſequuntur. Hierem. cap. 1. vt in tex. Ideo ſi deuiat terrena poteſtas, iudicabitur à poteſtate ſpirituali, ſed ſi deuiat ſpiritulis minor, à ſuo ſuperiori; Si verò ſuprema, à ſolo Deo, non ab homine poterit iudicari, teſtante Apoſtolo: ſpiritualis homo iudicat omnia, ipſe autem à nemiſe iudicatur. 1. ad Corinth. cap. 2. Eſt autem hæc auctoritas (& ſi data ſit homini, & exerceatur per hominem) non humana, ſed potius diuina, ore diuino Petro data, ſibiſque, ſuiſque ſucceſſoribus in ipſo, quem confeſſus fuit petra firmata; dicente Domino ipſi Petro: Quodcunque ligaueris, & cætera. Matth. cap. 16. Quicumque igitur huic poteſtati à Deo ſic ordinatæ reſiſtit, Dei ordinationi reſiſtit, niſi duo (ſicut Manichæus) ſingulat eſſe principia; quod falſum eſt, & hæreticum; quia, teſtante Moyſe, non in principijs, ſed in principio cælum Deus creauit, & terram. Genef. cap. 1. Vnde Summus Pontifex Bonifatius Oſtauius per hanc conſtitutionem declarat, dicit, definit, & pronuntiat, ſub eſſe Romano Pontifici, omni humanæ creaturæ omnino eſſe de neceſſitate ſalutis. vt in tex. & ſimile habetur in c. ſolitz. extr. eod.

Cap. 2. Vt prælatorum.

PRÆLATI non debent diſcurrere, præſertim habitu tranſformato.

QUIA prælati ſicut debent eſſe vita mundi, ita debent eſſe fama clari, vt exemplo proficui reddantur, vt in tex. & S. Bernard. de conſider. lib. 3. Vnde debent in ſe morum habere maturitatem. c. cum in cunctis. extr. de elect. Et quoniam ineptè diſcurrere, eſt ſignum leuitatis. Ariſt. 10. ethic. cap. 5. Et abijcere veſtes ſpirituales, eſt pernicioſa temeritas in deuotionis. vt in tex. & c. eam ad monaſterium. extr. de ſtat. monach. Et diſſimulare habitum, eſt indicium volendi aliquod malum operari. c. ex ſtudijs. extr. de præſumpt. Spiritus enim ſanctus diſciplinæ effugiet fictum. Sapient. cap. 1. Et omnis, qui male agit, odit lucem, & non venit ad lucem, vt non arguantur opera eius. Ioan. cap. 3. Ideo omnibus epiſcopis, ſuperioribuſque prælatiſ ſub obteſtatione diuini iudicijs inhiibetur, ne abſque rationabili cauſa, timoris forte, vel alia, ex-

tra

ra suarum ciuitatis, & diœcesis, ac prouinciarum (mutatis habitibus) limites indifcrete discurrant. vt in tex. & Conc. Trid. de regular. cap. 19.

Q V I si ad curiam venerint, inde recedere non debent sine Papæ licentia.

Q V I A superior propter sui status dignitatem, non debet pati se contemni. l. obseruandum. ff. de offic. præsid. Et quoniã quod prælati accedant Romam clanculo, non viso Papa, nec ei insinuato, quod venerint; & quod ibi latitent, & ab ipso nõ visi discedant, videtur in Summi Pontificis contemptum. vt in tex. & infr. c. prox. Ideo, ne, ipso Papa tacente, huiusmodi morbus non præcisus inualeat; dum prouidum creditur, quod incautum, & licitum, quod impunè relinquitur; inhibetur, ne qui episcoporum, & superiorum ipsorum latenter (præsertim habitu transformato) venientes ad curiam, de ipsa (Romani Pontificis non præsentati conspectui, vel saltem ab eo recedendi licentia non obtentâ) recedant. vt in tex. & infr. c. prox.

ALIAS ipsi, & receptantes illos, excommunicati sunt.

Q V I A dignum est, vt quos Dei timor à malo non reuocat, saltem coerceat seueritas disciplinæ. c. cum in cunctis. extr. de elect. Et quoniam agentes, & consentientes pari pœna puniuntur. c. quantæ. extr. de sent. excom. Et consentientes dicuntur illi, qui per cooperationem præstant auctoritatem. glos. in d. c. quantæ. Ideo si qui episcoporum, & superiorum extiterint huiusmodi inhibitionis contradictores, & absque ipsius Romani Pontificis recedendi licentia concessa, eoq. non viso recesserint à curia, nec non si qui seienter ipsos receptauerint, nisi id confestim eidem Romano Pontifici, vel alicui, per quem hoc ipsum ad eius crediderint deduci notitiam, manifestare curauerint (etiam si episcopali, archiepiscopali, patriarchali, vel quauis alia dignitate præfulgeant) per hanc constitutionem sententia excommunicationis innotantur. vt in tex. & infr. c. prox.

Cap. 3. Et si deceat.

PRAELATI ad curiam non debent more nocturnæ latenter venire, nec inde sine Papali licentia recedere.

Q V I A etsi deceat quoslibet subditorum curam exercere sollicitè, & per omnia velut lucis filios ambulare; hoc tamen præcipuè ab ipsis exigitur, qui constituti per altitudinem dignitatis vt in specula, circa commissas sibi plebes pastorum simul, & custodum partes implere tenentur. vt in tex. & c. peruenit. i. i. q. 1. Et quoniã nonnulli, pontificali præditi dignitate, gregum suorum custodiam negligentes, & abhorrentes lucem, tanquam filij tenebrarum, non verebantur se

ab o-

ab ouium ſuarum cura, mercenarij more, tempore longo ſubducere, & pontificali dignitate reieſta, non erubeſcebant vagari per deuia ſub habitibus transformatis, ac contempto de exhibendo paribus, & ſuperioribus, honore præcepto, ſic abiecti, & indecori, interdum ad Sedem Apoſtolicam clanculo declinare præſumebant, vbi more nocturnæ, cuius intuitum nox illuminat, lux excæcat, de die latentes, horis tenebrarum, quos ſuis arbitrabantur conformari deſiderijs, viſitabant, ſuos eis euomentes conceptus iniquos, & conſpirationes forſan illicitas pertractantes, & demum ab inde (non abſque notabili Sedis Apoſtolicæ contemptu) reuerentia tam conſueta, quàm debita, non exhibita Romano Pontifici, & nec ab ipſo petita licentia, nec obſenta, recedebant. vt in tex. & ſupr. c. prox. Ideo Summus Pontifex Ioannes xxij. cupiens ipſius ſedis honori in hac parte proſpicere, ac talium inſolentij ſinem impoſuere, de Cardinalium conſilio prohibet, ne de cætero præſul aliquis ſine ſui ſuperioris licentia (niſi pro negotijs eccleſiæ ſibi commiſſæ) extra ſuam diœceſim audeat pernoctare, firmiter ſtatuens, vt quicumque Pontifex ad Romanam curiam veniens, Papale palatium primitus viſitet, ad Papam (ſi hoc patitur temporis opportunitas) intraturus, ac reuerentiam conſuetam, & debitam, exhibiturus eidem; nullatenus reſeſſurus à curia, niſi ab ipſo ſuper hoc petita licentia, & obſenta. vt in tex. & ſimile ſupr. c. prox.

ALIAS infideles iudicantur, & ſententia excommunicationis ligantur.

QUO summo morbo ſummum remedium eſt adhibendum. c. corripiantur. 24. q. 3. Et quoniam contemnere ſuperiorem, maxime Papam, eſt graue peccatum. c. ſi quis. extr. eod. Ideo quicumque prælati, quamuis etiam patriarchali dignitate fulgentes, ſic ad Sedem accedentes, & ab illa (vt prædicitur) recedentes, nec non quilibet alij, qui tales apud ſedem ipſam receptare præſumpſerint, niſi ante receptionem huiusmodi eidem Romano Pontifici ſignificauerint aduentum illorum, decernuntur, eo ipſo, notam infidelitatis incurrere, ac excommunicationis ſententiæ ſubiacere. vt in tex. & ſupr. c. prox.

Liber Primus.

Titulus XXXIIII.

DE TREVGÂ, ET PACE.

In Decretal.

Cap. i. Treugas.

TREVGAS à quarta feria poſt occaſum ſolis, uſque ad ſecundam

dam feriam in ortu solis; Ab aduentu Domini vsque ad octauam Epiphania; Et à Septuagesima vsque ad octauam Pasche, ab omnibus inuiolabiliter obseruari, Summus Pontifex hic precipit.



QUIA die iouis non est bellandum, propter Ascensionem Domini in cœlum, & propter cœnam cum discipulis; nec die veneris, propter reuerentiam passionis; nec die sabbati, quia eo die discipuli latuerunt propter metum Iudeorum, & quia corpus latuit in sepulcro; nec die Dominico, quia ferè quodlibet insigne fuit eo die constitutum à Domino, & præcipue propter honorem resurrectionis; Nec tempore Aduentus, quia sunt dies immediate constituti in honorem Natiuitatis Domini Nostri Iesu Christi; Nec à Septuagesima vsque ad octauam Pasche, quia tunc est tempus præcipue assignatum ad pœnitentiam, & ad contemplandam passionem, & resurrectionem Saluatoris, à quo processit redemptio nostra. Butr. hic. Quamuis enim nulla sint tempora, quæ diuinis non sint plena muneribus, & semper nobis ad misericordiam Dei per ipsius gratiam præstetur accessus; in istis tamen solemnioribus diebus omnium mentes maiori studio ad spirituales profectus moueri, & ampliori fiducia oportet animari. S. Leo serm. 4. de quadragesima. Et quoniam treuga est securitas præstita rebus, & personis, bello non dum finito. glos. 1. hic. Et pacem habere, debet esse voluntatis; bellum autem debet esse necessitatis, vt liberet Deus à necessitate, & conseruet in pace: Non enim pax queritur, vt bellum exerceatur; sed bellum geritur, vt pax acquiratur. c. noli. 23. q. 1. Ideo vbi non potest haberi pax in totum, curandum est, vt saltem habeatur ad tempus, & præsertim eo tempore, in quo diuinis misteriis magis est incumbendum, cum bella, vt plurimum, animos à deuotione alienent, & ad mala occasiones præbeant. vt in tex. & d. c. noli. Et hæc intellige, siue bellum sit iustum, siue iniustum; nam licet nullo tempore sit cessandum à bello iusto, minus tamen est ei vacandum in hoc tempore, quam in alio, & licet nunquam sit faciendum bellum iniustum, tamen si de facto fiat, saltem in his diebus est magis à pugna abstinendum, glos. 2. hic. Et intellige, quod quis debet se abstinere in his diebus ab impugnando. Butr. hic; nam quo ad se defendendum, vbi vrget necessitas, nec quadragesimali tēpore, nec diebus festiuis, vel alijs diebus, pro defensione tam sua, quā patriæ, seu reipublicæ, & fidei, est bellorū exercitio parcendum; ne Deum quis videatur tentare, si habet, quod faciat, & suæ, & aliorum saluti consulere non procuret, & sanctæ religionis detrimenta non præcaueat. c. si nulla. 23. q. 8. & S. Tho. 2. 2. q. 40. art. 4. Sed quod dicitur de tali treuga, & de pœna contrauentionum in hoc tex. hodie non tenet, nec peccant, qui non seruant hanc constitutionem; quia huiusmodi treuga non fuit moribus vtentium approbata. glos. 2. & Innoc.

Innoc. hic. Leges enim instituuntur, cum promulgantur, firmantur, cum moribus vrentium approbantur. c. in istis. §. leges. dist. 4. Sed quando lex tollatur per desuetudinem, distingue, quod, Aut lex præceptiua nunquā fuit recepta in obseruantia, sciente legislatore, & valente contradicere, & non contradicente, & talis lex non ligat, nec requiritur tempus ad inducendam præscriptionem; sed sufficit binus, vel trinus actus in contrarium, quia hic non agitur de præscribendo contra legem, sed de impediendo vinculum; nam per binum, vel trinum actum apparet de cōsensu superioris. c. ita nos. 24. q. 2. & l. 2. C. de episc. audien. Ex quo enim superior videt, & patitur, non videtur velle, quod lex sua vinculum iniiciat. Si verò aliqui seruant in eodem loco, tunc non seruantes non videntur excusari. arg. c. iam dudum. in fin. de præb. Aut superior ignorat, & tunc requiritur præscriptio 40. annorum, & dummodo consuetudo sit rationalis, vt quia fundatur super aliqua ratione. c. fin. de consuet. in 6. Si enim contrarium legis in se esset malum, consuetudo non esset rationalis. c. intellecto. de iureiur. Nec obstat, quod videantur peccasse contrauenientes à principio, & sic quod videatur fuisse vitiosum principium abrogandi legem, & quod in huiusmodi vitio videantur continuare successores; quia respondetur, quod si à principio moti fuerunt ex aliqua rationali causa, non peccauerunt; quia ipsemet superior indulgisset. ad hoc, quod not. Archid. in c. vtinam. dist. 26. & successores eorum, qui contrauenerunt, similiter nō peccauerunt, quia potuerunt existimare, quod ex aliqua rationali causa lex illa non sit obseruata. arg. eorum, quæ not. glos. in c. de quarta. de præscript. & Abb. hic. Et quod lex præceptiua non illaqueat, sciente superiore, & non contradicente, est tex. iuncta glos. in c. 1. dist. 20. & c. cum olim. de cleric. coniug.

Cap. 2. Innouamus.

PERSONAE hic enumerata debent plena securitate gaudere tempore guerra; scilicet presbyteri, monachi, conuersi, & peregrini.

QUIA qui militant Deo, non debent perturbari per milites sæculi. c. illi, qui. 24. q. 3. Et quoniam clerici, & istæ aliz personæ spirituales elegerunt vitam, per quam Dei cōtemplationi, & orationi incumbunt. c. duo sunt. 12. q. 1. Ideo non debent à diuino ministerio per milites mundi retardari. vt in tex. & c. si quis Romipetas. 24. q. 3.

ET similiter mercatores euntes, vel redeuntes, & rustici in agricultura existentes.

QUIA per istos prouidetur reipublicæ de rebus victui, & vestitui necessarijs, & per eorum indultiam principes de huiusmodi rebus tributa reportant, ex quibus eorum dignitas sustentatur. l.

agricultores. & l. executores. C. quæ res pign. oblig. Et quoniam si isti per milites turbarentur, omnes alij, tam religiosi, quàm sæculares detrimenta paterentur, & principatus debilitaretur. d. l. executores. Ideo ne per malum eis illatum, etiam alij indebite molestentur, isti sunt priuilegiati, dum huiusmodi publico bono incumbunt, ne tempore belli molestentur. vt in tex. & d. c. illi, qui.

ET similiter animalia, quibus arant, & semina portant ad agrum.

QU^{IA} accessorium sequitur naturam sui principalis. c. accessoriū. de reg. iur. in 6. Et verba sunt intelligenda cum effectu. c. relatum. de cleric. non resid. Et quoniam rustici non possent sine istis animalibus agriculturæ operam dare. l. pignorum. d. tit. quæ res pign. oblig. Ideo ista animalia debent à militibus securitatem habere, sicut habent rustici, qui eis in agricultura vtuntur. vt in tex. & d. l. pignorum.

In Extrauag. commun. Cap. i. Ad vniuersalis.

SI X T V S *Papa Quartus volens discordiam ex pragmatica sanctione subortam sedare, ordinarijs regni Franciæ ad conferenda beneficia sex menses concedit. Facultatem concedendi sex gratias sibi retinet. Beneficia Cardinalium, & eorum, qui Cardinalibus sunt familiares, in regno franciæ existentia, suæ dispositioni vsque ad certum tempus reseruat. De beneficijs promouendorum quid fieri debeat, ostendit. Causas beneficiales in prima instantia vult in partibus terminari, in quibus ante diffinitiuam sententiam (nisi in vno casu) vetat appellari. Quid de causis in curia pendentibus faciendum sit, narrat. Si autem eadem causa in diuersis curijs diuersis respectibus tractatur, quonam pacto terminanda sit, hic recitatur. Taxas beneficiorum editas à Iuane XXII. seruandas censet. Tandem tempus ponit, intra quod vult ista acceptari, & seruari.*



QU^{IA} Summus Pontifex, inter alia onera, quæ sustinet in vniuersalis ecclesiæ regimine, debet maximè inuigilare, vt in populo Christiano, & præsertim in personis ecclesiasticis, discordiæ extinguantur, & pacis, & tranquillitatis dulcedo in ipsis conferuetur. vt in tex. & c. nouit. extr. de iudic. Et quoniam in regno Franciæ erant ortæ discordiæ, præsertim inter ecclesiasticos, occasione cuiusdam constitutionis, quæ in eodem regno diutius inoleuit (quam prag-

mati-

maticam sanctionem appellabant) & timebatur, ne in dies propter illam maiora scandala, & grauiora pericula subsequerentur, vt in tex. Ideo ad obuiandum huiusmodi malis, Summus Pontifex Sixtus Quartus circa hæc negotia statuit, prout in tex.

Cap. 2. Vices.

DISCORDIA inter religiosos mendicantes, & ecclesiarum parochialium rectores in partibus Germaniæ quatuor delegatis commissis, per eos sub certis formis, & modis in pacem, & concordiam conuersa fuit, quam Romanus Pontifex confirmat.

QUIA attendens Summus Pontifex, quod illius vices gerit in terris, qui Apostolis suis dixit: Pacem meam do vobis, pacem meam relinquo vobis. Ioan. cap. 14. Cupit inter Christi fideles quolibet, & præsertim sub vno, atque eodem sacerdotij vexillo secum Deo militantes, pacem, & charitatem inducere, & inductam conseruare, & quæ ijs contraria sunt, falce vigilantie pastoralis ad radicem posita, submonere, prout rerum, & temporum circumstantiæ exposcere dignoscuntur. vt in tex. & supr. c. prox. Et quoniam inter religiosos mendicantes, & ecclesiarum parochialium rectores in partibus Germaniæ, erant ortæ diuersæ discordiæ, per quas ecclesia Dei pariebatur in istis suis ministris detrimentum, & Christianis illarum partium in dies scandalum non modicum inde proueniebat. vt in tex. Ideo Summus Pontifex Sixtus Quartus ad extirpandas huiusmodi discordias, & pacem inducendam, & fouendam inter istos ecclesiasticos, qui se mutua charitate diligere, & alter alterius (iuxta Apostolum ad Galat. cap. 6.) onera portare debent; approbat, & confirmat ea, quæ pro tali concordia fuerunt ordinata per istos Sedis Apostolicæ delegatos, supplens motu proprio, & ex certa scientia, omnes, & singulos defectus, tam iuris, quam facti, si qui forsan in concordia per tales delegatos facta, interuenissent. vt in tex. & simile habetur in c. vnic. de offic. custod. in extrauag. comun.

PRAECIPIENS sub pena excommunicationis, illam à prelatiis obseruari.

QUIA frustra fierent leges, nisi essent, qui eas executioni demandarent. c. si Romanorum. dist. 19. & l. quia. ff. de præscript. verb. Et quoniam per impositionem pænæ, multi redduntur promptiores ad eorum officium exequendum, vt qui nõ oderunt peccare amore Dei, saltem abstineant formidine pænæ. c. cum in cunctis. extr. de elect. Ideo iniungitur prælatis, sub pænâ excoicationis latæ sententiæ, vt ea, quæ pro talium concordia in hac constitutione continentur ordinata, & confirmata, ipsi inuiolabiliter obseruent, & quantum in eis est, ab alijs faciunt obseruari. vt in tex.

Liber Primus . Titulus XXXV.

D E P A C T I S.

In Decretal. Cap. i. Antigonus.

PACTA, quantamcunque nuda, seruanda sunt.



QU^{IA} per legitimum pactum, quod non sit dolo initum, & obseruatum non vergat in dispendium salutis eterne, quamuis non sit aliqua scriptura, & instrumento vestitum, inducitur naturalis obligatio. l. iuriscientium. §. preceptor. ff. de pact. Quid enim tam congruum fidei humane, quam ea seruare, quæ inter eos placuerunt? l. i. ff. eod. Et quoniam qui à tali pacto, & obligatione recedit, mentiendo in alterius damnum, mortaliter peccat. c. prædicandum. 22. q. 1. dicente scriptura: Os, quod mentitur, occidit animam. Sapient. cap. 1. Vnde inter iuramentum, & simplicem loquelam, Dominus nullam vult esse differentiam. c. iuramenti. 22. q. 3. scilicet, quo ad obligandum promittentem, vel iurantem; nam vterque peccat contraveniendo, licet in quantitate reatus, sit differentia; quia grauius peccat veniens contra iuramentum, vt not. in c. fin. de iureiur. Ideo ad euitandum mortale peccatum, & ad soluendam naturalem obligationem, licita pacta sunt custodienda, & per ecclesiasticam disciplinam ad illorum obseruantiam ille, qui renuit, est adstringendus, vt in tex. & infr. c. qualiter.

Cap. 2. Quoties.

CONVENTIO inualida per consensum superioris validatur.

QU^{IA} vbi superior aliquid confirmat cum causæ cognitione, supplet omnem defectum, qui in illo actu poterat esse. c. 1. & 2. de confirm. vtil. intelligendo de superiore, qui de iure habet ad hoc potestatem. gloss. hic. & in c. 1. infr. tit. prox. Omnia enim nostra facimus (inquit Imperator) quibus auctoritatem nostram impartimur. l. 1. c. de veter. iur. enuel. Et quoniam qui ab initio poterat mandare, vel concedere, potest etiam ex post facto ratum habere. c. rati habitionem. de reg. iur. in 6. Ideo si sit pactum, de cuius validitate dubitetur, per superioris consensum confirmatur. vt in tex. & c. 1. infr. tit. prox. Quod enim non valebat, vt ex tunc, incipit valere, vt ex nunc. gloss. in c. non firmatur. de reg. iur. in 6.

Cap.

Cap. 3. Qualiter.

IV D E X debet studiose agere, ut promissa adimpleantur.

QU I A ad iudicem, præsertim ecclesiasticum, spectat providere, ut peccata euitentur. c. nouit. de iudic. Et quod vnicuique ius suum tribuatur. Institut. de iustit. & iur. §. 1. Et quoniam qui non attendit, quod legitime promisit, mentiendo peccat. supr. c. 1. Et retinet rem promissam, quæ per suum præstitum consensum spectat ad alium. l. cum amplius. §. is natura. ff. de reg. iur. Ideo per iudicem studiose, & effectualiter agendum est, ut ea, quæ promittuntur, opere compleantur. ut in tex. & c. iuramenti. 22. q. 5. Verba enim sunt intelligenda cum effectu, c. relatum. de cler. non resid. Et ubi requiritur effectus, non sufficit voluntas. c. 1. de eo, qui mitt. in poss. Vnde in ordinatione psalmistæ, id est, cantoris, dicitur ei per ordinantem: Vide, ut quod ore cantas, corde credas; & quod corde credideris, operibus compleas. c. psalmista. dist. 23. Et Dominus dicit: Quæ procedunt de labijs meis, non faciam irrita. Psalm. 88.

Cap. 4. Cum pridem.

N O N valet pactum, per quod beneficium ecclesiasticum debet pecunia resignari.

QU I A dare spirituale pro temporali, est simonia. c. ex diligenti. de simon. Et quoniam beneficium ecclesiasticum est quid spirituale, & pecunia est res temporalis. c. consulere. d. tit. & c. totum. 1. q. 3. Et remittere est dare. c. ea, quæ. d. q. 3. Ideo pactum de renuntiando beneficio, in quo habetur titulus, pro pecunia, ut simoniacum non valet. ut in tex. & c. tua nos. de simon. Iudex tamen ex officio suo posset providere, ut vna pars cederet liti super spiritualibus, & pro bono pacis reciperet ab alia parte expensas, quas fecit. gloss. hic. ver. non duximus. & c. nisi. de præbend.

Cap. 5. Accepimus.

N O N valet pactum de succedendo post mortem prælati in ipsius ecclesia.

QU I A per huiusmodi pactum daretur occasio captandæ mortis beneficiati. l. de fideicommissio. C. de transact. Et hæreditaria successio in beneficijs esse videretur. c. Apostolica. 8. q. 1. Et quoniam vtrumque est malum, & contra bonos mores. c. nulla. de concess. præb. Ideo tale pactum est sacris canonibus inimicum, & non debet aliquatenus tolerari. ut in tex. & d. c. nulla. De successione tamen in hæreditatem

tem alterius, valet pactum, si fuerit factum de consensu illius, de cuius hereditate paciscitur; dummodo in tali consensu ipse perseverauerit usque ad mortem. l. fin. c. de pact. Sed in beneficijs non valet hoc pactum, etiam si ei consenserit beneficiatus. gloss. 3. in d. c. nulla. quia non spectat ad eum dare successorem in beneficio. c. detestanda. de concess. præb. in 6. Ut potest quisque dare successorem in re sua. l. si testamentum. c. de testam.

Cap. 6. Cum clerici.

QUI per pactum augende pensionis consecutus est ecclesiam, debet ea priuari, & alias canonicè puniri.

QUIA tale pactum est simoniacum, cum promittat temporale pro consequendo spirituali. infr. c. fin. Et quoniam pœna contra illum, qui simoniacè adeptus est beneficium, est illius beneficij spoliatio. c. Mathæus. de simon. Et est ab ordine depositio, & excommunicatio. c. reperiuntur. 1. q. 1. Ideo qui per tale pactum consecutus est ecclesiam, est illa spoliandus, & seueritate ecclesiastica puniendus. vt in tex. & c. erga. 1. q. 1. Dicitur autem, talem simoniacum esse beneficio spoliandum, non autem dicitur esse priuandum. vt in tex. quia priuatio præsupponit habitum. c. ad dissoluendum. de despons. impub. Et iste non habuit in beneficio ius, neque titulum. Abb. hic. nam collatio beneficij simoniace facta, est ipso iure nulla. c. ordinationes. d. q. 1. Si autem tale pactum interuenerit post collationem, tunc non potest dici simoniacum, cum iste iam fuerit consecutus ius spirituale. Abb. hic. Sed adhuc peccat, & debet puniri, quia sine auctoritate superioris constituit ecclesiam censualem. c. significauit. & c. prohibemus. de censib.

Cap. 7. Plerique.

SI ecclesia rem suam locando, vel in feudum concedendo, apponit pactum in præiudicium iuris parochialis alterius ecclesie, non tenet.

QUIA iura parochialia sunt debita ipsi ecclesiæ parochiali. c. fin. de paroch. Et quoniam quis non potest pacisci in præiudicium alterius. c. si diligenti. de foro competen. & c. eam te. de iureiur. Ideo tale pactum, quod de auaritiæ radice procedit, penitus reprobatur. vt in tex. & c. auaritiæ. de præbend. Sed licet ex pacto quis non possit sibi eligere sepulturam in aliena parochia, sponte tamen potest sibi eligere illam. c. 1. de sepult. Et hodie dicendum est de hoc, vt habetur in cap. 1. de sepult. in 6. & in Clement. cupientes. §. fin. de pœn.

ET quicquid hac occasione percipit, reddere cogitur illi ecclesiæ.

Quia

QU^{IA} iuxta verbum beati Augustini epist. 14. ad Maced. Non remittitur peccatum, nisi restituatur ablatum. c. cum tu. de vsur. Et quoniam restitutio est facienda proprio domino, vel eius heredibus, vel (his non superstitis) res est pauperibus eroganda; dummodo is, qui male detinet, habeat in facultatibus, vnde possit rem ablatam restituere. d. c. cum tu. Ideo cum acquisita per huiusmodi pactum, non spectent ad ipsos paciscentes, sed ad ecclesiam parochialem, in cuius praiudicium ipsi istud pactum fecerunt, illi ecclesie sunt talia bona restituenda. vt in tex. & c. apostolicos. 12. q. 2.

Cap. 8. Pactiones.

NON valet pactio in spiritualibus, quę peccatum inducit.

QU^{IA} de duobus malis minus est eligendum. c. non solum. 22. q. 4. Et quoniam minus malum est vota stultę promissionis non implere, quā crimen committere. c. si publicis. d. q. 4. Ideo pactiones, quę obseruatę vergerent in animę detrimentum, obseruandę non sunt, & nullius sunt validitatis. vt in tex. & c. 2. cod. in 6. Et hoc, etiam si essent iuramento firmatę. c. 1. de iureiur. quia iuramentum non debet esse vinculum iniquitatis. c. si vero. de iureiur. Vnde inquit Isidorus in synonymis lib. 2. cap. de mendacio. In malis promissis rescinde fidem; In turpi voto muta decretum; Quod incaute vouisti, ne facias; Impia enim est promissio, quę scelere adimpletur. d. q. 4. c. in malis. Et quia pactiones circa spiritualia, vel connexa spiritualibus, labem continent simonię. c. quęsitum. de rer. permut. Ideo in spiritualibus omnis pactio, omnisque conuentio debet omnino cessare. vt in tex. & c. tua. de simon.

VEL turpis, seu de re turpi.

QU^{IA} pactio turpis, vel de re turpi, est contra bonos mores. glos. 2. hic, quę de his pactiōibus ponit exempla. Et quoniam tolerabilius est, promissum non facere, quā facere, quod sit contra bonos mores, & inhonestum. c. vnusquisque. 22. q. 4. Ideo si pactum contineat in se turpitudinem, non est seruandum. vt in tex. & l. generaliter. ff. de verb. oblig. Et hoc, etiam si esset iuratum. c. si aliquid. d. q. 4. quia non est obligatorium contra bonos mores pręstitum iuramentum. c. non est. de reg. iur. in 6.

VEL impossibilis de iure, vel de facto.

QU^{IA} omnis obligatio, aut in dando, aut in faciendo, consistit. l. 2. ff. de verb. oblig. Et quoniam quod est impossibile de iure, vel de facto, non potest dari, neque fieri. l. si stipuler. ff. d. tit. Ideo impossibilium pactio nullius est obligationis, vel momenti. vt in tex. & lim-

l. impossibile. ff. de reg. iur. Sed est aduertendum, quod quando dicitur, pactum contra ius non valere, est intelligendum de pacto contra ius publicum, cui particulares renunciare non possunt; secus si esset pactum contra ius priuatum, cui quisque renunciare potest. vt not. in c. si diligenti. de for. compet. & glos. in d. c. non est.

In Sexto.

Cap. 1. Pactum.

MONACHI habentes liberam à Sede Apostolica sepulturam, si paciscuntur de non recipiendis aliquibus, vel certis parochianis ecclesie alicuius, seruare compelluntur pactum.



QUIA specialia derogant generalibus. c. 1. extr. de rescript. Et quoniam facultas sepeliendi est generalis, & pactum de non sepeliendo aliquos, est quid speciale. c. in nostra. extr. de sepultur. Ideo per huiusmodi pactum derogatur facultati sepeliendi, quæ generaliter istis monachis competeat. vt in tex. & glos. in c. generi. infr. de reg. iur. Et hoc, siue tale pactum præcesserit indulgentiæ sepeliendi impetrationem, siue fuerit post illam secutum, quia si pactum præcessit, non intenditur illi, per obtentum postea privilegium, præiudicium inferri, si de illo non faciat mentionem. c. ex multiplici. extr. de decim. & c. super eo. de offic. deleg. Si verò talis indulgentia sepeliendi præcessit pactum, ei per illud videtur fuisse renunciatum. vt in tex. & c. si diligenti. extr. de for. compet.

NEC illos sepelire poterunt, licet apud eos elegerint sepeliri.

QUIA per privilegium concessum monachis, vt possint recipere aliquos ad sepulturam, non inferitur eis recipiendi necessitas, sed in eorum voluntate relinquitur libera recipiendi, vel non recipiendi facultas. Gemin. hic nu. 6. Et quoniam fauori pro se introductioni quilibet renunciare potest. c. ad apostolicam. extr. de regular. Ideo ipsi monachi possunt pacisci de non recipiendo aliquos ad eorum sepulturas. vt in tex. etiam istis sepeliendis inuitis. glos. in c. 3. ver. liberum. extr. de offic. deleg. licet aliàs quis habeat liberam potestatem eligendi sepulturam per respectum ad diuersitatem locorum. c. cum liberum. & c. de vxore. extr. de sepultur.

Cap. 2. Quamuis.

PACTVM factum patri à filia, dum tradebatur nuptui, quod dote contenta, nullum habebit ad bona paterna regressum, si iurauerit

uerit id ipsa filia, omnino seruare tenebitur.

Q V I A iuramentum præstitum super actu à lege infirmato principaliter fauore iurantis, licet secundario in fauorem, publicum necessario est obseruandum, si non vi, nec dolo fuit præstitum, & in alterius præiudicium principaliter non redundet, & obseruatum non verget in æternæ salutis dispendium. c. cum contingat. extr. de iureiur. Et quoniam leges ciuiles improbant pactum factum patri à filia, dum traditur nuptui, vt, dote contenta, nullum habeat ad bona paterna regressum, principaliter fauore ipsius filię, ne à futura successione excludatur, & sit peioris conditionis, quam cæteri filij, siq. à paterno obsequio retrahatur, licet tale pactum prohibeatur secundario in publicum fauorem, vt mulieres facilius inueniant maritos, per quos, & quas, ciuitas numerosius liberis repleatur. l. pactum. C. de collat. & l. fin. ff. de suis, & legit. Ideo tale iuramentum non est illicitum, & obligat iurantem. vt in tex. & c. licet. infr. de iureiur. Ius enim canonicum magis considerat salutem animæ, & magis intendit obuiare peccatis, quam faciat ius ciuile, quod magis intendit reipublicæ utilitatem. d. c. licet. & glos. in d. c. cum contingat. Et nos debemus magis animarum salutem attendere. c. filius. extr. de testam. Quid enim prodest homini, si vniuersum mundum lucratur, animæ verò suæ detrimentum patiat? Aut quam dabit homo commutationem pro anima sua? Matth. cap. 16.

Cap. 3. Quia ex eo.

P A C T A inita per Fratres Prædicatores, vel Minores, vel alios Mendicantes, cum Rectoribus parochialium ecclesiarum, super parochialibus iuribus, si facta sunt per Priores, vel Guardianos, de conuentuum ipsorum locorum consensu (licet auctoritas Sedis Apostolicę non interuenerit, vel licentia Prioris, vel Ministri generalis, aut Magistri, vel prouincialis Ministri, vel capituli prouincialis) seruanda sunt.

Q V I A ex eo, quod Fratres Prædicatores, & Minores, & alij Mendicantes, compositiones, & pacta cum prælatis, capitulis, rectoribus, & personis ecclesiarum, ciuitatum, castrorum, villarum, & locorum, in quibus domus, seu habitationes eorum existunt, super iuribus parochialibus, vel alijs quibuscunque articulis, ab eis, vel eorum antecessoribus inita, siue facta, seruare recusabant, & ea eo prætextu infringere moliebantur, quia Magistri, aut Ministri, vel Prioris generalium, seu prouincialium eorundem non affuit assensus in ipsis, nec approbata per ipsorum generalia, vel prouincialia capitula extiterunt; multa in-

R r r diuer-

diuerſis mundi partibus ſcandala inſurgebant ; & ipſorum Fratrum fama, & honori plurimum detrahebatur. vt in tex. & extrauag. Ioan. XXII. c. vices. de treug. & pac. Et quoniam religioſos decet puritatem omnimodam in ſuis actibus obſeruare, & ab his abſtinere propenſius, per quę poſſet alijs exempli pernicies generari. vt in tex. & S. Tho. 2. 2. q. 43. art. 6. Ideo Summus Pontifex Bonifatius Octauus his malis occurrere paternę ſollicitudinis ſtudio intendens, præſenti decreto ſanciuit, compoſitiones, & pacta huiusmodi cum prælatis, capitulis, & rectoribus, & perſonis prædictis, ab ipſorum Fratrum conuentualibus, Prioribus, ſeu Guardianis facta, vel approbata, de ſuorum conuentuum conſilio, & aſſenſu, debere ab ipſis fratribus in locis, in quibus fuerint facta, perpetuò inuiolabiliter obſeruari; non obſtante, quod Magiſtri, vel Miniſtri, aut Prioris generalium, ſeu provincialium prædictorum non interuenierit in eiſdem aſſenſus; nec ab ipſorum generalibus, vel provincialibus capitulis extiterint approbata; ſeu quod Sedes Apoſtolica in his, quę per prædictos Fratres Minores facta fuerint, auctoritatem ſuã, vel aſſenſum non præſtiterit. vt in tex. Sed ubi per iura poſteriora reperitur determinatum, quę ſint ab iſtis religioſis cum rectoribus eccleſiarum, vel alijs, obſeruanda, & per ipſa iura eſt eis ablata poteſtas aliter paciſcendi, talia iura ſunt in his diſpoſitionibus attendenda. Clem. dudum. de ſepultur. Sed quid, ſi iſti Fratres faciunt pactum cum laicis ſuper alijs iuribus, an valeat? Distingue, quòd, ſi pacta inducerent alienationem iurium, vel rerum, non valerent ſine licentia ſuperioris. c. ſine exceptione. 1. 2. q. 2. Secus, ſi non inducerent alienationem, ſed modificarent contractus inter ſe geſtos, per rationem huius tex. quę habet locum in talibus pactis etiam cum laico. Gemin. hic in fin. Et etiam, quia in iſtis modicis non requiritur tanta ſolemnitas, quanta requiritur in magnis. c. terrulas. d. q. 2.

DE MODO ſint licita, & honeſta.

QUIA pacta, quę continent in ſe turpitudinem, & obſeruata vergerent in diſpendium ſalutis æternę, nullam inducunt obligationem. extr. c. fin. & l. pacta, quę. C. eod. Et quoniam religioſos maximè decet honeſtati, & ſanctitati ſtudere. vt in tex. & 1. ad Corinth. cap. 14. Ideo per facultatem datam religioſis, vt ſuper aliquibus poſſint paciſci, non intelligitur data, niſi ad pacta licita, & honeſta ineunda. vt in tex. & extr. c. plerique.

DE TRANSACTIONIBVS

In Decretal. Cap. i. Sicut.

INSTRUMENTA, & alia iura partium, contraria transactione tolluntur.

QUIA transactio est de re dubia, & lite incerta, pactio non gratuita. l. i. ff. eod. Et quoniam pactum nouissimum rumpit pacta priora. l. pacta nouissima. C. de pact. Ideo per transactionem tolluntur. omnia priora iura competentia, transigentibus. vt in tex. & l. sub pre-textu. C. eod. Non enim minorem auctoritatem transactionum, quam rerum iudicatarum esse, recta ratione placuit: Si quidem nihil ita fidei congruit humanæ, quam ea, quæ placuerunt, custodiri. l. non minorem. C. eod. Vnde per transactionem derogatur testibus, instrumentis, præscriptionibus, & cuilibet iuri, quod prius competeat; dummodo instrumenta, & probationes non fuerint dolo partis occultata; nam tunc posset agi actione pristina: Et si exciperetur de pacto transactionis, posset replicari de dolo. d. l. sub prætextu. Et intellige, volente altera parte transactionem seruare; alias potest transigens vti pristino iure suo, ac si non fuisset transactum. infr. c. constitutus, & l. cum proponas. C. de pact. nam frangenti fidem, quis non tenetur seruare, quod interposita conditione promiserat. c. 3. de iureiur. Et intellige de transactione licita, nam illicita non valet. infr. c. super eo. Et intellige, inter transigentes; nam res inter alios acta, alteri præiudicare non debet. c. cum olim. de caus. possess. & propr. Et intellige super rebus, de quibus fuit transactum; nam de quibus non fuit actum, nec cogitatum, non potest dici esse transactum. l. si de certa. C. eod.

Cap. 2. Statuimus.

TENET compositio super decimis, facta cum assensu superioris:

QUIA hæc est differentia inter compositionem amicabilem, & transactionem; quod transactio est pactio non gratuita, per quam aliquid datur, vel retinetur, vt à lite recedatur; Compositio verò est gratuita pactio, qua pro spirituali non datur aliquid temporale. infr. c. super eo. Et quoniam illa transactio, per quam daretur temporale pro spirituali, contineret simoniam. c. tua. de simon. Compositio verò, per quam, vel nihil datur pro spirituali, vel aliud spirituale cum spirituali

Rrr- 2 de su-

de superioris auctoritate commutatur, si sit legitime facta, non est illicita, & nullam continet simoniam. c. quæsitum. de rer. permut. & S. Tho. 2. 2. q. 100. art. 4. ad 3. arg. Ideo in spiritualibus (quale est ius decimandi. c. ad hæc. de decim.) prohibetur transactio, non autem amicabilis compositio. vt in tex. & c. ex multiplici. de decim. Sed quoniam talis compositio non debet fieri sine causæ cognitione, nam non debet ius ecclesiæ remitti sine causa. c. quisquis. 1. 2. q. 2. Vnde superior debet examinare, an compositio, vel alienatio expediat ecclesiæ. c. sine exceptio. ne. d. q. 2. Et requiritur decretum ipsius Episcopi respectu subditorum suorum. c. abbatibus. & c. placuit. d. q. 2. Ideo vt valeat ista compositio, debet fieri de consensu, & auctoritate superioris. vt in tex. & c. in venditionibus. 17. q. 4.

Cap. 3. Contingit.

SI capitulum consensit transactioni, quam fecit prælatus nomine ecclesiæ, vltterius dissentire non potest.

QUAMVIS. C. eod. Nullus etenim esset litium finis, si à transactionibus bona fide interpositis posset facile discedi. l. fratris. C. eod. Et quoniam lites sunt amputandæ. l. item si res. ff. de alien. iud. mut. caus. fact. Ideo prohibetur, ne à transactione facta per prælatus, possit dissentire capitulum, quod illi suum præstitit consensum. vt in tex. Non tamen per hoc tollitur, quin superior possit illam reuocare, pronuntiando, ipsam non præiudicare ecclesiæ, si ex alio defectu sit inualida Butr. hic.

Cap. 4. Constitutus.

SVPER ecclesiastico beneficio transigi non potest.

QUAMVIS. A in transactione datur aliquid temporale, vt altera pars à lite recedat. supr. c. 1. & 2. Et quoniam beneficium est res spiritualis. c. quæsitum. de rer. permut. Et dare temporale pro spirituali, est simonia. c. tua. de simon. Ideo super ecclesiastico beneficio non est licitum transigere. supr. tit. prox. c. cum pridem, & infr. eod. c. super eo. Cum huiusmodi transactiones speciem contineant simoniz. vt in tex. & S. Th. 2. 2. q. 100. art. 1. ad 5. argum. & Sot. lib. 9. de iust. & iur. q. 7. art. 2. Et notanter transactio super ecclesiastico beneficio, non dicitur semper simoniaca, sed dicitur semper continere speciem simoniz, vt not. Innoc. hic. quia potest esse, quod is, qui dat aliquid temporale, vt in beneficio quiete persistat, habeat ius in eo, & sic per transactionem tunc non conquireretur aliquid spirituale; sed potius redimeret vexationem suam, quod licet. vt in c. dilectus il. de simon. sed quia posset esse contrarium; ideo iura prohibent transactionem in beneficio, vt euitetur vel vera simonia, vel species simoniz. vt in text. & infr. d. c. super eo. Non solum enim

enim à malo, sed & ab omni specie mali abstinendum est. c. cum ab omni. de vit. & honest. cler. iuxta dictum Apostoli. 1. ad Thesal. cap. 5.

ETIAM cum iuramenti interpositione .

QUIA iuramentum non debet esse vinculum iniquitatis. c. quanto. de iureiur. Et quoniam accessorium sequitur naturam sui principalis. c. accessorium. de reg. iur. in 6. Ideo sicut non tenet transactio super beneficio, propter speciem, quam haberet simonię, vt dictum est superius, ita non debet tenere iuramentum pro illius obseruantia accessorie appositum. vt in tex. & supr. tit. prox. c. fin.

Cap. 5. De cætero .

PER transactionem factam sine auctoritate episcopi, potest prælatus, sed non ecclesia, constitui censualis .

QUIA licet transactio strictè sumpta non possit interuenire in beneficijs. vt supr. c. prox. & c. statuimus. Compositio autem (qualis est in hoc text. quæ lato vocabulo dicitur transactio. Butr. hic) facta de prouisione iudicis ex officio suo, iuxta interueniente causa, sine aliqua partium pactione, valet. glos. hic, & c. nisi. de præb. Et quoniam non potest Prælatus, vel iudex inferior sine consensu Episcopi, ecclesiam constituere censualem. infr. c. veniens, & de censib. c. prohibemus. Ideo, licet toleretur pro bono pacis, vt iudex inferior constituat vnā partem alteri censualem, illo durante beneficiato, qui consensit soluere censum; non tamen datur ei facultas, vt possit perpetuo ecclesiam constituere censualem. vt in tex. & d. c. nisi.

Cap. 6. Ex litteris .

SI beneficium, quod per transactionem habetur, impetratur, vt vacans, ab eo, qui fuit transactionis mediator, non valet impetratio .

QUIA si talis transactio fuit amicabile compositio, potuit legitime fieri: & sic potest esse, quod ille beneficiatus, qui transigit, colorato titulo possideat. infr. c. prox. Et quoniam non valent litteræ ad beneficia impetrare, quæ de alterius colorata facti possessione non faciunt mentionem. c. cum nostris. de concess. præb. Ideo talis subreptitius precator debet carere impetratis. vt in tex. & c. super litteris. de rescript. Si verò talis transactio fuit illicita, continens in se speciem simonię. vt supr. c. prox. & ob id beneficiatus non possideret titulo colorato, & sic non esset ab impetrante necessario exprimendus. c. literas. d. tit. de concess. præb. ipsa tamen transactio non potest impugnari ab eo, qui fuit mediator illius, quia allegaret turpitudinem suam. c. veniens 11. de testib. Et quoniam in vtroque casu iste est informatus, qualiter benefi-

beneficium per transactionem possideatur, ex quo fuit mediator illius Butr. hic. Et nemo presumitur proprium factum ignorare. l. quisquis. C. de rescind. vend. Ideo talis mediator non potest pretendere facti ignorantiam. c. ignorantia. de reg. iur. in 6. Et sic nec in primo, nec in secundo casu legitime impetrauit; non in primo, quia tacuit titulum coloratum beneficiati; nec in secundo, quia ipse fuit socius, & particeps criminis in tali transactione. Butr. hic.

Cap. 7. Super eo.

SVPER ecclesiastico beneficio non potest transigi.

QUIA transactio non fit, nisi aliquo dato, vel retento, vel promisso. l. transactio. C. eod. Et quoniam, ut res sacræ possideantur, aliquo dato, vel retento, seu promisso, species esset simoniarum. ut in tex. Ideo super ecclesiastico beneficio, quod est res sacra, & spiritualis. c. quæsitum. de rer. perm. transigi non potest. ut in tex. & supr. c. constitutus.

SED potest amicabiliter componi.

QUIA amicabile compositio est gratuita pactio, per quam à lite receditur. Butr. hic. Et quoniam talis compositio non obuiat sacris canonibus. ut in tex. qui dum prohibent in talibus pactiones, intelligunt de illicitis. gloss. fin. hic, & gloss. in c. quam pio. r. q. 2. Ideo in beneficiis non prohibetur amicabile compositio. ut in tex. dummodo non fiat à partibus inter se, ne forte retineret beneficium ille, qui in eo non habet titulum, sed fiat de superioris, aut iudicis auctoritate, qui non presumantur declarare, beneficium pertinere, nisi ad illum, qui habeat in eo canonicam institutionem. supr. c. statuimus. & c. de cætero. Sed per talem compositionem, si contingit beneficium assignari ius habenti, valet compositio; si vero assignetur ius non habenti, quando fit à non habente potestatem conferendi, per hoc sibi non acquiritur titulus. Butr. hic. Vnde licet talis compositio valeat quo ad partiū præiudiciū, nō tñ præiudicat superiori, quin possit querere de titulo. c. nisi. de præb.

Cap. 8. Veniens.

TRANSACTIO facta de rebus ecclesiæ per prælatum sine superioris consensu, non obligat successorem.

QUIA pacta inter alios acta alijs obesse non debent. ut in text. & l. si vnus. §. item ne. ff. de pact. Et quoniam sine superioris auctoritate non potest rector ecclesiam perpetuo obligare, etiam transigendo, ne sic indirectè eius bona alienaret. c. quisquis. 12. q. 2. & not. supr. in c. statuimus. Ideo si prælatus super rebus ecclesiæ sine superioris auctoritate transigit, talis transactio est censenda personalis quo ad ipsum, quantumcumque transigat nomine ecclesiæ; non autem realis quo

quo ad ecclesiam, & successores. vt in tex. & c. 2. de precar. In his enim plus consideratur iuris potestas, & iudicis auctoritas, quam sola contrahentium voluntas. Butr. hic. Ad cognoscendum autem, an quis voluerit inire pactum reale, vel personale, sunt attendenda verba paciscientium, & eorum auctoritas, & res, super qua paciscitur, & alia, quæ habentur in l. iurifigentium. §. pactorum. ff. de pact. & not. Bart. in l. stipulationes non diuiduntur. ff. de verb. oblig. Sed nunquid ipse prælatus, qui transigit, poterit in vita sua isti contractui contrahere? Dicendum, quod non. arg. c. ex multiplici. de decim. & c. 1. de pact. nisi per remedium restitutionis in integrum, quando ecclesia esset læsa. gloss. hic. Tunc enim esset restituenda ecclesia in pristinum. c. 1. de restit. in integr. & l. minoribus. ff. de minor. Et ipse prælatus, si haberet de proprio, teneretur parti, cum qua transigit, ad interesse. arg. c. de multa. de præb. Si vero non haberet proprium, subtraheretur ei de suis redditibus beneficij, relictis tamen sibi in primis, ex quibus possit ad minus parce vivere. Butr. hic nu. 15. Sed in læsione talis transactionis non æstimatur res secundum veram quantitatem, sed cum ea æstimatur dubius litis euentus. gloss. in l. Lucius. ff. ad Trebell.

Cap. 9. Præterea il 1.

SICUT super iure spirituali, ita super annexo non potest transigi, ut recedatur à lite, interueniente aliqua temporalitate.

QUIA de annexis idem est iudicium. c. translato. de constit. Et quoniam si pro iure spirituali in transactione daretur aliquid temporale, esset simonia. supr. c. constitutus. Ideo similiter, ne committatur simonia, non potest dari aliquid temporale pro iure præsentandi ad beneficium. vt in tex. Cum illud ius sit quid annexum spirituali. c. de iure. de iurepatr. & c. quanto. de iudic.

Cap. 10. Præterea il 2.

SVPER spirituali subiectione non licet transigere.

QUIA in transactione datur vni parti ab altera aliquid temporale. supr. c. constitutus. & l. transactio. C. eod. Et quoniam dare temporale pro spirituali, est simonia. c. tua de simon. Ideo, vt remittatur spiritualis subiectio propter aliquid temporale, tanquam simoniacum, fieri non potest. vt in tex. & supr. c. super eo. Sed si superior, simpliciter ius suum concedendo, non prætextu alicuius transactionis, sed in signum subiectionis, retineat sibi aliquem censum, & certam pensionem, absoluendo ab alia subiectione, hoc fieri potest. c. omnes. de cens. & c. constitutus. de relig. dom. dummodo inferior sic absolutus per diocesenum, non eximatur ab obedientia, & reuerentia matricis

triciſ eccleſiæ. c. cum venerabilis . de cenſib. quia ſine capite , cui obediat , quiſ eſſe non debet. c. paſtoralis. de donat. & c. nulla ratione. diſt. 93. Priuilegiati tamen , qui immediate ſubſunt Papæ , bene poſſunt per eum ab alijs inferioribus prælatis eximi , nec per hoc dicuntur eſſe ſine capite , quia Papa eſt immediatus eorum epiſcopus , & caput. c. recepi- mus. de priuileg. & gloſ. in d. c. nulla.

Cap. II. Ex parte.

IVDEX poteſt , & debet ſe interponere pro tranſactione inter partes faciendâ .

QU^VIA ad ſuperiorem ſpectat pro ſubditorum quiete inuigilare , vt quamcitiuſ commodè fieri poteſt , ſiniſ litibz imponatur. c. ſinem. de dol. & contum. Cum magnum commodum conſequatur , qui à lite recedit , ne diutius grauetur laboribus , & expenſis. l. properandum. C. de iudic. Et quoniam tranſactio eſt aptuſ modus , per quem partes quadam æquitate , amicabiliter à lite recedunt. ſupr. c. 1. & l. cum proponas. C. de tranſact. Ideo iudex debet priuſ ſtudere , vt per tranſactionem partes concordet , quàm , vt cauſam in iudicio proſequantur. vt in tex. & c. ſtudendum . diſt. 90. Ad quod debet ſe interponere prudenter , interdum aliquid ſeueritati detrahendo , prout (ſtatu imperij , & excedentium multitudine , prouida deliberatione penſatiſ) viderit expedire. vt in tex. & c. conſtitueretur. diſt. 50. Et hæc , vbi iura partium ſunt ignota , nam vbi eſt concluſum in cauſa , & iura ſunt clara , debet ferre ſententiam , dando vnicuique quod ſuum eſt. Specul. in tit. de præpar. iudic. §. excipitur. Et hæc intellige , cum ciuilitè agitur de crimine , vel cum agitur actione iniuriarum , quæ per partem eſt remiſſibilis , vel in cauſa ciuili ; ſecus vbi criminaliter ageretur in alijs delictis. gloſ. in d. c. ſtudendum ; nam intereſt rei publicæ , ne delicta remaneant impunita. c. 1. de colluſ. deteg. & l. cum , qui. ff. de iniur.

P R A E T E R Q V A M in caſibus , in quibus iura hoc non admittunt .

QU^VIA non ſunt faciendâ mala , vt eueniant bona. c. forte. 14. q. 5. Et quoniam in caſibus , in quibus prohibetur tranſactio , ſi illa fieret , eſſet illicita , & in ſe contineret peccatum. ſupr. c. conſtitutus. & c. præterea. Ideo in illis caſibus nō debet iudex hortari partes ad tranſigendum ; imo debet eas punire , ſi tranſigant. ſupr. c. ſuper eo. & d. c. præterea. In hiſ verò , ſuper quibus ius non inuenitur expreſſum , debet iudex procedere (æquitate ſeruata) ſemper in humaniorem partem declinando , ſecundum quod perſonas , & cauſas , loca , & tempora viderit poſtulare. vt in tex. & c. ſciendum. diſt. 29. vnde verſus .

Cauſa , locus , tempus , perſonaque perſpicietur ,

In

In pœnis dandis, vt eas iudex moderetur. glos. fin. hic.

VT super matrimonio.

QUIA matrimonij vinculum est inseparabile de iure diuino, dicente Domino; Quod Deus coniunxit, homo non separet. Matth. cap. 19. Et quoniam contra ea, quæ sunt de iure diuino, neque partes litigantes possunt venire, neque aliqua humana potestas valet dispensare. c. inter. de transl. episc. Ideo in matrimonio non habet locum transactio, neque compositio, vt illius vinculum legitime contractum possit separari. vt in tex. & c. deinde. dist. 26.

Liber Primus. Titulus XXXVII.

DE POSTVLANDO.

In Decretal. Cap. 1. Clerici.

CLERICVS in sacris, vel minoribus beneficiatus, in seculari foro postulare non debet.



QUIA nemo militans Deo, debet sæcularibus negotijs se implicare. 2. ad Timoth. cap. 2. Et quoniam ille, qui est in sacris, est maxime adstrictus ad militandum Deo, cum non possit amplius ad sæculum redire. c. d multis. de ætat. & qual. ord. Et qui est beneficiatus, cum viuat de altari, debet altario inservire. 1. ad Corinth. cap. 9. Et quia aduocare coram iudice laico, est negotium sæculare. c. 1. ne cler. vel monach. Ideo clericis in sacris, vel existentes in minoribus beneficiati, regulariter prohibentur coram sæculari iudice postulare. vt in tex. & c. observandum. 15. q. 2. Vnde opprobrium est clericis, si se peritos forensium disceptationum ostendere velint. l. repetita. C. de episc. & cler.

NISI pro se, vel sua ecclesia, vel miserabilibus personis.

QUIA defensionis facultas nemini est deneganda. l. vt vim. ff. de iust. & iur. Et quoniam cum quis postulat pro se, vel pro sua ecclesia, aut miserabilibus personis, quæ sunt sub protectione ecclesiarum, apparet, quod hoc non facit desiderio lucrandi, sed facit necessitate propria bona tuendi. c. decreuit. dist. 88. & glos. infr. in c. fin. Ideo in his casibus clerici non prohibentur, etiam in sæculari foro aduocare. vt in text. & c. 1. ne cler. vel mon.

SSf

Cap.

Cap. 2. Ex parte.

CANONICI regulares postulare non possunt, sicut monachi.

QUIA canon antiquus, qui habetur 16. q. 1. c. monachi il 2. prohibens monachis officium postulandi, habet respectum ad religionem, non autem ad ordinem monachorum tantum. vt in tex. & c. de presentium. d. q. 1. Et quoniam etiam canonici regulares sunt religiosi, cum profiteantur tria substantialia vota religionis, licet inseruiant regulæ laxiori. c. quod Dei. de stat. mon. Et quia constitutio fundata super aliqua qualitate, extenditur ad omnes existentes sub illa qualitate, licet habeant ex aliquo accidenti nomina diuersa. Abb. hic. quod procedit etiam in materia prohibente, & personam inhabilitante. Butr. hic. Ideo idem iudicium, quod est de monachis, vt aduocare non possint, etiam de canonicis regularibus est obseruandum, licet de monachis, & non de ipsis canonicis, in eo canone sit specialiter expressum. vt in tex. & c. non magnopere. ne cler. vel monah.

NISI pro utilitate ecclesie, siue monasterij, ex præcepto abbatis.

QUIA aduocare in his casibus spectat ad defensionem, in qua non potest notari lucri cupiditas, sed excusat pæ operis necessitas. d. c. de presentium. & glos. in d. c. monachi. Sed quoniam monachus, cum sit mortuus mundo, & voverit Deo, exhibere obedientiam, superiori, non habet velle, neque nolle. c. placuit il 2. 16. q. 1. Et quia potestas monasterij pertinet ad sollicitudinem abbatis. c. nullam. 18. q. 2. Ideo etiam in istis casibus licitis non debent monachi, & canonici regulares, ex eorum arbitrio sibi assumere officium postulandi, sed ad illud ineundum, est eis præceptum superioris expectandum. vt in tex. & d. c. monachi.

Cap. 3. Cum sacerdotis.

SACERDOS non debet esse aduocatus, etiam coram ecclesiastico iudice.

QUIA sacerdotis officium est, nulli nocere, omnibus autem velle prodesse. vt in tex. nam vbi non potest subueniri alteri, nisi alter lædatur, commodius est, neutrum iuuari, quam alterum grauari. c. denique. 14. q. 5. Et quoniam in aduocationis officio fieri non potest, quin frequenter alter lædatur, qui vincitur; nam intercessoris beneficio se victum arbitratur. d. c. denique. Ideo cum prohibeatur cæteris ordinatis in sacris, & alijs clericis beneficiatis, coram sæculari iudice aduocare, non autem coram ecclesiastico. supra. c. 1. sacerdotibus etiam in foro ecclesiastico tale officium prohibetur. vt in tex. & d. c. denique. Et idem

idem fortius de episcopo, qui non debet esse aduocatus in foro sæculari, etiam in causa propria. cap. quia. 5. quæst. 3. nam aduocatus debet proponere stando, non autem sedendo. l. quisquis. C. de postul. Et non est decens, ut episcopus stet, & exhibeat reuerentiam, quam exhibent aduocati, coram iudice sæculari. d. cap. quia. Sed si episcopus habeat causam coram iudice ecclesiastico, est in optione sua, an per se, vel per alium, causam promouere velit. c. fin. de iur. calumn. Aduocati autem dicuntur nocere parti aduersæ, non verè, sed quo ad eius opinionem. d. c. denique. nam aduocatus propriè non nocet; immo defendit ius publicum, & priuatum; vnde aduocati dicuntur esse milites, & in iure privilegiantur in multis, ut milites. l. aduocati. C. de aduoc. diuersi. iud. Et quicquid lucrantur, est eis peculium quasi castrense. l. fin. C. de inoffic. testam. Quod procedit etiam in salario, quod recipiunt à priuatis. gloss. in l. fori. C. de aduoc. diuersi. iud. Et cum non debeant assumere causam iniustam. l. rem non nouam. C. de iudic. promouent iustitiam, quæ reddit unicuique, quod suum est. l. iustitia. ff. de iustit. & iur. Sed etiam iudices dicuntur crudeles, quia reputantur crudeles ab illis, contra quos iustitiam exercent; cum tamen in veritate non sint crudeles, sed ministri Dei, & iustitiæ. c. non est crudelis. 23. q. 5. Verùm quia sacerdos non debet nocere alteri, neque in veritate, neque quo ad opinionem; & debet se abstinere non solum à malo, sed etiam à specie mali. c. cum ab omni. de vit. & honestat. cler. Ideo præcipue sacerdotibus prohibetur aduocationis officium, ne quis per eos existimet se læsum. ut in tex. & d. c. denique.

NISI pro seipso, vel ecclesia sua, vel (si necessitas immineat) pro personis coniunctis, aut miserabilibus.

QUIA in his casibus non potest notari aliqua lucri cupiditas, neque pars aduersa potest reputari offensa ab ipso sacerdote aduocante; cùm hi casus pertineant ad defensionem, quæ est de iure naturali, & ad necessitatem, quæ non habet legem. ut supr. c. 1. & gloss. 2. hic. Ideo sicut alijs clericis, qui prohibentur aduocare coram iudice sæculari, in his casibus permittitur aduocatio. supr. c. 1. & 2. ita sacerdotibus, qui prohibentur aduocare etiam coram iudice ecclesiastico. Innoc. hic. permittitur, ut coram eo possint in talibus casibus aduocare. ut in tex. & c. 1. dist. 88.

S. Clericus.

CLERICVS, qui contra ecclesiam, à qua beneficiū obtinet, aduocatus, vel procurator esse præsumit, debet beneficio illo spoliari.

QU^{IA} talis clericus est ingratus. ut in tex. cum pro beneficio accepto reddat lesionem, & pro familiaritate contemptum, retributionem illam impendendo, quam mus in pera, serpens in gremio, & ignis in sinu, suis consueverunt hospitibus exhibere. arg. c. & si iudeos. de iudæis. Et quoniam iustitia suadet, ut ecclesia in sinu suo non retineat fraudatorem, quem suscepit extraneum. c. sacerdotes. 12. q. 4. Et donatio propter ingratitudinem reuocatur. c. fin. de donat. Et beneficii collatio est quidam donatio. c. 2. ne sede vac. Et propter ingratitudinem pater potest exheredare filium. Authent. ut cum. de appell. cognos. §. causas. coll. 8. Et ecclesia dicitur esse mater sui beneficiati, quem suis uerbis nutrit. c. ad Romanam il. 2. 2. q. 6. Ideo talis clericus, suæ ecclesiæ ingratus debet beneficio, quod ab ea obtinet, spoliari. ut in tex. & c. 1. 1. q. 7. Et ex quo præcipitur spoliari, quod uerbum ostendit facti executionem, & præsupponit iam esse factam iuris priuationem. Butr. hic. nu. 15. apparet, quod talis, aduocando contra ecclesiam, est ipso iure beneficio priuatus, & solum restat pura facti executio. ut in c. conquerente. de restit. spol. Nec mirum si apponitur ista pœna ipso facto; cum ingratitudo sit uentus urens, siccans fontes pietatis, & fluente gratiæ. S. Bernard. de contemptu mundi, sermone 2. Quod vitium prouenit ex superbia; nam ingrati putant omnia seruitia esse sibi debita. Seneca de beneficentia.

Liber Primus. Titulus XXXVIII.

DE PROCVRATORIBVS.

In Decretal. Cap. 1. Alia.

NON auditur quis tanquam alterius procurator, nisi habeat mandatum legitimè factum.



QU^{IA} procurator est is, qui aliena negotia mandato domini administrat. l. 1. ff. eod. cum enim quis rebus suis superesse non potest, vel non uult, ad negotiorum expeditionem fuit introductum, ut quis possit facere per alium, quod posset per seipsum. d. l. 1. Quod tamen in causis criminalibus non semper admittitur. c. super his. de accusat. & l. sed & h. ff. de procur. Et quoniam esse procuratorem, est quid facti. l. si procurator. C. eod. Et ea, quæ sunt facti, & non insunt homini à natura, non præsumuntur, nisi probentur. c. si forte. de elect. in 6. & l. quæcunque. ff. de publ. in rem act. unde incumbit onus probandi ei, qui dicit, non qui negat. l. 2. ff. de probat. Ideo si quis dicit, se esse alterius

rius procuratorem, debet facere constare de mandato. vt in tex. & l. procurator. ff. eod. Cum enim per procuratorem possit fieri conditio domini deterior, vel melior. l. quacunq. ff. eod. Conditionem alicuius, sine eius scientia deteriorem fieri non conuenit. l. ignorantis. ff. eod. Sunt tamen casus, in quibus coniuncta personæ possunt agere pro alio fine, mandato. d. l. sed & hæ. Et etiam sunt casus, in quibus vbi dubitatur de sufficienti mandato alicuius, quis admittitur cum cautione de rato. l. Pomponius. §. fin. ff. eod.

Cap. 2. Querelam.

NON valet sententia in causa graui, lata contra absentem ex probabili causa, legitime per nuntium excusatum.

QUIA in grauibz causis non potest quis cogi, nisi velit, procuratorem constituere. vt in tex. nam si talis, qui ex probabili causa abest, cogeretur in istis grauibz constituere procuratorem, sequeretur absurdum, quod non esset melioris conditionis, qui abest ex causa iusta, quam qui ex iniusta. glos. in c. si ægrotans. §. q. 3. cum etiam ei, qui ex iniusta causa abest, sufficiat, si mittat procuratorem. l. 1. ff. de procur. Sequeretur etiam aliud absurdum, quod cum nullus cogatur fieri procurator. Inlatur. de mand. §. recte. & §. mandatum. imputaretur forsan ei, qui procuratorem inuenire non potuit. Ioan. And. in c. cum dilecti. de dol. & contum. cum tamen nullus obligetur ad impossibile. c. fin. de appell. Et quoniam vbi taliter absens per nuntium certificatur iudicem de suo legitimo impedimento, non potest iudex postea probabilem causam ignorantia allegare, nec in eum potest sententiam ferre. c. cum Bertholdus. de re iudic. Ideo si contra talem iudex postea sententiam ferat, illa non tenet. vt in tex. & l. quæsitum. ff. de re iudic. Si autem ex parte impediti non mittitur excusator, tunc sententia tenet mero iure. Bart. in d. l. quæsitum. quia iudex probabiliter ignorabat; sed potest peti restitutio ex iusta causa contra sententiam. c. ex litteris. de in integr. restit. & ff. ex quibz causis. per totum. An autem iudex teneatur credere excusatori, dic. quod non. d. c. cum Bertholdus. Sed excusator debet offerre probationem, & si iudex non vult illam admittere, sententia sua non tenet; sed si excusator non offert probationem, tenet sententia iudicis, ratione prædicta. Bart. in d. l. quæsitum. Intellige tamen hæc, quando impedimentum est paruo tempore duraturum, & quando in citatione non fuit dictum, si non potest per se, compareat per procuratorem; nam si in citatione essent talia verba, tunc superioris voluntas esset seruanda: Et quando lis non fuit incepta ante impedimentum, vt late hic per Butr. nu. 8. Causa autem grauis hic intelligitur propter sui arduitate, & magnitudinē, seu præiudicium, vel quæ est intricata, & inuoluta, vt de facili non possit per procuratorem explicari. Innoc. hic.

ETIAM

ETIAM quo ad expensas.

QU^{IA} expensæ sunt accessorizæ ad causam, vt ille condemnetur ad eas, qui non habuit probabilem causam litigandi, & ob id sententia fuerit iuste lata contra ipsum. Bart. in l. si quis inficiatus. ff. deposit. Et quoniam accessorium sequitur naturam sui principalis. c. accessorium. de reg. iur. in 6. Ideo sicut taliter impeditus excusatur, vt non possit contra eum in causa procedi, ita excusatur, si contra ipsum fuerit processum, & in expensis factis per aduersarium fuerit à iudice condemnatus, vt talis sententia sicut non tenet in causa principali, ita non teneat quod ad expensas accessorias ad illam. vt in tex. & Butr. num. 10. Cum enim talis fuerit legitime impeditus, non potest dici contumax in non veniendo, vt propter contumaciæ culpam, quæ arguat suam causam iniustam, debeat parti reficere expensas. gloss. 2. & 3. hic.

Cap. 3. Ex insinuatione.

SENTENTIA lata cum procuratore reuocato, & de hoc certiorato, non præiudicat domino.

QU^{IA} talis non est amplius procurator, cum appareat de voluntate domini eum reuocantis. l. Pomponius. §. fin. ff. eod. Et quoniam sententia lata contra falsum procuratorem est nulla, ex defectu pronuntiationis non factæ in legitimam personam. infr. cap. auditis. & C. eod. l. licet. Ideo ex quo talis non est tempore sententiæ procurator, per eum non debet ignorantis domini conditio fieri deterior. vt in tex. & l. ignorantis. ff. eod. Quod intellige, si talis reuocatio peruenerit etiam ad notitiam iudicis, & aduersarij; nam si peruenisset ad solam notitiam procuratoris, non sufficeret, & sententia contra eum lata teneret, ne per illam reuocationem possent illud iudex, & pars, qui sciebant procuratoris constitutionem, & ignorarent reuocationem. infr. c. mandato. & de rescript. c. ex parte decani. Et intellige, si talis reuocatio fuerit facta ante litem contestatam, quo tempore potest dominus procuratorem libere reuocare. l. ante litem. ff. eod. Vel si sit facta post litem contestatam, quod sit facta, causa cognita, vel ipso procuratore in reuocationem consentiente, aliàs secus. l. post litem. ff. eod.

Cap. 4. In nostra.

RESCRIPTVM super consecutiuis iudicij impetratum à procuratore reuocato, & de hoc certificato, non valet; nec processus, vel sententia lata per ipsum.

Quia

QUIA tale rescriptum fuit subreptitiè impetratum, nam si Papa, sciisset procuratorem esse reuocatum, non dedisset istas litteras. c. nonnulli. & c. ex parte decani. de rescript. Et quoniam ea, quæ sunt vigore rescripti subreptitij, non tenent. c. super litteris. de rescript. Ideo gesta per iudicem taliter impetratum, viribus non subsistunt. vt in tex. & supr. c. prox. Circa exceptionem autem faciendam contra procuratorem, est aduertendum, & distinguendum; nam exceptio falsi procuratoris, qui scilicet, nunquam fuit procurator, vel si fuit, postea est reuocatus, potest opponi etiam post sententiam, quia reddit iudicium nullum; non enim potuit ille ius alterius, sine mandato deducere in iudicium. vt in tex. sed exceptio contra personam procuratoris, quod scilicet, à iure impediatur esse procurator, solum potest opponi vsque ad litis contestationem, & non postea, vt patet in milite, qui non potest esse procurator. l. qui stipendia. C. eod. sed si non excipitur contra eum ante litem contestatam, postea non potest repelli, cum talis exceptio sit dilatoria. l. filius familias. §. veterani. ff. eod. & l. ita demum. C. eod. Et est ratio diuersitatis, quia hoc vltimo casu ipse habuit mandatum, & eo ipso, quod non excipitur ante litis contestationem, efficitur dominus instantiæ per contestationem litis ab eo factam; vnde sicut in facto proprio potest esse in iudicio, ita nunc in facto alieno. gloss. ver. exceptio. & Abb. hic. Et idem est dicendum in causa appellationis. d. l. ita demum. nam exceptio, quæ non potest opponi in prima instantia post litem, contestatam, non potest opponi etiam in causa appellationis. Abb. hic. & Roman. consil. 384.

SI reuocatio peruenit ad aduersarium.

QUIA vbi aduersarius fuit certioratus de mandato procuratoris facto alicui, debet etiam certiorari de reuocatione illius, ne occultè decipiatur; aliàs iudicium tenet, quo ad commodum aduersarij, ac si ille non fuisset reuocatus. infr. c. mandato. Ideo licet quo ad annullandum factum per ipsum procuratorem in his, quæ concernunt tantum interesse procuratoris, & domini, sufficiat procuratorem esse certioratum de reuocatione; tamen quo ad annullandum ea, quæ geruntur cum aduersario, debet etiam ipse certiorari de reuocatione, quando fuit certioratus de procuratoris constitutione. vt in tex. & gloss. fin. in d. c. mandato.

Cap. 5. Tuæ.

SI agitur de adulterio coram iudice seculari ad pœnam legalem, non interuenit procurator.

QUIA maritus taliter accusans debet se inscribere, & ad pœnam talionis se adstringere. vt in tex. Et quoniam per priores leges ciui-

ciues mulier conuicta de adulterio puniebatur ad pœnam mortis. l. castrat. C. de adulter. per posteriores verò detruditur in monasterium. Authent. sed hodie. C. de adulter. & similiter per leges canonicas. c. gaudemus. de conuers. coniug. Et secundum legem Mosaycam lapidabatur. Leuitic. cap. 10. Et pœna talionis est, vt si accusator deficiat in probando, condemnatur ad illam pœnam, ad quam fuisset condemnata persona accusata, si fuisset conuicta: Animam enim pro anima, oculum pro oculo, dentem pro dente falsus accusator, & mendax testis in tali pœna amittunt. Deuteron. cap. 19. Et quoniam huiusmodi pœnz non bene possent exequi in accusatorem, vel in reum, absentes; & per procuratores in iudicio interuenientes, sicut fit in ipsos coram iudice personaliter comparentes. l. absentem. ff. de pœn. Ideo in istis criminibus grauioribus, quando agitur criminaliter, statuitur, vt per seiplos debeant reus, & accusator, in iudicio interesse, non autem per procuratores. vt in tex. & l. penult. §. fin. ff. de publ. iudic. Et regulariter in quolibet crimine, in quo venit imponenda pœna maior relegatione exclusiue, quis prohibetur per procuratorem interesse. l. i. ff. an. per alium caus. appell.

S E C V S, si coram ecclesiastico ad separationem thori.

Q V I A tunc, etsi oporteat maritum accusatorem se inscribere, vt designet in scriptis nomen, locum, tempus, & omnia, quæ continentur in lege ciuili, quæ habetur. 2. q. 8. c. libellorum, & ff. de accusat. & inscript. l. 3. ad talionem tamen non debet se aliquatenus obligare, ne forte cum in probatione defecerit, intentionis suæ consequatur effectum, vt, scilicet, separentur. vt in tex. & glos. ver. effectum. Ideo sustineri potest, si necessitas id postulauerit, vt per procuratorem accuset; nam huiusmodi accusatio, etsi de crimine fiat, non est tamen criminalis, sed quasi mixta inter ciuilem, & criminalem, quanquam in præsentia principalium personarum securius procedatur. vt in tex. & c. per scripta. 2. q. 8.

Cap. 6. Cum pro causa.

Q V I de mandato domini causam procurauit, ab eo repetit expensas propter hoc factas.

Q V I A nemo cogitur suis stipendijs militare. 1. ad Corinth. cap. 9. Et quoniam qui vult consequens, vult & antecedens. c. translatio. de constitut. Ideo ex quo aliquis constituit suum procuratorem ad causam, intelligitur se obligasse ad eas expensas, quas pro tali causa ille fecerit. vt in tex. & l. etiam. C. mand. Vnde quando interuenit mandatum, semper repetit procurator expensas actione mandati, si non deprehenditur in aliqua culpa, siue succubuit, siue non. d. l. etiam. & l. si contra.

contra. C. eod. Si autem egit sine mandato, adhuc agit ad repetendum expensas, sed actione negotiorum gestorum, in qua non venit, nisi quod utiliter actum est. l. Pomponius la. i. ff. de negot. gest. Et in hac utilitate consideranda respicitur initium; nam si utiliter cepti agere negotium, tuum, licet non habuerit bonum exitum sine culpa mea, nihilominus repeto sumptus. l. sed an vltro. ff. de negot. gest. Sed in dubio, ex quo quis succubuit, non presumitur utiliter gessisse. l. iam tamen. §. in hac. ff. de iudic. solu. Et istæ expensæ non excedent probabilem modum. l. inter quos. §. fin. ff. de damn. infect. Sed quid, si procurator in eundo incidit in latrones, aut in stando fuerit infirmitate oppressus, nunquid tales casus fortuiti imputantur domino, ut debeat reficere expensas factas pro illis? Dic, quod non. l. inter causas. §. non omnia. ff. mand. secus est in societate, in qua vnus socius debet impartire cum alio damna, quæ occasione societatis alter eorum est passus. l. cum duobus. §. quidam. ff. pro socio. Et qui propter aliam causam fuisset iturus ad curiam, non repetit, nisi expensas, quas fecit pro causa, cuius est procurator, ibi longiorem moram trahendo, non autem illas, quas iam fecisset propter suam causam. l. ex parte. ff. famil. ercisc. & l. si communes. ff. de neg. gest.

Cap 7. Quia in causis.

VNIuersITAS etiam scholarium potest ad agendum, & defendendum procuratorem constituere.

QUIA licet procurator proprie sumptus dicatur ille, qui constituitur mandato domini. l. i. ff. eod. Vnde proprie, & strictè vniuersitas secundum leges ciuiles non constituit procuratorem, sed dicitur constituere syndicum, vel actorem. l. i. & l. item eorum. ff. quod cuiusque vniuer. nom. cum illa nō dicatur vnus dominus, sed vna dominatio plurium. l. i. §. fin. ff. de acquir. possess. & Arist. i. politic. cap. 4. Et dicitur syndicus quando constituitur ad omnes causas vniuersitatis, sic dictus, quia singulas causas vniuersitatis dicit: Actor verò dicitur, cum constituitur ad vnam causam. Abb. hic. potest tamen actor constitui ab alio, quàm ab vniuersitate, puta à tutore, vel curatore; isti enim cum non sint domini, non possunt constituere procuratorem ante litis contestationem; vnde constituunt actorem, cum auctoritate superioris. l. neque tutores. C. eod. Tamen quoniam vniuersitas habetur loco domini. gloss. hic. Et de iure canonico non attenditur vocabulorum differentia, vbi constat de intentione per illas voces expressa. infr. c. petitio. Et lata significatione quilibet administrator dicitur procurator. c. saluator. i. q. 3. Ideo licet proprie sumpto vocabulo, constitutus ab vniuersitate ad agendum, secundum leges ciuiles dicatur syndicus, vel actor, secundum canones tamen dicitur etiam procurator. ut in rex. & infr. d. c. petitio. Et quoniam vniuersitas scholarium est licita, & approbata. l.

T t c

fin.

fin. C. de iurisd. omn. iudic. Ideo etiam ipsa potest constituere syndicum, siue procuratorem, vt alia licet, & approbata vniuersitates. vt in tex. & Bart. in d.l. i. ff. quod cuiusque vniuer. nom. Est tamen differentia inter syndicum, siue procuratorem, aut actorem, constitutum ab vniuersitate, & inter procuratorem constitutum a persona particulari; nam constitutus ab vniuersitate iurat de calumnia sine mandato, sed constitutus a particulari non iurat de calumnia, sed iurat dominus, nisi procurator habeat, ad illud iuramentum prastandum, speciale mandatum. c. fin. de iuram. calum. in 6. Et ratio diuersitatis est, quia is debet hoc iuramentum prastare, qui est melius informatus de negotio, quod tractatur. c. in perpetrands. de iuram. calumn. Sed syndicus vniuersitatis prastatur melius informatus de facto vniuersitatis, quam ipsa vniuersitas, quæ caret sensu, vel quàm singuli de vniuersitate; quia naturaliter solent negligi, quæ communiter possidentur. l. 2. ver. naturale. C. quando, & quib. quarta pars deb. lib. 10. In causa verò propria quisque particularis prastatur melius scire veritatem, quam procurator. l. fin. C. hoc tit.

Cap. 8. Auditis.

SI citatus ad totam causam constituit procuratorem, quem postea reuocat, potest nihilominus contra eum procedi, in quantum status causa patitur, sine alia citatione.

QUIA post litem contestatam non potest remoueri procurator sine causa, contradicente aduersario. l. post litem. ff. eod. nam interest aduersarij, vt procurator sine causa non remoueatur, ne mutatione personarum iudicium varietur. l. quæ omnia. & ibi glos. ff. eod. & glos. in c. 2. eod. in 6. Ideo cum in hac reuocatione facta post litem contestatam, non appareat de eius legitima causa, talis reuocatio non valuit, aduersario contradicente; & ob id potest ferri sententia in procuratorem, ac si non fuisset reuocatus. vt in tex. & gl. 2. & Abb. hic.

Cap. 9. Petitio.

PROCURATOR episcopi causas episcopatus agit, & defendit, licet non fuerit datus sub nomine syndici, vel actoris.

QUIA quando verba generalia, siue dubia, ponuntur in huiusmodi instrumentis procurationis, ad percipiendum illorum significatum, recurrendum est ad intentionem constituentis, quæ per verba præcedentia, vel sequentia, colligi possit. glos. fin. hic. sicut etiam fit in privilegijs. c. ex multiplici. de decim & c. licet. de offic. ordin. Et similiter in referiptis. infr. de arbitr. c. exposita. & de restit. spol. c. audita. & de offic. deleg. c. super eo. Et similiter in beneficijs conferendis. c. super

per inordinata. & c. fin. de præb. Et ratio est, quia verba debent seruire intentioni, non intentio verbis. c. intelligentia. de verb. sign. Cum verba sint inuenta ad exprimendam intentionem. c. humanæ. 22. q. 3. Ea enim, quæ sunt in voce, sunt earum, quæ sunt in anima, passionum notæ; & ea, quæ scribuntur, eorum, quæ sunt in voce. Arist. lib. 1. de interpretatione. cap. 1. Ideo quando ex tenore instrumenti cognoscitur, quod intentio episcopi fuerit dare alicui liberam agendi, & defendendi potestatem, siue ille fuerit nuncupatus syndicus, siue actor, aut procurator, semper censetur episcopi syndicus, & procurator, & habet eandem potestatem, ac si sub quolibet de istis nominibus fuisset constitutus. vt in tex. & supr. c. quia in causis. Nec attenditur de iure canonico illa subtilitas iuris civilis, vt non sit dicendus procurator, nisi ille, qui constituitur a vero domino. vt not. supr. in d. c. quia in causis. Ideo licet episcopus non sit verus dominus rerum episcopatus, sed potius administrator, seu procurator. c. 2. de donat. tamen deputatus ab eo ad aliquid agendum, potest dici eius procurator. vt in tex. & c. saluator. 1. q. 3.

Cap. 10. Accedens.

PROVIDERE debet iudex, quod constituens procuratorem, gaudeat plena libertate.

QUIA ea, quæ fiunt per metum, qui potest cadere in constantem virum, si postea metus allegetur, sunt inuvalida denuncianda. c. ad audientiam. de his, quæ vlt. met. caus. fi. & c. si quandoque. 15. q. 6. Et quoniam interest iudicis, ne iudicium sit frustratorium. infr. c. mandato. Ideo ne possit postea opponi de inualiditate mandati, debet iudex prouidere, vt quis sponte, ac libere, non autem per metum, constituitur procuratorem. vt in tex. & l. metuim. §. sed quod. & l. qui in carcerem. ff. de eo, quod. met. caus.

MAXIME in causa matrimoniali.

QUIA cum locum non habeat consensus, vbi metus, vel coactio intercedit; necesse est, vt vbi assensus cuiusque requiritur, coactionis materia repellatur. c. cum locum. de sponsal. Et quoniam matrimonium solo consensu contrahitur. d. c. cum locum. & 27. q. 2. c. sufficiat. Quod quomodo sit intelligendum, not. in c. 1. de sponsal. & habetur ex Concil. Trid. sess. 24. de refor. matr. cap. 1. Ideo vbi queritur de consensu præstando in matrimonium, plena debet securitate gaudere ille, cuius animus est indagandus, ne per timorem dicat sibi placere, quod odit, & sequatur exitus, qui de inuitis nuptijs solet prouenire. vt in tex. & d. c. cum locum. Et vide ad hoc Concil. Trid. sess. 24. de refor. matr. cap. 9. & Magistr. Sentent. lib. 4. dist. 29.

Cap. 11. Dilectus.

SI procuratori generali denegantur induciæ ad consulendum dominum ex causa probabili absentem, poteris procurator appellare.

QUIA ei, qui vocatur in iudicium, sunt dandæ induciæ viginti dierum, intra quos possit deliberare, an velit cedere, vel contendere, & an velit iudicem reculare ex causa per leges admissa, siue velit in eum pure, & simpliciter consentire, aut petere alium illi sociari. c. induciæ. §. offeratur. 3. q. 3. Et quoniam procurator generaliter constitutus potest probabiliter ignorare in speciali lite, quid suus principalis facere velit, cum lis fuerit mota post mandatum procuratorium ei factum, & ob id non fuit super ea instructus; nec dominus fuit in culpa eum non instruendo, cum non teneretur futuram litem diuinare. gl. fin. hic, & Specul. in tit. de dilation. §. fin. Ideo ex quo procurator non potest per se deliberare, sunt ei dandæ induciæ ad dominum consulendum, secundum quod distantia locorum, & negotij, & personarum qualitas requirit. vt in tex. & c. cum sit. de appellat. & c. in pertractandis. de iuramen. calum. Et domino competunt aliz induciæ ad deliberandum, vt dictum est superius. Vnde ad euitandas istas inducias generalis procuratoris, utile est parti semper à principio citare dominum, si commode citari potest, & solum in domini defectum recurrere ad citandum generalem procuratorem. glos. in c. causam. de dol. & contum. & Bart. in l. 3. C. eod. Sed quid, si dominus citatus constituit ad aliquam litem procuratorem, qui comparuit, & assumpsit in se litem; demum citatur dominus ad certum articulum, & non procurator, nunquid teneatur dominus comparere? Dic, quod non; quia ex quo semel in causa constituit procuratorem, iam declarauit animum suum, quod non per se; sed per procuratorem volebat esse in iudicio; ideo procurator, & non dominus erat citandus. Abb. hic. & Bart. in l. quamuis. ff. de damn. infect. nam dominus non compellitur per se esse in iudicio. l. 1. ff. hoc tit. ex causa tamen posset citari dominus, & non procurator. vt not. in c. 1. de iudic. in 6. & in l. fin. C. de sent. & interloc.

Cap. 12. Constitutis.

SI reus recedit à iudicio, dimisso procuratore solummodo ad agendum, contumax est.

QUIA ad reum spectat constituere procuratorem ad defendendum, non ad agendum, nisi vellet reconuenire actorem; & ad actorem spectat constituere ad agendum, nisi reconueniatur, & ob id debet etiam eum constituere ad defendendum. glos. penult. hic. Et quoniam in iudicijs reputatur contumax, non solum ille, qui non venit, sed etiam

etiam qui venit, & illicentiatu recedit, antequam sit id, pro quo comparuit, expeditum, non legitimo ad hoc constituto procuratore. c. 1. de iudic. non enim dicitur venisse, qui non stetit. l. scire. §. consequens. ff. de excusat. tutor. Ideo reus, qui dimisit procuratorem solum ad agendum, non dimisit idoneum; & ob id contumax reputatur. vt in tex. & l. 1. in fin. & ibi Bart. ff. quod cuiusque vniuer. nom. Et si diceret, non ne constitutus ad agendum; videtur per consequens habere mandatum ad defendendum. vt not. glos. fin. supr. in c. accedens. & glos. in l. mutus. §. pœna. ff. cod. Respondetur dupliciter: Primo, quod iste fuit constitutus ad agendum solummodo. vt in tex. & sic illa dictio taxatiua excludit id, quod poterat venire in vim consequentia. vt not. in d. §. pœna: Secundo responderetur, quod contrarium loquitur, quando defensio requiritur in vim consequentia, vt quia constituitur procurator ad agendum ex parte actoris; hic autem loquimur, quando defensio requirebatur principaliter, quia fuit constitutus a reo, vnde non possumus dicere, quod defensio veniat in vim consequentia. Butr. & Abb. hic.

ET condemnatur in expensis.

QUIA quilibet contumax, cum præsumatur iniustam causam forere, est condemnandus in sui pœnam, & in aduersarij reueam, in expensis, quas propter talem causam aduersarius fecit. glos. 3. supr. in c. querelam. Et quoniam ille, qui indebit recedit a iudicio, contumax existimatur, vt dictum est superius. Ideo parti aduersæ condemnandus est in expensis, quas illius culpa in tali causa fecit. vt in l. tex. & c. calumnia. de pœnis. Condemnationem autem expensarum semper præcedere debet taxatio iudicis, & iuramentum partis. c. inducia. §. offeratur. 3. q. 3. & c. fin. de his, quæ vi, met. caus. fi.

Cap. 13. Mandato.

TENET iudicium agitatam cum procuratore reuocato, si reuocationem iudex, & aduersarius ignorauerunt.

QUIA cum per iudicium inceptum cum procuratore, denenerit ad notitiam iudicis, & partis, quod aduersarius voluit loco sui procuratorē interuenire l. 1. ff. cod. si postea ille posset, ipsis ignorantibus, procuratorem reuocare, deciperentur per aduersarium, qui ad reddendum iudicium inualidum, illum occulte reuocaret, & quando sibi non esset sententia fauorabilis, reuocationem factam publicaret. c. ex parte decani. de rescript. & l. si fideiussor. ff. mand. Et quoniam fraudibus est obuiandum. c. ex literis. de dol. & contum. Ideo si quis vult reuocare procuratorem, cum quo fuerit per partem aduersam iudicium inceptum, ne fraudem in tali reuocatione committere possit, debet de reuocatione iudicem, & aduersarium certiorare, alias iudicium cum illo

illo agitur teneat, ut in tex. & l. vnic. C. de satisfand. Quod iudicium intelligi valere ad commodum aduersarij, cuius respectu talis procurator non censetur reuocatus, secus quo ad commodum reuocantis, in cuius odium censetur reuocatus, ex quo illum quo ad se vere reuocauit. glos. in c. 2. eod. in 6.

Cap. 14. Non iniuste.

FILIUSFAMILIAS potest esse procurator in iudicio .

QUO I A quilibet, qui non prohibetur, potest dari procurator; cum hoc edictum sit prohibitorium. l. murus. ff. eod. Et quoniam filiusfamilias non solum non reperitur ab hoc officio prohibitus, sed ad illud reperitur admissus. l. filiusfamilias. ff. eod. Ideo si aliud ei non obstat, ex eo quod sit filiusfamilias, non est à procuratoris officio remouendus, ut in tex. & d. l. filiusfamilias; nec tenetur ad hoc patris habere assensum. c. qui generaliter. eod. in 6. Cum in hoc censetur sui iuris. Bald. in l. fin. C. de bon. quæ liber.

ETIAM ad futuras lites .

QUO I A non apparet ratio, quare magis sit admittendus quis in officio procuratoris ad lites præsentis, quam ad futuras. Specul. de procur. §. 3. in fin. Et quoniam hæc materia est fauorabilis, & pro comoda negotiorum expeditione est potius dilatanda, quam restringenda. l. 1. ff. eod. Ideo ob eandem rationem, qua filiusfamilias potest dari procurator ad lites præsentis, potest dari etiam ad futuras. ut in tex. & l. 3. ff. eod. quanquam ob aliam rationem secus sit in rescripto, quod datum ad lites, intelligitur ad præsentis, & non extenditur ad futuras. c. fin. supr. de rescript.

ET procurator datus cum pluribus simul in solidum, præfertur, si præoccupauit negotium.

QUO I A illa clausula, in solidum, importat in constitutione procuratoris, ut quisque habeat solidam potestatem faciendi id, quod posset dominus facere per seipsum, quo ad ea, in quibus se extendit mandatum. c. si duo. eod. in 6. & l. si pluribus. ff. de legat. 1. Et quoniam procurator post litem contestatam est effectus dominus litis. c. 1. in 6. Et si alij possent se ingerere in negotio, postquam vnus eorum cepit in solidum prosequi illud, facile inter eos contingeret repugnantia, quæ exitum negotij impediret. c. penult. de elect. in 6. & l. decreto, in fin. ff. de administr. tutor. Et ceteris paribus, melior est conditio occupantis. l. pluribus. ff. hoc tit. Ideo cum talis procurator sit melioris conditionis, quam alij, qui negotium non ceperunt, & cum ipse possit per se illud expedire sine alijs, statuitur pro celeri, & sufficienti negotiorum

tiorum expeditione, vt ex quo ipse præoccupauit negotium, alij procuratores non debeant ad illud se intromittere. vt in tex. & d. c. si duo; nisi in constitutione fuisset dictum; quod non fieret melior conditio occupantis, quia tunc domini voluntas esset attendenda. d. c. si duo. Cum rei suz quisque sit moderator, & arbiter. l. in re mandata. C. mandati. Si verò non sint dati in solidum, sed simpliciter, & coniunctim, tunc neuter potest agere, vel defendere sine alio, sed sunt simul admittendi. d. c. si duo; quia nemo debet sibi assumere maiorem facultatem, quam habeat. c. venerabilem. de elect. sicut iudices similiter, qui dantur sine clausula, quod si non omnes, &c. diuim iudicare non possunt. c. prudentiam. de offic. deleg. Sed si antequam aliquis procurator in solidum sit litem contestatus, concurreret cum alio procuratore eiusdem potestatis, & diuersæ voluntatis, ne se inuicem per repugnantiam impediât, potest index eligere magis idoneum, qui negotium prosequatur, alteri silentium indicendo. gloss. 3. hic, & l. si plures. ff. de accusat.

SECVS, si diuerso tempore fuit datus.

QUIA qui dat procuratorem secundum, priorem reuocare videtur. l. si quis cum procuratores. §. fin. ff. eod. nisi, dando secundum, exprimat, quod etiam priorem velit durare procuratorem. l. si pluribus. ff. de legat. 1. Et quoniam in dependentibus à voluntate, posteriora derogant prioribus. Institut. quib. mod. testam. infr. §. posteriore. Ideo vbi est in potestate alicuius constituere nouum procuratorem, si creauit secundum, non debet se ingerere primus. vt in tex. & gloss. 1. in d. c. si duo. In potestate autem alicuius non est, reuocare procuratorem post litem per eum contestatam, nisi ipse consentiat, vel ex iusta causa reuocetur, antea verò potest ipsum ad libitum reuocare. l. ante litem, & sequen. ff. eod.

ET procurator appellare debet à sententia.

QUIA Procuratori videtur tacite iniunctum, vt appellet, ne lis pereat per transitum in rem iudicatam. l. si procuratorem. §. penult. ff. mand. Et quoniam quis acceptando mandatum, censetur se obligare ad bene administranda omnia, quæ in mandato continentur, ne sub eius fide principalis decipiat. Clem. 1. & l. qui proprio. §. penult. ff. eod. Ideo si procurator non appellauit ab iniusta sententia, ei imputatur. vt in tex. & l. liberto. §. fin. ff. de negot. gest. Culpa enim ipse dominus censetur causam amisisse, cum de iniusta sententia diuinare non posset. l. si fideiussor. §. si cum debitor. ff. mand. Et ex quo aliquis recipiendo instrumentum, quo constituitur procurator, videtur se tacite obligare ad illud officium. d. Clem. 1. Et hoc ideo, quia vltra simplicem taciturnitatem, interuenit actus positivus. c. ex ore. de his, quæ fi. à ma. par. cap. Cape hanc theoricam, quod vbi tractatur de przi-

præiudicio alicuius, si ultra tacigurnitatem facit aliquem actum, qui videatur venire ad approbationem obligationis illius, tunc censetur consentire. vt not. Barr. in l. quo enim. ff. rem rat. hab. ex quo inferitur, quod si scienter recepi litteras alicuius, in quibus dicebatur, quod eram debitor eius, neque illico reclamavi, videor consentire. l. si filiusfamilias la. 2. & ibi Bart. ff. ad Macedon.

NISI ex causa excusetur.

QUAMVIS causa rationabilis semper intelligitur, quod dilaret, vel restringat aliquam dispositionem, etiam si in eius conuentione non sit expressa. Host. in c. quanto. de his, quæ si à præl. sine cons. cap. Et quoniam etiam ipsemet principalis excusatur, si ex iusta causa intra debitum tempus non appeller. c. fin. de appell. Ideo multo magis non est imputandum procuratori, si ex iusta causa non appellat, cum in tali casu non censetur se obligasse. vt in tex. & l. si procurator. §. si ignorantes. ff. mand. Iusta autem causa, quæ in hoc excuset, potest esse infirmitas, paupertas, metus, & similia. Host. hic.

QUO casu debet domino nuntiare de sententia.

QUAMVIS dominus potest probabiliter credere procuratorem esse sollicitum in appellando, ex quo regulariter tenetur appellare. Butr. hic nu. 19. Et quoniam non omnis causa, quæ potest excusare procuratorem non appellantem, excusat eum, si de sententia iniuste lata non certiorat dominum. glos. hic ver. appellare. Ideo ne dominus, qui non potuit diuinare sententiam, culpa procuratoris amittat causam, si non potest ipse procurator ex rationabili causa appellare, tenetur saltem domino denuntiare sententiam latam contra ipsum, vt dominus appellet, si voluerit. vt in tex. & simile habetur in l. si fideiusfor. §. si cum debitor. ff. mand.

APPELLATIONEM tamen prosequi non tenetur.

QUAMVIS sufficit procuratori implese fidem, quam suscepit, nec ultra est cogendus inuitus. l. inuitus, & ibi glos. fin. C. eod. Et quoniam prosecutio appellationis est actus separatus à prima instantia, cum fiat in alio iudicio, & ad illam non videtur se obligasse, qui procuratoris mandatum ad primam instantiam acceptauit. Butr. hic nu. 21. Ideo sufficit procuratori, prosecutum esse primam instantiam, ad quam se obligauit, & à sententia contra illam lata appellasse, non autem tenetur coram alio iudice causam appellationis subire. vt in tex. & d. l. inuitus. Secus est in procuratore, qui acceptauit mandatum generale ad omnes lites, vel ad vtramque instantiam, nam talis tenetur prosequi etiam causam appellationis, cum ad eam intelligatur se obligasse. l. 1. ff. an per alium caus. appell.

Cap.

Cap. 15. Consulti.

PROCVRATOR vniuersitatis, cuius maiores, & iurati, sunt excommunicati, non repellitur ab impetrando.

QVIA in actibus vniuersitatis potestas dependet, & actus creantur ab vniuersitate, vt vniuersitate. c. bonz il 2. de postul. przl. Et quoniam ius vniuersitatis residet penes habiles, etiam si esset vnus solus. l. sicut. ff. quod cuiusque vniu. nom. Et inhabiles non censentur de vniuersitate. c. gratum. de postul. przl. Et non est de essentia vniuersitatis, vt in ea sint isti maiores, & iurati, siue priores, & antiani. Innoc. in c. cum non ignores. de przb. Cum possit esse vniuersitas absque capite in ea. l. 1. ff. quod cuiusque vniu. nom. Ideo vniuersitas, mortuis capitibus, vel inhabilibus effectis, potest per se procuratorem constituere. vt in tex. & alia vniuersitatis negotia exercere. Innoc. hic. Nec debet corrumpere actus gestus sub nomine vniuersitatis, propter interessentiam aliquorum inhabilium. Abb. hic; quia habiles censentur gessisse actum meliori modo, quo potuerunt, & sic auctoritate totali apud eos tunc existente, non autem partiali, ita, vt voluerint pro alia parte admittere inhabiles, quod non potuerunt. l. 3. ff. de testam. milit. & Abb. in c. nisi. de przb.

NISI illi in procuratorio sint expressi.

QVIA quando tales excommunicati exprimuntur, videntur habiles fateri, se non posse per se ipsos actum gerere; & quod omnes indiuidue tam habiles, quam inhabiles concurrunt ad producendum illum actum. Butr. hic. Et sic habiles videntur ignorare, quod potestas eis competat in solidum. Abb. hic. Et quoniam vbi quis non vult, quod potest, & quod vult, non potest, actus per ipsum factus non valet, propter voluntatem, & potestatem, mutuo sibi aduersantes, quæ ad aliquid valide faciendum, debent concurrere simul. c. cum super. de offic. deleg. Et ubicunque quis ignorat fundamentum suæ potestatis, non valet, quod agit, cum non intendat vti illa potestate. vt not. in c. ex parte Arentis. de concess. przb. & l. si is, ad quem. & l. qui in aliena. ff. de acquir. hered. Ideo propter indiuiduitatem actus, in constitutione procuratoris, quæ habiles voluerunt facere cum inhabilibus, vitatur id, quod ipsi per se facere potuerunt, sed facere noluerunt. vt in tex. & gloss. in c. vtile. de reg. iur. in 6.

VEL eorum au floritate factum sit.

QVIA ubicunque, tanquam requisita, interuenit alicuius auctoritas, si illa non est legitime præstita, corrumpit actus. Institut. de auctor. tutor. §. tutor. & l. obligari. ff. eod. Auctoritas namque dat

V u u robur

robur actui. c. si qua. r. q. 2. Omnia enim nostra facimus, quibus auctoritatem nostram impertimur. l. i. §. sed neque. C. de veter. iur. enucl. Et quoniam excommunicatus, cum sit extra ecclesiam per maiorem excommunicationem contra ipsum laram, non habet facultatem ad aliquem actum auctorizandum. c. ad probandum. de re iudic. Ideo ex quo isti de vniuersitate voluerunt constituere syndicum per auctoritatem illorum excommunicatorum, talis constitutio non tenet. vt in tex. & Innocent. hic.

VEL ad id scienter sint admissi.

QUIA habiles admittentes scienter tales excommunicatos, & inhabiles, ad constitutionem procuratoris, videntur fateri, se sine illis non velle, nec posse ad huiusmodi actum procedere. Abb. hic nu. 7. Et quoniam sic admittendo illos, ipsi, quod volunt, non possunt, & quod possunt nolunt. d. c. cum super. Ideo constitutio sic scienter facta de procuratore per habiles admixtos cum excommunicatis, non valet. vt in tex. & c. massana. de elect. Et idem est dicendum, si fecissent aliquem actum cum quolibet alio prohibito, & inhabili fauore iuris publici. Innoc. hic. Secus, si cum prohibito, & inhabili fauore ipsorum habilium; quia tunc possent proprio fauori renuntiare, & illos habilitare. c. cum Vintonensis. de elect.

In Sexto.

Cap. i. Non indiscrete.

LAICVS potest esse procurator ad agendum, & defendendum in causis spiritualibus.



QUIA regulariter, qui non prohibetur expresse ad exercendum procurationis officium, idoneus debet reputari. vt in tex. Cum hoc editum sit prohibitorium. l. mutus. ff. eod. Et quoniam iura, quæ dicunt spiritualia negotia per laicos non esse tractanda. vt in c. 2. extr. de iudic. & c. massana. de elect. & similia, non prohibent, quod laicus non possit esse in spiritualibus tanquam procurator, sed quod non sit tanquam principalis, seu iudex, vel assessor, vel præcipiens. Host. in sum. huius tit. §. quis dari, in fin. Ideo licet laici tanquam actionem habentes, & nomine proprio, non debeant tractare res spirituales. vt in d. c. 2. de iudic. & similibus; bene tamen possunt tractare causas spirituales, tanquam procuratores. vt in tex. & glos. in Clem. 1. ver. procuratorem. de renunt. Notat tamen glos. in c. apostolica. ext. de except. quod quis non possit agere pro se, vel pro alio in his, quæ ipse possidere non potest; per quam glos. aliqui dicebant, quod laicus non potest

potest esse procurator in causis spiritualibus , nisi in matrimonialibus . Ioan. And. hic. Sed dic, quod in actibus spiritualibus dictum illius glosæ posset habere locum , sed in iudicialibus super spiritualibus locum non habet. glos. hic. ver. spiritualibus , & Specul. eod. tit. §. 1. ver. item quod est laicus .

§. Licet .

PROCURATOR post litem contestatam potest dare alium procuratorem .

QU^{IA} per litem contestationem procurator fit dominus litis . vt in tex. & l. properandum. C. de iudic. adeo quod sententia videtur in eum formanda, non in dominum. glos. hic. ver. litis . licet propter varias opiniones, quæ in hoc sunt, tutius sit formare sententiam in personam vtriusque , scilicet domini, & procuratoris, dicendo, talem procuratorem talis, & ipsum dominum condemno, vel absoluo, & ita seruetur. glos. in c. querelam. ver. æconomi. extr. de elect. Et quoniam dominus potest in rem suam dare procuratorem. l. 1. ff. eod. Ideo procurator post litem contestatam, potest, vt dominus, alium dare procuratorem, vt in tex. & l. nulla. C. eod. Et hoc intellige verum , vbi fuerit simpliciter constitutus , vel non expresse prohibitus ; aliàs si constitutus fuerit vsque ad litem contestatam , & expresse prohibitus , ne ultra procederet, fecus esset. glos. hic. ver. procurator, & Host. in c. petitio. extr. eod.

ANTE non .

QU^{IA} procurator non potest constitui, nisi a domino. l. 1. ff. eod. Et quoniam ante litem contestationem , procurator non est dominus litis. l. ante litem. ff. eod. Ideo antequam sit litem contestatus, non potest procurator alium dare procuratorem . vt in tex. & l. ab executore. §. fin. ff. de appellat.

NISI datus fuerit in rem suam .

QU^{IA} procurator in rem suam habet sibi emolumentum sententiæ applicari per utiles actiones ei cessas a domino, qui sibi solum retinuit actiones directas; & dicitur in rem suam, id est, ad utilitatem suam, puta, Titius pater cessit filio suo scholari actiones sibi copetentes contra suos debitores, & eum constituit procuratorem in rem suam ad exercendum actiones directas . Gemin. hic . Et quoniam per huiusmodi cessionem sibi factam, talis procurator est factus dominus emolumentum futuræ sententiæ. l. illam. C. de donat. Ideo ratione illius sui dominij, & utilitatis, potest tanquam dominus sibi substituere, & dare procuratorem, etiam ante litem contestationem. vt in tex. & glos. in l. quod quis . C. eod. Et quomodo ex parte rei detur procurator in rem suam, not. glos. in l. Plautius. ver. sed qualiter. ff. eod.

Vuu 2

VEL

V E L à domino habuerit mandatum de substituendo, etiam non certam personam .

Q V I A tunc talis substitutus videtur datus ab ipso domino , & solum censetur nominatus à procuratore , tanquam ab organo ipsius domini . vt not. in c. is cui. supr. de offic. deleg. Et quoniam vbi apparet de speciali voluntate committentis , illa est attendenda , quamvis in generali commissione non esset præsumpta , & ad talia specialia non censeretur se extendisse . c. fin. §. vices. d. tit. Ideo in tali casu potest procurator substituere etiam ante litem contestatam . vt in tex. & litem eorum . §. decuriones . ff. quod cuiusque vniu. nom. Sed quid , si habens mandatum cum potestate substituendi , vult substituere alium , & ei dare etiam potestatem substituendi , an possit ? Dic , quod non ; ne sit ire in infinitum : Quod intellige verum de illo , qui non est factus dominus litis , vel datus in rem suam ; nam in his casibus posset substituere , quia tunc æquiparatur domino . Gemin. hic. & Rota decis. 146. in nouis . hoc tit. & in antiquis decis. 546.

§. Procurator .

PROCVRATOR ad negotia potest dare alium procuratorem libere , & etiam quandocunque .

Q V I A in negotijs regulariter non agitur de tam graui præiudicio , sicut in judicialibus . Gemin. hic . vnde in eis admittitur procurator maior decimoseptimo anno ; in iudicijs verò debet esse maior vigesimoquinto . infr. c. qui generaliter . Et quoniam propter minus præiudicium , quod communiter vertitur in negotijs , in constitutione procuratoris ad illa , non videtur electa industria personæ , sicut censetur electa in procuratore ad iudicia . Bart. in l. fin. ff. de diuer. & tempor. præscr. Ideo regulariter censetur à domino data facultas isti procuratori , vt possit substituere , quod non censetur in procuratore ad lites . vt in tex. & l. si procuratorem . §. 2. ff. mand. Et quando procurator ad lites substituit post litem contestatam , magis substituit virtute iuris proprii , cum sit effectus dominus litis , quam virtute iuris domini . Gemin. hic . Sicut quando est arduum negotium , in quo censetur electa industria personæ , etiam procurator ad negotia non potest substituere . infr. c. fin. nisi in mandato esset ei data specialis facultas , quia tunc forma mandati esset attendenda . Bart. in d. l. fin. & Bald. in l. quod quis . C. hoc tit.

Cap. 2. Quamuis .

PROCVRATOR ante litem contestatam , etiam sine causa reuocari potest .

Quia

QU^{IA} ubi alteri non præiudicatur, quisque potest de re sua mutare consilium. *glos. fin. in c. mutare. infr. de reg. iur.* Cum rei suæ quilibet sit moderator, & arbiter. *l. in re mandata. C. mand.* Et quoniā ante litem contestatam, nullum est ius quæsitum procuratori per mandatum factum in eius personam; & nullum præiudicium fit aduersario, neque alteri, per talis procuratoris reuocationem. *glos. in l. post litem. ff. hoc tit.* Ideo tunc non debet quis impediri, quin possit de procuratore constituto penitere, & illum ad libitum libere reuocare. *vt in tex. & l. ante litem. ff. eod.*

POST litem contestatam non, sine rationabili causa.

QU^{IA} per litis contestationem procurator fit dominus litis. *supr. c. prox.* Et aduersarius, qui cœpit litem cum vno procuratore, oneratur, si ille mutetur, & debeat eam persequi cum alio. *glos. in d. l. post litem.* Et quoniam quis non potest mutare consilium in alterius detrimentum *d. c. mutare. & c. quod semel. infr. de reg. iur.* Ideo post litem contestatam non potest quis sine legitimā causa procuratorem reuocare. *vt in tex. & d. l. post litem.* Ex causa autem rationabili potest, *vt in tex.* quia tunc non censetur procuratori data aliqua facultas, nec debet pati, vt ex sua culpa præiudicet domino, qui non vult consentire in actu iniusto. *Host. in c. quantō. ext. de his, quæ fi. d. prel. sine cons. cap. & not. ext. in c. non iniuste.* Quæ autem dicantur causæ rationabiles ipsum reuocandi, multæ enumerantur hic in *tex.* & aliæ similes relinquuntur arbitrio iudicis terminandæ. *glos. ver. inimicum. & ver. alia.* Et post reuocationem factam à domino, non est procedendum in causa cum procuratore, quousque de causa reuocationis cognoscatur, quantumcunque ipse procurator contradicat. *l. quæ omnia. §. 2. ff. eod.*

DOMINVS tamen bene potest adesse causæ cum ipso procuratore, maxime si de collusionē timeat.

QU^{IA} per huiusmodi domini assistentiam ipsi consulitur, vt non decipiatur, & vt acta suæ causæ diligentius exerceantur. *glos. fin. hic.* Et cum per hoc procurator non reuocetur, ipsi, vel aduersario præiudicium non generatur. *infr. c. si quem. §. secus.* Et quoniam quod vni prodest, & alteri non nocet, facile concedi potest. *l. non debet. ff. de reg. iur.* Et fraudibus, quantum fieri potest, est obuiandum. *c. plerumque. ext. de rescript.* Ideo si dominus velit in causa cum suo procuratore adesse, non est per iudicem prohibendus. *vt in tex. & l. Paulus. ff. eod.*

Cap. 3. Is, qui.

PROCVRATOR habens mandatam substituendi, substitutum à se

à se post mandatum susceptum, etiam si eo non sit usus, reuocare non potest.

QU^IA talis substitutus censetur datus ad ipso domino, & solum, eius vice, à procuratore nominatus. vt not. supr. in c. 1. Vnde ipse se fatidabit, dominum ratum habiturum, nō substituentē. Francus. hic. Et quoniam quancito procurator ille substituit, functus est officio suo, & non habet amplius facere in causa. glos. ver. vñs. & Gemin. nu. 5. Ideo ex quo desijt esse procurator, non potest vterius substitutum reuocare. vt in tex. & arg. c. ex literis. infr. de offic. deleg. licet in delegato Sedis Apostolicę, vices suas alteri cōmittente, aliud censeatur. vt in tex. scilicet, quod delegatus potest reuocare subdelegatum, antequam ille vñs fuerit iurisdictione. c. quamuis. supr. de offic. deleg. Et ratio diuersitatis est, quia iudicare est onus, tamen est etiam honor; sed procurare est o nus, non honor, & officium vile. l. si quis procuratorem. C. de decur. lib. 10. Vnde non pręsumitur, quemquam sic excutere honorem, & onus, sicut onus tantum; nec sic duo, sicut vnum. Archid. hic. Pręterea, delegatus habet à lege talem potestatem subdelegandi. c. pastoralis. extr. de offic. deleg. sed talis procurator habet hanc facultatem substituendi ab homine. vt dictum est superius. Et quoniam mitius agitur cum lege, quàm cum homine. l. Celsus. & l. nam magistratum. ff. de arbitr. Ideo plus potestatis habet in reuocatione subdelegati delegatus, quàm habeat in reuocatione substituti procurator. vt in tex. Si tamen ille substitutus non suscepisset mandatum, posset procurator alium substituere. vt in tex. per argum. à contrario sensu; licet si compromissarius datus ad eligendum eligat, & electus renuat consentire, amplius eligere non possit. c. si compromissarius. supr. de elect. & ratio diuersitatis est, quia ille functus est officio suo semel eligendo, vt ibi not. procurator autem substituens non est functus officio suo, nisi substitutus mandatum suscipiat; cum ipse habeat causam agere, si substitutus illam non suscipit. glos. hic. ver. aliud.

N I S I & potestatem habuit reuocandi.

QU^IA tunc per solam substitutionem non expirat eius mandatum, sed ex potestate sibi per dominum tradita, potest illam reuocare, sicut posset ipse dominus. glos. ver. reuocandi. Et quoniam dominus potest ante litteram contestatam procuratorem reuocare. supr. c. prox. Ideo similiter potest eius nomine procurator reuocare talem substitutum. vt in tex. & l. 1. ff. eod.

S I autem erat procurator ad plures causas, & in altera substituit, in alijs remanet procurator.

Quia

QU^{IA} in non connexis prosecutio , vel negligentia in vno, non obest in altero. Gemin. hic. §. fin. Ex diuersis enim non fit illatio. l. Papinianus. ff. de minor. licet secus sit in connexis, & in eodem facto. c. cum plures. supr. de offic. deleg. Ideo per substitutionem factam in vna causa diuersa, quis non prohibetur in alijs procuratoris officium exercere, cum non censeatur in ijs, illud a se remouisse. vt in tex. & l. cum prætor, in princ. ff. de iudic. Et de reuocatione procuratoris, vide Cynum, & alios in l. mandati. C. mand. & Paul. de Castr. consil. 361. incipien. venerabilis.

Cap. 4. Qui ad agendum.

PROCURATOR *generalis non agit exigentia speciale mandatum.*

QU^{IA} ea, quæ speciali nota sunt digna, si non exprimantur, ex studio omissa censentur. l. item apud. §. hoc edictum. ff. de iniur. Et quoniam mandati fines diligenter sunt seruandi. c. cum dilecta. extr. de rescript. Ideo ex vi mandati generalis non debet procurator admitti ad ea, quæ, vt præsumantur commissa, speciale mandatum requirunt. vt in tex. & l. Pomponius. ff. eod. Qui autem sint casus requirentes speciale mandatū, tres recensentur hic in tex. & viginti enumerantur per gl. & triginta quatuor hic per Franc. Et quoniā tales casus sunt grauiorē, quā illi, qui sub generali commissione veniunt. d. glof. hic. Ideo vt intelligantur concessi, debent specialiter exprimi. vt in tex. & d. l. Pomponius. Vbi enim maius periculum vertitur, cautius est agendum. c. vbi. supr. de elect. Et frustra talia requirerent speciale mandatum, si sub generali commissione venirent. c. quod. supr. de offic. leg.

NISI *cum aliqua illorum specificatione.*

QU^{IA} speciale mandatum intelligitur dari, quando nominatim aliquid mandatur. l. non solum. §. fin. ff. eod. Et quoniam illud dicitur fieri nominatim, quod fit expresso nomine proprio, vel eo, quod habet vim nominis proprii. c. licet ex quadam. extr. de testib. & l. stipulationem, & l. vbi autem. ff. de verb. oblig. Et expressio alicuius casus requirentis speciale mandatum, adiecta clausula generali, vt procurator quæcunque alia consimilia possit, quæ requirunt speciale mandatum, habet vim nominis proprii aliorum casuum nō specificatorum, ac si essent specificati, dummodo non sint grauiorē, vel maiores expressis. Clem. 2. hoc tit. Ideo si aliquis de articulis speciale mandatū exigentibus fuerit specificatus, adiecta clausula generali, tunc etiam ad non expressos non grauiorē, vel maiores, admittitur talis procurator. vt in tex. & d. Clem. 2.

VEL

VEL libera potestate.

QU^{VI}A mandatum cum libera potestate æquiparatur mandato speciali. Francus hic in §. procurator. Et per illud censentur omnia mandata, quæ facere posset ipse dominus, etiam quo ad alienationem, si donationem illa non contineat. l. procurator, cui. ff. eod. Ideo ex quo tunc constat per tale mandatum de voluntate domini constituentis, etiam ad casus speciales erit ille procurator admittendus. vt in tex. & l. si procurator. C. eod. Per quæ autem verba censetur data talis libera potestas, late tractat hic Francus in fine.

Cap. 5. Qui generaliter.

MANDATVM generale ad negotia, etiam ad iudicia se extendit.

QU^{VI}A verbum, negotium, multa significat; modo actum alicuius rei, cuius contrarium est otium; modo actionem causæ, quod est iurgium litis, & dictum est negotium, id est, sine otio: Et dicitur negotium in causis, negotiatio autem in comerciis, vbi aliquid datur, vt maiora lucrentur. c. forus. §. negotium. extr. de verb. sign. Et quoniam verba generaliter prolata, generaliter sunt accipienda. c. solitæ. extr. de maior. & obed. Ideo qui generaliter constituitur ad negotia, procurator, agere, ac experiri potest, exceptis his casibus, qui mandatum exigunt speciale. vt in tex. Cum tale verbum positum in procuratorio comprehendat negotia iudicialia, & extraiudicialia. d. c. forus. Et hoc potest talis procurator etiam in criminalibus civiliter motis. infr. de iudic. & ibi glos. c. 1. secus in criminalibus criminaliter motis. c. veniens. extr. de accusat. Cum in illis, vt plurimum, non admittatur procurator. c. super his. d. tit. de accusat. & l. sed & hæ. ff. hoc tit.

§. Ne dum.

POTEST filiusfamilias esse procurator.

QU^{VI}A omnes, qui non prohibentur, procuratores dari possunt. l. mutus. ff. eod. Et quoniam filiusfamilias non prohibetur. l. filiusfamilias. ff. eod. Ideo ne dum ad negotia, sed etiam ad iudicia ipse potest fieri procurator. vt in tex. & extr. c. non iniuste.

ETIAM absque patris consensu.

QU^{VI}A si filius sit procurator, nil deperit patri. glos. ver. filiusfamilias. Ideo quo ad id filius censetur sui iuris, & admittitur sine patris assensu. vt in tex. & c. fin. infr. de iudic. Immo potest esse, etiam patre prohibente. Bald. in l. fin. §. necessitatem. C. de bon. quæ lib. Nullo ta-

lo tamen casu potest agere contra patrem, nisi prius petita venia secundum formam. l. veniam. C. de in ius vocan. vt not. gloss. in c. queritur. 2. q. 7. & in c. ex parte. extr. de restit. spol.

§. Licet.

MAIOR annis xxv. ad iudicia; maior xvij. ad negotia deputari potest procurator.

QU^VIA in negotiis regulariter non agitur de tam grani præiudicio, sicut in iudicialibus. Gemin. supr. in c. 1. §. procurator. Et quoniam ubi maius periculum vertitur, cautius est agendum. c. vbi. supr. de elect. Ideo maior ætas statuitur requirenda in procuratore ad iudicia, quam in illo ad negotia. vt in tex. Et quia post decimum, septimum annum quis est in plena pubertate, ita vt, completa pueritia, incipiat habere prudentem discursum, & intellectum ad negotia. l. Mela. ff. de alim. & cib. leg. Et post vigesimum quintum annum, completa iuuentute, quis incipit esse in ætate matura, & virili. l. minor. ff. de minor. & not. in c. cum in cunctis, in fin. extr. de elect. Ideo statuitur, vt qui compleuerit xvij. annum, possit dari procurator ad negotia, & qui compleuerit xxv. possit dari ad iudicia; cum tales, considerata vtriusque ætate, & habita relatione ad onera, quæ suscipiunt, ad illa ratione ætatis idonei præsumantur. vt in tex. & Gemin. in fin.

Cap. 6. Si duo.

EX duobus procuratoribus simul simpliciter constitutis, alter solus admitti non debet.

QU^VIA vbi exercitium actus pluribus simpliciter, & eodem tempore committitur, intelligitur commissum, vt simul procedant; cum singuli non habeant tunc potestatem in solidum, sed quisque eorum pro parte. c. causam il. 1. extr. de offic. deleg. & l. duo ex tribus. ff. de re iudic. Et quoniam forma mandati diligenter est seruanda. c. super litteris. extr. de rescript. Et iudex debet aduertere, ne in causis admittat personas, quarum inhabilitate iudicium redderetur inuolidum. c. 1. extr. cod. Ideo si duo procuratores simul (non adiecto, in solidum) deputentur, vnus sine altero non debet admitti. vt in tex. & l. cum alicui. ff. de negot. gest. Secus autem, si sint dati diuerso tempore, nam tunc, dando secundum, videtur reuocare primum. c. si quis cum procuratorio. ff. cod. Et hoc verum intellige, etiam si secundus non sit suscipere mandatum. gloss. 2. hic. nisi constituens exprimat, se nolle per hoc reuocare primum. l. si pluribus. ff. de legat. 1.

SI verò in solidum, qui primo contestatur litem, admittitur, altero totaliter excluso.

X x x

Quia

QU^{IA} clausula, in solidum, in constitutione procuratoris importat, ut quisque possit in totum facere per se, quod posset ipse dominus in ijs, ad quæ se extendit mandatum. d. l. si pluribus, & c. cum plures. extr. de offic. deleg. Et quoniam procurator, qui litem contestatur, sit dominus litis. supr. c. 1. & l. post litem. ff. eod. Ideo non debet alter postea eum impedire in re suâ. ut in tex. & c. penult. supr. de rescript. Vigilantibus enim, non dormientibus, iura subueniunt. c. cum vniuersorum. extr. de rer. perm. Quod intellige de vigilantia sine dolo. c. qui. dist. 36. Qualis est in domino Iulio Ioannino Maceratenſi fratre q. Reuerendiss. Pauli Emilij primi episcopi Montis Alti, viro probò, & erudito, in Romana curia multum versato, valde amico meo.

NISI adiectum fuerit, quod non sit melior conditio occupantis, quo casu, altero non proſequire, nec alium substituente, reliquus admittatur.

QU^{IA} in tali casu constat de mente constituentis, qui vult eos in causa cum huiusmodi potestate interuenire. ut in tex. Et quoniam rei suæ quisque est moderator, & arbiter. l. in re mandata. C. mand. Ideo si in constitutione procuratoris sit dictum, quod non sit melior conditio occupantis, tunc si eum, qui occupauit, infirmari, mori, absentari, vel aliàs impediri contingat, aut si proſequi forte nolit, poterit alter suscipere, ac perficere negotium ab alio inchoatum. ut in tex. Dumtamen ab alio non fuerit alius substitutus, nam si sit, is præferri debet eidem. ut in tex. Cum enim talis sit substitutus ab eo, qui potior est in causa, tanquam illius vices gerens potest continuare causam, & excludere alium. glos. ver. præferri. Clausula enim illa, quod non sit melior conditio occupantis, præseruat potestatem procuratoris non occupantis, quo ad habitum potestatis, non autem quo ad exercitium, nisi in certis casibus. Gemin. hic nu. 4. scilicet, si non substituit, vel est infirmus, aut aliter impeditus. Ioan. Vanquell. hic.

§. Cæterum.

PROCURATOR datus in solidum, qui occupauerat negotiū, ex impedimento exclusus, non reassumit, nisi altero impedito.

QU^{IA} si ambo procuratores dati in solidum, eodem tempore procedere possent, facile sequeretur perplexitas in causa, ut vnus eorum fateretur, quod alter negaret. Gemin. hic nu. 6. Et quoniam per huiusmodi contradictionem inter eos, progressus causæ impeditur. glos. in c. cum plures. ver. de eodem. supr. de offic. deleg. Ideo illa clausula, & potestas in solidum operatur, ut quilibet eorum possit per se debito tempore procedere; non autem operatur, ut dum vnus proſequitur, alius se ingerat. ut in tex. & l. pluribus. ff. eod.

§. Sa-

§. Sanè.

I N causis spiritualibus, ex duobus procuratoribus simul simpliciter datus, iudex eligit magis idoneum, qui solus prosequi poterit; nec alius admittitur, nisi primo legitime excluso.

QUIA negotia spiritualia celeriores expeditionem exigunt, quam temporalia. ut in tex. Cum in illis tractetur de salute animarum, quæ non debent diutius carere administratore. c. fin. supr. de elect. & sunt alijs rebus pretiosiores. c. cum sit. extr. de stat. & qual. ord. Et quoniam de facili insurgeret negotij intricatio, si tales procuratores eodem tempore admitterentur ad causæ exercitium, propter illorum varias opiniones. ut in tex. & c. tuam. extr. de ord. cogn. Ideo ex quo constat de voluntate principalis, qui constituit istos suos procuratores, ius in fauorem spiritualis causæ interpretatur; & adiungit, ut unus solus procedere possit, quamvis non habuerit ad hoc sufficientes mandatum. ut in tex. & glos. ver. specialiter. Et quia in concursu plurium, quando datur electio superiori, ipse debet eligere magis idoneum. c. pastoralis. ext. de iurepatr. Ideo de istis duobus procuratoribus iudex idoneiorem eligere debet, qui causam prosequatur; & si postea iste fuerit impeditus, & non dederit substitutum, ne causa remaneat sine tali ministro, poterit illam reassumere alius, qui erat simul procurator constitutus. ut in tex. & glos. fin. hic.

Cap. 7. Licet.

PROCURATOR, qui renuit acceptare mandatum, penitere potest, quamdiu constituens in eadem perseverat voluntate.

QUIA mandatum procuratorium recipit suum effectum à libera voluntate constituentis, & à libera acceptatione. l. filiusfamilias. §. inuitus. ff. cod. Et quoniam ubi actus perficitur ex consensu duorum, licet alter dissenserit semel, potest iterato consentire, stante pristina voluntate alterius. c. si tibi absenti. infr. de præb. Cum ultima mora consensus in talibus attendatur. l. illud. ff. de peric. & com. rei vend. Ideo quousque constituens non mutat suam voluntatem, potest constitutus procurator acceptare mandatum, licet prius dixerit se illud nolle acceptare. ut in tex. & l. non erit, in fin. de iureiur. Constituens autem præsumitur perdurare in eadem voluntate, nisi illa probetur mutata. c. maiores, in fin. ext. de baptis. & l. eum, qui. ff. de probat.

Cap. 8. Si quem.

DOMINVS dans procuratorem, quoties contingit cum abesse, causam tractando, procuratorem non intelligitur reuocare.

X x x 1 Quia

QU^{VIA} iste constituens, qui est reuersus, potest iterum discedere, & abesse. vt in tex. Et quoniam qualificata causa qualificatum producit effectum. l. in agris. ff. de acquir. rer. dom. Ideo ex quo constat de mente constituentis, quod vult talem in casibus suæ absentię esse eius procuratorem, per suam comparitionem non intelligitur illum reuocare, si rursus fuerit absens, sed per eius præsentiā solum suspendit illius officium, & exercitium. vt in tex. & glos. in l. qui mutuam. §. non. ideo. ff. mand. sicut idem est in subdelegato dato sub simili forma. c. si delegatus. supr. de offic. deleg. Non enim probat hoc esse, quod ab hoc contingit abesse. l. neque natales. C. de probat. Ideo ex quo iste constituens potest rursus abesse, non intelligitur per eius comparitionem, esse formam procurationis in totum sublatam. vt in tex. & simile in l. penult. C. de curat. fur.

SECVS, si simpliciter.

QU^{VIA} cum tunc non appareat causa, cur dominus velit personā interuenire in iudicio, & non per iam constitutum procuratorem, censetur non amplius confidere de illo, sicut antea. Innoc. in c. petitio. extr. cod. Et quoniam ante litem contestatam, potest dominus ad libitum procuratorem reuocare. l. ante litem. ff. eod. Et post illam contestatam, potest eum reuocare, si consentiat ipse procurator. l. post litem. ff. eod. Ideo si dominus comparet in causa ante litem contestatam, censetur sua libera potestate reuocare procuratorem simpliciter datum; si verò comparet post illam contestatam, si procurator non contradicit, censetur de eius consensu dominum reuocationem fecisse. glos. hic. ver. siue.

NISI expresse protestetur, quod ipsum reuocare non intendit; vel aliā hoc appareat ex probabilibus coniecturis.

QU^{VIA} circa procuratoris facultatem, constituentis voluntas est præcipuè attendenda. Innoc. in d. c. petitio. Et quoniam fortior præsumptio debiliorem tollit. c. litteras. extr. de præsumpt. Ideo ex quo per protestationem, vel alias coniecturas apparet, quod per suam comparitionem noluit constituens procuratorem reuocare, ista maior præsumptio erit attendenda, non autem illa, per quam censetur se comparuisse propter illius diffidentiam. vt in tex. & l. fin. C. eod.

Cap. 9. Procurator.

PROCVRATOR ad contrahendum matrimonium debet habere speciale mandatum.

QU^{VIA} contractus matrimonij est factum arduum, ex quo posset magnum periculum imminere, si deficeret potestas in contrahente. vt

te. vt in tex. Et quoniam ea, quæ propter eorum grauitatem speciali nota sunt digna, si non specificantur, ex studio omiffa censentur. l. item, apud. §. hoc editum. ff. de iniur. Ideo procurator non aliter censetur idoneus ad matrimonium contrahendum, quàm si ad hoc habuerit speciale mandatum. vt in tex. & l. generali. ff. de ritu nupt.

ET talis procurator non substituit, nisi ad hoc mandatum habeat.

QUIA in commissione facta alicui ad graue negotium, censetur electa industria eius personæ, ita vt illud alteri demandare non possit, nisi forma commissionis habeat, vt per se, vel per alium id valeat expedire, quamuis sit in facultate, in qua regulariter substituere potest. c. is, cui. supr. de offic. deleg. Et quoniam contractus matrimonij est arduum negotium, in quo si procurator posset substituere, magnum periculum posset imminere. vt in tex. Ideo quamuis aliàs is, qui constituitur ad negotia procurator, alium substituere possit. supr. c. 1. in hoc tamen casu non potest alium deputare, nisi hoc eidem specialiter sit commissum. vt in tex. & arg. c. fin. §. vices. supr. de offic. deleg.

ET si talis procurator reuocatus etiam ignorantibus contrahit, non tenet matrimonium.

QUIA ad contrahendum matrimonium requiritur mutus consensus contrahentium. c. tua. extr. de sponsal. Et quoniam quando procurator est reuocatus, ibi deficit consensus illius, qui prius dedit ei mandatum ad contrahendum. vt in tex. Ideo si procurator, antequàm contraxerit, à domino fuerit reuocatus, contractum postmodum matrimonium ab eodem (licet tam ipse, quàm ea, cum qua contraxit, reuocationem huiusmodi penitus ignorarent) nullius momenti existit; cum illius consensus defecerit, sine quo firmitatem habere nequiuit. vt in tex. & gloss. in c. nec illud. 30. q. 5. Et est speciale in hoc casu, vt teneat reuocatio procuratoris, quamuis ad eius notitiam illa non peruenerit. gloss. hic. ver. ignorarent. Cum aliàs reuocatio procuratoris ad negotia, ad ipsum procuratorem venire debeat; de quo dic, vt in c. ex parte decani, & ibi late per Felinum. extr. de rescript. Et de reuocatione procuratoris ad iudicia, dic, vt not. gl. sup. in c. quamuis. & habetur extr. in c. mandato.

In Clement. Cap. I. Instrumenta.

QUI sciens sine protestatione recipit instrumentum, vel litteras sue procuracionis, quibus constituens pro ipso cāuebat, super inclusis in procuratorio dominum defendere cogitur.

QUIA



QUIA per huiusmodi receptionem, ad omnia, quæ in talibus litteris, vel instrumentis continentur, procurator videtur suum præstitisse assensum. vt in tex. Et quoniam fidem susceptam quisque adimplere tenetur, ne decipiat is, qui negotium commisit. l. inuitus. C. eod. & l. inuitus. §. fin. ff. eod. Ideo licet à principio quis non cogatur procuratoris officium suscipere d. l. inuitus. si tamen illud suscepit, debet negotium susceptum adimplere. vt in tex. & l. non cogendum. ff. eod. nisi ex iusta causa procurator excusetur. l. filiusfamilias. §. fin. ff. eod. Sed requiritur, quod sciat contenta in tali mandato, vt ad hæc obligetur. vt in tex. quia ignorans, vel errans, non consentit. c. si beneficia. de præben. in 6.

Cap. 2. Non potest.

PROCURATOR habens mandatū iurandi, & omnia facienda, quæ requirunt speciale mandatum, contra electum, vel prouisum, opponere non potest crimina, vel defectus.

QUIA sub tali generalitate non veniunt grauiora, vel maiora, quam in ipso procuratorio sint expressa. vt in tex. & l. fin. ff. de tritico, vino, & oleo leg. Et quoniam potestas opponendi crimina est quid grauissimum, tum respectu illius, contra quem fit oppositio, quia per hoc agitur de diminutione eius famæ, & status. c. 2. ext. de ordin. cogn. tum etiam respectu opponentis, & ad hoc procuratorem constituentis, quia si deficit in probando, venit puniendus. c. 1. de elect. in 6. Ideo per tale mandatum non potest iste procurator opponere crimina, vel defectus in personam electi, vel prouisi, nisi aliud super hoc habeat in mandatis. vt in tex. & c. procurator. de elect. in 6. Sed cum anima sit pretiosior corpore. c. cum infirmitas. ext. de penit. videbatur dicendum, quod potestas data procuratori ad iurandum de calumnia, esset maior, quam potestas ad opponendum crimina; cum peccans in tali iuramento ligetur propter periurium ad penam æternam, & deficiens in oppositione istorum criminum ligatur in corpore ad penam temporalem. glof. fin. hic. Respondetur, negando animam constituentis ligari ad periurium per procuratorem, nisi constituens sit in culpa, quod dic, vt in c. fin. de iureiur. in 6. Et qui falso opponeret crimina, etiam ipse mortaliter peccaret contra proximum, & ligaretur ad penam æternam, nisi debite pæniteret, confitendo, & satisfaciendo. c. non potest. de penit. dist. 1. Cum sit præceptum Decalogi, Non dicis contra proximum tuum falsum testimonium. Et Dominus dicit in Euangelio: Qui dixerit fratri suo, fatuz, reus erit gehennæ ignis. Matth. cap. 5.

Cap. 3. Religiosus .

RELIGIOSVS etiam pro conreligioso non potest procurator constitui sine licentia superioris .

QU^{IA} religiosi non habent neque nolle, neque velle. c. si religiosus. de elect. in 6. Cum non solum facultatibus, sed voluntatibus proprijs in ipsa ordinis susceptione renuntiauerint, & semper promissam obedientiam penitus aliorum potestati, & imperijs in Christo, & pro Christo subdiderint. c. non dicatis. 12. q. 1. Et quoniam officium procuratoris est voluntariu, cum in eo requiratur libera voluntas, non solum constituentis in committendo, sed etiam constituti in acceptando. l. inuitus. C. cod. & l. filiusfamilias. ff. cod. Ideo religiosus, cum ex se non possit dare consensum voluntatis, non est capax sine superioris licentia officij procuratoris, quantumcunque sit pro alio religioso, vel alia persona pia, vt in tex. & c. 2. ext. de postul. Et hæc intellige vera in religioso carente administratione. Zabar. hic. nam habens administrationem, sicut per se potest agere. c. cum deputati. ext. de iudic. ita potest procurator esse, & procuratorem constituere. c. vnic. ext. de syndic. cum enim habuerit à superiore licentiam consentiendi in concernentibus administrationem, censetur etiam habuisse illam ad procuratoris mandatum dandum, & acceptandum. glos. hic ver. constituere .

NISI pro consorte eiusdem litis .

QU^{IA} concessio principali, intelliguntur concessa etiam accessoria. c. prudentiam. extr. de offic. deleg. & l. 2. ff. de iurisd. omn. iudic. Et quoniam licentia data religioso, vt possit interuenire in iudicio, vt procurator, cum alio eiusdem litis consorte, est quid principale respectu licentiæ acceptandi procuratoris officium ab eiusdem litis consorte. glos. ver. constituere . Ideo ex quo religiosus habuit licentiam consentiendi in causa, vt procurator, censetur etiam illam habuisse ad acceptandum procuratoris mandatum ab eiusdem litis consorte. vt in tex. & c. præterea. extr. de offic. deleg.

NEC etiam alium constituere, nec substituere, licet hoc habeat in mandatis .

QU^{IA} non potest quis constituere, vel substituere alium procuratorem, nisi ipse prius mādatum, per quod talis facultas ei datur, acceptauerit. Zabar. hic num. 5. Et quoniam in religioso per illud suum velle acceptare, frangeretur abdicatio voluntatis, & obedientia, quam in professione promisit. glos. ver. substituere . Ideo non potest religiosus sine superioris licentia suscipere officium substituendi, quamuis ad hoc detur ei facultas à constituyente, qui non sit eius superior.

rior . vt in text. & d. cap. si religiosus . de elect. in 6.

Cap.4. Procuratorem.

P E R obitum reſtoris eccleſia, reuocatur procurator ab eo pro eccleſia conſtitutus, etiam quo ad iam cepta.

Q V I A procurator adminiſtrat nomine domini. l. 1. ff. eod. Et quoniam per obitum prælati extinguitur titulus prælationis, quo ad effectum. c. ne pro defectu. extr. de elect. Et licet eccleſia non moriatur per mortem prælati, bene tamen viduatur, & occupatur circa actus lugubres, & habet ſuſpenſum exercitiũ ſui coniugij. c. vbi. de elect. in 6. Ne, cum careat ſponſo, & rectore, facilè decipiatur. Clem. ne Romani. de elect. Ideo cum procurator non poſſit adminiſtrare nomine defuncti, qui non eſt amplius dominus, non poterit adminiſtrare etiam nomine prælationis; tum quia non fuit ad hoc conſtitutus; tum quia, non potuiſſet per prælatam ſolum ad hoc conſtitui, cum ipſe non poſſit priuare iure adminiſtrandi eum, ad quem de iure communi, vel ſpeciali, ſede vacante, hoc ſpectat. Zabar. hic nu. 3. Vnde cum ſit generale, quod, re integra, morte mandantis expirat mandatum. l. mandatum. C. niand. in procuratore reſtoris eccleſiæ ampliatur, vt expiret, etiam re non integra. vt in tex. vt ſic per talem procuratorem non poſſit aliquid attendi in præiudicium eccleſiæ. extr. ne ſede vac. c. fin. & ne præiudicetur iuri capituli, vel alterius, qui, ſede vacante, habeat adminiſtrare. c. ſi episcopos. de ſuppl. negl. prælat. in 6.

Liber Primus. Titulus XXXIX.

D E S Y N D I C O .

In Decretal. Cap. vnic. Sicut.

R E L I G I O S I debent habere ſyndicum, qui cauſas monaſterij agat, & defendat .



V I A bona monaſterij non debent carere adminiſtratore, qui ea ab aliorum inſulcibus, & vſurpatione in iudicio defendat. c. edoceri. de reſcript. & c. quia episcopos. 5. q. 3. Et quoniam non decet, vt religioſi per ſeipſos compareant in iudicio. c. ſicut. 2. q. 7. Cum valde amarum ſit, à clauiſtro ad forenſes diſceptiones ipſos auocari, in quibus nullo modo, quæ à religioſis Deo promiſſæ ſunt, valent adimpleri.

pleri; Illic enim quies, oratio, labor manuum; at hic causarum cognitio, conventiones, actus, publica litigia tractantur. c. de presentium. 16. q. 1. Ideo cum non deceat aliquem de ipsis monachis esse syndicum, ne monasterij bona remaneant indefensa, debent syndicum aliquem alium virum probum, siue clericum, siue laicum pro monasterij causis deputare. vt in tex. & c. te quidem. 11. q. 1. Si tamen deputaretur syndicus vnus de ipsis religiosis, ipsius constitutio teneret. c. insuper. de testib. & c. cum deputati. de iudic. quia ea, quæ hic dicuntur de constituendo syndico, qui non sit monachus, intelliguntur de honestate, non de necessitate. glos. hic. A qua honestate etiam excusantur, propter defectum facultatum in exhibendo salarium. glos. in d. c. quia episcopus. Et à quibus sit deputandus. not. glos. in d. c. edoceri.

ETIAM (si oportuerit) constituto illi salario.

QUIA expedit pro paruo incommodo, à strepitu causarum seruos Dei esse quietos. vt in tex. Et quoniam nemo cogitur proprijs stipendijs militare. 2. ad Corinth. cap. 1. Et dignus est operarius mercede sua. 1. ad Timoth. cap. 5. licet quisque possit remittere, quod sibi debetur, & de proprijs laboribus liberalitatem exercere. l. in re mandata. C. mand. Ideo si quis nolit gratis esse syndicus, de bonis monasterij, de cuius commodo agitur, erit ei pro sua mercede salarium constituendum. vt in tex. & c. quicunque. 12. q. 2.

Liber Primus.

Titulus XL.

DE IIS, QVAE VI METVSVE CAUSA FIUNT.

In Decretal.

Cap. 1. Perlatum.

SI quis timore mortis, postea ratum non habens, religionem profitetur, exire, & matrimonium contrahere potest.



QUIA qui proficitur aliquam religionem, intelligitur emittere vota illius religionis. c. ex parte. de regular. Et quoniam votum factum per metum, qui potest cadere in constantem virum, non tenet. c. licet. de voto; nam voluntarium militem sibi eligit Christus. c. de iudeis. dist. 45. Et bene facere nemo potest meritorie, nisi elegerit, & nisi amauerit: quod est in libera voluntate. c. ad fidem.

Yyy

23. q.

23. q. 5. nam penes voluntatem meritum consistit. 15. q. 1. c. nō est. & 10. q. 3. c. p̄sens. Et votum est res consilij, non p̄cepti. c. integritas. & ibi glos. 32. q. 1. Et quia timor mortis, qui potest cadere in constantem virum, impedit, & excludit in illo actu liberum consensum. c. cum locum. de sponsal. & l. metum. ff. de eo, quod met. caus. Ideo ubi in aliquo non fuit liber consensus à principio, nec fuit postea p̄stitus per ratihabitionem, non potest dici eum esse religionem professum; Et per consequens ex professione facta timore mortis, non redditur inhabilis ad matrimonium carnale postea contrahendum. vt in tex. & c. inter cetera. 22. q. 4. Et hæc intellige in metu humano, non in metu diuino; nam si quis timore Dei, vel timore peccatorum suorum, vel timens interitum corporis propter naufragium, vel quid simile, emisit votum, tenetur, quia talis metus non excludit consensum, sed dirigit eum, & est bonus, & appetendus. c. sicut nobis. & ibi glos. de regular.

SECVS si à principio, vel ex post facto libere consensisset.

QUIA ad obligandum vouentem ad solutionem voti, sufficit illud semel valide esse emissum. c. cum virum, & ibi glos. de regular. Et quoniam si à principio, vel ex post facto cessauerit timor mortis, & tunc quis vouerit, non potest dici propter præcedentem, vel subsequenter timorem, quod ille non habuerit in tali voto emittendo liberum consensum. c. significatum. de regular. Ideo talis vouens obligatur ex eo tempore, quo libere vouit. vt in tex. & d. c. inter cetera. Et de voti vigore, ac virtute, vide S. Tho. 2. 2. q. 88. art. 3. & Sotum de iust. & iur. lib. 7. q. 2. art. 1.

Cap. 2. Abbas.

QUI per metum amissionis patrimonij, suo beneficio renuntiat, illud repetere potest.

QUIA quæ metu, & vi fiunt, de iure debent in irritum reuocari. vt in tex. & l. 1. ff. cod. Et quoniam vitæ nostra corporalis non potest sustentari sine adiumento temporalium. c. si quis obiecerit. 1. q. 3. Ideo sicut metus mortis excusat. infr. c. cum dilectus; ita & metus amittendi bona temporalia. vt in tex. & c. presbyteros. dist. 50. Et intellige non de quibuslibet rebus, sed de illis, sine quibus vita corporis amittitur, vel patitur grauem iacturam. c. innocens. ver. quisquis. 22. q. 4. & Arist. 3. Ethic. cap. 6. & 7. Ea verò, quæ sunt facta per metum, aliqua non tenent ipso iure; aliqua tenent, sed subuenitur metum patto, & contra ea datur actio propter metum ad illa rescindenda. vt late hic per glos. & Innoc. infr. in c. ad audientiam. Vnde versus:

*Tutor, iudicium, dos, sacrum, copula, votum;
Hæc sex vi facta, de iure scias fore nullas;*

Cete-

Cetera ius patitur, sed postea restituntur. glos. hic in fin.

Sed nullus metus excusat à peccato. c. omnes. 3. q. 7. quia potius debet quis pati omnia mala, quam committere peccatum. infr. c. miseris. Hinc est, quod non est ignoscendum mulieri, quæ prætextu paupertatis turpem vitam elegit. l. palam. ff. de ritu nupt. nam omne peccatum mortale meretur poenam æternam. c. non potest. de poenit. dist. 1. Et quia anima est pretiosior corpore. c. cum sit. de ætat. & qual. ord. Ideo imminente metu mortis, debet potius quis eligere mortem corporis temporalem, quam animæ mortem æternam. c. admonere. 3. q. 2.

Cap. 3. Ad aures.

QVI terróre laicorum electioni de se facta renunciat, regimini, ad quod electus erat, præfici poterit.

QUIA ea, quæ requirunt liberam voluntatem, (ut sunt electiones) in contrahendo. c. ubi. de elect. in 8. requirunt illam liberam etiam in dissolviendo. l. ab emptione. ff. de pact. Omnis enim res, per quascunque causas nascitur, per easdem dissolvitur. c. 1. infr. de reg. iur. Et quoniam voluntas coacta non est libera voluntas. infr. c. cum dilectus. licet sit voluntas. c. merito. 13. q. 1. Ideo metus in spiritualibus, in quibus requiritur libera voluntas, ut est in electione, siue sit in consequendo, siue in dimittendo, vitiat ipsum actum. ut in tex. & Clem. multo rum. 6. san. de poenis. An verò talis renunciatio sit nulla ipso iure, vel sit rescindenda actione, quod metus causa, aut iudicis officio; dic. quod sit nulla ipso iure, ut late hic per Butri. Et sic ad beneficium ita renuntiatum ille erit admittendus ex iure antiquo, absque eo, ut indigeat nouo. Butr. hic.

SI renunciatio iuramento, vel fide firmata non fit.

QUIA iuramentum semper est seruandum; dummodo in eius obseruatione periculum animæ non vergat. c. cum quidam. de iureiur. Et fides præstita hic iuramento æquiparatur. Butr. hic. nu. 3. Et quoniam iuramentum de renunciando beneficium, potest seruari sine interitu salutis æternæ. glos. hic, & infr. c. cum dilectus. Ideo qui propter metum renuntiavit, si renunciationem illam iuramento confirmavit, ius, quod super illo beneficio habebat, amisit. ut in tex. & infr. c. sequen. Poterit tamen à tali iuramento absolui. c. si verò. de iureiur. Et ex nouo iure poterit beneficium illud obtinere. c. inter. de renunt.

Cap. 4. Ad audientiam.

QVI per metum, qui cadere potuit in constantem virum, beneficio suo renunciare iuravit, & renunciauit, illud repetere poterit.

Yyy 2

Quia

QU^{IA} iuramentum non extenditur ad ea , super quibus non est præstium. c. ad nostram. de iureiur. Et quoniam qui iuravit renuntiare , non iuravit non repetere . vt in tex. Ideo ex quo talis adimpleuit iuramentum renuntiando, potèrit vti iure suo ad beneficiũ repetendum, per actionem, quod metus causa, ex quo per metum , qui solet excusare quemcunque, renunciauit. vt in tex. & supr. c. prox. Ea enim, quæ vi, metusue causa fiunt, carere debent robore firmitatis. vt in tex. & l. metum. ff. eod. Sed quid, si iurasset non repetere? Respond. quod tunc non repeteret. c. si verò. de iureiur. & l. i. c. si aduers. vend. Tamen ille, non obstante iuramento, posset hoc denuntiare Papæ. c. quemadmodum. de iureiur. Et verisimiliter Papa ex officio suo mandaret illum restitui. d. c. ad nostram. Et illi concederet absolutionem à iuramento, sicut fit in vsuris , ad quas per iuramentum quis se adstrinxit . c. i. de iureiuran.

Cap. 5. Sacris .

EXCOMMUNICATVS non est, qui absolute coactus excommunicato communicat .

QU^{IA} absoluta coactio est, cuius principium extrinsecus est , nihilq. ad id confert ille, qui cogitur. Arist. 3. Ethic. cap. 1. puta , si quis inuitus trahatur in ecclesiam ad audiendam missam excommunicati, vel cum excommunicatis ibi existentibus, & non permittatur inde exire , & similia. Butr. hic . Et quoniam talis magis dicitur pati, quam agere. vt in tex. Et virtus circa affectus, actionesq. versatur; in spontaneisq. laudes, & vituperationes ; in inuitis venia , & interdum etiam misericordia existit. Arist. d. cap. 1. Vnde peccatum est adeo voluntarium, vt si non est voluntarium, non sit peccatum. c. merito. & c. non est. 15. q. 1. Et quia excommunicatio non fertur , nisi pro peccato mortali. c. nemo. & c. nullus . 11. q. 3. nam per excommunicationem iudex ecclesiasticus excommunicatos excludit à regno quodammodo ; vnde cum non debeat excludere , nisi indignos ; nec aliquis reddatur indignus, nisi per peccatum mortale charitatem amiserit, quæ est viaducens ad regnum ; ideo nullus excommunicari debet, nisi pro peccato mortali . S. Thom. par. 3. q. 21. art. 3. in addit. Et sic is, qui communicat excommunicatis inuitus, per absolutam coactionem adstrictus , cum non præstet suum consensum in tali actu, non peccat, & per consequens excommunicationem non incurrit. vt in tex. & c. presbyteros. dist. 30.

SECVS, si coactio fuit conditionalis .

QU^{IA} coactio conditionalis est, cuius principium impellens est ab extra ante tempus operationis , sed tempore operationis est ab intra in operante , sicut qui pro alleuianda naui eiecit merces; hic simpliciter

pliciter non vult, sed præcedente causa impellente, hoc est, periculo, pro tunc vult, vt saluet vitam, & peius euitet; vel si timens tyrannum, ne inferat mortem suis parentibus, agit, quod vult ipse tyrannus. Arist. d. cap. 1. Et quoniam licet istæ actiones sint mixtæ, spontaneis tamen magis sunt similes; quippe cum eligendæ sint tunc, cum aguntur. Arist. ibidem. Vnde dicitur, quod coacta voluntas, voluntas est. d. c. merito. Et quia potius quis debet mori, quam committere peccatum mortale. vt not. supr. in c. abbas. Et nullus metus excusat à peccato. c. omnes. 32. q. 7. Ideo talis, sic conditionaliter coactus communicans excommunicato, non excusatur, licet talis metus attenuet culpam. vt in tex. & c. in primis. 1. q. 1. Cum enim huiusmodi actiones sint mixtæ inter spontaneas, & violentas, sicut ex eo, quod sunt spontaneæ merentur laudem, vel vituperationem; ita ex eo, quod sunt violentæ, merentur veniam, & misericordiam. Arist. d. c. 1. lib. 3. Ethic.

Cap. 6. Cum dilectus.

M E T V M passo non subuenitur, si non fuit talis, qui cadere potuit in constantem virum.

QUIA iura ponderant gestus hominum voluntarios, vel inuoluntarios, per respectum ad virtuosos, non per respectum ad vitiosos, & in virtute defectiuos. Arist. lib. 3. Ethic. cap. 1. Ideo non ponderant inuoluntarie gestum ab insipiente, quod voluntarie esset gestu à sapiente. vt in tex. & l. metum. ff. eod. Et similiter, vt gesta retractentur propter dolum, oportet dolum esse magnæ caliditatis, qui verisimiliter deciperet etiam sapientem, non autem sufficit dolus, qui caderet in supinum, & non sapientem. Burr. hic. Qualis autem metus, & dolus dicatur cadere in virum constantem, & sapientem, relinquendum est arbitrio iudicis, attenda qualitate personarum, & facti. gloss. hic. ver. metum. & l. 3. ff. ex quib. caus. maior. Et regulariter quis metus excuset, dic, vt per hos versus.

Excusat carcer, status, & mors, verbera, stuprum,

Excusare metus hos posse, puta quia nescis,

Stupri, sine status, verberis, atque necis. d. gloss. hic.

Illi verò, qui aliquid egit per minorem metum, licet non competat actio, quod metus causa, subuenitur tamen ei per iudicis officium. l. non est verisimile. §. fin. ff. de eo, quod met. Vel prouidetur per constitutiones principum. l. penult. & fin. C. eod. & l. illicitas. ff. de offic. præsid. Vel per responsa, siue interpretationem prudentum. l. medicus. ff. de var. & extraord. cogn. Et similiter, licet modicus dolus non sit causa retractandi gesta ad commodum facti decepti, est tamen puniendus ille dolosus. Burr. hic. In spiritualibus autem, licet dolus dederit causam contractui, non subuenitur dolum passo. c. constituit. 20. q. 3. quia non videntur

ventur decepti, qui meliorem vitam elegerunt. *glos. fin. hic. & cap. scripturaz. de voto.*

Cap. 7. Super eo.

PROBATA violentia per testes, res amissa probantur per iuramentum.

QUIA difficile est probare singula vtensilia. l. si quando, & ibi *glos. C. vnde vi.* Et quoniam violentia legitime probata facit odiosum delinquentem, & reddit fauorabilem eum, qui passus est detrimentum; & ob id operatur, vt magis ipse, quam delinquens, presumatur dicere veritatem. *glos. hic.* Ideo in odium delinquentis, & propter difficultatem probandi singulas res amissas, ius voluit fauere damnum passo, vt eius iuramento, quo ad illarum quantitatem, & qualitatem credatur. vt in *tex. & d. l. si quando. licet regulariter, vbi tractatur de praiudicio alterius, non credatur alicuius iuramento, nisi cum eo adfuerit semiplena probatio. l. in bonz fidei. C. de reb. cred.*

ET super valore rerum amissarum, taxatione iudicis premissa, & secuto petentis iuramento, fit condemnatio.

QUIA hoc iuramentum, quod a parte prestat, est de veritate. d. l. si quando. Et quoniam si iudex prius reciperet tale iuramentum, & postmodum taxaret, si taxaret in minori quantitate, quam ille iurasset, redargueret illum de periurio, quod esse non debet. *Authent. post iusiurandum, & ibi glos. C. de iudic.* Ideo iudex ante condemnationem rerum amissarum, debet secundum suum iudicium illarum rerum taxare valorem, & postmodum deferre parti iuramentum, vt iuret, an sint tanti pretij, quanti ipse taxauit. vt in *tex. & d. l. si quando.* Secus est in iuramento affectionis, nam tunc iudicis taxatio potest precedere, & sequi. l. videamus. §. iurare. ff. de in lit. iuran. quia in tali casu non redarguitur iurans de periurio, sed refranatur immoderata affectio, quam ille posset in rem suam habere. *glos. & Bart. in d. Authent.* Et in facienda hac taxatione est habenda ratio personarum, ac negotij, vt quod verisimiliter fuerit ablatum, id taxetur. vt in *tex. & l. non nunquam. ff. de iudic.*

In Sexto.

Cap. vnic. Absolutionis.

EXCOMMUNICATIONIS, suspensionis, vel interdicti absolutio, vel reuocatio per vim extorta, non tenet.

QVIA



QUIA absolutio, vel reuocatio ab his ecclesiasticis censuris, est humiliter petenda, non autem per metum illatum obtinenda. c. sententia. 11. q. 3. Et quoniam potentes, & audaces sæpe cobeant iudices, & prælatos ad absoluendum per metum, aliter quam deberent. Archid. hic. Ideo, licet regulariter gesta per metum teneant, sed sint per actionem, quod metus causa, vel per iudicis officium rescindenda. vt not. ext. in c. abbas. in odium tamen illorū, qui in contemptum clauium, & in ecclesiasticæ libertatis præiudicium sic compellebant ecclesiasticos superiores ad absoluendum, statuitur, vt talis absolutio, vel reuocatio, per vim, vel metum extorta, sit nulla ipso iure. vt in tex. & glos. ver. vacuamus.

ET extorquens excommunicatus est ipso iure.

QUIA si non punirentur delicta, cresceret audacia delinquendi. vt in tex. & c. loci. 35. q. 9. Et quoniam quis puniendus est, in quo peccauit. c. literas. ex. de temp. ordin. Ideo isti, qui delinquant in contemptum excommunicationis, ipso facto excommunicationi subiunguntur. vt in tex. Sed queritur, quomodo possit excommunicatus iterum excommunicari; nam excommunicatio ponit excommunicatum extra ecclesiam, hoc est, extra communionem fidelium. c. si quem. ext. de sent. excom. vnde si est extra per primam excommunicationem, quomodo potest poni extra per secundam? qui enim est extra ecclesiam, non potest magis poni extra illam. c. frequens. infr. de restit. spol. Respond. quod excommunicatio habet duos effectus. Primus, vt ponat excommunicatum extra ecclesiam; secundus, vt teneat eum extra illam, donec ipse fuerit absolutus. Secunda excommunicatio non potest habere primum effectum; & sic intelligitur d. c. frequens. sed habet secundum effectum; quia retinet excommunicatum extra ecclesiam, vt ei non sufficiat absolutio à prima excommunicatione, nisi illam obtrineat etiam à secunda; & sic quantum ad istum secundum effectum, potest excommunicatus iterum excommunicari. gl. in c. ita quorundā. ext. de iudicis. & in c. Engeltrudam. 3. q. 4. Et etiam magis elongatus est à suffragijs ecclesie, qui pluries est excommunicatus, quam qui semel tantum. S. Thom. par. 3. q. 22. art. 6. in addit.

DE IN INTEGRVM RESTITVTIONE.

In Decretal. Cap. I. Requisiuit.

SI in contractu venditionis, vel locationis, ecclesia fuit enormiter lesa, potest aduersus talem contractũ petere restitutionem in integrũ.



QUIA non licet episcopo, vel alteri prelato, seu beneficiato, conditionem ecclesie facere deteriore. vt in tex. & c. fraternitatem. de donat. Et quoniam aliquando contractus est initus cum ecclesia in casu licito, & cum debita solemnitate, & ipsa non est decepta ultra dimidium iusti pretij, quo casu contractus tenet, & tunc contra illum ecclesia iure communi non iuuatur. glos. penult. hic. Sed quia indecens esset, si ipsa in pretij quantitate esset enormiter lesa, vt tali contractui stare teneretur. c. delictum. de reg. iur. in 6. Ideo in huiusmodi casu ius voluit, vt ecclesie succurratur per restitutionem in integrum, sicut in simili succurritur minori. vt in tex. & c. 1. eod. in 6.

EMPTOR tamen, siue conductor, non debet fraudari in pretio suo, vel in sumptibus per eum factis.

QUIA in integrum restituere est idem, quod in pristinum statum reponere. c. fin. 2. q. 3. & l. 1. C. de sent. pass. Et quoniam indecens esset, vt ecclesia suum recuperaret, & alter defraudaretur pretio, quod soluit, & labore suo, ac sumptibus, per quos rem ecclesie bona fide reddidit meliorem. vt in tex. Ideo sicut ecclesia in damno morari non debet, ita nec in lucro, sed ex vtraque parte est facienda restitutio. glos. fin. hic. & l. vnic. C. repetund. Sed pone, quod in alienatione non fuit seruata debita forma; tamen fuit facta in casu licito, & interuenit consensus illorum, qui habent consentire, nunquid in foro anime sit tutus iste, qui habet rem sine debita solemnitate? Dicendum, quod sic; nam quo ad forum conscientie sufficit, vt contractus teneat secundum limites iuris naturalis, seu gentium; & de iure naturali, seu gentium, sufficit solus consensus, licet non fuerit seruata forma tradita a iure positivo, quia illa forma est introducta propter scandala, & deceptiones euitandas; vnde ex quo ista cessarunt, & interuenit verus consensus, satis ille est tutus quo ad Deum: Et hoc valet in omni actu, in quo est pretermissa solemnitas iuris positiui, vt in foro anime non teneatur quis sibi de hoc fa-

De in integrum restitutione.

545

hoc facere conscientiam, ex quo ibi non interuenit aliqua deceptio, & affuit consensus habentium actum de iure naturali explicare; ex quo infertur, quod in foro conscientie æquitas iuris naturalis præfertur rigori iuris positiui. Abb. hic. & Butr. in c. quia plerique. de immunit. eccles.

Cap. 2. Cum venissent.

RESTITUTVR ecclesia læsa propter negligentiam procuratoris, qui iura ecclesie non produxit.

QU^{VI}A ecclesia iure minoris debet semper illæsa seruari. supr. c. prox. Et quoniam minor non prohibetur restitui, licet indemnitate à suo tutore, vel curatore consequi possit. l. etiam. C. si tutor. vel cur. inter. Ideo ubi ecclesia fuit læsa per negligentiam procuratoris, est in optione ipsius, an velit agere contra procuratorem ad interesse, aut, an velit petere restitutionem in integrum contra tertium. vt in tex. & glos. ver. restituimus. Et hoc fauore ecclesie, nam sua interest non vexari in sumptibus, quos faceret litigando contra procuratorem. Innoc. infr. in c. fuscitata. Alij verò, qui læduntur ex dolo procuratoris, debent primò agere contra procuratorem, & si ipse non est soluendo, potest dominus in subsidium petere restitutionem in integrum. l. eleganter. §. si dolo. ff. de dolo. & l. cum mandato. ff. de minor.

Cap. 3. Auditis.

ECCLESIA læsa in probatione necessaria omissa, potest petere restitutionem in integrum, non obstante termino iuris probationis exclusiuo.

QU^{VI}A ecclesia gaudet priuilegio minoris, supr. c. 1. Et quoniam minor, etiam si quasi contumax condemnatus sit, potest in integrum restitutionis auxilium implorare. l. minor etiam. ff. de minor. Ideo, ne ecclesia propter negligentiam sui procuratoris, vel prælati, graui iactura lædatur, restituitur ad necessarias probationes facien- das, licet terminus probandi de iure communi sit elapsus. vt in tex. & infr. c. coram.

ET restitutionem petere potest non solum contra priuatum, sed etiam contra ecclesiam.

QU^{VI}A restitutio datur ecclesie læsæ. supr. c. 1. Ideo alia ecclesia, quæ non est læsa in illo articulo, non habet in eo hoc priuilegium. Abb. hic. Et etiam si tale priuilegium haberet, adhuc ecclesia læsa debet restitui, quia ubi duo pariter priuilegiati concurrunt, præfertur ille, qui certat de damno vitando. l. verum. §. fin. ff. de minor. Secus autem, quando priuilegium concurret pariter super eodem articulo in acqui-

Z z z

rendo,

rendo , vel in amittendo ex parte vtriusque , quia tunc conuassantur priuilegia , & ambo vtuntur iure communi. Authent.de sanctiss.episc.s. sed & hoc. & Bart.in Auth. quas actiones. C.de sacr. san. eccl.

Cap. 4. Ex litteris.

RESTITUTIO, *ex iusta causa, etiam maiori esse concedenda.*

QU^{VIA} restitutio in integrum est fundata super æquitate. supr. c. prox. & ibi Abb. Et quoniam ubi quis non ex culpa sua , vel ex defectu sui iuris; sed ex eo, quod fuit iuste impeditus; vel dolo aduersarij exitit circumuentus , contra eum fuit lata sententia , æquitas suadet, vt ex illa damnum reportare non debeat. l. 1. ff. ex quib. caus. maior. Ideo non solum minor , & ecclesia audiuntur indifferenter iure speciali per beneficium restitutionis , sed etiam maior , quando habet iustam causam illam petendi. vt in tex. & l. sed & si. d. tit. ex quib. caus.

DVM MODO *iusta causa petendi probetur.*

QU^{VIA} non præsumitur, quod isti maiores sint decepti, sicut facile præsumitur de minoribus propter ætatis imbecillitatem, & de ecclesia propter administrationem eius, qui non est dominus. Abb. hic. Et quoniam ubi quis non habet præsumptionem pro se, onus probandi incumbit dicenti. l. qui accusare. C. de edend. Ideo si maior pretendit ex iusta causa se esse restituendum, debet causam illam probare. vt in tex. & d. l. 1. ff. ex quib. caus. maior. Vnde respectu minoris , vel ecclesiæ, ad obtinendam restitutionem, sufficit enormis læsio , etiam si non habeant iustam causam illam petendi, puta, quia fuerunt in negligentia. supr. c. 1. & 3. sed respectu maioris requiritur, quod subest iusta causa, & quod illa probetur. vt in tex. & d. l. 1.

SI *autem non probatur plene , sed semiplene, conceditur restitutio in causa fauorabili dumtaxat.*

QU^{VIA} duo vincula magis stringunt, quam vnum. c. 1. de treug. & pac. Et quando plura tendunt ad perficiendum vnum totum, licet singula non prosint, tamen vnita iuuant. gloss. fin. in l. instrumenta. C. de probat. Et quoniam fauor causæ debet aliquid operari ad obtinendam restitutionem in integrum per maiorem. vt in tex. & d. l. 1. Ideo, sicut si plene probasset, maior ex iusta causa obtineret restitutionem in integrum etiam in casu non fauorabili, vt dictum est superius , & habetur in d. l. 1. ita semiplena probatio , & causa fauorabilis debent mouere superiorem ad illam de benignitate canonica in fauorabili casu concedendam, vt in tex. & c. cum Bertholdus. de re iudic.

Cap. 5. Tum ex litteris.

ET I A M contra sententiam Papæ restituitur ecclesia.

QU I A sententia Romanæ sedis non negatur posse in melius commutari, cum aut surreptum aliquid fuerit, aut ipsa pro consideratione ætatum, & temporum, seu grauium necessitatum dispensatiuè quicquam ordinare decreuit. vt in tex. Et secundum iura ciuilia, principes etiam contra res bis iudicatas in auditorio suo examinari restitutionem in integrum permiserunt. l. minor autem magistratus. ff. de minor. & l. r. & 2. C. si sapius restit. in integr. postul. Et quoniam a sententia Papæ non potest appellari. c. cuncta. 9. q. 3. Ideo ubi quis per sententiam Papæ, vel alterius principis supremi, prætendit se laesum, cum non habeat aduersus illam remedium ordinarium appellationis. l. 1. ff. de quib. appell. non lic. potest tentare extraordinarium remedium in integrum restitutionis. vt in tex. vel supplicationis per recursum ad eundem principem. Authent. quæ supplicatio. C. de precib. imper. offer. Supplicatio autem tunc intentatur, cum nulla causa aduersus sententiam allegatur, sed tantum innititur gratiæ, & principis benignitati. Restitutio verò petitur, ubi contra sententiam allegatur aliqua probabilis causa; puta, minor ætas, vel fauor ecclesiæ, vel quia condemnatus erat apud hostes; & non potuit comparere tempore sententiæ, vel quid simile; nam restitutio in integrum innititur iustitiæ, habet tamen annexam gratiam, & datur à iure propter causam probabilem; vn de ipsemet princeps ex causa indulsit beneficium restitutionis. vt supr. c. prox. Ideo apud eundem potest peti ista restitutio; Cum principi de honestate conueniat suas leges obseruare. l. digna vox. C. de legib. In hoc tamen casu potest etiam supplicari; sed in priori casu, ubi non prætenditur iusta causa extrinseca, non concurrat remedium restitutionis. Abb. hic; cum restitutio sit fundata super iusticia causæ. l. fin. ff. ex quib. caus. maior. & l. 1. ff. de minor.

ET causa restitutionis in integrum debet, præsentibus partibus, tractari.

QU I A merita causarum, assertionem partium panduntur. vt in tex. & l. fin. C. si per vim, vel alio mod. Et quoniam restitutio in integrum est fundata super iusticia causæ, vt dictum est superius. Et talis restitutionis petitio æquipollet appellationi. Abb. hic. Ideo sicut in causa appellationis debet hoc contestari, præsentibus partibus. c. per tuas. de appellat. & l. vnj. C. ne lic. in vna, & ead. caus. Et in omni actu, in quo vertitur interesse partis, illa est citanda, vt adsit ad dicendum ius suum. l. de vnoquoque. ff. de re iudic. ita est faciendum in hac causa restitutionis. vt in tex. sed si pars esset absens contumaciter, tunc

Z z z 2 posset

posset procedi, lite non contestata. Abb. hic. cum contumax in sui praeiudicium habeatur pro praesenti. c. causam. de dol. & contum. & Bart. in l. fin. ff. ex quib. caus. maior.

Cap. 6. Suscitata.

PETITIO restitutionis in integrum contra sententiam, suspendit regulariter executionem sententiae, in euentu istius causae restitutionis.

QU^{VI A} petitio restitutionis in integrum aequipollet appellationi. Abb. hic. Et quoniam, appellatione interposita, siue recepta siue non, dum non est refutata, medio tempore nihil est innouandum. c. venientes. de iureiur. & l. vnic. ff. nil nou. appell. interp. Ideo si militer, postulata in integrum restitutione, omnia in priori statu esse debent, donec causa restitutionis admittatur, vel refutetur. vt in tex. & l. vnic. C. de in integr. restit. postul.

FALLIT, si contra petentem restitutionem, est praesumptio malitia, quod causa differendi executionem, hoc petat.

QU^{VI A} malitia sua nemini prodesse debet. c. plerumque. de rescrip. & l. 2. ff. de dol. mal. Et quoniam si restitutionis in integrum petitio semper suspenderet sententiae executionem, saepe malitiosae interponeretur, ad subterfugiendum iusti iudicii condemnationem. c. accedens. de accusat. Ideo vbi est praesumptio, quod quis malitiosae petas in integrum restitutionem, illa petitio sententiae executionem non suspendit. vt in tex. & l. auxilium. ff. de minor.

QVO casu executio sit, praestita cautione de restituendo, si petens restitutionem, obtinebit in causa.

QU^{VI A} regulariter, ubicunque quis in dubio admittitur ad aliquid commodum, in actu admissionis debet praestare cautionem de restituendo in casu succumbentiae. l. prator. in princ. ff. de dan. infect. Et quoniam malitia, cum consistat in animo, difficile probatur. d. l. 1. de dol. Et iudex saepe posset praesumere falsum circa huiusmodi petentem. c. litteras. de praesumpt. Ideo quadam aequitate, per hanc cautionem utrique parti in tali casu dubio prouidetur, vt nec executio, quae est effectus sententiae retardetur, nec si petens restitutionem in causa praeualuerit, in vanum postea pro suarum rerum recuperatione laboret. vt in tex. & c. ecclesia. ti. 1. volu. pend.

Cap. 7. Coram.

POST peremptorium, non auditur ecclesia de iure communi.

Quia

Q VIA terminus peremptorius dicitur ille, ultra quem non dantur ulteriores dilationes. l. ad peremptorium, cum sequen. ff. de re iudic. Et quoniam istæ præscriptiones iudiciales currunt etiam contra ecclesiam, supr. c. auditis, & Abb. hic, Ideo si ecclesia non probat intra dilationem sibi peremptorie statutam, de iure communi postea ad probandum non admittitur, vt in tex. & d. c. auditis.

AUDITVR tamen per beneficium restitutionis in integrum.

Q VIA ecclesia gaudet privilegio minoris, supr. cap. 1. Et quoniam minori datur restitutio, vt audiatur, post talem terminum, l. minor etiam, ff. de minor. Ideo similiter talis restitutio est danda ecclesie istam exposcenti, vt in tex. & d. c. auditis.

Cap. 8. Constitutis

RESTITVITVR minor in eo, quod contraxit, vel omisit, si probat ex inde se læsum, & sit intra tempora restitutionis petende.

Q VIA per restitutionem in integrum ita subueniendum est minori, qui sui facilitate præsumitur deceptus, vt tamen moderatus finis, libus imponatur, & alicuius negligentia, non curriatur. c. vnic. eod. in 6. & l. fin. C. de in integr. restit. minor. Vnde ad subueniendum minori, datur ei restitutio in integrum, minor etiam, ff. de minor. Et ad evitandas lites immortales, & in odium negligentium, statuitur quadriennium ad petendam restitutionem, post minorem ætatem completam, l. fin. ff. de minor. Et quoniam ubi plura copulativa requiruntur, alterum solum præstare non sufficit, gl. in c. in alternatiuis, de reg. iur. in 6. Ideo vt minor restituatur, debet probare se læsum, se minorem esse læsum, & sui facilitate læsum, & intra quadriennium, post completam minorem ætatem hanc restitutionem postulasse, vt in tex. & d. c. auditis, in fin. ff. de minor.

Cap. 9. Causa

RESTITVITIO in integrum postulanda est ab ordinario administrationem habente.

Q VIA causa restitutionis est mixti imperij, nam expeditur iudicis officio nobili, licet ad instantiam partis, fin. & ibi Bart. C. vbi, & apud quem cogn. Nulla tamen actio competit parti ad eam petendam, sed tota pendet à iudicis officio, l. quod si minor, in fin. ff. de minor. Et quoniam iudici, qui non habet administrationem, non competunt ea, quæ sunt mixti imperij, l. imperium, ff. de iurisd. omni. iud. Ideo ordinarii non habentes administrationem, non possunt restitutionem in integrum concedere, vt in tex. & d. l. fin.

VEL

V E L à delegato ab eo.

Q V I A omnes causæ, de iure canonico, possunt delegari. *glos. in c. quod sedem. de offic. ordin.* Et quoniam qui per alium facit, per seipsum facere videtur. *l. ita autem. §. gessisse. ff. de administrat. tutor.* Ideo sicut ordinarius potest in integrum restituere, ita potest delegatus ab eo, ut in *tex.* & multo fortius delegatus à principe. *d. l. fin. C. vbi, & apud quem.* Et etiam de iure civili, huiusmodi causa favore minoris delegatur. *d. l. fin. & ibi Bart. licet regulariter ius civile causas meri, vel mixti imperij, prohibeat delegari. l. i. ff. de offic. eius.*

S I V E hac causa sit specialiter delegata, siue incidat in causa generaliter sibi commissa.

Q V I A mandatum iurisdictionale ampliatur ratione incidentiæ, quando ille, cui causa est commissa, est capax causæ incidentis. & prudentiam. *§. si vero. de offic. deleg. & l. in l. 3. col. 3. de iurisd. omn. iud.* Ideo potest delegatus cognoscere, non solum de causa specialiter sibi commissa, sed etiam de causa restitutionis, quæ incidenter venit in illa. *ut in tex. puta, Delegatus super aliquo contractu venditionis, in iudicio protulit aliquam interlocutoriam, per quam minor, vel ecclesia est lesa, potest peti ab eo restitutio in integrum, quia non petitur principaliter, sed incidenter, nam incidit in causa sibi commissa.* *Abb. hic.* Et eadem ratione idem est in mandato procuratorio, ut ratione incidentiæ extendatur ad specialiter non commissa, dummodo non sint de ijs, quæ requirunt speciale mandatum. *glos. supr. in c. suscitata. ver. postulavit.*

A B Ordinaria vero administrationem non habente, vel à delegato ab eo peti non debet.

Q V I A ordinarius non habens administrationem, vel delegatus ab eo, non habent ea, quæ sunt mixti imperij. *l. rem non nouam. C. de iudic.* Et quoniam causa restitutionis est mixti imperij, ut dictum est superius. Ideo tali ordinario non comperit hæc causa, ut in *tex.* Et per consequens non potest illam alteri delegare. *c. Daibertum. l. quæst. 7.*

N I S I veniat incidenter in causa.

Q V I A ratione incidentiæ iurisdictionis ampliatur, ut iudex possit incidenter cognoscere de causa, de qua non posset principaliter, ut dictum est superius. Ideo tales iudices possunt incidenter cognoscere etiam de causa restitutionis. *ut in tex. & l. quoties. C. de iudic.*

A R B I T E R autem de causa restitutionis non cognoscit.

Quia

QU^{IA} causa restitutionis est mixti imperij, & impartitur ex iudicis officio nobili, vt dictum est superius. Et quoniam arbitrum non habet ea, quæ sunt imperij; immo nec etiam simplicem iurisdictionem, sed solum habet quandam notionem. l. i. C. de arbitr. & l. ait prætor. ff. de re iud. Ideo de tali causa arbiter cognoscere non potest. vt in tex. & d. l. fin. C. vbi, & apud quem.

Nec potest assumi in maioribus causis.

QU^{IA} maiores causæ exigunt maiores iudices, vt in tex. Et debent tractari per eos, qui habeant potestatem iudicandi. glos. fin. & cap. fin. de transac. Et quoniam arbitri non sunt huiusmodi iudices, vt dictum est superius, & habetur in cap. per tuas. de arbitr. Ideo in matrimoniali causa, aut in liberali, vel criminali, cum maiores iudices exigantur, arbiter nequit assumi. vt in tex. & l. non distinguemus. §. Iulianus, & §. de liberali. ff. de arbitr.

Cap. 10. Beneficio.

RESTITUTIO denegata ecclesie, ulterius sibi non conceditur.

QU^{IA} sententia lata super restitutione in integrum, transit in rem iudicatam, etiam contra ecclesiam, & minorem, supr. c. coram. & l. i. C. si sep. in integr. rest. postul. Et quoniam sententia sic lata, esset ludibrio, si directe contra eam daretur restitutio. l. si prætor. ff. de iudic. & nullus esset litium finis: nam si audiretur secundo, eodem modo deberet audiri tertio, & in infinitum. Hostien. hic. Ideo sicut ecclesia, vel minor non restituitur contra quadriennium, quo debuit contra læsionem restitui. infr. c. i. in §. ita nec contra restitutionem denegatam, vt in tex. & d. l. i. C. si sæpius. in integr.

NISI ex noua causa.

QU^{IA} quæ de nouo emergunt, nouo indigent auxilio. l. de ætate. §. ex causa. ff. de interrog. ætion. Et quoniam ex noua causa potest vna res iterum peti, non obstante exceptione rei iudicatæ ex alia causa. l. cum queritur. cum seq. ff. de except. rei iud. Ideo eadem ratione potest iterum peti restitutio in integrum, ex noua causa non allegata in priori iudicio. vt in tex. & l. i. C. si sæpius in integr. restit.

RESTITUTVR tamen ad appellandū à sententia denegationis.

QU^{IA} aliud est restitui ad totam causam, aliud ad appellationem; nam in primo casu, perinde est, ac si non esset lata sententia; secundo non, quia salua manet sententia, licet appellatione suspendatur. c. venientes. de iureiur. Et restitutio in secundo casu computatur pro vna appellatione, vt non liceat tertio appellare. c. sua. de appell. & si talis restitutus non prosequatur appellationem intra terminum iuris, confirmatur

matum prior sententia. gl. in d. l. 2. C. si sepius, &c. Et quoniam per talem restitutionem non sequuntur aliqua absurda, & subuenitur ecclesie, vel minori, quibus ius regulariter restitutionem cōcedit. sup. c. 1. Ideo licet ecclesia, vel minor, non restituatur aduersus denegatam restitutionem, restituatur tamen ad appellandum aduersus illam denegationem, si fuerint negligentes in appellando. vt in tex. & d. l. 1.

In Sexto. Cap. 1. Ecclesia.

ECCLESIA post quadriennium non admittitur ad petendam restitutionem contra sententiam, vel contra factum.



QUIA ecclesia in restitutione petenda, fungitur iure minoris facti maioris. gl. 1. hic. Et quoniam minor, factus maior, non auditur post quadriennium a die maioritatis, ad petendam in integrum restitutionem. l. petendz. C. de tempor. in integr. restit. Nam ita est ei per hoc beneficium subueniendum, vt tamen lites non fiant immortales. vt not. extr. in c. constitutis. Ideo, vt ecclesia restituatur, debet intra quadriennium a tempore lēſionis petere restitutionem. vt in tex. & infr. Clēm. vnic.

NISI rationabilis aliqua causa hoc suadeat.

QUIA restitutio in integrum est fundata super æquitate, & datur a iure propter causam probabilem. c. ex litteris. extr. cod. Et quoniam esset contra æquitatem, vt ecclesia indebitè iure suo priuaretur, & alicuius dolo fraudaretur. gl. hic. vers. commentum. & c. penult. ext. de reb. eccl. non alien. Ideo, licet sit transactum quadriennium a die lēſionis, si rationabilis causa suadeat, ecclesia restituitur. vt in tex. & extr. c. tum ex litteris.

Cap. 2. Si aduersus.

ECCLESIA contra confessionem, qua læsa fuit, admittitur intra quadriennium per beneficium restitutionis in integrum, postea non.

QUIA per huiusmodi restitutionem consulitur indemnitati ecclesie, quam, æquitas non patitur, per aliquem esse læsam. extr. c. 1. Sed quoniam ita est ecclesie fauendum, vt tamen lites non fiant immortales. sup. c. prox. Ideo, si aduersus confessionem in iudicio a factam, læsa ecclesia beneficium restitutionis in integrum, intra quadriennium ab ipsius confessionis tempore computandum, petere negligenter omittat; non est (nisi aliquid rationabile appareat, quod aliud suase-

De in integrum restitutione.

1553

suaserit faciendum) ad hoc petendum ulterius admittenda. vt in tex. & arg. l. certum. §. fin. ff. de confess.

NISI per viam iuris communis.

QUIA vbi habet locum auxilium commune, non debet extraordinarium peti. l. in causz la 2. ff. de minor. Et quoniam sunt aliqui casus, in quibus confessio facta de iure communi non nocet, vt est confessio facta per errorem facti. glos. i. hic. & c. fin. extr. de confess. Ideo vbi per viam communem reuocationis erroris, quem in facto prætendit, vult aduersus suam confessionem ecclesia se innuare, hoc quandoque poterit. vt in tex. & d. c. de confess. Et sic patet, quod vna via conceditur id, quod alia prohibetur; quod videtur esse contra regulam, cum quid. infr. de reg. iur. Sed dic, quod regula procedit, quando aliquid prohibetur, habito respectu principaliter ad ipsum prohibitum; secus, si prohibitio se habet ad viam, aut modum, non autem ad rem. vt hic. glos. in d. c. cum quid.

In Clement.

Cap. vnic.

ECCLESIA probans se lãsam per lapsum temporis, ad illud tempus tantum restituitur.



QUIA qui restituitur propter lãsionem, non debet esse melioris conditionis, quam antea esset, si non fuisset lãsus. glos. in l. sed & si. §. quoties. ff. ex quib. caus. maior. Cum restitutio sit prioris status restauratio. l. quod si. §. restitutio. ff. de minor. Et quoniam si quis restitueretur ad longius tempus, quam ante lãsionem habuisset, non solum reponeretur in priori statu, sed in meliori. d. glos. in §. quoties; & sic in lucro esset, & plus haberet. glos. hic. vers. si minus. Ideo restitutio aduersus lapsum temporis, datur solum ad tantum tempus, quantum fuit tempus lãsionis, non ad longius. vt in tex. & l. nec non. §. si quis. ff. ex quib. caus. maior.

ET intra quadriennium à tempore lãsionis.

QUIA ecclesia in restitutione fungitur iure minoris. ext. c. 1. Et quoniam minor habet tantum quadriennium, post completam minoritatem, ad petendam restitutionem. l. petendz. C. de tempor. in integr. restit. Ideo similiter ecclesia debet intra quadriennium continuum, à tempore lãsionis computandum, petere restitutionem. vt in tex. & supra c. 1 in 6.

DE ALIENATIONE

iudicij mutandi causa facta.

In Dècretal. Cap. i. Ex quorundam.

*IS, in quem facta est alienatio rei, causa mutandi iudicij, conveni-
tur per rescriptum impetratum contra alienantem.*



QUIA omnibus modis debet superior providere, ne ex alieno facto cuiusquam conditio deterior fiat. l. i. ff. eod. Et fraudibus, quantum fieri potest, est obviandum. c. sedes. de rescript. Et quoniam sæpe contingebat, quod quis timens sibi controuersiam facturam super aliqua re, illam malitiosè in potentiorē alienabat, ut sic pars duriorē aduersarium litigando haberet; Ex qua alienatione etiam eludebatur rescriptum superioris, impetratum contra personam, quæ tunc possidebat, & non contra illum, cui fuit cessio facta, ut in tex. & d. l. i. Ideo, licet regulariter rescriptum non extendatur ad personam in eo non expressam, ut in c. Petro, & G. de offic. deleg. Tamen ne superioris mandatum illudatur, & ad providendum indemnitati partis aduersæ, & in odium sic malitiosè alienantium, & alienationem talem acceptantium, statuitur, ut per tale rescriptum, non solum possit conveniri alienans, sed etiam ille, in quem fuit alienatio facta, ut in tex. & l. vnic. C. eod. Vnde contra alienantem datur actio in factum ad interesse. d. l. i. & l. 3. ff. eod. Contra possidentem verò datur rei vindicatio. d. l. vnic. C. eod. Sed nota, quod tria sunt necessaria ad hoc, ut talis actio in factum habeat locum, scilicet, quod sit res alienata causa mutandi iudiciū futurū. Item, quod dolo, ut duriorē mihi constituat aduersarium. Item, quod mea interfit; alias talis actio locum non habet. gloss. hic. & gloss. in d. l. vnic. Vnde cessat hoc edictum, si quis ex necessitate alienat. l. non solum. §. si quis. ff. eod. Item si paratus est subire iudiciū, ac si possideret. l. quia etiam, in fine. ff. eod. Comperit autem hoc edictum, quando sit alienatio causa mutandi iudiciū futurū, & non illud, quod iam fit. l. ex hoc edicto. §. ait prætor. ff. eod. quia si fiat alienatio rei litigiosæ, alienans incidit in edictum de litigiosis. C. de litigiosis. l. fin. Et hoc debet fieri, libello Principi dato, & per eum reo insinuato. Authent. litigiosa. C. d. tit. Tunc enim res alienari non potest sine pœna litigiosi. l. fin. C. d. tit. & c. ecclesia. infr. ut lite pend.

Cap.

Cap 2. Ex parte.

CLERICVS, causa mutandi iudicium, non debet recipere cessionem à laico.

QU^{IA} talis cessio, siue sit vera, siue simulata, præsumitur facta in fraudem, vt aduersarius in altero iudicio magis fatigetur; & Clericus videtur illam recipere, avaritia motus, vt alienis rebus etiam illicitè potiatur. vt in tex. iuncta glos. fin. hic. Et quoniam fraus, & avaritia, præsertim à clericis sunt euitandæ. supr. c. prox. & cap. clerici 14. q. 4. Ideo vbi præsumitur, quod talis cessio fiat à laico in fraudem aduersarij, clericus debet se abstinere ab illa recipienda. vt in tex. & simile in l. 2. C. ne liceat potent. Quando autem cessio dicatur fieri in fraudem, & ex quibus coniecturis contractus præsumatur simulatus, & quo pretio sit æstimanda res litigiosa, vide hic latius per Abb. & nouissimè per Illustriss. Cardinalem Mantecam, de Ambig. & tacit. conuent. lib. 4. tit. 13. Inter laicos autem emptio litis est permissa, & eis datur actio vsque ad quantitatem daram, dum tamen non fiat in potentio-riorem, & non fiat pactum de quota litis. l. sumptus. ff. de pact. & l. 1. §. is cui. ff. de vari. & extraord. cognit.

Liber Primus. Titulus XLIII.

DE ARBITRIS.

In Decretal.

Cap. 1. Sane.

ARBITRI sunt in dispari numero assumendi.



QU^{IA} homines sunt faciles ad dissentiendum. l. item si vnus. §. principaliter. ff. eod. præsertim arbitri, qui communiter sunt compadres, & amici partium. Abb. hic. Vnde si eligerentur in pari numero, non esset de facili dare maiorem partem in sententia. d. item si vnus. Et quoniam si partes discordantes essent hiæ inde æquales, nullius laudum, siue sententia valeret. d. §. principaliter. & c. causam il. r. de offic. deleg. Ideo vt facilius causa per arbitros terminetur, illi sunt in dispari numero assumendi. vt in tex. & c. 2. cod. in 6. Non quod tunc consentire omnes, facile sit; sed quia, & si dissentiant, inuenitur pars maior, cuius arbitrio stabitur. d. §. principaliter. Sed hoc, quod dicitur, vt in dispari numero assumantur, est legis consilium, non præceptum. Abb. hic; vnde si eligantur in numero pari, tenet compro-

A a a a 2 mis-

missum, & si in laudo ferendo non conveniunt, compelluntur eligere tertium, cuius auctoritati, & dicto, erit standum. d. 5. principaliter. Etiam si ille discordet ab alijs duobus. glos. in d. 5.

ET eis discordantibus, statur sententia maioris partis.

QU^{IA} arbitria sunt redacta ad instar iudiciorum. l. 1. ff. eod. Et quoniam in iudicijs statur sententia maioris partis. cap. prudentiam. de offic. deleg. Ideo similiter standum est in arbitris. vt in tex. & l. si tres. ff. eod. quod enim sit a maiori parte, censetur factum, ab omnibus. cap. 1. de his, quæ sunt a maiori part. cap. & l. quod maior. ff. ad municip.

Cap. 2. Non sine.

NULLVM est arbitrium, seu arbitramentum, continens peccatum per partes non remissibile.

QU^{IA} inferior non potest tollere legem superioris. c. cum inferior. extr. de maior. & obed. Et quoniam si arbitrium, seu arbitramentum contineret in se peccatum, esset contra omnem legem divinam, & humanam, quæ prohibent peccata. c. erit autem lex. dist. 4. & c. qui resistit 11. q. 3. Ideo nullus arbiter, vel alius potest sustinere actum, qui in se continet peccatum. vt in tex. & c. fin. de præscript. & S. Tho. 2. 2. q. 60. art. 5. Vbi verò solum tractaretur de præiudicio partis, illa posset favori suo renunciare, & ius suum remittendo, arbitramentum teneat, vt notatur in c. si diligenti. de foro compet.

Cap. 3. Peruenit.

ARBITER assumptus in patrimoniali causa Clerici, non potest adiudicare rem Ecclesie possidendam, etiam ad vitam Clerici.

QU^{IA} huiusmodi arbitrium, ecclesie posset in posterum perniciosum existere. vt in tex. Nam occasione illius, forte iste, qui taliter possideret rem ecclesie, vellet etiam post mortem præsentis clerici illam retinere, & ita ecclesie præiudicaret, si non de iure, saltem de facto; Nam compelleretur litigare cum illo, & expensas sustinere. glos. hic. Interest enim ecclesie, ne sumptibus vexetur. l. minor. 25. annorum. ff. de minor. Et quoniam clericus non potest conditionem ecclesie facere deteriore. c. fraternitatem. de donat. nec potest alienare rem ecclesie in damnum ipsius ecclesie, vel successoris. 12. q. 2. c. sine exceptione. Ideo ipso iure tale arbitrium non tenet. vt in tex. & glos. hic. Vnde licet redditus beneficii de præsentis possint capi in solum pro debito clerici. c. peruenit. de fideiussor. non tamen potest clericus alicui assignare facultatem colligendi redditus in futurum. Butr. hic. Nec potest

potest clericus, absque auctoritate diocesani, facere compromissum, per quod sua ecclesia obligetur. c. de cetero. de transact. & cap. regenda. 10. q. 1.

Cap. 4. Dilecti.

IN mulierem singularem, tanquam in arbitratricem, compromitti non potest.

QU^{IA} regulariter foemina est remota ab omni officio publico. Bart. in l. 1. ff. de legib. & Decius in l. foeminz. ff. de reg. iur. Et intellige de officiis virilibus; nam officia non virilia; quae deferuntur in republica, tenetur mulier subire, sicut masculis de quo ramentum dicendum, ut plene not. Bart. in l. 1. C. de muner. & in quo loco mun. lib. 10. Et quoniam suscipere in se arbitrium; est officium virile. Abb. hic; nam arbitria sunt redacta ad instar iudiciorum. l. 1. ff. eod. Et quia mulier non valet iudicare. d. l. foeminz, ita nec arbitrari. ut in tex. & l. fin. C. eod. Secus dic, si fieret compromissum in mulierem, tanquam in communem amicam, & amicabilem compositricem; Nam tale compromissum potest mulier acceptare, quia coram arbitratore non est forma iudicii, sed absque tali forma amicabiliter proceditur. c. quintauallis. de iureiur. & facit hic. tex. a contrario sensu, ibi, ab omni iudiciali examine, & c. & vide Specul. eod. tit. §. 2. circa princip.

SECVS, si mulier habet alias iurisdictionem de iure communi, vel consuetudine.

QU^{IA} de similibus idem est iudicium. c. inter corporalia. de excess. praelat. Et quoniam arbitria sunt ad instar iudiciorum, ut dictum est superius. Ideo mulieri, cui per ius commune, vel per consuetudinem competit potestas iurisdictionem exercendi; similiter competit potestas arbitrium in se suscipiendi. ut in tex. & c. dilecta. de excess. praelat.

NAM tunc, etiam super temporalibus Ecclesiae, potest in eam valde compromitti.

QU^{IA} super rebus temporalibus possunt clerici, cum consensu episcopi, compromittere in laicum. infr. c. contingit, & c. exposita; nam arbiter non habet iurisdictionem, sed quandam notionem. Laic. prator. ff. de re iudic. unde per huiusmodi compromissum clerici non subijciunt se iurisdictioni laicorum. Abb. hic. nu. 8. nec persona laica est incapax arbitrij temporalium, sicut est spiritualium. d. c. contingit. Ideo sicut ceteri laici possunt esse arbitri super istis temporalibus, ita potest esse mulier habens iurisdictionem, quae in hoc officio viris comparatur. ut in tex. & d. c. exposita.

Cap.

Cap. 5. Cum tempore.

ECCLESIA exempta non potest, in praiudicium exemptionis, compromittere.

QVIA subditus non potest ledere ips. & auctoritatem superioris. c. nimis. de iurepatr. & Hostien. in sum. huius tit. §. sequitur. vers. sed nunquid vasallus. Et quoniam in privilegio exemptionis tan gicit, ne dum favor exempti, sed etiam favor ipsius superioris, qui cum ab alijs exemit, & immediate suæ iurisdictioni subiecit; unde interest sua non perdere istam immediatam subiectionem. arg. c. omnis. de pœnit. & remiss. & per compromissum posset sequi laudum contra exemptionem. Butr. hic. Ideo, licet regulariter quis possit renunciare favori pro se introducto. c. ad apostolicam. de regular. Tamen ubi renunciatio tangeret etiam interesse alterius, ut est in privilegio exemptionis, per respectum ad superiorem, privilegiatus non potest sine licentia superioris illi privilegio praiudicare. ut in tex. & c. suborta. de re iudic.

Cap. 6. Cum dilectus.

ARBITER non habet potestatem iudicandi ultra comprehensa in compromisso, ideo coram ipso non fit reconventio.

QVIA ratio finalis, quare non habet locum reconventio coram arbitro, sicut in delegato, est, quia iurisdicctio delegata est de iure; & sic merito succedit iuris dispositio edita in materia reconventionis; unde datur ibi potestas in causa reconventionis beneficio iuris. Abb. hic. nu. 6. Sed quoniam arbitrium procedit ex mero facto, & sola voluntate compromittentium. infr. c. exposita. Ideo ius ibi non supplet, nec ampliat potestatem arbitratorum. ut in tex. Sed cum procedant ex sola voluntate partium, non debet eorum potestas extendi ultra ea, quæ partes expresserunt, seu expressè voluerunt. Abb. hic. Ex quo enim partes recesserunt a dispositione iuris, relinquendo iudicem, & aduindo arbitrum, recesserunt etiam ab alia iuris dispositione, ut ius in compromisso suppleat. argum. l. fin. C. de pac. conuent. Præterea, iudex communiter aditur ab actore, unde actor eligit iudicem ordinarium, vel delegatum, reus autem necessitatur ad comparendum, quia iudicium redditur in inuitum. l. inter stipulantem §. si Scicum. ff. de verb. oblig. Unde fuit merito subueniendum ipsi reo, contractu inito, ut ex quo ab eo aliquid petitur, audiatur voleas petere ab ipso actore. Hinc dixit not. Bart. in Authent. et consequenter, in fin. C. de sent. & interlocut. omni. iud. quod coram delegato impetrato communi consensu partium, non habet locum reconventio; quia est, quod imputetur reo, quare causam reconventionis non fecit exprimi in rescripto. Et quoniam comprom-

promissum fit communi consensu partium. d.c. exposita. Ideo non debet habere locum reconuentio. vt in tex. Cum hoc casu cesset ratio, super qua fundatur reconuentio; Non enim hic actor elegit iudicem, seu arbitrum, sed actor, & reus simul. Ideo imputetur reo, quare causam suam non fecit exprimi in compromisso. Abb. hic. nu. 6. Et licet arbitria sint redacta ad instar iudiciorum. l. i. ff. eod. istud est verum regulariter, sed tamen in multis differunt, vt latè hic per Butr. & Abb.

Cap. 7. Cum olim.

Q V I per arbitrium tenetur eligere cum aliquorum consilio, tenetur illorum consilium in tractatu electionis requirere.

Q V I A ius laudi, & auctoritas arbitri commensuratur à viribus, & forma compromissi. supr. c. prox. Et quoniam qui tenetur eligere cum consilio aliquorum, per conditionem impositam à compromittentibus, si non requireret illorum consilium in tractatu electionis, non obseruaret formam compromissi. Abb. hic. Ideo habens potestatem eligendi, seu alium actum explicandi cum consilio alicuius, non valet, quod gerit, nisi prius requisierit consilium illius, vt in tex. & e. cum in veteri. de elect.

S E D sequi non adstringitur.

Q V I A necessitas requirendi consilium, non importat necessitatem illud sequendi. glos. hic. nam sufficit, quod consilium fuerit petitum, & congruo tempore expectatum, ad deliberandum postea intra se, quid magis sit faciendum. d. c. cum in veteri. Nec potest dici tale consilium superfluum, etiam si non sit de necessitate sequendum, quia potest esse vtile ad pertrahendum in suam partem, & ad facilitandam cognitionem eorum, quæ erant consideranda. arg. c. Nicena. dist. 31. & c. de quibus. dist. 20. Consensus verò, quando est habendus, ita est necessarius, quod actus habitus sine eo non tenet. c. vnic. & ibi glos. ne sed. vac. in 6. Aliquando tamen consilium ponitur pro consensu, & consensus pro consilio, quod fit improprie; sed quando sit facienda talis impropriatio verborum, est attendenda subiecta materia, ad cognoscendum, quanam significatio istorum verborum magis adaptetur. Host. & Abb. hic. Et quoniam auctoritas arbitri commensuratur à forma compromissi, vt dictum est superius. Ideo ex quo arbiter requisit consilium, vt ei fuit in compromisso impositum, ad vltiora in tali actu non tenetur, & sic non debet de necessitate, consiliariorum sequi sententiam, vel eorum habere consensum, vt in tex. & c. licet. de regular.

Cap. 8. Contingit.

DE rebus spiritualibus, in laicum compromitti non potest.

QUIA spiritualia negotia tractare non debent. c. massana. de elect. ne illorum arbitrio talia disponantur, in quibus eos manet necessitas obsequendi, non auctoritas imperandi. c. bene quidem. dist. 96. Et quoniam si res spiritualis in laicum compromitteretur, ex illius iudicio videretur pendere talis rei dispositio. gl. hic. Ideo non decet, ut laicus in talibus arbitretur. ut in tex. & c. 2. de iudic.

Cap. 9. Per tuas.

AUCTORITATE iudicis causa, etiam delegati, potest de causa spirituali, in clericum, & laicum compromitti.

QUIA arbitrium de re spirituali, non est actus spiritualis. Io. An. de hic. Sed prohibetur solum laicus, quia non decet ipsum de talibus arbitrari. supr. c. prox. non ergo prohibetur ratione incapacitatis, sed ratione honestatis. Abb. hic. Et quoniam honestas satis conservatur ex mixtura clericis, in qua clericus magis dignus trahit ad se laicum minus dignum, ut sic potius res valeat, quam pereat. gl. supr. in c. prox. Ideo licet solus laicus, de honestate non possit esse arbiter de rebus spiritualibus. supr. c. prox. Clericus tamen illi associatus facit eum idoneum talis arbitrij. ut in tex. & Felin. in c. 2. col. pen. de iudic. Non tamen extendas casum huius tex. ad actum spirituale, quia in illo laicus non potest effici capax etiam per mixturam clericorum. d. c. massana. & c. sacrosancta. de elect. Sicut nec servus potest effici capax compromissi per mixturam liberi. l. Pedius. §. fin. ff. de arbit.

ET si arbitrium est à partibus receptum, debet executioni mandari, licet per generalem procuratorem factum fueris compromissum.

QUIA pars recipiendo arbitrium, videtur approbare factum procuratoris. l. cum antea. C. eod. Et quoniam ubi quis approbat aliquid gestum, illud per novum consensum incipit valere, ut ex nunc, licet ex defectu potestatis in gerente, non valuerit, ut ex tunc. l. 2. C. commun. vtr. iud. Ideo licet procurator sine speciali mandato non possit compromittere. c. qui ad agendum, & ibi gl. de procur. in 6. & l. mandato. ff. de procur. Tamen si compromissum ab eo factum, à partibus fuerit receptum, debet indistinctè mandari executioni, non habito respectu, an procurator habuerit ad hoc mandatam, vel ne. ut in tex. & l. mandato. ff. de procur. Sicut sententia lata à iudice, quantumcumque sit nulla, potest ratificari à partibus, ut habeat vim pacti ex nouo contractu. Bart. in l. vnic. C. qui pro sua iurisdic.

SI autem non fuit arbitrium approbatum, compromissum factum per generalem procuratorem non nocet.

QU^{IA} compromittens videtur quodammodo in causa transigere, vel pacisci, cum sponte, nulla necessitate coactus, promittat stare mandato arbitri. Abb. hic. in repetit. nu. 1. Et quoniam pacisci, vel transigere procurator non potest sine speciali mandato, d. c. qui ad agendum. & ibi glos. vers. pacisci. de procur. in 6. & l. mandato generali. ff. de procur. Ideo ex quo talis procurator non habet compromittendi potestatem, & pars postea arbitrium non approbavit, tale compromissum partibus non nocet. ut in text. & l. ignorantis. ff. de procur.

SE D. tunc, si fuit pena apposta, potest agi ad penam contra procuratorem.

QU^{IA} cum ex sententia arbitri actio non oriatur, ob hoc inuicem pena promittitur, ut metu eius a placitis non recedatur. l. 1. C. eod. Et quoniam procurator, qui se obtulit alienę defensionis sine sufficienti mandato, tenetur ipse ad condemnationem, non dominus. l. Plautius. ff. de procur. Ideo sicut ageretur contra dominum ad penam in compromisso appositam, si procurator haberet speciale mandatum, ita non habens mandatum est ipse conveniendus, qui illicite alienę causę se immiscuit. ut in text. & Authent. de iudic. §. quia vero. col. 6.

ALIAS ad interesse.

QU^{IA} interesse est pena respectu contravenientis. c. finem liti. de dol. & contumaci. Et quoniam ad executionem laudi est agendum metu pęne, ex quo non potest agi per aliam actionem. d. l. 1. C. eod. exceptis quibusdam casibus not. per glo. in l. 1. ff. eod. Ideo ubi quis non se obligavit in compromisso ad certam pęnam, casu, quo laudo contraveniat, intelligitur se obligasse ad interesse, cum talis conditio huic contractui tacite insit. Abb. hic. in repetit. nu. 33. & 37. & sic cum in tali casu sit obligatus procurator, ipse, & non dominus, pro tali interesse est conveniendus. ut in text. & l. stipulationes la. 1. ff. de verb. oblig.

Cap. 10. Ex parte.

SI per duos electos ad eandem pralaturam, in discordia compromittitur in ordinariam, morte alterius compromissentium expirat compromissum.

QU^{IA} compromissum non extenditur, nisi ad ea tantum, de quibus expresse in eo cautetur. supr. c. cum dilectus. & ff. eod. l. non distinguimus. §. de officio. Et quoniam per tale compromissum non cautetur, ut post mortem alterius compromissentium arbiter procedere possit,

B b b b

cum

cum, etiam si compromittentes vellent, non habeant ad hoc potestatem. Butr. hic. Ideo per tale compromissum non potest arbitri quidquam facere post mortem vnius, & dominus post mortem amborum compromittentium, ut in text. & l. si de his proferre. §. si iudex. c. quoniam. A IV

ORDINARIIV. *Stamen, ex potestate ordinaria, procedit super iure superfluitis, antequam fiat transitus ad aliam electionem.*

QU^{IA} data validitate prioris electionis, non valet secunda. c. 6. consideramus de elect. Et quoniam ad ordinarium spectat providere, ne quis indebitè in eius diocesi beneficium obtineat. c. 1. de offic. ord. Ideo, pendente electione illius superfluitis, non est alia electio celebranda. ut in text. & c. 1. & 2. ut lit. pend. in 8. Debet ergo electio prior reprobari, antequam fiat transitus ad secundam. c. post electionem, in fin. de concess. præb. & c. auditis. de elect. A IV

Cap. 11. Expofita.

ARBITER. *post rem iudicatam super discordiis novis, assumptus, non potest per suum arbitrium sententiam immutare.*

QU^{IA} transactio, siue compositio, fieri debet de re dubia, & lite incerta. l. 1. ff. de transact. Et quoniam res iudicata facit ius inter partes, & per eam constat, ad quom res pertineat, & definitur, quæ eras. c. cum inter de res iud. in dno super l. i. decisus per sententiam, quæ transiit in rem iudicatam, transigi, siue compromitti non potest. ut in text. & l. si causa. C. de transact. Præterea, arbitrium non extenditur, nisi ad ea, de quibus cogitatum est, & expressum in compromisso. supr. c. cum dilectus. Et quoniam hic non fuit compromissum super rebus decis per sententiam, sed super discordiis novis, ortis, glof. hic. Ideo non debuit iste arbitri extendere manum ad non comprehensa in compromisso. ut in text. & l. non distinguemus. §. quantum. ff. de recept. arbit.

ETIAM, *si de componendo inter partes, mandatum acceperit à Papa.*

QU^{IA} per huiusmodi mandatum Papa non intendit immutare ipsam sententiam, vel sopitas per eam querimoniae suscitare, sed mouer ortas terminare. ut in text. Et quoniam mandatum non est extendendum ultra intentionem mandantis. cap. licet. de offic. ordin. & cap. petitio. de procur. Ideo per hæc verba generalia, de componendo inter partes, non habet arbitri potestatem à Papa retractandi sententiam,

tiam, quæ in rem iudicatam transiit, ut in t. ex. in generali enim sententia non veniunt ea, quæ in specie non fuisset quis verisimiliter concessurus. c. in generali. de reg. iur. in 6.

Cap. 12. Innotuit.

NON valet compromissum factum in duos, seu plures, hoc adiecto, ut in casu discordia eligatur tertius per eosdem, vel alios.

QUANDO partes dant potestatem iudicibus delegatis, vel arbitris, seu alijs, eligendi tertium in casu discordia, tunc res possunt esse sine exitu; Nam si arbitri non concordarent, non posset iudex compellere istos, quibus est data potestas eligendi tertium, quia cum illi fungantur iure partium, sicut partes non possent ab initio compelli ad compromittendum, ut in l. 3. ff. eod. ita nec isti, qui funguntur iure partium, compelli possunt, arg. cap. ecclesia. ut lit. pend. Et quoniam curandum est, ut lites amputentur, & quam citius commode fieri potest, terminentur, non autem quod fiant immortales, & discordia ex discordia oriatur. c. finem. de dol. & contum. Ideo ne partes, vigore huiusmodi compromissi, contingeret diutius litigare, voluit lex à principio providere, statuendo, ut tale compromissum non valeat, ut in t. ex. & l. item si vnus. §. si in duos. ff. eod. Nam melius est ante tempus occurrere, quam post causam vulneratam remedium querere. l. fin. C. in quib. caus. in integr. rest. non est neces. Et quod infirmari, vel vituperari potest, precauendum est. cap. 1. de seru. non ordin. Sed quando compromissum est factum simpliciter in duos, non potest res esse sine exitu, quia si duo discordarent in ferenda sententia, iudex teneretur compellere arbitros ad eligendum tertium. c. cum speciali, de appell. & d. l. item si vnus. §. principaliter. Præterea, in primo casu, quibus est data potestas eligendi tertium, habeant hanc potestatem à partibus, presumendum est, quod inducerentur ad eligendum gratum partibus; Et cum voluntates partium sint discordes, quia quilibet pars vellet habere tertium sibi gratum, de facili isti non concordarent in electione tertij; sed in secundo casu iudex habet potestatem compellendi arbitros à iure; unde presumitur, quod tam ipse, quam arbitri exequeretur officium suum laudabiliter in electione tertij, ut infr. c. prox. & glossa in d. §. principaliter.

Cap. 13. Cum a nobis.

V A L E T compromissum factum in unum, vel in plures, ut ipsi per se causam definiant, vel per alios, quos ipsi elegerint.

QU^{IA} cum arbitri, si nolunt per se causam definire, debeant in hoc casu eligere alios ab initio, qui illam terminent, cessat ratio inconuenientiz, ne, post longum tempus litigij, res sit futura sine exitu, prout esset in casu. c. prox. præcedentis, quando, scilicet, fieret compromissum, ut arbitri eligerent tertium in casu discordiz inter ipsos. Abb. hic, & supr. in c. prox. nu. 8. Ideo cum hic non sit periculum, ut discordia addatur discordiz, cessat illud malum fundamentum longitudinis litis, quod videbatur obstarè, & poterunt arbitri ab initio causæ, antequam per ipsos illa examinetur, alios ad eam deputare. ut in tex. & l. non distinguemus. §. quæsitum. ff. eod. Vel dic, quod per hoc cap. intelligitur, quando partes dant potestatem eligendi incertum arbitratorem, & amicabilem compositorem, qui facilius admittitur, & in eius electione facilius concordabitur, quam in electione incerti arbitri; quia si dictum arbitratoris est iniquum, redigitur ad arbitrium boni viri, & sic non potest multum offendere. l. societatem. §. arbitriorum. ff. pro soc. Sed cap. proximè præcedens loquitur de electione incerti arbitri, in quem difficilius concordabitur, quia eius arbitrium, & laudum, siue sit æquum, siue iniquum, tenet, & ei est parendum. d. §. arbitriorum; quod intellige, dummodo non sit dolosum, vel contra leges. c. examinata. de confir. vtil. vel inutil.

Cap. 14. Compromissum.

COMPROMISSUM, ante sententiam latam, finitur morte alterius compromittentium, unde non transit in hæredes compromittentium, nisi de eis sit cautum in compromisso.

QU^{IA} arbitria sunt stricti iuris. glos. hic. & compromissum non extenditur nisi ad ea tantum, de quibus in eo expressè cauetur. supr. c. cum dilectus. & l. non distinguemus. §. ex officio. ff. eod. Et quoniam arbitri communiter eliguntur amici, & compromittentes recesserunt à iudice ordinario propter confidentiam specialem, quam habent in arbitris, in quos compromiserunt, quæ ratio non vendicat sibi locum in hærede; Nam hæres quandoque non est ita amicus, vel notus arbitro, sicut erat defunctus. Abb. hic. Et facit propter eandem rationem, quod in simili dicitur de executoribus testamentorum, quorum officium iniunctum non transit ad hæredes. ut not. glos. in c. fin. de testam. in 6. Ideo cum arbitri fuerint assumpti sub specie amicitiz, & confidentiz personalis, non debet compromissum, ante sententiam latam, transire ad hæredem, de quo in compromisso cautum non fuit. ut in tex. & d. l. non distinguemus. §. quæsitum. Sed si sententia, vel laudum esset latum ante mortem vnius, vel amborum compromittentium, licet non sit mandatum executioni, nihilominus transit in hæredem. l. quamuis. & l. diem proferre. §. 2. ff. eod. Nam, ex quo fuit lata sententia ante
illo.

illorum mortem, cessat ratio, vt hæres possit propter diffidentiam grauari, vt dictum est superius, & not. supr. in c. ex parte. Vnde nota, quod natura compromissi tenet medium inter naturam societatis, & iudicij; Nam societas nunquam transit in hæredem, etiam si fuit dictum, quod transiret, licet hæres teneatur ad reddendam rationem, & ad alia accessoria ad societatem, vt in l. nemo potest. & l. cum duobus. ff. pro Soc. Iudicium autem transit in hæredem, licet non sit dictum, quod transiret, vt patet in c. præsentata. de testam. & in l. oratione. ff. de feri. & l. vnic. C. ne ex delict. defunct. Compromissum vero non transit in hæredem, nisi sit dictum. vt in tex. & l. sed, & interpellatur. §. fin. ff. eod.

In Sexto.

Cap. 1. Si ex tribus.

§ I ex tribus arbitris duo concordant in summa, tenet illorum sententia.



QUIA arbitria sunt redacta ad instar iudiciorum. l. 1. ff. eod. Et quoniam in iudicijs, quod fit à maiori parte iudicum, censetur factum ab omnibus iudicibus. c. prudentiam. extr. de offic. deleg. Ideo similiter standum est maiori parti arbitratorum, vt si sint tres, sufficiat concors laudum, siue sententia duorum. vt in tex. & extr. cap. 1.

§ I omnes concordant, tenet sententia de summa minori.

QUIA maior numerus includit in se minorem. c. plus semper. infr. de reg. iur. & l. 3. ff. de adim. legat. Et quoniam, vbi verba sunt diuersa, si fieri potest, reducenda sunt ad consonantiam communem, præsertim ad actum sustinendum, vt potius valeat, quam pereat. Gem. hic. nu. 3. Ideo licet arbitri sententiantes in summa diuersa, non conueniant per expressam, & explicitam sententiam in eadem summa minori, conueniunt tamen in ea implicite, & consecutiue per naturam rei, in qua d. summa continetur. vt in tex. & arg. c. si quis dederit. 24. q. 1.

Cap. 2. Vt quæstionibus.

§ I ex tribus arbitris vnus nolit, examinando, vel definiendo, negotio interesse, duo procedere poterunt, ac si ille præsens esset.

QUIA si omnium arbitratorum esset necessario habendus assensus, & expectanda præsentia, quæstiones, propter eorum voluntariam, seu maliciosam absentiam, plerumque manerent indecise. vt in

ut in tex. Et quoniam superiores debent providere, ut, quam citius commode fieri potest, finis litibus imponatur. c. finem. de dol. & contum. Ideo licet de iure civili duo arbitri, absente tertio, quamvis fuerit requisitus, procedere non possint, nisi dictum fuisset in compromisso, quod, si unus eorum interesse non posset, alij duo in causa procedere valeant. l. si in tres. ff. eod. de iure tamen canonico, ut litibus finis celerius imponatur, statuitur, ut duo arbitri procedere possint, requisito tertio, & venire nolente. ut in tex. & supr. c. prox. Lex autem civilis requirebat presentiam tertij, & volebat, quod eius contradictio non noceret, sed absentia sic, quia si ille fuisset presentis, forsitan traxisset alios in suam partem. d. l. si in tres, & facit c. Nicena. dist. 31. Et est simile, cum dicimus, quod quando quis tenetur consilium requirere, non tenetur illud sequi. ut notatur. extr. in c. cum olim. Et sic in electionibus plus nocet contemptus, quam contradictio. c. venerabilem, & c. bonæ il 2. extr. de elect. Sed decretalis ista voluit fingere illum presentem, & contradicentem, ex consideratione æquitatis, ut litibus citius finis imponatur. ut in tex. ex quo si fuisset presentis, & contradixisset, adhuc aliorum duorum laudum teneret. supr. c. prox. Et sic diverso respectu fuit utriusque iuris bona consideratio; Et est simile, quod notatur in c. cum contingat. extr. de iureiur. & c. fin. de prescript. Sed queritur, quando lex civilis contradicit Canoni, vel è contra, in foro sæculari cui sit standum? Distingue, quod, aut loquimur in spiritualibus, & pertinentibus ad fidem, & ubique stamus canoni, c. Ecclesia Sanctæ Mariæ. extr. de constitut. Aut loquimur in temporalibus, & tunc, aut in terris subiectis ecclesiæ, & sine dubio stamus Decretalibus. Franc. hic. Aut in terris subiectis Imperio, & tunc, aut servare legem est inducere peccatum, ut ut quod præscribat possessor malæ fidei, & tunc stamus canonibus. gloss. in c. 2. infr. de reg. iur. Aut non inducit peccatum, & tunc in talibus terris stamus legi. ut extr. qui fil. sint legit. c. per venerabilem, & gloss. hic. vers. lex. Et Bart. in l. privilegia. C. de Sacr. sanct. eccles. Quando vero discordant canones, & dicta sanctorum, potius iudicandum est secundum canonem, quam secundum dicta sanctorum, nisi illa sint fundata in nouo, vel veteri testamento. gloss. in c. de libellis. dist. 20.

CIRCA iudices autem antiqua iura seruentur.

QUIA iudices maiori maturitate creantur, quam arbitri. c. statutum. supr. de rescript. Et quoniam lex sicut ex causa potest mutari, ita non est sine causa varianda, c. erit autem lex. dist. 4. & c. non debet. extr. de consang. & affinit. Ideo circa iudices cum fuerint antiqua iura sufficienter statuta, non immutantur, sicut supplentur ea, quæ non ita completè disponebant circa arbitros. ut in tex. Præterea, in iudiciis rigor attenditur, quia elementiores lege esse non debent. Authent. de iudic. §. oportet. coll. 6. Arbitri autem pronunciant, prout

ipsis

ipsis videtur, & plerunque eliguntur amici, & possunt esse viles. extr. c. compromissum. Ideo ius magis circa illos providere, & considerare voluit, quam circa iudices, quibus sufficenter per alia iura est provisum. ut in tex. & glos. fin. hic. Quæ autem sint iura antiqua disponentia de iudicibus, circa eorum facultatem in pronuntiando, latè enumerantur hic per glos. & not. in c. prudentiam. extr. de offic. deleg.

Finis Primi Libri Rationalis Iuris Pontificij,

Auctore Ioanne Baptista Viuiano.

Ad laudem omnipotentis Dei, Patris, & Filij,
& Spiritus sancti. Amen.

R E G E S T V M .

†††† ABCDEFGHIKLMNOPQRSTVXYZ

Aa Bb Cc Dd Ee Ff Gg Hh Ii Kk Ll Mm Nn Oo Pp Qq Rr Ss
Tt Vv Xx Yy Zz

Aaa Bbb Ccc Ddd Eee Fff Ggg Hhh Iii Kkk Lll Mmm Nnn Ooo
Ppp Qqq Rrr Sss Ttt Vvv Xxx Yyy Zzz

Aaaa Bbbb

Omnia sunt integra folia.



1871
The following is a list of the names of the persons who have been elected to the office of Justice of the Peace for the year 1871, in the several townships of the County of York, Ontario.

Justice of the Peace for the Township of York.

Justice of the Peace for the Township of York.

Justice of the Peace for the Township of York.

Justice of the Peace for the Township of York.

RETURN

of the names of the persons who have been elected to the office of Justice of the Peace for the year 1871, in the several townships of the County of York, Ontario.

Justice of the Peace for the Township of York.

Justice of the Peace for the Township of York.

Justice of the Peace for the Township of York.

Justice of the Peace for the Township of York.

Justice of the Peace for the Township of York.

Justice of the Peace for the Township of York.

3.50

